



NICOLAI SCHMITTH E SOC. JESU,
IMPERATORES
O T T O M A N I C I
A C A P T A
CONSTANTINOPOLI,
C U M E P I T O M E
PRINCIPUM TURCARUM.
T O M U S I.

IMPERATORES OTTOMANICI

A C A P T A
CONSTANTINOPOLI,
C U M E P I T O M E
P R I N C I P U M
T U R C A R U M.

A P. NICOLAO SCHMITTH,
E SOCIETATE JESU

C O N C I N N A T I.

T O M U S P R I M U S.



T Y R N A V I Æ,

T Y P I S A C A D E M I C I S S O C I E T A T I S J E S U ,
A N N O M D C C L X.

D U M
A S S E R T I O N E S
E X
UNIVERSA PHILOSOPHIA
I N A L M A ,
A C
C E L E B E R R I M A
ARCHI EPISCOPALI
S O C I E T A T I S J E S U
UNIVERSITATE TYRNAVIENSI

*Anno Salutis M. DCC. LXI. Mense Augusto, die
publice propugnaret*

ILLUSTRISSIMUS, REVERENDUS, AC PERDOCTUS DOMINUS

FRANCISCUS DE PAULA L. B. DE RÉVA, Perpetuus in Sklabina,
& Platnicza, Ung. e Com. Thurocz. AA. LL. & Philos. Baccalaureus, ejus-
demque pro suprema Laurea Candidatus, Semin. Mariano-Szelepcséniani
Convictor, Archi-Dioc. Strigonienfis.

E X P R Æ L E C T I O N I B U S

A. R. P. LADISLAI HEGEDŰS, e Soc. Jesu, AA. LL.
& Philos. Doctoris, ejusdemque Prof. Publ. Ord.

A. R. P. MICHAELIS HORVÁTH, e Soc. Jesu, AA.
LL. & Philos. Doctoris, Ethices Profess. Publ. Ord.

A. R. P. JOSEPHI KENYERES, e Soc. Jesu, AA.
LL. & Philos. Doctoris, Matheseos Prof. Publ. Ord.

A U D I T O R I B U S O B L A T I

CELSISSIMO
S. R. I. PRINCIPI
PAULO
ANTONIO
ESZTERHÁZI

DE GALANTHA,
AUREI VELLERIS EQUITI,
PERPETUO COMITI IN FRAKNO,

Incltyti Comitatus Soproniensis Supremo,
ac Perpetuo Comiti, utriusque Sacræ Cæsareæ, &
Regiæ Apostolicæ Majestatis Consiliario Actuali Intimo, Generali
Campi Mareschallo, unius Regiminis Equestris Ordinis Hungarici
Colonello, nec non Cubiculariorum Regalium per Hungariam
Magistro, &c. &c.

M E C Œ N A T I

A C

P A T R O N O

B E N I G N I S S I M O.


C E L S I S S I M E

S. R. I.

PRINCEPS,

MECÆNAS & PATRONE

B E N I G N I S S I M E !



*N*dulgebis, opinor, pro TUA Facilitate, CELSISSIME PRINCEPS, ut me hodie potissimum præcone boni omnes exploratum intueantur, quis, quantusque semper vixeris; vixeris autem? immo hodie, Superum favore, vivas, qui Philosophicas Positiones meas vita, si ita loqui fas est, nobiliore animas, dum illas Nominis TUI amplissimis dignaris honoribus. Et quamvis Avita Excelsi animi TUI decora nemo unus facile sit, qui ignoret; jure tamen præcipuo ad me pertinere videtur, ut Majorum TUORUM, qua possum, percenseam Ornamenta; quippe, qui & omnem
a 2 pene

pene ætatem beneficentia TUA egi , Domi TUÆ Adolefcens Avorum TUORUM Ceras demiratus , ſubinde Ephæbi vice Legatum ſecutus Neapolim ; ac etiamnum jam adultior beneficiis TUIS vivam. Quamquam qui percenſebo ornamenta TUA & pulcherrima & plurima ? Majora illa ſunt , quam ut intra arctos adeo limites conſtringi queant ; ampliora , quam ut exigua hac diſtione concludantur. Ne tamen penitus taceam & gratitudo in TE mea , quam per omnem vitam profitebor , & TUA in me Pietas , Beneficentiaque exigunt.

Atque ut de Majoribus TUIS , & velideo de TE IPSO eloquar ; ſatis dixero , ſi dicam , quod ora omnium loquuntur : Majores TUOS ſemper Maximos fuiſſe ; TE vero Magnis TUIS Majoribus & Chriſtiana , ſpectatiſſimaque Pietate , & belli gloria , & pacis ſtudio , ac incredibili in omnes comitate ac manſuetudine , omnibusque virtutibus præclariffimis parem eſſe. Vivunt in TE illi , fulgent in TE ; videntur in TE dum aſpiceris , laudantur , dum laudaris : Adeo Pietatis Illorum in Superos , in Regem , in Patriam vivam fers Effigiem. Felicia ſane tempora , dum in TE ea redeunt , quibus Progenitores TUI , Magni Patriæ Patres , Numinis Maximi gloriam , Regum , ac Regni ſalutem ad inſigne Poſteritatis exemplum ſumma cum laude procurarunt. Sed hæc fortasſe non ita TIBI Uni propria ſunt ; ut non quædam etiam , univerſa ESZTORADUM Domus latiffime omnino diſſuſa , & in omni Republica mire effulgens ſibi vendicet. Sunt alia non pauca , quæ TUA Unius ſunt ante cæteros. Atque
impri-

imprimis dum DEI Immortalis gloriam pulcherrimo Majorum TUORUM exemplo auctam abs TE, amplificatamque commemoro, illam intelligo sincerissimam pietatem, qua & rebus divinis opportunitatem facis maximam, & viros provebendæ Religioni destinatos mira beneficentia complecteris. Loquuntur istud, ut ne nimium vetera præcellentis istius studii TUI adferam monumenta, loquuntur illi, quos nuper in præcipuam Principatus TUI sedem incredibili miserorum gaudio, ingenti certe omnium approbatione intulisti, TUIS ibi augendos, & ornandos beneficiis. Quis vero non prospicit, quæ inde in omne hominum genus redundatura sint commoda, qui fructus subinde consecuturi? omne certe, quod inde in miseros promanabit beneficium, TE prædicabit Authorem, TUAM Principis Pietatem celebrabit, nihilque TUIS TE Majoribus egisse minus, omni Oratore facundius, feliciusque comprobabit. Non erat TIBI satis, quod summa in egenos esses Clementia, & miseratione; ut alii item sint veluti Pietatis TUÆ simulacra, sapienter non minus, quam pie providisti.

Rei vero divinæ opportunitates, quis ita TUIS in rebus hospes esse potest, qui nesciat sumptuosissime abs TE fuisse procuratas? Enimvero etsi ipse TUÆ Modestiæ potius, quam meis in TE studiis obsecutus, silentio præteream insignes TUOS in ornandis rebus divinis conatus; illud prodigiis omni Ungaria celeberrimum Magnæ Dominæ Sacrarium, quod Paterna assiduo foves beneficentia, & ii ipsi, quorum curæ commendasti, singularem TUAM in cælum liberalitatem deprædicabunt. Atque ita existi-

mo, neminem has Gratiarum Divinarum Sedes aditurum, cui continuo in mentem non veniat: ESZTORADUM flagrantissimæ Pietati potissimum deberi, quod veneranda illa Angelorum Regi-
næ Effigies ad tantam omnium Gentium Religionem inclaruisset. Nimirum neque hic concedere Majorum TUORUM virtuti fas esse ducebas. Qui ardentissimum hunc in Magnam Ungarorum Dominam amorem ita Genti Suæ proprium effecerunt, ut merito Magni Magnæ Matris Cultores omnium ore celebrentur. Missa facio alia sanctissimi illius ardoris argumenta nunquam satis celebranda; cum eum TE esse norim, cui non laudari a factis, sed laude digna facere in votis semper fuit.

Jam TUA in Regem, in Patriam studia tanta, tam illustria sunt, ut merito dubitare possimus, an in Toga, vel Sago majora pro utriusque salute edideris facinora. Provincia, cui summa cum potestate præes, bene in se factorum non potest non meminisse. Neapolis quoque testis, in qua Legatus AUGUSTISSIMÆ DOMINÆ, quantum rebus ejus emolumentum addideris, quantamque exquisito ad omnem Pompam apparatu Nomini Hungarico pepereris gloriam, infimi juxta, ac summi grati hodie recordantur. Quantus sis AUGUSTISSIMÆ DOMINÆ Judicio, testatum ipsa fecit, quæ TE & negotiorum suorum arbitrum, & Intimorum Consiliorum consciunt esse voluit. Bello autem quanta, quam gloriose gessisti? Certe Superioris Borussia Belli sine novo dolore neque sustineremus memoriam, nisi illius felicissime confecti gloriam multa sui parte TE quoque respicere
com-

compertum haberemus. Quo vero siue gratitudinis siue laudationis genere prosequemur, singularem illum TUUM in Regem, & Patriam amorem, quo incitatus, fortissimam æque, ac florentissimam Equestrem Legionem TUIS impendiis suscitata velut cumulum ad ingentia TUA merita adjecisti? Quidni hæc aliæque comprobent priscam illam in TE ESZTORADUM vigere virtutem? quidni fortissimorum Patriæ Pugilum omni laude dignissimum esse TE æmulatorem? Quidni dignissimum Tantis Nepotem Majoribus? Ita nempe res nostræ habent, CELSISSIME PRINCEPS: Nunquam Heroum excelsæ virtutes latere possunt.

*Verum & illud, quod res meas propius attingit, palam hodie faciendum superest: Mirifica videlicet illa in clientes Benevolentia, quam, missis sexcentis aliis, in me solo, nisi summa esset, prope eras exhausturus. Gentilitia hac veluti CELSISSIMÆ DOMUS TUÆ virtute ita singulorum, aut levandis incommodis, aut commodis etiam provehendis subvenire soles, ut si alia in TE, quanquam id fieri omnino nequeat, desideraremus argumenta, hoc unum Excelso Nomini TUO ad immortalitatem transmittendo apprime suffecturum videretur. At injurius san Munificentiae TUÆ, si id silentio præteream: me nempe id prope unum, quod vivam, Genitoribus meis tribuendum perbene nosse; cætera vero vitæ melioris seu adjumenta, seu ornamenta TUÆ unius Benevolentiae semper debiturum. Quod ut pro viribus meis, quas quidem pro tantis in me beneficiis exiles esse, & prope dixero nullas, non diffiteor, magis
etiam*

*etiam magisque faciam testatum, TIBI, Inclytorum Heroum non
minori Nepoti, CELSISSIMOQUE Nomini TUO Otto-
manicam hanc Historiam, TUORUM multo & ampliorem Ge-
stis, & Illustriorem Sanguine, sacratam esse & optavi, & benignus
indulxisti. DEUS O. M. incolumem TE in seram ætatem pro
Religionis, Regis, ac Regni emolumento, Clientumque TUO-
RUM, felicitate præstet.*

ITA VOVET
CELSITUDINIS
TUÆ

Infans Client

FRANCISCUS DE PAULA L. B. DE RÉVA,



E X L O G I C A.



Idea est repræsentatio, ac imago quædam objecti. Idæ Intellectuales non distinguuntur a Perceptionibus, nisi solum ratione nostra. Illæ dnm reipsa simplices sunt, falsæ esse nequeunt. Complexæ & veræ & falsæ esse possunt. II. Judicium non componitur ex ideis attributi & subjecti, convenientiæque vel disconvenientiæ eorum; sed est actus simplex distinctus mentis, quo ea assentitur, vel dissentit; neque est actus voluntatis, verum Intellectus. III. Intellectus, quando illi solum convenientia vel disconvenientia attributi cum subjecto proponitur, non pendet a voluntate quoad speciem judicii. Quando vero & convenientia, & disconvenientia ex diversis rationibus eidem suadetur, pendet quoad speciem judicii a voluntate. Propositiones aliquid contingenter futurum enuntiantes sunt in se determinate veræ vel falsæ. IV. Datur apud homines multiplex scientia. Criterium veri cum Leibnitio recte triplex statuitur: Evidentia nempe Intellectus, evidentia sensuum, evidentia Authoritatis. V. Methodicum Cartesii dubium, seu per illud intelligatur dubium serium ac positivum, seu suspensio judicii ad tempus, non est necessarium Philosopho universim ad aquirendam scientiam: primo modo acceptum sæpius nec assumi potest.

E X M E T A P H Y S I C A.

VI. **P**ræter Omnipotentiam DEI tanquam externam rerum possibilitatem, datur earundem possibilitas etiam interna; quæ consistit in concordia attributorum essentialium. **VII.** Existentia rerum ab essentia actuali in re non distinguitur, sed sola nostra cogitatione; neque ab essentia pure possibili quoad rem; distinguitur tamen quoad statum. Omnia accidentia sunt solum modi substantiarum. Hinc nulla dantur accidentia absoluta. **VIII.** Potentia agendi convenit etiam proprie entibus creatis. Atque etiam causæ materiales proprie agunt; sed solum ut causæ instrumentales. Hæ simpliciter nequeunt agere in subjectum distans. Actiones causarum nec consistunt in entitate aliqua, nec in respectu resultante ex entitate causæ, actu primo proximo, & prima effectus existentia; sed in diversis pro diversa actionum ratione. **IX.** Creatio causis creatis nec quidem, ut instrumentalibus causis convenire potest. Neque eductio ullius entitatis ex mente scholasticorum illis est tribuenda. **X.** Mundus est ex nihilo productus a DEO in tempore; ideoque non est æternus. Habet is omnem perfectionem ad finem a DEO intentum necessariam; hinc secundum se, & in suo genere est perfectus. **XI.** Duratio est continuata & permanens rei existentia. Tempus saltem apparens & relativum est ordo & series successionum. Locus corporum internus & absolutus est spatium ab ipsis occupatum. Locus vero secundarius & relativus est certus situs & respectus corporum ad alia corpora. **XII.** Spatium omni omnino corpore destitutum vacuum dicitur. In mundo hoc non datur actu vacuum coacervatum; neque est possibile naturaliter; extraordinaria tamen DEI voluntate fieri potest, ut illud detur. Vacuum vero disseminatum multo probabilius est dari in hoc universo. **XIII.** Existentia Angelorum certa est ex Sacris Literis. Angeli tam boni, quam mali aliquid potestatis in res mundanas obtinent; inde dantur vere Energumeni, Spectra, Magiæ. **XIV.** Mentem in nobis existere, quæ sit Principium cognitionum & volitionum, certum est. Mens humana substantia mere materialis esse non potest; sed est spiritus, sive substantia excellentior omni corpore, intelligens, & volens, ac naturaliter indefectibilis immortalis. **XV.** Unio animæ cum corpore, atque commercium non recte explicatur in systemate Occasionalistarum, aut Malebranchiano per corpus, Animam & legem a DEO sibi impostam affectiones certas efficiendi in alterutro occasione affectionem alterutrius. Neque in Systemate Harmoniæ præstabilitæ Leibnitzi. Verum in hoc commercio admittendus est influxus physicus corporis in mentem, & mentis in corpus ea ratione, ut mens in corpore producat, efficiatque omnes motus voluntarios: corpus vero animam determinet ad certas affectiones aliquo modo reapse. **XVI.** Idæ innata menti neque si pro actuali rei notione sumantur, neque si per eas formæ ac imagines rerum a perceptionibus distinctæ intelligantur, admittendæ sunt. Verum Ideas omnes sibi efformat Mens ipsa partim dependenter a sensu, & phantasia, partim dependenter ab attentione, reflexione supra ideas prius habitas, consociatione, divisione, conjectura, ratiocinio. **XVII.** Mens non sentit in singulis membris, sed in solo cerebro; ac sentit impressionem in cerebro factam immediate percipiendo. Sensus communis est facultas mutationes omnium sensoriorum prout in communi quodam sensorio conveniunt, cum discretionem earum, percipiendi. Locus sensorii communis probabiliter est pars callosa cerebri. Atque in hac parte præcipua sedes est Animæ; non vero in alia; neque in toto corpore. In Anima humana extat libertas a coactione, simulque indifferentiæ. **XVIII.** Bruta vera cognoscendi facultate prædita sunt, motus suos spontaneos habent, affectibus aguntur; aliquo etiam imperfecto ratiocinio, obvia ex obviis inferendo pollent: idcirco anima spiritalis, imperfectior tamen multo ex natura sua animabus humanis, defectibilisque illis est tribuenda. **XIX.** Existentia DEI, Ejusque unius argumentis plurimis evincitur.

E X P H Y S I C A G E N E R A L I.

XX. **E**ssentia corporis physici universe spectati non potest constitui in actuali impenetrabilitate, nec in trina extensione, nec in ordine ad materiam, nec in divisibilitate, nec in mole quantitativa, nec in sensibilitate per accidens; sed essentia ejus, prout illud nobis notum est, recte videtur posse

posse constitui in eo: quod sit substantia exigens naturalem impenetrabilitatem. XXI. Principia sensibilia prima corporum sunt elementa physica; secundaria vero sunt; elementa chemica. Insensibilia denique corporum principia sunt materia prima & forma. Materia prima in sensu physico accepta sunt corpuscula exilissima, impenetrabilia, & quoad entitatem probabiliter homogenea. Forma autem ea ratione considerata apte reponitur in certa particularum combinatione, plexu, temperatione, ac motu, ex quibus diversus status sensibilis, diversæ qualitates, & operationes resultant. XXII. Quantitas corporum est ipsa actualis illorum extensio ab ipsis corporibus non nisi modaliter distincta. Vis inertiae, seu virtus quædam peculiaris innata corporibus, qua in statu motus aut quietis se continent conservare, & causis externis ex eo statu deturbare nitentibus resistant, non datur ulla. XXIII. Vis attractiva, si accipiat pro phænomeno ipso accessus ad se corporum; non recte causa effectuum statuitur; si autem pro aliqua actione causæ ignotæ; per eam non redditur causa phænomenorum, nihilque penitus explicatur; si pro vi aliqua interna & pro actione vera profecta ab illa vi; explanantur effectus per eam ita dilucide, sicut aliquando per qualitates & vires occultas explanabantur. XXIV. Gravitas corporum, quæ omnibus telluris nostræ corporibus competit; non recte explicatur per vim gravificam corporibus ex natura inditam; neque per atomos hamatas & uncinatas Gassendi e terra erumpentes; neque in sententia eorum Newtonianorum, qui contra ac Newtonus senserit, vim proprie se attrahendi corporibus tribuunt; neque per motum vorticosum materiæ cælestis ab occasu ortum; neque per pressionem rectilineam ætheris, sive a peripheria versus centrum, sive a centro versus peripheriam; adeoque per nullam materiam secundum leges nobis adhuc notas agentem. XXV. Probabile est cohesionem firmiter oriri ex contactu immediate in majusculis superficiebus molecularum varie inter se plexarum, & permixtarum, & ætheris jugi in eas pressione: Cohesionem autem fluidorum ab exili molecularum contactu, ætherisque in illas pressione. XXVI. Elasticitas corporum habetur præcipue ab æthere inter particulas corporum moderate duras, rigidas; & flexiles compressione, aut tensione constricto, tum vero cessante vi externa motu suo se partem in omnem expandere nitente. XXVII. Motus corporis est ejus de loco in locum fluxu continuo facta migratio. Motus omnis inchoati causâ vel immediata vel mediata est spiritus. Motus vero continuatus in corporibus non est vis inertiae; sed impulsus ille, qui corpora ad motum determinat, ita ut ad motum suum prosequendum corpora accepto semel impetu nulla alia causâ secunda opus habeant. XXVIII. Causâ motus fracti est major aut minor mediâ, quod corpus oblique subit, resistentia. Reflexi motus causâ non est solus ille impulsus sive impetus, quo in obicem impingit corpus; sed in perpendiculariter reflexis est sola elasticitas vel corporis impingentis, vel obicis, vel utriusque; in oblique autem reflexis elastitas & motus directus. XXIX. Communicatio motus aliis legibus peragitur in elasticis, aliis in non elasticis. Motus in corporibus nobis notis communicatur successive. Impedimenta motus præter corpora firma sunt resistentia mediâ, & attritus. Corpora gravia quaecunque ponderis ac massæ ad se invicem habeant rationem: In vacuo Boyleano pari velocitate decidunt, gravia in minoribus ad minus distantibus habendo motum suum accelerant, ut progressionem numerorum imparium ad sensum proxime æmulentur, causâ hujus accelerationis repetitur ex gravitate, & natura motus. XXX. Vires centrales dicuntur, quæ corpus in gyrum actum vel repellunt a centro motus, vel ad illud compellunt; vis centrifuga in corporibus habetur a quantitate motus ipsis a potentia movente versus certam plagam communicata. Vis vero centripeta ab obice, corpus in plagam, ad quam determinatum est, moveri prohibente, aut etiam motu suo versus centrum repellente. Ad mechanicam opus est scientia staticæ. Hæc dividitur in geostaticam & Hydrostaticam. Machinæ omnes vel pertinent ad vectem, vel ad planum inclinatum. XXXI. Fluida ponderosa premunt sibi subjectas partes æque deorsum, sursum, ac ad latera. In vasis uniformibus perpendiculariter erectis premitur tota basis a toto fluido, pars vero baseos a columna directe sibi incumbente. In differentibus vasis si fluida sint homogenea, pressio vel est in ratione altitudinum, vel basium, vel in ratione composita basium, & altitudinum. In heterogeneis spectanda est gravitas fluidorum, basis, & altitudo. Componunt se fluida tum homogenea, tum heterogenea ad æquilibrium ad diversis legibus. XXXII. In tubulis capillaribus ascensus fluidorum supra libellam videtur repeti posse ab adhæensione ad latera vitri, & minori aliqua aeris in tubulum pressione, & quadam etiam actione ætheris. Sensus vero mercurii in barometris fit per æquilibrium columellæ aeris in eandem cum mercurio basim prementis. Corpora solida, demersa in fluidum componunt se ad æquilibrium cum partem fluidi ejusdem secum gravitatis extrudunt. Hinc sunt libellæ hydrostaticæ. Ad motus intestinos pertinet rarefactio, condensatio, putrefactio, fermentatio, effervescentia, solutio, præcipitatio, fusio, incineratio &c. Rarefactio habetur ab ingressu, aut motu corpusculorum vi aliqua impulsorum, quæ suo motu moleculas a se separant, dividunt, & sic majus volumen efficiunt. Condensatio ab omni vi motuque corporum moleculas contra se invicem urgente, particulas intra se constringente. XXXIII. Calor corporum, ut est in objecto, situs est in motu celeri vibratorio in omnem partem, ac expansivo exilissimarum insensibilium partium. Frigus vero in quiete respectiva partium minimarum insensibilium corporis frigidi. Glacies non fit per particulas salinas, & nitrosas corpus glaciatum suo ingressu figentes; sed per quietem respectivam majorem molecularum se invicem contingentium. Fluiditas corporum per particulas exilissimas sphericas vel quasi sphericas, dissociatas, se non nisi in exilibus punctis contingentes. Humiditas per particulas mediocriter viscosas, & tenaces, aut etiam per particularum fluidarum aptitudinem ad subeundos poros, & adhærendum corporibus: siccitas per contraria. XXXIV. Sapor, ut est in objecto situs est in particularum præcipue salinarum corpus sapidum constituentium humore salivæ solubilem certo motu: & actione. Odor ut est in objecto, positus est in effluviis subtilissimis præcipue sulphureo mercurialibus ablatis per aerem a corporibus, quæ, ubi cum eo, tanquam vehiculo, narium cavernas subeunt, harum fibrillas nerveas variis modis impellunt, & commovent. XXXV. Sonus, ut est in corpore sonoro positus est in motu tremulo exilissimarum & insensibilium partium corporis sonori. Ut vero sonus est medio, consistit in tremulo ac oscillatorio motu aeris analogo motui tremulo corporis sonori. Propagatur sonus ea lege, ut æqualibus temporibus æqualia spatia percurrat. Magnitudo soni in ipso medio habetur a pluribus aeris particulis motu tremulo motis, & a majoribus earum vibrationibus. Echo habetur per reflexionem soni directi ab aliquo obstaculo. Augeri potest sonus condensatione aeris, radiorum sonorum reflexione, ipsorum obstaculorum egregia elasticitate. XXXVI. Lux sita est in motu rapido, & concitato, quo particule corporum subtilissimæ a centrâ ad peripheriam creberrime oscillant: Lumen non consistit in effluviis quibusdam substantialibus e corpore lucido emanantibus; sed in motu vibratorio rectilineo ætheris a vibrationibus partium exilissimarum corporis lucidi effecto. XXXVII. Diaphana corpora sunt per eam

partium dispositionem, qua luminosos pulsus per poros rectilineos aut per ipsas particulas sive immediate sive mediante æthere transmittere, atque transferre queunt. Opaca sunt, quæ hac dispositione carent. Reflexio fit ea lege, ut angulus reflexionis æqualis sit angulo incidentiæ. Hinc diversæ leges reflexionis sequuntur, tum in speculis concavis, tum convexis. Refractio fit ea ratione, ut e medio rariore in densius oblique incidendo lumen deflectat ad perpendicularum: e densiore autem in rarius veniendo a perpendicularo. Refractiones variis legibus peraguntur in vitris planis, aut convexis, aut concavis. Diffraction luminis est aberratio radiorum a linea recta circa corpora opaca. Causatur per atmosphæram corporibus circumfusam. XXXVIII. Color ut est in objecto, consistit in certa magnitudine, figura, situ, ac textura molecularum pororumque certa dispositione. Ut est in medio consistit in varia radiorum luminis vibratione, & pulsu a corporibus coloratis effecto. Color albus habetur ab omni generis radiis luminosis in oculos reflexis. Medii colores non consistunt in combinatione motus circularis particularum & motus recti. Neque in varia mixtione lucis, & umbræ. Neque in simplici radiorum reflexione; neque in particulis, quæ in se sint determinati coloris, & efficientes tantum perceptionem certi coloris: sed congrue explicantur colores hi per hoc, quod particula corporis certo modo disposita a luce incidente in proprium sibi motum oscillatorium excitentur, tum similes motus & pulsus ætheri communicent.

E X P H Y S I C A P A R T I C U L A R I.

XXXIX. **I**N Systemate Tychonico phænomena physica, & astronomica omnia explicantur, at multa faciliori via in Systemate Copernici. Planetæ omnes sunt ad sensum figuræ sphericæ. Sol constat partibus heterogeneis, potissimum tamen igneis. Cæteri planetæ sunt corpora densa, opaca, suum lumen a sole habentia. Maculæ solis sunt exhalationes illius. Maculæ perennes Lunares sunt partes Lunæ planiores reflectendo lumini minus idoneæ. Variabiles maculæ videntur esse umbræ montium. XL. Eccipsis Solis fit per interpositionem diametralem globi lunaris inter Solem ac terram, solumque in ea parte horizontis, in quam umbra, vel penumbra Lunæ incidit: neque fit nisi in novilunio. Lunæ autem eccipsis fit per hoc, quod ipsa in umbram terræ incurrat. XLI. Stellæ fixæ sunt corpora lucida soli similia, propria luce fulgentia. Asterismi nunc numerantur 76. De magnitudine, distantia, numero fixarum nihil definiri potest. Cometæ sunt probabilius stellæ errantes mundo cœvæ. Cauda cometarum sunt subtiles quædam exhalationes ex nucleo eorum per solis radios incallescere erumpentes, atque in partem a sole averfam propulsæ. Astra non influunt in sublunaria præterquam actione suæ lucis. XLII. Globus terraqueus est circumdatus Atmosphæra complectente præter aerem diversos vapores, & halitus. Causa ascensus diversorum corpusculorum in atmosphæram est ipsa impulsio & motus constans ætheris, aeris, levitas specifica molecularum attenuatarum, adhesio earum ad particulas aereas, expansio ipsarum, & majuscula superficies, ignes centrales. XLIII. Hæc atmosphæra, ac fluidum, in quo vivimus, secundum sensum vulgarem solum aer est. Purus aer est corpus a congerie vaporum & exhalationum distinctum, egregie fluidum, subtile, constanter elasticum, multum porosum, pellucens, vehementer compressibile. Aer non tantum impurus, sed & purus gravis est. Ventus est fluxus aeris concitior; causa ventorum est turbatum æquilibrium aeris, quod efficiunt: Sol sua actione, nubes præcipitatæ, effervescentes halitus, incendia, ignes subterranei, erumpentes e cavernis halitus. XLIV. Ignis elementaris est corpus subtilissimum, fluidum, per omnia diffusum ab æthere probabilius indistinctum. Vulgaris ignis est congeries particularum sulphurearum, & aliarum ab igne elementari motu vibratorio vehementer exagitatarum. Præcipuum hujus principium est sulphur. Fulmina, ut plurimum in nubibus generari solita, Fulgura, Bolides, Stellæ cadentes, trabes ignitæ, Dracones, columnæ, stipulæ, ignes fatui oriuntur ex diversis halitibus, ac particulis sulphureis, salinis, bituminosis condensatis effervescencia inflammabilibus. Tonitru est vehemens impulsus, & tremor multiplex aeris a fulmine effectus. XLV. Auroram Borealem probabilis efficiunt tenuiores quædam, ac rariores exhalationes in superiore Atmosphæra fermentantes, effervescenciaque facile inflammabiles, Iris, seu arcus coloribus prismaticis distinctus in nube rosida apparens fit per radiorum solarium refractione separatorum in oculos nostros reflexionem. XLVI. Aqua sunt corpuscula exilia majora particulis ignis elementaris, minora aereis non compressis, lævia, rotunda, rigida, figuræ suæ tenacissima; hinc secundum suas particulas probabilius nulla vi mechanica est compressibilis. Nebulæ, Nubes sunt congeries halituum, & vaporum potissimum frigore, aut aliis ex causis condensatorum. Pluvix, ros, pruina, nix, grando oriuntur maxima parte ex vaporibus collectis, diversis tamen rationibus. XLVII. Terra constat probabiliter particulis cubicis, aut ad cubum acedentibus. Figura telluris nostræ saltem ad sensum rotunda est. Hanc propius superficiem constituunt: præter aquas, terra varia, succi diversi, mineralia. Causa motuum terræ est subita vehemens inflammatio diversorum halituum sulphureorum, bituminosorum, salinorum, expansio, ac refractione ingens aeris, ac vaporum in cavernis & meatibus subterraneis. XLVIII. Electricitas corporum tum, Idioelectricorum tum symperielectricorum habetur a fluido quodam subtilissimo per omnia corpora diffuso; quod videtur esse ignis ipse elementaris particulis sulphureo-acidis permixtus, qui pro varia in corporibus dispositione ad motum effluxumque varie concitari possit. Phænomena Electricitatis utcumque explicantur per effluxum materiæ illius Electricæ, refluxumque ejus aut repulsionem. Lapidés multi magna cum metallorum parte corpora mundo cœva sunt. XLIX. Fontium diversorum diversa est origo. Alii ex pluviiis, nivibus solutis, ac vaporibus copiosis deciduis, alii ex maribus ortum suum ducunt. Aquæ salæ item minerales spirituosæ & corporeæ evadunt per particulas salium, metallorum, semi-metallorum, succorum macrorum, & pinguium abrasas, aut ope caloris, effervescenciaque solutas, & moleculis aqueis permixtas; dum per ductus salinos aut metallicos, aut alios fonticuli decurrunt. Plantarum semina probabilis efformantur in ipsis plantis. L. Animalia sunt substantiæ corpore organico vivente principioque sentiendi, appetendi, motus corporis spontaneos efficiendi præditæ. Nullum animal ut vile nascitur ex putri; sed animalia omnia oriuntur ex ovis animalium sæcundatis.

E X E T H I C A.

I. **E**thica est facultas dirigendis, & perficiendis moribus instituta, cujus ortum non ad socratem, sed ad Authorem naturæ, atque adeo ad ipsa conditi hominis initia referre debemus. **II.** Id autem disciplina hæc suis præceptionibus spectat, ut hominem ad eam, quam viribus naturæ assequi possit, beatitudinem perducatur. **III.** Hæc duplex est: alia objectiva, formalis alia. Illa neque in bonis corporis, aut fortunæ, neque in bonis animi constituti potest; **IV.** Sed in solo DEO collocari debet. **V.** Ista cognitionem DEI, & amorem complectitur. **VI.** Perfecta beatitudo in hac vita haberi nequit, sed confecto duntaxat vitæ mortalis curriculo obtingit. **VII.** Norma, ad quam actiones suas exigere debet, qui beatus esse cupit, recte constituitur in voluntate Dei necessario aliquid præcipiente, aut prohibente, prout hæc per congenitum rationis lumen nobis innotescit. **VIII.** Lex porro istius modi mutationem aut dispensationem non admittit. **IX.** Principium cognoscendi, num hæc vel illa actio sub hujus legis imperio comprehendatur, non est socialitas; **X.** Verum infinita DEI perfectio. **XI.** Officia hominis ad tria potissimum capita revocantur: ad ea scilicet, quæ DEO, quæ sibi ipsi, quæque aliis hominibus jure naturæ quisque debet. **XII.** Officia hominis erga DEUM sunt actiones ex debito conformandæ legi naturæ præcipienti Religionem erga DEUM, quantum quidem naturalibus eam viribus consequi valeamus. Porro cum actiones humanæ interiores aliæ, aliæ sint exteriores, utrisque homo DEUM religiose colat, oportet. **XIV.** Itaque tum internus tum externus DEO cultus jure naturæ debetur. **XV.** Genera autem officiorum hominis erga se ipsum tam sunt varia, quam variæ sunt partes, quibus ille componitur, & quam variæ facultates, quibus partes hominis singulæ instructæ sunt. **XVI.** Omnia tamen ad duas classes revocari possunt: ad conservationem videlicet bonorum a DEO sibi concessorum & rectum eorundem usum. **XVII.** Hinc excolendus primum intellectus, tum etiam voluntati opera commodanda. **XVIII.** Conservanda item vita, sanitas, & integritas corporis. **XVIX.** Contra nefas est se ipsum occidere, famam, & facultates projicere. **XX.** Licitum tamen est indirecta sui occisio. **XXI.** Duellum honoris tuendi causa susceptum juri naturæ omnino adversatur. **XXII.** Officia erga alium nituntur jure, quod habet ille ad assequendum finem suum. **XXIII.** Nemo igitur lædendus in vita, corpore, fama, & facultatibus. **XXIV.** Jusjurandum per se licitum est, adjectumque promissioni parit obligationem religionis. **XXV.** Mendacium, & restrictio pure mentales pugnat cum lege naturæ.

T H E O R E M A T A E X M A T H E S I.

I. **I**n proportionem Geometricam facta extremorum, & mediorum; in Arithmetica summæ æquantur. **II.** Quartus terminus æqualis est in geometrica quoto, qui oritur ex facto secundi in tertium diviso per primum; in arithmetica differentia, quæ relinquitur, si ex summa secundi ac tertii primus subtrahatur. **III.** Quadratum radices Binomiæ constat ex quadrato utriusque termini & ex facto dupli primi in secundum. **IV.** Cubus binomii componitur ex cubis utriusque termini & ex factis tripli quadrati cujusvis termini in alterum. **V.** Anguli ad verticem oppositi, alterni, externus & internus ad eandem partem sibi mutuo æquantur, interni pares sunt duobus rectis. **VI.** Omnes trianguli anguli simul efficiunt duos rectos, externus internos oppositos adæquat. **VII.** Duo Triangula sunt æqualia, si vel 1^o. habeant omnia tria latera æqualia, vel 2^o. duo latera cum angulo intercepto, vel 3^o. Unum latus cum angulis adjacentibus. **VIII.** In triangulis æquiangulis latera homologa sunt proportionalia: & si in aliquo Triangulo basi ducatur parallela, secatur latera proportionaliter. **IX.** In Triangulo rectangulo demissa ex angulo recto perpendiculari fiunt duo Triangula minora sibi & toti similia. **X.** Diameter ad chordam perpendicularis secatur eam, & arcum bifariam. **XI.** Angulus ad centrum duplus est anguli ad peripheriam. **XII.** Parallelogrammum quodvis per diagonalem dividitur in duo triangula æqualia. **XIII.** Parallelogramma, aut Triangula eandem, aut æquales bases habentia inter easdem parallelas æquantur. **XIV.** Quadratum hypethenusæ æquale est quadratis cathetorum. **XV.** Superficies Polygoni regularis æquatur Triangulo, cujus basis æqualis sit perimetro hujus polygoni, & altitudo perpendiculari. **XVI.** Circulari area est omnium Isoperimetrarum capacissima. **XVII.** Quæ Generalia Architecturæ Civilis Theoremata.

P R O B L E M A T A.


XVIII. **D**atis tribus terminis Geometrice aut Arithmetice proportionalibus quartum invenire. **XIX.** DE quadrato aut cubo perfecto radicem extrahere. **XX.** Erigere aut demittere perpendicularem; parallelam rectæ ducere. **XXI.** Rectam in duas æquales partes dividere: per tria puncta non in directum jacentia circulum describere. **XXII.** Dato arcu circulum perficere; datis tribus rectis quartam; datis duabus mediam proportionalem invenire. **XXIII.** Magnitudinem anguli polygoni cujusque, aut angulorum summam invenire. **XXIV.** Distantias locorum accessas, vel inaccesas indagare. **XXV.** Investigare aream, quam totam seu liceat, seu non liceat pertransire.

O. A. M. D. G.


FACULTAS R. P. PROVINCIALIS.



GO IGNATIUS LANGETL
Soc. Jesu per Provinciam
Austriæ Præpositus Provin-
cialis, potestate mihi facta ab
Admodum R. P. Generali
Noistro LAURENTIO RICCI, faculta-
tem concedo, ut *Imperatores Ottomanici a
capta Constantinopoli, cum Epitome Principum
Turcarum*, a P. Nicolao Schmitth e Socie-
tate Jesu concinnati, atque a tribus me-
moratæ Societatis Patribus de more revi-
si, & approbati, typis mandentur. In quo-
rum fidem manu mea subscripsi, & con-
suetum officii Sigillum appressi. Posonii
9. Martii 1760.




Idem, qui supra.



P R Æ F A T I O

A D

L E C T O R E M.



Istoriam Ottomanorum scribere ,
ac eorundem potissimum bella dicere
aggredior , qui ex Asia in Europam
transgressi , everso primum vastissimo
Græcorum Imperio , ad omnis subinde
Europæ dominationem animos adjece-

runt ; tanto quidem confidentius , quanto se validiores militum
copia , provinciarum amplitudine , armorum peritia , & quod mi-
reris , nautica re , finitimis Principibus existimarunt. Ex quo fa-
cile , opinor , intelliges , quantum sanguinis datum , haustumque
ab his Christiani orbis terroribus , quantis cladibus fatigata Europa
per tria , & amplius secula , dum dominandi libidine succensi , nunc
terra , nunc mari dimicantes , suum Imperium magnarum urbium ,
provinciarumque accessione , in immeusum auxerunt ; nondum ta-
men votorum summam consecuti. Æstuant adeo cupiditati , qui po-
tissimum populi obstiterint ? quæ vires , tantæ potentiæ nonnunquam
nervos inciderint ? quibus in locis ? quorum auspiciis , vel ductu ?
qua fortuna pugnatum ? partium securus , atque medius , narratione ,
e Scriptorum monumentis eruta , complectar.

P R Æ F A T I O

Isthoc opus molientem, amici sæpius admonuerunt: ingentis laboris, tædiique me rem suscepisse. Ottomanicum Imperium ut longe, lateque diffusum, ita frequentibus bellis, domesticis tumultibus involutum; apud alias gentes Martem peregrinari, ac bella circumferre; apud hanc unam civitate donatum, & statum armorum domicilium habere. Vix futurum, tantum otii ut aliquando nanciscar, quo infinita extera, civiliaque hæc bella, continenti narratione in unum volumen colligerem. Adhæc cogitarem etiam, atque etiam; omnium prope Europæ gentium Historiis, atque Annalibus opus esse, e quibus veluti sinceris fontibus gesta Imperatorum haurienda forent. Denique hostium Christiani nominis victorias stylo persequi, & Christianos Principes rursus in triumphum ducere; nec decori, nec utilitatis quidpiam præferre. Vereri se, ut cæpto labori unquam exitum optatum habeam.

His rationibus perstrictus prope erat, ut manum de tabula moverem, opusque rudibus lineis adumbratum damnarem. At ubi firmato ad quævis tædia animo, nihil a constantia remissi, continuo sensi amicorum anxiam sollicitudinem plus umbræ, quam solidi in medium attulisse. Quippe eam supellectilem Scriptorum in iis domiciliis A), quæ Superiorum meorum voluntate incolui, sum natus, ut eorum copia, delectuque satis instructus, scriptionis meæ argumentum prosequi valerim. Quanquam unus Sagredo B) perdiligens Scriptor rerum Ottomanicarum, quique hunc pari industria continuavit Ricautius, C) me omni cura consulendi alios, atque alios sui ævi Historicos liberassent, nisi ipsos fontes, e quibus purius rivi ducuntur, adeundi animus fuisset. Hos clarissimos Scriptores, cum minime ignorarem in omnium ore, atque manibus esse, non dubitavi eorum vestigia insistere, eaque in rem meam mutuari, quæ ad pertexendam Historiam Byzantinam, plurimum lucis adferre possent; certus me nullam injuriam hac mea scriptione facturum pulsus, aut oppressis Principibus, quod alioquin sinistri bellorum exitus publicis monumentis inserti, me etiam altum tacente, legerentur.

Imo, ut animi sensa apertius detegam, haud parvam Defensoribus Europæ, Christianæque Reipublicæ commendationem additum iri speravi; si ea publici juris iterum fierent, quæ illi tot currentibus annis adversus communem hostem susceperunt. Neque enim fortuna, campi Domina, adeo ferrea in eos fuit, ut perpetuo victi, præter *grandia busta, cineresque suorum*, nihil ab Historia expectare possint. Certe non minus forti, quam constanti manu, belli aleam frequenter jecerunt; atque ut carptim pauca expendam; vidit Turcia suas vires aliquoties accisas, cladesque cladibus cumulas, Joanne Hunniade, Mathia Corvino, aliisque rerum in Hungaria potentibus.

In-

A) Posonii, Viennæ, Tyrnaviæ. B) Joannes Sagredo, Italo sermone Historiam Turcarum e tenuibus initiis crescentium, exorsus est, & ad Ibrahimum I. perduxit. C) Ricautius Anglus, obitis legationibus Asiæ, Africæ notus, eandem continuavit.

A D L E C T O R E M.

Infudit Barbarus non semel Orientis robur in viscera Hungariæ: Budam, caput regni, obtinuit, & quo latius exporrigeret Imperium, omnia præsidia, si Comaromium demas, ingenio loci, & artis munita subegit. Firmassent suum Imperium Byzantini, nisi Reges Hungariæ incubuissent strenue, ad retrudendum intra sua latibula alienæ libertatis inuasorem, ad regnum nuper florentissimum a barbara servitute vindicandum. Quantis vero exercitibus opus erat, dum possessione diuturna dejicerentur victores? quoties aut navigiis Ister, aut equitum, peditumque legionibus Pannoniæ campi oppleti fuere; atque cæsis his ingentibus copiis, vis major undique gentium comparata, in eandem arenam, Heroum sanguine nobilem, advolavit, ut vel una Buda, altera Hungariæ Troja, non decennio, sed uno fere, & altero seculo, terra, & aquis petita, potentissimo hosti eriperetur?

Hos Regum Hungariæ conatus pulcherrimos, imitandos sibi duxit Serenissima Respublica Veneta, & jam inde a capta Constantinopoli (ruina nempe vicini parietis perculsa) in Asia juxta, atque Europa cum Ottomano, si non viribus, certe animis ex æquo decertat. Peloponnesus primum utramque gentem acri æmulatione commisit: ademptis vero armorum vi, quæ possederant in ea provincia Veneti, præsidiis, inveterata odia, parentum iræ, animique ad feros Nepotes transiverunt. Inde non interrupta serie, fatale bellum immensis curis, sumptibusque trahebatur compluribus annis. Sed nunquam luculentius orbi prodidit Respublica, quanta & constantia, & fortitudine sustinuerit Ottomanicæ potentiæ impetus, atque dum oborto Cretensi bello, quinque & viginti annos, suo plerumque ære, milite, classibus cum in Asia, tum Europa frontem obvertit, quoad exhausto ærario, deletis exercitibus, mersis classibus, necessitati ultimæ cedere coacta est.

Nobilissimi Equites A) S. Joannis Hierosolymitani ab exordio sui instituti, quoties cum barbaris manus conseruerint? quot victorias retulerint? vel compendio recitare longum foret. Id primum dictu: nullum in Asia susceptum bellum, in quo illi fortem operam non posuerint, nullam victoriam reportatam, quam illi suo sanguine non signarint. Ptolemaide, subinde Rhodo dejecti, quod Meliten Insulam, Italiæ, Siciliaque scutum, obtinuerint, beneficio Caroli V. Imperatoris debent; quod etiamnum stationem illam possideant, suæ virtuti bellicæ.


Sed non est animus hic loci catalogum texere Bulgariæ, Albanæ, Hispaniæ, Persidis, Poloniæ, Moscoviæ, earumque Gentium, quas Europæ libertas, aut studium Religionis in barbaros arma-

A) Florentissimi hujus Ordinis splendor sæpe accisus est, quando exilia complura vel invitus subiit. Ac primum communem procellam sensit, cum e Palæstina MCLXXXVII. anno, & rursus MCCXCI. Ptolemaide deportari debuit. Subinde insulam Cyprum, tum & Rhodum incoluit. Hinc quoque depulsus Melite in Insula, magno Europæ bono, ac ornamento consedit.

P R Æ F A T I O A D L E C T O R E M.

mavit. Evolventi hæc folia, fortium Principum & facta, & nomina alioquin adeo frequentia occurrent, ut facile confecturus sit, omnium Europæarum nationum, aut armis, aut pecunia, certe consiliis, animisque adlaboratum, quo præliares conatus Ottomanorum refringantur. Hæc, atque alia id genus, communi Scriptorum, & famæ commendatione olim probata, si typis exscripta de integro vulgentur, certus animi confido, adeo nulla injuria, nullo dedecore aspersum iri Christianos Principes, ut potius hac qualicunque opella mea, summas laudes a Lectore relaturi sint.

Hæc talia prolocutus, duo Te, quis quis hæc nostra in manus sumere non gravaberis, monitum volo: alterum; me minime contentum nuda locorum nomina Historiæ inseruisse, sed eorum figuram, positumque brevibus verbis ad calcem paginæ nonnunquam adjecisse. In tanta varietate Scriptorum (nam aliis, atque aliis Geographicis chartis usus fui) si quid imprudens, aut alienæ fidei confusus, alicubi errore lapsus sum, a Te gnaro videlicet ejusmodi tædio-
si laboris, condonationem flagito. Alterum; me obsidiones, expugnationes urbium, pugnas terrestres, maritimasque, nunc perbrevis, nunc uberiori stylo deduxisse, quo nimirum legentium tædia levarem. Denique addidisse me Epitomen Turcarum Principum, aliorum potius, quam mea voluntate. Plura persequi in aditu, festinatio prohibet, ut ea explicem, quæ pollicitus fui.



E P I T O M E TURCARUM PRINCIPUM ANTE CAPTAM CONSTANTINOPOLIM.



Caspiis ^{a)} faucibus evoluta gens Turcarum, parva primum manu, clandestinisque excursionibus Persiam, Arabiam invadere cœpit; tum aggregante se in spem rapinarum egentissimo quoque, eo minacior arma semel arrepta tractavit, quo magis Saracenorum vires per ea tempora mutuis dissensionibus attenuatæ fuerunt. Cum domi numero hominum, opibusque in dies cresceret, longe, lateque nominis sui terrorem diffudit, atque subactis Persarum regno, ^{b)} cui Saraceni dominabantur, Græcanici Imperii provincias, Constantino Monomacho rerum potente, justis exercitibus divexavit. Nondum tamen uni Principi paruit, sed in tribus divisa varias, variorum Ducum auspicia sequebatur. Inter hos post plures annos cum æquitate, tum armorum gloria eminebat **ORTHOGULES**, qui primus tyrannidem occupavit.

Paternis vestigiis institit non deneger filius **OTTOMANUS**. ^{c)} Pro-
 lata populatione in minorem Asiam, Ducem Andronici Palæologi Muzalonem
 fundit, agrumque Nicomediæ infestus percurrit. ^{d)} Visâ ubertate regionis,
 ac magna inprimis per hyemen temperatione cœli, bello non ante abstinuit,
 quam Prusam ^{e)} in ipsis visceribus Orientis Imperii per Orchanem filium
 suum fame in deditionem cogeret. Urbem ingressus cum victricibus copiis,
 ita militem ab injuria civium, rapinis, incendiis continuit, ut ad servandam
 civitatem, non capiendam venisse videretur. ^{f)} Eo loco potitus veluti per
 otium vicina oppida subegit, Prusamque in Regiam novi Imperii delegit.
 Majora molientem mors occupavit, postquam octo, & viginti annis rebus
 Turcarum præfuit, filio Orchane, paterni odii in Christianos, & victo-
 riarum hærede relicto. ^{g)}

A

ORCHA-

Imp. Ottom. Tom. I.

^{a)} Rem apud Historicos controversam hic nolim decidere. Opiniones variae produntur de origine Turcarum. ^{b)} Anno 1048. ^{c)} Anno 1289. Hic Ottomanus in Annalibus Turcicis Osmanes, apud Georgium Pachymere Græcum Scriptorem Atmanes legitur. ^{d)} Pachymeres I. IV. ^{e)} Prusa capta ab Ottomano 1327. Errat igitur cum multis aliis Ludovicus Tubero Dalmata, dum scribit Lib. VI. Orchanem expugnasse Prusam, eaque in urbe Regiam collocasse. ^{f)} Annales Turcici. ^{g)} Anno 1328.

ORCHANIS Principatus Nicææ Bithyniæ urbis expugnatione nobilitatus fuit. Cinxerat eam gravi obsidione, dum Andronicus Junior A) in Michaelēm Bulgarum moveret. Cum lentius procederet obsidium, quam præfervidus Orchanis ardor ferre posset, sævissima populatione Bithyniam hausit. Andronicus pace confecta cum Bulgaro, omni exercitu in Asiam trajecto, Nicæam iter acceleravit. Eam occasionem haud negligendam ratus Orchanes, relictis ad obsidionem pauculis, instructis copiis Andronico obviam procedit. Velitationibus mutuas vires experti, quas Græci plerumque secundas fecere, tandem in aciem descendunt; post atrox plurium horarum prælium, vulnus Imperatori sagitta impactum Græcis fugam, & cladem attulit. Pars Philocrenen maritimam urbem cum Andronico petiit, pars nocte ingruente conscensis navibus Byzantium trepide fugit. Direpto castrorum apparatu, Nicæam B) rediit Orchanes, quam biennio post, fame prope enectam subjugavit. Vetussti codices, sacra supellex sub hasta vendita, satis superque avaræ gentis ingluviem expleverunt. His prospere actis, Philadelphiam, & Nicomediam munitissimas urbes circumfedit. Cum cives acerrime repugnarent, & Andronicus præterea oblati muneribus amicitiam quæreretur, haud difficilis obsidionem solvit. Pax ea conditione coaruit: urbes obtinerent Turcæ, quas jure armorum occuparant: Nicomedia reducerent copias, neve oram maritimam deinceps incursarent. Sed iniquis Orchanes otium ferre non potuit. Degebant in Asia Principes Turcici sanguinis, qui nulli obnoxii, libertatem suam tuebantur. Hos Orchanes mira felicitate partim oppressit, partim provinciis ejecit. Mox turbidus in Bithyniam regressus, Byzantii capiendi consilium agitavit. Comparata clavicula, militem suum in Thraciam transvexit. Imperator, & Cantacuzenus animadverso urbis discrimine, ne terra, marique clauderentur, partiti inter se copias in Turcas feruntur. Utrique favit fortuna. Imperator mari, terra Cantacuzenus triumpharunt, C) quod oppidanos in ea rerum calamitate ingenti lætitia perfudit, quam tamen insequens annus Nicomedia capta penitus extinxit.

Multo gravior tempestas subinde Byzantinos exagitavit Andronico Imperatore fati erepto. Dum enim Anna Imperatrix, Joannis Cantacuzeni potentiam (tutor is erat impuberum filiorum Andronici) suspectam habet, clandestinisque machinationibus tutoria dignitate exuere cupit: hic ex adverso copiarum robore succinctus, spem obtinendi Imperii alit, dici non potest, quam funestis factionibus, bellisque Byzantina aula pluribus annis laborarit. Consumpto domestico milite, utraque pars Turcarum auxilia imploravit. Et Anna quidem temerarii consilii pœnas dedit. Nam Sarchanus Lydiæ Princeps, adductis in Thraciam copiis, ubi videt stipendia infra spem minora procedere; incendiis, rapinis omnia permiscuit. Cantacuzenus Orchanis amicitiam amplexus, tradita ei in conjugem suamet filia Theodora, D) ac celebri pompa in Asiam transvecta, tanto validius factionem suam firmavit, quanto magis Turcarum potentia Byzantinis terrori fuit. Non multo post Stephanus Rex Serviorum, Albanæ, & Macedoniæ parte occupata, Thessalonicam vallavit. Cantacuzenus, quo hostem victoriis elatum retruderet, ab Orchane Genero suo auxilia postulavit. Accurrit celeriter Solymanus Orchanis filius, cum exercitu viginti millium, fugatisque Serviis, Mœsiam omnem incredibili furore evasit, ac raptis multis mortalium millibus in Asiam rediit. E) Sed recrudescente bello in Thracia rursum Solymanus Cantacuzeno suppetias tulit, cæsoque Joannis Palæologi, Serviique, & Bulgari Regis exercitu, amplissima corrasit spolia, infessaque arce,

A) Laonicus Chalcocondylas L. I. ut habet Editio Parisina, & Veneta; aliis Chalcondylas, ut Editio Basil. in folio anni MDLVI. quam sequor. B) Gregoras L. IX. ad annum 1329. C) Idem L. XI. ad annum 1337. D) Idem L. XV. ad annum 1346. E) Anno 1350. Annales Turcarum nihil de auxiliis per Cantacuzenum petitis memorant: sed Solymanum clam ratibus trajecisse Hellespontum: mox cum suis Castellum Zemenicum, alibi lego Chiridocastrom, cepisse. Videndus de primo Turcarum in Europam transitu Laonicus L. I. pag. 10.

arce, Tzyphen appellata, in Europam A) dominationem transtulit, Græcorum diffidiis in immensum augendam.

Multum agebat Cantacuzenus apud Orchanem, ut memor amicitiae, affinitatisque, Europam hoc metu liberet, praesidium in Asiam deducat: jamque numeratis decem aureorum millibus, Orchanem perpulit ad arcem tradendam. At Solymanus proferendi imperii cupidus, quive tum pro Principe domi, forisque omnia administravit, non arcem modo retinuit; sed & Calliopolim, aliasque maritimas urbes, terrae motu afflictas, suae potestatis effecit. Languesciente Byzantio, Vucassinus Serviae Rex, in Solymanum arma corripuit, propeque fuit, ut in Asiam repelleret rapacissimam gentem. Uno, & altero praelio fusus Solymanus novas copias arcescit, ac juxta Adrianopolim metatus, Servios nihil hostile reformidantes ad internecionem concidit. Victoriae praemium erat Adrianopolis, & Philippopolis vastissimae urbes deditione captae. Hunc felicem rerum successum mors inopinata abruptit. Ad Calliopolim, dum feras exagitat, equo collapsus cervicem fregit. Solymanum duobus post mensibus B) secutus est Pater Prusae, ut Annales memorant, Amurathe filio superstite.

AMURATHES I. ut per Solymanum parta tueretur, continuo in Europam iter accelerat, ac Adrianopolim, armorum, imperiique Europaei sedem constituit. Principem curam impendisse videtur disciplinae militari. Eum in finem adolescentes bello captos summo studio delegit, quos in Asiam deportatos, tum sermone Turcico, tum assidua armorum tractatione erudiri iussit, dein bellicis laboribus aptos legionibus peditum admisceri. Hoc robur militiae Turcicae, parque Macedonum phalangi, multas per Europam victorias confecit. Author est Laonicus, Ottomanum ordinem Janicsarorum instituisse; verum angustis adhuc dum domi rebus, tenue initium huius militiae fuerit, quam tandem Amurathes multo favore ornavit, auxitque. Stabilito hunc in modum Turcarum imperio in Europa, arma vertit in Bulgariae Regem Susmanum, quem nullo impendio victum in suam clientelam accepit, ducta in conjugem illius filia. Eandem fortunam subiit Joannes Palaeologus Imperator, coactus ceu satelles castra Amurathis sequi in Asiam; ubi turbarum quidpiam obortum inter Ottomanicos Principes. Plerosque solo terrore nominis in ordinem redegit, ferociore repugnare auctos & provinciis, & vita exuit. c)

In Asia commorantem tristis nuntius perculit. Mosi D) filio res Europaeas commisit. Is societate inita cum Andronico Joannis filio, a Patre defectionem molitus est, elatoque signo ingentem praesertim nobilium adolescentum numerum, in suam factionem pellexit. Diditus rumor intestini belli Amurathem in Europam retraxit. Adolescentes eadem levitate animi, qua fidem jurarunt Mosi, a signis disfluunt, & factionem nondum adultam suamet fuga evertunt. Moses Didymoticum elapsus cum quibusdam Graecis, dum defensionem parat, fame ad deditionem compellitur. Hic Amurathes praeter morem crudelitatem exercuit: nam filium oculis orbavit, Adolescentes vero Didymotici interceptos, a suis parentibus jugulari iussit. Andronicus ferventi aceto excruciat, oculorum aciem non penitus amisit. Extincto hunc in modum domestico malo, ad Christianos perdomandos copias educit. Constantinus Dragases E) nuper devictus, cum se in libertatem asserere vellet, cum aliis Regulis captivitatem tulit. Albaniae quoque, & Graeciae arma illata. Joannes Palaeologus Byzantio suo metuens, Italiae Principum aulas sedulus, at nullo operae pretio circumcursavit. Unus Lazarus Bulkovichius, qui ad Senderoviam, sive Semendriam, Belgradumque imperitavit, cum Vucco Brankovichio, F) victori obistere ausus, in apertum, patentemque campum Merularum prodivit. Jam utraque acieseducta, signum praelii expectabat; cum quidam e Serviis transfugam mentitus, Amurathem

Imp. Ottom. Tom. 1.

A 2

rathem

A) Anno 1353. B) Annales Turcici ad annum 1357. Laonicus L. I. ait Orhani extincto Solymanum filium successisse. C) Anno 1368. D) Laonicus Sauzen hunc appellat. E) Laonicus L. I. pag. 15. F) Haec nomina legere est apud laudatum Laonicum pag. 21. satis corrupta.

rathem accedit, veluti suorum consilia proditurus, utque erat hasta armatus, adeo dextre latus Amurathis hausit, ut continuo exanimis corruerit. Principis casu nihil perturbati Turcæ, Bajazethem filium, bellicosæ indolis virum, sibi præficiunt, interfecto Jacupe Bajazethis fratre, cœptoque certamine Servios profligant. Despotes captus, in conspectu Bajazethis minutatim conciditur. A) Græci Scriptores ab Annalibus dissident: Narrant illi, fugato Lazaro in ipso victoriæ cursu Amurathem cecidisse, quos alii Historici passim sequuntur. B)

BAJAZETHES I. insigni victoria potitus, eodem impetu Scopiam, Vidinum subigit: Albaniam, Bosniam, Valachiam populationibus divexat. Deductis coloniis in Europæ provincias, validoque præsidio adversus Illyros, aliasque gentes nondum perdomitas, relicto; mira celeritate in Asiam delatus, Lydiam, Jonium, Phrygiam, Cappadociam, Armeniamque suo imperio adiecit. Pulsi Principes ad Tamerlanem petitum auxilia se conferunt. Redux in Europam rursus Macedoniam, & Illyricum diripit. Tum fulguris c) instar in Peloponnesum provolat, regionem multo sanguine Christianorum tingendam, eamque magnam partem incendiis defædat, Patras, urbem maritimam, cum aliis capit. Manuel Imperator unius prope Byzantii limitibus conclusus, cum domi ærarium exhaustum, tenue præsidium, classẽ neglectam cerneret, Principes Europæos ad opem in tempore ferendam per Legatos convenit. Sigismundus Imperator, & Rex Hungarorum, primus Hungariam in barbaros armavit, effecitque ut Rex Galliarum Carolus VI. delectas copias jungeret. Ad Nicopolim uterque exercitus constitit. Triumphassent Christiani, si Galli ardorem pugnandi temperassent. Nam dum præcipientes in pugnam ruunt, circumfusi a barbaris, equis desiliunt, peditesque certamen extrahunt. Hungari visis Gallorum equis sine fessoribus, rati barbarorum armis cecidisse ad unum omnes, incompoti fugam capeffunt. Instat turbatis Bajazethes, luctantesque ad ripam Istrı, partim cædit, partim in flumen præcipientes agit. D) Post eam victoriam in Valachiam irrupit; at Myrxes illius provinciæ Dominus, adeo omnes aditus viarum intercept, ut abiisse ex hostico sine clade in lucro habuerit.

Inter hos armorum fragores Byzantini ultimam perniciem suæ urbis otiosa fronte expectarunt. Ea decennio E) obsessa, Tamerlani, F) (Græcis Scriptoribus Temiri) suam salutem debuit. Hic Scythicus Princeps, cognomento Magnus, velut ex machina Deus erupit, & Bajazethis fortunam non stitit modo, sed memorabili prorsus exitu afflixit. Perfide per fraudem occupata, infinitas prope copias Assyriæ, Mediæ, & Ægypto infudit. Ad Syriæ limites præsto habuit Principes a Bajazethe proturbatos. Egit per Legatos: provincias vi extortas ut iis redderet, neve pro libidine in omne genus mortalium ferro, & igne grassaretur. Sed Bajazethes impotens animi non sine ignominia legationem rejecit. Fastum hominis ulturus Tamerlanes, Sebastiam in Cappadocia expugnat, jugulatis civibus, & Orthobulæ Bajazethis filio; tum in Asiam minorem progressus juxta Ancyram castra posuit. Eo contendit & Bajazethes cum numeroso exercitu, speque victoriæ manus conferit. Tartari spoliis legendis, quam pugnae statariæ aptiores, primi pugna excedunt; hos secuti Asiatici Turcæ. Sustinuit certamen Janicsarorum globus cum Bajazethe. Ad extremum Mustapha cæso, & hi disiecti Bajazethem in æstu prælii destituunt. G) Victus, captusque spectaculum sane amarum Asiæ præbuit, dum ferreæ inclusus caveæ, victoris castra comitari

A) Annales Turcici ad annum 1390. Ex quo corrigas Drechsleri Chronicon, qui Amurathem trucidatum prodit anno 1373. B) Daniel Hartnaccus in Conspectu Bellorum, quæ Christianos inter & Turcas gesta sunt, ad annum MCCCLXXIV. hæc literis commisit: aucta est potentia Turcica regno Bulgariz fere toto, idque deleta Marco Crajevichio Bulgariz Rege cum universa nobilitate. C) Ob celeritatem agendi Gilderun, id est fulmen, a suis nominatus. D) Annales, & Laonicus ad annum 1396. Antonius Bonfinius Dec. III. L. II. E) Obsidium adeo diuturnum plerique Scriptores literis prodiderunt. Crediderim hyemis tempore retractas Turcarum copias fuisse; unde Byzantini & terra, & mari annonam, cæterumque apparatus belli comparare potuerunt. F) Tamerlanis res gestas fusc enarrat Petrus Perondinus Præfentis, tum Laonicus, Phranzes. G) Pugna hæc memorabilis anno 1402. commissa est.

tari debuit. Asia subinde direptioni data militibus, incendiis, rapinis, prope interiit. Ne Europa hoc turbine involveretur; Indiæ Regis in Persidem irruptio impedivit, cui occursum Tamerlanes, iter celerrime relegit, rapto in triumphum Bajazethe, qui mœrore animi confectus, in Lydia vitam finiit, quarto supra millesimum quadringentesimum annum.

Quinque liberorum superstitem pater fuit Bajazethes, Solymani, Isæ, aliis Josue, Mosi, Mahometis, & Casanis. Hi duodecim annis varia fortuna inter se bella gesserunt, quoad tandem Mahometes viribus superior principatum sibi, posterisque suis vendicaret. Ex quo intelligas, cur Scriptores rerum Turcicarum, jam hunc, jam illum imperitasse commemorent, nominaque multum depravata lectori obtrudant. Primi fraterno bello initium dederunt Isæ, & Moses. Hic Asiam, ille Europam in sui defensionem concitavit. Favit fortuna Mosi, ut victo, jugulatoque Isæ a) afflictas parentis provincias unus occuparet. Verum dum Prusæ otio diffuit, a Solymano, qui privatas res eatenus Amasiæ curabat, omni Asia proturbatus, imperio eodem adhuc anno excidit. Neque Solymano diuturnum regimen erat. A Mose bello appetitus, & profligatus, in quodam ignobili oppido prope Byzantium ab incolis trucidatur. b) Secundum jam rerum potitus Moses, iram, furoremque in Christianos effudit, quos Solymano favisse didicit. Vidino, Semendria sub jugum missis, Byzantium adeo arcta premebat obsidione, ut nemini civium portis egredi liceret. c) Interea Mahometes Bajazethis quartus filius, fœdere iusto cum Manuele Palæologo, contractis undique copiis, in Mosem evertendum incubuit. Superato navigiis Palæologi, Helleponto, Thraciæ signa intulit. Moses post unam, & alteram pugnam a suis non minus, quam fortuna desertus, dum fugam molitur, collapsus equo in cænosa palude latitans occupatur; ac in tentorio Mahometis obtorta gula præfocatur. d)

MAHOMETES hujus nominis I. civili, maximeque cruento bello composito; res Ottomanicas moderari cœpit. Sub hoc Principe Byzantini jam ad incitas redacti respirarunt; quod Manuel Imperator provido sane consilio fœdus percusserit ante cum Mahomete, quam victor summam dominatus indeptus esset. In Caramanum Principem expeditio prospere suscepta est, qui fervente bello fraterno, Asiam minorem populabundus percurrit, Prusamque ad ictum destinavit. Ferocientem oppressurus Mahometes ad Iconium metatur. Collatis signis Caramanus inferior, parte ditioris mulctatur. Inde Adrianopolim reversus, exercitum proficisci jussit in Valachos, qui Mosem nuper sectabantur, eosque tributarios fecit. Sed Asia turbarum ferax, rursus Mahometem ex Europa revocavit. Cincites gente Ottomanus, Smyrnæ Dominus, principatum suum longe, lateque diffundere perrexerit. Supra fortunam elatum debellavit Mahometes, e) victumque ad gerendam Nicopoleos præfecturam misit, brevi majores turbas daturum. Subinde repentinum bellum exarsit, inter Venetos, f) & Turcas. Redierant forte aliquot naves Venetæ Trapezunte, mercibus onustæ, & seu tempestate, seu piratarum metu in Bosphoro Thracio substituerant. Has barbari aggressi continuo diripiunt. Respublica suorum civium injuriam ultura, quindecim triremes armari jubet, Petrumque Lauretanum Archithalassum nominat. Hic prospera navigatione Ægæum mare ingressus, ad fauces Helleponti infestam classem Turcarum reperit. Conserto prælio, & numero navium, & peritia nautarum prævalere Veneti. Majora, minoraque hostium navigia, septem supra viginti capta, tria Turcarum millia cæsa. g) Hac clade affectus Mahometes bellum pace commutavit, tanto quidem promptior, quanto gravior tempestas in Asia oborta.

A 3

Musta-

a) Annales Turcici ad annum 1404. b) Anno 1411. c) Annales Turcici d) Ad annum 1414. Annales Turcici, Laonicus L. IV. e) Anno 1418. f) Venetorum potentia, quæ, quantaque fuerit ea tempestate in Asia, & Europa, multis verbis commemorat Laonicus laudatus eodem L. g) Joannes Sagredo, & Scriptores Græci ad annum 1418. Annales Turcici nihil meminerunt de hoc prælio.

Mustaphas Burgluzas e vilissimo genere ortus, quo licentius alienas fortunas diriperet, peculiare vitæ institutum comminiscitur, multosque ex ultima sæce hominum in suam factionem pertrahit. Cinctus ingenti manu facinorosorum, in Joniam impetum facit, bellique securam torrentis instar pervadit, ac omnia evastat. Smyrnæum deinde Præfectum inter fauces montium prope sinum Jonii maris deprehensum, internecina clade delet, & Alibegum Lydiæ præpositum, bellum reparare ausum, pari felicitate in fugam avertit. Patratis victoriis ferocior, cum Amurathe Mahometis filio temere confligit, a quo post cruentum certamen victus, diro supplicio interiiit. Alter Mustaphas cognomento Dufmes, haud minorem tumultum concivit. Ferebat se is Bajazethis primi filium, sparsoque rumore scenici Principis, Purpurati juxta, ac vulgus avide ad res novandas convolabant. Cineites inprimis, cujus nuper meminimus, serendis turbis aptissimus, operam suam large addixit. Collecto milite ex agrestibus, qui certatim accurrerant, circa Theſſalonicam armati confident. Uno prælio attriti, & in sua mapalia dilapsi, Mustaphæ partes Theſſalonicam Græcis obnoxiam fugientis damnant. Leontarius urbis Præfectus, profugum non modo hospitio excepit, sed & vim ostentavit, si copias urbi admoveret Mahometes. Forti stomacho hanc Leontarii, & Manuelis Imperatoris audaciam; nam & is Mustaphæ spes clanculum alebat, concoxit, & annuo stipendio Mustaphæ decreto, nihil adversus fœdera, in Byzantinos egit. a) Altero post anno inter venandum, hemiplectico humore prostratus, Adrianopoli supremum vixit.

AMURATHES II. præferocis animi adolescens, ut primum gubernacula adiit, Mustapham, imperii æmulum, Græcorum levitate armatum, debellavit. Adnitente potissimum Joanne, Manuelis Palæologi filio, cum turbatore Cineite Calliopolim devectus Mustaphas, urbem terra, marique obsedit; Turcis perinde, ac Græcis ad novum Principem confluentibus. Monuerat jam antea per Legatos Amurathes, ut ne se Græci turbis his civilibus miscerent, neve se rebus domi alioquin prolapsis novo bello implicarent: sibi constitutum Patris fœdera, quoad vixerit, sancte servare. Sed jam classis Græcorum Calliopolim appulsa, bello initium dedit. Urbs deditione civium capta, Mustaphæ, Græcorumque animos multum inflavit. Rapto exercitu Adrianopolim adversus Bajazethem armorum Præfectum, quem Europæ præfecerat Amurathes, principem urbem in potestatem redigunt, exercitum levi impendio disjiciunt. Imperio Europæo minime contentus Mustaphas in Asiam trajicit, ubi Amurathes ad propulsandum æmulum copias legit. Haud procul Prusa uterque exercitus castra fixit. b) Confecturus bellum sine sanguine suorum Amurathes, de industria spargit: se pacem inivisse cum Manuele: Helleſpontum proxime oclusum iri. Ea re perterritus Mustaphæ miles, dilabi a castris cœpit. Cineites ipse clam Smyrnam profugiens, seditionem male cohærentem penitus præcipitavit. Mustaphas, festinatis profectionibus in Europam revolans, bellum protrahere potuisset, nisi Joannes Adornus (si fides Historicis) Phocææ pro Repub. Genuensi administrator, auro corruptus, omnem exercitum Amurathis c) navibus in Europam transvexisset. Calliopoli occupata, Adrianopolim progressus, Mustapham strenuus persequitur, quem denique captum nervo ad collum injecto strangulavit. d)

Sublato hoc obice, Byzantinam urbem Mustaphæ fautricem, tribus, & amplius mensibus obsidet. e) Equidem Manuel semel, atque iterum Legatos miserat pacem oratum. Nihil pacati a barbaro impetrari potuit; quin imo Demetrius Cantacuzenus, Mathæus Lascaris, Angelus Notaras legationis prima capita, in vincula conjecti. Urbs quarta, & vicesima Augusti non uno loco impetita, anceps certamen in mænibus vidit. Barbari amissis circiter mille in castra repulsi. Hunc in modum pressus Manuel ad ciendas novas

a) Anno 1420. b) Annales Turcici, Laonicus L. V. c) Sic Ducas. Laonicus ait: Genuensium maxima navi copias transmississe Helleſpontum. d) Anno 1422. e) Anno 1423.

novas turbas operam convertit. Degebat in aula Caramani Principis, Mustaphas Mahometis filius, quem Elieses quidam Turca Amurathis furori subtraxit. Hic literis Manuelis excitatus, Mustapham in publicum produxit; ad cuius nomen, & gratiam, miles facile concurret. Prufa oppugnata Amurathem coëptis desistere coegit. Hyeme transacta, in Asiam properat Amurathes, Nicææque commorantem Mustapham improviso obruit, ac jugulat. Partitus deinde copias, partem in Smyrnæum principatum, partem in Peloponnesum immittit. A) Cineites Smyrnæ invasor, cum omni familia captus, turbarum, transfugique dedecus capite expiavit. Peloponneso post depopulationem pax indulta per fœdus cum Manuele iſtum. Sequentibus annis Valachia, Servia aliquoties in solitudinem redacta.

Crescente in dies Amurathis fama, variarum gentium Oratores Adrianopolim venerunt amicitiae petendæ causâ. Accepta inprimis erat Joannis Imperatoris, qui Manueli successit, Rhodiorum, Valachiæ, Serviæ Principum, insulæque Chii Domini e Catelusiis legatio. Haud perinde grata fuit Venetorum, quod Thessalonicam præsidio Veneto munitam, tradere cunctarentur. Res ad arma devenit. Urbs omni apparatu circumfessa, seu proditione civium, seu Turcarum fortitudine subigitur. Cives in diversa loca deportati, fortunas suas colonis Turcicis relinquere debuerunt. B) Bienio post Alis Purpuratus ad infringendam Albaniam, quæ retro actis temporibus sæpe Turcarum repressit ferociam, animum intendit. Eo deductæ copiae, ob montium asperitatem, & incolarum in repugnando constantiam, nihil operæ pretii fecerunt, insuper in receptu ad Herzegovinam fugantur. Felicius rem gesserunt Sinan, & Turchanes Præfecti, quorum ductu Albania in potestatem venit, Joannis Castoriæ Principis filio Georgio, vulgo Scanderbego, obsidis loco Adrianopolim ablato. C) Otium pertæsus, ipse in Asiam profectionem suscipit cum exercitu, ubi Caramanum Principem repentina invasione adeo perturbavit, ut iniquissimam pacem multo auro redemerit, filiumque calamitatis hæredem in Mahometis aulam mittere coactus fuerit. Secundum Asiaticam expeditionem in Serviam, & Hungariam ferro, igneque grassari coëpit. D)

Georgius Brankovichus Serviæ despota, ut perniciem a sua provincia averteret, Mariam filiam e Comnena susceptam, miræ pulchritudinis feminam, in conjugem cum non modica parte Serviæ Amurathi offert. Delinitus barbarus hac offa, potestatem dedit Georgio arcis Semendriæ extruendæ. Vix monumentum saxeis operibus cinctum steterat, repente Tyrannum metus incessit; ne Turcicis rebus aliquando Semendria obicem ponat. Igitur regionem hostili animo ingressus, arcem recens extructam machinis quatit, & trium mensium spatio expugnat. E) Tum toti provinciæ vastitas illata. In Daciam jam anno superiori ductore Draculio, homine facinoroso irruperat; at ubi Cibinium pervenit, a fronte, a lateribus impetitus, re nulla memorabili gesta trans Istrum se recepit. F) Pupugit Amurathem sinistra expeditio, idcirco majoribus longe copiis belli molem in Hungariam vertit. Belgradum, arcem Hungariæ limitaneam, terra, Danubioque claudit. Certatum sex integris mensibus, dubio Marte, donec elusis cuniculis, septemdecim hostium millibus trucidatis, Hungarorum virtus Amurathem, tædiosa, cruentaque obsidione depulit. G) Hanc cladem altera excepit. Isacus Begus, dum inconsulto suos in aciem promovet adversus Joannem Hunniadem, uno prælio copias amisit. Sed luculentiori plaga Meziten affecit in Transylvania idem Hunniades. H) Cæsis viginti barbarorum millibus ipsum Ducem interemptum vidit. Huic victoriæ alteram addidit

A) Anno 1424. B) Ad Annum 1431. C) Anno 1433. Vide Familiam Castriotorum Caroli du Fresne, Domini du Cange in Illyrico veteri & novo C. XVIII. D) Anno 1435. E) Anno 1438. Laonicus L. V. Bonf. Dec. III. L. IV. F) Laonicus narrat: Meziten copiarum Ductorem istu majoris pilæ ad Cibinium occubuisse; unde percussos Turcas fugam ad Istrum arripuisse. Annales Turcarum memorant sex castella ab Amurathe capta. G) Quo anno hæc obsidio intentata Belgrado, Scriptores variant. Annales Turcici ad annum 1439. referunt; P. Timon & S. J. in sua Chronologia Hungariæ ad annum 1442. H) Anno 1443.

didit Schachi Abedinis exercitu deleto. Utramque cladem magnam fuisse, Annales Turcarum fatentur.

Uladislaus ea tempestate Hungariæ Rex, tam illustribus Hunniadis victoriis accensus, maxima alacritate in hostes movit. Ad salum lapidem trajecto Danubio, recta Sophiam proficiscitur, eamque urbem diripiendam militi concedit. Mox ad Moravam amnem Ottomanos cæde illata fugat. Hunniades cum delecta manu ultra flumen progressus, triginta hostium millia cædit, quatuor millia capit. A) Hac reportata victoria, Bulgariæ oppida se in fidem Hungarorum dederunt. Ad Hemi montis claustra aliquoties dimicatum, Amurathe cum totius exercitus robore juga insidente. B) Cum autumnus præcipitaret, & commeatus in dies rariores fierent, Uladislaus victorem exercitum in stativa reducit. Hungarorum vestigia premebant præcipui barbarorum Ductores; Chasanes, Turchanes, Carambæus: sed omnes Hunniadis invicta fortitudine aut cæsi fuerunt, aut capti. Eodem fere tempore in Peloponneso, Albania, Caramania, Amurathi bellum est motum. Tot malis circumventus, per Georgium Despotem quæstuosam Christianis pacem obtulit, ac in decennium tabulis solemnibus instauravit, his opimis conditionibus: Servia Georgio cederet: Valachia, Moldavia, juris ut antea Hungarici fieret: neutri partium fas esset trans Istrum populationes inferre.

Pannonico bello evolutus, Asiam intravit cum numeroso exercitu, & Caramaniæ Principem, finitima loca identidem carpentem, ad tributum pendendum adegit. Satur bellorum Amurathes, quam regnorum abdicacionem diu meditabatur animo, exequi tandem, ac magna Asiæ, Europæque parte exuere ipse se statuit: editurus ignotum Ottomanis exemplum, ut, cum posset, imperare desisteret; nisi poenitudine ductus, rursus imperium arripuisset. Itaque Mahometem filium suum diffusis late regnis tum imparrem, successorem instituit: qui adolescenti in administrandis rebus adessent, Chelilen Vezirium, & Chusronem, bellicæ disciplinæ peritos nominat. Curarum fluctibus jam liber, in Asia privatus quieti indulgit. C) Sed canentia per Bulgariam, atque Thraciam Hungarorum signa, Amurathem tot retro annis armorum sono asvetum, facile in arenam traxerunt. Causæ infelices hujus belli hæ erant. Valida classis Christianorum fauces Hellesponti occupaverat, Asiæ copias ab Europæis seclusura. Ea de re adferuntur ad Uladislaum Hungariæ Regem litteræ Francisci Cardinalis armatæ classis Præfecti, quibus Hungari ad bellum in Thraciam deportandum stimulabantur. Recitatis in Senatu literis pudor incescit universos, quod desertis fociis pacem cum Amurathe confecerint. Joannis Imperatoris Legatus, ut pacta rescinderent, opportunitatem rei gerendæ, multis verbis exposuit, Græcorumque reliquias Hungarorum dextris commendavit. Flammas addidit Julianus Eugenii IV. Pontificis Legatus D) jam in arma pronis.

Igitur decreta expeditione in barbaros, cum quindenis non amplius millibus præcipitante ætate in hosticum abit Uladislaus. Nicopolim præsidio vacuam diripit. In Thraciam profectus Cavarnam, Macropolim, Callacium, Galatam, Varnam ad mare Ponticum urbes capit. Amurathes fragore belli excitatus, Asiaticas vires ad Hellespontum rapit, more veteri juxta Calliopolim trajecturus. Angustiis a foederata classe occupatis, festinatis itineribus versus Pontum Euxinum contendit, navibusque repertis, sexaginta millia armatorum Europæo litori exponit. Christianæ classi ob adversam tempestatem in anchoris hærendum erat. Decima Novembris de summa rei certatum est. Hunniades cum Michael Nigro utrumque cornu Turcarum aggressus, post accerrimum prælium campum obtinet. Media acies Janicsarorum, cui Amurathes præfuit, immota stetit, impetumque Hungarorum sustinuit. Rex intempestivo æstu abreptus confertos Janicsarorum ordi-

A) Bonf. Dec. III. L. V. B) Laonicus L. VI. sollicitudinem Amurathis multis exponit. C) Annales Turcici ad annum 1444. D) Hac de re lege sis Propugnaculum Reipub. Christianæ Partis II. c. V.

ordines perrumpit, Amurathem ferro petiturus. Dum militem potius, quam Ducem agit, equo forte prolapsus, in terram effunditur, simulque suo casu exercitus fortunam præcipitat. Unus e Janicsaris Cheser nomine luctanti obstitit; vibratoque non molliter acinace, caput aufert. Summo hastili imposito in terrorem primum, mox in fugam conjiciuntur victores. Hunniades cum reliquo milite per Istrum in Valachiam, dein Hungariam pervenit. A)

Amurathes victorem exercitum sine mora in Peloponnesum abduxit, ubi Constantinus, & Thomas fratres, Manuelis Palæologi filii, Isthmiis muris instauratis, urbes aliquot Turcis eripuerunt. Venientis fama perculsi Peloponnesii, ad muros defendendos trepide accurrunt. Sed admotis majoribus machinis, cum ingenti hiatu procumberent muri, vim expectare non ausi, stationibus decedunt. Ita reperto in Peloponnesum aditu, Peninsulam prope omnem pervasit, & veteri libertate exutam, ad pendendum annuum tributum coegit. B) Inde in Albaniam versis signis, quam Georgius Castriotus vulgo Scanderbegus (cui olim Mahometano e ritu circumciso Alexandri Begi nomen est datum) C) ante biennium sibi, libertatique asseruit, vires oppugnandæ Crojæ frustra applicuit. D) Propugnantium virtute fractus, cum præterea hyemis intemperies sæviret, re infecta Adrianopolim discessit, datoque Imperio Mahometi filio suo, iterum se in solitudinem Asiaticam recepit. Brevi tamen redeunte dominandi prurigne, Adrianopolim clam advolavit, & Chalilis Vezirii opera Regiam cepit, Mahomete feras agitante cum suis. E) Post unius anni quietem Crojam, regionis caput, rursus invadit. Dum adhæret ad urbem, fama in castris percrebuit, Joannem Hunniadem in Bulgariam festinare cum exercitu. Ita enim inter Castriotum, & Hunniadem conventum erat, ut barbarum a tergo, & fronte aggredirentur. Amurathes soluta obsidione contracto immani exercitu frontem obvertit Hunniadi. In campo Merularum ad limites Bulgariæ uterque castra locavit. Hungaris annonæ penuria, in evastata regione necessitatem pugnandi fecit, nondum ex Albania movente Castrioto. Triduo, Marte dubio dimicatum fuit. Hungari postremum Turcarum numero pressi, campo excesserunt. Feruntur quatuor, & triginta hostium millia, Hungarorum octo millia occubuisse. F) Represso in hunc modum Hunniade, ad Crojæ oppugnationem rediit. G) Verum ingravescente ætate eodem adhuc anno, triumphos meditantem, mors occupavit. H) Res Ottomanica Mahometi II. obvenit, maximo malo Byzantinorum, ut jam narrabimus.

Imp. Ottom. Tom. I.

B

MAHO-



A) Philip. Callimachus de clade Varnensis, II Libros conscripsit. B) Laonicus L. VII. ad annum 1445. C) Marinus Barletius Scodrensis, qui XIII. Libris hujus Castrioti res gestas complexus est. D) Laonicus ad annum 1446. E) Idem L. VII. F) Bonf. Dec. III. L. VII. ad annum 1448. Hanc expeditionem Hunniadis diffuse habet. Laonicus loco laudato. G) Annales Turcici, Laonicus. H) Anno 1450. Annales. Hæc pleraque suis locis in Byzantina Historia Imperatorum Orientis reperiuntur, quam Vir cl. R. P. Franciscus Borgias Kéri e Soc. Jesu, ab anno Christi 306, ad annum usque 1453. felici calamo conscripsit, mihiq; stimulo fuit, ut Imp. Ottomanicorum res gestas prosequerer.

A. C.
1451.

M A H O M E T E S II.

IMPER. OTTOM. I.



Aligna febre extinctus Amurathes A) successorem reliquit filium Mahometem, hujus nominis II. Hic a metu securus ut imperitaret, fratres suos insigni crudelitate sustulit. Turfinen, agentem unum, & alterum annum, aquis hauriendum dedit. Calapinum vero (hoc nomen alteri fratri erat) ab Hali Purpurato proditum, ac desertum, obtorta gula jugulavit. Sunt, qui asserant, alterum, nescio quem, Ministrorum opera substitutum, Calapini sortem subivisse; hunc vero felici astu Constantinopolim translatum, postque urbem subactam, Venetias primum, deinde Romam jussu Pontificis Callisti III. deductum: inde sacris orthodoxis probe imbutum, Friderico Imperatori missum, honoribus, quoad vixit, cumulatum: finem denique vivendi in Austria fecisse. B) A cæde fraterna auspicatus Imperium Mahometes, odium, quod cum hæreditate acceperat, in Christianos continuo patefecit, dum bellum paternum magnis conatibus persecutus est adversus Georgium Castriotum, sive Scanderbegum, Epiri, Albanæque Regulum. Sed ne initium sui regiminis, ex quo cæterarum rerum cursum Principis sui, metiri assuevit vulgus, sinistro eventu fœdaret, ductu Amesæ militum Præfecti, exercitum Albanæ immisit. Castriotus hostium motibus suo more intentus, paucis militibus stipatus Croja excedit, atque improvise fessos, somnoque graves aggressus, adeo feliciter disjecit, ut septem millibus cæsis, ipsum Ducem expeditionis interceperit. C) Haud meliori fortuna bellum redintegravit Ibrahimus cum quatuordecim millibus Turcarum. Vix enim ad manus deventum erat, Scanderbegi virtute fractus, celeri fuga campo, Albaniaque excessit. De utraque victoria Europæos Principes certiores fecit Castriotus, auxiliaque ex fœdere postulavit. Alphonsus id temporis Neapolitanus Rex magnam annonæ vim deportari jussit in Albaniam, crebris barbarorum populationibus exhaustam: Respub. Veneta auro, argentoque subvenit, quo novis operibus Croja D) muniretur. Ne vero deinceps una Croja ad ictum destinaretur, edito monti arcem imposuit Castriotus, quæ hostem in Albaniam irrupturum prima exciperet.

1452. Altero anno longe graviore discrimine defuncta est Albania. Cæteros inter Duces Castrioti, tum familiaritate apud Principem suum, tum rei militaris peritia eminebat Moses. Hunc ut suas in partes attraheret Mahometes, aureum hamum adhibuit. Auri fulgore perstrictus homo levissimus, contra datam fidem ad hostes cum nonnullis suorum deficit; raptisque sub signa quinque & viginti millibus pugnatorum (tantum tribuit transfugæ promissis) non multo post in Albaniam fertur. Scanderbegus perfidiam Moses ulturus, ad arcem recens educatam, venientem instructa acie excipit, contractoque certamine, ferocissime pugnans fundit. Observatum fuit ab Albanis, Mosén raro alias pertinacius extraxisse prælium, ostensurus, opinor, quantum virium accreverit Turcis, suo, suorumque accessu. Adrianopolim

A) In Historiis Musulmanis lego, Adrianopoli vita sanctum Amurathem. Idipsum volunt Annales Turcici interprete Joanne Gaudier, & Chronicon Carionis. At Joan. Sagredo, Marinus Barletius ajunt, eum in castris obiisse, dum Crojam impugnat. B) In Codice Antonii Verantii Archi-Præfulis Strigoniensis (de quo alibi) lego, Amurathi sex filios fuisse Achmetem, Alin, Mahometem, Hacen, Urchanem, & Achmetem minorem; addit: præter unum Mahometem omnes ante Patrem funere elatos. Altum tacet de iis, quos neci datos alii scribunt. C) Marinus Barletius L. VII. D) Croja, olim Antigonis, Urbs Albanis non tam operibus, quam defensore suo memorabilis, a morte Scanderbegi Turcis cecidit.

lim A) redux proditiōis, ac quarundam molitionum suspectus, cum Mahometem nulla ratione placare posset, eadem levitate ad suos rediit, qua nuper 1452 deseruit, fortibusque factis turpe transfugium eluit. B) His cladibus licet attritus Mahometes, Constantinopolis capiendæ consilia cum Purpuratis agitavit, quo Græcorum Imperium unius urbis limitibus circumscriptum funditus evertat, Ottomanicæque genti Imperatoriam dignitatem inferat. Ea de causâ Adrianopoli profectus cum copiis, ad Bosphorum Thracium arcem, c) Græcorum negligentia in ruinas abeuntem firmat, tres turres in altum educatas, omni telorum genere munit, quibus naves ultro citroque commeantes certis ictibus infestas, marisque dominatum haberet. Perculit non mediocriter Constantinum Palæologum Imperatorem operis formidolosi inceptum; facile etenim animadvertit, eo propugnaculo semel extructo rebus suis ultimam perniciem imminere, civesque suos intra mœnia prope obsessos teneri. Antequam munimentum staret, per Oratores, foederum admonet Mahometem; neve in alieno solo præsidium, plurimum Byzantinis obfuturum, ponat, precibus agit. Amica legatione nihil motus, incepto operi adeo strenuus institit, ut suprema manus validissimæ arcis imposita fuerit intra spatium trium omnino mensium.

Cum videret Constantinus accerrimum bellum sibi illatum iri, neque res Græcorum eo in flore esse, quo Mahometis furorem reprimere posset, Principum Christianorum opem adversus communem hostem per celeres nuncios flagitavit. Nicolaus V. Summus Pontifex, Respub. Veneta, Principes Italiæ, vicino adeo discrimine excitati, communi consilio, impensisque classem in defensionem urbis mittendam decernunt. Urgebat præpripis subsidium istud Nicolaus, tum quod extrema calamitas Orientis Ecclesiæ impenderet, tum quod Legati certam spem ostenderent, Græcos ad concordiam cum Latinis, superioribus annis incassum toties tentatam, redituros. Propterea Isidorus; quem alii Sigismundum Ruthenum vocant, e Purpuratorum Collegio, Byzantium a Pontifice legatus abiit, Concilii Florentini decreta perlaturus, & pro potestate in concordiam recepturus Græcos. Constantinus cum Senatu, paucisque aliis sine mora Romanæ Ecclesiæ accessit. D) Verum major pars civium cum magno Duce Luca Notara, Monachis, concordiam illam cum stomacho rejecit; neque spes erat inconditam turbam vel afflictissimis rebus ad saniora traducendi. Dum sic domi mutuis odiis certatur, ac in dies Græcorum Imperium labascit, classis suppetiis destinata lente admodum processit, nec tantum temporis adfuit, quo annonæ, milite, cæteroque apparatu bellico, pro periculi magnitudine instrueretur. Neque cæteri Principes, quos locorum spatia ab imminentis belli procella semoverunt, operam præstiterunt; sive Græcorum perfidiam, gentisque levitatem veriti, sive alienam calamitatem ad se nihil pertinere rati. Joannes quidem Hunniades cum valida Hungarorum manu adfuturus dicebatur; at celeritate Mahometis præventus, ante oppressum intellexit Constantinum, quam ex Hungaria moveret. Id literis proditum: Joannem Justinianum Venetum navigia duo quadringentis militibus armata in auxilium adduxisse, portamque Romanam, sive Latinam appellatam, fortiter tutatum.

Mahometes interea cupiditate gloriæ, odioque accensus, nulli perpercit operæ, quo Constantinopolim sub jugum pertraheret. Hoc assiduo 1453: versabat animo, huic rei adeo omnem curam impendit, ut frequenter dulcem soporem vincendi ardor excuteret, noctesque insomnes bellicis deliberationibus obrutus, transmitteret. Ingentem pecuniæ vim Majorum suorum

Imp. Ottom. Tom. I.

B 2

rum

A) Adrianopolis, urbs Thraciæ, vel ut aliis placet, Romanæ, pone Hebrum fluvium, Adriani Imperatoris opus. A Solymanno I. capta Anno 1352. sub Amurathe I. Regia Turcarum effecta est. B) Barletius L. VIII. c) Hanc arcem Græci Læmocopiam, Neo-Castron appellarunt, Latini Turres nigras, leuca una Constantinopoli distitam. In adverso litore arx Nærolia, sive Asiæ prisca temporibus visibatur. Gallicas interpretes Laonici, lapsus est, dum scribit: Mahometem II. arcem ædificasse in ora Propontidis. D) Leonardus Chienfis Mitylenæus Archi-Episcopus, qui præsens aderat, & obsidionis tempore Byzantii versabatur.

A. C. rum victoriis partam, in apparatus bello gerendo necessarios effundit. Frumentum undique convehi jubet: Adrianopoli machinæ murales mirandæ magnitudinis fiunt, usus solerti opera cujusdam Daci A) Orbani nomine. Hic stipendia fecerat olim apud Græcos; sed inopia rei familiaris, nempe quod Græci præsentem pecuniam numerare nollent, aut non possent, Mahometi hujusmodi machinatorum perquam studioso, operam addixit. Copias provinciarum Præfecti ex Asia, Europaque summo studio sub signa ciebant; nulli ab armis cessatio impertita, nisi otium capite vellet luere. Classis præterea formidabilem multarum navium, in portubus Asiæ ædificari jubet: Europa universa in expectationem tanti apparatus erecta. His Adrianopoli constitutis, partem exercitus, Martio mense exeunte anni MCCCCLIII. Byzantium dimisit Saratia B) Bego Ductore, machinis bellicis partim jumentorum, partim hominum immani fatigio illuc devectis. C) Paucis post diebus, nempe initio Aprilis, Mahometes ipse Zogano, Hali, supremi ordinis Ductoribus, & delecta Janicsarorum manu stipatus, ad mænia Constantinopolis confedit, tentoriis per sex fere leucarum spatium, longe, lateque explicatis. Europæi Turcæ sinistram; dextram Asiatici occupavere, Zogano cum septuaginta armatorum millibus ad Galatam excubante. Quantum numerus omnium copiarum fuerit, inter Scriptores illius ævi haud convenit. D) Sunt, qui scribant, supra ter centum, & amplius millia ad eam oppugnationem venisse. Neque istud a vero multum abfuerit, cum constet, Mahometem ex omnibus, quas amplissimas possedit, provinciis militem coegisse, & gentem Ottomanicam spe prædæ allectam, sponte sua in castra convolasse.

In urbe obsessâ longe alia rerum facies. Præter ærarium exhaustum, exiguus propugnatorum numerus aderat. Græcorum sex, Genuensium, & Venetorum tria millia censebantur, tenue profecto præsidium E) vastissimæ urbis, decem milliaria ambientis. Classis urbana pessime affecta e paucis navibus constabat. In ea rerum difficultate Joannes Justinianus, cognomento Longus, ob corporis proceritatem, loco nobili apud Venetos natus, cum duabus navibus, ac quadringentis militibus opportune advenit; immortalis gloria dignus, nisi fortissimus Heros finem corrupisset, & prope in portu naufragium fecisset. His copiis instructus Constantinus Byzantium propugnare statuit, ultima experiri certus, quam turpi fuga semet subducere. Strenui certe Imperatoris munia toto obsidionis tempore sustinuit, tantaque sapientia, fortitudine defensavit urbem, ut Mahometes ferocissimæ indolis juvenis, fortunæ suæ diffidens, conclamatis vasis discessionem pararet. Sed aliter visum est Divino Numini, ut tandem sub jugo Turcico perviciam priorum temporum, Romanæ Sedi irrogatam, severissimis poenis luerent. Constantino in defendenda urbe commilitones fuere e Græcis Theophilus, & Nicephorus Palæologi; Demetrius Cantacuzenus, Lucas Notaras Dux magnus, pluresque alii. Ex Italis Joannes Justinianus, Theodorus Caristus, Franciscus Toletus, Nicolaus Molinus, Joannes Lauretanus, F) & complures e Venetorum præsertim nobilitate, quique mercium causâ, aut virtutis bellicæ, Constantinopolim appulerunt.

Rebus in hunc modum comparatis, Mahometes extructis aggeribus, circa vicesimum Aprilis diem muralibus tormentis mænia quater juxta portam Romanam occœpit. Machina illa prægrandis, quam supra diximus a Daco fusam, terrore perculit Byzantinos, cujus os duodenas patebat spitas, saxumque G) ejaculabatur ter centum librarum tanto cum impetu, atque fragore, ut urbs ipsa succussa, ruinam minaretur, & machinæ horrendum

A) Laonicus pag. 210. B) Hujus nominis Ductorem fuisse Laonicus habet. Alii Jaratiam appellant. C) Machina molis maximæ, quinquaginta jugis boum, & duorum millium agrestium opera Constantinopolim pertracta est. D) Leonardus Chienfis pag. 319. E) Byzantina Historia meminit a Phranze initum defendentium numerum, nec septena millia reperta; Ducas octona millia fuisse ait. F) Joannes Bapt. Verus Patavinus rerum Venetarum Scriptor hunc Jacobum nominat L. II. G) Saxa nigri coloris erant e Ponto Euxino advecta, ut tradit Laonicus Chalcondy. pag. 120.

rendum murmur ad stadia quadraginta perciperetur. Singulis diebus se-A. C. ptenis vicibus machina solvebatur, dumque sol diem referret, illius fragore, 1453. veluti militari classico, ad oppugnationem fortiter urgendam miles vocabatur. Forte accidit, ut plus nitrati pulveris tormento inderet machinator, cum ecce! vi maxima moles illa in partes diffracta, a) Mahometem spe de opere concepta dejecit, simulque animum Principis adeo confudit, ut veluti non levi clade mulctatus, dolorem vultu proderet, donec opera Præfectorum majoris formæ funderetur. Verum, ut eventus docuit, præter molem inusitatam nihil singulare operi inerat, nec quidpiam damni mænibus illatum. Nempe QUÆ MODUM excedunt, speciem magis, quam usum habent. Itaque minoribus machinis exteriores muri, turresque impetitæ, multo celerius conciderunt, ac viam barbaris in urbem aperuerunt. Propugnatores contra intra mænia aggeres, valla certatim attollere, per ruinas eluctari ausos acriter repellere, pertinaci pilarum grandine submovere, paucitatem suam incredibili fortitudine invictam reddere. Neque cuniculis, metalli fossoribus e Rhodo acceptis, feliciorum successum habuit. Centurio quippe Justiniani, rem odoratus; igne, sulphure, aliaque urente materia hostem abegit: una nihilominus turris in præceps e fundamentis acta.

Protracta in plures dies oppugnatione, tandem classis b) Ottomana triginta supra ducentas navium, e diversis Asiæ litoribus appulsa est, sicque urbs terra, marique obsideri cœpta. Constantinus ut extra ictum, Byzantinorum navigia forent, in portum, qui urbem inter, & Galatam erat, deduci, & prægrandi catena muniri ab Acropoli c) ad pontem usque Galatæ jussit. Hostium classis non ausa prope mænia navigare, ad oram Propontidis in anchoris hæsit, nonnunquam finitima oberrans litora, ne quid subsidii peregrinæ naves obsessis inferrent. Genuensium tamen triremes mercede conductæ, & una Imperatoria, frumento onustæ, elusis custodiis jam prope oram Byzantinam legerant. Has oppressuri classarii Turcæ, sollicitatis remis fugientes insequuntur, ac magno animo pugnam capeffunt. E vicino litore Mahometes qua voce, qua signis pugnandi ardorem suis subdidit. Verum cum naves Genuensium tormentis instructæ, assiduo fulminarent in classarios, succensis, merisque aliquot navigiis hostium, navali victoria superiores erant Christiani. d) Phlantanelas Archithalassus nemine suorum desiderato, vulneratis nonnullis, præcipitante jam sole, portum subiit non sine fausta acclamatione civium. At Baltogles, Turcicæ classis Præfectus, infelicem pugnam capite lisset, nisi gravi vulnere in fronte perstrictus, oculoque orbatus, in mitiora consilia animum Principis flexisset.

Lætitiâ Byzantinorum temperavit audax, & nisi patratum literis prodidissent Scriptores, apud posteros vix fidem habiturum Mahometis facinus. Animadvertit is, nisi Ceratino maris sinu Græcos dejiciat, non fore Constantinopolim ab omni parte clausam; neque navibus sinum occupari posse ob catenam prætensam, navigiaque inter se harpagonibus, ferreis vinculis, supra quam dici potest, arctissime colligata. Ergo e Bosphoro Thracio, consilio cujusdam Christiani, ut opinatur Leonardus Chienfis, e) in sinum modo nominatum, naves terrestri itinere promovere decernit. Nec militum animos ab hoc arduo sane, atque difficili opere alienos repe-

B 3

rit;

a) Leonar. Chienfis. b) Idem. Laonicus pag. 120. c) Vide Carolum du Fresne in Constant. Christiana L. I. C. VI. ubi de catena; & C. III. ubi de sinu Ceratino. d) Ita Phranzes pag. 94. & Leon. Chienfis. M. Antonius Sabellicus rerum Venetarum Scriptor Dec. III. L. VII. typis editus Anno 1482. eodem loco meminuit, Pontificem Nicolaum V. cum Repub. Veneta & Alphonso Rege multum deliberasse de subsidio Byzantinis ferendo. Idem Pontifex anno MCCCCLI. vaticinatus est, Græcorum Imperium evertendum. Verba ipsius Gennadius Patriarcha Constantinopolitanus recitat apud cl. Virum Antonium Sandinum in Viris Pontif. Roman. Seculo XV. „Optime cuncta novimus, sed toleramus in JESUM respicientes sempiternum Sacerdotem, & Dominum, qui sterilem illam ficum usque ad annum tertium jussit aservari, agricola iam ad excidendam arborem se accingente, quia nullum fructum ferebat. „Posthabita prædictionis meritis pœnas luit Palæologus. . . Sic Græci, Divino numine nesciente multiplicem eorum defectionem ab Ecclesia Romana, in servitutem Turcarum redacti sunt, quam ad hodiernam diem instar Hebræorum patiuntur. e) Pag. 317.

A. C.rit; seu Principis sui imperio adaecti, seu gloriæ stimulis incitati, manum
 1453. alacres admovent, dejectisque montibus, & vallibus æquatis, terra perpetua tignorū serie conſtrata, ſupra Galatenſem urbem in Ceratinum felici auſu, ſeptuaginta naves pertrahunt, ut ipſæ operæ vix fidem haberent ſibi, tanti laboris opus ſe vel aggredi auſos, ne dum perfeciffē. Ad hæc pons duorum millium paſſuum longus Ceratinum penitus domuit, viamque ad muros exteriores expeditam fecit. Byzantini rei novitate attoniti, & pontem, & naves exurendi conſilium capiunt. Joannes Juſtinianus, & Jacobus Cocha Venetus, delectos e præſidiariis, tribus navigiis imponunt, antelucano tempore hoſtem invaſuri. Res prodita cladem attulit. Nam ut primum Cocha navim ſuam impulit in hoſilem, e majori machina emiſſum ſaxum, Cochæ navigium diffregit. Vectores in mare effuſi; plures gurgitibus hauſti, quam capti; qui ſubinde Mahometis juſſu ad unum omnes jugulati. Hanc crudelitatem ultus eſt Conſtantiuſ quadraginta ſupra ducentos captivis Turcis e muro ſuſpenſis. Sic utraque pars non viribus modo, ſed & mutuo furore cladem cumulavit. A)

Ut animos obſeſſorum exploraret Mahometes, ultimane experiri velent? an urbem certis pactis dedere? Iſmaelem, Sinopes B) Gubernatoris filium ad Imperatorem ablegat. Hic gravi oratione habita, poſtremo Conſtantinum admonuit: *videret ne ſe, ſuosque cives perditum eat: ferro, & igne, exhaustam alioquin urbem, vaſtandam, ni mature rebus ſuis conſulat. Mahometem æquas fæderum conditiones haud negaturum, modo Oratores in caſtra dimittat.* Cenſuerunt omnes caduceatorem mittendum, non magni apud Græcos nominis; qui Iſmaelis ductu facile Mahometem convenit. Hic ingentem pecuniæ ſummam Græcis imperat, quot annis pendendam: aut, quod mallet, incolæ deſertis domiciliis, agrisque ſuis, urbem Ottomanis tradant. c) Neutrum placuit Byzantinis. Seu ſincera, ſeu ficta fuerit iſthæc legatio Mahometis, inter Scriptores non convenit. Id certum; Mahometem gravibus curis agitatum, poſtquam rumor caſtra pervafit, claſſem ab Italia plenis velis appellere: Joannem Hunniadem D) grandi cum exercitu Hungarorum terra adventare. Qui rumor etſi incertis authoribus diditus, & falſus, Mahometem formidine adeo oppreſſit, ut deſperato ſucceſſu (menſis enim integer oppugnationi impenſus fuit) reditum adornaret Adrianopolim, niſi Zogan increpita inconstantia, a præcipiti conſilio eum revocaſſet, monuiſſetque urbem diſjectis mænibus haud dubie captum iri, modo ſignum irrumpentibus daret. Hæc eadem ſententia Thorcanis, cæterorumque Ducum, retinuit Mahometem in caſtris, designataque ad invaſionem urbis nona, & viceſima die Maji, terreſtribus perinde, ac maritimis copiis jejunia, precatio- nes indiſta fuerunt a Muſſtio. Præterea Mahometes, quo flammam adderet ſuis ad fortiter audendum; pollicetur ſe triduo populandi urbem facultatem victoribus daturum, nihilque ſibi, præter unam gloriā, ex hac ampliſſima victoria decerpturum. His talibus accenſi, inſultum popoſcerunt tam valido clamore, ut propugnatores ad rei inſolentiam ſtupeſcerent. Halis Vezirius, ſeu revera Byzantinorum amicus, ſeu æmulorum fortunam præcipitare volens, quorum authoritate magis, quam ratione decreta eſt invaſio, rem Conſtantino per literas aperit. Eo rumore per urbem latius manante, ingens puerorum, matronarumque turba ad ædes D. Sophiæ confluit, ſeris lachrymis ſuum infortunium deſlentium, ubi Conſtantiuſ in conſpectu omnium, ritu Romano Euchariſtia communitus, mox milite per ſtationes diſtributo, Imperatorio prorſus animo ad urbis deſenſionem accurrit.

Nondum depulſis tenebris, Turcæ ſuis ſub Ductoribus aggreſſionem moliuntur. Pontem e navibus conſectum, & Ceratino ſinui impoſitum litori admovent, egreſſique in terram ſcalas certatim mænibus applicant. Mahometes prætoriana cohorte ſtipatus, Romanam portam veluti certus victo-

A) Hæc Leon. Chienſis: numerum tamen Turcarum ſilet. B) Sinope urbs ad mare Euxinum, ubi haud procul Halys fluvius in mare præcipitat. Eam Rex Mithridates præ Regia ſua habuit. C) Laonicus. D) Leonar. Chienſis. pag. 322.

viCTORIÆ, invadit, atque strato per ruinas accessu, contempta suorum jactu-A. C. ra, signa infert. Justinianus, vetus militiæ Dux, Mahometi oppositus, 1453. acerrime stationem propugnat. Non minus Cantacuzenus, Demetrius, Notaras, Theophilus, cruentam pugnam cum suis manipulis fecere, confertaque in mœnium ruinis pugna, atque adeo mōrtis aut inferendæ, aut subeundæ necessitate coacti, tanto ardore dimicarunt, ut ad duas circiter horas, ancipiti eventu extracto certamine, hostem postremo loco moverint, nec dubiam retulerint victoriam. A) Sed eam in manibus infregit cum integra Janicfarorum legione Zogan, pleno jam die. Eo enim opem ferente, terra, & mari incaluit pugna, Græcis pro aris, & focus fortiter, si unquam alias pugnantibus. Hærebant itaque duo agmina implicita, coacervataque accessu aliorum hinc, & illinc accurrentium, obstinatis usque adeo utrinque animis, ut vestigium semel captum, non nisi morte illata defererent. Dum sic cominus atrocissime pugnatur, Justinianus, qui eatenus victoriam hostis cohibuit, vulnere admodum levi, ut perhibent Historici, perstrictus acie excedit, Galatam petiturus vulneris curandi ergo. B) Constantinus providus Imperator, equo vectus celerrime advolat; hortatur, orat Justinianum, ne victoriam elabi sinat, ne suos medio in certamine destituat. Sed incassum hæc talia canebantur. Genuenses, ac Veneti, ceu spiritu Ducis pugnassent, languide arma tractantes, pedem paulatim retulere. Instant metu perculsis Turcæ, plumbeamque tempestatem tamdiu sustinent, dum unus e prætorianis, cui nomen Chasanes, in muro inter vulnera, & cædes commilitonum signum fixisset, ac capta statione primus plenam fugam Genuensibus intulisset. Propugnatores deserto exteriori muro, per portam Latinam præcipiti fuga se se recipiunt, multis obtritibus (NAM SINGULORUM festinatio omnium mora ad fugam erat) ut fere cadaverum strues viam, fugiendi interciperet. In hac rerum perturbatione barbari interiorum murum pariter superant, omniaque terrore complent. Cantacuzenus, Tolemus ad latus Imperatoris occumbunt; demum & ipse numero, non virtute victus, acceptis in humero, & facie vulneribus cadit. C)

Eodem fere tempore hostis e maritima parte in urbem infusus, ferro per vicos viam aperuit. In ædem S. Sophiæ, quo se imbellis multitudo receperat, feritate inaudita sævitum; non hominibus, non Divorum delubris parsum est. Quadraginta millia cæsa, sexaginta capta dicuntur, tristem sine dubio in solo natali subitura servitutem. Versi deinde ad prædam victores, triduo amplissima templa, palatium Imperatoris, domos civium arcis effraetis scrutantur. Congestis in unum locum spoliis, apparuit quam opulenta urbs ea fuerit. Nonnulli Turcarum adeo nummati redierunt ad suos, ut proverbio asserant etiam in præsentia, si quem nimis opibus florentem videant: *eum dineptioni Constantinopoleos interfuisse*. D) Galatenses viso sociorum excidio, ne & ipsi pari calamitate involverentur, sponte sua deditionem facere decernunt. Sed jam Zoganus a Mahomete iussus classem eo appellere, urbi vicinus erat. Cives hostem venisse rati, cæco terrore abrepti, naves suas insiliunt, vela facturi in Italiam, aut Peloponnesum. Retracti e fuga in fidem accipiuntur; ne vero, si ab Italia subsidium veniret, defectionem molirentur, qui continentem spectarant muri, e fundamentis sunt diruti.

Parta hac non minus nobili, quam opulenta victoria; animo supra humanum fastigium elato Mahometes, triumphantis instar urbem ingressus est, atque a victore exercitu non tam militari impetu, quam e Purpuratorum consulto nova appellatione, & inter gentem Ottomanicam eatenus in-

fitata,

A) Idem pag. 324. B) Inter Scriptores haud convenit, quia parte corporis vulnus accepit. Laonicus dexteræ; Leon. Chienſis axillæ, Byzantina Historia cruri plagam illaram scribit. Fere consentiunt summam duſtaxat cutem perſtriſſam, ac in Lemno insula hominem marore animi contabuisse. C) Laonicus pag. 124. Alii volunt Imperatorem ad portam Romanam contritum; dirēptaque urbe caput illius Mahometi oblatum. D) Annales Turcici.

A. C. fitata, IMPERATOR ORIENTIS salutatur, A) Quo vocabulo si & ego per 1453. decursum Historiæ usus fuero, veniam utique tanto facilius me impetraturum confido, quanto plura Scriptorum exempla, idem nomen repetentium, adferre possem. Delectatus præter modum hac suorum benevolentia, non distulit homo militaris, ardua oppugnatione fessos recreare ludicris certaminibus, & exhibitis optimis mensis suam præsentiam legionibus commodare. Post dies festos, solenni ritu ad ædes D. Sophiæ edictos, pro incolumitate sui Imperatoris, augmentoque Turcici Imperii, vota concipiunt: mox comessabundi, atque crapulis graves in omnem licentiam effusi per devictæ, & direptæ urbis vicos incedunt; Mahometi Imperatori vitam, & victorias faustis vocibus acclamant. Tot inter lætitiæ signa, feritatem suam minime posuit insolens victor. Ter centum adeo captivi, summæ apud Græcos nobilitatis, conquisiti, inter convivia, ac laute dispositas mensas, ferro carnicum cecidere. Horum numerum maximæ instar cladis auxit Notaras magnus Dux. Erat huic filius nondum duodecimum annum egressus, cujus forma, ac lepore captus Mahometes, eum in aulam suam transferre voluit, perque internuncios voluntatem significavit. Notaras obfirmato ad quodvis periculum animo, non ignarus videlicet, POTENTIUM desideria armata esse, audacter obstitit. Magnanimitatem Viri imperterriti, suam injuriam interpretatus Imperator, Patrem cum filiis (nam plures numeravit) in aulam raptari jubet. Ingemuerunt malo suo Adolēcentes, utque supplex accideret irato, uberes inter lachrymas Patrem orarunt. At Notaras suæ dignitatis memor generosa potius morte defungi, quam turpem servitutem inter adulatorum gregem perpeti, maluit. Itaque hostile ferrum primum filii, tum ipse Pater summa pietatis, fortitudinis laude in ferali pegmate excipiunt. B) Eodem fato cecidit Orhanes, Bajazethis I. pronepos, qui crudelitatem Mahometis fugiens, apud Byzantinos exulavit. Adeo per eos dies nec luxuriæ quidquam crudelitas, nec crudelitati luxuria obstabat. Veneto- rum, & Genuensium melior conditio erat. In hos enim non desæviit victor; in vinculis tamen detenti omnes, quoad numeratis septem aureorum millibus c) a Lauretano, libertati redderentur. Non multo post opera Bartholomæi Marcelli pax inter Rempub. Venetam, & Mahometem coaluit, et si Christiani Principes ad recuperandam urbem arma sociare voluerint.

Secundum hæc missis per provincias literis, Constantinopolim novas colonias evocavit, quo urbem incolis exhaustam replet. Domicilii causa quina familiarum millia brevi temporis spatio confluxerunt. His præter morem Turcarum, vestigal annuum, solvendum ærario publico, impositum erat ab Imperatore ob amplissimos domiciliorum fundos. Ea res vehementer perturbavit advenas, multique unde venerant, rediissent, nisi onere illo liberasset cives. Verum ubi rebus compositis numerum incolarum augeri videt, iterum ad ingenium rediit, impellente maxime Mahomete Purpurato, e Græcorum stirpe oriundo, tributumque tanto securius exegit, quanto certior, gustata semel soli dulcedine, non facile abituros. Et quanquam nova vestigalium ratio non leves turbas conciverit Byzantii; tamen armatus, victorque, ac nullo ab hoste sollicitus nihil movebatur; hodieque census singulis ædibus pro fortunarum amplitudine imperatus ærario Imperatoris providet. Eadem adhuc æstate in amœniores Natoliæ, d) seu minoris Asiæ campos recessit quietem capturus. Sed Martius ille ardor, atque cupiditas Imperium dilatandi otium excussit. Rapto in Albaniam exercitu

A) Hartnaccus in suo Conspectu Bellorum ait: expugnabat, diripiebatque Mahometes II. Constantinopolim, & finem imponebat imperio Orientis, quod MCXX. annis a Constantino Magno ad Constantinum Palæologum steterat; Mahometes itaque non jam Rex Turcarum, sed Asiæ Imperator. B) Laonicus. Alii scribunt Notaram trucidatum, dum Mahometi thesauros, quos amplissimos possedit, obtulit; veluti barbarus eum avaritiæ, aut perfidiæ arguere voluerit, quod in salutem patriæ eos non impenderit. C) M. Ant. Sabellicus Dec. III. L. VII. D) Natolia, sive Asia minor, vulgo Levante.

citu adversus Castriotum, editis varia fortuna pugnis, Sphetiam, a) sive A. C. acutam arcem suæ ditioni adjecisse fertur.

Fatum Constantinopoleos, non expectata vi, secutæ sunt pleræque 1454. urbium, jugumque Ottomanicum seros in annos duraturum, acceperunt. Cum in hunc modum omnia ad votum cederent, mortalium omnium felicissimus erat Mahometes, si partis per quietem frui, quam ætatem omnem curis militaribus, ad aliena invadenda convertere maluisset. Nemo potentissimi Principis arma irritare, nemo in Asiam transmittere, aut terra bellum, non laceffit, inferre ausurus fuisset. At immensa illa dominandi libido, vix confecto Græcorum bello, iterum in novam armorum tempestatem Adolescentem Imperatorem abripuit. Finitimas Europæ provincias, Albaniam, Serviam, Bulgariam, Dalmatiam, Valachiam, Hungariæ obnoxias, victoriis suis destinavit: Hungariam deinde ære, & viris validam subacturus. Qua si potiretur, nullas jam vires, & opes putabat, quæ victoriarum cursum per Europam interrumpere possent. Et erant tum temporis Mahometi florentissimæ copię, sub Amurathis disciplina multum exercitæ, & ante Byzantium expugnatum vincere assuetæ, quarum fortitudine gentes Europæas domitum iri ambitiose existimavit. Ergo vastis desideriis velificaturus, Serviam, b) amicam regionem, armatus ingreditur: sævissima populatione agros, oppida vastat: Georgii Despotis fodinas occupat: Novigradum c) muralibus tormentis fractum, in fidem accipit: bello captos ad metalla, quibus regio illa abundat, damnat: paucos Byzantium mittit. Despotæ multo inferior viribus, non ausus acie decernere, Hungaros adit auxilia petiturus, quos noverat in belli societatem facile venturos.

Ottomanorum progressus ut reprimerent Christiani Principes, 1455. Nicolaus V. & Callistus III. Pontifices maxumopere laborarunt. At pulcherrimos conatus Nicolai, mors fatali necessitate interrupt: Callisti vero indefesso studio privatæ Principum discordiæ, ac bella multum obfuerunt. Sola Hungaria, quam vicinorum clades exterruit, arma sumpsit, Despotique in ultimo naufragio tabulam prensanti, opem, & operam tulit. Joannes Hunniades, multarum palmarum Dux, ad tutandas inferioris Hungariæ provincias autoritate Regia missus, Albam Græcam d) omni apparatu bellico quam diligentissime munit, curasque belli cum Joanne Capistrano partitus, veteranum, ac spectatæ virtutis militem sub signa cogit: classe centum sexaginta navium Istrum firmat: omnes denique Imperatorias artes ea accuratatione rebus parandis impendit, nemo ut de victoria ambigere posset.

Neque Mahometes rebus suis indormiit. Noverat enim, sibi cum 1456. bellicosa Hungarorum gente ferro decernendum, quorum Legati, tres ante annos, bellum indixere, si Byzantinos infestare pergeret. Certus præterea, ex oppidis, arcibusque extractum prædiariorum robur, certamen, veluti decretorium patriæ libertatis, Hunniade non minus forti, quam felici Duce in limitibus Hungariæ initurum. Propterea & ipse e suis provinciis, exercitum centum, & quinquaginta millium Adrianopoli contrahit. Jumentorum maximum numerum adduci jubet, ad subvehendum e) metallum fundendis bellicis machinis delectum. Quippe inusitatæ magnitudinis, ac formæ tormenta in frustra diffringi imperavit ob itineris difficultatem: mox ubi in Serviam ventum est, ad Chrysonicum f) iterum refusa, suæque naturæ redita. Classē insuper ducentarum g) navium Istro impositam, adverso flumine provehi iussit opera potissimum Janicsarorum. Facto itinere per Serviam pacatis agminibus (nam Lazarus, qui Stephano Patri successerat, im-

Imp. Ottom. Tom. I.

C

bellis

a) Sphetia, Barletio Sphetigradum, octo, & quinquaginta leucis Croja distitum. Hanc arcem a Mahomete subactam non meminit Barletius; multa tamen certamina contracta ductu Præfectorum, in quibus Scanderbegus plerumque superior. b) Servia, Mœsia inferior, illius temporis Scriptoribus. c) Laonicus L. VII. pag. 130. vocat Novigradum Neopyrgum, quod idem est Græcis. Anton. Bonfinius Italus, elegantior, quam sincerior rerum Hungaricarum Scriptor, Dec. III. L. VIII. Novum montem Rasciæ appellat. d) Alba Græca, sive Belgradum, Taurunum. Vide infra illius descriptionem. e) Laonicus L. VII. f) Bonf. Dec. III. L. VIII. g) Laonicus L. VII. pag. 131.

A. C. bellis Princeps precario pacem inierat) tandem duodecimo Junii ad Bel-1456. gradum confedit.

Urbs est in angulo sita, ubi Danubio Savus miscetur. A Septentrione Danubio, ab occasu Savo alluitur. Arx monti præsidet, loco, & arte munitissima. Ad radicem montis in utriusque amnis ripas civitas effunditur, crassiori muro, fluminibusque firmata. A continente duplici vallo, & mænibus tuta. Nostra tempestate machinatorum ingenio, operum firmitate ab Augusto Cæsare, & Rege Hungariæ Carolo VI. est aucta adeo, ut sine invidia omnibus præfidiis per Europam fundatis, palmam eripere videatur. Ut omnem spem suppetiarum oppidanis intercideret Mahometes, exercitum bipartite divisit. Savum custodiendum committit Carazias a) Europæ militiæ Præfecto; ipse præter Danubium cum classe Vidino b) advecta diligenter excubat; cætera multitudo per campos diffusa, planiciem omnem infedit. Jam plures dies ignibus missilibus præfidiarios fatigavit hostis, machinarumque majorum ope mænia tam scæde disjecit, ut res ad supremam aggressionem spectare, nihilque superesse videretur, quam ut undequaque assiliret, & propugnaculum totius Hungariæ uno impetu occuparet. Sed hoc malum solertia Hunniadis avertit. Cum collega enim suo Capistrano classem Hungaris, & Cruce signatis prævalidam, quorum permultos amor Christianæ Reipubl. in Hungariam, Turcici belli theatrum, acciverat, secundo Danubio in barbaros movit. Hi, quo celerius, ut opinabantur, victoriam conficerent, occurrere ausi, navali prælio vires exerunt. Christiani quadrato agmine utramque Danubii ripam legebant. Hunniades dextrum; sinistram Capistranus regebat cornu: utrumque gravioris armaturæ equitatus protegebat. Postquam ad manus deventum, ferreis vinculis, harpagonibus navigia colligantur: minoribus fistulis, frameis acerrima pugna committitur. In eo certamine plane incenso, memorabilis fortitudo, atque peritia dimicandi, Hunniadis emicuit. In primo agmine versatus, præsentia, voce, exemplo animos militi facit: quoquo se verterat, stragem certissimam infert. Denique in prætoriam navim generoso saltu semet præcipitat; Ducem sequuntur ferocissimi peditum: obistentes partim trucidant, partim Danubio mergunt, vel capiunt. Ipse fluvius iram Hungarorum indutus, Turcarum naves adverso cursu impellens, aperta fuga cedere cogit, multis celeritate nostrarum navium occupatis, merisque. Patefacto ferro aditu, Hunniades victor urbem Belgradi ingreditur: integros, recentesque faucibus, ac morbis confectis substituit: præsentia sua omnium animos ad urbem defendendam incendit.

Ad nuncium hujus cladis expalluit quidem Mahometes; cum tamen major copiarum pars ferro intacta foret, & certamen ferociter a Præfectis posceretur, urbem assidua verberatione fractam, assaultu tentare statuit. Dissuasent istud amicorum præcipui, qui sub Amurathe septem integris mensibus, ad eandem urbem frustra adhæserant. At Carazias ad ingenium sui Principis factus, quo magis acueret animum alioquin ferocis, & victoriæ cupidi; Byzantinam urbem munitionibus firmam, atque propugnatorum pervicacia defensam, nihilominus victricibus armis nuper perdomitam, non sine triumphi spe magnificis verbis commemorat. His talibus incitatus, exultis navigiis, ne usui forent Hungaris, majori animo, quam fortuna impressionem molitur. Militem suos in ordines ita partitur, ut fessis continuo integri succedant; quo genere dimicandi præfidiarios superatum iri non dubie sibi persuasit. Igitur octavo Idus Augusti illucescente die, c) signo irruptionis dato, summis viribus Belgradum invaditur. Ruunt vesani, ac truces barbari in semiruta mænia, pars ferro, pars scalis aditum rimatur: atrocissimum certamen variis in locis exardescit. Oppidani visa per campos in immensum diffusos succedentium in pugnam multitudine, non jam

a) Fortassis Saratzæ. b) Vidinum, alias Viminacium, urbs Danubio adita a Turcis munita. c) Laonicus laudatus ait: antelucano tempore assilisse Turcas, & nocte prælium direptum; Bonfinius quatuor, & viginti horis ad urbem, & in campo pugnatum scribit.

jam de victoria, sed morte strenue obeunda cogitarunt. Ut ne inulti cade- A. C.
rent, Hunniades non minus factis, quam verbis unumquemque incitat. 1456.
Promptissimi Turcarum, qui primi Christianos loco moverunt, effusa tem-
pestate minorum glandium cum Carazia sternuntur. Succedunt alii, atque
alii, haud meliorem experti fortunam. Hunniades, ubi confertissimos ho-
stes videt, eo cum veteranorum robore accurrit: consilio, manu laboran-
tibus adest: optimi Imperatoris, militisque muniis ubique fungitur. Maho-
metes contra inter cadavera caesorum instare, militibus polliceri praemia,
timidos in pugnam retrahere, & fugam circumspectantes quandoque ferro
cedere. Vario Marte eo die pugnatum fuit. Turcae semel, atque iterum se
in urbem penetrant: at toties ingenti strage repulsi. Ancipiti victoria cum
praelium extraheretur, unum supererat vasserrimo Mahometi, ut dolo pra-
sidiarios circumveniret. Eam in rem validissimas cohortes deligit, fortu-
nam eatenus adversam postremum tentaturus. Hos, quae fieri vellet, pau-
cis edocuit. Irent quam audacissime per ruinas murorum. Si Christiani
occurrerent; simulata fuga recederent, incautosque in patentes campos
prolicerent: advolaturum se ex insidiis cum equitatu, ac longius progressos
omni reditu in urbem exclusurum. Quod si vero praesidiarios stationibus
dejicerent; sustinerent tantisper impetum, dum auxilia e vicinis castris
affluerent.

His legibus instructi, per cadavera suorum commilitonum ad ruinas
contendunt, atque uno cursu in urbem feruntur. Jam forum tenuerunt,
jam vexilla turribus infixas triumpharunt. In hoc rerum discrimine Hunga-
rus, & Turca (placet enim fortium nomina a fortibus ausis non sejungere)
omni posteritate pulcherrimum spectaculum ediderunt. Vexillum Maho-
metis loco conspicuo fixurus Ottomanus, quo sociis captam urbem significa-
ret: summa celeritate in altissimam turrim nititur. Hunc pari celeritate as-
secutus Hungarus, cum Lunam suam obstinato conatu defigere vellet, ne-
que Hungarus prohibere posset, nisi vitam poneret; capto audaci consilio,
semet cum hoste robustissimis brachiis arrepto, e fastigio turris praecipitem
dedit. A) Sed duorum fato, minime refrixit universum certamen. In foro
concurium est infestis armis tanto pertinacius, quanto certior spes victoriae,
utriusque partis animos erexit. Interim Hunniades accitis Michaelis Szila-
gyio, Ladislao Kanisaio, & Sebastiano Rozgonio, Hungarorum Ductoribus,
cum globo veteranorum ex arce erumpit, hostemque multa dimicatione fes-
sum, & foro, & urbe proturbat. Mahometes, ut vidit victoriam e mani-
bus extortam, fugam cum suis arripit, quo victores in insidias praecipitet.
Fugientium tergis Cruce signati alacres haerent, postremumque agmen, oc-
cupatis etiam Caraziae castris, impigre carpunt. Capistranus detectis Tur-
carum insidiis, continuo in urbem suos revocare contendit. Verum ardore
vincendi longius propositi, & ob cadentium clamorem, tormentorumque
strepitus, signum receptui datum percipere non poterant. Jamque equita-
tus B) Turcicus, qui a tergo latuerat, laxatis frenis in Cruce signatos ire
jussus, levi impendio e castris victores ejecit. Ne caedem spargeret inter per-
cussos, Hunniades effecit. Nam captis aggeribus Turcarum, machinas par-
tim clavis infixis inutiles reddidit, partim in Mahometem direxit, atque
hac via iterum victoriam obtinuit. Ferunt in hoc postremo certamine Ma-
hometem secundum pectus, luculentum vulnus accepisse, seminecemque de-
portatum in tentorium suum, aliquamdiu sine mente jacuisse. Redditum
sibi: audito praecipuos Purpuratorum cum Hassane C) Vezirio occubuisse,
adeo ad cladis magnitudinem, & fugae dedecus ingemuisse, ut non aliter,
quam hausto veneno dolorem abstergere posse putarit. At amici mori vo-

Imp. Ottom. Tom. I.

C 2

lentem

A) Hoc facinus, Heroum spectacula attribuunt Bohemo militi; at Patrii Scriptores Hungaro. B)
Ita quidem Bonfinius narrat. Laonicus vero pag. 133. ait: ab Hassane Vezirio equitatum
omnem temere ad vastandum agrum dimissum: sed revocatum calente jam pugna. De insi-
diis altum tacet. C) Laonicus hunc ferociter fuisse in pugnam scribit, ut Mahometem pla-
caret ob equitatum longius dimissum; senna tamen millia in tempore rediisse.

A. C. lentem prohibuerunt. Adeo **MAGNIS MENTIBUS** amor gloriæ
 1456. est inditus, ut vitæ potius, quam gloriæ jacturam facere malint. Tot ad-
 versis fractus Imperator, sexto, & quadragesimo die obsidionis, videlicet
 sexto Augusti, quem summus Pontifex Callistus III. festum deinceps haberi
 voluit, urbem metu absolvit, motis castris Adrianopolim versus. Hunnia-
 des, & Capistranus tam nobili victoria potiti, Rempubl. Christianam me-
 tu dejectam non mediocriter recrearunt: uterque ab Historicis illius ævi
 summas laudes consecutus. Prior gloriæ, atque victoriarum satur sicca
 morte a) fungitur, quem toties hostili cruore perfusum, mors aggredi
 ausa non erat: alter non multo post laboris, præmiiq; socium secutus.

1457. Constantinopolim reversus cum exercitu satis afflicto, anno uno,
 quod mireris, ab armis quievit. Appetente vere provinciarum, urbium
 Præfectos cum majori copiarum parte Adrianopolim excivit, ut publicæ so-
 lennitati interessent, quam in circumcissione Bajazethis, & Mustaphæ filio-
 rum, b) in amplissimis campis Adrianopoleos instituit. Convenerunt ex
 omnibus provinciis summi Ottomanorum frequenti numero, ludicris spe-
 ctaculis, ferculorum lautitiis, multis postea diebus detenti. Equestres ludi
 c) omnium oculos, inprimis rapuere. Ferocissimis equis erecto corpore
 insistentes, concitato cursu ad metam ferebantur. Funambuli, sive Schœ-
 nobatæ miris mæandris spectatores tenuerunt; hodieque pene omnibus gen-
 tibus hac arte præstant, præcipue Hebræi, quibus Turcica Asia pro patria
 est. Neque istud silentio prætereundum. Adolescentem terræ alte defos-
 sum, ceu funere elatum, fictis lachrymis complorabant: subinde variis
 quæstionibus ad vocem edendam urgebant. Cum circumfusa multitudo
 extinctum conclamaret; repente copioso cespite disjecto, Adolescens alacer
 profiliit, nullo iu vultu palloris vestigio deprehenso. Hujusmodi ludis festi
 dies transmissi, Mahometem, cæterosque mira voluptate cumularunt. Pom-
 pæ huic magnifice adornatæ, finem imposuit Mahometes aulæ Præfectus,
 oblati Imperatori, filiisque maximi pretii muneribus. Erat Mahometes
 iste paterna stirpe Triballus, materna Græcus. Ad Semendriam d) ab equi-
 tibus Turcis admodum adolescens captus, ad summos deinde dignitatis græ-
 dus pervenit cum Murate, e Palæologorum prosapia orto. Plures Byzan-
 tio expugnato in aulam Mahometis translati, militari scientia insignes, res
 Ottomanorum provexerunt. Nempe usitatum est Turcis Christianorum
 ingenio, & dextris uti, ad evertendam Christianam Rempubl. Quamquam
 id temporis nec vi adigendi, nec auro emendi fuerint, qui suam sive pa-
 triam, sive Religionem labefactarent, quando ipsi Principes Græcæ gentis
 sponte sua ad ejusmodi perniciosâ obsequia ruebant, ut jam narrabimus.

1458. Infelices Græcorum reliquiæ in Peloponneso supererant Demetrius,
 & Thomas, Constantini Palæologi fratres, sed odiis plusquam fraternis dis-
 fidentes, mutuas vires in suprema calamitate multum attriverant. e) Missæ
 illuc copię a Mahomete, ut concordiam stabilirent, annumque tributum
 exigent; neutrum perficere potuerunt, quod Demetrius parem, Thomas
 superiorem pati nollet, uterque Imperium Byzantinum speraret. Turcæ
 ea ambitione irritati, ne vacui e regione opulenta pedem efferrent, Pelo-
 ponnese majorem partem populantur, plurima oppida in deditionem prona
 suis præfidiis firmant.

1459. Ne omni Peloponneso dejicerentur hoc anno calamitosi Principes,
 suscepta in Serviam, atque Hungariam expeditio præpedivit. Ducto ex-
 exercitu ad Semendriam, quæ nondum Turcici juris erat, Mahometem Pur-
 puratum cum octo millibus equitum Istrum versus exploratum dimisit, num
 Hungari, aut Cruce signati bellum molirentur? intellecto omnia pacata in
 limi-

a) Bonf. Laonicus vulneratum fuisse Hunniadem asserit; eoque mortem acceleratam. b) Laonicus pag. 156. Annales Turcici solum Bajazethis meminere. c) Laonicus hos ludos enumerat pag. 137. d) Semendria, Chalcondylæ, aliisque Historicis, Senderovia & Sphenderovia septem leucis Belgrado distans, ad Danubii ripam, olim appellata Singedonium, seu Singidunum. e) Laonicus L. IX.

limitibus regni esse, Semendriam de improvise obsidet, & capit. A) Reli-A. C. qua oppida, nullis munitionibus defensa, militi diripienda concedit. Mo 1459. tis inde castris Sirmiensem agrum incurfat, atque amenissimam regionem cædibus, incendiis deformat. Michael, & Petrus Szilagii, notæ virtutis ordinum Ductores, prædatorum agmina adorti, spoliis omnibus exuunt, ac in fugam compellunt. In Transylvania equestres copię perinde male mulctatæ a Pongraczio, fortunam Mathiæ Regis metuere cœperunt. B)

His procursionibus ad plenam victoriam pervenit alibi Mahometes. 1460. Demetrius, & Thomas, inquieti Principes, Peloponnesum alioquin discordiis funeste scissam, in dies majoribus turbis involverunt sibi juxta, atque aliis infesti. Modum positurus inveteratis odiis, cum ingentibus copiis e Macedonia, Thessaliaque adductis, adfuit Imperator, & ne quid spatii percussis fratribus relinqueret, Corintho, nobilissimæ urbi, exercitum admovit. c) Præerat loco Lucanes e civitate Spartana oriundus, qui pari patientia eandem propugnasset, si miles animum Ducis induisset, & F A M E M corporum non minus, quam animorum expugnatricem, ferre diutius didicisset. Equidem Asanes Demetrii Præfectus, præsidariis fame laborantibus Nauplia d) solvens, quidpiam frumenti urbi intulit; sed arctius conclusi, deficiente annona se, urbemque victori tradidere. e) Urbs altera, cujus nomen Laonicus subticet, repugnare ausa, longe tristiore exitum habuit. Conjecerant se in eam permulti e Græca nobilitate, libertatis suæ retinentissimi, extrema ante subituri, quam jugum accepturi. Generosos spiritus aquarum penuria præter opinionem celerius infregit. Ad urbis opera fons unicus erat, ex quo incolæ aquam quotidie hauserunt. Eo occupato ab hostibus, nondum pervaciam posuere. Jumenta cedere aggressi, sanguine farinam subegerunt, panesque ad sedandam famem pinsuerunt. His consumptis, necessitate compulsi, Oratores in castra proficisci jubent, qui æquis legibus deditionem facerent, raris interea per mœnia vigilias agentibus. Ea opportunitate arrepta barbari, silentibus signis muros superant, eodemque calore urbem diripiunt.

Cum Asanes per invalidum, imminutumque exercitum, sui Principis fortunam erigere desperaret in campo, urbem Tegeam f) fossis, triplici muro, aliisque operibus probe communitam, pro viribus defendendam suscipit, certus ad illud præsidium oculos, animumque adjecisse Mahometem, quo si potiretur; res Græcorum multum attritas, nulla vi, nullis armis, secuturis temporibus erigi posse sapienter confecit. Non secus, ac senserat, evenit. Nam Mahometes, ut spe omni exueret Palæologos recuperandi Orientis Imperium, Tegeam, quæ una Græcorum genti animos sufficere posset, primo quoque tempore subjugare constituit, eaque domita, omni Peloponneso proturbare Principum stirpem. Antequam urbem quater occupasset, viros delegit aliquot expertæ fidei, qui apud Tegeæ populum, odio ardentem in Demetrium, & Thomam, Principes suos, de pace, deque urbis deditione verba sererent. Asanem pariter per Legatos admonuit, festinata deditione ut iram victoris leniret, Principum rationem præ oculis haberet. Daturum se iis regionem, civium frequentia, & ubertate frugum non inferiorem Peloponnesi portione. Cum hæc talia ferociter rejicerentur, ad convellenda mœnia, & mænibus duriorum Asanis animum, prægrande tormentum admoveri jussit. Molem machinæ vel inde conjicias, quod lapideos, ferreosque globos septingentarum librarum evomuerit, eosque violenta vis per quatuor, & decem stadia rapuerit, horrendo usque adeo fragore,

C 3

A) Annales Turcici. Gobellinus vero hæc tradit: Stephanus Rex Bosniæ homo inconstantis animi, Hungariæ Coronæ dedititius, fœdus cum Corvino multa pollicitus iniit, insuper obtinuit, ut filio suo Senderovia adversus Turcas defendenda concederetur, qui paucis post mensibus accersitis barbaris magno auri numero eam vendidit, quæ res Hungarorum animos valde fregit, quod locus esset, seu ad tuendam, sive ad impugnandam Valachiam perquam opportunus; hæc ille. B) Bonf. Dec. III. L. X. Chalcondylas. c) Corinthus præaltæ rupi imposita, ab ære suo Romanis celebrata. d) Nauplia, a Nauplio Palamedis Patre sic dicta, portu insignis. Urbs utraque Peloponneso securitati, & ornamento fuit. e) Laonicus pag. 140. f) Laonicus Tegeæ Muchlam urbem substituit Geographis ignotam.

A. C. gore, ut Peloponnesus ad tam ferales boatus convelli videretur. Forte 1460. aberraverat a scopo, dum muros verberat, hujus ignivomæ pestis machinator: globus in sublime evibratus, ac civitatem transvolans in Corinthiorum armamentarium decidit, facileque quatuordecim stadiorum viam confecit. Denique ea nonnunquam ædificiorum, ac mænium admirabilis strages secuta est, quam non aliter evenire potuisse quis credat, nisi quia evenit. A)

Hoc, aliisque machinis labefactatus exterior murus, viam & ipsis defensoribus aperuit in hostium castra. Unde eruptione crebrius facta, modo fœdam operum, modo luctuosam fortium virorum cædem edidere. Cum interea a Demetrio, Thomaque nihil suppetiarum veniret, & cives jam fame premerentur: magni in urbe tumultus fiebant inter cives, & præfidiarios, quod illi famem perpeffi, desperata defensione fortunarum direptioni, liberorum, & conjugum securitati consulere satagebant: contra hi, quos sola gloria feroces, ac paupertas indemnes fecit, experiri ultima obstinaverant. Metropolitæ, qui sacris præfuit, Mahometem de civium erga se voluntate certior reddidit, urbemque proxime dedendam. At Afanes locum suæ fidei commissum animo constanti tuebatur; militem hortatus, ne inceptum gloriæ plenum, turpi ignominia contaminaret. Postremo impar multitudini civium (quod in urbium obsidione plerumque metuendum, quando præfidiariorum vires infra potentiam oppidanorum habentur) deditionem festinantium; insuper interpellatus per eosdem dies a Mahomete de tradenda urbe, invito prorsus animo cessit. Porro conditionum prima capita hæc erant: Demetrius, & Thomas, tabulis rite confectis omni regione decederent, quam Imperator cum suis copiis emensus esset. Patris, B) Græcorum præsidium deduceretur: tributum a reliqua ditione quotannis Byzantium mitterent. Id temporis Demetrius, & Thomas intra regni sui fines inglorii hæserunt; incendia, vastationes urbium siccis oculis, discordibus animis intuentes. Afanes, & Lucanes Spartanus, qui pari fortitudine Tegeam defensabant, nunc legationis Principes, eo utrumque impulerunt, ut conditionibus quantumvis indecoris in ea temporum calamitate subscriberent, & verbis juratis fidem insuper obstringerent, se adversus Imperatorem nunquam arma sumpturos. Dedita Tegea, & pace promulgata, Demetrius immemor veteris suæ prosapiæ, data in thori consortem filia Mahometi, signa Turcica fecutus, in subjuganda Peloponneso perutilem operam navavit; atque ut stipendiarium barbarorum agnoscas, annis singulis aureos quingentos præter alia beneficia ab aula Byzantina accepit.

Thomas sive levitate animi, sive cupiditate angustos limites proferendi abreptus, pacem momento interruptit. Lucanes Principem ad arma pronum, perniciosis suis consiliis incendere non dubitarat, quod certo rumore accepisset, Corinthios conjuratione inter se inita præsidium Ottomanicum urbe ejecturos. Igitur e Græcis conflato exercitu, Peloponnesum, tristibus vestigiis deformatam, rapidus percursat, Turcarum loca temere infestat. Imperator e Thessaliæ, Ætoliæque finibus Chamusen cognomento Hiaracophorum cum copiis adversus Thomam proficisci mandat. Emensus regionem Elidis C) ad mænia Leontarii Græcos in aciem dispositos offendit. Januzes, equitatus Magister, Thomæ exercitum conspiciens, e fluctuantibus signis conjecit, eum fugæ, quam prælio paratiorem. Impressionem facta, Thomas in fugam effusus, militem quoque hostium tela metuentem secum abripuit, ducentis solummodo in fuga trucidatis. Urbs vicina fugientium salutem erat, quam quidem Chamuses corona cinxit, verum peste exercitum depascente obsidionem solvere coactus, Januzem cum Demetrio, vecordissimo Principe, & modica manu militiæ, ad frænandam Thomæ ferociam, an levitatem? in Peloponneso reliquit. Metu liber, iterum funestissimum bellum est orsus, quo pulcherrima regio in manus Ottomanorum deve-

A) Laonicus p. 142. Inde colligere licet, portentosa hujus machinæ structuram multo majorem fuisse, atque Byzantinam a Daco fuisse. B) Patræ civitas Achajæ. C) Apud hodiernos Geographos rarè Elidis nomen reperias, Belvedere nunc audit.

devenit. Italogum a) copiis auctus Laconiae provinciam barbaris ejectis tributariam facit. Urbs Mantinea b) felicem successum interruptit. In hoc armorum aestu consilii incertus, pacem a Mahomete petit, & impetrat. Sed cum tantam pecuniae vim, quantam liberali animo addixit, solvendo non esset, ipse Mahometes in Thomam duxit. Partitus copias cum Zogano, afflictum Principem omnibus locis maxima celeritate exegit; urbes Achajae partim vi admota, partim deditione acceptas suo milite infedit. In hac expeditione Demetrius manu, & consilio, multum adjuvit hostium conatus, nec ante a latere Imperatoris, ab armis avelli potuit, quam fratrem suum rebus omnibus eversum, inopem, & profugum videret. Et vero Thomas tanta bellorum mole oppressus, Pylum c) se recepit, incendio late fumantem patriam spectaturus; navigio parato, quo Italiam peteret, si vis hostilis ingrueret. Nec multo post Mahometes, fugitivi vestigiis inhærens, Pylum Veneti juris oppidum infestus petiit, belloque victum in Italiamolvere adegit. Summus Pontifex bellicosi magis, d) quam fortunati Principis calamitatem misertus, hospitio e) perbenigne accepit; & ne iniquiori loco res suas existimaret in aula Romania, quam frater Demetrius in Byzantina, sex aureorum millia quotannis eidem attributa fuerunt. At nec sic quidem Peloponnesi oblivisci potuit. Epidaurum suo praesidio firmatam Mahometi per Legatum obtulit, si e maritimis Europae urbibus unam cederet. Legato in vincula compacto, intellexit Thomas sibi spem omnem dominandi ademptam. Romae vita functus duos filios paternae calamitatis haeredes reliquit Andream, & Manuelem; horum prior pensione Romana contentus, matrimonium inivit infra dignitatem suam, ac sine prolibus decessit. Alter Byzantium profugus, unius filii pater extitit, Mahometana superstitione infecti. Hoc modo discordia duorum fratrum nobilissima Graeciae pars unius anni spatio a Turcarum tyrannide absorpta fuit; futura multorum bellorum arena, & multo sanguine Christiano riganda.

Pacata Peloponneso, Trapezuntinis Principibus Graecicae stirpis, terra, & mari bellum intulit, classi centum quinquaginta navium praesse iussu Mahomete Purpurato. Hic per Pontum Euxinum prospera navigatione usus, descensione facta ad oram Paphlagoniae, f) nulla hostilitate exercita ad Sinopes mœnia metatus est. Praejacet hæc urbs Ponto Euxino, inque maris sinum ad viginti facile stadia procurrens, utroque latere mari cingitur. Ut militem oppugnandae Trapezunti servaret, Ismaelem g) Sinopes Dominum (qui genus suum ad primos Turcarum Principes retulit) amicitia Imperatoris oblata a belli consiliis avertit, accitumque in colloquium ostenso validissimo exercitu eo perpulit, ut provinciam nobilem sine mora subdiderit, accepta Philippopoli cum annuo fructu. Imperator, qui Castamonam h) cum altera parte exercitus pervenit, collaudata Ducis sui industria, ratas habuit conditiones, ac relicto in Paphlagonia praesidio, Trapezuntem oppugnatum ivit. Sed ut recte decurrat narratio, altius nobis filum retexendum est.

Comnenicia stirps jam inde ab Alexio Comneno Imperatore, serie non interrupta, rerum potiebatur Trapezunte, initisque connubiis cum vicinis Principibus se, regnumque suum per affinitates maxime stabiliverat, donec

a) Meminit Laonicus p. 148. classem in Turcas ex Italia missam, nihil tamen memoria dignum egisse, & Thomae opinione celerius e conspectu Peloponnesi vela vertisse. b) Mantinea urbs Arcadiae. c) Pylus urbs Messeniae. d) Mahometes quanti bellicosam indolem hujus Principis fecerit, ex isthoc encomio colligas licet: Veni in Peloponnesum: mancipia reperi plurima: nullum virum præter istum. Laon. p. 153. e) M. Ant. Sabel. Dec. III. L. VIII. ait: Roman venisse Thomam accepto D. Andrea capite, ob idque Pontificem Pium II. usque ad Milvium pontem cum frequenti Clero obviam processisse: atque eo loco, ubi Apostoli caput primum veneratus est, marmoreum sacellum erexisse. Augustius aliud in Basilica D. Petri, ubi caput ipsum solenni dedicatione locavit. Vide etiam Gulielmum Burium, & Anton. Sandinum in Vitis Pontif. Seculo XV. f) Provincia Natoliae, sive minoris Asiae; mari Euxino adfita. g) Error irrepsit apud Laonicum, dum hunc Ismaelem e Tyriorum progenie ortum duxisse scribit. h) Historia Musulm. hac de urbe habet: Castamonæ sita est versus Sinopen. Tam Sinopes, quam Castamonæ nomina cum ipsis oppidis supersunt. Cedrenus Castamonem appellat, & in Paphlagonia locat.

A. C. donec discordiis domesticis opes, & vires, veluti nervis solutis, paulatim
 1461. exhaustisset. Alexius, qui prisca libertate Trapezuntinis jura dedit, complures liberos numeravit, Joannem, Davidem, Scantarium. Felix Pater, si filii a belli studiis nimium abhorruissent. Odiosæ primum suspiciones de matre Cantacuzena, Joannis animum occuparunt, quasi cum Protobestiariorum minus pudice ageret. Isto propalam cæso, Alexium, & Cantacuzenam exuta omni reverentia vinctos detinet, ac regnum invadit. Cives metu calamitatum, quas fore prævidebant, supplices Joanni accidunt, orant, modum iræ statueret, neve manus sanguine parentum commacularet. Repugnare ausum in Iberiam ejiciunt. Tum ira in furorem versa, Trapezuntem armatus rediit. Cum vi aperta Alexium patrem, legionum robore stipatum, aggredi non auderet, insidiis incautum oppressit. Corruptis domesticis, a) clam in urbem, aulamque admissi Joannis fideiarii, alte stertentem, & sui securum cruentis vulneribus conficiunt. Tam atrocis facti invidiam, ut homo perfidus a se amoliretur, nocturnos grassatores partim oculis, partim manibus mulctat; Alexio vero Regia magnificentia iusta persolvit, cadavere Mausolæo illato. Vix Joannes Imperium infami parricidio emptum adiverat, Zyches Artabiles Ottomanici agminis Ductor, Trapezuntinos infestare cœpit. Extincturus nondum adultas belli flammæ, in hostem processit Joannes cum classe aliquot navium; altera parte copiarum terra procedere iussa, ut sibi mutuo, si res exposceret, opem adferre possent. Zyches fauces, Capanium dictas, infedit, prælii copiam facturus, si Trapezuntini in aciem prodirent. Joannes præfervidæ indolis, belli aleam haud detrectare videbatur, quod re maritima Turcis præstaret. Verum fœda tempestas adversis ventis mare exasperans, adeo potentiam illam maritimam afflixit, ut navium pleræque in altum abreptæ ventorum pervicaci furore, mutuo illis aut fractæ, aut certe in alias oras vadis, syrtibusque infames, compulsæ fuerint. Turcæ, furentes turbines adversus Trapezuntinos adesse sibi commilitones conspicati, simul ab occasione audaciores, raram, dissipatamque classẽ adorti penitus profligant, cæso Panisbasto, si-ve Augusto copiarum Duce cum filio suo. Joannes cladi superstes, crebris, horrendisque tempestatibus conflictatus, Trapezuntem redux obsidionem forti animo sustinuit. Sed brevi post tempore urbs peste correpta, atque incolis magnam partem exhausta, a Præfecto Amasiæ b) Chitere armis occupatur.

Hac rerum conversione vehementer perculsus Joannes, ut vel umbram Regiæ dignitatis retineret, Davidem fratrem suum fœderis sancienti causa cum amplissimis muneribus Byzantium ablegat ad Mahometem, qui dissimulato in præfens odio, provinciam administrandam ei attribuit, imposito onere, terna aureorum millia in annos singulos ærario numerandi. Post fata Joannis in Trapezuntinos dominabatur illius filius admodum adolescens, & viribus impar tantæ provinciæ. Hunc David perfidia Cabazitæ-
 norum throno dejicit, istoque fœdere cum Chasane Longo, vicinæ regionis Dynasta, Legatos ad Imperatorem mittit oratum, vectigales ne essent in posterum Trepezuntini. Istud cum urgerent contumacius in aula, quam ut rogare viderentur, Mahometes ira percitus, paucis respondit: *redirent, brevi se cum exercitu Trapezuntem venturum, & armatum querimonias, & lites de vectigali obortas ex æquo decisurum.* c) Igitur, ut supra meminimus, Sinope in potestatem redacta, & expedita Trapezuntem classẽ, Imperator terrestri itinere progressus, urbes plurimas Natoliæ, solo armorum terrore expugnavit. Chasani Longo, intra Paphlagoniam aliquot oppidorum Domino, primum belli fulmen imminabat. Sed Matre Sara, d) quæ authoritate, gratia, dicendi venustate plurimum apud Mahometem potuit,
 preces

a) Laonicus hos appellat Cabazitanos pag. 146. Alibi Cabazitænos. b) Amasia Gallatiam, Pontum, Cappadociam, Asiæ minoris provincias complectitur. c) E Laonici L. VIII. & IX. hæc transsumptum, qui perturbato ordine, Comnenorum non uno loco meminit. d) Laonicus nusquam, quod sciam, nomen hoc prodidit. Apud Sagredo reperi.

preces interponente, in clientelam acceptus, fulmen illud effugit, atque in A. C. Davidem, cui fœdere, & sanguine junctus fuit, torqueri vidit. Architha-1461. lassus enim Mahometes, iter maritimum accelerans, mense uno celerius appulit Trapezuntem, quam Imperator, eamque suburbiis exustis, arctissima obsidione preffit. Advenit subinde Mahometes ipse, & ne diu tempus tereret, Georgium Protobestiarium, Davidis Patruelem Trapezuntem intrare jubet, ac commonere Davidem; intra urbem acciperet præsidium Ottomanicum; provinciam Byzantinis Imperatoribus obnoxiam traderet. Si protinus imperata faceret, daturum se operam, ut pacatiorem regionem (quemadmodum Demetrio Peloponnesi Principi) Davidi, liberisque ejus perpetuo jure in Europa attribuat. Principi a fortuna deserto, atque armorum potentia undique circumvento, nihil erat facilius persuadere, quam quod tacitis votis ipse optaverat. Itaque post modicam deliberationem, admissis in urbem aliquot signis Janicsarorum, malis artibus quæsitâ dominatione decedit, ac cum conjuge Irene, liberis, opibus Byzantium, veluti in triumphum, deportatur, inde Adrianopolim. Trapezuntinos non impar calamitas excepit. Byzantium abrepti alii; alii legionibus adlecti. A) Non multo post tempore, literæ seu fictæ, seu reipsa datæ a matre Chafanis (nam utrumque fama vulgarat) quibus ad tutandam Chafanis provinciam evocabatur filius Davidis, aut Patruelis ejus Alexius Comnenus, Davidem cum stirpe sua præcipitarunt. Cum liberis, & Alexio vinculis onustus, in foro Byzantino mortem imperterritito vultu tulit. Georgius, unus e filiis, Mahometanam superstitionem amplexus, par fatum habuit. Filiam venustior forma supplicio eripuit.

Bellum hoc anno Mahometem excepit, quo non summis modo viri-1462. bus, sed & insigni crudelitate pugnatum. Vladus, B) Draculæ filius, connivente Imperatore, Valachiam sibi tributariam effecit. Ut sine æmulis principatui præesset, brevi temporis spatio opibus, nobilitate florentes viros, ceu alter Tarquinius C) fictis criminibus sustulit. Comparato exercitu, & in subsidium vocatis Hungaris, Turcis bellum indixit. Mahometes per insidias Draculam e medio tollere statuit, missis in Valachiam Cabolino, & Chamusæ expertæ fidei viris, qui tyrannum specie amicitie Byzantium arcesserent, atque in itinere improvisum opprimerent. Dracula istiusmodi artium non incallidus, fraudem subesse odoratus, de industria Byzantium versus iter accelerat, paucis suorum comitatus. In loco insidiarum, tela stringuntur, pugna committitur, qua utrumque fugatum capit, ac supplicio afficit. Palis præacutis infixâ corpora, dirum spectaculum viatoribus exhibuere. Defectionem Draculæ, & Legatos interemptos graviter tulit Mahometes; irritatus insuper denunciato bello, tantum exercitum legit missis per provincias Cursoribus, D) quantum Turcia nondum in campum eduxit, si eum demas, quo nuper Constantinopolis cecidit. E) Istro superato Valachiæ infusus, Draculam ad latus perpetuo incedentem cum suo exercitu habuit, neque ausus incendia spargere, aut prædas agere. Quos spoliis aviditas longius ab exercitu avulsit, continuo a Valachis occupati in furcam agebantur. Cum exploratum haberet Imperator, nullas venisse ab Hungaria copias, in aperto campo metatus, vallis castrensibus locum munire neglexit, Vladum denique infra vires suas habet, quo cum instructa acie manus conferat. Dracula castra hostium speculatus, sub primam noctis vigiliam, cum septenis millibus equitum in stationes impetum facit, Asianos in fugam conjicit, omnia tumultu, tenebris metum augmentibus, complet.

Imp. Ottom. Tom. I.

D

Jam

A) Laonicus pag. 157. ait: octingentos adolescentes Janicsarorum cohortibus immixtos. B) Vladus, in Hist. Musul. dicitur Uladislaus. Inde Spondanus ait: Vladum idem esse, ac Uladislaum. Callimachus & Draculem, & Uladislaum hunc Vladum appellat. Annales Turcici ad annum priorem hæc referunt. C) T. Liv. Patav. Dec. I. Lib. I. D) Laonicus miram celeritatem cursorum, fortassis etiam mira hyperbole extollit. Verba illius subjecto: Ex Peloponneso Adrianopolim, scimus Regios Præcones sive Cursores venisse intra quinque dies. Hoc iter intra decem, & quinque dies, eques ægre peragere potest, etsi maxime festinet. Adi etiam Bonf. Dec. III. L. IX. de celeritate Cursoris. E) Immo Laonicus affirmare non dubitat has copias & armis & reliquo apparatu instructiores fuisse copias Byzantio admotas.

A. C. Jam ad medium castrorum pervenerant, tentorio Mahometis certam cladem allaturi: sed per tenebras errabundi in Isaacum, prætoriani militis Ductorem, pugnae accinctum fortuito incidunt. Evitato certamine in forum castrorum contendunt, eoque direpto, cum gliscente hostium numero premerentur, albescente jam cælo spoliis onusti castris excedunt. Nocturno tumultu cautior factus Mahometes, castrensia opera fieri jussit, numerumque excubitorum augeri. Nempe HESTERNUS error, magister esse solet hodiernus. Dum Dracula Turcarum castris assidet, ditionis suæ principem urbem fere amisit. Eam Moldaviæ a) Vaivoda, fœdere implicitus cum Mahomete, suis copiis ad extrema deduxerat. Raptis illuc aliquot legionibus Moldavum conatu suo dejecit. Interim Draculæ Duces, Principe suo ferociores, temere in hostem ducunt. Josuffes Purpuratus hostem laceffere jussus, vix conspectis Valachorum signis, præcipiti fuga abripitur. Osmares b) (ducebat hic peditum cohortes) fœdam primi agminis fugam intuitus, suos festinanter in pugnam promovet, ac fugientes metu pannico perterritos in ordines cogit. Mox & isti tanto validius in pugnam ruunt, quanto eluendæ coram Mahomete maculæ acrior sollicitudo stimulabat. Fusi, fugatique Valachi in montium abdita semet recipiunt. Dimissus in omnem partem equitatus, regionem incendiis, cædibus divexat, tantamque prædam in castra comportat, ut viginti millia jumentorum Istro transmissio recensita fuerint. Exauthorato Vlado, fratrem illius, Valachiæ Principem dixit. Dracula invisus alioquin Valachiæ populo, dum inquietus exilii locum alium, & alium quærit, a Mathia Hungariæ Rege, qui eo temporis ad limites Valachiæ tetendit, captus, Budamque deductus diuturno carcere scelera nec pauca, nec parva luit. c)

Ex Europa in Asiam, Lesbi Dynasta, Dominicus Catalusius eadem adhuc ætate revocavit Mahometem. Is interempto fratre majori natu, principatum scelere adeptus, cum Piratis societatem inivit, quorum maritimis excursionibus vicinorum insulas infestas reddidit, mancipiaque e Turcarum provinciis vi abducta coemit. His admodum incensus Imperator, ad asperiora alioquin pronus, classe viginti quinque triremium præter centum minores in Lesbum navigat, Mitylenenque ad ictum destinatam, machinis bellicis, septem, & viginti diebus acerrime verberat. Dominicus abjecti animi d) Princeps, legatione præpropere ad Mahometem instituta paciscitur, insulam dediturum se illico, modo, quibus reliquum vitæ more Principum transigat, redditus annui assignentur: neque detrectaturum se sub Ottomanicis signis mereri. Firmato fœdere, incolas Mitylenæos tres in classes more suo dispescuit Imperator; unam militibus suis accensuit, alteram Byzantium abduci jussit, tertiam ad colendum agrum Mitylenes damnavit. Piratarum ter centum, qui urbem intrarunt, dissectis corporibus, quo acutiori dolore perirent, ad unum omnes mactavit. Catalusius paucis post diebus cum Lucio Æni Principe carceri mancipatus Byzantii; ut leniret Mahometis odium, cum eodem Lucio exuta Religione, Mahometis deliria palam amplectitur. Redditus libertati, & gratiæ, dum se extra ictum fortunæ putat, capite truncatur. e)

1463. Hyeme in adornanda classe, ac delectu copiarum transacta, primo vere gravissimum bellum Hungaris, & Venetæ Reipub. celerius intulit, quam vel tenuis rumor armorum percrebuerit. Adrianopoli festinato itinere promotas copias, nemine vim parante, torrentis instar Bosniæ infundit, Jaiczamque regni caput obsidet. Stephanus eo temporis provinciæ illius
Domi-

a) Laonicus Moldaviam appellat nigram Bogdaniam. Principem vero urbem Valachiæ Chillum id est Kilium. Hungaris Kilye feiérvár. b) Ob hanc victoriam Thessaliæ præfecturam obtinuit Osmares. c) Ita Bonf. Dec. III. L. X. Chalcondylas narrat Vladum rebus desperatis in Hungariam sponte confugisse. Hunc, uti & Annales Turcicos sequitur Spondanus. Vladi fratrem Mathias Rex in principatu confirmavit. d) Lesbum apud Cedrenum sæpius Mitylenen leges, etsi Lesbus maris Ægæi insula, Mitylene vero Metropolis Lesbi. Princeps iste apud nonnullos Nicolaus legitur; at perperam: cum Laonicus eundem Kyriakon dicat. e) Inspice L. X. Laonici.

Dominus, & cliens Mathiæ Regis Hungarorum, cum videret se imparem A. C. tantæ eluvioni, fuga dilapsus est Clissam, a) eminus spectaturus, quo res 1463. Jaiczenium evasura esset. Repentino Mahometis adventu territi oppidani, & a præsidio male instructi, celeri deditione libertatem pacti, ut liceret sibi patrio more vivere, ac urbana negotia tractare, urbem, arcemque subdiderunt. Ut plenam victoriam ea expeditione referret Mahometes, Vezirium cum Europæo exercitu Stephanum insequi jubet, Clissamque summis viribus impugnare. Urbs ea perennibus aquis septa, difficilem alias aditum præbet hosti, verum ea æstate paludes siccatae, nullo negotio superari potuerunt. Vix barbari in conspectu urbis castra posuerunt, Stephanus mitiora consilia agitare cœpit. Blanditiis in castra allectus, regno, libertate, vita denique ipsa se spoliatum iri sero intellexit, etsi Vezirius jurata fide longe alia sponderit. In castra arcessitus a Mahomete, postquam amaris salibus traductus fuisset, per summam crudelitatem pelle exuitur. b) Victoria e Bosnensi agro relata Turcarum vires magnopere auxit. Nam, ut fama est, triginta millia e capta Juventute suis peditibus (quos Janicsaros appellamus) adlegit. Atque sub hoc primum Imperatore ordo iste caput altius extulit, tantumque roboris exercitibus Ottomanorum addidit, quantum pedestris acies (Phalangem vocant) Macedonum militiæ. Equidem præcipuum istud apud Turcas sodalitium instituisse Amurathem II. c) accepimus, ejusque initia fere ad annum post Christum natum MCCCCXXIV. referri, quo Bulgari domiti; at nondum militari disciplina ad eum modum excultum, quo nostra tempestate signa sequi, ordines servare, glandium tempestatem sustinere, ferociter prælium inire, victoriam plerumque suo Marte præ equitatu conficere videmus. Unde processu temporis ob præclaram operam in statariis pugnis, in obsidionibus urbium navatam, & novis immunitatibus, & numero aliis, atque aliis militibus accensis, Janicsari creverunt, ut nimirum in eo veterum bellatorum consortio, Tyrones militibus præceptis in spem veteranæ virtutis adolescant. Et vero evolventi hæc folia, non semel istorum bellica virtus occurret. Ex quo superbia, factorumque jactantia. Contumacia præterea in suos Ductores, ac ipsos Imperatores, quos levi de causâ dignitatibus movent, aut pro libidine interficiunt. Denique creberrime Byzantium ipsum turbis, seditionibus, direptionibus exagitatum, ut nescias, hostesne ea in urbe licentius egissent, an Janicsari? Nempe IISDEM viribus, quibus Imperium augetur, sæpe vel labefactatur, vel evertitur. Sed ad nostra revertamur.

Rex Mathias animadverso se solum flumine Savo, divisum a Turcis, transmissio Savo (quoniam in celeritate erat victoria) quinque dierum spatium iter emensus, Jaiczam cum copiis pervenit, urbeque, nemine repugnante, calendis Octob. potitur. Arx militibus, machinis, re frumentaria munitissima, restitit. Mathias non diebus, non noctibus intermisso labore, quater muros, otium nullum obsessis dare, exitium ultimum præsidio minari. Harambegus, Regis ardore victus, etsi hyems tempestatibus fœda oblidentes perinde vexaret, arcem dedit; ipse cum ducentis equitibus Turcis Mathiam d) secutus Budam, augurium majorum subinde victoriarum in Hungariam tulit. Post Jaiczæ deditionem, pulsus barbaris e Bosnia, quinque, & viginti oppida hibernanti militi obvenerunt. Dum hæc secundo Marte in Bosnia aguntur, Respub. Christiana in Peloponneso pene succubuit. Possederant ea in provincia Veneti, aliquot ad oram maritimam præsidia, navigantibusque in Asiam adversus Piratarum incurSIONES tutum iter præstiterant multis jam annis. Mahometes omni Asia exacturus Christianos, rupto fœdere civitatem Argos e) prodicione capit. Hoc velut

Imp. Ottom. Tom. I.

D 2

classico

- a) Laonicus urbem Clitiam pag. 171. crebrius adfert; apud Geographos frustra eam quæsieris, nisi corrupto jam nomine Clitia eadem sit cum Klucsa, aut Clissa. b) Sic Bonf. Dec. III. L. X. Laonicus ait: Stephanum capite inulstatum. c) Nonnulli institutorem hujus ordinis fuisse commemorant Amurathem I. & tunc numerum definitum fuisse 7. vel 8. mill. Nempe ut Phalanx Macedonum; quæ 8. millia peditum numeravit. Mart. Cromerus L. XXV. habet: Bosnia occupata, triginta millia e Bosnensibus, Janicsaris immista. d) Bonf. Dec. III. L. X. e) Argos urbs Peloponnesi.

A. C. classico excitati Veneti, ductu Petri Palmerii, irruptione in hosticum facta, 1463. oppidum haud magni nominis diripiunt. Paucis post diebus Bertholdus Æstensis, penes quem copiarum fuit imperium, Betinus Calcinatus, Leo Illyricus, pluresque alii, belli fragore audito, ad Methonen a) applicuere. Inde Neapolim b) omne robur militiæ traductum; Argos invadunt, capiunt, ac militi diripiendum obijciunt. Dux Venetus majora ausus, cum quindecim millibus armatorum per agrum Corinthiacum ad Isthmum c) accessit, & circa Saronicum sinum castra defigit.

Aloysius Lauretanus, rei maritimæ Præfectus, in eundem locum classem sat validam direxit. Conjunctæ copiæ opus profecto arduum aggressæ, miro studio, improboque labore spatium illud, quod Ægæum inter, & Jonium mare jacet, muro, & duplici vallo munivere, tanta festinatione operis, ut quindecim dierum spatium supremam manum imposuerint. Bertholdus firmato muro variis castellis, præsidioque militum, Corinthum adoritur. Stationibus suis depulsi barbari, ac intra urbem conclusi, haud dubie victoriam concessissent Venetis, nisi Bertholdus, dum militis potius, quam cauti Ducis munia obit, prægrandi saxo ictus vivere desisset. Mærore defixi Veneti ob sinistrum Bertholdi casum, insequenti nocte cladem acceperunt. Turcæ enim eruptione tentata, per scopulosa Acro Corinthi latera stationarios fœde deturbarunt. Tot rebus adversis jam fractos, rumor Ottomanicæ classis obsidionem solvere coegit. d) Itaque Betinus Calcinatus, cui summa Imperii a fatis Bertholdi obtigit, Corintho, atque Isthmo sine præsidio relicto, Neapolim citato agmine abit. Barbari recedentes infecuti, infesso ad Neapolim vicino colle, urbi obsidionem inferre minantur. Veneti e tormentis ingentem vim telorum in confertos hostes effundunt; perculsis ad tot machinarum ictus, instant aliquot signa equitum, peditumque: frontem, latera impetunt strage ubique ingenti edita. Quina eo die millia cæsa perferuntur Turcarum. Ne rursus ad eam urbem male mulctarentur, in agrum Methonensem irrumpunt. Coronensem non absimilis tempestas corripuit, cæsis, aut captis Græcis, qui nuperum naufragium evaserant. e) His actis utraque pars in hiberna discedit, eandem arenam haud diu post lectura. f)

1464. Venetis, cum superiori anno minus prospere pugnatum fuerit, Victor Capellius, amplissimarum opum, ac magnæ inter suos authoritatis vir, utile consilium suggessit, nempe ut Mathiam Hungariæ Regem, cujus nomen a rebus gestis per Europam longe, lateque florescere cœpit, in belli societatem adiscant, junctisque viribus in communem Religionis Christianæ hostem depugnent. Facile istud Patribus g) persuasit, qui Rempubl. suam, rem Christianam salvam voluere. Itaque e Senatus consulto Joannem Enum Oratorem ad Mathiam fœderis iciendi causâ ablegant cum sexaginta aureorum h) millibus. Auxerunt hanc summam quadraginta alia millia, quæ Purpurati Patres post fata Pii II. Pontificis in ærario reppererunt. Hoc subsidio recreatus Mathias, legiones veteranas in Bosniam dimittit Duce Emérico Deako, ad Jaiczam liberandam. Circumvallaverat eam Mahometes, ut primum licuit per sævitiam hyemis. Urbem, quam Hungari defensabant, mura-

a) Methone, Corone, Pylus Nestoris, sunt urbes maritimæ Peloponnesi in provincia Messeniæ tunc juris Veneti. Plura de his ad annum 1499. b) Neapolis hæc, Geographis Napoli di Romania, veteribus Naulpia. Est & altera Neapolis, vulgo Napoli di Malvasia, alias Epidaurus. Utraque urbs in Peloponneso est. c) Isthmus, seu firma terra, qui Peloponnesum Pen-insulam facit, intra duo maria jacet, atque spatium quatuor millium passuum occupat. Isthmum hunc Xerxe dominante, Græci muro clauferunt, ut Veneti. Inde materiam ad educendum murum ad manus habuere copiosam. Constat Cæsarem Dictatorem, Caligulam, Neronem has angustias navigabiles voluisse reddere, incasso labore. d) Sabellicus Dec. III. L. VIII. Laonicus pag. 178. ait ob hyemis rigorem obsidium solutum. e) Consule laudatum Laonicum. f) Joannes Bapt. Verus compendio hoc bellum recitat. g) Laonicus Capellii orationem in Senatu habitam percenset, Mahometisque infestum erga Rempubl. animum gravi narratione perstringit: occupata contra fœderis sanctitatem oppida enumerat. Id denique per decursum sermonis agit, ut Hungaris pecunia traiciatur ad proficendum bellum. h) Bonf. Dec. IV. L. I. Sabellicus Dec. III. L. VIII. scribit: Quinque & quadraginta aureorum millia fuisse missa pluribus annis. Laoni. Chalcon. Viginti millia aureorum collecta, & jam præterlapso anno per Oratorem in Hungariam allata ait.

muralibus tormentis usque adeo verberaverat, ut intra non multos dies A. C. muri magno hiatu procubuerint. Res ad assultum venit. Antequam in rui- 1464.
nas affilirent, Imperator militem ad diripiendam urbem amplis pollicitatio-
nibus invitat, promptissimos peditum tot in ordines distribuit, quot tridua-
næ invasioni sufficere viderentur. Signo invasionis proposito, omni ex par-
te inconditos inter clamores convulsa mænia petunt. Præfidiarii veluti ad
supremam necessitatem confluunt, fortissimeque ferro, & igne ruinas tuen-
tur. Prohibere tamen haud potuere, quin hostis repetito insultu signa sua
cum ruinis, tum integris mænibus defigeret, animosque commilitonum ad
victoriam conficiendam provocaret. Præfidiarios contra superioris anni vi-
ctoriæ, hoc loco reportatæ, memoria ad stationes recuperandas incitavit.
Versabatur singulis ob oculos Mathiæ Regis gloria, perpetua armorum felici-
tas, animusque vel strenue occumbendi inter cadavera hostium, vel glorio-
se vincendi in capta jam urbe. Ergo ad reportandam fortibus viris exposi-
tam palmam, summo ardore, summa vi connituntur: victores redintegra-
to certamine urgent: signa evellunt: locis omnibus proturbant.

Clarissimum facinus Hungari hoc loco minime præteriero; qui bar-
barum complexus signiferum, in cuneos hostium e præalta turri semet con-
jecit. A) Strages eo die tanto major illata Turcis, quanto ardentius in ur-
bem provecti, ut erant conglobati, confertique, ictibus nusquam fallenti-
bus feriebantur. Neque Hungaris incruenta stetit victoria. Multi cæsi,
saucii fere omnes. Interea trepide nunciatur in castra: Mathiam Corvinum
cum grandi copiarum numero jam Savum superasse, obsessis auxilia laturum.
Rumorem hunc Emericus Deakus astu militari sparserat, non nescius FA-
MAM felicitis Imperatoris sæpe victorias legisse. Ad nomen Mathiæ, Maho-
metes expallescere, perturbate discessionem suis indicare, munitiones, ma-
chinas deferere, fugam etiam maturare in Macedoniam. Sic Jaicza liberta-
tem adepta, Corvini gloriam longe, lateque diffudit. B) Verum, ut du-
bium est belli eventus, eandem obscurasse videtur expeditio in Serviam C)
suscepta. Zoinichum oppidum, terreis operibus munitum, in alterum
mensem Mathias fatigarat. Deakum interim equitum Præfectum, cum ali-
qua manu pugnatorum expedit ad Strevernichum, argenti secturis divitem
locum, occupandum, qui impigre adortus defensores, uno, & altero in-
sultu patrato, munimento potitur, lectisque spoliis ad Regem revertitur.
Sed dum obsidioni strenuus incumbit Deakus, sagitta oculum percussus,
ab impugnando oppido Regios avocare nititur, patefecitque non obscure,
se privato dolori altius indulgisse, quam ut communes suorum civium inju-
rias ulcisci vellet. Rumor præterea primum tacite serpens, dein universa
castra pervasit, Mahometem cum quadraginta millibus proxime adfuturum.
Tum enim vero Deakus spoliis suis male metuens, Mathiam re infecta in
Hungariam retraxit. D) In hunc modum & Mahometes, & Mathias, alter
alterius fortunam veritus, belli alexæ semet subduxere. Nempe Imperatores
victoriis clari sapienter imitantur præcautos aleatores, qui plurium hora-
rum lucra, non utique uni jactui fortunæ committunt. Sed mors Pontificis
Pii II. supra omnem cladem erat. In Concilio Mantuano agitari cœptam in
Turcas expeditionem, ut felici exitu absolveret, Anconam concedit, Prin-
cipesque Christianos ad sumenda tandem arma multis stimulat. E) In con-

D 3

flando

A) Bonf. Dec. IV. L. I. Sub auspiciis Hunniadis in defensione Belgradi simile quid attulimus. B) Historia Musulm. docet: Mahometem meritis machinis noctu obsidium solvisse: Hungaros motu, nescio quo, exanimatos fugisse, ac in ea perturbatione profligatos. Ex quo fonte istud hauserit, ignotum mihi. Nescio Scriptorum, quod sciam, calamo suo cladem affinxit. Annales Turcici silent de hac expeditione. C) Servia, Mæsia sive Mysia superior Bonfinio, & aliis Historicis est, uti Bulgaria Mæsia inferior. D) Laonicus expeditionis hujus meminisse videtur pag. 177. at anno priori. Inter cætera ait: Mathiam Regem exercitum viginti quinque milium trans Savum exposuisse: ferro, & flamma in Mahometis oppida sevisse, cum viginti milibus mancipiorum in Hungariam rediisse. Atque hic finem imponit suæ Historiæ. E) Petrus Justinianus rerum Venetarum Lib. VIII. de Pio II. ita scribit: magna vi mortaliam ad famam piæ expeditionis ad eum in urbem conflente, Anconam venit: nec multo post adfuit illic sedenti per literas evocatus Christophorus Maurus Venetorum Princeps cum X. triremibus, militari, bellicoque apparatu egregie instructis.

A. C. flando hoc fœdere dum nervos omnes industriæ expromit, lenta febri de-
 1464. passus, maximo malo Reipub. Christianæ finem vivendi facit. Ab obitu Pontificis Christiani Principes res suas extra aleam posuerunt, tantaque confidentia fœdus isthoc neglexerunt, quasi nubes Turcica primum e Casspiis faucibus se evolveret. Quapropter difficillimi belli onera unis Venetis subeunda erant; Corvino per Bohemicum, Polonicumque bellum Religionis causa occupato:

1465. Victor Capellius, quem fortiter dixisse in Senatu Veneto meminimus, ut primum anni tempus navigabile mare aperuit, viginti quinque triremes probe armatas, prætervectus Malæ promontorium in Eubœam appulit, atque in hosticum profectus, Larissam, Aulidem, Athenas, a) nobilissima quondam oppida, Turcis eripuit. His victoriis incensus, Corinthiacum sinum accessit, spe urbis Patrensis potiundæ. Fecerant eam Græcanici homines, quos Turcarum licentia in urbe illa agentium post illatas injurias in desperationem egit. Proditione clam adornata, Capellium consilii adeunt, aperiuntque jam pridem sibi decretum, patrare aliquid in eo naufragio Græci Imperii, quod homines Christianæ Religionis addictos deceat. Esse in urbe tenue Turcarum præsidium; posse illud levi impendio opprimi, modo Veneti non desint. Portarum unam a se reclusum iri, quo tempore, qua occasione conditum fuerit. Pro successu nulla mercede se pacisci, generoso facto contentos fore. Male cohærenti proditioni Jacobus Barbadicus Capellii Legatus præficitur. Hic militem pridie undis jactatum, fessumque Patris admovet, adeo soluta castrensi disciplina, ut plerique ad diripienda vicina oppida a signis discederent. Ter centum barbari vagos, ac sine imperio, sine signis prædæ intentos maxima celeritate invadunt, momentoque toto campo propellunt. Barbadicus malæ insidens, dum militum fugam sistere contendit, hostium telis obrutus, inter primos concidit. Illius corpus, paludamento, annuloque insigne, in Patrensem arcem sublatum, palo affixere victores. Mille facile Venetorum eo die perierunt. Capellius eam cladem Barbadici ignaviæ imputans, universas copias ad impugnandam Corinthum ducit. Hostes commilitonum victoria feroces, antequam Veneti aggeribus castra munirent, urbe egressi, pugnam fortissime ineunt. Varia fortuna quatuor horas atrociter certatum fuit. Sed equites Veneti, dum in collem enituntur vicinum, unde in confertos barbari assiduo fulminarunt, strenueque excepti, rejectique primi fugam suis intulerunt. Aciem inclinatam non arduum erat cedere; & reipsa interneceione deleturi fuissent, nisi pulvis coortus prospectum ademisset Turcis. Amisissis in eo prælio amplius mille, reliqui præcipiti fuga naves petierunt. In Eubœam iter relegens Capellius, bis prælio victus, nunquam deinceps risisse est visus; tandem Chalcide mærore animum depascente contabuit. b)

1466. Cladem repensuri Veneti, Nicolaum Canalem, (Joanni Bapt. Vero Canalium) copiarum Imperatorem in Eubœam festinare jusserunt. Hic ut militis animos, clade superioris anni dejectos, tantisper recrearet, in Thessalonicensi agro villas, & vicos nullo obsistente depopulatur. Lectis spoliis copias utcunque firmatas in Peloponnesum, belli theatrum, traducit, ac in Patrensi sinu oppidum Lagosticum bello gerendo opportunum, communi-re occæpit. Jam magna ex parte aggerem, fossamque circumduxerat, cum repente duo millia Turcarum, operas incurfant. Relictis aliquot peditum signis, qui munitionem curarent, cæteros in hostem ducit Canalis, contentusque primum sustinere impetum; ubi vidit segnius instare barbaros, dato signo procurrendi suis, tanta vi impetiti, dispersique sunt, ut victoriam non sane contemnendam de iis reportaverit. Felix successus acriores stimulos Duci perinde, atque militi dedit. In Imbrum appulsa classe, urbem

Ænum

a) Larissa urbs Thessaliæ. Aulis urbs Achajæ, portu quinquaginta navium capace instructa. Athenæ optimarum artium olim emporium, nunc sedes ignorantia. b) Sabell. Dec. III. L. VIII. Joann. Bapt. Verus L. III. ad sequentem annum hanc Capellii expeditionem refert. Annales Turcici nihil de hac.

Ænum circumfidet, admotisque sub primam lucem scalis, mænia, nihil A. C. observantibus excubiis, superat. Oppidani subito terrore fracti, semisopiti, 1466. inermesque Venetis occurrunt. Victor miles cæde, rapinis omnia complet, ac demum oppidum in cineres redigit. Christiani cives Turcis permisti, sub barbaro jugo tot, tantaque mala ne timere quidem potuerunt. ADEO insolens est victoria, ut legum Divinarum, humanarumque oblita, rectene, an secus faciat, haud multum disquirat. Ferunt sacras Virgines, quibus Turcarum libido ob religionem pepercit, violatas, bina denique mortalium millia in servitutem abducta. Hac de Christianis relata victoria ovantes, suam Eubœam repetunt, fœdissimi factipœnas daturi excidio celeberrimæ urbis Chalcidis.

Inter has curas Veneti belli, ad Epirum, & Albaniam oculos adjecit Ma- 1467. hometes, festinatisque eo expeditionibus per Duces suos, Georgio Castrioto felicissimo sui temporis Imperatori, fœcundam victoriarum segetem superioribus annis dederat, quemadmodum legere licet apud Marinum Barletium. Heroe isto, anno proxime præterlapso, a) extincto, Albania non minus consilio, quam viribus imminuta, & unius Scanderbegi invicta fortitudine eatenus defensa, crescenti in dies barbarorum potentiæ succumbere debuit. Joannes Castrioti filius cum per ætatem gerendo bello impar esset, paternis commonitionibus obsecutus, in Italiam navigat, opem Venetorum, quibuscum Scanderbegus fœdus erat adversus Ottomanos, imploraturus. Verum iis in Peloponneso fatis, superque distentis, nihil auxilii Albanæ, fato sui Principis ægræ, accessit. Ne occasio rei bene gerendæ elaberetur, Mahometes florentibus cinctus copiis, regionem a præsidio destitutam ingressus anno MCCCCLXVII. munimenta immortalis Castrioti gloria toties defensata, deditione partim, partim vi admota, mærore defixis Albanæ civibus, occupavit. b)

Altero anno in minorem Asiam, & ipsam Caramaniam c) bellum 1468. transtulit, Principesque aliquot earum provinciarum inopinata aggreSSIONE perculsos, Imperio Byzantino subiugavit. Constantinopolim redux, vires, opesque omnes in expeditionem Peloponnesiacam non laboris magis, quam quæstus, & gloriæ plenam convertit; & quia superioribus annis didicit, Venetorum potentiam maxime mari dominari; propterea classibus fabricandis & materiam cædi, & navales fabros ædificandi navigia, ac regendi juxta peritos, toto Imperio conqueri iussit. Alteram curam militum delectui tanto pronius intendit, quanto per eam occasionem peditum legiones, quas supra modum attenuatas in nudis, vastisque Caramaniæ agris advertit, suppleturum se copiosius speravit. Nam & dives regio, & frugum ferax multis animos indidit, in illo belli theatro tyrocinium militiæ ponendi, aut veteranam virtutem inter spoliolum affluentiam, palam ostendendi. Itaque ex omnibus provinciis milites ad signa sua festinabant, omnesque urbes, & campi equestrium, pedestriumque copiarum strepitu, huc illuc properantium ad belli magnitudinem excitabantur. Classi, ac militum numero par bello necessariarum rerum copia. Commeatum, machinarum, telorum varii generis, & inprimis vis immensa pecuniarum comportata. Annus denique unus tot, tantisque apparatus a Mahomete, a Purpuratis quam solícite impensus. Non ignorarunt Veneti eam armorum tempestatem in se effusum iri; atque ne uno naufragio cum discerpta Peloponneso haurirentur, properatis legationibus potentiorum Principum auxilia flagitarunt.

a) Mortem obiit Scanderbegus Lyssi Albanæ urbe MCCCCLXVI. XVI. Cal. Febr. ætatis suæ sexagesimo tertio; Imperii vicesimo secundo. Barlet. L. XIII. Petrus de Réwa Comes Turocienfis in sua Monarchia Regni Hung. centur. V. fortissimi Herois res gestas compendio recitat his verbis: Fuit, inquit, Scanderbegus rei militaris peritissimus, incomparabili prudentia magis, quam magnis viribus, tot consecutus trophæa. Nam cum supra sedecim pugnatorum millia nunquam secum traxerit, quadragies tamen & amplius cum Turca conficiens, superior semper evasit, parva quidem, sed ordinatissima acie terribilis. Hæc Illustrissimus Author. b) Annales Turcici. c) Caramania in majorem, & minorem partita; quondam Ciliciam, Lycaoniam, Pisidiam, Pamphiliam, & Lyciam complectebatur, Principibusque propriis parebat, donec a Mahomete, aliisque Imperatoribus subigeretur.

A. C. runt. Sed res privatæ multos ab hoc bello averterunt, multis periculum
1468. alienum, & longinquum incredibilem segnitiam afflavit. Veneti tamen
Peloponnesi, & Asianæ navigationis percupidi, in eo discrimine turpiter de-
ferti, a terrestri militia male comparati, omnem curam, industriamque
ornandæ classis dederunt, quo insatiabilem Mahometis cupiditatem quoquo
modo morarentur.

1470. Et jam graviores nuncii Venetias perculerunt, Osmarem a) supre-
mum armorum Præfectum Byzantio abiisse cum classe in Tenedum, b) ex-
ercitumque Turcarum eo in loco in dies augeri. Nicolaus Canalis Venetæ
classis Præfectus, in Eubœa tum temporis stationem habuit, rumoreque
excitus, vela continuo in Imbrum c) fecit. Insulani cum latium idioma
non callerent, attactu capillorum innumera Turcarum navigia significarunt.
At quia FAMA eundo crescit, & timor plerumque non animum modo,
sed & oculos inconstantes facit, ut rem exploratam haberet, Lauretanum
cum decem lectis triremibus, qui certa referat de hostium robore, specula-
tum dimittit ea lege: ut si hostis non plures atque sexaginta naves haberet,
in eum proras strenue dirigat, se absque mora affuturum subsidio: si plures;
detrectato omni certamine iter relegeret. Speculatoria una Francisci Qui-
rini ausa propius accedere inimicam classem; certis, notisque tormentorum
ictibus multitudinem Turcarum significat, Venetosque fugæ admonet. Hoc
sonitu percepto ad arma provolant hostes, denisque navigiis Quirinum tre-
pide fugientem summa celeritate insequuntur. Prope erat, ut caperetur;
sed tenebræ incumbentes salutem fuerunt.

Visa trepidatione Venetorum, in Eubœam navigat Osmares, cer-
tam de urbe Chalcidis victoriam suis pollicitus. Urbs ea firmis operibus
munita, multa propugnacula numerat. Portum, in quem se naves tem-
pestatum maris, atque piratarum incursionum securæ recipiant, tutissimum
habet. Cives e quæstuosa navigatione, ac insulæ fertilitate, opes adeo am-
plas collegerunt, suis ut auspiciis nonnunquam bella gesserint, vicinisque
Regulis terrori fuerint. Religionem a Romanis acceptam suo in flore per-
petuo conservarunt. Hæc Mahometem incenderunt, ut florentissimam ur-
bem suo Imperio adjiceret. Circa Nonas Junias Osmares in fretum Chal-
cidis invehit cum tercentum variæ formæ navigiis, urbanæ ripæ coepit ex-
ponere copias. Oppidani metu obsidii extra mœnia progressi, incompoti-
tos, ac castrorum munitioni intentos, non sine strage ad naves repulerunt.
Interim Mahometes terrestri itinere facto, cum centum viginti millibus ad
Euripum d) constitit. Huic militum opera paucos intra dies pons impo-
situs mille passuum longus, traductoque per eum peditum robore, Chal-
cidenfes arctissima obsidione cinxit. Cives posteaquam viderunt urbem ea
parte impetitam iri, ubi minime putaverunt, pene in desperationem acti,
exitium patriæ suæ instare, non vane ominabantur. Et profecto PLERUM-
QUE capiuntur munimenta; quæ aggressionem non timere. Extructis sug-
gestibus oppugnandi initium est factum. Leonardus Calvus militum Præfe-
ctus, & Joannes Bondimerius ejus Legatus, eo intentiori cura urbem defen-
dendam suscipiunt, quo luculentius agnoverunt, hujus fortunam cum Po-
loponnesi urbibus, & præsidiis conjunctam esse.

Rumor obsessæ Chalcidis, dici non potest, quanto terrore Italiam
concusserit, Venetis Patribus sollicitudinem auxerit; existimantibus Venetia-
rum salutem sine Chalcidis libertate integram non fore. Et certe appare-
bat haud dubie futurum, ut nobilissima urbium, nisi celeriter suppetiæ fe-
rantur, a crudelissimo hoste excindatur; qua ille victoria elatus infestis ar-
mis

a) Incerto auctore edita expugnatio urbis Chalcidis (vulgo Negroponte, Eubœæ Metropolis, na-
tura, ac ingenii operibus firmæ) Basileæ typis vulgata: adjunctam habet Isidori Cardinalis
expugnationem Constantinopoleos. b) Tenedos Insula Troadis. c) Imbrus insula adjacens
Thraciæ. d) Strabo L. XI. ait: Euripus Chalcidis, ponte junctus duorum jugerum: turris
utrinque ad eum extat, una a Chalcide, altera a Bœotia. De reciprocatione Euripi sufficiat
dixisse id, quod eum septies quavis die, ac nocte mutari ajunt; e cujus vehementi contem-
platione Aristoteles febrili æstu correptus obiit, vel ut malunt alii, in eum se præcipitavit.

mis Italiæ oras, quoties libuerit, percurſabit; oppida, agros præſentiſſimo A. C. malo involvet. Igitur Senatus conſultum profertur, ut quotquot armatæ 1470. triremes in portibus ſtarent, absque mora Eubœam verſus curſum deſlectant, imperiumque Canalis ſequantur. Sed jam ille omnes vires contraxerat, & quatuordecim triremes cum duabus onerariis ad Euripi anguſtias egerat. Mille paſſibus a ponte Mahometis anchoras fixit, otioſaque fronte quotidiana certamina obſeſſorum ſpectavit, quamvis pulcherrimam occaſionem haberet ſecundis ventis pontem incurſandi. Ipi minores Præfecti, præcipue Piceamani fratres unius onerariæ Magiſtri, hominem palam admonuerunt, ut ne vecordia ſua rem perditum iret: infamiam ſibi per inertiam conſlaret apud Senatum: opportunum tempus, ventos navigationi idoneos non negligeret: ſignum impetendi pontem, aut caſtra daret. Fruſtra hæc talia cantabantur. Vetus illud audiunt: ne quid temere agant: Præfecto rem committant. Dum ſic in conſpectu urbis miſerum in modum laceratæ, tempus terit vecors cunctator, Chalcidenſium animi inter ſpem, & metum fluctuant, ſupremasque vires ad cohibendos aggreſſorum impetus collegerunt. In ea omnium ſollicitudine, domeſtica proditione urbs prope periit. Thomas Illyricus mercede conductus cum lecta cohorte ad urbis præſidium, rem ſœdiſſimam eſt auſus: præterquam enim quod hanc expeditionem clandestinis internunciis ſuaſerit Mahometi, inſuper pollicitus eſt, ſe locum proditurum, modo ſibi, popularibusque ſuis libertatem ſartam, teſtamque ſervaret. Turpiſſima nundinatio nondum ſatis matura, in lucem prorupit. Dum enim tranſugæ nunc in urbem, nunc in caſtra abeunt, & incaute literas ſagittis alligatas in urbem jaſtant barbari, puellæ prætereunti ſuſpicio proditionis oborta eſt. Res ad Magiſtratum delata, Thomam ſcleris convictum e vita proturbat. Paulo aliter hanc proditionem adornatam apud Scriptorem ſupra laudatum reperio: nempe Thomam Liburnum rei tormentariæ Præfectum, ſeu inſigni perfidia, ſeu Turcico auro occæcatum, barbariſ locum indicaffe, ubi muri vetuſtate labefcentes facile ictibus procumberent. Hoſtes, perfidi hominis indicium ſecutos, ruinam maximam intuliſſe mœnibus. Detecto flagitio, ab exacerbatis civibus Thomam ſupplicio affectum ante, quam urbs caperetur.

Spe ſua evolutus Mahometes, cum videret formidabilem claſſem Venetorum re tormentaria, milite quam optime inſtructam haud procul a caſtris Turcicis excubare, & quotidie ſuorum funera nunc eruptionibus, nunc ſolutis cuniculis, & jaculationibus cumulari; ſtatuit ſemet in tutiorem locum recipere, atque oppugnationis negotium Vezirio committere. Verum Aſiaticæ oræ Præfectus, fugam indecoram diſſuaſit, ne videlicet abſente Imperatore obſeſſis animi ſuccreſcant, & Ottomanı in certum diſcrimen adducantur. Quin author eſt potius Mahometi; hiantibus jam magnam partem mœnibus, aſſultum imperet: militibus civium opes addicat: præmiis ferociſſimos ad invaſionem exacuet. Hoc uſus conſilio, nondum oborta luce, copiarum partem ita in ordines componit, ut non uno loco irruptione tentata, perpetuo ſibi ſuccedant, & vel ipſa pertinacia irrumpendi Chalcidenſium virtutem enervent. Invaſionem atrociffimam præſidiarii forti, ut alias, animo excipiunt, maxime cum matronarum, virginumque manipulum ferro, lapidibus, aliisque instrumentis, quæ muliebris furor ſuppeditavit, armatum, virili prorsus fortitudine laborantibus adeſſe conſpiciunt. Fama eſt in eo diſcrimine urbis, illuſtrem hanc cohortem inter armatos pro mœnibus diſcerptis dimicaſſe, ac ſedulitati virorum adeo nihil ceſſiſſe, ut non minus ſuis incitamento, quam hoſtibus terrori, admirationique fuerint. Leonardus, Bondimerius, Paulus Hericius Prætor, ut maxime fervebat pugna, verbo, exemplo militem perinde, atque civem ad deſenſanda propugnacula urgent; Nicolaum Canalem ad opem ferendam diſſonis clamoribus admonent, atra vexilla præſentem Chalcidenſium fortunam teſtancia turribus præfigunt. Sed nullius conſilii Dux excidium ſpectare maluit, quam vires Turcarum in ſua navigia vertere. Jam bis rejeſtis barbaris, plurimum

A. C. fiduciæ sumpserunt cives, aulî etiam extra mœnia pugnam miscere. At dum
1470. integri fessis, vulneratisque, jussu Mahometis in auxilium properant; præsi-
diarii inedia, nimioque labore exhausti ad Burchianam portam muros de-
serunt. Pulsis defensoribus eo loco, victor in urbem irrumpens, metu per-
cædem aucto, cives reliquos e stationibus suis amovet.

Ergo undique infusus in vastissimos vicos, nullo ætatis, sexusque
discrimine implacabiliter obtruncat obvios quosque; quantumque conglom-
bati in capitibus platearum oppidani militibus immisti, armorum objectu ni-
tebantur furentium impetum cohibere, tantum una Janicsari, equitesque
conjunctis agminibus, ceu torrentium duorum auctu, ruptis aggeribus vio-
lentius ferebantur. Leonardus in foro; Bondimerius in ædibus Pauli An-
dreotii A) hostile ferrum altius acceperunt. Hericius cum sua cohorte ar-
cem tenuit, cui Imperator fide interposita capitis salutem pollicetur, si de-
ditionem acceleret. Spe libertatis falsum, secari medium jubet, cavillatione
barbare addita: *se cervici, non lateribus parcere debere.* Venetos,
quos ea tempestas interceptit, acutissimis palis affixit; Græcos pecorum ri-
tu sub hasta vendidit. Cæsorū capita in Divi Francisci area in acervum
conjecta, luctuoso spectaculo exhaustam urbem affecerunt. Hericii inte-
rempti filia Anna, inter non vulgaris, & ideo infelicitis formæ exempla futu-
ra apud posteros, cum libidini Mahometis morem non gereret; maris ani-
mi puella cervices præbuit. B) Ita Chalcidem intra trigessimū oppugnatio-
nis diem, unius hominis sive timor, sive imperitia cum insigni vecordia per-
didit, remque Christianam in Asia penitus afflixit. Canalis e miserabili
oppidanorum ejulatu, Turcicisque signis animadvertens captam esse urbem;
mærore, pudoreque defixus navigationem suis indixit. Collecto utcunque
animo de invadenda ex improvviso Chalcide consilium intempestivum capit.
Aggressionem parat ex Euripo, & continenti. Verum numero obruti, qui
terra impetum fecerunt, ducentis suorum desideratis, in altum vela dedit.
Infelici arena jussus excedere, Venetias evocatur, ubi ex vinculis causam
dixit, Patrumque sententia exilio multatus, Utini c) supremum vixit.
Ferunt Canalem precibus sui filii, quem eam in expeditionem temere acce-
pit, motum, prælio navali abstinuissē. Inde Senatus consultum editum,
ut ne in posterum tenerioris ætatis adolescentes cum parentibus ad bellā ma-
ritima proficiscantur. D)

1471. Excidium Chalcidis gravissimam sollicitudinem Venetis attulit, quem-
ve mitterent ad ferociam Ottomanorum reprimendam, diu, multumque
deliberarunt. Omnium suffragio Petrus Mocenicus, nobilissima stirpe apud
Venetos ortus, domi, bellicque clarissimus in locum Canalis sufficitur. Quo-
minus ea ætate lacefferet Mahometem, spes pacis, quam quæsierat bar-
barus opera filiae Georgii olim Triballorum Principis, moram ingessit.

1472. Postquam illa evanuit, Legatique Byzantio revocati; fœdere per-
cussio cum Pontifice Xysto IV. Ferdinando Rege Neapolitano, Rege Cy-
pri, aliisque Principibus Christianis, Mocenicus maritimas oras Asiæ pe-
tiit, superataque Lesbi insula, in adversum Asiæ litus copias exponit. Ve-
netum prædæ intentum barbari equites, agrestium ejulatu exciti, circum-
fundunt: at fortiter repressi a Peloponnesi levis armaturæ milite, in fuga
cladem accipiunt. Capita Turcarum ferro demessa, victores cum præda
multiplici in castra retulerunt, pro quorum singulis singulos aureos Moceni-
cus persolvit. Ut enim suorum alacritatem foveret, publico edicto sanxit,
tot aureos numeraturum se, quod capita barbarorum miles Centurioni suo
exhiberet, quod & secuturis annis, quoad præfuit Imperator classi, sancte
serva-

A) Hic est ille Andreotius, qui de Chalcidenſis urbis excidio commentarios scripsit, Sabellicoque
in lucem edendos tradidit. B) Incertus Author, qui & mulierum pugnantium meminit. C) Utinum
urbs ampla, & dives Fori Julii. Sabell. Dec. III. L. VIII. scribit: multos in eam
sententiam lapsos ob Ænum a Venetis direptum, excidium Chalcidis secutum. Canalis Ve-
netæ classis Præfæctus, ubi mortem obierit, non meminit: ait tamen L. IX. eum a se sæpius
visum in portu Gruario Carnorum oppido, rogatumque, qua potissimum ratione patriæ desi-
derium levaret? duplici respondisse indagine: Venatoria altera, al era Literaria. D) Expu-
gnationem Chalcidis priori anno recenset Joann. Bap. Verus L. III.

servavit. Tam prosperis initiis, mirum dictu, quantopere milites sub hu- A. C.
jus ductu vires, animosque receperint. a) Deportatis subinde copiis in 1472.
agrum Gnidiorum, regionem illam nullo prohibente, divisim agminibus de-
populatur. Classē spoliis onustam, inter militares applausus, dum in
Peloponnesum reducit, Neapolitani Regis navigia, opportunum sane au-
xilium, suis viribus adnexuit, cursumque in insulas Rhodo adjacentes diri-
git. Tenuerunt eo temporis Rhodii oppidum quoddam sat munitum (Di-
vi Petri castellum appellant) in ea parte Cariæ, quæ Coö insulæ ex adverso
respondet, unicum Christianæ Religionis captivorum, si forte delusis Heris
fugerent, asylum. Sed adeo angustis limitibus premebantur incolæ, ut per
incursum barbarorum, solis mænibus defenderentur, neque liceret oppido
egredi ad opus faciendum, nisi in servitutem abripi vellent. Hoc metu ut
absolveret oppidanos Venetus, ferro, & igne vicinos agros evastat, jumen-
torum vim maximam ad classē agit, faces tectis admovet, tanta furen-
tium militum severitate, ut heri pulcherrima regio, hodie præ omni solitu-
dine squalleret. Non pacato animo suas domos everti Ottomanī siverunt.
Ad arma provolantes, structis celeriter ordinibus, in prælium descendunt;
Venetos præda graves circumfistunt, lapidum, sagittarumque tempestatem
effundunt. Mocenicus instructa acie, agresti huic multitudini obstitit, plu-
rimisque obtruncatis in fronte aciei, reliquos intra montium cavernas re-
trudit. Quatriduo post, ad Tabiam Cariæ locum metatur, agrumque ur-
bis Halicarnassi, cujus solummodo tenuia supererant vestigia, militi in præ-
dam dedit. Haud neglexero isthic Mocenici Imperatorias dotes comme-
morare, quibus militum animos sibi arctissime devinxit. Prædam omnem,
quæ certe amplissima fuit in iis provinciis, inter victores ex æquo partitus
est: captivos aut publicis laboribus addixit, aut privatis Dominis cessit,
quamvis ex eo mercatu ingentem pecuniam derivare posset. Qua continen-
tia vir integerrimus plurimum contulit ad eas victorias, quas in Asia ade-
ptus fuit. Profecto ET MILES liberalius sanguinem fundit, dum præter
gloriam, fructum victoriæ sperare potest; & Dux prospere triumphat, si
vincat cupiditates suas.

Receptis ad Halicarnassum viginti Pontificiis navibus, quas unus e
Purpuratorum Patrum collegio b) adduxit, urbem Ataliam cum classe quin-
que, & octoginta navium invadit. Superantius Mocenici Legatus, rupta
prægrandi catena, suo navigio portum occupat inter densissima barbarorum
tela. Eodem calore classarii admotis propere scalis, mænia conscendunt,
tectisque suburbanis flammam subjiciunt, ut ad privata quisque pericula
ab armis avocetur. Sed tertius murus interioris urbis, ardorem invaden-
tium restinxit. Cum enim scalæ, murorum altitudinem non æquarent, pau-
ci ad fastigium eluctati, a Turcis, pro salute acerrime pugnantibus, dejecti
sunt non sine nautarum strage. Rhodiacæ classis Præfectus, dum incautus
portam civitatis impetit, ingenti saxo ictus, in oculis omnium concidit,
quæ res ut plurimum hostes accendit, ita Venetis multum fiduciæ ademit.
Ad hæc flamma densissimo fumo mixta, impugnantium ora adeo pertinaciter
invasit, ut crederes elementum istud hostium animos induisse. Igitur cœpto
desistere coacti, in patentes campos vertuntur, atque Pamphiliæ amænissi-
mum tractum non una populatione hauriunt. Nec Smyrna, c) urbs Joniæ,
Venetorum iram evitare non potuit. Istius loci incolæ cum domestica,
tum externa pace plurimis annis florentes, eo minus arma sibi illatum iri
ominabantur, quo magis in remotiori insulæ sinu, sedem fixerunt. Ho-
stium injuriis natura inprimis, ac manu subtrahit, omni metu armorum li-
beri; mænia vetustate collapsa dum erigere negligunt, improvisò cinguntur.
Molli otio, aut mercaturæ assueti, in ipsis murorum ruinis fluctuantibus

Imp. Ottom. Tom. I.

E 2

signis

a) Coriolanus Cepio Petri Mocenici res gestas conscripsit, quodve oculis usurpavit, in Historiam
suam retulit, Chronologiæ parum studiosus. Sabellius ex hoc fonte rerum Venetarum Histo-
riam continuavit. b) Quod nomen huic Cardinali fuerit? ignotum mihi. Anno integro va-
riis expeditionibus cum Mocenico interfuit. c) Smyrna urbs minoris Asiæ in provincia Jo-
niæ. Hanc fluvius Meles circumfluit.

A. C. signis Mocenico occurrunt. Visis tot fulgentibus Venetorum gladis, subito 1472. in fugam averſi, ſæde per vicos occiduntur. Qui ferrum victorum evaleſcant, cum copioſa ſupelleſtili prædam auxerunt, pecorum ritu ad navigia compulſi. Urbs poſtremo flammis undique in teſta conjeſtis in cineres reſedit. Balabanus, provinciæ Gubernator, ad rumorem hoſtilis exercitus advolaſi, ſed viſo miſerabili fato Smyrnenſium, vix equeſtri prælio congreſſus retroceſſit, everſæque urbis teſtis potius, quam deſenſor fuit. A)

Dum hæc in Aſia ſecunda fortuna gerit Mocenicus, Italia immani terrore concuſſa, vidit Turcarum triremes volitare per oras maritimas, ac incendia ſpargere. Ut enim eo averteret bellum Mahometes, atque Mocenicum Aſia detraberet ad defendenda Venetæ ditionis oppida, claſſem maturo jam autumno expedivit in Adriaticum mare. Evaſtatis ſumma celeritate Iſtriæ portibus (cum Veneti equites numero longe inferiores populatione hoſtem prohibere non poſſent, ac in Cerviam inſulam trepide abirent) Utinum uſque inter cædes, & incendia provolant Turcæ, cepiſſentque uno impetu urbem, nemine vim parante, niſi veriti a tergo inſidias, ad tertium ab urbe lapidem conſediſſent. B) Inde iterum in omnem partem, qua præda videbatur uberior, ſe circumagentes, incredibile quantum maritimis illis provinciis, ipſiſque Venetiis metus, ac trepidationis incuſſerint. Hæc in Italiam prima irruptio ſat proſpere ceſſit barbaro, viſaque amænitas regionis, & ſpoliorum amplitudo; crebrius ut deinceps bello ureretur, incitamento fuit.

1473. Poſt illatas mutuo populationes, uterque exercitus in hiberna conceſſit. Et Mocenicus quidem in Peloponneſi oppidis, quæ Reſpub. ſua ſub ditione habuit, hyemem pacatam tranſegit, novisque operibus aliquot munimenta adverſus barbaros, quam diligentiffime potuit, munivit. Dum inſtat operi, Adoleſcens religione Romanus, patria Siculus (Antonio nomen erat) facinus immortalis memoria dignum animo volvit. Noverat. is in portum Caliopolis c) Ottomanicam claſſem ſubductam, ac ſine cuſtodiis temere in anchoris ſtare: noverat præterea e diuturna ſervitute, quam Caliopoli ſerviverat, ingentem vim navigiorum, funium in armamentario aſſervari. Horum non minus, atque viarum peritus, maritimum hunc apparatus absque cæde Chriſtianorum perditurus, delectis comitibus paris animi, celocem pomis reſertam Caliopolim applicuit, e vili quæſtore, mox nobilis everſor armamentarii futurus. Oppidanis alto ſopore oppreſſis, Siculus vaſto, flammisque obnoxio ædificio, ignem non lente injicit tanto ſucceſſu, præſertim vento in facinus conſpirante, ut uno incendio ſagrare omnia conſpicerentur. Ne naves intra portum receptæ, eadem peſte involverentur, civium hinc illinc accurrentium multitudo prohibuit. Siculus hoc incendio clarus, celeri fuga celocem repetit Hellespontum trajecturus. Verum & ipſius navicula per ignem temere diſjectum ambuſta, fugam incoeptam ſtitit. Igitur in vicina ſylvarum latibula ſe abdit cum ſociis. Interim Turcæ in authorem tantæ cladis accuratori ſtudio inquirunt: urbem percuſſant armati, domos excutiunt, advenas, ſuſpectæque fidei homines in carcerem abripiunt: tum ecce! vident celocem incendio deformatam male agitari fluctibus, & poma prope littus fluitare. Subodorati id, quod erat, heſterni negotiatoris factum eſſe, veſtigia arenæ impreſſa legunt, reptumque in caverna, cum ſociis retrahunt, Byzantiumque deportant. Rogatus a Mahomete, quid tantopere ſæviſſet in naves? metuendus magis, quam metuens repoſuit: *ſe id patraſſe in commodum rei Chriſtianæ magna voluptate animi, majori ſi in ipſius Imperatoris caput ſævire licuiſſet. Neque nunc minus animi ſibi eſſe ad mortem, quam ad incendium, aut cædem unquam fuerit.* Hoc reſponſo fortiſſimi juvenis irritatus Mahometes Imperator, non Porſenæ d) indolem ſecutus, eum cum commilitonibus ſuis medium,

A) Coriolanus Cepio L. I. B) Sabellius id temporis Utini negotiorum cauſa egit, urbiſque metum vivis coloribus expinxit. C) Caliopolis, alias Callipolis urbs ad Hellespontum Thracium. Huius nominis ſunt complures. Imperator Caligula hanc condidiſſe fertur. D) T. Liv. Patav. Dec. I. L. II.

dium, quo lentius moreretur, secari mandat. Veneti cum Heroem præ A. C. miis afficere non possent, e publico ærario terna aureorum millia sorori 1473. ejus decreverunt: fratri vero, quoad vixit, annuam pensionem. A)

Hoc velut classicum erat belli maximi, quo Venetorum, Persarumque fortuna penitus profligata fuit. Inter utramque gentem jam inde a primis initiis Turcici Imperii, odium intercefferat, atque illud illatis, acceptisque assiduo cladibus aluerant; nec quantum conjectura assequi licet, ventura ætas extinguet. Præterea Usuncassanes, qui apud Persas tum rerum potiebatur, accepta in thori consortem Davidis Comneni, Trapezuntis Domini, filia Despina; Mahometem per Legatos acriter monuerat, ut ne bello peteret Trapezuntis, Cappadociæque regiones, quas sibi dotalitio nomine vendicavit. Pupugit enim vero hominem supra modum ambitiosum, suæque authoritatis retinentissimum Usuncassanis postulatum; nec armis abstinuisset, ni Hungarorum, Venetæque Reipubl. bellum præ foribus fuisset. Dilato tantisper Persico bello, B) proximas Byzantio regiones, ut retulimus, sub jugum mittere contendit, donec tandem Usuncassanes operæ Catharini C) Zeni Patricii Veneti, Reipub. foedere conjunctus, hoc anno Cappadociæ Turcarum provinciæ exercitum immisisset. Josusses Persici agminis Ductor, Toccatam D) opibus magis, quam munitionibus nobilem urbem, patentibus portis ingreditur, spoliata incendio delet, & everfis civium domibus, ceu bello confecto, signa vertit in Persidem. Mustaphas Imperatoris filius, Amasiæ Præfectus, Josussem spoliis tumidum in Caramania affecutus, ingenti prælio vincit, ipso expeditionis Duce intercepto, atque Byzantium in triumphum abducto.

Accepta clade nihil deterritus Usuncassanes, majores copias e suis provinciis cogit, Venetorum potissimum classe, quæ Ciliciæ litora infestavit, animatus. Imperator æmuli sui spes uno bello præfocaturus, in minorem Asiam (Natoliam) se confert, & totius Imperii robur, duobus filiis Bajazethe, atque Mustapha E) comitatus, in Persas vertit. Præter plurima oppida deditione accepta, Coricum F) præalto monti impositum, vi expugnat, tandemque ad Euphratem fluvium cum ducentis millibus pugnatorum castra figit. Persarum exercitum multo validiorem Usuncassanes in plura agmina divisum in insidiis tenuit, nec prælii copiam fecit, donec Murates Romaniæ, sive Thraciæ Beglerbegus moras pertæsus, incautus hostem ultro laceffivit. Circumventus a Persis ante, quam auxilio adesse posset Mahometes, cum suis ad internecionem est cæsus. Tam felici successu allectus, copias suas in apertum campum educit Rex, non jam pugnam vitabundus. Mahometes tanto cautior effectus, quanto prælium nuperum angebat magis ejus animum (quippe docere solent, quæ nocuerunt) fossam, vallumque castris circumduci, post vallum castrenses currus catena inter se nexos locari imperat; machinis longa serie dispositis, atque quindecim hominum millibus additis, qui currus, & tormenta defenserent. In medio castrorum foro, munimentum excitat, quo se recipere posset, si Marte sinistro configeretur. Huic delectos pedites, plerosque Janicsaros, robur utique exercitus sui imposuit. Sic rebus intra castrorum ambitum ordinatis, Persas, successu audaciores, expectare placuit. Æstimata castrorum munitione, plerique Ducum, qui bellicis artibus, experimentisque clariores apud Persas habebantur, Regem a castrorum invasione, ac pugna discrimine arcere conati fuerunt: unus Adolescens Regius juvenili ardore, recentique victoria

E 3

ferox,

A) Coriolanus Cepio L. II. B) Annales Turcici, & Petrus Bizarus rerum Persicarum Scriptor L. X. C) Sabellicus Dec. III. L. IX. Hic Catharinus Zenus multum versatus in aula Persarum auctor fuit, ut Legatus mitteretur Venetias fœderis ineundi causa. Interfuit præliis, & exitum sinistri eventus Mocenico perscripsit. Subinde ad Marham Corvinum Hungariæ, Casimirum Poloniæ Reges pro supplicis missus, legationibus in Asia, & Europa obitis, illustre nomen sibi comparavit. D) Toccata urbs Cappadociæ, Calchondylæ Tochata. Nonnulli eam ad Armeniam referunt. E) Annales Turcici tertium addunt Zeme, Latinis Zizimum. F) Hujus nominis urbes ternæ in Asia minore leguntur, toridemque castella.

A. C. ferox, veteranorum consilium inertiae nomine acriter impugnavit, evicit-
1474. que apud Patrem, ut torpentes intra sua munimenta aggrediretur hostes.

Primam aciem Zenial A) (ita appellabatur Ufuncassanis filius) castris admovit, oppugnationemque acrem potius, quam constantem occipit. Nam ad fossæ marginem cum suo manipulo proventus, plumbea glande prosternitur. Persæ Ducis casu subito perturbati, ceu unius spiritu certamen inivissent, paulatim pedem referunt inter volitantium globorum procellam. Ea trepidatione, Ottomanorum animi adeo incaluerunt, ut prorumpentes ex castris, trepidos, ac pugnae dubios terga vertere coegerint. Rex Persarum visa primi agminis fuga, & cæde; fortunam in ætuli partes inclinantem metuere coepit, auditoque Zenialem cecidisse, ex infelici arena se celeriter proripuit cum altero filio Ungher Mahomete. Laxato hunc in modum pudore, fugientem Regem plenis agminibus e vestigio sequuntur Persæ, qui nondum sub ictum venerant; incumbentibus cum expeditis equitibus Mahomete, & Mustapha, tanta ferocia, ut ipsa castra omni apparatu militari referta, occuparint. Haud convenit inter Scriptores, quantus armatorum numerus ad Euphratem constiterit? quanta clades accepta, aut illata? Coriolanus B) non dubitavit historiae suæ inferere, Persarum ter centum quinquaginta millia fuisse; Tuscas triginta millibus pauciores. Illorum cæsa decem millia, istorum quatuordecim; nonnulli prodiderunt quadraginta millia; ut fortassis blandirentur victis, quibus UNUM solatii genus superest, ut funera victorum augeant, sua minuant. Annales Turcici, ut virtute, non numero hanc victoriam retulisse evincant Mahometem, tenues admodum copias cum innumeris Persis congressas ajunt. Sed auxerint, minuerintve Scriptores, Persarum stragem: maximam fuisse vel inde conjicias, quod Ufuncassanes nihil in posterum in Mahometem ausus fuerit, etsi a Venetis multum stimuletur. Nempe vulnus lethale altius receptum erat, quam ut publicum, privatumque dolorem ulcisci vellet, aut posset. Mahometes ab Euphrate reducto per Natoliam exercitu, victoriam suam multum obscuravit, quod in captivos Persas sævierit: singulis enim diebus quingentos interfici iussit, eoque funerum spectaculo urbes minoris Asiæ exterruit. NON facile injicit animo frænum, qui fortunæ petulantia sibimetipsi eripitur. Mocenicus, qui ad Ciliciæ maritima classem egit, Regis fortunam ut prosperiorem redderet, Seleuciam, C) aliasque urbes subegit. Cursum victoriarum interruptit mors sane luctuosa Cyprii Regis, & oborta ea in insula seditio; ad hanc opprimendam ex imperio Reipub. in Cyprum navigavit, Persasque a fortuna alioqui desertos, repente destituit.

1475. Vix hyeme Byzantii transacta, nova inquietudo Mahometem incessit. Italiæ jam dudum infestus erat, sæpe auditus dicere: *se non ante ab armis discessurum, quam Romam, caput orbis, in suam potestatem redigat.* Urbs Scodra D) eminenti in monte posita, atque ea in parte Dalmatiæ sita, quam ab Epirotis occupatam recentiores Albaniam dixerunt, vota, conatusque morari potuit; qua perdomita, speravit fore, ut Dalmatiam omnem progressu temporis obtineat, omniaque expedita ad universæ Italiæ dominationem habeat. Hujusmodi spebus everberatus Mahometis animus, Solymanum Eunuchum, militiæ Vezirium ad obsidendam urbem cum ingenti apparatu tormentorum, grandique exercitu immisit. Octoginta peditum partim, partim equitum millia censa fuisse E) perferuntur. Ineunte Majo urbe quaquaversus obseffa, fluvium, navium patientem, Bolinam ponte firmissimo jungit; huic custodiendo Alibegum præficit. Mox quatuor prægrandibus tormentis, quæ e materia quingentis camelis eo deportata fudit, verberandis

A) Ufuncassanis, sive Longi Cassanis filio nomen fuisse Zenial, asserit Sigismundi Malatestæ Secretarius, qui id temporis in minori Asia versabatur, ut scribit Joannes Leuncl. Nobilis Angrivarii Pand. C. 145. B) L. III. Ex literis Catharini Zeni. C) Plures id nominis urbes apud Geographos reperies. Hæc in Cilicia aspera est. D) Scodra Turcis Alexandria, vulgo Ischenderien, ut habet codex Verantianus, Geographis scutari. Est clavis Adriatici, & Jonii maris. Vide Barletium, qui tribus libris, obseffam, & post quatuor annos expugnatam describit. Eam Venetis cessit Georgius Castriotus. E) Bonf. Dec. IV. L. III. centum millia obsidentium fuisse ait. Fidem Coriolano habere malim, qui præsens spectavit omnia.

dis mænibus initium fecit. Antonius Lauretanus Albanæ Prætor, pacatis A. C. adhuc rebus, diligentia, quanta potuit maxima, in futura provinciæ peri- 1475. cula urbem comparavit: militem qua domesticum, qua exterum sustinendæ oppugnationi parem imposuit; & quamvis munimentis, præsidioque multum deferret, quia tamen alea belli incerta, Mocenici, classis Venetæ Imperatoris opem festinatis terra, marique nunciis imploravit. Aduit ille secunda navigatione usus, cum Triadano Gritto a) successore suo, atque classe in Bolinam acta, ad ædes D. Martyris Sergii anchoras jact, cum tenuior alveus versus Scodram navigia majoris molis ferre non possit. Turcæ a tergo impetituri Venetum, Bolinam, ubi in angustas admodum fauces coit, catenis, saxi, trabibus obstruere, & classẽ reditu prohibere desudarunt. Res per transfugam prodita, omni successu caruit. Nam illuc immisissis aliquot armatis navigiis, etsi barbari utramque ripam insiderent, opus illud male cohærens disturbatum fuit, cæsis ex hostibus quingentis.

Interea Scodræ mænibus disjectis, Lauretanum de deditiõne oppidi compellat Solymanus. Verum cum deditiõnis nomen ne audire quidem præfidiarii sustinerent, virtutis suæ conscii; res ad assultum venit. Pedites recepto in se scandendi ruinas periculo, partim falcibus, partim prælongis hastis armantur. Hos fortissimi Janicsarorum, ense, & scuto instructi subsequi iussu. Istis sagittariorum cohortes additæ ad repellendos a mænibus propugnatores. Scodrenses non minori industria ad eludendos hostium conatus evigilant. Vasa multo sulphure, pice, pirio pulvere, & quidquid igniarie supellectilis, ingeniosa ad perdendos mortales solertia invenit, onerant, succensa devoluturi in subeuntes: machinas lapidibus, plumbeis glandibus, minutis ferramentis, quo plures trucidant, implent; ad hæc imbellis ætas saxa præparat in assilientes torquenda. His in mutuam cladem dispositis, Ottomanis edito more suo clamore, ruinas imperterriti accedunt; hastis, falcibus, æneis fistulis propugnatores urgent. Hi vasa incendio minacia, in confertos ordines devolvunt, plurimosque ea peste interficiunt, aut pugnæ inhabiles reddunt. Nam quoscunque igniaria illa pestis occupavit, acerbos inter gemitus exstinguebantur, vel abjectis armis humi volutantes semet, alienam opem horrendis vociferationibus flagitarunt. Saxa præterea e superioribus locis demissa, non minorem metum, stragemque intulerunt. Janicsari quidem semel, atque iterum ignium discrimine liberi, in pugnam contumacius redierunt, sed turbato aggrediendi ordine, atque auctis propterea Scodrensiũ animis, ægre se in gradum reposuerunt. Neque distulit Solymanus signum receptui dare, fortissimorum militum discrimen non ultra passurus, præsertim audito, multos primi ordinis Præfectos acerbissimo illo incendii genere ambustos, periisse. Recedentium vestigiis oppidani inhæserunt tanto audacius, quanto magis perturbati hostes in castra festinarunt. Coriolanus, b) qui præsens spectavit impressionem, literis prodidit, terna millia Turcarum occubuisse; toto vero oppugnationis tempore sex supra decem millia. Solymanus pervicaciam obsessorum non jam vi, sed lenta fame domandam statuit, neque recessurum se, nisi captâ urbe palam edixit. Sed Mathiæ Hungariæ Regis suscepta in Serviam expeditio, hominem compulit ad solvendam obsidionem. Veneti jam inde a millesimo quadringentesimo sexagesimo quarto anno, Hungaros in societatem belli vocarunt, pugnacissimæ genti decreto stipendio. Verum turbis Bohemicis implicitus Rex, non nisi anno uno Ottomanos laceßivit. Egit Mahometes per suos Oratores Budæ de induciis; semper incassum, quod Mathias diceret: *sibi integrum non esse fœdus, aut inducias cum hoste Hungariæ inire: se patriis legibus adigi ad provincias Regno obnoxias recuperandas.*

Hoc tandem anno obsidione pressis Scodrensiibus, Sebastianum Badovarium cum ingenti auri pondere Budam legarunt Veneti, qui fulgore auri,

a) Joan. Bapt. Verus Canonicus Patavinus L. III. diversus est; scribit enim Mocenicum jam anno 1473. Reip. Principem declaratum, Antonium vero Lauretanum in maris præfecturam successisse. b) L. III. quo etiam finem scribendi fecit. Mocenicus, vulgo Maurocenus, redux Venetias, post fata Nicolai Marcelli, Dux Reipub. salutatur.

A. C. auri, dicendique vi, Mathiæ bellum Turcicum persuasit. Simul atque in-
 1475. tellexit Mahometes Hungaros in armis esse, Eunuchum ab obsidione perar-
 dua revocavit. Et jam Mathias ad Sabacsium ^{a)} tetendit, munimentum in
 perniciem Hungariæ ædificatum, vi armorum excisurus. Erexerat illud Ot-
 tomanus anno septuagesimo supra millesimum quadringentesimum ad Savi
 fluminis ripam, dum Hungarorum arma extra Regnum peregrinantur.
 Ut opus morarentur limitum Præfecti, militem contrahunt, tormen-
 tis adversam ripam infestant. Sed Turcæ ab aggeribus tuti, manum
 ultimam terreo propugnaculo imponunt, annona, armis, milite in fu-
 tura discrimina communiunt. Regis tamen fortissimi vim diu sustinere
 non potuit, quantumvis Mahometes e prætorianis cohortibus validissimum
 quemque delegerit, atque ut hunc delectum luculento argumento palam fa-
 ceret, ipse pennas eorum mitris, pileisque, ornamentum raræ fortitudinis,
 addiderit.

Inclinante autumnio spes potiundi præsidii in celeritate posita erat.
 Trajecto Savo copias ita partitus fuit Rex Mathias, ut quaquaversus pro-
 pugnaculum clauderetur, ne quid annonæ inferri posset. Cum longa op-
 pugnatione hostem fatigasset, nec spes affulgeret Janicsaros locum cessuros,
 astu militari in cæca quadam valle insidiis peropportuna, pedites a tergo
 præsidii condit. Ipse a fronte cum reliquis copiis hostem distinet, dimican-
 do diem extrahit, paulo ante, quam nox solem eripuit, receptui canit.
 Præsidarii Hungaros, quietis causa abiisse rati in castra, quietem & ipsi
 capturi stationes deserunt, ignari quam luctuosam scenam quies illa appa-
 rata esset. Ingruente nocte, qui a tergo latuerant, raptis subito scalis valla
 conscendunt, nihil hostile formidantes, sui que securos facile fugant, cedunt-
 que. Rex ad primos clamores cum omnibus copiis advolat, prælium sum-
 ma contentione redintegrat, & non uno loco, in arma coortos removet.
 Janicsari præcipiti malo confusi, primo victorum furori immolantur; ubi
 rabies deferbuit, qui cladi supererant, in vincula compacti. Præda omnis
 generis, triginta dierum militum sudorem absterfit. Postero die Regis edi-
 cto, frænum illud Hungariæ, e fundamentis dirutum. Re ad Sabacsium
 prospere acta, animum adjicit ad Semendriam castigandam, erectisque ter-
 nis castellis eam veluti captam tenet. At cum hyems sæviret, depopula-
 tus Serviciæ agrum, exercitum novis victoriis alacriorem, in Hungariam re-
 ducit. Rumor clarissimæ victoriæ Christianam Rempub. mira voluptate af-
 fecit. Romæ, & Venetiis supplicationes habitæ, Regis Mathiæ nomen ma-
 ximis laudibus celebratum. Badovarius sane Venetus Orator laureatis literis
 Reipub. suæ significarat, Mathiam sexies semper victorem cum Turcis signa
 contulisse, Sabacsium partim vi, partim militari dolo expugnasse. Biennio
 versatus apud Regem, successores accepit Dominicum Aleriensē Antisti-
 tem, & Antonium Victorinum, qui centum aureorum millibus, Hungaro-
 rum arma in communem hostem acuerunt. ^{b)}

Nihilo felicius in Valachia pugnatum fuit. Irruperant illuc centum,
 & viginti millia armatorum, Regionemque Mathiæ obnoxiam, flamma, &
 ferro eversum ibant. Stephanus Vaivoda collecta agrestium manu, adeo
 prospere colluviem illam dispulit, ut pauci admodum cladem vitarint. E
 captivis non nisi majoris dignitatis Præfecti in vinculis detenti, reliqui o-
 mnes a victore per otium capite truncati. Bassæ quatuor cum centum mi-
 litaribus signis triumphum nobilitarunt. Annales Turcici victoriam Step-
 hano non invite concedunt, suorum tamen cladem mire elevant, simulque
 excusant; nempe in Scodrensi oppugnatione vires militum vehementer at-
 tritas, hyemem præterea immodice sævientem expeditionem arduam effecisse.
 Haud tamen persvaserint eundem exercitum & Scodræ, & Valachiæ
 gravem

^{a)} Sabacsium Serviciæ munimentum. ^{b)} Sabel. Dec. III. L. X. Bonf. Dec. IV. L. V. qui L. IV.
 ait: a Xysto V. (intellige IV.) Pontifice Dominicum Aleriensē, a Senatu Veneto Joannem
 Emum missos ad Mathiam Regem Hungar. cum tribus, & nonaginta millibus aureorum. Sabel-
 licus Emum anteponit Badovario.

gravem fuisse hoc anno, maxime Mathia Rege bellum moliente in Serviam, A. C. cui potius succurrendum fuit, quam aliena invadenda. A) Inde conjicio diversum a Scodrensi exercitum in Valachia caesum.

Anno superiori Mathias Rex, ternis munitionibus militariter ædificatis 1476. ad Semendriam, totidem veluti habenis præfidiariorum licentiam excurrendi ita constrinxit, frænavitque, ut cum inde in hiberna discessum foret, Semendriæ obsidionem laxasse potius, quam solvisse visus sit. Mahometes id minime ferendum ratus, Alibegum cum expedita equitum manu Semendriæ jubet succurrere. Sed ille transmissio Danubio, Temesiensem agrum populabundus percurfat, tristibusque vestigiis, quacunque se vertit, itinera signat. Rex nuptiis Beatricis distentus, limitum Præfectos admonet, Turcarum latrocinia ut quam primum coerceant, ac bellum in Serviam transportent. Et jam Petrus, & Franciscus Docsii junctis agminibus hostem persecuti triduo, ab agrestium turba intelligunt, Alibegum cum omni præda ad oppidum Pozazin in præalto monte metatum. Festinatis eo itineribus, postquam paucitatem Hungarorum conspiciunt hostes, agmina sua in planiciem demittunt, temereque in pugnam proruunt. Post atrox prælium fusa hostilis acies, victoriam non contemnendam nostris reliquit. Christiani vinculis onusti, visa Turcarum strage, ruptis catenis, funibus, castra inimicorum primi invadunt, custodes obtruncant, ac spolia cum victoribus diripiunt. Non multo post longævior procella Dalmatiæ incubuit. Istius provinciæ pagos, & oppida mira celeritate propulatur, B) urit: furore barbaro in aras, Sacerdotes grassatur, infinitam hominum multitudinem in servitutem hostis abigit. Styriæ partem, Carinthiam pari calamitate opprimat; sunt qui ad Forum Julium populabunda agmina excurrisse scribant. C) Utque luculentior plagam Mathiæ imponeret, Beatrici e finibus Venetorum per Dalmatiam ituræ in Hungariam, insidias struxit. Verum illa, non nisi in Macedoniam recedente Turca, iter auspicata est per Dalmatiam, incendiis, ac funeribus mæstam. Denique, Regis gloriæ ut umbram faceret apud Principes Europæos, castella Semendriæ injecta, admotis quadraginta virorum millibus deditio caput, præfidiariis militari cum honore libere emissis. Mox cum Ister glacie duratus viam expeditam faceret in Transylvaniam, concremata provincia quadraginta millia mortalium Byzantium secum abripit, sicque nuptialem pompam Mathiæ, incendiis, funeribus, rapinis fœdavit.

Eadem æstate classem expedit cum viginti millibus ad Capham D) Tauricæ Chersonesi urbem opprimendam. Urbs ista ad mare Euxinum jacet, veteribus Theodosia appellata; olim portu celebri, omnique mercium genere, & opibus præpotens. Id temporis Genuenses dominabantur urbi. Vix in conspectum appulsa est classis Architalasso Achmete; & mænia, & civium animi expugnata fuerunt, etsi rebus omnibus abundarent, & quinquennio obsidionem tolerare possent. Galeacii Pro-Comitis odium, quo apud cives ardebat, & proditio quorundam deditioem acceleravit. Capta urbe primarii oppidanorum cum uxoribus, liberis, & Mengligere Tartarorum Principe, qui cum duobus Germanis se in urbem receperat, Byzantium proficisci sunt jussi. Moldavi mercium causa in portu, & urbe moram trahentes, crudelem in modum e medio sublatis. Navis una Caphensium juventutem, & spolia vehens, Græci navarchi industria oppresso Turcarum præsidio, in manus Stephani Valachiæ, Moldaviæque Vaivodæ venit. Caphæ fortunam cum vicinæ arces, tum Crimæi E) Tartari secuti, clementiam potius, quam arma experiri maluerunt. Et hæc quidem expeditio ex animi sententia Mahometi cessit. At Solymanus, qui nuper ad Scodra mænia adhæserat, nihilo felicior erat hoc anno. Cum triginta mil-

Imp. Ottom. Tom. I.

F

libus

A) Victoriæ hanc literis consignarunt Bonf. Dec. IV. L. III. Sabel. Dec. III. Lib. X. B) Inspice, si lubet, inter cæteros Martinum Cromerum rerum Polonicarum Scriptorem L. XXVIII. qui Mathiam Regem acerbiori calamo insectatur. C) Joann. Bapt. Verus L. III. D) Capha, sive Cassa, Turcis Coffe, Straboni Theodosia est. Portus incuria civium arena, lapidibus pene obrutus. E) Crimæa Cimmerium olim. Sic Leunclav. Pand. c. 45. & 148.

A. C. libus Naupactum, a) in Corinthiaco sinu positam, post Calidonem inter
1476. Ætoliae urbes præcipui nominis, obsedit. Lauretanus maris Præfectus ad-
ventum barbarorum prævertens, cum validissima classe Naupacto saluti fuit.
Quatuor integros menses arx verberata incassum: sæpe ab urbanis, sæpe
a classiariis clades accepta. Ergo ut ignominiam, jacturamque temporis ce-
lebri victoria sarciret, Lemnum insulam de improvviso invadit: Coccinum
oppidum missilibus ignibus vexatum, ac parte murorum spoliatum, fere ad
deditionem cogit. Lauretanus hic iterum palmam infregit, Solymanumque
cum dedecore ad classem compulit.

Quamquam hanc laudem Marullæ Lemniacæ Virginis fortitudini qui-
dam attribuant, quæ interfecto pro portis Coccini, Patre suo, in locum
certaminis accurrit, scutoque & ense morientis Patris arrepto, Ottomanos
portam oppidi tenentes primum moratur, b) deinde gliscente civium nu-
mero redintegrata pugna virili prorsus animo, & sanguinem perpluens, ad
navigia rejecit. ADEO verum est, fortunam locorum sæpius, ingenia in-
colarum rarius mutari. Nam si fides antiquitati, Amazones Lemnum ar-
mis obtinuisse, ac in ea insula sedem fixisse memorantur.

Rursum hoc anno Moldaviæ, & Valachiæ arma illata. Stephanus
quidem Vaivoda Moldaviæ, per Legatum bellum avertere tentaverat; sed cum
Imperator jam ad Varnam tenderet, & conditiones admodum iniquas dicta-
ret, Legatus re infecta in Moldaviam revertitur. Tartari Mahometis im-
perium secuti, primi vastitatem agris minabantur; hos peditum robore de-
stitutos uno prælio contrivit. Borysthenes amnis plures hausit, quam fer-
rum Moldavorum. Interim Turcæ, Stephano equestrem procellam dispel-
lente, Istrum quinque pontibus sternunt, Moldaviamque infesti petunt.
Jam ante Stephanus provinciam suam hostilem in modum ufferat, jumenta,
imbellemque turbam cum re frumentaria in juga montium abdiderat, quam
hostis limites Moldaviæ teneret. Inde cum annona in devastata provincia
laborarent Turcæ, pabulum longius procurrendum erat equitibus, quos
Stephanus raros, & incompósitos sæpe numero aggressus, multa clade affe-
cit. Triginta millia hoc modo trucidata erant. Postremo Moldavi, seu
vim Turcarum pertimescentes, seu Stephani ferox ingenium exosi, in me-
dio æstu periculorum, abjectis armis diffugiunt, patriamque incendiis, luctu
squalentem hostium libidini permittunt. c) Percursata Moldavia in Podoliam
delati, non nisi Casimiri Regis Polonorum adventu, iter in Bulgariam rele-
gerunt; hyemem pacate acturi, ut integris viribus Crojam, & Scodram
urbes; quæ retroactis temporibus plurimum molestiæ dederunt, tandem
aliquando sub Ottomanicum Imperium, ditionemque subjungant.

1477. Crojam Scanderbegus ob senium, senique comites morbos, Venetæ
Reipub. defendendam commendavit, uti & filium suum, cujus tenerior ætas,
& impar bello, & injuriis obnoxia fuit. In hanc urbem veteri odio ardebat
Mahometes, tum quod Amurathes turpiter rejectus; tum quod Venetis
non leve vulnus inureret, si tam opportuno præsidio eos exueret. Jam an-
no præterlapso, barbarorum octo millia lenta obsidione urbem presserunt,
totaque æstate ad mænia hæserunt, ut ne quid commeatus, aut præsidii
Crojani acciperent. Præcipitante autumno duo millia partim Veneti, par-
tim Albani ad Lyssum urbem armati conveniunt, obsessis auxilio futuri.
Aderant spectatæ virtutis militum Ductores. Equitatum moderabantur
Antonatus Docius, & Ludovicus Tiphernas. Peditatum Carolinus, &
Leo Illyricus. Et Turcæ, & Christiani dato veluti signo in aciem prodeunt.
Veneti virtute superiores, hostem in fugam agunt, castraque capiunt. Spo-
liis allekti, tanquam devicto jam hoste, totos se ad prædas transferunt. Cro-
jani libertatem nacti in castra frequentes effunduntur. Id conspicati Tur-
cæ amissum campum ferociter repetunt, & una victoriam eripiunt. Equi-
tes

a) Naupactus, vulgo Lepantum, muris vetustate collapsis, hodie ignobile oppidum. b) Sabelli-
cus Dec. III. L. X. c) Annales Turcici hanc victoriam celebrant, Martinus Cromerus L.
XXVIII. eam superiori anno obtentam scribit.

tes primi animadverso periculo diffugiunt, pedites præda graves multi cæ-A. C. duntur in castris, plures perfidia Epirotarum perierunt, & inter hos Lega- 1477. tus Cantareus, qui sparfos, palantesque per sylvas, aut Turcis prodiderunt, aut ipsi interfecerunt. Ultra mille viros victoriæ securitas, & prædarum cupido ea die-perdedit. A)

Non mediocrem luctum hæc clades Venetis attulit. Sed non multum temporis intercessit, cum maiorem in visceribus Italiæ sentire. Occluserant Veneti perpetuo aggere post primam Mahometis in Italiam irruptionem; præter Sontium amnem, quicquid vadi inter Goritianum pontem, & Aquilejæ paludes fuit. Pro locorum diversitate jam proceris arboribus, jam terreis castellis, pontibus, opus illud centum stadiorum longum muniverunt. Tria millia equitum pro operis custodia excubabant, quibus adjuncti pedites, at pro numero equitum pauciores. Dum more suo stationarii vigilias obeunt, decem & amplius millia Turcarum Duce Marbego, quando nullus hostium rumor, ne suspicio quidem erat, repente munimenta incurrunt, castellum ad caput pontis erectum occupant. Inclinate die mille equites Sontium superare jubet Marbegus, & insidias tendere Venetis, qui se trepide in castra conjecerant. Die postero levis armaturæ equitatum castris obequitare mandat, atque ad insidiarum locum pertrahere tentat. Hieronymus Novellus Magister equitum, e castris prorumpens cum aliquot turmis, prælio leviter conferto, hostem fugæ alioquin accinctum, momento dispulit. Hieronymi filius, juvenis impiger, & audax, acerrime fugientes insequitur, patremque male metuentem fortunæ filii, ad cursum accelerandum incitat. Maturis insidiis veluti iussi, fugitivi prælium instaurant; barbarorum manus ex insidiis coorta Venetos a latere, a tergo invadit, sternitque. Hieronymus cum filio, Jacobus Badoarius, & plerique nobilium, quos inconsultus fervor adolescentis in certamen pertraxit, vulneribus confecti occubuerunt. Fuso, fugatoque Venetorum præsidio, sæva populatione regionem exhauriunt, frequentibus vicis flammæ injiciunt. Prædam cum maximo numero captivorum trans Sontium, ubi castra posuerunt, comportatam prædatores sequuntur, veluti in patriam redituri. Sed nova rabie correpti, rursus evastant circum omnia, non sine Venetorum militum nota, quibus nupera clades consilium, & animos resistendi eripuit. B)

Hæc quidem superiori anno acta fuerunt, verum ut uno filo decurrat narratio, prudens in hunc locum distuli. Interim Crojani unum, & alterum annum obsessi, misere conflictabantur fame. Ex Italia nulla auxilia sperare poterant: Albanos, vicinosque populos metu Turcarum perculsos, nihil tentaturos pro comperto habuerunt. Igitur communi consilio dedendam civitatem statuunt, diuturna fame (omni ferro, & igne crudelius sæviente in corpora, & animos civium) compulsi. Ita nobilissima urbs, Georgii Castrioti fortitudinis æternum monumentum, barbaris traditur; oppidanis, morbis, vulneribus, fame denique debilitatis, ac Byzantium abductis. C)

Ad famam deditæ urbis, Scodrenses jam circumvallati attoniti hærebant, & e proximi parietis ruina exitium sibi impendere non vane augurabantur. Et certe Mahometes omnem conatum huc contulisse est visus, Urebat fastuosum Principem ante quadriennium acceptæ ignominie memoria adeo vehementer, ut diebus singulis inclamari sibi iusserit; *Scodram libertate frui, & nondum caput Ottomanico Imperio submisisse*: ne videlicet ob molem rerum, in tanta bellorum tempestate agendarum, Scodræ memoria mente laberetur. D) Primo vere Alibegum cum quindecim armatorum millibus præmisit, quatrinduo post cum phalange Janicsarorum Solyma-

A) Marinus Barletius Scodrensis. Lib. I. B) Sabell. Dec. III. L. X. qui eo temporis Utino discens vidit atrocissimum suæ patriæ incendium. C) Deditionem Crojæ triennio ante narrat Joan. Bapt. Verus L. III. D) Ita Marinus Barletius Scodrensis L. I. Edidit is tres Libros, ut jam supra memoravi, de expugnatione Scodræ, viderique inter defensores numerum fecisse, adeo singillatim omnium meminit. Inscriptis eos Leonardo Lauretano Venetæ Reipub. præstantissimo Duci.

A. C. num Bassam; hos subsecutus Asiaticæ oræ Præfectus, tandem Imperator 1477. ipse ad Idus Junias cum reliqua militum manu Scodram accessit. Constans oppidanorum, & transfugarum opinio erat, raro urbem tantis viribus, tanto apparatu omnium rerum, impugnatam fuisse. Tercentum, quinquaginta Turcarum millia ad urbem confedisse fama est, patentesque campos, ac montium latera, explicatis longe, lateque tentoriis occupavisse. Duodecim millibus Camelorum materiam fundendis machinis advectam: sexies omnino cruentam impressionem tentatam: nihil demum ab utriusque partis milite prætermisum, quo Scodra, celeberrima apud posteros redderetur. Machinæ obversæ mænibus, quarum plurimæ mille ducentarum, & amplius librarum saxa ejiciebant, ruinam non modicam ediderunt. Neque missilibus ignibus abstinere, quos potissimum nocturnis horis, quo majorem in urbe tumultum cicerent, in civium tecta jaculabantur. Siquam domum flamma corripuit, ne incendium sopiretur, præter lapidum tempestatem, immensam vim sagittarum emisit; tantaque strues ex isthoc genere telorum composita fuit, ut oppidanis ad cibaria coquenda, ad furnulos calefaciendos abunde sufficeret. Bolinæ fluvii munitionem, quam tuendam suscepit Carolinus Italus, equitum Præfectus, & magnam portam maxime impugnarunt obsidentes; at præsentī animo propugnatorum, perpetuo in castra reiecti sunt. Mahometes furore amens, centum quinquaginta millia armatorum deligit; hos jubet in ruinas jam ad ascensum patentes eniti, die Divæ Magdalænæ Sacro. Nemo Præfectorum erat, qui casuram eo die Scodram, Imperatori non polliceretur.

Ut vero irrupturos sua præsentia acrius incitaret, Bassæum a) collem, Scodrensi portæ imminentem conscendit, testis utique futurus singulorum fortitudinis, aut ignaviæ. Ad signum invasionis, inter densam plumbi, lapidumque pluviam, uno procursu ad ruinas contendunt, cominusque propugnatores ad certamen cogunt. Oppidani, qui tum temporis sacris intererant, audita vociferatione pugnantium, consociatis cum milite viribus, ad mænia convolant, acerrimumque prælium faciunt. Barbaris sua multitudo plurimum nocuit, quod non satis explicatis ordinibus in collem niterentur, & ad assiduas tormentorum iras recta, & oblique ferientium hærerent. Mahometes dolore, iraque æstuans, relicto monte, unde aggressionem spectavit, se irrumpentibus immiscet, conglobatosque admonet, ut expansa acie, subeundi aditum sibi mutuo non præcluderent, sed tormentorum globis, ut innoxii transvolarent, aperirent. Solymanus armorum Præfectus, fluctuantes inter stragem commilitonum hortatur, in magnam portam ut vires convertant, ea capta haud dubie victoriam absolvi. Illuc ferocissimis peditum convolantibus, novum, atroxque certamen oritur. Jamque fatigatis oppidanis, Ottomanis spes accrevit capiendæ portæ, & re ipsa cedentibus Christianis munimentum superant, signa Mahometis defigunt. Melioribus fatis debebatur, quod Antonius Legius Prætor, fortissimam cohortem in foro armatam tenuerit, ad subita pericula accinctam.*

Hæc festinatis nunciis accita, vexillo D. Marci late explicato, ad portam jam occupatam decurrit, victoremque exultantem incredibili ardore invadit, gladiis, saxis, obnitentem proterit, e pinnis murorum deturbat, ac victoriam fere confectam corrumpit. In ea plurium horarum dimicatione, cæsa dicuntur duodena Turcarum millia, præsidiariorum facile quadringenti, nemoque Præfectorum inventus, qui absque vulnere prælio excessit. Christiani non sine præsentissimo Numinis auxilio insigni victoria potiti, ut erant sanguine hostili, suoque perfusi, & armis induti, sacras ædes repetunt, Deo, Virgini Matri, Divæque Magdalænæ grates persoluturi. b) SAPIENTER vincit, quisquis felicem prælii exitum non sibi, sed Superis attribuit. Fervente oppugnatione Scodrensi, ne quid auxilii ab Italia veniret, partem exercitus ad Sontiacas, & Gradiscanas munitiones infestandas

a) Sic dictus, quod in prima oppugnatione Byzantini Præfectus in eo tentorium suum statuerit.

b) Barletius L. II.

das misit Mahometes. Cum Venetus pugnam detrectaret, motis signis per A. C. abrupta montium juga, in Carnioliam iter instituunt hostes. Vix fidem 1477. posteritas habebit, equitatum ea loca adiisse, quæ ipsis incolis peditibus ascensu ardua omnino, atque invia sunt. Vicerunt tamen barbari asperitatem saxorum, & præfidiis dejectis e montium jugis, late terrorem juxta, ac incendia sparserunt. A) Eodem tempore Asiaticæ oræ Præfectus oppidum Drivastum haud procul Scodra dissitum cepit. Quingenti cives in conspectu Scodrensium concisi. Urbs Lyssus eandem fortunam experta est, cum duabus Venetis triremibus.

Hæc præsentē in castris Mahomete acta. Is sive victoriam desperaret, sive paucioribus copiis urbem brevi subactum iri existimaret, Byzantium abiit, relicto ad Scodram Marbego cum quadraginta circiter millibus. Antequam inde moveret, Bolinam fluvium geminis castellis claudit, quibus Janicsarorum præsidio communitis Marbegum præfecit, præcipue admonitum, ut intentiore cura, ne quid subsidii per amnem, Scodram adveniret, excubaret. Sed Veneti, non jam de Scodræ libertate, aut bello prosequendo, verum de pace ineunda cum Ottomano omnes cogitationes defixas habuerunt. Cum enim Mathiam Regem Austriaco bello implicitum viderent, neque spes concordiae esset; & sibi præterea a Mathia metuerent, quod nonnulla oppida in Dalmatia juris Hungarici, suo præsidio firmarint, abrogata insuper pensione annua; pacem tanto cupidius quæsierunt, quanto majora pericula tum a Mahomete, tum a Mathia sibi imminere prævidebant. Misso Byzantium Joanne Dario, qui de pace ageret, post multa tædia, sub hyemis exitum ea tandem impetrata, iniquis certe conditionibus. Summa illarum hæc erat: Scodra, Tenaro, Lacaoniæ promontorio decedat Venetus: civibus liberum sit, fortunam sequi, quam vellent: quot annis aureorum octo millia pendat, quo Pontica navigatio mercatoribus sit tuta, & libera. B) Jam Scodrenses fame vexari cœperant, & fœda cadavera, mures, canes, haud levi pretio coempta in cibum cesserant, cum pridie Nonas Aprilis urbs deditur. E sexcentis & mille viris, quadringenti duntaxat & quinquaginta cicatricibus insignes supererant, præter centuriam matronarum, quæ militarem cultum indutæ, truces, & adhuc iram spirantes Scodra excessere. Venetias translatis patriæ suæ oblivisci poterant, quando alii urbium præfecturis ornati, aliisque militaribus muniis, alii ex ærario publico annuam pensionem acceperunt.

Pace composita Venetos inter, & Mahometem, ingens formido in- 1478. cessit Italiæ Principes; apparebat enim fore, ut Venetis quiescentibus, Ottomanus ferocius arma corripiat, atque in ipsius Italiæ viscera, quoties libuerit, grassetur, cum iisdem jam locis rerum potiatur, e quibus singulos provinciæ Dynastas ad cædem designare possit. FIERI nempe amat, ut alieno periculo non multum moveamur; si capiti nostro malum immineat, angimur, premimur, & solícite opem circumspicimus. Nec falso hæc talia sibi persuaserant, ut postea videbimus. Sed fere in exordio pacis, belli flamma erupit. Insula Cephallenie c) nondum Turcas dominos agnovit, suis sub Regulis libertatem coluit. Huc classis Ottomanica appulsa, exactis Principibus insulam obtinuit. Restabat Zacynthus juris Principum Cephallenie, hanc pariter Turcæ ad ictum destinarunt. Leonardus Lauretanus classi Venetæ præfectus, hostium naves impiger sequebatur, nunciabatque copiarum Ductori; *haud quaquam passurum se, ut ea insula oppugnetur, ni Venetus equitatus sine fraude, sine injuria emittatur. Monere ad hæc hominem, ut ne quid agat adversus pacis fœdera, neve novo bello utramque gentem involvat: non ita fractas Reipub. vires, ut per summam injuriam omnibus fortunis everti, civibus privari se sinat. Adeesse sibi classem probe armatam, qua vim vi repellat. Mitiora potius consilia amplectatur, & quid*

F 3

sibi

A) Sabell. memorato libro ait: hanc irruptionem in Italiam sua ætate ultimam fuisse. B) Barletius hoc loco finem suæ Historiæ imponit. Annales Turcici in annum sequentem hæc omnia referunt. C) Cephallenia insula maris Jonii, haud procul Zacyntho.

A. G. *sibi faciendum sit, Byzantium consulat.* Cessit barbarus monenti. Uter-
 1478. que literas dedit Byzantium: ad Mahometem Turca; Venetus ad Bened-
 dictum Trivisanum, qui tum in aula Legati munereungebatur. Vicit Ve-
 netus. Equitatus Zacyntho deducitur, & cum illo multa mortalium millia,
 subitura servitutem, nisi Mahomeris in Venetos studium, in alienas sedes
 migrandi potestatem fecisset. Nempe Venetum irritare animus non fuit,
 ut in Hungariam rabiem olim conceptam audacius effunderet. Nec diu
 vota distulit.

1479. Rex Mathias Olomucii comitiis intererat, cum Uladislao Bohemiæ
 Rege veteres lites compositurus. Siccitas præterea tanta Hungariam vexa-
 vit, ut colono spem messis interceperit, Dravumque, alias navium capa-
 cem, vadofum non uno loco reddiderit. Occasioni intenti Turcæ, supera-
 tis Savo, Dravoque, triginta eorum millia prædatoriis agminibus Panno-
 niam incurfant; per Castri-Ferrei provinciam in Styriam penetrant, inco-
 las cum gregibus armentorum abigunt, lætique in Bosniam abeunt. Ma-
 thias pactis cum Friderico induciis, Stephanum Scepusiensem, & Petrum
 Garam hostem insequi jubet cum exercitu. Hi ultra Jaiczam castra pro-
 movent, atque tridui itinere confecto, ad oppidum Greben metantur.
 Missis subinde aliquot millibus Hungarorum ad evastandum Turcicum agrum,
 circa vicum Verbocium hostem cum præda inveniunt. Sub noctis tenebras
 clam ingrediuntur locum, præsidarios somno graves confodiunt, prædam
 omnem diripiunt. Bassa, quo Ductore Hungaria, Styriaque depopulata,
 e manibus victorum elapsus, rursus copias cogit, sparsos colligit, nostros-
 que spoliis onustos in itinere aggreditur, & fere fundit. Ter centum Croa-
 tæ viso Hungarorum periculo, in latera hostium inveci, plenam victoriam
 confecere. A)

At multo nobilior in Transylvania, hoc eodem anno auspiciis Ma-
 thiæ Regis obtenta fuit. Alibegus, notum variis populationibus nomen,
 per Valachiam in Transylvaniam cum centum armatorum millibus impetum
 fecit, congestaque locuplete præda, composito agmine, in campum Ke-
 nyérmezõ dictum, castra transfert. Stephanus Bathorius, Transylvaniæ
 Vaivoda, rei militaris peritissimus, coacto undique exercitu, a tergo Tur-
 cas sequitur, & veluti victoriæ securus eundem campum explicandæ aciei
 opportunum petit. Tres circiter horas in mutuo conspectu, octo stadio-
 rum intervallo, hæserunt, alter alterius vires emensus. Ordinata utrinque
 acie, Bathorius suos cohortatus, signum dedit certamini. Turcæ rejectis
 post tergum impedimentis, alacres procedunt, dextrumque cornu, quod
 Valachi, & Saxones Transylvani explebant, subito incursum turbant, cæsis
 præter fluvium Marusium non paucis. Hungari, qui lævum cornu tene-
 bant, multitudine hostium pressi, pariter laborabant. Bathorius e medio
 agmine loricated educit, primosque hostium ordines proterit. Parem ani-
 mo suo æmulum nactus Alibegus, equitatum objicit, veteranum cum ve-
 terano committit, multoque acrior pugna in medio exardescit. Vaivoda
 confosso sonipede, sex insuper vulneribus appetitus, in æstu cruentissimi cer-
 tamini cum paucis sociis ad extrema redigitur. Cum in hunc modum
 Hungarorum acies hostium impetum ægre sustinet, Paulus Kinisius Teme-
 sienis Comes, qui Bathorium ante prælium commissum condocesecerat de
 suo adventu, militem suum in plura agmina partitus, e montium jugo se de-
 mittit, Turcasque sine mora a tergo invadit. Accessu auxiliarium copiarum
 Vaivodæ miles illico prælium restituit. Sed nusquam acrius, obstinatiusque,
 quam circum Alibegum certatum fuit, collatis illuc, immistisque utriusque
 partis viribus. Postremo barbari pulsi, ne internecione delerentur, in
 montes fugiunt. Locorum, viarumque ignari ab agrestibus trucidantur;
 pauci, quibus vestium splendor salutis fuit, multo ære redempti, in patriam
 reversi. Alibegus fuga dilapsus, eam noctem in tugurio cujusdam pastoris
 egit. Ubi illuxit, equo inscens, *abi pastor*, inquit, *ad Vaivodam, & Ali-*
begum

begum hospitio tuo exceptum narra. Hungari eodem in loco, quo debel- A. C. latum fuit media inter cadavera cœnam instruxere. Addidit Kinisius ludos 1479. militares, dum arreptum dentibus Turcæ cadaver bis, terve in orbem duceret, ceu indignante animo etiam mortuum roderet, quem vivum ferro attrivit. Cæsa hostium in campo triginta millia, Hungarorum octo. A)

Nihil perturbatus hac clade Mahometes, insulam Rhodum terra, 1480. marique obsidendam statuit. Inimicitiae veteres inter illum, & Rhodios jam olim exercitæ, hoc anno in apertum bellum proruperunt. Equites Hierosolymitani in hanc insulam delati, apud quos summa rerum fuit, perpetuo armis locum tuebantur, pulsus, cæsisque Ottomanis, quos seu tempestas maris, seu rapinarum cupiditas illuc compulit. Venetam classem, in belli societatem acciti, pro facultatibus suis strenue adjutum ibant, sæpeque navali prælio hostem superarunt. Fœdus a Byzantinis oblatum, sed imperterritio animo rejectum satis, superque declaravit, quantopere ab omni Ottomanorum amicitia abhorreant. Præterea Mahometes alienam libertatem suam injuriam interpretatus, ægerrime tulit, tam vastam, ac omnium rerum prædivitem insulam, suo Imperio adeo vicinam, nondum jugum accepisse. Inde pervigil excubabat, si qua via Rhodios quæstiosa possessione deturbare posset. Eodem tempore duo nequissimi bipedum, Georgius Antonius Meligabus Rhodius, & Demetrius Sophonias Euboicus non dubitarunt per summum scelus insulam prodere. Ne quid temere Mahometes ageret, maturam deliberationem cum Purpuratis, Primoribusque suæ gentis init: accersuntur architecti militares, quos terrestres, maritimæque pugnae, oppugnationes urbium claros fecerunt. Aderat vir perditus Georgius, qui exuta Religione Byzantium cum liberis, & uxore demigravit, sive ut liberius illic viveret, sive ut rem Christianam pro libidine sua divexaret. Hic non minus excitandis, quam defendendis munitionibus promptus, Rhodiæ urbis opera per otium exploravit: quid firmum? quid validum? ubi muri vetustate hiantes? perdiligenter in chartam coniecit, exhibitoque oppugnationis ordine, spem ingentem fecit potiundæ urbis, modo copiosus miles armorum terrorem Insulanis ostendat. B)

Decreta oppugnatione Rhodi, longe majores copias conscribit, quam splendidus promissor optabat. Validam inprimis classem ornat, cui præfecit Mesiten C) gente Palæologa natum, supremum exercitus Vezirium. Is castrenses inusitatæ molis machinas præter numerosum militem, Demetrium, & Georgium transfugas, per Ægæum mare secundis ventis Rhodum advexit. Cæteræ copiae trajecto Hellesponto, terrestri itinere per Asiam minorem ductæ, ad oppidum Physcum consensu navigiis in insulam Rhodiorum appulerunt. Ne rumor tantorum apparatus in oris exteris belli faciem præberet, fabellam de industria spargunt, Imperatorem vita functum, exercitusque collectos non ad inferendum, sed depellendum ex Asia bellum, si quod oriretur, haberi. Verum RARO latuit diu, quod pluribus innouit, semperque paucorum fuit silentium, & fides. Nam continuo, ubi ornari classis est cœpta, dimanavit rumor, belli tempestatem in excidium Rhodiorum effundendam. Petrus Ambussionius, D) Magnus Ordinis Magister, spectati animi, consiliique vir, jam ante urbem probe communiverat, quam barbari insulam Rhodi intrarent. Datis præterea ad Equites sui ordinis literis, ad unum omnes in defensionem præsidii evocavit, quo si deicerentur, novæ iterum sedes terra, marique quærendæ forent. Denique ne messis, quæ nondum ad maturitatem pervenit, ab obsessuris colligeretur, iussit equites populabundos excurrere; segetesque, & olera, & quid quid usui esse poterat, in urbem adferre, aut ignibus perdere. Decimo Calendas

A) Bonf. Dec. IV. L. VI. unius duntaxat Alibegi meminit. Annales Turcici præter hunc, Isabegum, & Balibegum cum sexaginta millibus in Transylvaniam irrupisse dicunt. Quinos Ductores fuisse constans fama fuit. Poloni Scriptores errore lapsi sunt, dum ajunt, Bathorium in acie cecidisse. B) Bernardus Breidenbachius obsidioni urbis Rhodiæ interfuit, & commentarium accurate conscriptum edidit. C) Annales Turcici. D) Breidenbachius Danbussionium, alteri Albussionium appellant.

A. C. lendas Junii anni MCCCCLXXX. classis Ottomanorum applicuit: missæque 1480. naves Physcum, reliquas copias terrestres deportarunt. Primus labor Turcarum fuit, urbem quaquaversum corona cingere, tum castra firmare, atque aggeres extruere. Quibus perfectis, propugnaculum D. Nicolai everberari cœpit feliciore principio, quam successu. Procurrit ea moles in mare ad tercentum circiter passus, portumque tutissimum præbet navigiis. Illius vertici arx miris operibus munita incumbit. Eo in loco Colossus Rhodius, multorum ingenio inclytus, dicitur stetisse. Continenti verberatione propugnaculum labefactatum Ambussionium impulit, ut novam molem a tergo erigeret; fossa, objectuque sudium firmaret, in quam defensores, si forte loco cedendum foret, semet reciperent, pugnamque ex eo receptu redintegrarent, & hoc modo hostis non nisi fessus, imminutusque ad arcem perveniret. Vix ea moles surrexit, Turcæ sublato ingenti clamore, in propugnaculum D. Nicolai, navigiis advecti, irruunt, signaque signis conferrunt. Sed cum miles inter sclopetorum, tormentorumque ictus, nautarum ministeria turbaret, & ipsa navigia hinc illinc jactata, invadentium conatus plurimum retardarent, amissis septingentis peditibus in altum recesserunt. Post hunc minus prosperum assultum, ad Rhodiorum vires distrahendas ex imperio Melitis, Hebræorum mænibus tormenta vesanæ magnitudinis obversa fuerunt, tantumque fragoris cum incredibili strage mænium, & tectorum edidere, ut Rubei castelli cives, a Rhodo insula centum millibus passuum dissiati, tonitrua illa feralia non sine horrore audirent. A) Interea D. Nicolai propugnaculum diu, noctuque impetum, ne punctum quidem temporis respiravit. Melites nupero repulso nimium irritatus, alterum insultum & majori apparatu rerum, & militum numero adornat. Pontem inprimis navalem in adversa ripa, machinatorum opera ædificari jubet, quo admoto ad ruinas propugnaculi, stataria pugna congregi possent cum præfidiariis. In hujus operis molitionem complura navigia mediocris formæ destinata; quæ inter se certo spatio distantia, firmis rudentibus, atque harpagonibus illigabantur. Porro spatium, quod inter singulas naves intercurrebat, prælongis trabibus commissum, ac perpetua asserrum serie constratum fuit. Latitudo molis senos armatos æquo gradu distantes, ac in pugnam sensim prodituros facile accepit. Longitudo tanta, ut propugnaculum omni ex parte circumdare, & qua luberet, miles in illius ruinas elutari posset. Sed tantam industriam, & artem fortuna in medio cursu destituit. Rhodius quippe nauta, faventibus tenebris funes adeo attrivit, ut ea ipsa nocte, qua compages illa lignea, referta numeroso milite, cratibus; pluteisque præsepto, propugnaculo allapsa est, infame naufragium subierit, & militem armis gravem medias in undas effuderit. Interitum pontis accelerarunt tormenta, quæ in vastam machinam, ictuumque capacem directa globis raro aberrantibus, seriem tignorum divulserunt. Cæteri barbari triremibus, & cimbis, portentum navale præcedentes, pugnam concordi, pertinacique animo extraxerunt. Viso commilitonum naufragio, desperata victoria receptui cecinerunt.

Non minor clades in Georgio, nobili transfuga accepta est. Hic promissis suis ut staret, primis diebus obsessæ civitatis, veluti facti pœnitens Rhodum intravit. Ambussionio hominis levitas suspicionem movit, diligenterque custodiri jussit, ne pari levitate ductus, ad hostes reditum moliretur. Nimia sentiendi, loquendique libertas de Rhodiis, vino animi sensa detegente, vitam illi non multo post ademit. Ab Ambussionio, ne scilicet innocens injuria afficeretur, in quæstionem primum vocatus, personam aliquamdiu egregie sustinuit; dein pugnantia loqui deprehensus, suspicionem majorem in modum auxit. Ergo severioribus veritatem exprimendam ratus, in conspectum transfugæ, omnia crudelitatis tormenta proponi imperat. Et ille ultra: *quid cessatis proditorem urbis conficere? tormentis baud opus est; cogitavi, volui.* Dum corripitur a tortoribus, dum ve-

stem

stem exiit, necquidquam apud surdas aures, erroris veniam orat, & per A. C. ultimos cruciatus id, quod antea, fatetur. Mox Ambussionius Christiani 1480. nominis probum suspendii damnat. Sublato e medio proditore patriæ suæ, præter modum irritatus Mesites, obsessis minabatur, effecturum se, ut ejus loci victoria non jam cujusquam dolo, sed Turcarum virtuti deberetur. Nec fortius dixit, quam egit. Hebræorum mænia, uti & propugnaculi D. Nicolai ab imo subruta erant. Ad ea præsentī animo invadenda, Janicsaros ingentibus p̄missis onerat: mancipia, civium fortunas non ærario Imperatoris, aut sibi, sed victoribus obventura per præcones in castris edici jubet. Quidquid in urbe prædivite mercium, armorum, vestium reperturi forent, id fortissimis militibus in præmium laboris cessurum, liberaliter adpromisit. Nec mora; in utraque oppugnatione uno tempore procursum est. Penes maritimas copias fere victoriæ decus stetit (e quibus jam duo millia & quingenti ultra ruinas progressi, excidium urbi parabant) nisi Ambussionius adfuisset. Nam ille propugnaculi statione, ubi plurimum periculi præviderat, in se privatim recepta, equites admonere, suam illis virtutem, Christiani orbis expectationem in memoriam revocare cœpit. Tum Montelius, notæ virtutis Centurio, cum Rhodiorum manu accurrens, equitum constantiam firmat, & invadentes cæsis ternis millibus, & quingentis navigia repetere compellit. Nec incruenta Rhodiis erat dimicatio; multi occisi, multi vulneribus conspicui. Ambussionius ipse quinque vulnera retulit, artique medentium debuit, quod non continuo extinctus fuerit.

Hæc tandem clades feroces Ottomanorum animos infregit, atque ab obsidione sane laboriosa depulit, posteaquam tres circiter menses Rhodum necquidquam infestassent. Collectis jam vasis, cum omnia spectarent abitum, duæ subsidiariæ naves a Ferdinando Siciliæ Rege missæ, plenis velis in conspectum hostis venere. Quo minus portum uno cursu intrarent, perpetuis ictibus tormentorum prohibebantur. Una male mulctata, pene a barbaris occupatur, altera sollicitatis in altum remis, fugiente. Postero die rursus Rhodo applicat, & hostem non sustinuit modo, sed etiam superavit. Mesites anchoris sublati, terrestres copias Phiscum a) deducit, ipse vero inglorius Byzantium cum classe revertitur. Annales Turcici etsi sæpe suorum clades elevent, aut silentio prætereant, tamen hic testantur post magnam jacturam militum obsidionem solutam. Hanc utcumque refarsit Achmetes Purpuratus, qui Hydruntem, sive Hydruntum b) Apuliæ urbem, nullo impendio occupavit. Vix classē inimicam præsidarius miles conspexit, victum se sensit cum Francisco Zurlo Hydruntino Præfecto. Urbis in potestatem redactæ adeo fœda, nec verbis æquanda calamitas fuit, ut hostes ipsos suæ barbariæ puderet. Cum enim ad captæ urbis nuncium, omnia armorum sonitu, clamoribusque paventium, aut terrentium personarent, Turcæ in vicos effusi, armatos juxta, ac inermes prosternunt. Nobilissimi civium in forum protracti certis ictibus framearum procumbunt. Præsidarii ob summam ignaviam ludibrio habiti, pariter trucidantur. Pueros, mulierum turba vinculis servata. Sacræ ædes violatæ tanto licentius, quanto implacabili odio in sinceram Religionem ardent. Archi-Præsul, dum ad aras facit, corripitur, & medius crudelem in modum dividitur.

Ferdinandus Rex Neapolitanus non æri, non militi pepercit, adeo opportunum totius Italiæ præsidium ut Ottomano eriperet. Principes Italiæ nunc tandem excusso torpore, pro viribus suis patriæ consulere festinant. Alii legionibus scribendis, alii orandis triremibus curas intendunt.

Imp. Ottom. Tom. I.

G

Nimi-

a) Huius oppidi, uti & Rhodiæ urbis descriptionem legere licet apud Strabonem mibi pag. 749. Rhodum his verbis celebrat: „Rhodiorum urbs sita est in promontorio versus ortum porrecto (inter Candiam, & Cyprum insulas) portubus, viis, alioque apparatu tantum aliis urbibus præstat, ut non modo meliorem nullam, sed ne parem quidem ullam ei dicere possimus. „Laudat eandem ab optimis legibus, quibus temperata est, & a diuturno maris imperio. Hæc in laudem antiquissimæ urbis attuli, plura ad annum 1522. quo capta est. b) Sabell. Enead. X. Lib. VII. Hydruntum, Geographis Otranto, uti & Annalibus Turcicis.

A. C. Nimirum PUBLICÆ calamitati tanto promptius allevamenta comparantur, 1480. quanto illa periculofius cum privatorum incommodo conjuncta est. Urbs obfessa & terra, & mari; Italarum conatus diu elusit; imo procurfionibus suis tantum terroris incusserunt præfidiarii, ut nec truces Janicsarorum vultus, nec strictos acinaces perferre possent, sed veluti obfessi intra castrorum valla, vultu, animoque dejecti hærent. Mæsta castrorum facies Ferdinandum movit, ut Mathiæ Regis Generi sui opem imploraret. Delectus duorum millium equitatus, Duëtoribus Blasio Magyar, & Joanne Nagy in Apuliam mittitur. A) Hi eadem hora, qua Itala castra ingressi, cum veterano, notoque hoste infestis armis concurrunt; turrim, aquandi causâ extra urbis mœnia educam, assiliunt, eaque, cæso præsidio, vi potiuntur. Hoc facinore edito, continuo mutata castrorum, & belli facies. Milites perinde Itali, atque Hispani (nam & isti Hydrunti libertatem suis armis vindicare voluerunt) non erecti modo ob improspere gesta perculsi, sed etiam spe certa implebantur, non diu constituram urbem præsentibus Hungaris, quantavis munitione, & milite præfidentem. Firmavit spem & illud, quod obfessi rarius in castra procurrerent, metumque suum non uno argumento proderent.

1481. Sed cum Hydruntum Achmetes flore Janicsarorum, multa annona, & in plures annos suffectura, omni tormentorum apparatu instruxerit, admodum ardua, atque cruenta oppugnatio futura erat: nisi mors Mahometem fatali necessitate e vivis surripuisset. Ut trepidis nunciis Imperatoris sui fatum intellexere, non expectatis suppetiis, quas ipse Achmetes Aulonem B) jam adduxerat, candidum vexillum, deditionis insigne, sustulerunt. Eo conspecto Ferdinandus incredibili lætitia perfusus, tum quod Hydruntum Italiæ spoliolum, & Christianorum ergastulum, ea victoria scutum, & propugnaculum deinceps fieret; tum quod sine multo sanguine suorum eam victoriam obtineret, probeque intelligeret, quantum gratiæ sibi accreiceret apud Principes Christianos. Quare ne tantilla mora decus victoriæ corrumperet, obfessis, conditionum formulam ipsi ut conciperent, permittit. Cum peramplas sibi descripsissent, omnes ratas habuit; Regiam fidem testatus. At effrænis avaritia quorundam Christianonum fidem turpissime violavit. Castrensi supellectili, armis, vestibus spoliati, partim trucidantur, partim ad triremes damnantur. Alii narrant, Turcas sponte sua ad Principes Christianos defecisse, & perutilem operam in diversis præliis posuisse. Cæterum ut ad Mahometem revertamur, illiusque suprema molimina in everfionem Christianæ Reipub. prodamus; cum Imperio Occidentis perpetuo inhiaret, validissimam classem adparari, copiasque omnes in suis provinciis ad primum classici signum paratas esse jussit, subacturus primum Ægyptum, deinde Rhodum, c) postremo Italiam, & quidquid terrarum septentrio suo ambitu complectitur. Hæc vero adeo confidenter suis Purpuratis pollicitus fuit, veluti uno cursu victoriarum provincias peragraturus, fortunam suam in potestate haberet. Rapto itaque exercitu adversus Ægypti Soltanum, a quo suos Legatos a Rege Persarum venientes, muneribus, vitæque ipsa spoliatos contra jus gentium querebatur, in Asiam proficiscitur. Jamque Nicomediam D) infestus attigit, cum internis convulsionibus quatrduo confectus V. Nonas Maji supremum vixit, anno ætatis quinquagesimo tertio. E)

Erat hic Imperator acerrimus hostis Christianorum; hos terra, marique, quoad vixit, odio implacabili persequabatur. Duo Imperia iis ademit,

A) Bonf. Dec. IV. L. VI. Ad calcem Epitomes chronologicæ rerum Hung. Patris Timon, habetur epistola Mathiæ Regis, qua minutatim describit modum Hungarorum pugnandi cum Turcis, quantum mercedis singulis militibus pendatur &c. Svadetque Ferdinando Regi, ut Blasio Magyar oppugnationem urbis committat. Sabellicus Dec. IV. L. I. meminit Blasii Magyar, quem Macrblasium corrupto nomine appellat. Atque hic in rem nostram finem scribendi facit. Præter Venetam Historiam scripsit & alia opera, quæ ad manus habemus. Libris Rapsodiæ Historiarum ejusdem Authoris utemur. B) Aulon, vulgo Velona, sinus Albanæ, multarum navium capax. C) Unde, nescio quis Poetarum, de eo cecinit: Mens erat expugnare Rhodum, bellare superbam Italiam. D) Nicomedia urbs minoris Asiæ. E) Hartnæcus ad priorem annum refert Mahometis II. mortem.

mit, Byzantinum, & Trapezuntinum cum ducentis urbibus. Nemo certe A. C. Ottomanorum, post Solymannum II. rem Christianam majoribus damnis 1481. affecit. Fortuna plerumque usus est domi, forisque propitia. Primus adornata classe bellum Italiae intulit, primus in Hungariae viscera altius defœviit. Asiae, Europæque provincias victoriis emensus, non tam vi armorum, quam discordia Principum, suum Imperium propagavit. Syriam, Cappadociam, Ciliciam, Galatiam, Lycaoniam, Paphlagoniam, Pamphiliam, Lyciam, Pisidiam, Phrygiam, Cariam, Lydiam, aliasque veteris Asiae provincias, partim ductu suo, partim imperio, auspicioque domuit, aut arctius Ottomanicæ potentiae innexuit. Octingenta mortalium millia, hoc portentum humani generis abligurisse dicitur: neque tamen sæviendi satietas barbarum cepit. Pacis, atque otii osor perpetuus erat, ne martiales spiritus militum inter delicias urbanas marcescerent, & veluti Hannibalis exercitus ad Capuam, enervarentur. Aliquam tamen humanitatis laudem affectasse videtur. Nam & Græcas, & Latinas literas perdidicisse, & Heroum res gestas, ad unguem recitasse perhibent. Non dubitant quidam A) scribere: eum in teneiori ætate principia Religionis sinceræ hausisse a Matre sua, Lazari Serviciæ Despotis filia, & orationem Dominicam memoria tenuisse. At hæc bona, semina, ubi adolevit, adeo voluptatibus præfocata fuerunt, ut neque Christo, neque Mahometi quidpiam deferret, illudque sectaretur, quod commodis suis velificaretur. Istud, quod subjicio, nativam barbariem prorsus correxisset, nisi sexcenta alia eam orbi prodidissent. Quas in campo obtinuit victorias, ne progressu temporis interirent, suæ gentis Scriptoribus (quamquam rudis, & bellicosa natio bonas literas postremo loco duxerit) majorem in modum commendavit. Repertus est ea tempestate Italus, Joannes Maria Vicentinus, qui bellum Persicum, victoriasque Mahometis & Italo, & Turcico sermone complexus est. Hunc ille præ cæteris fovit sua in aula, muneribus coluit. Duos filios reliquit Bajazethem, & Zizimum, B) hæredes vastissimi Imperii. Mustapham filium, debellato Rege Persarum, non multo post nimia libido extinxit.



B A J A Z E T H E S II.

I M P E R. O T T O M. II.



Ebus humanis exempto Mahomete, ingens perturbatio apud Byzantinos oborta est. Pars Bajazethem, pars Zizimum secuta, utriusque dominandi libidinem consiliis, ære, armis inconsulte auxit, donec Zizimus victus, fugatusque & campum, & Imperium fratri suo cedere coactus fuit. Prætoriani milites, penes quos armata potestas stabiliendi, aut dejiciendi Principes suos; etsi præferocem Zizimi indolem summi facerent, atque sua studia palam addicerent

illius partibus, tamen Achmetes, Cherseoles, Daudes, opibus, & autoritate florentes, ac Bajazethi multum devincti, splendidis promissis eodem adeo flexerunt, ut conspiratione inita aliquot millia ab exercitu Zizimi secessionem fecerint. Extenuata hunc in modum factione Zizimi, quo absenti Bajazethi thronum stabilirent, Corcuthen illius filium annos tredecim natum Imperatorem proclamant, quoad pater e Cappadocia redux, Imperii habenas occuparet. Pulcherrimam occasionem nacti erant Christiani, Tur-

Imp. Ottom. Tom. I.

G 2

carum

A) Joannes Sagredo in Porta Ottomanica. B) Apud Scriptores Latinos Zizimi nomen accepit, quem Turcæ in suis Annalibus nunc Zemem, nunc Gemem vocitant.

A. C. carum ferociam eo temporis reprimendi, si a veteri illa discordiarum tem-
 1481. pestate respirassent. Rex Hungariæ Mathias audita Mahometis morte, si-
 mul & duorum fratrum, & totius Imperii scissione, illico versare cœpit
 animo, quid ipse commodi ex hoc dissidio capere posset. Atque evocato e
 stativis milite, in Serviam expeditionem edicit. Verum irritatus a Præfe-
 ctis Friderici, vires omnes in Austriam vertit, & Bajazethi semet in Impe-
 ratoria dignitate firmandi tempus concessit. Hic, posteaquam idoneis au-
 thoribus mortem parentis sui fama vulgarat, e Cappadocia, cui præerat,
 Byzantium advolavit, utque sibi Janicsarorum phalangem obstringeret, ur-
 bem diripiendam objecit. E thesauris pariter, quos Mahometes undique
 corrasit, non exiguam partem in milites profudit, veriusque Imperatorium
 sceptrum coemisse, quam jure hæreditario occupasse videtur. Zizimus etsi
 prævideret bello intestino Turciam involvendam, nec sine cæde, & sangui-
 ne Ottomanorum, aut urbium vastatione fratrem depellendum folio, favo-
 re tamen quorundam Purpuratorum, & insita dominandi cupiditate accen-
 sus, e Lycaonia exercitum movet, atque apud Prusam castra metatur. Ba-
 jazethes trajecto Bosphoro ingenti cum exercitu, dignitatem recens obten-
 tam armis tueri decrevit. Diebus decem mutuo in conspectu fraternæ
 acies hæserunt, & quotidianis procursionibus iram, animosque acuerunt.
 Sed levia hæc discrimina erant, unum certamen, ex quo cætera pendebant,
 intuente fortuna. Achmetes Vezirius, qui Cassam, & Hydruntum Apuliæ
 Metropolim cepit, e Bajazethis castris educto milite, Zizimum non de-
 trectantem certamen aggreditur, cæsoque exercitu, Ducem civilis belli in
 Caramaniam retrudit. Neque hic quieto esse licuit, Achmete illuc bellum
 transferente.

1482. Cum enim Zizimus Mecha a) redux, quo Religionis causa concesser-
 rat, in Caramania bellum instaurasset finitimorum Principum, & inpri-
 mis Ægyptiorum adjutus opibus, fortunæ lusum iterum expertus fuit.
 Itaque afflictis rebus, uxore, geminis liberis in Caramania relictis, ad Rho-
 dios Equites implorandæ opis causâ se confert. Paululum a litore progres-
 sus epistolam ad fratrem dedit sagittâ alligatam, quæ arcu excussa, in proxi-
 mum portum evolavit, hujus argumenti: *non fidei, non gentis odio, sed*
fratris injuria subactum, ut ad Christianos Principes deficeret. Unam spem,
omnibus amissis secum ferre. Adniscurum se, ut vel ipse author injuriæ, vel
liberi ipsius aliquando debitas pœnas exolvant. Ferunt Bajazethem ea episto-
 la commotum, lachrymis minime temperasse, animoque turbato aliquamdiu
 tacitum sedisse, amenti similem. b) Magnus Ordinis Magister profugum re-
 verenter juxta, ac magnifice accepit. Ipse triremi obviam processit cum
 nobilium virorum corona, Principemque Rhodum devectum liberaliter ali-
 quot annis habuit. c) Transfugium tota Europa illico vulgatum, maxima
 voluptate cumulavit Christianos Principes; sperabant enim intestinum hoc
 bellum, tam potentem æmulo superstite foveri posse, nec ausurum Bajaze-
 them alienum invadere Imperium, sui minime securum. Ut validior metus
 incuteretur Byzantinæ aulæ, Rex Mathias d) multis agebat apud Rhodio-
 rum Magistrum, ut Zizimum sibi mitteret, cujus factione Turcarum vires
 atterere cogitavit. Verum Pontificis Innocentii VIII. precibus cedendum
 fuit. Translatus in Urbem Zizimus, in aula Romana annos aliquot exegit;
 tandem ab Alexandro VI. successore Innocentii datus Carolo VIII. Galliarum
 Regi,

a) Mecha, sive Mecca urbs Arabiæ, natale solum Mahometis Pseudo-Propheta; illuc quot annis
 ingens mortalium numerus confluit e provinciis Turcieis. b) M. Ant. Sabel. Ennead. X. L.
 VIII. c) Ludovicus Tubero Dalmata, cujus MS. habeo, ait Zizimum custodiæ datum a Rho-
 diis, etsi fidem inviolatam fore polliciti sint. Hic Scriptor acerbissimum styli in Venetos,
 aliosque strinxit. Certe libris XI. Commentariorum de rebus suo tempore, nimirum ab an-
 no Christi MCCCCXC. usque ad annum MDXXII. in Pannonia, & finitimis regionibus gestis,
 fere nihil in Venetæ Reipub. laudem, etsi plurima poterat, commemoravit. Res Turcicas
 non male congeffit, quo etiam aliquando utar. d) Ita Tubero L. VI. Bizarus L. X. scri-
 bit: Bajazethem Imperatorem Rhodiis quadraginta millia aureorum quot annis obtulisse, quo
 Zizimum arte custodirent.

Regi, tunc Neapolitanum regnum petenti, in itinere supremum diem clau- A. C.
sit. Sed hæc multo post evenerunt.

Profligato fratre, sedatisque domesticis turbis, in Caramaniæ Prin- 1483.
cipem Abrahamum, furorem suum effudit Bajazethes, quod Zizimo non
hospitium modo, sed etiam exercitum in illius defensionem coegerit. Lon-
ga viarum ambage eo profectus, Caramaniæ oris metum intulit, etsi paca-
tis agminibus incederet, nullisque populationibus, vel incendiis regionem
vastaret. Abrahamus cautus magis, quam timidus Dux, suas copias ita est
partitus; ut pars altera angustias viarum insideret, altera belli secura, mon-
tium juga teneret. Inde æstate prope exacta in castris, Bajazethes copiam
conferendi cum hostili exercitu manum non habuit. Nam viam aperire
ferro per eas angustias, quas armati, castellis circum erectis, custodie-
bant; res plena discriminis videbatur. Ægyptius Soltanus, maximi nomi-
nis Ductor, vicino periculo commotus, non parvum suorum numerum in
Caramaniam adducit. Disceptatum inter Duces, Præfectosque militum:
apertone Marte dimicandum cum hoste? an evitando pugnam æmuli cona-
tus luderent? vicit sententia eorum, qui indecorum existimarunt suffurari
magis victoriam, quam collatis audacter signis extorquere ab hoste palmam.
Sed non ea fuit animorum in certamine, quæ in consultatione ferocia. Pri-
mus Soltanus campum petit, emissoque equite prælium acerrimum facit.
Vicisset, ni propere Janicsari equitatum loco pulsum, suis legionibus fir-
massent. Tum Abrahamus cum omni robore Caramaniæ in Janicsaros ir-
ruit. Post cruentam dimicationem vis, & numerus Turcarum prævaluit.
Abrahamus manu fortis, & strenuus, vulnerato sonipede in terram excuf-
sus, etsi obstantes cuneos, circumducto utraque manu ferro, perrumperet,
tamen omnium telis petitus, ac confossus, in ipso certaminis loco extingui-
tur. Cæso Duce, & cum illo viginti millibus Caramanorum, & Ægyptio-
rum, illustrem victoriam consecutus est Bajazethes, regionemque omnem
sui juris effecit.

Byzantium redux, quamvis ab armorum strepitu abhorreret, tamen 1484.
Purpuratorum quorundam consilio, classẽ centum quinquaginta navium
in pontum Euxinum immittit. Irruptione facta in Valachiam, & Molda-
viam, Tartarorum procurfibus, quos prædarum spes in hanc expeditionem
perpulit, utramque provinciam infestat, & Ciliam, sive Kiliam ad Istri-
ostia sitam obsidet. Dejectis propugnaculis, hostis cervicibus, & fortunis
civium imminebat; insultus tamen non sine strage Turcarum in irritum
cedere. Sed ubi propugnantium numerus ad paucitatem reductus fuit,
firmatis pactis præsidium urbs accepit. Visâ opportunitate loci Imperator,
muros in integrum restitui, ac novas munitiones addi jubet, ut Pontum
Euxinum ea in parte quam tutissimum haberet.

Interea, dum opera surgunt, Vezirium ad Moncastrum A) subigen- 1485.
dum mittit. Triginta dierum spatio urbs in potestatem redigitur, cum nul-
la spes suppetiarum esset. Stephanus enim illarum regionum Vaivoda, etsi
superioribus annis secundo Marte signa extulerit, quia tamen & numero,
& viribus multo inferior erat Ottomanis, prælio sapienter abstinuit; post
tamen cum a Rege Polonorum Casimiro tria equitum millia Ductore Joane
Polaco accepisset, levioribus præliis hostem distinuit, provinciasque
suas pro viribus tutatus est. Excessere Turcæ e Moldavia, Valachia præda
graves, Moncastro, & Kilia præsidio firmatis. Eadem æstate prædatorio
agmine Croatiam, & Carnioliam percurfarunt Turcæ. Reduces, & velut
extra ictum positi ad Hunnam amnem, a Mathia Gerebo Bano, Petro
Garaio, & Lupo Despote cæsi sunt, libertati redditis decem millibus ca-
ptivorum. B)

Victoria de Moldavo relata faces addidit Bajazethi ad justum bellum 1486.
Hungariæ inferendum. Nondum obductæ erant cicatrices sive ad Jaiczam,

G 3

sive

A) Moncastron, alias Bielogradum ad Tyræ fluminis ostium jacet. Leunclavius in Pand. c. 159.

B) Georgius Rattkai in memoria Banorum pag. 104.

A. C. five in Transylvania inustæ, cladiumque paternarum memor ultionem parabat. 1486. Lustratis ad Sophiæ a) mænia copiis, quo felicioribus auspiciis gereretur bellum, maturas deliberationes cum veteranis Ducibus, quos in eam expeditionem delegerat, habuit. Omnium sententia erat Hungaros, armis exercitam gentem, nunc minime esse irritandam. Isacus, Ibrahimus, Daudes primi nominis Purpurati, in senatu prompte addiderunt: *abstineret nunc bello Hungarico Imperator: Zizimum Christianorum Principum aulas pulsare, ut quidpiam opis extundat. Mathiam armorum gloria inclytum, maximum sibi nomen apud cæteros Principes peperisse, assuetumque perpetua felicitate victorias legere: sua autoritate, existimatione nominis, multorum arma sibi adiuncturum, neque Zizimo defuturum, si bello laceffitus fuerit. Meminisset induciarum, quas nuper cum eodem Rege pepigit. Nec Byzantii Proceres calamitosi Principis oblitos esse. Multorum studia erga Bajazethem frigere; si occasionem nacti fuerint, haud dubie signa defectionis elaturos. Plebem novarum rerum studiosam, facile in partes abituram. Denique bellum non esse quærendum in amica regione, cum Zizimi fautor Ægyptius Soltanus nondum pœnas dederit. Hunc potius, veterem inimicum, opprimendum, quam novis injuriis novos hostes cum certo detrimento provocare.* Hæc ubi percepit Bajazethes, bellum Hungaricum averſatus est. Dimisso exercitu Byzantium abiit, quo Oratores Soltani, ac Mathiæ, se contulerant postulata suorum Principum exposituri. Quæ eorum summa fuerit, Annales Turcici silentio prætereunt. Crediderim Ægyptium belli tempestatem, quam conſari in aula fidis internunciis didicit, a suis cervicibus voluisse amoliri: Hungarum de induciis sanctius observandis egisse. Sanctiæ illæ fuerant ante biennium, non sine bile Mathiæ Regis, quod incuria Oratoris sui de provinciis Moldaviæ, & Valachiæ nihil insertum literis, cautumve fuerit.

1487. Confecto utcunque negotio cum Hungaris, bellum decretum est in Caithbejum, sive Caith-Begum, Ægypti Soltanum. Ferhates, Bajazethis Gener, Ciliciæ Præfectus, collectas per hyemem copias in suam provinciam evocat. Caithbejus gente Circassus, conditione servus, a prima pueritia Mamaluchorum sectæ addictus, suffragiis Procerum, & commendatione rerum gestarum Soltani dignitatem apud Ægyptios adeptus est. Gens hæc Mamaluchorum e Christianis potissimum coaluit, qui fœdarum voluptatum illecebris capti, aut commissis flagitiis infames, ejurata vera Religione ad impium Mahometem defecerunt. Sed ex eorum numero vel maxime crevit natio illa, terrarum amplitudine, & armis potens, quos Ottomanii in variis procurſionibus a maternis ulnis admodum adolescentes avulserunt, atque Alexandriam b) deportatos, Mempheos c) Soltano non levi pretio vendedere. Hi multis annis disciplina militari privatos intra parietes imbuti, umbratili certamine exercebantur, quoad maturior ætas, & par militaribus tædiis, eosdem in campum protraheret, & ampliorem virtuti arenam aperiret. Unde ter centum, & amplius annis inconcussus stetit Imperium istorum fortitudine, raroque nisi victores e prælio revertebantur. Ex his primarii militum Ductores, urbium Præfecti, & Soltani (quæ summa dignitas apud Ægyptios erat) liberis populi suffragiis legebantur, qui aliis re militari, justitia, continentia præ cæteris floruerunt. NON PUDUIT pugnacem populum e vili, tenuique fortuna ortos primis honoribus ornare, quos virtus jam ante suffragia, hujusmodi muneribus pares admovit. Nec inde aliquod dedecus in Soltanos, aut Ægyptum derivatum, quandoquidem MULTO illustrius sit magnum fieri, quam nasci: multoque consultius Imperio, eos in caput gentis eligere, quos non splendor natalium, sed Reipub. amor commendat.

Itaque

a) Sophia urbs Bulgariz, e ruinis Sardicæ urbis surrexit. b) Alexandria urbs altera Syriæ, altera Ægypti: utraque a M. Alexandro nomen accepit: utraque nobile emporium. c) Memphis, sive Cairum Ægypti Metropolis. Mira de hac apud Geographos referuntur.

Itaque Caithbejus futurorum anxius, cum prævideret gravissimum A. C. bellum sibi illatum iri ob veteres inimicitias, quas cum Turcis susceperat, 1487. & nuperam (ut Bajazethes interpretabatur) injuriam, quod Zizimum hospitio exceptum, & milite adjutum defenderit, non expectato hostium adventu, suas copias Ciliciæ infundit, atque intra Adanam, & Tarsum a) castra ponit. Exercitui præfecit Diodorum animo promptum, expertæque virtutis Ducem. Turcæ haud procul inde delecto castrorum loco, perficiendo vallo eodem tempore strenui mæanum admovent. Diodorus explorato hostium molimine, operi intentos, & alioquin fessos repente obruit, & aggressioni impares profligat. Jacturam cumulavit Ferhates expeditionis Dux, qui fortiter dimicans in prima acie occubuit. Bajazethes e prælio dilapsum militem sedulus contrahit, & animadverso plus terroris, quam cladis in tumultuario illo certamine extitisse, Mahometem cognomento Chese-roglim, Achmetemque b) Herczegovinæ Ducis filium, Romanæ Præfectum belli fortunam meliori ordine tentare jubet.

Ægyptii victoria recenti præferoces Achmetis impetum (nam is equestre prælium primus iniverat cum prætorianis) non fortiter modo excipiunt, verum etiam illata strage procellam equestrem dissipant, & Ductorem a suis desertum undique concludunt. Hic unus victoriam morabatur non sine admiratione Mamaluchorum. Nam clava ferrea, quam non minus fortiter, quam dextere in omnem partem versavit, propius accedere ausos interfecit; istorumque infortunio cautiores, & pugnae dubios tanto facilius a se repulit, quanto cruenta vestigia singulos magis exterruerunt, donec duobus digitis amputatis equo deturbaretur, simulque & clavam, & victoriam perderet. Janicsari in medio campo circumventi, dum in orbem generose pugnant, a circumfusus Ægyptiis trucidantur; pauci positis armis arbitrio victoris se tradidere. Bis prælio fusi Ottomanī, cladi suæ ingemuerunt, vulgatumque postea, sex supra decem millia in infelici arena cecidisse. Petrus Bizarus, c) locuples author, Historiæ suæ inseruit; Tarsensi hac clade vix ullam majorem Turcas accepisse. Nam cum centum millia in aciemeducta essent, tertiam partem a prælio non superfuisset. Nihilominus Bajazethes Daudem Vezirium, & Chadumem Bassam, novo exercitu instructos, Mamaluchis obfistere jubet, & tertium congregi, si e re fore censuerint. Sed quo minus ad manus veniretur, Diodori providentia, & rigor hyemis in causa erant. Etenim Diodorus, ut ne superiores victorias foedaret, e campo militem retraxit, ac triumphanti similis Ægyptum intravit, ducto secum Achmete, quem in pugna milites Caithbei ceperant. Daudem hostium vestigia insistentem, perfrigidæ tempestates non immodice vexarunt; quapropter veritus, ne ab inopia commeatus, & ab hoste cladem acciperet, in Ciliciam regreditur, tametsi tumultuaretur miles, & vindictam spiraret.

Erant in Cilicia nonnulli Principes, qui privatum imperium moliebantur, aut excusso jugo Turcis subesse recusabant. Hos veluti per otium domuit. Versacensem d) provinciam percursum, barbaram, ac latrociniis deditam gentem fregit. Nobiliores in vincula abductos, partim securi percussit, partim pristinis fortunis restituit. Turgutensem e) agrum pari celeritate invasit; sed terrore adventantis exercitus vicos omnes incolis destitutos reperit. Infederant isti editissimos montes ejus regionis, convectoris omnibus, quæ ad usum quamvis longi temporis sufficerent, & tædio se fatigaturos hostem censuerant. Nam neque ausuros per tam ardua, atque iniqua

a) Tarsus caput Ciliciæ omnium fere literis celebrata. Multa de ea Strabo pag. 771. Mediam urbem Cydnus amnis interfecat, qui M. Alexandrum pulvere simul, & sudore perfusum invitavit, ut corpus ablueret, & sinistra valetudine inde secuta nobilis. Narrat hæc Curtius L. III. Cap. V. b) Hujus Achmetis Genealogiam deductam reperies ex Spandugino apud Leuncl. c. 161. & seq. Alio nomine in Annalibus Turcarum appellatur Herczeg, & Dux Herczegovinæ S. Sabæ. Certum est hunc Christianis ortum parentibus, uti complures provinciarum Præfectos eo temporis. c) L. X. d) Versacum oppidum nobile Ciliciæ, præcis Pisidiæ apud Strab. pag. 464. e) Est pars Phrygiæ majoris, Ciliciæ adjacentis.

A. C. iniqua loca subire eos: & si conarentur, vel parva manu prohiberi, & de-
 1487. turbari posse. Res sine dubio e voto cessisset, si barbari constantiores fuisset. Vix sua mapalia ardere viderunt e montium jugis, missis Oratoribus fidem jurant, seque cum omni regione dedunt. His prospere utcunque gestis, Daudes dimisso in castella milite, in Thraciam pervenit, ubi ad Vyzenum oppidum Bajazethem jura dantem civibus reperit, quo cum sæviente jam hyeme Adrianopolim rediit. Hic dum sepositis tantisper belli curis, genio indulget Imperator, Mathiæ Regis Hungariæ Oratores adveniunt. Jakasichius A) Rasciæ Reguli filius, Princeps legationis erat. Mirum dictu! quanta voluptate Imperatorem, & Purpuratos, Hungarorum adventus affecerit; cum non bellum indicturi, sed inducias nuper initas firmaturi eam legationem obirent. Zizimus enim, rebus licet afflictis, haud levem sollicitudinem injecit Byzantinis, ne Mathiæ opibus, & armis subnixus, patriam infestus peteret, nondum confecto bello Mamaluchorum. Sed Hungarorum res eo loco non erant, ut Turcarum arma in se averterent, cum eo ipso tempore infestis legionibus Austriam permiscerent. Itaque multis nominibus Jakasichius acceptus erat Bajazethi, qui nullum officii, aut humanitatis genus præteriiit, quo sibi Oratorem devinciret. Et certo raro legas in Annalibus Turcarum, quempiam Legatorum majori pompa exceptum, sive in publicum prodiret, sive domi privatus ageret. Convivia persæpe instituit Imperator, quibus Jakasichium interesse voluit; vestes acu Phrygia pictas, aliaque munera dono dedit; omnique honoris significatione, dum Adrianopoli fuit, ad invidiam usque aliorum coluit. Obita singulari cum laude legatione, dum iter in Hungariam relegeret, infelici fato fortunas, & vitam amisit. Gasis Mustapha projectæ audaciæ homo, quem olim cum fratre complures ante annos captivum tenuit, nihil suspicantem ad Semendriam ferro aggressus, multis vulneribus confecit. Ut violentas manus Legato inferret, veteres inimicitiae hominem impulere, quas utique carceris ærumnæ, & duo supra triginta dentes non molliter excussi conflarunt. Accessit & illud post hominum memoriam inauditum facinus, quod fratrem suum, veru peracuto transfixum, lento admodum igne ustulatum vertere in orbem, oculosque luctuoso spectaculo pascere adactus fuerit. Tantam barbariem nunc demum est ultus. Adeo DOLOR altas nonnunquam agit radices, ut nulla temporis diuturnitate evelli possit. Sed Mustaphæ diu superesse non licuit. A comitibus Jakasichii occupatus, eodem in loco interficitur. B)

1488. Bajazethes, qui factum excusarent, Oratores Budam legavit, & non inducias modo, sed pacem a Mathia Rege postulavit, ut nempe cladem in Cilicia acceptam omnibus viribus ulcisci posset. Aderant illi in Regia urbe cum nobilissimo comitatu eodem tempore, quo Patriarcha Hierosolymitanus apud Mathiam Soltani negotia curabat. Is jam anno præterlapso munera maximi pretii cum vestibus Tyriis misit: hoc anno etiam atque etiam oravit, ut fœdere percusso, conjunctis viribus bellum in Turcas suscipiat, se educturum non contemnendum exercitum, modo Hungari Serviam, aut Bosniam invadant. Hoc modo Ottomanorum vires vehementer accisum iri speravit Caithbejus. At mors Mathiæ abhinc uno anno secuta pulcherriam spem elisit. c)

1489. Porro Bajazethes transacto Adrianopoli in adornando belli, quod maxumopere ardebat prosequi., apparatu anno integro, cum exploratum haberet, Zizimi res apud Christianos afflictas jacere, neque eas tam facile erigi posse per intestina bella, quibus identidem conflictabantur Principes, d) quorum opem incassum imploravit Zizimus; rursus adversus Caithbejum, Alim Purpuratum e) cum duobus Præfectis Chalile, & Chasane altero

A) Meminerunt hujus legationis Annales Turcarum. Codex Verantianus ait: Paksum hoc munere functum. B) Annales Turcici. c) Bonf. Dec. IV. L. VIII. d) Et Mathias, & Veneti bello impliciti erant, aut certe pax nondum coaluit inter Principes Christianos. e) Complures hujus nominis copiarum Ductores apud Ottomanos fuisse leguntur.

tero Europæ, altero Ciliciæ expedit. Præter ingentem machinarum vim, A. C. cæterumque apparatus castrensem, ter centum auro, gemmisque fulgidas 1489. vestes addidit, quibus ii inprimis donarentur, quos virtus bellica in illa expeditione commendaret. Festinatis profectioibus in Ciliciam interiorem ingressi cum florentissimo exercitu, Adanam, atque Tarsum contra vim inimicam, qua possunt, maxima celeritate præmuniunt, & septena circiter castella Soltano obnoxia, uno velut impetu suis præsidii occupant. Classem præterea Ægæo mari immittam Alexandriæ oras legere iussere, ut evastata a tergo Syriâ, hostiles copias inopia rei frumentariæ penitus profligarent. Adeo securi victoriæ, non nisi de spoliis, cæde hostium somniabant. Sed tantis moliminibus fortuna adversata est. Quippe Usbegus Ægyptiorum Dux, Adanæ campos, Turcis fatales, iterum petiit, pugnaquæ avidus suos non procul a castris hostium in aciem disposuit. Alis Purpuratus nihil cunctatus, ita partitus est suum exercitum, ut dextrum cornu occuparint Caramaniæ milites, sinistrum Europæi, medium ipse cum Janicsarorum robore explerit. Igitur aperto in campo exercitus concurrunt. Ægyptii Caramanos prima impressione fundunt, metumque latè per castra spargunt. In Janicsaros illati alii, quantumvis summo ardore pugnam capefferent, & pertinaciter instarent, tamen phalangem illam paribus armis, animisque instructam perrumpere non potuerunt. Sinistrum cornu Turcarum intactum mansit. Nam Usbegus astu militari usus, Camelos, quorum non exiguum numerum in castris habuit, laminis æreis a fronte tectos in hostem agi iussit; cumque ardente sole fulgorem copiose diffunderent ærea illa simulacra, speciem ingentis exercitus eminus præbuerunt, quem imminere sibi rati Ottomanis in sinistro cornu, non audebant Janicsaris succurrere jam ægre Mamaluchorum impetum ferentibus. Ergo cum vis tota in mediam aciem verteretur, neque tamen loco moveretur, Caithbei milites nimium defatigati, pedem paulatim e pugna referunt, & fugam quasi obsequio militari tegentes, in castra sua trans Taurum A) montem locata, recedunt.

Sed & hic ludicram scenam fortuna ludit. Qui ad castrorum custodiam relictæ erant, visâ utriusque exercitus pervicacia, terrore panico correpti incensis equis, curribusque, præcipiti fuga abierunt, desertis castrorum munitionibus. Delapsi ad maritimas oras, a classiariis Turcis excepti, magnam partem spoliis exuti, suæ temeritatis pœnam dederunt. Potuisset eo die nobilissimam victoriam de Ægyptiis referre Alis, si recedentium agmina accuratius observasset. Nam cum in castris ingens solitudo timorem auxisset, victis magis, quam victoribus similes, mæstis vultibus magnitudinem cladis æstimarunt, consilii inopes spem unam salutis in fuga collocarunt. Verum Alis seu insidias veritus, seu sufficienti annonâ destitutus, eadem nocte, tenebris fugam celantibus, solutis castris, copias turbatis ordinibus reduxit. Aladeules Begus, atque Varfacidarum gens, quam Daudes subjugarat, occasionem nacti semet in libertatem asserendi, fugientes Turcas finibus suis prohibuerunt, injuriasque sibi illatas vindice ferro, licentius, quam par erat, persecuti sunt. Certe FRUSTRA ab iis fidem, aut obsequia expectabis, quorum corpora domuisti; nisi una animos tibi concilies. QUAMDIU nomen victoris odio est victis, tamdiu male inter eos convenit; animisque discordes, facile in mutuam perniciem exardescunt. Nocte inter spem, & metum transacta, Mamaluchos Varfacensium quispam ab Aladeule missus admonuit: Turcarum agmina magnis itineribus reditum urgere, ad Varfacenses limites iterum cladem passa. Hoc nuncio recreatus Usbegus, cum speculatores idem confirmarent, locum pugnae repetit, castraque hostium ingressus, quidquid fugiendi celeritate relictum fuit, in prædam vertit. Mox Adanæ exercitum admovet, Ali Purpurato ad Heracleam B) mærore, & metu torpente, saxisque operibus præidentem,

Imp. Ottom. Tom. I.

H

machi-

A) Taurus mons, Turcis Bacras, Ciliciam munit. B) Heraclea, nunc dicta Ereglia. Plures hujus nominis urbes numerantur. Hanc, de qua agimus, Codex Verantianus in Cilicia sitam ait; diversam utique ab Heraclea Ponti, quo ut se reciperent Turcæ & brevis temporis, & longitudo itineris fidem adimunt.

A. C. machinis adortus frangit. Munitione solo æquata victorem exercitum cum octodecim signis militaribus Ægypto reddidit. A)

1490. Refectis per hyemem copiis, Budacum Begum ad subigendam Aladeulis provinciam, qui proxime fugientem Turcam miris modis exagitarat, milit Purpuratus Alis. Forte accidit, ut Aladeulis filius, præferocis animi adolescens, dum incautus hostium itinera explorat, in manus procurforum devenerit. Huic continuo barbara crudelitate oculi eruti, quo Aladeulem acerbiori vulnere configerent. Motus Pater infortunio filii, militem hortatu suo alacrem Turcis obiicit. Nec mora: nudatis ensibus, rem eminus quam fortissime gerunt. Aladeules privatum dolorem ulturus, metum & stragem, quamcunque in partem ruerat, momento fecit. Ceciderunt ante alios duo filii Ischenderis Begi, qui primus a Budaco exercitui imperavit; & ipse Ischenderis captus, postea Memphim Soltano transmissus. Budacus rebus desperatis cum paucis suorum ex infelici prælio semet proripuit, jacturæque dolore anxius, e longinquo Aladeulis progressus observaturus, omni hostilitate abstinuit. B) Tot clades continenti serie sibi succedentes, etsi Byzantium, Adrianopolim maximo terrore complerent, tamen Bajazethes, quasi nihil ad se pertinerent publicæ calamitates, suo genio indulsit nuptiis trium filiarum magnifico apparatu adornatis. Complures liberos ei dederant Concubinæ ut infra videbimus. Binas filias jam ante matrimonio junxerat: alteram Ferhati ab Ægyptiis perempto: alteram Achmeti Herczogovinæ Ducis filio, ab iisdem in æstu certaminis circumvento. Nunc ternas uno eodemque tempore in matrimonium dedit: primam Usuncassanis filio, quem Annales Jacobem Begum vulgo appellant: alteram Usgurli Purpurato: tertiam Daudi, rerum gestarum gloria, opibus, autoritateque præpotenti. Celebritatem hanc confudit fortuitum incendium, quo Constantinopolis fœde deflagavit. Fulmine concussa pulveraria turris antelucano tempore, tres vicos ruina sepelivit, quinque oppidanorum millibus oppressis. Mox flamma vicina corripuens ædificia, pestem propagavit, atque plurimas mercatorum officinas in cineres redegit. Interim Ægypti Soltanus nova provocatus injuria, ob Oratorem, quem induciarum causa miserat, non sine dedecore Byzantio ejectum, integras copias, ac magnam virtutis materiam avidè expectantes in Ciliciam promovit. Cum provinciam sine defensoribus invenirent, in prædam effusi Mamaluchi, oppidis plerisque vastitatem intulerunt. Colucebant tristibus flammis vici, sui que indicium hostes, ubi quærendi essent, non obscurum præbuerunt. Laranda c) urbs vi expugnata, a victoribus direpta, & barbære deformata fuit. Quotidiana colonorum lamenta tandem Imperatori, voluptatibus fracto, arma corripienda persuaferunt. Sed cum admodum lente confluerent legionarii, & Purpurati bellum istud summopere averfarentur, in exhausta regione, eas in angustias conjecerunt Bajazethem, ut abrupto itinere Ciliciam versus, copias alioquin tenues domum dimitteret. Suberat & altera causa infectæ expeditionis. Nam præterquam, quod autumnus imbribus fœdus, arduum iter militi reddiderit, longe inferiorem exercitum ductabat Bajazethes, atque Ægyptii; neque Cilicia incendio, populationibus everfa, spem annonæ vel tantillis copiis suffecturæ dedit. Nihilominus Jacobes, Bajazethis gener, sive jussu soceri sui, sive virtute bellica incitatus, nuptiis initis ut se dignum ostenderet, manipulum hostium ferociter aggressus, expeditionem funestavit, dum cæsus vitam, & conjugem amisit.

1491. Bajazethes armorum strepitum pertæsus, rursus ad otium rediit. Cum pestifera lues hoc anno Ottomanorum provincias misere popularetur, Adrianopoli relicta, vicina oppida animi causa invisit. Byzantium subinde reversus Soltani Oratorem, fastu veteri deposito, pro dignitate accipit; & quan-

A) Annales Turcici. B) Istam expeditionem & Annales Turcici, & Codex Verantianus habent. In paucis discrepant. Meminit etiam M. Ant. Sabell. Ennead. X. L. VIII. c) Laranda, aliis Loranda, urbs Ciliciæ.

quantum anno proxime superiori dedecoris irrogatum, tantum humanita-A. C.
tis cum domi, tum foris constanter exhibitum legationi.

Pax tandem Bajazethem inter, & Soltanum Ægypti, Syriæque Do- 1492.
minum coaluit, necquidquam armis, & internecione tot legionum quæsitæ.
Ægyptii Tarsum, a) Adanamque Turcarum repetita strage nobiles urbes
reddiderunt, tum Achmetem, & Ischenderem cum aliis multis, qui fer-
vente bello capti erant, libertate donarunt. Confecta hunc in modum pa-
ce, bellum Hungaricum resumendum putarunt Purpurati, tum quod tem-
pus induciarum jam elapsum fuerit, tum quod Mathiam Regem, cujus for-
tunam merito timuerunt, vita functum intellexerint. Jamque minores
Præfeti metu soluti, prædatorio agmine nunc Sabacium, nunc Croatiam
incurfare cœperunt; altiusque provecti in regionem, ad Hunam amnem
mille & ducentis amissis, & totidem captis, senserunt cum Mathia Hunga-
rorum virtutem minime extinctam. Sabacium hyeme sæviante impugna-
re ausi, cum clade in hyberna compulsi sunt, & non multo post a Duce
veterano b) Kinisio iterum concisi. Uladislavus, ut primum Rex consaluta-
tus est a fati Mathiæ, Martinum Czoborium, magni apud Hungaros no-
minis virum, Byzantium proficisci iussit, ad inducias cum Mathia pactas
prorogandas. c) Nam id temporis Hungariæ, bello domestico, factioni-
busque quorundam Procerum Joannem Albertum Uladislai fratrem ad co-
ronam capeffendam evocantium, scissæ, tempestas e Sarmatiæ agris incu-
buit. Bajazethes stimulatus jam ante a Purpuratis, & nunc turbis Hunga-
rorum arreñtus, in veteres hostes bellum moliebatur. Czoborium tamen
spe pacis lactatum in aula sua detinet, & ne quid ad eum efflueret, dili-
genter cavet.

Interim terra, marique ingentes apparatus conficit. Bis centum
navigiis in Propontidem deductis, quibus Istrum subiret; lembisque levio-
ribus in Bosnia, quos Savo immitteret, adornatis; ex Asia, & Europa in-
credibilem multitudinem pugnatorum evocat; ducenta hominum millia suis
armis instructa in castra confluisse rumor vulgavit. Ne Oratori suspicio-
nem moverent castrenses apparatus, de industria in vulgus sparsum est: in
Cyprum insulam belli molem proxime conversum iri. Sed susceptum expé-
ditionis iter, Bajazethis mentem detexit. Cum enim exercitum ad So-
phiam collectum haberet, haud obscure intellexit Czoborius, qui Impera-
torem comitatus est, eam tempestatem in Hungariam, aut certe provin-
ciam Regi Hungariæ obnoxiam, effundendam. Dum in campo Sophiæ mi-
litem tenet, certis nunciis accipit Imperator, Uladislavum cum Austriacis,
Polonisque bellum pace composuisse. Quapropter mutata propere senten-
tia, accitum Czoborium interpellat: *se minime abhorrere a fœdere Hunga-
rorum, modo illi ab armis discedant: militem intra Regni limites contineant,
neve impedimento sint, si in Styriam, Carinthiam prædabundi excurrant.*
Rejctis a Czoborio conditionibus, adeo Imperatorem ira abripuit, ut di-
gnitatis suæ oblitus in barbam pectori prolixè incumbentem involaverit,
evulsisque pilis, dolorem animi non levibus indiciis prodiderit. Orator e
castris abire permissus, Uladislavus ex ordine, quæ agerentur ad Sophiam,
in Senatu Procerum recensuit. Rex, ut ne quid detrimenti Hungaria acci-
peret, Sabacium, Jaiczam, Belgradum, finitima Turcis præsidia, milite,
commeatu, machinatoribus instruit: Kinisium, Bathorium, hostium do-
mitores, omnem in partem evigilare jubet: Stephanum Valachiæ, Molda-
viæque Vaivodam in societatem sibi adjungit. Confœderatos denique Prin-
cipes Ottomanorum molimina edocet, utque in tempore huic torrenti obi-
cem statuunt festinatîs nunciis monet. d)

Tanta consensione Principum Christianorum, conatu suo dejectus 1394.
Ottomanus, ab Hungaria quidem abstinuit; at Albaniam Christianis sacris

Imp. Ottom. Tom. I.

H 2

cate-

a) Ita narrant Annales Turcici pacem sancitam. Alii opera Aladenlis Reguli, pacem confectam
volunt. b) Bonf. Dec. V. L. II. c) Annales Turcici, Bonf. Dec. V. L. III. d) Bonf. lo.
co laudato

A. C. eatenus addictam, funestissimo bello involvit. Achmete Vezirio excubare 1493. iussu adversus Pannonos, & Daude Bassa Scopiam A) dimisso cum exercitus parte, ipse Imperator per agrum Macedoniæ in Albanorum regionem ducit. Rem pergratam facturum me existimo, si de Albania, illiusque populo altius narrationem duxero. Habet Albania uno ex latere mare, altero præaltos montes, qui arduum exercitibus aditum faciunt. Incolæ duri, & asperi armis tractandis peridonei cum finitimis gentibus bella gesserunt varia fortuna. Ut unum idioma toti nationi, ita & animus, si hostis ingruat. Alias Græcanica fide leviores, Regulos suos pro libidine imperio spoliarent, nec annum vectigal, more aliarum gentium, ærario Principis intulerunt. Imminente bello deferere vicos, per notos calles pecora in editissimos montes abigere, seque in cacuminibus saxorum contra vim inimicam defendere consueverunt. Sagitis veneno tinctis, quo crudelius ferirent, eminus; hastis cominus, & gladiis, in hostes usi, diu libertatem salvam, tectamque conservarunt. Denique provolutis in subeuntes grandioribus saxis, florentes sæpe copias contriverunt. Cæterum ea tempestate, qua Turcæ in Europam transgressi, late grassari ceperunt, Albanæ gens caput extulit, & non tam vetere fama, quam Georgio Castrioto Principe nobilitata est. Hoc extincto tanto celerius Albanorum gloria defloruit, quanto potentius Turcarum vires creverunt. Joannes Castrioti filius, ad quem parentis iræ cum hæreditate transierant, barbarorum amicitiam perinde exosus, ac suæ dominationis retinens, ad primum belli rumorem provinciam suam vehementer accisam tueri decrevit. Incolæ veluti signo dato, armati omnes montium cacumina occupant, & Religionis Christianæ acerrimi defensores, cum Principe suo in patriæ, sacrorumque defensionem conspirant.

Dum Albani veteri more ad arma concurrunt, Bajazethes cum expedito agmine, ac turmis equitum regionem ingressus, agrum circumjacentem populatur, atque urit. Tum occupatis maritimis locis, qua fuga patebat Albanis, ad montium radices, exercitum tentoria explicare iussit. Joannes cum suis rupes abscissas, & undique præruptas B) infedit, & extrateli jactum quietus egit, ut paventi similis Ottomano animos faceret montium juga expugnandi. Quod ubi vident promptissimos peditum attentare obsessi; alii vim maximam sagitarum effundunt; alii inusitatæ molis saxa per montium prona in hostem propellunt, quæ quo altius cadebant, validiori utique lapsu impulsa, integros ordines protrivere, quodve fortissimis viris doluit, inultis in conspectu hostium moriendum fuit. Ira igitur in rabiem versa, contempto mortis periculo, eminentia saxa complectebantur, alius alium humeris suppositis promovebat, quo cominus cum hoste signa conferre possent. Improbo labore inter cædes commilitonum eluctati Janicsari, in Albanos iram, doloremque effundunt, armatos, quos fuga non abstulit, ad unum omnes perimunt; uxores, liberos, jumenta avehunt, regionem de integro evastant, & prope in solitudinem vertunt. Hæc clades res Albanorum penitus afflixit. Regio omnis in potestatem redacta Turcarum, libertatem a Magno Castrioto recuperatam, ad nostra usque tempora amisit. C) UT OPES longa ætate cumulas una sæpe hora alienis manibus infert; ita & libertatem multo sanguine propugnatam unum prælium alienæ potentiæ transcribit.

Reductis ex Albania copiis, dum ad Monasterium Macedoniæ oppidum iter facit Bajazethes, summum vitæ periculum subiit. Res paulo altius repetenda est. Est apud Ottomanos hominum genus, quod a communi vivendi methodo abhorrens, rigidiorum disciplinam sectatur. Nempe ut

apud

A) Scopia urbs Serviz. Laonicus Scopiam, Turcis Uscopiam, in Macedoniam transfert. Apud Geographos nostri temporis in Servia locum habet: nempe non iidem semper regionum limites. Ut Dominos mutant, ita & nomina, & provincias, quibus olim infera erant, oppida. B) Codex Verantii tantæ altitudinis ait eos montes, ut ne malus quidem genius baculo innixus illuc perreperet. Hyperbole. C) Albania, alias Arnaut, unde Albani Arnautæ apud Scriptores illius temporis; Bonfinius noster eos Montanos Albanenses vocat. Est & altera Albania ad mare Caspium, cujus limites diffuse habet Strabo L. XI. p. 576. & seqq.

apud Latinos, Græcosve primus Alcorani auctor Mahometes, Religiosas fa- A. C. milias in suas classes vestium varietate, & instituti ratione divisas observavit; 1493. ita pariter ad suam firmandam legem, e Mosaica, & Christiana Religione, ac etiam Gentilium superstitione male confarcinatam, Ordines, ut sic dicam, Religiosos impurus nugator instituit, suis nominibus insignitos. Nonnulli Dervisii, sive Dervisarii, a) Calenderes, Torlaces appellantur, ut nominibus, ita instituto vivendi longe diversi. Cæteris missis, Dervisarii comam tonsi, pelle caprina temere induuntur, ut seminudi sint potius, quam tecti. Ad conciliandam sibi sanctitatis famam, crudeles in se manus vertunt. Frontem candente ferro, aut spongia succensa mira patientia adurunt: aures acutis cultellis perforant, annulosque magnæ molis injiciunt. Vescuntur certis cibis, herbarumque radicibus, quibus eduliis in furorem acti, toto corpore semetipsos præacutis cultris dilaniant, donec vulneribus deformes, veluti supra mortalium sortem, dolorum patientes conspiciantur. Hoc genere vivendi, dici non potest, quantopere rudi plebeculæ imponant, dum interim in omnem effusi libidinem gravissima scelera sceleribus accumulunt. Nam præterquam quod illicitis amoribus abrepti, pecorum ritu promiscue coeant; rapinas, furta, latrocinia, tum cædes toto imperio exercent. Et tamen hi fanatici homines, tot criminibus infames maxima autoritate florent apud suos, populumque pietatis fucō delusum in potestate habent.

Ex hoc nebulonum grege b) quispiam furore exagitatus, gladio, quem sub vestis lacinia condiderat, Bajazethis latus non levi vulnere haurit, & ni sonipes fulgore ferri exterritus sessorem gladiatoris pleno ictui eripuisset, haud dubio lethali plaga animam proturbasset. Ischender Bassa, qui latus Imperatoris cingebat (aliis metu perculsis fugam capeffentibus) adeo male mulctavit invasorem, ut impaeta cervici clava ferrea, cerebro late difuso, eum prostraverit: mox irruentibus aliis super alios seminecem disseccant, & metum repetitis ictibus coram Bajazethe corrigere adlaborant. Is magnitudine periculi attonitus, ne in posterum ejusmodi hominibus aditus pateret, nisi armati satellites adessent, decreto sanxit. Adrianopoli suæ reditus, lætis nunciis intelligit, Zizimum in Italia supremum vixisse. Infaustus Princeps varia fortuna jactatus, ut supra meminimus, ad Christianos Principes defecit, quo sereniorē faciem rebus suis calamitosi redderet. Bajazethi fratris commoratio in aula Romana non mediocrem metum incussit; neve Christianos bello aggredere, post Mathiam Regem princeps causa fuerit. Elato Mathia, in id omne studium contulisse est visus, ut Zizimum perpetuum animi sui tortorem e medio sufferret. Nempe QUI ALIENÆ libertati, opibus, Imperio insidias struit; ne suis excidat, non immerito formidat. Igitur in omnem occasionem rei gerendæ intentus, Mustapham Begum, Janitorum Principem Romam ablegat cum annua pensione, addito imperio: Zizimum Ottomanis infestum ut veneno tollat. Mustapha sibi male metuens, ni telam pertexeret, Principi sui securo virus c) propinat, quo lente depastus Tarracinæ obiit. Hic exitus fuit Zizimi bellicosi magis, quam felici Principis. Ultra decennium apud Christianos versatus, superstitionis Mahometanæ ad ultimos spiritus cultor, & fautor acerrimus extitit. Tantæ arrogantiae in ipsa calamitate exilii fuisse perhibent, ut summo in terris Vicario Innocentio VIII. nullum demissionis signum, capite vel paululum flexo exhibuerit, d) etsi probe constaret arrogantissimo Principi, Bajazethem multum egisse per internuncios, ut captivus Byzantinis traderetur. Quo anno decesserit Zizimus, res controversa apud Histo-

H 3

ricos:

a) Leuncl. in Pand. c. 171. Et alii Scriptores horum nebulonum normam vivendi expingunt. b) Annales Turcici. At Spanduginus Torlaced fuisse scribit. In Codice Verantii lego, hunc Sicarium Mechdim fuisse. Fertur autem fabella, Mechdim e familia Pseudo-Prophetæ Mahometis ortum duxisse, & veluti alterum Gygen omnium oculis subductum provincias percurrere, processu temporis omnium hominum imperio potiturum. Huic successurum Anti-Christum. Si hoc est sapere, quid erit desipere? c) Codex Verantii. d) Bosius L. XIV. Hist. Equit. Melit. Zizimum osculo strinxisse pedes Pontificis asserit. Non ejurasse Mahometem, Guilielmus Cadrucensis Rhodiorum Pro-Cancellarius apud Leuncl. in Indice Libitinario Osmanidarum testatur.

A. C. ricos: uti & illud; an Alexander VI. necem hujus Principis machinatus sit? 1493. Historiographus, Pontificum vitas post Platinam continuans, hac super re nihil edidit. Complures Alexandrum uno ore tanti facinoris architectum fuisse fatentur, ut scilicet Galliarum Regi Carolo VIII. pecuniarum illud subsidium, Constantinopoli quot annis ferri solitum interverteret. A) Sed missa hac odiola controversia ad Bajazethem redeamus.

1494. Fratre sublato, metu domestico solutus non jam prædatoria manu, sed iusto exercitu in Christianos agendum decrevit. Sub exitum hyemis B) Bosniæ Præfectum Jacoben ad depopulandum Illyrici agrum ire jubet. Is e Thracia, Macedoniaque equitum aliquot turmas, & peditum cohortes evocat, facileque decem millia armatorum sub signa cogit. Cum his copiis Illyrico concursato, tanta celeritate versus Carnos, urbemque Labacum irrumpit, ut prius tecta sua fumare, atque hostem adventare fama vulgarit. Jacobus Szekelius Maximiliani Cæsaris copiarum Ductor, collectis propere quingentis equitibus, hostem populatione prohibiturus continuo advolat. Sed Jacobes eadem, qua venerat celeritate, e provincia pedem retulit. Jamque eluctatus viarum angustias, ac sylvas, in Modrusiensem campum iter instituit. Hic intelligit, Illyrici Banum Emericum Derenczenium, Bernardum Frangepanum, Petrum Zrinyium, parato ad dimicandum animo adesse cum aliquot millibus, quæ tumultuarie partim e militibus, partim agrestibus legebantur. Ferunt Jacoben Christianorum exercitum longe validiorem, existimantem, non parum de sinistro prælii eventu sollicitum, a Derenczenio tutum sibi, ac militi suo iter in partiam postulasse; at Banum minaciter nunciasse: ni prædam, captivosque reddat, armis viam aperiendam esse.

Id cum renuerent Turcæ, & Derenczenius animadverteret se & numero, & robore equitatus longe inferiorem, pugna abstinendum, & castra ad Madrusiæ muros reducenda sagaci consilio censuit. Frangepanus pugnan- di cupidus, negat se recessurum, nisi prius ad universæ rei dimicationem ventum foret. Dum inter se Duces disceptant, dum discordibus senti- tiis tempus terunt, Turcæ explicata acie frontem obvertunt Christianis, ac canentibus signis ad pugnam provocant. Derenczenius necessitate adactus, terna in agmina militem partitus prælium committit. Cruentum certamen exarsit inter equites, quos Joannes Frangepani frater ductabat. Inclinata Turcarum acies, Jacobis potissimum virtute firmatur.

Joannes Frangepanus primo in ordine fortissime dimicans ab hastatis trajectur. Eo collapsio Bernardus, qui pugnam suaserat, impressioni barbarorum impar, in fugam abripitur. Derenczenius cum agmine subsidario accurrit; monet, hortatur adjunctis viribus in prælium redeant, hostilem impetum excipiant. Sed & ipse equo confosso, gladio diffracto capitur, Byzantium postea cum Hungarici, tum Illyrici illustribus viris deportatus. Ceciderunt Christianorum septem circiter millia, Turcarum mille desiderati. Bajazethes audita hac victoria summis incessit lætitiis, maxime dum Banum catenis adstrictum, cum literis Jacobis seriem rei gestæ continentibus acciperet. Certe militibus eo in prælio captis & custodiam laxavit, & pensionem auxit. Post iter Constantinopolim emensus decumanas inter ærumnas, cum in vultu Derenczenii pristinam ferociam legeret Bajazethes, neque ad deferenda Christianorum sacra ullis artibus, minisque percelli posset, virtutem tanti viri admiratus, mitius ut haberetur, imperavit. Relegatus deinde cum duobus familiaribus in insulam, seu aere pestilente, seu veneno, quod hostes miscuere, extinctus est. c) Altera ex parte Pauli Kinisii bellica fortitudo hujus, an superioris anni? cladem (nam Scriptores variant) barbaris reddidit, animumque Uladislai ægritudine levavit. Mitescente hyberno tempore, cum denis millibus equitum, Turcarum oppida petiit, ductoque præter Danubii ripam exercitu infra Semendriam, per Istrum gla- cie

A) Ludov. Tubero Commentar. Lib. VI. B) Annales Turcici. Bonfinius ad priorem annum hæc refert. c) Petrus de Réwa C. Turocz. de Monarch. Regni Hung. Cent. VI. Bonf. Dec. V. L. III.

cie tum adstrictum, tria millia ad Serviam urendam dimittit. Equites effu- A. C.
si, incredibili celeritate regionem sui securam pervolant, memoresque Illy- 1494.
ricæ stragis, ferro, & igne in obvios quosque grassantur. Alibegi castellum,
quo multorum annorum spolia congefserat, assultu capiunt, ac igne injecto
cremant. Vix resectis corporibus, cum duobus millibus equitum recens a
Kinisio missis, alterum munimentum pari & celeritate, & facilitate occu-
pant, interfectis utrobique præfidiariis. Locuplete præda ditati Istrum re-
legunt, abducta Rasciæ gente cum uxoribus, liberis, armentis. Subita in-
vasione turbatus Alibegus, ad arma conclamat; raptisque legionibus, victo-
rum vestigia ferocissime premit. Sed Ister mitiori aere sibi redditus, ho-
stem transitu prohibuit. A)

Ætate jam fatiscente Kinisius, altera expeditione ultimas vires in bar- 1495.
baros exerit. Quindecim dies illata populatione Serviæ, tantum spoliolum
in castra allatum est, ut neque currus, neque jumenta sufficerent. Quin-
que boves aureo uno sub hasta venditi. Kinisii felix rerum successus tantam
trepidationem Byzantio incussit, ut prætorianæ cohortes terrore actæ, in
Asiam transmiserint, Bajazethe ultimam perniciem urbis metuente. Et po-
tuisse Byzantinum ager diripi, nisi miles prædandi satur in Hungariam
maturasset.

His procurfionibus ut modum statueret Bajazethes, Oratores suos 1496.
Budam ad Uladislauum misit. Aderant barbari cum splendido comitatu, cæ-
lata ex argento vasa deferentes. In Senatum admissi decem annorum fœdus
ab Hungaris poscunt, quorum militem, & Duces e disciplina Mathiæ Re-
gis, Turcicoque bello exercitatos maxumopere formidabant. Proceres ad
pacis condiciones ut descenderent, ægre perpelli potuere. Quippe armis
assueti sub imperio Mathiæ, otium ferre non poterant, & Uladislauum quie-
tis amantiolem, desidiæ arguebant. B) Sane jactata sunt multa in illum pro-
bra, dolore verecundiam vincente: *Regnum, ajebant, non post multo Otto-*
manis subiectum iri Uladislao imperitante, cujus animum neque gloriæ cupi-
ditas inflammaret, neque infamiæ turpitudine moveret. Mathiam novisse &
finis Hungariæ propagare, & armis parta defendere. Genti perfidæ fidem
minime dandam, quando solum utilitate, vel metu fœdera conficiat; rumpen-
da, spe dilatandi Imperii. His palam jactatis non sine invidia Regis, ægre in-
ducias triennii impetrarunt Legati. E Procerum voluntate condiciones ad-
jectæ: capti in Illyrico sine fraude reddantur: Hungaris integrum sit indu-
cias vel producere, vel intercidere, si e Repub. fuerit; modo tribus ante
mensibus bellum indicatur. Ita hoc demum anno, quod raro antea Hunga-
riæ evenit, domi, forisque omnia pacata erant. C)

At Polonia multiplici calamitate oppressa, pene interiit. Sæviebat
pestilens morbus, & plurimos mortalium e vivis proturbabat. Alberti qui-
dem sagacitas exercitum, Nobilitatemque Polonicam præsentī periculo eri-
puit, sed in longe fœdiorem calamitatem præcipitavit. Suscepit ille in Mol-
daviā expeditionem, sive ut eam subjugaret, sive ut Moncastro, & Bie-
logrado expugnatis (nam utrumque Scriptores D) perhibent) Turcarum pro-
vincias invaderet. Valachiæ Princeps Stephanus, etsi res firmas domi ha-
beret, tamen viso Polonorum exercitu multum fortunæ suæ timuit. Qua-
propter Hungaris, quorum sub clientela principatum administravit, per ce-
leres nuncios Alberti conatus significat; opem poscit, & impetrat. Quo
tamen certior de victoria foret, Bajazethem ad reprimenda molimina Polo-
norum per literas, per internuncios admonet: rogat, obtestatur, ut ne
suis fortunis se everti sinat; non istud sui causa postulare, sed Bajazethis. Quip-
pe Valachia, aut Moldavia subjugata, Polonos Romanis sacris addictissimos,
haud

A) Idem Dec. V. L. IV. Refert tamen primam Kinisii expeditionem ad annum superiorem. Cor-
rigendus hoc loco noster Livius, dum scribit, id temporis Bajazethem in Ægypto cum Sol-
tano bello contendisse. Istoc bellum jam antea finem accepit. B) Tubero L. VI. C) Bonf.
Dec. V. L. V. & hic ultimam manum Historiæ suæ imponit. D) Cromerus L. XXX. ait: Al-
bertum in Turcas movisse. Tubero in Stephanum. Hanivaldus utrique contrarius scribit: a
Stephano evocatum in Moldaviā, ac perfide Turcis proditum.

A. C. haud cessaturos a bello Turcico. Jam præ foribus Byzantii bellum geri au-
 1496. tumet, ni se defensum pergat. Hæc homo vaferrimus adeo clanculum age-
 bat, ut nihil ad Polonos emanaret, quo scilicet incautos eo certius in pe-
 dicas conjiceret. Bajazethes etsi nuper induciis trium annorum jurejuran-
 do compositis, a) bellum Polonicum averfaretur, tamen violatis a Polono
 conditionibus, ut agebat, se ad arma cogi potius, quam invitari professus,
 in Valachiam Nasuchis Begi filium festinare jubet cum auxiliari milite. De-
 deraut autem in mandatis, ut ad Istrum metaretur; & si e commodo exerci-
 tus foret, flumen trajiceret. Caveret tamen ne ante cum hoste in aciem
 descendat, quam Valachorum fidem exploratam habeat. Verebatur enim
 Stephani levitatem, qua jam ad Hungaros, jam ad Ottomanos spe melioris
 fortunæ se vertit. His monitis instructus Nasuches, posteaquam sensit Ste-
 phanum sine dolo agere, & justa in Polonos ira succensum, Imperatoris
 opem urgere, partem copiarum adversæ ripæ exposuit, ne sociorum regio-
 ni gravis hostis potius, quam amicus venisse videretur. Alberto cum
 octoginta armatorum millibus Moldaviam petenti, Stephanus tres nobilissi-
 mos suæ gentis obviam procedere jubet, ac rogare, hostisne, an amicus
 provinciam ingrederetur? Albertus Legatos in vincula compactos, præci-
 piti consilio Leopolim abduci mandat, ipse rapidus cum infestis copiis So-
 ciaviam b) regionis caput operibus circumvenit. Valachi Moldavis immi-
 sti, Turcarum auxilio, & rei bene gerendæ opportunitate arrecti, e mon-
 tium jugis in planum sua agmina demittunt, quæ se metu impellente cum
 domesticis suis, omnique suppellectili prisco more recipere solent. Ita enim
 fieri amat apud has gentes, ut imminente hoste vicis late exustis, comnea-
 tu corrupto, in montes se abdant; in patentibus campis, nisi victoriæ secu-
 ri, raro occurrant. Positis in planitie castris, prope Polonos confedere,
 & equestribus præliis nunc pabulatores, nunc stationarios laceffivere.

Cum lentius procederet urbis oppugnatio, quam Alberti ardor fer-
 re posset, ad sollicitandos Valachos animum adjecit. Sed frustra consumptis
 artibus, posteaquam Uladislauum vero, an ficto rumore? adventurum in-
 tellexit cum manu Hungarorum, a Stephano precibus pacem exposcit, au-
 ro multo, & omnibus, quas vellet conditionibus mercari eam paratus, dum
 exercitum liceret incolumem reducere in regnum. Metu jam captum Ste-
 phanus vafra, versipellique sua indole magis irretit. Amicum reditum pol-
 licetur, fœdus icitur. c) Agebantur hæc sub manu clanculum, ne Turcæ
 fractos Polonorum animos odorarentur. AT FRUSTRATEguntur consilia, quæ
 in conspectu hostium trepidatio castrorum prodit, & fortuna destituit. Re-
 tractis obsidionalibus machinis, iter carpit noctu Poloniam versus pacatis ag-
 minibus. Dum per montium prærupta, & invios calles ad Bucovinam syl-
 vam perventum est, insidiæ primum patuerunt. Valachi, Moldavi, Turcæ
 e latibulis suis emergentes impedimenta diripiunt, & impulsis, quas ad inter-
 ciendam viam succiderant, arboribus, ne agmina sibi mutuum ferre possent
 auxilium, omnia tumultu complent. Ipse Stephanus cum expedito equite
 indagine clausos ad satietatem cædit. Hinc in arcto se conspiciatus Rex con-
 silia sua damnare, & fugam meditari. Cum viarum aditus omnes præclusi
 essent, acuit enim vero necessitas virtutem. Prætorianum equitatum labo-
 rantibus circa impedimenta jubet succurrere; peditum vero in plura agmina
 partitus, adversus incurrentes animat. Itaque inordinata pluribus locis pu-
 gna confertur. Hostes præda ipsa impeditos oneribus, & plerosque (ut ad
 rapiendum manus vacuas haberent) inermes ad cædem præbet. Polonos ini-
 quitas locorum, barbaris per notos calles incurfantibus prodebat. Jam nox
 appetebat, quum prælio excedunt Turcæ, non fuga vulnere, aut mortis,
 sed quia satis spoliolum habebant. In plana Poloniæ eluctatus Albertus, lu-
 stratis copiis plurimos e Nobilitate Polonica partim cæfos, partim in servi-
 tutem abreptos intellexit. Quos Stephanus cepit, crudele ferrum acceperunt.

Turcæ

a) Induciæ factæ anno 1494. b) Urbs Moldaviæ, Geographis Soczova, Socava. c) Sic Laus
 Cromerus. Tubero non meminit hujus pacis. Hannivaldus multum diversus estudat

Turcæ, mitioris scilicet animi, mortem in captivitatem multis, iisque gra- A. C. villimis ærumnis sætam commutarunt; unde nonnisi grandi ære persoluto, 1497. se evolvant.

Major subinde calamitas Polonos excepit. a) NEMPE sinistris factis involutum Regnum catenam malorum in civium capita, & fortunas in-jicit, raroque solitaria incedunt infortunia. Balis Begus, cognomento Marconius, opum amplitudine, ac natalibus (quippe ad Imperatoriam stirpem suum genus referebat) nulli secundus, ratus Bajazethem in Christianos impelli posse, bellum Polonicum continuandum, sua dicendi facundia persuadet. Pupugit alioquin Imperatorem, contra datam fidem, Albertum grandem exercitum eduxisse, & sub specie Valachiæ potiundæ, arma in Byzantinum Imperium arripuisse. Balis Bajazethi apprime gratus, ita sermonem contexuit in secretiori Senatu, ut Polonorum vires, artem bellicam, incolarum mores multum elevaverit, pollicitus se cum modico exercitu victoriam de Polonis reportaturum, modo calentium militum animis novos stimulos addat, & se exercitui præficiat. Plura hæc erant, quam ut his opus haberet Imperator, ad præceps quodque consilium pronus. Comparato exercitu ad Istrum contendit Balis. Legionibus recensitis, ex omni numero copiarum quadraginta millia deligit; inutili turba Byzantium remissa. Superato Istro in campos Moldaviæ progressus, sex Valachorum millia, quorum ira nondum in Polonum deferbuerat, in castra recipit. His procuratoribus ad Tyram amnem, qui Dacos, & Tartaros determinat, accedit. Refecto milite, & conjunctis Tartaris, quos prædandi cupido, & implacabile in Christianos odium accivit, quindecim dierum iter emensus nulla hostilitate exercita, ne oppidani incendiorum frequentia hostem adventare sentirent, ad radices montium, qui Poloniam a Russia sejungunt, confedit, castris in loco editiori communitis. Exploratis subinde circumjacentibus locis, si quæ insidiæ laterent, equitatum omnem in hostium agros, Podoliam, Russiam b) prædatum emisit. Igitur hinc Tartari, inde Valachi, Turcæ, utramque provinciam populantur: oppida incendiis defœdant, immensam hominum multitudinem abripiunt; ut pluribus annis post Thracia, & Macedonia mancipia viderit. Centum facile millia mortalium servitutem subiverunt. Ne Cracovia eodem malo involveretur, turribus, vallo, & fossa, civium opera muniebatur.

Albertus quam acerbis temerariæ in Valachum expeditionis pœnas dederit, ut a Stephano in pedicas allectus, contra fidem datam desertus, ab hostibus circumventus, ac demum ejus agmina concisa, in servitutem rapta, supra exposuimus. Nunc metu oppressus, volitantes prædonum globos eminus aspexit, & in triste sui regni excidium otiosa fronte quodammodo consensit. In tam vasta regione, omni præsidio destituta, hostis per plures dies spolia legebat, nullo, quod pene fidem superat, e tanto prædantium numero, vel leviter sauciato, minus interfecto. Quingentos tamen incendium, noctu forte exortum, cum tribus captivorum millibus, somno sepultos misere hausit. Tot rapinarum, cædiumque tandem satur Marconius, militem prædando fessum reducit in castra, divisisque ex ordine spoliis, ad Istrum contendit, nullo non ante crudelitatis, atque libidinis malo in captivos edito. Nam quos gravior ætas, aut morbus impatientes itineris reddidit, cæterarumque ærumnarum; eos barbara feritate conciderunt, beneficium summum interpretati, quod male affectis corporibus finem, modumque statuerent impendentium calamitatum. Sed FRUSTRA ab hoste beneficium expectes, quem sæviendi furor raptat, non moderatio victoriæ ducit. Ea enim crudelitate non miserorum fortunæ consultum ibant, sed extremam bachandi rabiem explebant.

a) Cromerus paucis complectitur hanc Turcarum irruptionem, refertque eam ad annum sequentem. Tubero L. VI. diffuse hæc narrat; apud quem leges brevem, at acerbam dictionem Balis Begi in Polonos. b) Cromerus, & Tubero.

A. C. Cæterum Marconius cum post spatium quatuor mensium copias ad
 1497. Istri ripam, incolumes sisteret, adfuit Bajazethis Quæstor, qui mancipio-
 rum numerum diligenti calculo inivit, quintumque caput, more gentis,
 ærario Imperatoris intulit. Liberalioris formæ adolescentes dum non sine
 militum invidia deligit, omnium odio ardebat, militarique licentia præmia
 laboris, victoriæque sibi eripi palam querulabantur. Desidia una Impera-
 torem ampliora lucra facere, atque militem perpetuos inter sudores, ac sæ-
 vos armorum tumultus. Unum aliquem altius ira occupaverat, jamque in
 Quæstorem stricto minaciter ferro irruerat, haud dubie occisurus eum, ni-
 si furem cohibuissent commilitones. Sed vel ferrum eduxisse, hominem
 perdidit. Læsæ Majestatis arcessitus, præacuto palo affixus Bajazethis impe-
 rio, præcipitis iræ pœnas exolvit, nemine sævum supplicii genus deprecari
 aûso.

1498. Vix in tutum collocata præda, nova iterum tempestas in Poloniam
 desæviit, renunciato expeditionis Duce Marconio. Movit ea res summam
 invidiam apud Purpuratos, qui præfecturam honoris plenam jam spe devo-
 raverant. Communicato inter se consilio Imperatorem adeunt, partesque
 suas strenue agunt, ut quæstuosam illam provinciam extorquerent; *se otio
 diffuere Byzantii, ajebant, dum uni duntaxat campus virtutis explicandæ
 aperitur: sibi perinde, atque Marconio incrementum Imperii cordi esse.
 Martem propitium pluribus communem, neque Duci, viribus, ætateque in-
 fracto (septuaginta annos numeravit Marconius) fortunam devinctam.
 Imo non raro fieri, ut fortuna fastidio, & satietate capta a veteranis Duci-
 bus recedat, ac in validos, florentesque ætate immigret. Videret præte-
 rea Bajazethes, ne Marconii animus victoriis, militumque favore elatus,
 ut purpuratos, ita & Imperatorem contemptui habeat. CREBRIUS factum,
 ut Principes, ubi omnes in unum congefere favores, in eo reformidarint.*

His talibus cum Imperatorem moveri intellexisset Marconius, dicen-
 di libertatem nactus, æmulorum diætria facile convulsit. Nam, inquiebat,
*purpuratos non tam sibi, quam Byzantino Imperio gloriæ campum intercipe-
 re velle: se primum ausum ingentibus fluviis, atque paludibus transitis,
 montibus asperrimis superatis, Poloniæ provinciam ingredi, sexagesimo a
 profectioe die, armis aperuisse regionem, ad eum diem ferro, flammaque
 Turcarum intactam. Sibi jam notos sylvarum calles, montium prærupta.
 Si Purpuratis tantus armorum ardor, superest Hungaria, Italia, Ægyptus.
 Has, si placet, terras subjiciant. Cæterum de fidei integritate nihil ambige-
 ret Imperator; se jam inde a capto Byzantio in armis versari, Bajazethi
 non minus, quam Mahometi olim, fortunas, liberos, vitam denique ipsam
 consecrassse. A)*

Marconii oratione delectatus Bajazethes, eundem adversus Polonos
 belli Ducem confirmat, non sine Purpuratorum bile. Sed Marconius, ut
 erat præfidenti ingenio, elatoque, omnes rivalium criminationes, & odia
 præ una Imperatoris sui gratia, palam contempsit, quantoque illi arden-
 tius dejectum ea dignitate cupiverunt, tanto remissius rem bellicam, victo-
 riarum securus, curavit. Videlicet MENS cæca successibus, futurorum anxia
 minime est, nec futuros eventus prævidet. Atque istud hominis famam
 penitus afflixit. Nam spei suæ nimium indulgens, dum autumno exeunte
 robur ^{b)} militiæ in Poloniam ducit, non omni modo præda vacuus domum
 reversus est, sed etiam maxima clade affectus fuit. Etenim Poloni mense
 Julio vexati a Tartaris ^{c)} in omnem partem dispositis stationariis provin-
 ciam suam muniverunt, ne ab hoste improvise opprimerentur. Cum tre-
 pide nunciatum foret, Marconium cum octoginta millibus in Moldavia adeste;
 summa celeritate cum jumentis se in interiora Sarmatiæ recipere, mul-
 ta accurratione omnia vastando; nihil, quod efus humani esset, reliquum
 facere

A) Hæc pluribus Ludo. Tubero Lib. VI. ubi etiam Ottomanorum originem enarrat. ^{b)} Hannibal-
 dus tarditatis causam in Præfectum Romanæ conjicit, quod suum exercitum in eam expeditio-
 nem Marconio negarit; ex quo novus cogendus erat. ^{c)} Crotomerus L. XXX.

facere, nusquam sui copiam dare, levibus duntaxat præliis antesignanos A. C. carpere. Marconius nihil veritus in vestigia Cyri, aliorumque ingredi, 1498. viis iisdem exitium sibi, exercitibusque suis, aliis temporibus quærentium, fugitivis instat, & in viscera provinciæ temerario prorsus consilio se penetrat. Tum enim vero rapacissimos hos vultures perfrigida tempestas repente conclusit. Nam usque adeo altæ nives exeunte Novembri regionem illam presserunt, ut quo se verteret tantus exercitus, Marconius ipse non videret. In hac solitudine veteranus exercitus, & tot victoriis ferox, omni comœatu destitutus, quidquid malorum tolerari potuit, pertulit: inopiam, frigus, desperationem, insultus hostium. Asiaticos potissimum mitiori sub cœlo natos malum corripuit. Multos exanimavit rigor insolitus nivis, multorum adussit pedes. Sternebantur passim deficientia corpora præ lassitudine, fame, frigore: nec ferrum rigentes gelu manus diutius ferre poterant. Ergo solutis ordinibus errabundi ferebantur, multique, quibus vis frigoris pepercit, Polonorum insidiis ceciderunt. Neque jumenta hanc calamitatem vitare poterant. Memoriam proditum est: centum millia equorum interiisse. Eluctatos in Moldaviam pertinax vis mali ad Istrum usque urgebat. Decem millia una nocte frigore consumpta Scriptores tradunt. A) Nocuit Turcis non dubia spes prædarum; inde male vestiti, ne onerarentur cætera suppellectili, in Poloniam temere delati sunt. Moldavi sparsos, frigore, fame prope enectos tuguriis suis prohibuere; mox vestes Polonorum induti, quo tutius sævirent, ad ripam usque Istri palantes trucidarunt. E tam florenti exercitu vix millia decem Serviam tenuerunt. B)

Quibus animis infelix Marconius acceptus sit a Byzantinis, pronum cogitatu, cum nemo fere esset, ad quem non pars aliqua cladis pertineret, recruduitque dolor, ubi reliquias imminuti exercitus conspexerunt. Hæc infaulta expeditio Ottomanis merito in religionem venit. Purpurati Marconii ambitionem, superbiam, qua sibi arroganter victorias tribuebat, a Superis mulctatam arbitrati sunt. Populus, qui res, mortalium consilio potius, quem fato regi existimat, imprudentiæ Præfectum arguebat, quod ea tempestate anni Polonos invaserit, qua eorum regionem acrior vis frigorum premit. Pars melior, iique Christiani, Bajazethis crudelitatem, qua Maverdinum quemdam Adrianopolitanum ultimo supplicio affecit, tantæ cladis fontem extitisse credebant. Erat Maverdinus ut narrat Lud. Tubero, Christianis ortus parentibus, atque a puero Religione parentum imbutus, & Adrianopoli domo comparata ad summas opes pervenit. Labentibus annis cum novis accessionibus veteres fortunas augeret, invidiam civium, non nisi interitu suo restinguendam in se concivit. Prætor inprimis illius urbis, thesauro Maverdini inhians, periniquam accusationem instituit, & innocentem capitis arcessit. Fabellam cudit: Maverdinum in Mahometem probra palam jactasse: religionem maximi Prophetæ sannis proscidisse; utque mendacium veris coloribus expingat, corruptos auro testes adducit. Res continuo ad Imperatorem deferitur, qui in superstitionem suam, amatorio prorsus animo ferebatur. Non jam id agebat Bajazethes, ut Maverdinum impacti sceleris convincat, sed nisi ejurata Religione ad Mahometem transeat, opes in suum ærarium redigat, & illum e medio tollat. E vinculis causam dicere iussus, cum ne latum quidem unguem ab avitis sacris recederet, rogo addictus, sententiam mortis constanti vultu accepit. Hic exitus fuit clarissimi civis, quem Prætoris cupiditas corradendi opes, & Imperatoris in Christianos odium fortunis, & vita spoliavit.

Hoc quidem Adrianopoli pulcherrimum, & ad seros posteros transmittendum spectaculum edidit Maverdinus, non minori apud Mahometanos sui commendatione, quam nominis Christiani dignitate. At Reges

A) Tubero loco laudato scribit: „eo die, quo nona Januarii illuxit, decem millia fere hominum frigore exanimata, in utraque Istri ripa conspecta sunt.„ Cromerus ait: omnia penè jumenta cum quadraginta millibus hominum obriguisset. B) Sic Cromerus. Hannivaldus maximam cladem Turcis illatam affirmat ad annum 1499.

A. C. Hungariæ, & Poloniæ, Fratres, viso Turcarum conatu dilatandi Imperii, 1499. & impendente provinciis suis periculo, Budæ, atque Cracoviæ, fœdus pene collapsum renovarunt, ac mutua in Ottomanos, & Tartaros auxilia decreverunt. Cautum eo fœdere, ne alterutri Regum cum Turcis aut pacem inire, aut bellum gerere liceret. Stephano vero Moldaviæ, & Raduloni Valachiæ Transalpinæ Principibus, Hungarorum clientelam ambientibus, suppetias se laturos polliciti sunt. Hoc fœdus aliquot demum annis integrum perstitit, & non nisi a fatiis Regum dissolutum. A) Subinde invalescentibus per Europam armis Byzantinorum, eæ provinciæ, insigni detrimento Reipub. Christianæ, in Ottomanorum potestatem venerunt. Sed hæc continenti, eaque e monumentis Scriptorum transumpta narratione, suis annis complectemur, & in lucem dabimus.

Cæterum Bajazethes, sive Principum fœdere percussus, sive in bellum Venetum omnes Imperii sui vires impensurus, ne a tergo hostem relinqueret cum Uladislao induciis stabilitis, Polonos pacem cupide arripientes, ab armis revocat. Ea ex parte metu jam liber, copias terrestres, ac maritimas incredibili apparatu adversus Venetos armat. Sed antequam Letœorem in tristem Peloponnesi arenam (nam ibi belli furor detonuit) ducamus, causæ non tam diuturni, quam gravissimi belli memorandæ sunt. Obtinuerant multis jam ante annis Veneti, in Græcia urbes amplissimas, quas suis legibus moderabantur, & contra omnem vim inimicam defensabant. Id ægerrime tulit Bajazethes, putavitque salutem Imperii extra ictum minime fore, nisi ea loca eripiat, aut funditus evertat, quæ aliquando ad se oppugnandum, & terra, & aquis aditum præberent. Cum enim Veneti re maritima id temporis præstarent, & navigationem in Peloponnesum, Rhodum, Cretam, Cyprum, ultimamque Asiam apertam haberent, metus subibat Ottomanum non levis, ne Gallis, qui in Italia substiterant, in armorum societatem vocatis, bellum ultro inferrent, cum tempus induciarum elapsum foret. Et aliæ fortassis causæ præterea suberant bellum gerendi; nimirum ut Turcas armis innutritos, nec otii patientes, externo, eoque quæstuoso bello distineret, præcluderetque occasionem militi, res novas domi moliendi. Nec ambitiosum Principem non stimulavit, Imperii latius diffundendi cupido, quam Ludovicus Sfortia, cognomento Maurus a vultus nigredine, suis consiliis, & fœderibus non lente inflammavit. Demum quo justos colores huic bello affingeret, in vulgus spargit: Rempub. Venetam superioribus annis in leges induciarum peccasse, dum Joannem Csernovichium, & Nicolaum B) Comnenum, Epirotarum Regulos juverunt. Adeo PRONUM est reperire odiorum, bellorumque causas, ubi non recti ratio, sed insana dominandi cupiditas animum per fas, & nefas raptat.

Venetis, postquam idoneis auctoribus didicerunt maximos apparatus fieri circa Byzantium, classem multarum navium rebus omnibus ornatam, in anchoris hærare, & non nisi, quo cursum dirigat, imperium Bajazethis expectare, suspicio non levis oborta est, eam armorum procellam in se primo tempore concitatum iri. Quare & ipsi solito majorem curam ad rem maritimam convertunt, fœdera solícite circumspiciunt, de ratione belli gerendi multum, diuque deliberant in Curia. Ne quid per temeritatem agerent, placuit Patribus nomine Reipub. Oratorem mittere Andreæm Zacanum, virum armis potius, quam pacis artibus deditum. Hic in alloquium adductus Imperatoris, oblatis muneribus, quæ Senatus more suo miserat; quæsit præprimis: *an fœdere, induciis nuper factis cum Veneto staret Bajazethes? quid sibi tanti apparatus maritimi velint? Rempub. non levibus indiciis suspicari, in Corcyram c) insulam hæc omnia adornata. Meminisset*

A) Nicolaus Istvanffius Continuator Bonfinii L. III. Joannes Albertus Poloniæ Rex mortem obiit 1501: Stephanus Moldaviæ Princeps 1504. Uladislavus Hung. Rex 1516. anno. B) Comnenorum stirpem supra meminimus extinctam. Rectius Joannes Castriotus, Scanderbegi filius in hujus locum substituendus. C) Corcyra insula admodum commoda est ad trajiciendas in Italiam copias, ante Epirum, vulgo Corfu. Eam multis describit Strabo, Bordonius &c.

minisset Imperator, sine Veneti Senatus facultate fas haud esse Jonium pelagus classe armata percurfare. Ejusmodi quæsitis nihil moveri videbatur Bajazethes, certe in potestate habuit animum, quove magis Oratorem duceret, vultu ad amicitiae speciem composito, munera non nisi ab amicis accipi solita, mira hilaritate aspexit; & a se, suisque nihil metuendum Reipubl. disertis verbis reposuit. ▲)

At Cossitius Achimates, Purpuratorum facile Princeps, qui colloquio interfuit, acerbe in Venetos invehens, ultimam perniciem minabatur, nisi modestius cum Imperatorum maximo in posterum agant. Non deesse Bajazethi vires, quibus Rempubl. Peleponneso, Creta, Istria, Dalmatia depellat, ipsasque Venetias funditus extirpet. Zacanus dignitatis Venetæ memor, Purpurati minis exasperatus, libere edixit: *Patres Venetos nihil potius in votis habere, atque amicitiam Byzantinorum; eam perpetuo ab ultimo fœdere sartam, testamque summo studio conservasse. Cæterum si pergat laceßere, Reipubl. nec animum, nec vires defore ad sua defensanda.* His non sine stomacho dictis, triremem suam iratus repetiit, non pacis, sed cruenti belli nuncius, in Italiam navigaturus. Non desunt, qui scribant, lictorem missum ad Zacanum cum mandato Imperatoris, ut abitum quantocius e finibus Byzantii maturet: naves subinde clam expeditas, ut Venetam Helleſponto egressam intercipient, & Oratorem cum grege nautarum mergant. b) Zacanus Venetias redux, veluti legationis munere infra expectationem Reipubl. functus, serius, ac oportuisset, Senatui res Constantinopoli gestas ex ordine recensuit. Tum enim vero Patres, ne res Venetæ pessumirent, sepositis partium studiis, communibus votis Antonium Grimanum, summum classis Præfectum renunciant: quinque, & viginti triremes e suo navali deducunt; milite, annona, cæteraque suppellectili bellica apprime adornant, atque in Corcyram primo vere proficisci jubent. Maritimis urbibus Istriæ, Dalmatiæ decem imperatæ triremes, totidem Cretæ insulæ; quinque Corcyræ; Apuliæ civibus periculi sociis quatuor. Hæc subsidia ut erant in communem civium salutem decreta, ita communi omnium industria, celeritate maxima procurata sunt. Sed nusquam ferventius adlaboratum est, ac Venetiis. Crederes hostilem classem Adriatico mari fluitare, adeo omnis ordo, omnis ætas in belli curas abripiébatur. Privati cives magnam numorum vim non compulsi, non rogati, ærario, Italicis turbis vehementer imminuto, inferunt; Præsules, alique Sacerdotio opulentiori insignes, tertiam suorum fructuum partem, ad alendum militem suppeditant; Grimanus ipse, pecuniam, nervum belli intelligens, opibus suis maximo adjumento est; fæminæ, virgines, parvuli ad propitios reddendos Superos templa obeunt; frumentum undique convehitur; miles e provinciis Italiæ, e Dalmatia, Istria, e terris Pontificiis properat, tanto cum tumultu, ut mare perinde, ac terra tympanorum sonitu, & conquistorum delectibus perpetuo streperet, ac ferveret.

Dum in hunc modum apud Venetam urbem, unusquisque pari æmulatione saluti patriæ consulere studet, Bajazethes numerosam classem, cui Thaudem (Venetis Scriptoribus Deuthes, aliis Daudes) odio veteri in Venetos flagrantem, summo jure præfecit, Helleſponto in Eubœam, inde in sinum Saronicum navigare mandat. c) Vix Byzantina urbs & numero navium, & apparatu rerum instructiorem viderit. Nonaginta supra ducenta

I 3

navi-

a) Leunclavius ait pacem viginti, & quinque annorum inivisse Bajazethem ad speciem cum Zacano, quem alii Zancanum, & Zancanum volunt. b) Tubero multis probris oneratum scribit Legatum. Negat naves subornatas ad eum mergendum: neque enim tantum scelus iussisse Bajazethem arbitratur, cum laudem justitiæ ab omnibus semper tulerit. Cæterum eo animo fuisse videtur Tubero in Venetos, quo Achimates Purpuratus; adeo ungues suos exerit. c) Classis Turcica Helleſponto excurrrens, mare Egæum ingressa, Eubœa, sinu Saronico, & Malea superatis, ingenti aquarum spatio Peloponnesum circumnavigans, jam Methonen, jam Patras accessit, Naupactum obsessura. At Veneta mari Adriatico immissa, in Jonium, qua hostis vocaverat, cursum deflexit. Corcyram prætervecta, Naupacti civibus auxilio fuit, mox Methonen abiit. Lege sis Peloponnesi descriptionem apud Strab. L. VIII. pag. 389. ubi Tabella totius regionis, & sinus Corinthiaci imaginem refert.

A. C. navigia numerabantur; ex iis quinquaginta præaltis proræ, puppisque pro-
 1499. pugnaculis, & turribus conspicua erant, e quibus miles adversus vim hosti-
 lem tectus, in subeuntes impune tela jaceret. Ipsa latera navigiorum tor-
 mentis in orbem locatis horruerunt, ut quocunque seu tempestate, seu nau-
 tarum ministerio se obverterent, æque noxia in assilientes fulminarent. Præ-
 ter commeatum numerofo exercitui suffecturum, arma diverfi generis vide-
 bantur. Ad hæc mira arte constructam turrin e solitissimo ligno, & suas
 in partes solutam, classi imposuerunt eo consilio, ut in promontorio Pa-
 trensi eandem iterum erigerent, & Venetos per Corinthiacum sinum Nau-
 pacto urbi (hanc oppugnatam iverunt) opem laturos, destinatis ictibus im-
 peterent. A) Per eosdem dies Bajazethes Constantinopoli florentissimum ex-
 ercitus Adrianopolim movit, inde per Macedoniam in Thessaliam. Mu-
 stapham Argivum, armorum Præfectum terrestri itinere ad Naupactum ob-
 sidendam B) mittit; ipse ad radices montis Othryos castra metatus, even-
 tum rei expectavit; infra suam dignitatem ratus, si unius urbis fortunæ, Im-
 peratoriam dignitatem committeret; auxilia tamen, ut res postularit, mis-
 surus. Obfirmaverat enim animum non ante pedem referre Byzantium,
 quam Naupacto expugnata. Quippe cum sinum Corinthiacum, qua late
 patet, & Peloponnesi majorem partem obtineret, iniquissimo ferebat ani-
 mo, Naupactum in faucibus ipsius sinus positam, veluti ad frænandum si-
 num, a Venetis usurpari, & in Jonium mare non sine injuria tot insulano-
 rum dominium exercere.

Posteaquam Grimanus Architalassus, vires Ottomanorum in Pello-
 ponnesum, & vicinas urbes conversas animadvertit, Corcyræ, cui maxime
 timebatur, præsidio injecto, vela flexit Methonen, c) Senatunque Vene-
 tum certiozem fecit de Bajazethis apparatibus, multisque contendit, clas-
 sem longe inferiorem Turcica, navium subsidio augeret. Itaque sexdecim
 longioris formæ, mercibus vehendis, quam prælio navali aptiores, cum
 sexaginta onerariis Methonen versus jubentur festinare. Addidit Ludovi-
 cus Galliarum Rex duodenas turribus insignes, & quatuor triremes, quas
 Massiliæ, ad preces Rhodiõrum nuper armaverat. Nam & Rhodii incendio
 vicino exciti, insulam suam domesticis, externisque auxiliis defensum
 ivere. D)

Interea Thaudem prospera navigatione usum, foedissima tempestas
 excepit. Legerat is Eubœæ oras E) pacato mari, cum repentino turbine
 concitato mari, classis jactari cœpit adeo pertinaci malo, ut nautæ Turcici
 frustra artem, quam modicam id temporis possederant, consulerent, nec
 quo vellent, sed quo impetus ventorum impulit, cursum navigiis cederent.
 Quinque supra viginti navibus oblongis, vastis gurgitibus absorptis, ad
 ad Munychiam F) Atticæ vicum compulsi, classem foede jactatam, ac im-
 minutam refecerunt. Thaudes aleam belli non absimilem maris vicissitudini
 aliquoties expertus, classem Venetorum numero fere parem (erant centum
 & quinquaginta naves) eorumque artem nauticam non mediocriter formi-
 davit. Quapropter ex Imperatore anxius sciscitatur, quid sibi agendum fo-
 ret, cum jam Veneti præcluso mari ad Methonen classem circumagerent,
 prælioque navali decertare arderent? Hoc nuncio perturbatus, in adornan-
 dis tot navigiis, celeritatem Reipub. non potuit non mirari: utque mariti-
 mas vires naufragio haustas sarciret, decem millia armatorum, Achi-
 mate Cossitio Ductore, id muneris sibi ultra deposcente, in Thaudis auxi-
 lium deligit. Dederat vero in mandatis Achimati, ut si hostis prælium of-
 ferret, classiariis se jungeret; cæterum Peloponneso infunderet equitatum,
 urbes-

A) Inter urbem Patras, & Naupactum, vulgo Lepanto, sinus Corinthiacus intercurrit, ac in an-
 gustum coit, ut facile naves sinum ingressæ, ex hujusmodi turrino opere lacerari potuerint.
 B) Naupactus nomen sortita a navibus compactis; Ætoliz Princeps civitas. Strabo L. IX. C)
 Methone, Corone (ubi & Pylus, Nestoris patria) Messeniæ urbes, Peloponnesiaco bello no-
 minatæ, mari adjacent. D) Tubero L. VII. E) Eubœa insula sat vasta e regione Bœotiz,
 & Atticæ sita. Princeps civitas Chalcis, de qua supra, totius Græciæ clavis. F) Olim ce-
 lebris locus Munychia, nunc vicus ignobilis. Primum a Spartanis, dein Romanis manibus
 spoliata. Strab. L. IX.

urbesque maritimas incurſibus territaret; nusquam tamen pugnam iniret. **A. C.** Claſſem vero ſinum Corinthiacum, quem veteres Rhion dixerunt, petere 1499. jubet, & Achimatem ita claſſarios a latere comitari, aut a tergo ſequi, ut imperium communicatum ſibi potius, quam Thaudi ademptum animadverteret. Verebatur enim non abs re Bajazethes, ne, ſi alterum alteri præferret, bini Duces æmulatione abrepti, in exitium traherent copias. **PLURES** quippe exercitus domeſticis diſcordiis Ducum, quam hoſtium fortitudine imminutos, aut cæſos meminimus. **NEC** vires militum uniuntur, ubi animi Ducum, inſana æmulatione ſuccenſi, diſcordes. Sed Bajazethes curas bellicas longius porrexit. Ut delectu militum prohiberet Venetos, & uno tempore variis in locis eorum vires diſtineret, antequam claſſis Heleſponto excurreret, primos belli furores in Italiam effudit. Alexander, vulgo Scenderes, ulterioris Boſniæ Præfectus, Trapezunte oriundus, cum octo millibus equitum ex Acarnania, Epiro, Illyrico collectis, Tiliavento, Sontio **A)** fluminibus ſuperatis Forum Julium, Aquilejæ agrum diripit; ipſas adeo Venetias ſparſis incendiis terret. Cum nemo Præfectorum iſtiusmodi latrocinia inhiberet, regionem ſæcundiſſimam prope in ſolitudinem populabundus vertit. Eodem itinere cum ingentibus ſpoliis ad Tiliaventi ripam, proveſtoris ætatis captivis (quatuor millia dicuntur fuiſſe) interfectis, in Boſniam reverſus eſt. Ultus eſt Deus non multo poſt hominis barbariem. Nam erumpentibus toto corpore pediculis, fatiſ ceſſit eo infelicioſibus, quod Religionem Chriſtianam, quam cum lacte materno hauſerat, impio Mahometi poſthabuerit; **DOCUMENTO** futuris poſteris, non eſſe diuturnam in ſcelere felicitatem.

Iſdem fere diebus unus Purpuratorum, minoris claſſis Præfectus, portus Dalmatiæ incurſavit, Jaderamque Venetæ Reipub. urbem **B)** improviſus obruit. Triduo ante, quam prædas ageret, memorabili dolo eſt uſus. Cum in Jaderenſes duceret, ac juxta Sicum **C)** maritimum Dalmatiæ oppidum, haud procul Scardona ſitum, iter faceret, Sicienſis agri incolæ per equites ſuos excipi juſſit. Prætor Sicienſium, ubi ſuos hoſtili more abductos intellexit, conſeſtim mittit, qui cives e ſœdere repeterent. Nondum quoniam Bajazethes apertas cum Venetis inimicitias habuit, neque bellum indixit. Præfectus homo verſipellis, vultu ſeveriori dolum obtegens, in prædones animadverſurum ſe finxit, quod amicam regionem infeſti vexarent. Mox captivos perquiri, & reddi incolumes jubet. Utque omnem ſuſpicionem hoſtilitatis eximeret Dalmatis, adverſus Pannonios ſe proſecturum mentitur. **FACILE** nempe id ſibi quiſque perſuadet, quod optat. Monebantur interim Jaderenſes ſub manu: caverent Turcam; firmis præſidiis oram maritimam, mœnia ſuæ urbis tuerentur; claſſiculam Adriatico mari adventare, haud dubie populationem vecturam. Amicorum monita incaſſum ceciderunt. Itaque nihil hoſtile ſuſpicati, redditis præterea captivis Sicienſibus audaciores, portus nullo præſidio tenebant. Inde eo luſtuoſiori calamitate oppreſſi ſunt, quo majori ſpe amicitie ducebantur. Namque Turcæ metu omni expeditos adoriuntur, ſupra quinque agreſtium millia capiunt, pecorum greges partim cædunt, partim abigunt; frumento claſſem onerant; demum quidquid avehere non licuit, incendiis hauriunt. Paucis poſt diebus Scardonitanum agrum pari furore quingenti equites evaſtare occipiunt. Hi locorum anguſtiis concluſi adeo ab iratis colonis cæduntur, ut vix quadraginta celeritate equorum ſalutem reppererint. Sed in Peloponneſum, belli theatrum, redeamus.

Thaudeſ, ut nuper memini, ſtatim ac Bajazethis mandata accepit, Maléam verſus curſum intendit, & ſuperato Aſineo promontorio, Methonen,

A) Hanc irruptionem refert Chronicon Carionis ad annum ſuperiorem, quo bello Polonico implicitus erat Bajazethes. **B)** Jadera, ſive Jadra, & Zara urbs Dalmatiæ, ditionis Venetæ ad oram maris Adriatici, propugnaculis, portuque gemina munitione robuſto, inſtruſta. **C)** Sicum intra Jaderam, & Tragurium. Sub hac nomenclatione vix reperies urbem apud Geographos. In tabellis tamen Orbis Antiqui, ſtudio Weigeli concinnatis reperi. Fors Ptolomæo Sicum, hodiernis Geographis Sebenecum eſt.

A. C. nen, ubi Veneti stationem fixerant, proficisci voluit. Sed tempestate dis-
 1499. jectus, ad Sophiæ insulam, tribus leucis Methone dissitam, applicat. Ut
 præsensum est hostem appropinquare, extemplo datum est e speculis signum,
 & ad arma conclamatum. Et Grimanus cum in conspectu hostem haberet,
 recepit classem in altum, veluti pugnam decretoriam tentaturus. Miles ar-
 dore certaminis incitatus inter remorum pulsus, ac nautarum celestina ar-
 ma expedit, nobilem ea die relaturus victoriam, si tantum animi, consilii-
 que Duci fuisset, quantum fervoris militi. Persuasum sane habuerunt ple-
 rique, futurum fuisse, ut si adversæ inter se concurrissent classes, Venetus
 victoria potiretur. Erat quidem ille numero navium inferior, at maritimæ
 rei scientia, & celeritate triremium, longe præstabat. Quæ res fecit, ut
 Turcica classis oram Peloponnesi legens, non multum a litore abscederet,
 & æquo gradu cum terrestri exercitu institutum cursum persequeretur. In-
 terim occurfare Venetus ex alto, nunc a fronte vim intendere, nunc a ter-
 go minitari, & quasi vires conferre velle, id præcipue sollicitus, ne e con-
 spectu suo hostem amitteret, donec in Sophiæ portum ventorum injuria
 compelleretur. Hic velut obsessus Thaudes sat diu adhæsit. Verum Grima-
 nus cunctando pulcherrimam vincendi occasionem elabi est passus. Otto-
 mani enim animadversa Architalassi ignavia, faventibus ventis e portu sol-
 vunt, plenisque velis classem Venetam prætervehuntur. Andreas Laureta-
 nus, sive jussu Grimani, sive quod malim affirmare, suo consilio, cum
 tribus grandioris molis navibus, quibus præerat, hostilem navem a classe
 navigantem aggreditur. Cretense navigium (erat unum e tribus Laureta-
 ni) dum primæ pilarum tempestatu fortiter occurrit, discerptum cum non
 paucis vectoribus continuo interiit. Duo reliqua cum eminus, & per in-
 tervalla dimicare satius haberent, & post ferreis manibus injectis pugnam
 conferrent, neuter Dux laborantibus auxilia misit, ne scilicet affluentibus
 paulatim copiis, vires universas uni certamini committerent. Duas horas
 ancipiti Marte pugnatum; tandem in desperationem acti, ignem in naves
 mutuo conjiciunt, quo correptæ intra breve spatium hauriebantur. Paucis
 ex utraque parte incendium pepercit. Turcarum fors melior; qui excepti
 a suis, naufragium evaserunt. At Christiani cum Lauretano gemino malo
 circumventi, aut incendio, aut fluctibus perierunt. Stephanus tamen Ot-
 tobonus unius navis Gubernator, feliciter ad suos enatavit, multis deinde
 muneribus a Repub. cultus. a)

Interea classis Turcarum, nullo accepto detrimento Cyparissum te-
 nuit. Veneti eandem insequuntur, & portum paucis leucis dissitum capiunt,
 deliberaturi num prælio navali non tam exercitus, quam Reipubl. fortunam
 committerent. Existimarunt enim, si maritima pugna vincerentur; vires
 Reipub. non accisum modo, sed funditus eversum iri. Convocato consilio,
 quorundam sententia erat, hostem invadendum, nec longiori mora animos
 addendos. CELERITATE plerumque victorias confici. Et spem victoriæ
 faciebat Thaudes, maritimæ rei imperitus, & fugere assuetus, quive pro
 gnavis epibatis rusticam sæcem ex agro ad transtra verberibus adactam habe-
 ret. Venetis navarchi experti, nautica turba a Dalmatis longo usu exerci-
 tis, duris, ac labori innutritis. Gallorum præterea classis nunc primum ap-
 pulsa auxit animum. At Grimanus prælium detrectare videbatur, quod
 potius ad victoriæ fructus legendos, quam suo milite pariendam, in pugnam
 inclinaret. Quippe non nisi perturbato jam hoste a Gallis, & ad fugam ac-
 cincto, navigia sua educere voluit. Ist hæc vero Grimani sententia adeo
 non probata est Gallis, ut omni potius pugna abstinendum censerent. Tur-
 cæ seu per transfugas, seu inutili Confœderatorum cunctatione edocti, ab
 universi certaminis alea Grimanum alienum, sublatis palam anchoris, Pa-
 tras abeunt, sinum Corinthiacum intraturi. Veneti more suo Thaudem
 insequuntur. Et ille, quanquam progrediendi consilium ceperat, obver-
 sis

a) Tubero loco laudato; qui, ut alias, bilem in Venetos effudisse videtur, dum Grimani res per-
 sequitur.

sis illico in hostem proris, in pugnam prodit. Ea ostentatione virium perterri- A. C. tus Primanus, iter non sine perturbatione relegit. Instant Turcæ ingenti cum 1499. clamore, & pene unam Venetam, alteram Gallicam triremem intercipiunt. Adversus sexaginta hostium navigia, mira fortitudine ab utraque non minus ardentem, quam perseveranter dimicatum fuit. Primum machinarum ictibus vim inimicam arcebant; ubi vero ad manus deventum, & cominus lanceis, gladiis res agi cœpta, haudquaquam par numerus armatorum ex fœderatorum navibus pugnavit. Itaque hostes numero superiores in Venetam transfiliunt. Gubernator, gente Illyrus, ne inulti caderent, Christianos hortatur. Pertinaci certamine in tres horas extracto, Turcas in navim receptos trucidant, affilire ausos, præacutis contis in ora adactis, præcipites in mare agunt, victoriam denique prodigio parem, incolumi navi reportant. Nec Gallica minori fortuna obstitit. Sex Turcicis demersis, vento prospere flante, cæteris navibus se integram reddidit, docuitque victorias non numero, sed virtute militum confici. Postero die Ottomanī quatuor triremes e sinu Corinthiaco in Venetos emittunt. Occurrit iis Grimanus cum duodecim oblongis navibus. Commisso prælio adeo male mulctatæ sunt tres Turcicæ, ut socii navales cum milite in quartam, quæ supererat, navim semet recipere cogerentur. Ne sua multitudo obessent, turba nautica in interiora navigii accepta, cæteri armati quinque horarum spatio fortissime impressionem sustinent; tandem vulneribus debilitati, omnes cadunt. Multorum sanguine ea victoria Venetis stetit. Duo prope millia desiderata. A)

Naupacti cives diutina obsidione per Mustapham Argivum fracti, cum in dies classem Confœderatorum ultimo in discrimine, mæsti e mœnibus operirentur, præter omnium opinionem Turcicam, sinum Corinthiacum ingredi vident. Tum enimvero conclamatis rebus, de deditione urbis immaturo consilio actum. Putaverunt illi, Venetos prælio navali superatos, ac desperata Naupacti salute, alio sua studia vertisse. Præfidiarii Reipub. etsi initio vehementer repugnarent, tamen metu proditiōis impulsī, in deditionem urbis, & arcis consentiunt, oppidanis omnia per tumultum agentibus. Nunquam Mustaphæ lætius spectaculum obtigerit, ac dum candida signa e turribus volitare conspexit. Confectis propere tabulis, ne visa fortassis classe, civium animi mutarentur, utilissimas conditiones concessit, quo mitius jugum Ottomanicum ferrent: quinquennio nempe integro ab omni tributo, publicisque oneribus ut essent immunes: legibus iisdem, quibus sub imperio Veneto, deinceps uterentur. B) Bajazethes nobili urbe potitus, cladem alteram ut adderet, Alexandrum Trapezuntinum rursus in Italiam mittit. Coactis decem circiter millibus equitum inauspicato provinciam suscepit. Emensus Istriam, haud procul ab Aquilejæ mœnibus prædabundum agmen continuit, ut & vires longo itinere attritas reficeret miles, & hostium consilia, quos loca vicina insidere relatum est, exploraret. Sed tantum formidinis fama venientis Alexandri iniecit tyroni militi, ut statione deserta cum agrestibus fugam arripuerit, latrocinia, cædes extra ictum positus spectaturus. Patefacto in hunc modum prædandi campo; incendiis, rapinis, omnique infelicitatis genere ita deformata erant vicinarum regionum oppida, ut vix aliquid pristini decoris retinerent. Cum præter spem minus prædarum reperirent, summo furore in miseros colonos, quos turbo ille involvit, bachatum est. Multa mortalium millia in Turciam avecta, qui aut operi faciundo, aut explendæ libidini valentiores habebantur. Imbellis, & provectior ætas omni crudelitate interempta. Ducenti equites Albani sub signis Venetis, nonnunquam hostium postremum agmen carpebant, & maximæ instar victoriæ erat, quod hic modicus manipulus, ne Turcæ uspiam pedem figerent, prohibuerit. Non tamen impune patriam repetierunt. Quippe cum autumnō jam præcipitante,

Imp. Ottom. Tom. I.

K

quo

A) Navigationem Turcicæ classis quam optime intelliges e Tabulis Geographicis, ubi Eubœam, Maleam, Methonem, Cyparissum, sinum Corinthiacum, Naupactum suis locis reperies. B) Joann. Bapt. Verus hæc ad sequentem annum refert.

A. C. quo fluvii, quibus regiones illæ abundant, omnia loca late mergunt, præ-
 1499. datrices turmas longius dimissas reduceret Alexander, transitu tot aquarum
 miles hauriebatur cum spoliis. Postremo fames vexare cœpit exercitum,
 frumento in castella, arcesque munitas ab agrestibus comportato. Unde
 tantis ærumnis premebantur toto illo itinere, ut maxima pars jumentorum,
 hominumque miserabili strage caderet, crebrisque funeribus militares viæ
 signarentur. Malo suo didicit incautus Dux: FAMEM, & sitim, domesti-
 cos hostes, præ magnis exercitibus esse formidandos. Hæc calamitas vel
 maxime ad mancipia pertinuit, præcipue cum falso vulgatum esset, Hunga-
 ros in Dalmatiam ad interceptandam prædam properare.

Dum hæc in Italia, Illyricoque geruntur, Imperator per interiorem
 Macedoniam exercitum Adrianopolim in hyberna deduxit, relicto uno e
 Purpuratis cum valida manu, qui erectis duobus castellis in angustiis Rhii,
 altero in Peloponnesiaco, altero in Ætolico litore ad Corinthiaci sinus cu-
 stodiam. Hoc opere perfecto Achimates Naupliæ, natura, arteque muni-
 tissimæ urbi, insidias struit hyeme jam adulta. Incolebant eam Albani Equi-
 tes, gens dura, & bellicis laboribus a prima juventute assueta, qui e Pelo-
 ponnesi, & Achajæ provinciis, Turcarum armis, velut tempestate haustis,
 eum in portum enatarunt, & aliquot annis, illatis Ottomano cladibus, liber-
 tatem suam tuiti fuere. Ut procurandi audaciam castigaret, aliquot mil-
 lia suorum sub montem condit; paucos mœnia obequitare, prædas facere,
 hostem laceffere tamdiu jubet, dum in insidias præcipitet. Albani insidia-
 rum ignari, Turcas ferociter repellunt, & fugientes, ultra quam oportuit,
 sequuntur. Tum e latebris suis emergunt alii, Albanosque circumventos
 adeo concidunt, ut e mille equitibus pauci acceptæ cladis nuncii in urbem
 redierint. Eodem fere tempore biremis Turcica classẽ Venetorum explo-
 ratura forte in Venetam incidit. Fervente pugna cum Veneti ferreis vincu-
 lis biremem captam tenerent, quinque Janicfarorum in Venetam transfiliunt;
 circumductoque haud impigre ferro, funes, quibus vela, antennæque expli-
 catæ stringebantur, dissecant adeo feliciter, ut in pugnantes summo impetu
 omnia ruerent. Adempta videndi, dimicandique potestate, victores fere
 victi discesserunt.

1500. Cum Veneti terra, marique vincerentur, pronum cogitatu est,
 quantis angustiis Respub. fuerit pressa. Grimanus, maritimæ classis Præfe-
 ctus, ob res minus prospere gestas, populi invidia. & odio ardebat. Hu-
 jus unius incitiæ multiplex clades superioris anni tribuebatur. Imperio mo-
 tus, ignominie plenus, ferro onustus Venetias revocatur ad causam dicen-
 dam. A) Huic successit Melchior Trivisanus, (Tuberoni Trevisanus) nihil
 felicius Grimano. Refecta per otium classe in Methonenſi portu, novus
 Imperator expeditionem adornat; lætis militibus, qui mutato Duce mutan-
 dam belli fortunam ominabantur. Ne quid temere agat, vigili cura omnia
 dispicit, HAUD NESCIUS æstimationem Belliducis non aliunde, quam
 a prima expeditione pendere; quæ si feliciter cedat, etiam per clades apud
 militem triumphabit: si secus, multis victoriis opus, ut semel vincat. Ita-
 que cum videret sinum Corinthiacum præsidio Turcico teneri, excitatis,
 utroque in litore munitionibus, Cephalleniam B) aggrediendi consilium
 cepit. Methone adducta classis ad Cephalleniam applicat, ejusdemque
 nominis urbem circumdat. Verberati muri paucos intra dies procumbunt.
 At Turcæ pro mœnibus erant, Venetosque omni spe capiendæ urbis exue-
 bant. Integram fere hyemem ea in oppugnatione contrivit nullo operæ
 pretio, nisi quod urbem munimentis nudarit. Tandem re infecta militem
 mor-

A) M. Alphonſus Ciaconius in Vitis Pontificum, & S. R. E. Cardinalium hæc habet: Antonius
 Grimanus a Majori Consilio relegatus, Romam ad filium Cardinalem Dominicum condendit,
 paulo post patriæ redditus, Procuratoris D. Marci munus (quod nemini antea obtigerat) asse-
 cutus, Lauretano Venetorum Principe vita functo, ipse Dux creatus est. Pag. 1330. sub
 Alex. VI. Si lubet, adi etiam Sabel. Enn. X. L. IX. B) Cephallenia, Zacyntho, Ithaca,
 Dulichio insulis cincta, quæ olim Ulyſſi paruerunt. Multum nobilitatæ a Principe Postarum
 Homero. Imaginem Cephalleniz expictam habet Strabo L. X. pag. 520.

morbis, labore imminutum ab infausta oppugnatione reducit, desideratis A. Q. circiter bis milleclassariis. Trivisanus incepto coactus desistere, animo ma- 1500. gis, quam corpore æger, paucis post diebus inglorius obiit, ærumnasque multorum annorum, si ætatem egisset diuturnam, uno momento absolvit. Δ) A fatis Trivisani Hieronymus Cantareus classis Legatus, summam rei maritimæ interim administravit. Hic cum allatum esset frequentes nuncios Bajazethem inter, & Neapolitanum Regem ultro, citroque commere, ad intercidendam ejusmodi commercia quatuor armatas triremes expedit. Istri- ca reliquas celeritate prævertens, sole jam inclinante ad Sasonem insulam, ex qua Brundisium brevissimus trajectus, substitit. Nautæ nimio labore exhausti, postquam de more anchoras fixerunt, quietem capiunt. Securitas hæc omnibus exitio fuit. Eremita incola Græcus, ubi videt metu vacuos altum stertere, e loco editiori succensa, quam ad naves Christianorum prodendas de industria comportavit, strue lignorum, notum Ottomanis signum dedit. Adfunt intempesta nocte tres triremes, Istricam somno sopitam truci clamore circumstant, inermes sternunt, Præfectum navis bipenni obtruncant, captamque triremem Aulonem trahunt.

Tot adversæ fortunæ telis dum Veneti urgentur, & in dies acerbiora vulnera a Bajazethe metuunt; Peloponnesum suo sanguine toties perfusum damnabant. Ærario præterea multum exhausto, restincta populi liberalitate: milite tum in Græcia, tum in Italia varia fortuna attrito, nihil reliquum supererat, quam ut pacem æquis conditionibus inirent. Fœderati auxilia potius ostenderunt, quam serio tulerunt, & plerumque sui commodi studiosiores, quoties in arma coorti sunt. Nec Bajazethes ab armorum cessatione alienus videbatur; verum felici rerum successu elatus, adeo perniciosas leges Venetis tulit, ut plus detrimenti pax, quam ipsum bellum, allatura censeretur. Nam omnia maritima loca Græciæ, atque Illyrici iniquissime sibi tradi postulavit. Spe pacis statim in principio præfocata, Veneti misso Legato Sebastiano Justiniano B) Hungaros auxilium orant. Thomæ Bakacsi Cardinalis industria fœdus cum Uladislao Hungariæ Rege peragitur; ut singulis annis centum aureorum millia Hungaris pendant Veneti, quoad bellum cum Turcis gestum fuerit: triginta millia deinceps, ubi bellum desierit. Bajazethes suspicatus id, quod erat, Hungarorum gentem adversus se incitari, Oratorem suum lautis cum muneribus Budam festinare, inducias quibusvis conditionibus firmare jubet. Mandatum insuper ei; Regem ingentibus promissis oneret, bello ut abstineat, aut missitandis nunciis ita extrahat, ut Hungaris nondum ad inferendum bellum comparatis, ipse in Venetos tot malis felloso exercitus ducat. At Uladislaus obfirmato animo, Legati pollicitationes rejecit, partesque Venetorum amplexus, summo Pontifice Alexandro VI. impellente, in Turcas militem suum armat, Joanni Corvino Illyrici Pro-Regi, Josepho Somio Temessienſi, Petro Comiti S. Georgii Transylvaniæ Præfectis, æs ad legiones complendas datur, utque finitimos Turcarum agros omni hostilitate impetant, pro Regia potestate mandat. Armorum strepitus confestim Ottomanorum agmina in arenam excivit. Jaiczam, Bosniæ caput, adorti, prius a se captum iri autumarunt, quam a nostris succurri posset. Corvinus, in cujus provincia bellum exortum est, obviam progressus hostibus, in ipsis castrorum munitis aleam tentavit. Confertis aciebus victi turpiter, fugatique Turcæ, opulenta castra direptioni Hungarorum reliquerunt. Sed hæc victoria, Venetorum fortunam in Peloponneso pedetentim collabentem erigere non potuit. Majoribus sane viribus opus fuisset, ut in Græcia tantisper res nimium afflictæ respirarent.

Δ) Tubero. At Sabellicus Enne. X. L. IX. vult, Trivisanum gravi morbo confectum obiisse, Methone, Junco, & Corone a Bajazethe occupatis: Benedictum vero Pisaurum Trivisano suffragari. B) Tubero. Istanffius Petrum Paschalicum summa cum potestate munere Legati functum Historiarum Libro IV. inseruit.

A. C. Interim Bajazethes, etsi Venetos validis fœderibus illigatos sciret, 1500. classi ter centum navium Jacuben præficit, semivirum quidem, sed in rebus gerendis animi magnitudine, arte bellandi, solertia supra magnos Duces magnum, & illustrem, jubetque Methonen versus navigare, & urbem, quasi aliud ageret, lenta obsidione premere. Ipse equitatum omnem cum copiis pedestribus per Macedoniam, Phocidem, Bœotiam, Isthmum Corinthiacum in Peloponnesum ducit. Ut suspicionem eximeret Venetis de impugnanda Methone, rumorem spargit in castris: Naupliam obsessum iri. Res credita militi, latius manare cœpit, curasque Venetorum in Naupliæ custodiam vertit. Evaſtato circum agro, veluti rediturus, in Arcadiam rapit copias, captusque amœnitate, ac ubertate regionis, pluribus diebus, itineris difficultate lassatum militem recreavit. Terræ istius jucunditatem haud ulla majora commendant indicia, quam magnis nemoribus, saltibusque ferarum greges conclusi. Spatiosas habet sylvas, crebris perennium aquarum fontibus amœnas, Principesque viros facile hospites tenet. Bajazethes cum primoribus gentis suæ, nemora multis annis intacta, ingressus feras exagitavit, gravioresque belli curas tantisper seposuit. At Eunuchus bello intentus, e sinu Corinthiaco eductis navigiis, prospero vento usus, Methonen accessit. Cantareus quidem in medio cursu barbaræ classi se magis infestum ostendit, quam præbuit. E Sybota insula prorumpens, navigantium tergo hæsit: ubi proras obverti vidit, remis in portus vicinos sollicitatis, apertam fugam init, duabus navibus amissis, quas Turcæ non sine suorum jactura expugnatas, vix uno, & altero classiario superſtite in triumphum duxerunt. Cyparissiam oram inveſti ad ostium Alphæi amnis stationem capiunt aquandi causâ. Huc cum Imperator studio videndæ classis cum ala equitum venisset, visis tot navigiis, & quod caput erat, victribus, equo desiliens, humi prostratus Deo immortalī gratias egit, quod non terra modo, verum mari etiam de Venetis triumpharit, quos tantus jam timor subiit, ut præliis se maritimis subducant, maris dominatum tot retro lapsis annis possessum, genti Ottomanicæ concedant. Jam pedestres copię (centum quadraginta millia virorum dicebantur) Methonen vallaverant a septentrione, qua urbs continenti jungitur, spatio unius stadii. Amplissimum suburbium vallo, turribus egregie munitum, interiora urbis opera ambit, hostesque arcet. Igitur in suburbanas munitiones admota tormenta, paucis post diebus propugnacula diruunt. Præſidarii ob paucitatem non aucti vasta, disjectaque opera tueri; injecto tectis igne, ne usui forent, in oppidum trepide fugiunt. Instant Ottomanī perculsi, vallumque urbis fascibus, terra certatim complent, nulla quiete oppidanis concessa. Incalſcente oppugnatione, Benedictus Pisaurus Venetæ classi datus, ad Strophades insulas in portu substitit, opportune occasione intentus, si qua via obsessis, jam ultima perſeſſis, posset succurrere. A) Hunc in finem delectæ quindecim triremes, quæ delusis Turcarum custodiis in portum Methones irrumpant. Sed in conspectu hostium res prodita. Præſecti enim maritimæ rei, cum viderent Venetorum naves acri impulsas vento Methonen ferri, suas pariter in altum movent, quarum conspectu subito perterrefactæ undecim, ad classē redeunt. Quatuor stimulo gloriæ magis, quam vento incitatæ, cœpto cursui insistent, & prospere in portum elabuntur, grande subsidium Methonenſibus futuræ, ni exitium juxta invexissent. Nam dum excensionem alacres faciunt, acerrima pugna inconditos inter clamores oboritur. Præſidarii errore decepti, quod hostis una in urbem irruperit, siue quod subsidiarias copias vellent defendere, relictis temere stationibus in pugnæ locum evolant. Omnium oculis, animisque illuc converſis, Turcæ, qui terra Methonenſes urgebant, ab Imperatore assaultum postulant. Scalīs innixi mæniorum partem occupant, cæſisque, qui accurrerant, se in urbem conjiciunt.

At

At ora maritima nondum succubuit. Hic utraque pars vires exeruit. A. C. Eunuchus classi præfectus, ut fortibus factis labem deleteret, quod Venetos 1500. aditu portus non prohibuerit, suos sine scalarum adminiculo arduas rupes, quibus pars una urbis incumbit, subire jubet. Eluctantur illi inter saxorum, pilarumque tempestatem in fastigium, mox a Venetis in ima præcipitantur. Sed dum alii atque alii succedunt; & jam a tergo Janicsarorum ululatus audiretur, projectis armis prælium amittunt. Turcæ insperata victoria potiti, rabiem in miseros cives effundunt. Sævitur sine discrimine in armatos juxta, ac inermes. Quid crudelitatis barbarus victor possit, dies ille infaustus ostendit. Quibus primus iræ impetus pepercit, urbe jam pacata, jussu Bajazethis, pecorum ritu jugulantur. Adeo SÆVIENDI libido mentem homini eripuit, ut minime videret, prudentem victoriam suo in armamentario clementiæ, & moderationis telum repositum habere. Sed frustra clementiæ nomen barbaro oggeras, cujus animum odium Religionis, contemptus victorum occupavit: nec moderationem novit, cui sæviendi licentia pro Duce est. Quæ fors Prætorem urbis Antonium Cantarenum manserit, mihi incertum. Nonnulli Scriptorum eum cum Episcopo Andrea Falcone, & primariis militum Ductoribus peremptum prodiderunt: Ludovicus Tubero ait: Prætorem perbenigne acceptum a Bajazethe, atque rogatum, *cur tanta pertinacia oppidum defenderit?* in corona Purpuratorum audacter reposuisse: *suarum partium non minus fuisse urbem suæ fidei commissam quam strenuissime tutari, quam Ottomanis eandem impugnare:* quo responso mire delectatum Bajazethem, vestes culti operis eidem donasse, liberosque in aula sua liberaliter habuisse, quoad pax conficeretur. Urbe capta, quinto & quadragesimo die postea, quam obsideri cœpta est, Janicsaros, qui primi in urbem defilierunt, præmiis affecit: segniores ignominia notatos in vincula abripuit, Præfectos muneribus exuit. Ne capitis supplicio luerent desidiâ, Achmetes Cossicius suas preces, auctoritatemque interposuit. A)

Methonenâs victoria, quam sua sævitie multum obscuravit Bajazethes, urbes Coronen, & Pilum cum castellis aliquot, non post multo, ut præmia laborum, sic fructus victoriæ Turcarum imperio subdidit. DIDICERUNT nempe alieno malo istarum urbium cives, præstare amicum salvis mænibus, quam dirutis inimicum accipere. B) His sat prospera fortuna gestis, classe Hellepontum jussa repetere, Isthmo digressus Imperator, per Serras Macedoniæ urbem, victorem exercitum Adrianopolim faustas inter acclamationes deportavit. Nullam, quod sciam, expeditionem quæstuosiorem Ottomanis, nunquam Martem magis propitium, aut Veneti iratum habuere.

Venetorum fortuna sic misere afflicta, nondum belli consilia Reipub. 1501. eripuit. Placuit rursus copias reparare, & acceptas superioribus annis clades ulcisci. Imperator classis Pisaurus, omni infortunio major, rebus domi, militiæque gestis facile Princeps, Patriciis stimulos admovit, ut pristinae dignitatis memores, non precario, sed armis a Bajazethe pacem extorqueant. TURPI, miseraque pace, quodcunque bellum potius esse; isto spem relinqui; illa futura, & præsentia absumi aiebat. Addidit: integrum prope militem, & bello intactum sub suis signis habere, quibus, abducto in hyberna Adrianopolim, Byzantium Turcarum exercitu, occasio facta, res præclare pro Repub. in Peloponneso agendi. Fœdera præterea trium Regum Galliæ, Hispaniæ, Hungariæ, aliorumque Principum Italiæ multum firmarunt Rempub., ne victorem de pace interpellaret. Ingens profecto spes Europæ est data, Turcam, si unquam alias, hoc anno multis cladi-bus atterendum. Et certe si una mens Ducibus fuisset, concordibusque animis bellum gessissent, omnis Peloponnesus in libertatem vindicari potuisset. Sed discordia in castris dominante, spes pulcherrima everâ est, fœdus-

K 3

que

a) Tubero L. VIII. Annales Turcici hoc, quo retuli, modo Methonen captam testantur. b) Annales Turcici.

A. C. que non sine dedecore nominis Christiani dissolutum. Ferdinandus Hispaniarum Rex, primus res Venetas recreare est visus, missō Consalvo Magno, suæ ætatis clarissimo Duce, cum copiis e Sicilia evocatis. Pisaurus novis legionibus animosior, Cephalleniam **a)** urbem, nuper nequicquam tentatam repetit. Assilientes in mænia præsidarii aliquoties repellunt. Admota operibus turris lignea, e qua destinatis ictibus barbari figebantur, faciliorem oppugnationem dedit. Proposito signo invadendæ urbis, Marcus Orius primus vexillum in muros sustulit; quo inflammati Hispani, magno numero præsidarios recedentes insequuntur; omnemque fugam in arcem intercipiunt. Plerique victoris ferrum jugulo exceperunt, pauci in numerum mancipiorum relati. Subacta urbe, insula sub imperium, ditionemque Venetorum cecidit. Mira voluptate perfusus Pisaurus, Consalvo ob navatam strenue operam grates rependit, utque victoriarum cursum, armorum conjunctione prosequeretur, hortatus est. Sed is congesta in classem præda non modica, in Siciliam veluti offensus rediit, contra Fridericum Neapolitanum dimicaturus.

Abeuntibus Hispanis Galli succedere cum duodenis navibus turritis. Hi sociorum victoria allesti, Mitylenen **b)** expugnandam sumunt, majori animo, quam fortuna, Turcis pro aris, & focis acriter pugnantibus. Urgebat nihilominus obsessor Gallus, ut omne decus captæ urbis cum omni præda ad se pertraheret. Ussit præterea laudis bellicæ avidissimam gentem, quod urbs a perpaucis, nempe ducentis, & viginti militibus defenderetur adversus aliquot millia. Jam mænia adeo magna strage dehiscebant, ut ruina quingentis circiter passibus lata, facilem aditum in urbem præbere videretur. Contra loci Præfectus, & præsidarii ita suis partibus funguntur, ut duodeviginti assultus (alii octonos scribunt) magno ardore Gallorum tentati, in irritum omnino ceciderint. Refrigeratum tot continentibus infortuniis calorem, quingenti Janicsari, elusis Vasconum excubiis, feliciter penetrantes in urbem, penitus extinxerunt. Conclamatis vasis Mitylene recessum est, non absque stomacho in Venetos, quos non dubitarunt proditiōnis arguere propterea, quod navibus quadraginta Asiæ oram obsiderent, ne quid obsessis præsidii inveheretur. Quanquam & altera causâ solvendæ oppugnationis subfuerit. Nam Bajazethes Mitylenæorum periculo excitus, celeriter ut subveniret, Byzantinos ad instruendam classem coegit; tantæque opes in unum collatæ, ut affatim sufficerent ad omnem apparatus maritimum, nunquam ante Constantinopoli visum. Privatorum itaque civium impensis, classis resecta, auctaque innatabat Hellesponto, bellum in Peloponnesum deportatura, nisi spe sua frustrati Galli, ad primos expeditionis rumores oppugnatione destitissent. Regulus Ravestanus (id nomen erat Gallicarum navium Præfecto) & Venetis, & fortunæ suæ iratus, in patriam navigaturus propter insulam Cytheram, **c)** nunc Cerigum, naufragio periit; paucis, quibus vires, animusque enatandi in portum, ereptis. **d)** Pisaurus, qui abeuntem Turcarum classem in Hellespontum usque secutus est; extremum navium agmen carpendo, viginti & amplius navigia cepit. In reditu hostiles insulas, locaque maritima depopulatus, militem ingentibus spoliis ditavit. **e)** Zacyntho redditus, æmulatione sociorum in arma pronior, cum oblongis duodecim navibus fauces Ambracii sinus **f)** occupat, tredecim triremes armis, & commeatu oneratas eripit, materiam ædificandæ classi comparatam incendio perdit, toto triduo regionem evastat, spoliisque lætus reditum maturat. Ubi Ambraciæ, & Epiri montes in angustum coeunt, ibi barbari armati circa litus fremebant. Per densa hostium tela victori Veneto eundum fuit, sed fortuna adeo favit, ut tormentorum globis

a) Urbs hæc insulæ nomen dedit, urbi vero Cephalus conditor. **b)** Typum Mitylenes apud Strabonem L. XIII. habes cum aditis oppidis. **c)** Cythera maris Jonii insula, cecit Turcis 1715. **d)** Sabell. ait Gallos Chium petiisse, inde digressos in tempestatem incidisse, pratoriam navim & duas alias sævitia maris hausas, Præfectum præter spem evasisse mortem Enn. XI. L. I. **e)** Idem Enn. X. L. IX. **f)** Ambracius sinus ab urbe Ambracia Epiri urbe dictus.

bis nulla navis læsa, minus absorpta fuerit. A) Calentem victoriam militem A. C. Leucadi, B) insulæ non ignobili, admovet, & post dierum aliquot oppugnationem vi ea potitur. Denique partitus classem cum minoribus Præfectoribus, per maritima loca bellum circumtulit, majori utique hostium terrore, quam damno.

Hæc dum Pisaurus magna sui, & Reipubl. gloria prospere gerit, in Byzantina aula varii ut animorum motus, ita & sententiæ erant: audaciam Pisauri classe recens adornata infringendam esse dicebant alii: alii tædio laborum victi pacem præ bello malebant. Ipse Vezirius multum sermonem cum Andrea Gritto, aliisque summæ nobilitatis Venetæ viris, quos vel publicæ, vel privatæ res Constantinopoli eo temporis detinere, de fœdere ineundo miscuit, significavitque Gritto: Bajazethem ab armis discessurum, modo præsidium Venetum Leucade insula deduceretur. Respubl. ingenti desiderio pacis flagravat; at illud quoquo modo prodere, tutum non erat. Opulentissimum ærarium sumptuum magnitudine, mercatura velut naufragio hausta, succisa opum vena, jam dudum fatiscebat. Ut bellum prosegueretur, novo milite, nova classe opus, Gallis, Hispanis cessantibus. Neque ab Hungaria, dissensionibus inter Regem, & Proceres ortis, multum auxilii sperandum. Igitur utrinque in pacem pronis, missis Oratoribus Constantinopolim, inde Venetias; opera Gritti apud Purpuratos gratiosi, fœdus percussum est, sat æquis conditionibus, si fortunam hujus belli spectes. Summa pactorum hæc erat: Veneti Leucade Turcis restituta, Cephalleniam jure suo possideant: quidquid Bajazethes occupat, id ceu victoriæ præmium deinceps obtineat, nec fas sit Venetis seu proditione, seu vi aperta aliquod præsidium in Peloponneso occupare: res negotiatoribus Venetis initio belli ademptæ ab usurpatoribus primo quoque tempore reddantur: Pontica navigatio, ut ante hoc bellum, libera sit cum Venetis, tum subditis Reipublicæ. c)

Bello Veneto defunctus Bajazethes, cum Hungaris levioribus præliis 1502. decertavit. Jaicza nuper rejectus Corvini virtute, in Possleganum agrum, incussa haud mediocri formidine colonis, populabundum equitem immittit. Comes Petrus Scepusiensis, Josephus Somius, Joannes Corvinus, pluresque alii clari nominis Ductores, raptis legionibus Vidinum capiunt, captumque funditus exurunt. Eandem fortunam experta sunt vicina oppida, subita impressione Hungari equitis evastata. Nicopoleos suburbia fœdissimo incendio deleta, Byzantinis metum incusserunt. Mancipiorum greges aliquot in Hungariam pulsi: Turcæ ad opera facienda damnati, aut sub hasta venditi: Græci ritus hominibus nova sedes ad Temesiam attributa. Repressa una procurusione barbarorum audacia, res Pannoniæ quietæ erant, quando quidam Ismael Persarum Sophus, ut religione, ita & animo multum alienus a Turcis, rerum gestarum magnitudine in Oriente clarissimus, Imperio Ottomanico exitium minabatur. Auxerant sollicitudinem Bajazethi turbæ domesticæ, quas nimius dominandi ardor, in filiis excitavit, ut jam narrabimus. Igitur Achomate Vezirio agente, bellum Hungaricum amica pace composuit, missis ab Uladislao Barnaba Belajo, viro industrio, & multarum linguarum perito, induciis prorogatis in annos octo. d) Cæterum quid Bajazethes sexennio egerit, quibus bellis implicitus fuerit? etsi perdiligenter Scriptores illius ætatis consulerim, nihil tamen reperi, quod ad rem meam facere posset. Scilicet ET MAGNORUM Principum fama in obscuro jacet apud posteros, nisi Scriptorum beneficio in lucem prodeat, & ceu alteram vitam ab eorum diligentia adipiscatur.

Fu-

A) Sabel. Enne. XI. L. I. B) Leucas, aliis Leucadia, vulgo S. Mauræ insula, olim Peninsula. A Corinthiis, qui eam usurparunt, Isthmo Peninsulæ perfosso, in insulam redacta. Strab. L. X. ubi etiam de Cephallenia. c) His conditionibus pacem initam plerique meminerunt Scriptores. Et Annales quidem Turcici, Codex Verantianus, Hannivaldinus hoc anno. Istvanffius vero primum anno 1504. qui initio Libri sui IV. Historiarum, Peloponnesiacum bellum compendio recitat. Joannes Sambucus putat fœdus istum in centum annos, diem unum. Eadem fere recenset Joann. Bapt. Verus. pag. 179. qui hoc bellum vocat quartum Turcicum cum Repub. d) Istvanffius l. c. putat eodem tempore cum Venetis pacem fuisse conclusam.

A. C. 1509. Funestum Ismaelis bellum, intestinasque dissensiones aulæ Byzanti-
næ, indigenis advenisque publica, & luctuosa calamitas, quali prodromus
ingentium malorum, præivit. Quippe repentino motu concussa tellus,
Constantinopolim, & Græciam late diffusam exterruit, diramque stragem
sine discrimine intempesta nocte edidit. Sed nusquam hæc pestis atrocius
desæviit, quam in urbe Constantinopoli, ubi splendidiora ædificia Græco-
rum Imperatorum, dum rerum potirentur, ad omnem luxum, volupta-
temque surrexerunt. Plurimæ domus partim excisæ e fundamentis, & in
auras, veluti vi pulveris impulsæ, summo fragore vibratæ: partim sic se-
pultæ, ut hiant terra, locus ubi stetissent, quæreretur. a) Mænia urbis,
qua parte mare spectat, collapsa, domos prope adlitas ingenti ruina sepeli-
verunt. Arx, quo spolia, & thesauri totius Imperii reconduntur, quinis
turribus munita, cum superbæ molis ædificio, leonibus, peregrinisque fe-
ris destinato, in præceps acta. Sinus Ceratinus victis limitibus vim aqua-
rum in urbem effudit, & everfas domos obruit. Neque dies huic malo fi-
nem attulit. Aer pulvere involutus atram induxit noctem, ac multos mor-
tales spiritu intercluso præfocavit. Tenuit hæc calamitas, vix brevibus
concessis induciis, quadraginta admodum dies. b) Illud haud omisero: in-
ter tantam tot ædificiorum stragem, Sophiæ ædes nullo vitio facto integras
perstitisse, si turrim demas ab Ottomanis capto Byzantio, majoris orna-
menti gratia adjectam, quæ radicitus everfa concidit. Tredecim hominum
millia eo turbine oppressa, sincera lamenta a superstitibus expresserunt.
NAM TUNC potissimum veris lachrymis defletur publica calamitas, ubi
illa cum domestico funere conjuncta est.

Bajazethes, nisi a quodam Monacho Græco admonitus fuisset ante,
quam horribilis motus urbis viscera convelleret, ut se subduceret, neve loco
minime tuto crederet vitam suam, ex qua omnis perinde civis, ac miles vi-
tam traheret; haud dubie in suo palatio hoc malo correptus periisset. c)
Cum vero in dies vis mali præter modum cresceret, e tignis, quæ non fa-
cile solverentur, domum sibi extrui iussit, & velut carceri inclusus, corpo-
re, menteque æger dies, & noctes transegit. Hanc calamitatem excepit
pestifera lues, quæ in civium capita grassata, fere ad solitudinem, frequen-
tem & incolis refertam urbem vertit. His ærumnis exagitatus Imperator,
senio & podagra insuper oppressus, salubrioris cœli gratia, in Thraciæ amæ-
niora loca secessit, quietem capturus, cui ab adolescentia magis, quam bel-
licis laboribus addictus erat. Et si quam ferociam barbaræ menti res felici-
ter gestæ indiderunt, ea ab ultore Deo, immani terræ motu, & immissa
postea lue penitus compressa est. Desudavit dein omnis industria Bajaze-
this, quantum per seniles morbos licuit, ut urbem suis ruinis conssepultam-
veteri nitore restitueret. Datæ ad Præfectos provinciarum literæ, ut ope-
ras conquirant; lapides, calcem, cæteramque materiam tot ædificiis suffe-
cturam in portus Byzantinos deportent. Raro alias tantus numerus omnis
generis machinatorum, artificum, operarum visus est Constantinopoli.
Octoginta millia confluxisse dicuntur, quibus Purpuratum Janusen præfecit.
Hic partito inter magistros, ac operas labore, vicos, domosque dimensus
est, paucorumque mensium spatio, non tam sumptu, magnificentiaque
nobilis urbs, quam civium habitationi commoda caput e ruinis extulit.

1510. Restituto Byzantio, cum animadverteret Imperator senio ingravescen-
te, morbos pariter ingravescere, & haud procul ultima fata abesse, ne
Imperium filiorum ambitio intestino bello involveret, de successore sibi de-
ligendo mature, & salvis adhuc tum rebus prospiciendum putavit. Istud
diu, noctuque volvit animo, speravitque fore, una hac via omnem bello-
rum fomitem, quæ deinde fere everterunt Byzantium, extinctum iri. Sed
contra accidit, quam volebat, ut jam narrare aggredior. Adrianopolim
comitia indixit Bajazethes, Purpuratosque evocavit, deliberaturus cum iis,
ecquem-

ecquemnam filiorum (tres A) superstites erant Achomates, Corchutes, & A. C. Selymus) deligere vellent, quocum Imperii molem partiretur, quive secundum fata sua amplissimas provincias moderaretur. Suo quidem iudicio, aiebat Imperator, neminem aptiorem tanto muneri, atque Achomatem, quem ipsa nascendi conditio, & Amasiæ, Cappadociæque summa cum æquitate administratio commendant. Firmarent id communibus votis Purpurati, quod rerum ordo, tot gentium consuetudo olim stabilivit. Non aliud præmium impensis pro salute civium laboribus, non aliud fulcrum senectuti suæ tot expeditionibus infractæ petere. Paucis admodum grata fuit Imperatoris petitio, inclinatis jam animis in Selymum Trapezuntis Præfectum, quem pugnator indoles, & mores populares cum Purpuratis, tum Janicaris acceptissimum fecere. Erant tamen nonnulli opibus florentes, otio magis, quam bellicis laboribus assuefacti, qui Achomatem, mitioris ingenii Principem, nec ulla sævitie notum, præ Selymo fovebant. Corcuthes vero, quod stirpe virili careret, omnium consensu Imperii dignitate exclusus est. Metuebant enim Ottomanī, ne Imperatore sine liberis decedente, barbarum quidpiam enasceretur, in tam vasto, seditionumque feraci Imperio. Ad extremum, ubi viderunt, Bajazethem a sententia sua nullis argumentis abduci posse, plurimi Procerum, ejus consilio impulsī, in Achomatem suffragia contulerunt. Cæterum ut sine tumultu e sua provincia Constantinopolim acciri posset, Persarum Rex Ismael, religionis suæ propagandæ potius, quam dilatandi Imperii studio inflammatus, opportune res novas moliri cœpit. Pretium operæ me laturum haud existimo, si Regis istius genus, ortum, progressum, prælia, obtentas victorias, & regiones narravero, cum id elegantes Scriptores B) cumulate præstiterint, suisque monumentis Historiarum, ad posteros transmissis inseruerint. Quid negotii facessiverit Bajazethi, instituti mei rationem secutus, compendio recitabo.

Ismael, cæso in acie Persarum Rege Aluante, occupato regno, stabilitaque domi autoritate, in id summa contentione deinceps incubuit, ut sectam authore Hali C) repertam, annis adultam, sed modicis interclusam limitibus, in totum qua patet Orientem disseminaret. Hunc in finem ad Bajazethem Oratores suos ausus est mittere cum ambitiosis postulatis, quibus primum flagitavit, veteri religione abjecta ut suam amplectatur: mutataque religionis indicium, rubei coloris Cidarim, duodenis interstinctam plicis sumat. Dein Caramaniæ provincias, hæreditario jure sibi, Regibusque Persiæ debitas, minacibus verbis petiit. Neutrum impetravit superba legatio. Quin imo Bajazethes, placita Persarum, ferro, & igne extirpanda jam dudum in animum induxit, poena mortis statuta in Ottomanos, quicunque peregrinam hanc sectam profiterentur. Non enim ignorabat; vulgi animos nihil magis turbari, concitarique, quam novitate opinionum, quas si semel totis medullis imbibat, adeo constans est in iis retinendis, ut jacturam fortunarum, vitæque facere, quam ab iisdem recedere malit. PERTINACIUS nempe novitiæ opiniones præ antiquis in mortalium animos dominari solent, ut quantum novitate placent, tantum dominatu præcellant. Et vero non pauci in Caramania, Persarum cerimoniis capti, doctrinam Halis, an Haidaris? nam utrumque Persicæ legis D) conditorem Historici putant, certatim sequebantur, pluresque in dies a Mahomete deficiebant. Inde cum turbulentis concionibus motus fierent in provinciis Caramaniæ (nunquam enim sectæ institutum sine tumultu, turbis convelli, aut antiquari potest) veritus Bajazethes, ne post plebem Purpurati eo hamo cape-

Imp. Ottom. Tom. I.

L

rentur,

A) Tubero L. IX. quatuor filios in vivis fuisse ait, nempe Cichanem, Achomatem, Corcuthem, Selymum. Annales Turcici, Codex Verantianus, Hannivaldinus, Bizarus L. X. solum trium meminere. B) Petrus Byzarus Persicarum rerum Historiam in XII. Libros descriptam, gentis originem, mores, res domi, forisque gestas stylo terfo, nitidoque edidit Antuerpiæ MDLXXXIII. C) Hales fabulosi Mahometis Gener, ut Bizarus L. X. narrat, extincto Mahomete infelices nugas magnam partem convulsit, novas pro libidine adjecit, loca quædam, secus, ac Mahometes, hujusque sectatores, interpretatus est, ut nova quædam congeries religionis, rudi plebeculæ appareret. Nempe facile est inventis addere. D) Leunc. Pandect. Histor. Musulm. c. 188.

A. C. réntur, & cum plebe ob privatum commodum conspirarent, quotquot con-
1510. tra edictum Imperatorium, capitis ornamentum Persico more sumpserunt,
supplicio affici iussit; MEMOR religionem, & linguam hostium antecede-
re: tum ipsos hostes venturos, & civium animis jam occupatis, facile eo-
rum etiam corpora, & mœnia occupaturos.

Quantum Bajazethes laborabat ad excindendam Persarum hæresim, tantum Ismaelis Dux, Techelles, sui instituti acerrimus vindex, ad eam dilatandam curas intendit. Pellectis Cappadocibus in sectæ, & armorum societatem, exercituque Persarum copiis affluentibus firmato, in Lycaoniam ducit, regionem ab agri ubertate, hominumque frequentia priscis celebratam, atque ad Iconium A) castra statuit. Orchanem, & Mahometem, Nepotes Bajazethis, aperto Marte congregi ausos profigat. In Galatiam procedens, Corcuthem uno prælio debellat. B) Effusus in Bithyniam, non procul a Sagari, sive Sangario amne, Caragum Asiatici equitatus Magistrum, minorisque Asiæ Præfectum, ordinata acie excipit, confertaque manu victor evadit. Caragus disiecto exercitu & ipse fugam init; verum captus inter Cuthajam, & Ancyram urbes, palo suffixus vitam posuit. C) Prope- ro rerum successu ferox, Prusam Bithyniæ caput circumfidet. Sed audito Alim Vezirium cum quadraginta millibus armatorum, & Achomatem Bajazethis filium cum auxiliaribus copiis appropinquare, Galatiam repetiit tanta festinatione, ut quintis castris campos Galatiæ emensus ad Ancyram metatus fuerit. Alis victoriæ decus ut suæ virtuti tribueretur, non expectato Achomate, militem inedia, itineribusque exhaustum arma capere, prælium inire jubet. Perturbatis in prima acie ordinibus prope erat, ut Techelles, tot palmarum Dux, vinceretur. Verum Alis victoriæ cupiditate in omne discrimen præceps, dum ferocientis potius militis, quam moderati Ducis munere fungitur, cæsus est a Persis. Ottomanī velut Ducis spiritu pugnassent, in fugam præcipitati ad internecionem cæduntur. D) His actis Techelles copias suas in Persidem reduxit.

Perturbata Asia Persarum armis, Selymus amplissimas spes concepit, Imperium occupandi. Quapropter nihil cunctandum ratus, Trapezunte cum quinquaginta celocibus per Euxinum mare, ad Socerum suum Tartarorum Regem se Cassam contulit. Collectis tribus millibus armatorum Istri ostia prætervectus ad Istropolim, Tomosque E) copias exponit. Mox in Triballorum agro inter Hæmum F) montem, & Danubium confidens, cum omnia pacata conspiceret, prope Rhodopen militem, spesque suas apertius explicat. Datis inde ad Patrem Adrianopolim literis, questus est, secum durius agi, ac par esset: crebrius se & nunciis, & literis egisse de Imperii salute cum Patre; at Purpuratorum invidia saluberrima consilia fuisse præfocata; imo magnopere se dubitare, num quidpiam eorum Bajazethi relatum. Quapropter majorem in modum se rogare: potestatem sibi faceret, Patrem annis, ægritudineque confectum propius adeundi, & manus paternas osculo stringendi. Facile, quid sub ista humanitatis larva occuleretur, perspexit Bajazethes. Sed & Juvenem aliorum spirituum, & Imperii dignitate inescatum, molliori manu tractandum censuit. Prætores Byzantinum, & Segnanem Purpuratum expedit, monerent etiam, atque etiam Selymum, ne quid temere in Patrem moliatur: satis, superque peccatum, quod jure, legibus Imperii contemptis provincia sua excesserit, militum manu per Euxinum mare, per Thraciam volitet, in bellum ci-
vile

A) Iconium urbs Lycaoniæ. B) Sic Bizarus. At Tubero ait: simulatis inimiciis Corcuthen pugnasse in Lydia, pulsam Phocæam Ægæi maris urbem. Si ita? Techelles e Lycaonia in Phrygiam majorem, tum in Lydiam contendit, e Lydia tandem Bithyniam petiit. C) Annales Turcici. Bizarus ait Caragum fugisse Cuthajam (hodiernis Geographis Cotiaum) eaque expugnata cum uxore captum, paloque infixum. D) Perturbate hanc Persicam tempestatem referunt Annales, & Codex Verantianus. Prælium primum commissum ajunt cum Carago, alterum cum Corcuthæ, tertium cum Ali Vezirio. De Orchane, & Mahomete silent cum Tuberone. E) Istropolis apud Strabonem L. VII. Istri oppidum a Milesiis conditum ad oram Ponti, ubi & Tomi, notum oppidum carmine P. Ovidii. F) Hæmus, sive Æmus mons Thraciam secat. Rhodope ejusdem regionis mons.

vile populum conciat. Sat negotii eff: cum Persa. Videret, ne primus A. C. per duellionis signum efferret. Fratres perinde arma correpturos exemplo 1510. Selymi, & pro Imperio dimicatuos eo pertinacius, quo iustius contra per-duellem arma induuntur. Si tanta in Patrem reverentia fertur, quantam verbis jaçtat, rediret festinanter Trapezuntem, militem non in exitium Patris, & civium circumducat, sed ad limites Imperii tuendos servaret. Flecti videbatur Selymus, ut erat vafro ingenio, nec urgebat ad Bajazethem, ut antea, accessum; pollicitus insuper se in parentis potestate futurum, nec vi, nec fraude acturum. Illud tamen oravit; ne se Trapezuntem velut in exilium releget, atque ingloriam vitam agere cogat. Nullis incursionibus eam provinciam patere, nullum virtuti suæ campum aperiri. Committeret sibi limites Hungariæ vicinos, daturum se operam, ut Christiani intelligant, se Majoribus suis armorum gloria nihil cessurum. Non tenuit iram Bajazethes, propeque erat, ut armatas filii preces vi intentata repelleret. Prætorianorum Præfectus exulceratum animum mitiori consilio temperavit, apertumque discrimen tum majestatis tum Imperii ostendit. Denique eo permovit anxium Imperatorem, ut Selymum præfectura Serviæ insigniret, sedem tamen non Semendriæ, sed Trapezunte figeret. A)

Hoc successu animosior, non Trapezuntem modo non rediit, ve- 1511. rum quo factionem viribus novis corroboraret, provincias inter Danubium, & Hæmum montem usque ad Drinum amnem porrectas, imperatis pecuniis, atque acerbissime exactis, divexavit. Exercitum præterea Imperatorium partim auro, partim promissis sollicitavit, multumque imminuit. Auctis in hunc modum legionibus, non jam suffurari Imperium, quod indecorum existimavit, sed collatis generose signis sive cum Patre, sive cum fratribus, extorquere voluit. Fluctuabat solum animo, Byzantiumne invaderet, opes multarum gentium direpturus? an Adrianopolim, Patrem oppressurus? Bajazethes interim crebrioribus nunciis pulsatus de Selymi factione, ne Constantinopolitanis novarum rerum cupidis, occasionem sui absentia tumultuandi præberet, illuc cum Prætorianis movet; eo etiam consilio, ut si Selymus vim adhiberet, cum Achomate potius fratre de summa Imperii contenderet, quam se in infelicem arenam traheret; in qua seu vinceret, seu vinceretur, utrumque luctuosum foret, quando quidem de civibus triumphare perinde sit, ac vinci.

Exacta Adrianopoli hyeme, principio veris Bajazethes Byzantium 1512. abiit. Selymus congregato quinque & viginti millium exercitu, Patrem lentis itineribus secutus ad oppidum Tzurolloen B) tandem subsistere, & rebus suis consulere cogit. Sed is acutissima podagra oppressus, vix jaçtationem viarum ferre potuit, nedum aciem, si necessum foret, struere. Itaque non de Imperio, sed vitæ incolumitate sollicitus, Sinanem Purpuratum, cujus fidem in rebus arduis perspectam sæpe habuit, cum aliquot turmis equitum elato candido vexillo, Selymum jubet accedere, ac rogare: *equid rei esset, quod Patrem tantis copiis sequeretur? cur Trapezuntem non repeteret?* Vix Sinan in conspectum Selymi venit, continuo omni telorum genere impetitur, & trepide fugatur. Prætoriani, qui Bajazethem stipabant, adeo inique hoc facinus tulere, ut concussis ferociter armis non obscura indicia dederint, quo animo pugnam capeßituri essent. Jussis propius accedere amicis, tenui voce (nam ægritudo, & dolor animi loquendi facultatem fere ademit) ut pone adstantes vix intelligerent, perfidiam filii accusabat, utque se defensum irent, hortabatur. Dein ultimas vires colligens, sagittam leviter impulsam ejaculatus, prælii ineundi signum dedit. Duces & milites explicatis subito signis Tartaros impedimenta diripientes facile disjiciunt. Sed Selymus cum milite suo, Prætorianis acriter obstitit, donec accepto vulnere fugam arriperet. Fertur Bajazethes, cum acies e curru spectaret,

Imp. Ottom. Tom. 1.

L 2

de

A) Annales Turcici, & Tubero L. IV. B) Tzurolloe, aliis Ciurlum, urbs ad Propontidem sita, ut vult Leunc. c. 26. Selybria dissita sex leucis. Tubero asserit, in Selymbrianis campis pugnatum.

A. C. de Selymo in primis ordinibus dimicante, percontatum prope adstantes: 1512. quisnam ille homuncio (erat enim corporis habitu infra dignitatem Ducis) esset, qui prælium cieret, solusque victoriam moraretur? atque ut intellexit Selymum esse, paulisper attonitum hæsisse, dein vultu in risum explicato dixisse: *corporis habitum non respondere fortitudini, animique præstantiæ*. At barbarorum est dotes animi, sive a natura parente ultro concessas, sive multa arte, & labore quæsitas, a corporis habitu metiri.

Profligato, ut diximus, exercitu, ad Pontum Euxinum fugam maturavit Selymus, solutisque navibus cum suis, quos adversa fortuna illuc compulit, in Tauricam Chersonesum A) trajecit. Non tamen spem Imperii posuit, maxime cum allatum esset, Prætorianos ab Achomate, nescio quibus studiis literariis implicito, alienos esse, neque admissuros, ut vivente Patre Imperator renunciaretur. Præterquam enim, quod voluptatibus deditus, annos adolescentiæ alto otio transmiserit, & propterea despiciatui habitus, non leve odium apud militarem ordinem incurrit. Nam fugato Selymo, cum Imperium factionibus scissum potentiori obventurum diceretur, hæreditatem suam non jam jure, sed armis, & vi aperta prosequi statuit. Contracto valido exercitu, per Asiam minorem Scutarim B) pervenit. Janicsari, qui Imperium plerumque plura pollicenti deferunt, per suos Legatos quæsierunt ex Achomate quantum annonæ, ærisque in se spargeret, si prodito Bajazethe Byzantium, & cum Byzantio totum Imperium traderent? superbe reposuit: *meminissent se Principem, non mercatorem esse, nec velle Imperium precario a subditis suis accipere, sibi paterno jure alioquin transcriptum, & vel ab invitis, armis extorquendum*.

Hoc audax responsum a vecordi Principe datum, usque adeo Janicsarorum abalienavit animos, nullo ut deinceps tempore, donis etiam cumulate effusis, potuerint devinciri. Quapropter ne in apertam seditionem erumperent, in provinciam suam jussus redire, ingens odium in Patrem concepit. Mox ira, dedecoreque accensus, quod rebus infectis recedere debuerit, in populationem effusus, minorem Asiam diripit, omnia armorum terrore miscet, non animadvertens, quam lethalem plagam rebus suis imponeret. Ad hæc Patris sui Oratorem de vi ditionibus alieni juris illata quiritantem, contra gentium jura naribus, auribusque mulctatum ludibrio habuit. Quæ res ei exitium, ut dicemus, maturavit. At Selymus fortunæ suæ assiduo intentus, summam a Prætorianis inierat gratiam, dum urbi Byzantinæ annona laboranti e Taurica Chersoneso, Trapezunte naves frumento onustas mitteret, & levi pretio militibus divenderet. Quo facto quid quid nuper in Patrem, Prætorianosque peccatum fuit, id largitionibus peropportune disperitis non modo ex omnium animis erasit, sed novum insuper aditum sibi aperuit, ad sceptrum Imperii obtinendum, docuitque felicius vinci mortalium animos inermi beneficio, quam armato milite. Et jam ipse Bajazethes Achomatis audacia commotus, æquiori animo in Selymum ferebatur, quem Janicsari palam sibi Ducem dari adversus Achomatem flagitarunt. Mox seditione oborta, exuto militari obsequio, duodecim primarios deligunt, c) qui sine ambagibus Bajazethi denuncient: Imperii habenas Selymo committat moderandas: privatus vitam degat, cum per vires ætate, morbis nimium attritas Rempub. administrare non valeat. Pro fene membris, vigore animi capto, ac magna sui parte præsepulto, Principem ætate, viribus florentem substituat. Imperator subita Janicsarorum defectione turbatus, inter spem, & metum fluctuans, quid ageret, quid arriperet, incertus animi non videbat. Mustapha Purpuratus, nisi votis militiæ subscribat, actum esse de Imperio, & vita conclamat: cedendum militum furori, ut rapacissimo torrenti, cui si obicem opponas; sævius furit,

A) Annales Turcici. B) Scutaris, præcis Chrysopolis, at Straboni L. VII. Chalcedon, in altera parte faucium Propontidis contra Byzantium per Megarenses surrexit. C) Annales Turcici, Codex Verantianus.

rit, & stragem edet. Dum secum luctatur Bajazethes, impotenti similis, A. C. modo Imperio semet abdicare, modo dulcedine regnandi abreptus, sententiam mutare est visus.

Interim e consilio seditiosorum, Selymus Byzantium festinatis nunciis evocatur, quem ad Odesum A) urbem, qua Panyfus amnis se in Pontum exonerat, repertum, inter signa militaris lætitiæ deducunt in urbem. His diverso partium studio agitis, Corcuthes spe Imperii allectus, Phocæa Constantinopolim iter accelerat, una solum biremi vectus, quo invidiam Janicsarorum declinaret. Patrem adit, hortatur, provincias sibi cederet, quas olim in puerili ætate militum favore obtinuerat, Bajazethe absente. Sed animadverso non nisi umbram dignitatis Imperatoriæ superesse Patri suo, Prætorianos in suas partes pellicere adlaborat. Ea spe delusus, velut Imperium tot discriminibus obnoxium exosus, Selymi fidem implorat, multaque oratione, & blanditiis agit, liceret sibi in provincia, cui multis jam annis præfuerat, quieto esse, & reliquum vitæ curriculum sine metu conficere. Fide interposita, junctisque dexteris ad pontem B) minorem Propontidis, Selymus omni metu liberum esse jubet. Sed RARO fidum experieris tibi, quem metuisti: semperque inter suspectos, & suspectantes fides labascit. Recepto intra mœnia Selymo, crevere animis seditiosi, Mustapha Purpurato clanculum colludente. Ergo Bajazethes undique proditus, tandem Imperio se abdicat; & quasi non necessitate, sed sponte opulentum patrimonium in filium transferret, thesauros Majorum, ex æquo dividit, & Dymam præmittit, C) ubi curis Imperii solutus, fati sui legem expectaret. Leticæ impositus, inter lachrymas iter capeffit Januse Purpurato comitante, cui plurimum fidei semper habuit. Selymus tamen hujus opera, & Medici, porrecto veneno Patrem interemit; eo audacius, quo minor suspicio tanti flagitii. Itaque ante extinctus est, quam Dymam perveniret. Sed & illi pari fato mori jubebantur, qui infamis parricidii conscii, operam etiam suam commodarunt, ut vel suo infortunio sentirent, A PERFIDO non nisi perfidiæ præmia expectari debere. Medico cervix incisa cum voce Selymi prævia: *Veteri Domino infidum, novo fidum non futurum.* Unus Januses melioribus fatis debuit, quod supplicium patrato immani scelere evaserit; tamen post aliquot annos affectatæ tyrannidis apud Imperatorem delatus, memorabili morte punitus fuit, ut suo loco dicemus.

Porro pecuniam, cæteramque supellẽtilem sâne non modicam, Selymus ceu jure belli captam in militem disperfit. Cadaver Constantinopolim devectum, barbaro ritu Mausolæo, a se in vivis extructo, conditum D) fuit. Præfuit rebus Turcicis duos circiter & triginta annos, ætatemque ad septuagesimum annum perduxit. Valetudine plerumque afflictæ usus, & senilibus annis, pedum doloribus cruciatus, & corpore, & animo languidior, neutiquam par fuit tam vasti Imperii administrationi. Salubrium consiliorum patiens, facile Purpuratorum sententiam amplexus est. Victorias non sua peritia, non ingenio confecit, sed numeroso, exercitatuque milite. Tubero multas in eum laudes liberali animo sparsim congerit, & Principem sua ætate iustissimum, brevi, at illustri elogio, absolvit.

A) Odesus urbs sita ad oram Ponticam. Panyfus intra Messembriam, & Odesum in Euxinum mare præcipitat. Percurre Thraciam antiquam Christophori Weigeli. B) Bini pontes sinum Propontidis domant. Opus Constantini Magni, quemadmodum refert Leuncl. c. 196. C) Tubero L. IX. Dyma Græcis Didymotichos urbs ad fluvium Hebrum, non vero ad Euxinum Pontum, ut putarat Bizarus. Vide Tabellam Weigeli Græciæ septentrion. Hanc urbem terræ motu concussam, veteri decori restituit Bajazethes. D) Annales Turcici, & Libitinarius Index Osmanidarum.

S E L Y M U ' S

IMPER. OTTOM. III.

1512.



Arto per summum scelus Imperio, ingens sollicitudo incessit Selymum, ne infidiis, aut aperto bello suorum fratrum, Principumque Ottomanici sanguinis oppressus, sua excideret felicitate. Noverat enim non sibi uni cupiditatem regnandi inditam: sed & alios, quos vel conditio nascendi, vel nobilior indoles supra vulgus evexit, hoc hamo capi, & mirifice pertrahi. Quapropter ut omni metu solutus, Imperium sibi stabiliret, rivales suæ fortunæ e medio tollendos consilio sanguinario statuit. Corcuthem quidem studiis magis, quam armis addictum, data iterum fide in Lydiam dimisit, attributa præfecturæ insula Lesbo, ut novo beneficio delusum, commodiori & tempore, & loco incautum occuparet, ne crudeli facto Purpuratorum animos a se averteret, segnioresque tyrannidis metu ad bellum redderet, quod in Achomatem fratrem moliebatur. Mustapha Jurisus, vir belli, pacisque artibus clarissimus, tantisper expeditionem, periculi plenam differendam suavit, quoad Præfectorum provinciarum animos sibi devinctos certis indiciis teneret, non vane existimans, facile tot inter reperiri unum aliquem, qui partium studio impulsus ab Achomate staret.

Sed frustra apud Principem insana dominatus prurigine intricatum hæc talia dicebantur. Cum periculo amittendi Imperium, in arma ruere maluit, quam superstitie tali æmulo cum timore rerum potiri. *Celeritate, ajebat, bella confici, nec expectandum bellum, sed potius inferendum. Animos, viresque hostibus crescere, dum vident adversam partem lente in campum prodire. Achomatem solo Patris judicio superbum, nondum clientelis, rebusque bello necessariis validum sine armis opprimi posse. Grandem denique gloriæ suæ labem inuri, si bello præveniretur.* Nec mora: excitis Præfectis cum veterano milite, in Bithyniam a) trajicit, ac ponte imposito Sangario b) amni, Paphlagoniam emensus, Ancyram c) Galatiæ urbem petit, indeque motis castris cum ingenti exercitu ad Amisum d) mænia consedit, pacatamque regionem Amasiam, cui imperitabat vivente Bajazethe Achomates, in fidem suscepit. Tanto armorum apparatu perterritus Achomates, non audebat patentem in campum prodire, atque de summa Imperii decertare; satius existimans si vires, quas modicas tum temporis censebat, montium jugis defenderet, nullaque pugnandi facta copia, fratrem prælii avidum cunctando frangeret. Quod si vero montes invaderet Selymus, in spem venit, posse transeuntem per angusta loca, & cum nemorum, viarumque difficultatibus luctantem clade aliqua affici. In his rebus spem omnem, ac victoriam collocavit. Neque Selymus in apertum discrimen exercitum conjicere voluit, uberrimo hac expeditione relato fructu, quod Achomatem provincia sua depulsum in angustos admodum limites retruferit. Quapropter maturo jam autumno in Bithyniam rediit, præsidio relicto ad Amasiæ fines tutandos. Prusæ e) ubi hyemem transegit, insigne crudelitatis spectaculum edidit. Mustapha gente Macedo cum expedito equite ad intercipientes filios Achomatis, Muratem, & Aladinem missus fuerat in Amasiam ante, quam Imperator Byzantio cum robore legionum Bithyniam peteret, sed Mustapha erga juvenes pietate motus per celeres nuncios monuit, rebus salutique suæ ut fuga consulerent. Uterque manus sanguinarias evasit, non

item

a) Annales Turcici ajunt Selymum in Natoliam duxisse, quæ hodie quatuor præfecturis definitur: nempe Natolia, Caramania, Amasia, Aladulia. b) Sangarius, aliis Sangaris, Bithyniam intersecat. c) Ancyra hodiernis Geographis Angori, & Angiro. d) Amisus nobilis urbs Ponti Galatici. e) Prusa urbs Asiae capta a Turcis 1327. Regia Ottomanorum fuit. Vide pag. 1.

item Mustupha, quem recens suspicio proditi consilii, A) & nupera in Baja-A. G. zethem perfidia (hujus quippe clandestinis collusionibus Selymus Imperium 1512. occuparat) Deo vindice ad supplicium raptavit. Hac cæde quodammodo inescatus Selymus, in domesticos, & sanguine junctos ferro grassabatur, utque omnem crudelitatis notam a se amoliretur, cum literis, tum voce testatus est, se non tam sui causa, quam Imperii tranquillitate, ac civium salute adductum ad tam sæva imperia exequenda.

Erant in aula, comitatuque Imperatoris, fratrum jam fato functorum quinque B) filii, omnes fide, incorruptaque pietate in Selymum clari, opibus, vastisque in Asia regionibus florentes. Hos signo dato apprehendi, atque jugulari jussit, & magnifico funeris apparatu honestatos, Ottomanorum monumento Prusæ inferri. Eodem turbine involutus fuit filius Cichanis, quem Tubero Bajazethis liberorum natum maximum fuisse in suis scriptis edidit. Hunc cum carnifex, Selymi jussu adiret, manusque loro, quo obniti non posset, vincire vellet, averfatus ignobilem mortem, stricto acinace carnificem repulit; non sine acerbitate, Selymi impietatem accusans, quod Bajazethem senio, ac morbis confectum virulento potu sustulerit, Principes Imperatoriæ domus fæde jugulaverit, seque etiam nullius criminis convictum (nisi id crimini detur, quod Imperii hæres jure suo cesserit) ad necem deposcat. Reluctari tantisper licuit, non tamen supremam moriendi necessitatem effugere. Nam Centurio cum armato manipulo munus carnificis occupans, magnanimum Juvenem, strenue repugnantem multis vulneribus trucidavit, ipso Imperatore heroicis Adolescentis spiritus probante, qui militari potius manu, quam carnificis perire maluerit.

Tot funera eodem fere tempore edita ingenti mærore civium animos confuderunt, & ipse Selymus, quo crudelia facta pietatis larva tegetet, atque in cæteros majori fiducia in posterum ferrum stringeret, doloris signa edidit vestem lugubrem indutus: palam dicere auditus: *se fratrum filios non privatis inimiciis, aut cupiditati regnandi, verum Reipublicæ commodo immolasse: constare alioquin Imperio Turcico, quantum turbarum excitarint annis præterlapsis e Domo Imperatoria oriundi Principes, qui nisi mature, & nondum adultis factionibus perimantur, spem supremæ dignitatis nunquam abjiciunt, & arridente paululum feliciori fortuna, per excidia urbium, civiumque neces in solum eluctari conantur; sibi fixum, deliberatumque esse, non ante illaturum exteris bellum, quam stirpis Imperatoriæ surculos radicitus evulsos viderit. Quot Principes Imperatorii sanguinis viverent, totidem bellorum fomenta in sinu Reipub. ali, se hætenus semper expertum fuisse. Nemo unus erat e Purpuratis, qui auderet suapte natura ferocem, ac cognati sanguinis sitientissimum, a tam fœdis consiliis avocare. Itaque Corcuthem sui securum, & nihil hostile metuentem ob juris jurandi sanctitatem, quo se Byzantii obstrinxerat Selymus, insidiis interceptum pari furore funeribus addit. Adornatis mendaciis, fictisque calumniis primum innocentis famam traducit, mox criminis læsæ majestatis reum, quo omni invidia semet eximeret, apud delectos Judices capitis arcessit. Telam accusationis orditur; ad Corcuthem animi explorandi causa se dedisse literas nomine prætorianorum, quibus Imperatoris crudelitas acerbè exagitabatur: omnium jam invidia ardere, quod nobilissimos Principes, nullius culpæ conscios immani barbarie e vita proturbarit. Domestico sanguine exhausto timere Purpuratos, ne in civium capita ferrum vertat. Nunc bellum gerere adversus Achomatem, quo Ottomanorum vires maximopere atteruntur. Quanto satius ageret, si positis fraternis odiis, in Christianos hæc copias duceret, malisque eriperet Rempublicam. Ismaelem Persiæ Regem justo exercitu succinctum, Achomatis partes suscepturum, neminem jam ambigere. Possè imminentes clades ab Imperio Turciæ avertere, si Corcuthes placido, ac miti*

A) Tubero L. IX. longe aliam causam cæsi Mustaphæ adfert, nempe quod veneno tentavit sufferre Selymum opera Tonforis. B) Ita Leuncl. c. 202. & Genealogia Osmanidarum, ubi nomina recensentur. Tubero senq; fuisse perhibet.

A. C. miti vi ingenio imperitaret. Isthoc Purpuratos in votis habere, Janicsa-
1513. rosque palam in circulis flagitare. Uteretur nunc fortuna sua Corcuthes,
Byzantinum thronum, procul agente Selymo, sine strepitu armorum, sine
cæde popularium occuparet; plenis agminibus secuturos prætorianos novi
Principis auspicia, modo occasionem e manibus elabi minime patiat. Pro-
fert præterea alteras literas quasi a Corcuthe sparsas, quibus ambitiosa im-
peritandi cupiditas haud levibus indiciis prodebatur A)

Causæ arbitri, etsi scirent omnia ex composito agi, nihilque horum,
quæ a Selymo, vasserrimi ingenii Principe, adferebantur, speciem veri ha-
bere, sive metu impulsæ, sive auro corrupti, velut immanis sceleris convi-
ctum, neci addicunt. Continuo Bostangi B) Bassæ (Gener hic fuit Selymi,
& a perfidia in Bajazethem multum acceptus) negotium datur, navibus
Ægæum mare infideat, triremes e litore Lydiæ solventes omni adhibita in-
dustria occupet, Corcuthem Ottomanicæ quietis perturbatorem quoquo
modo in potestatem redigat: ipse cum parte exercitus in Lydiam profectus
ad Tmolum c) castra defigit. Tanta molimina rerum, Corcuthi amorem
studiorum exemerunt, quæ ad insaniam usque, missis aliis negotiis, deperi-
bat; cumque rebus suis diffideret, neque in armis voluptatem, minus vi-
ctoriam speraret, sparsa in servos, cæteramque familiam ingenti vi pecuniæ,
tribus tantum comitibus stipatus, quo securius latitaret, præcipiti fuga in
Cariæ montes se abdit. Hic squallore, inopia rerum vexatus, in gravem
incidit morbum, ægerque in ignobili oppido intra spem, & metum tanti-
sper delituit. Sed cum sagacitatem tot hominum in sui perniciem excuban-
tium eludere posse desperaret, ad Rhodios meditabatur. Colono, apud
quem versabatur, sonipedem, quo uti consueverat, tradit, ut Halicarnas-
sum abiret, triremem mercede conducturus, qua in insulam Rhodum trajice-
ret. Vix iter ingressus, a militibus vias omnes obsidentibus capitur, mox-
que tormentorum metu expugnatus, hospitem prodit. Corcuthes visa mi-
litari manu non expectandum ratus, deserto vili tugurio, in editiores mon-
tes se proripit, atque in specum tenebris obsitum se condit. Instant prædæ
vestigii milites, omniaque sigillatim quam diligentissime excutunt. Deni-
que virgulta ori speluncæ admota Principem prodiderunt. Deductus in vi-
cum, unde fugerat, ad Imperatorem codicillos dedit, quibus id unum ro-
gaverat, ut Bibliothecam, quam ingenti numero librorum adauxerat, Sa-
cerdotibus in Asia degentibus cederet, familiamque suam incolumem abire
fineret. Dicitur Selymus uberes fuisse lachrymas perlectis literis, ac in
mandatis dedisse suis ut quantum fieri posset, absque ullo doloris sensu,
suavi morte, captum interficerent. Itaque convivio instructo, somno, vi-
noque gravem obruunt, faucibusque elisis mentis impotem conficiunt. D)

Supererat Achomates, ad quem opprimendum omnes Imperii, &
ingenii vires collegit; utque incautum e montium jugis in campum proli-
ceret confictas Præfectorum literas E) ejusdem argumenti mittit. *Selynum
arripuisse quidem Imperium per summam iniquitatem: sed adesse jam ultri-
cem Dei manum, qua præceps e supremo fastigio ruat. Flagitia tyranni
toti Imperio invisi, notiora esse, ac ut referri mereantur, vel possint.
Omnia humana, divinaque jura atrocibus, sacrilegisque factis temerasse.
Belluarum naturam videri indutum Selynum, quæ viso sanguine magis fero-
ciunt. Imperatoriam Domum cædibus funestasse. Superesse unum Achoma-
tem tot funeribus jam editis. In hunc omnium oculos, omnium animos de-
fixos, qui sævissimæ tyrannidi modum imponat. Bajazethem etiamnum in
civium animis vivere: nondum interiisse summi Imperatoris egregias dotes,
quas*

A) Tubero laudatus Lib. IX. Alii non meminere literarum. Hannivaldus e sententia Judicium &
Corcuthem, & reliquos e domo Bajazethis prognatos, neci datos scribit. B) Ita vocitatur
Horrorum Præfectus. C) Mons Lydiæ auro dives, de quo Strabo L. XIII. E Tmolus, in-
quit, Pætolus defluit, qui antiquitus ramenta auri deferebat copiose: unde Cresi, & ejus Ma-
jorum nomen celebre habuisse tradunt. Nunc defecerunt ramenta D) Tubero l. c. hæc omnia.
Annales Turcarum in paucis discrepant. E) Annales quinquaginta, vel sexaginta missas in-
munt.

quas in Achomatem transfusas mira voluptate cives, militesque intuentur. A. C. Prodiret modo e latebris suis, non defuturos, qui signa sequentur. Ad Pru- 1513. sæ mania pauculos cum Selymo fide, areque vacuos excubare. Hos, si terrorem admoverit, levi impendio, quo vellet in suas partes traducturum. Fidem habuit tot eodem tempore scriptis ad se literis, quantumvis copiarum Duces monerent, ut ne se, neve exercitum perditum iret; e Selymi officina ejusmodi commentum prodiisse sibi videri: nec posse tanto silentio rem agi, ut ne suspicio quidem in omnes partes pervigilem Imperatorem afflet. ARCANA apud paucos tuto quiescere, apud plures plerumque prodire. Verum Achomates, si non cauta, certe forti manu jacturus belli aleam, excitis a Rege Persarum subsidiis, Prusam A) versus exercitum movet. Selymus spe pugnae lætus, Turcarum, Tartarorumque manu armatus, instructa acie occurrit. Id, ubi videt Mussias, Achomati perquam familiaris, omniumque consiliorum particeps, cum tribus aliis spectatae fortitudinis viris, desertis ordinibus ad Selymum deficit. Tam aperto transfugio perturbatus Achomates, ratus, ut erat, se proditum, ac in insidias præcipitatum, adeo animo concidit, ut nec aciem struere, nec signum certaminis, metu, pudoreque consilium vincente, edere posset. Cum interim Selymi exercitus plenis ordinibus, Ducis torpore confusos incurfat, primoque impetu sternit. Pauci locum, quem pugnaturi ceperant, retinere, fortiterque cecidere. In fugam acti circiter quinque millia occubuerunt. Achomates rei bellicæ parum peritus, paululum restitit; tandem & ipse permutato vestium cultu, fugam laxatis habenis capeffivit. Interceptus, ac retractus a Cialapia Ducagino hostilis turmae Præfecto, in castra, unde a fratre conspici posset, cum frustra alloquium illius expeteret, nervo e militari arcu arrepto, in conspectu militum jugulatur decimo octavo Cal. Majas. Meliori fortuna usus uterque filius, Aladines, & Amurathes, quorum alter fuga elapsus, Ægypti, Syriæque Soltanum petiit; at in itinere febribus correptus finem vitæ, & calamitatum fecit: alter Ismaelem Persarum Regem adiit, qui filia in matrimonium data res prolapsas erigere omnibus nervis adlaboravit cum Ægypti Soltano, ut nunc aggredimur narrare.

E medio sublatis fratribus, ac propinquis, Constantinopolim rever- 1514. sus filium Solymanum, fatale Hungariæ nomen, Amasiæ præfectura insignit octo & decem annos natum. Ita quippe apud Turcos consuetudine receptum, ut is Amasiæ præfectura fungatur, qui Patri in imperio successurus est. Curam deinde non modicam impendit rei navali, quam ducentis bellicis, centum onerariis auxit, extructo tantis apparatibus armamentario in patenti loco Byzantium inter, & Peram jacente. His expeditis, Rhodumne, an Hungariam bello domestico involutam, aut Italiam discordiis intestinis, bellicorumque incommodis laborantem, terra, marique invaderet? deliberavit. Jam exercitus sub signa confluxerat, quantus a primis initiis Imperii Ottomanici nunquam visus, quadringenta peditum, equitumque millia fuisse dicuntur: veterani plerique, & bello Peloponnesiaco vincere insueti. Par tantis copiis castrensis supellex, tormentorum, curruum, ac pecuniæ inprimis vis immensa. Nutantem, quem in hostem has formidabiles vires verteret, Ismael Sophus, Persarum Rex, Ottomanicæ fortunæ perpetuus æmulus in se concitavit.

Amurathes infelicitis Achomatis filius, manes paternos vindicaturus, bellum in Selymum agitavit, auxiliis Persicis supra fortunam ferox. Et jam valido exercitu collecto in provincias Turcarum irrupit, Cappadociam ferro, & flamma evastans. Selymus, ut alieno in agro bellum gereret, maxima celeritate ad Euphratem iter suscipit, & sexagesimis castris prope Mochicos B) montes metatur. Nullo reperto hoste, ita proximus Euphrati incessit, ut dextero latere agminis, ripam teneret, donec ad Paryadros

Imp. Ottom. Tom. I.

M

A) mon-

A) An in Bithynia, an in Caramania signa collata? multis disputat Leunclavius. Tuberonem secutus sum. B) Hi montes ante Armeniam majorem.

A. C. a) montes ingentium fluminum Euphratis, & Araxis fontibus inclytos per-
1514. venit. Cum omnia pacata conspicit; nec per exploratores extundere posset,
ubi locorum Ismael tenderet? aut vim vi repulsurus? ne viarum errore in
insidias præcipitaret, militem castris continuit. Et jam summa rerum ino-
pia laborante exercitu, ad famem deventum erat; nam Persæ omnia igni-
bus corruperant, ne hosti cederent; neque commeatus a Rege Armeniæ
submissus tantis copiis suffecit, propeque seditionem reserat; cum nunciatum
est, Ismaelem haud procul abesse. Potuisset Ismael sine suorum strage no-
bilem victoriam referre, si copiam pugnandi negasset; verum ferocia mili-
tum certamen poscentium, & ne fame potius, atque armis vicisse diceretur,
insita superbia stimulatus, castris motis prope Ottomanos substitit in cam-
pis Calderanis b) ad urbem Choum. Selymus hostium conspectu lætus,
militem arma capere jubet sexto, & vicesimo Augusti. In dextro cornu,
ubi Asiatici constiterant, Sinanem Bassam præfecit: in sinistro cum Euro-
pæis Cassanem Bassam collocavit; mediam aciem ipse tutandam suscepit, ut
magis in subsidiis, quam in prælio versaretur. Præter sena millia prætoria-
norum, qui nusquam a latere Regis prælio ingruente abscedunt, decem
equitum millia custodiæ causa sibi attribuit, æreis machinis longo ordine
dispositis.

Ismael perpetuis victoriis elatus, Ottomanos numero, & armorum
apparatu longe superiores, acie aggredi non dubitavit, factoque prælii initio
tanto ardore in sinistrum Turcarum cornu invehitur, ut non mediocri
strage edita, perturbatis ordinibus terga vertere coegerit, cælo Cassane cum
aliquot turmarum Præfectis. Alterum cornu Ustageluoglis supremus co-
piarum Dux non minore fervore aggressus, minus prospere pugnavit. Quip-
pe Sinan tormentis, quibus Persæ destituti erant, hostes arcebat, quo minus
ad manus deveniretur, crebriusque displosis plurimos confecit, ipseque Dux
majori pila ictus occubuit. Ismael suo successu utendum ratus, disiectis,
qui obstiterant, ad mediam aciem penetrat. Sed æreis machinis undique
solutis, Persæ sternuntur cum Ottomanis, quos fervor pugna miscuerat, nec
poterant submoveri hostes sine certa strage Turcarum. Quod si peditum
robur habuisset Ismael, facilem ad plenam victoriam sibi aditum aperuisset,
ipsumque Imperatorem consilii inopem, cum castris cepisset. Sed apud Per-
sas pedibus stipendia facere pene inusitatum. Hunc in modum cum ancipiti
Marte prælium ferberet, Malcozides, & Mahometes fratres, expertæ virtu-
tis militum Præfecti, victoriam confecturi, perruptis ordinibus hostium, ad
Ismaelem penetrant, vulnereque in sinistra manu minori fistula inflicto,
pugna excedere cogunt occidente jam sole. Recedentibus Persis ingens stra-
ges apparuit. Ferunt hoc prælio quadraginta Turcarum millia cum decem,
& septem Præfectis cecidisse; Persarum non multo pauciores. c)

Insperatam victoriam ut fructuosiore redderet Selymus, castris
hostium sat opulentis direptis, cæsorumque suorum cadaveribus præter mo-
rem crematis, ne magnitudo cladis victoriæ quidpiam decerperet, quæ to-
tam Armeniam pervaserat, ad Tervam d) urbem cum opibus, tum inco-
lis florentem, agmen promovet, eamque, civibus repugnare non ausis,
victor ingreditur. Ne urbs a milite diriperetur, e) disciplina militaris co-
hibuit: tum quod ultro se dedidissent; tum quod Selymus clementiæ famam
apud illius regionis incolas quæsierit, quam eatenus domestici desiderarunt,
nunc eam experti, quando minime voluerunt. Inter hæc nunciis trepidis
perferebatur, Ismaelem recentibus subsidiis instructum, rectis itineribus
Tervam

a) Bini fluvii Euphrates, & Araxes multis nominibus celebres, his montibus suum ortum debent.
Strabo Taurum montem Paryadris supponit. b) Calderani campi, Turcis Zalderani prope
Choum, veteribus Artaxatam appellatam, quam Araxes secat. Ita Tabella utriusque Arme-
niæ Weigeli in descriptione Orbis antiqui. c) Et Tubero, & Bizarus ex literis Henrici Pe-
nia. ad Cardinalem Saulium Constantinopoli datis anno 1514. isthoc prælium Turcis cruentum
fuisse scribunt. De Persis mire variant. Tubero mille quingentos cum Duce Ajace Devio
(Annalibus Ustageluoglis, Bizaro Ustago) Bizarus vero viginti millia interfuisse ajunt. Nec
Ismaelem pugna interfuisse vult Bizarus L. X. d) Terva urbs Armeniæ, hodie Tauris. Tauri-
simum, Tebrissimum. Inspice Tabellam laudatam. e) Bizarus ait etiam urbem direptam.

Tervam maturare, bellum redintegraturum. Facile id sibi persuasit Sely-A. C. mus, neque in animum induxit in agro hostili hyemem transigendi. Qua-1514 propter acceptis secum non paucis fabrilium operum magistris, quorum opera præcipue ad cudenda varii generis arma uteretur Byzantii, iter relegit in Cappadociam nulla civibus, quod mirum, illata injuria. Aladeules, cujus filius generosa morte functus in prælio, ad montes Cappadociæ non magnæ provinciæ Regulus jam a latere, jam a tergo agmen infestus carpebat, viarumque difficultate, maxime in amnium trajectu, impeditos, ac ab agmine divulsos frequentes opprimebat. Has injurias ut primo vere vindicare posset Imperator, in vicinæ Cappadociæ oppidis hiberna deligere statuit; at Janicsari regionem in solitudinem a Persis redactam detestati, negarunt ferociter, ea stativa se accepturos, quæ præter famem, & communes incolarum calamitates, militi tot itineribus fracto tribuerent nihil: superesse bello intactas provincias; concederet tantillum quietis, & solatii, quo vires instaurent: promptiores in arma ruituros, si cum summa rerum inopia conflictandum non fuerit. Ne in apertam seditionem prorumperent, conclamatis vasis Amasiam, Trapezuntemque exercitum reduxit. A)

Interea Selymus variis cogitationibus fatigaverat mentem, quam 1515. potissimum ratione, Amurathem Achomatis filium, ab Ismaele suas in partes alliceret, atque incautum morte mulctaret, ut cæteros. Videbat enim hunc solum Ottomanæ familiæ surculum superstitem, quem Janicsari, gens mobili ingenio, & ad seditionem prompta, sibi in Imperatorem deligere possent. Ismaelis studium adversus Amurathem, satis, superque patuit anno proxime superiore, quando gravissimi belli incommodis vexari maluit, quam eundem violato hospitii jure, proditum sibi tradere; neque in futurum traditum iri sine armis, spes affulsit. Idcirco bello cogendum ratus, ut primum per anni tempestatem licuit, copiis per Cappadociam, minoremque Armeniam raptis ad Euphratem contendit, qua is Melanta fluvium ex Argæo Cappadociæ monte accipit, Ciamachumque oppidum, in majori Armenia edito loco positum, præterfluit. Transmisso Euphrate, primam curam eo vertit, ut oppido potiretur, ne Ismael minoris Armeniæ Regulis suppetias venire posset. Statuerat enim istos subjugare, antequam in Ismaelem moveret. Admotis machinis, cum milite præliario vacuum foret, oppidum subactum est primo fere impetu Turcarum, cæsis ad internecionem pueribus. Præsidio loco imposito, castra communiit Selymus, Principesque ejus regionis ad se accersivit. Quorum alii Selymi triste, crudumque ingenium veriti ad Ismaelem, commune id temporis miserorum perfugium, se contulere: alii cum fortunis, & vita semet in fidem permisere. Solus Aladeules nullo sive timoris, sive obsequii edito indicio, sua in regione perstitit, asperitateque locorum, ac fere justo exercitu subnixus, in certam spem exarsit, opes, dignitatem, vitam retinendi. Ad hujus pervicaciam edomandam cum parte exercitus immissus Sinan militiæ Præfectus, per angustos anfractus in regionem penetravit, ipso Imperatore, cum reliquo agmine haud procul subsistente. Aladeules temere in certamen progressus, vix conferto prælio a suis desertus, sive mala fide, sive metu ad fugam impellente, ægre admodum inter tumultum, cum paucis amicorum se proripuit, atque in montes Ciliciæ, vix pediti pervios profugit. Quo arma penetrare non poterant, perfidia civium penetravit. Etenim nobiles, qui in ditione Aladeulis degebant, ubi animadvertunt, belli tempestatem in suos agros effusum iri, nec mitigandum Selymum superstite Regulo, consilio inter se inito Aladeulem adeunt, orant, obtestanturque, ut sibi, liberis, provinciæ consulat, posita fastu clementiam potius Victoris, quam vim experiatur. At ille veniam desperans negavit se adversus dignitatem suam quidquam facturum, mortem potius oppetere velle, quam supplicem crudelissimo hosti accidere. Itaque gratiam inituri ab Imperatore, nimia securitate

A. C. in angustis illis montium faucibus exultantem circumfistunt; adjuvantibus, 1515. quos in sceleris ministerium delegerant, vinciunt, vivumque Ottomanis tradunt: quem Selymus sine mora capite truncavit, illudque per Asiæ oras ad ostentationem victoriæ obtentæ circumgestatum, Venetæ Reipub. trans-misit. Accepta in fidem regione Aladeulis, ac tradita Alibego Suaren-sis Scachi filio, Constantinopolim discessit, ubi ferali supplicio viros opibus, laudeque bellica illustres non sine horrore bonorum omnium affecit. Ach-metes Bassa, Ducagini filius primus damnatorum agmen duxit Amasiæ in-teremptus; mox Byzantii theatrum sanguinarium aperuit, & primi nomi-nis Præfectos Ischenderem Generum suum, & Seguanem capitis pœna mul-ctat, quos barbarum a Janicaris. A) Amasiæ, aliisque in locis excitarum fautores arguebat: quanquam & aliæ suberant causæ supplicii; quod nem-pe procul agente Selymo, provincias per summam avaritiam exhausserint, plebemque exactione pecuniarum crudeliter vexarint. B)

1516. Extincto militari tumultu Ducum sanguine, novam expeditionem in Syriæ, Ægyptique Soltanum, sive Regem Canfavum c) Gaurium susce-pit, qui cum Ismaele fœdere icto, junctis viribus in Turcos agere decrevit; sed Ismael domesticis turbis implicatus, pactis conventis stare non potuit, quod Canfavum in extremum exitium conjecit. Ut utrumque Selymus de-luderet, ingentes belli apparatus in vicinis Persiæ provinciis adornavit, qua-si bello Ismaelem petiturus: Legatos vero Canfavi diuturna expectatione sus-pensos in aula, postremo spe pacis irretitos domum remisit. Advenerant ii cum postulatis: ut minori Armenia, præsidio deducto, decederet, Ala-deulis filium paterno regno inique depulsum, in integrum restitueret: hæc ni faxit Imperator, minime admissurum Canfavum, ut regni hæres, in flore ætatis, exilio multatus calamitosam senectutem expectet.

Selymo etiam impudens Legatorum petitio vehementem iram, cujus alioquin vix potens erat, concitaret, tamen certus jam belli inferendi, si-mulato animo insigne amicitiae studium præfert: sermonem, vultumque ita effingit, ut facile ejus rei certos faceret Oratores: addidit denique se o-mnes partes boni vicini impleturum, daturumque operam, ut non magno-pere Aladeulem provinciis, quibus jure belli exciderat, restitui desideret. Ludovicus Tubero Dalmata, aliorum opinionem hoc loco adfert, scribitque a Selymo Oratores acerbè perstrictos: minis additis, non permissurum se, mancipia ære empta, in Mahometanos, gentem liberam, nullique obno-xiam, tam impotenter dominari. Canfavi, sive suspitione belli Ottoma-nici motus, quod præ foribus adesse frequentibus nunciis accepit, sive ex fœderum lege, quibus se illigaverat nuper, copias suas maxima celeritate in Syriam promovit. Triginta d) prope millia armatorum sub signis habuisse fertur, quos vulgo Circassos, aut Mamaluchos e) appellare consueverant. Erat hoc hominum genus e vilissimo servorum grege collectum, & prope tercentum annorum spatio in Ægypto, Syriæque dominabatur. Plurimi e Circassis (gens isthæc Mœotidem inter & Phasim sedes habuit) huic militiæ nomina dedere, omnes vero Christianis parentibus orti, atque iisdem sacris imbuti esse debebant. Hos partim ipsi parentes (ut nuper dicere institui) præsentī ære Ægyptiis vendidere, nihil sceleris inesse arbitrati, quod non servituti, sed libertati potius addicerentur: quippe ex eorundem ordine mi-litari, Reges legebantur liberis Mamaluchorum suffragiis, & plerumque is summam rerum obtinuit, qui scientia militari insignis, proximus dignitate Soltano fuit. Partim Tartari Ponticas regiones populando, captos tene-rioris ætatis puerulos Syris mercatoribus venales exposuerunt, brevique tem-pore adeo numero, & viribus crevere, ut vicinas regiones armorum studio perpetuo territarint. Nam ubi ex ephæbis excessere, ejuratis Christiano-rum

4) Amasia urbs provinciæ Amasiæ. 5) Leuncl. Pand. c. 206. c) Scriptoribus alijs Campson. Tu-beroni, & Annalibus Canfavi. d) Tubero octo duntaxat millia contra Bizarum affirmat fuisse. e) Hos diversis nominibus insignitos reperias apud Historiographos. Nunc Mameluchos nunc Zindos, Turcomanos, Zercassos &c. appellant. Imperium hujus gentis fundatum in Ægypto ad annum MCXCV. Consule Forbesium L. IV. cap. XV. & Leuncl.

rum sacris, Mahometanam legem sunt amplexi. Traditi deinde militiæ Præ. A. G. fectis, omni arte armorum tractandorum erudiebantur. Horum incredi- 1516. bili virtute ingentes de hostibus relatæ victoriæ. Sed extincto Caithbejo, A) cujus meminimus, gravissimis turbis exagitatum regnum fere interiit, certe luculento vulnere prostratum, multum virium amisit, disceptantibus inter se armis pro Imperio, Achbardino, & Campsone. Mamaluchi ubi vident quotidianis præliis Imperium ad incitas redigi, cædium pertæsi Campsoni, seu (ut placet aliis) Canfavo, sago, togaque clarissimo inter suos summam Imperii deferunt, cujus autoritate regnum e fluctibus domesticis evolutum pristinam tranquillitatem accepit.

Ottomanus, ut diximus, decreto jam bello in Ægyptios per Capadociam Cæsaream B) petiit, Ciliciæ campestris urbem, unde facilem viam superato Euphrate in Persiam, vel Amano c) monte, in Syriam habebat. Ad fallendum tamen Canfavum de industria rumor diditur, Selymum Persiam invasurum. Inter hæc Aleppi, totiusque Hierapolitanæ regionis Præfectus ad Ottomanos defectionem molitus, frequentibus literis Imperatorem pulsavit, ne sine operæ pretio in castris tempus tereret, admooveret exercitum Hierapoli, D) se urbem cum præsidio dediturum. Isthæc proditio clam agitata, nescio qua rima, ad Canfavum emanavit, effecitque, ut iter maturaret Hierapolim versus. Selymus spe obtinendæ urbis æstuaus posita larva, incredibili celeritate Amani juga superat, machinis muralibus, magnitudinis non vulgaris, peditum labore subvectis, atque haud procul ab Ægyptiis, munitis castris, confedit. In mutuo conspectu uterque exercitus dies aliquot exegit, neutro auso vires universæ dimicationi committere. Metuebat Canfavius hostium multitudinem, vim ingentem tormentorum, genus armorum non minus hominibus perniciosum, quam equis formidolosum, qui ad primos fragores consternari soliti, ordines perturbare consueverant. Selymus præterea, qui victus bello Persico fructus victoriæ legere novit, omnium animos exterruit. Sed nec Turcis plena spes victoriæ erat. Circassos bello exercitados, tot victoriis inclytos verebantur; quive sub Bajazethe stipendia fecerant, memores cladis acceptæ, vix aspectum eorum ferebant. Itaque levioribus præliis mutuas vires periclitabantur, & uterque Dux parvæ rei discrimine, summæ operiebatur eventum. Circassi plerumque victores in castra redierant, idque multum fiduciam erexit Canfavi cuncta cernentis e vallis castrorum.

Quo animadverso, ne suorum animi ejusmodi sinistris procurfionibus penitus infringerentur, statuit Selymus universas copias in aciem educere, atque uno prælio hostem levibus victoriis exultantem profligare. Accitis Præfectis militum, pugnam edicit, seduloque hortatur suos, ut quisque moneat, ne ante in hostem procurrant, quam classicum caneret: suis in ordinibus quieti consistent, Circassos ad teli jactum accedere patiantur: tum diducta media acie, ad latera semet recipiant, ut in subeuntes tormentorum pilæ sine noxa suorum commode ingeri queant. Ubi viderint hostem fugæ accinctum, subditis calcaribus equis strenue invehantur. Hæc tanta fiducia, ac vultus constantia dixerat, ut non tam ad dimicationem, quam certam victoriam iturus videretur. Arma subinde capere milites, & ire in ordines jussit. Et jam Circassorum aciem ad equestre certamen instructam admooverat Canfavius, Turcis, ut jussum erat, quiescentibus; cum intra teli jactum consisterent, tum repente ingens pilarum tempestas in eos effunditur: equi fragore nimio contreriti, in fugam non sine fessorum strage ver-

M 3

tuntur:

A) Hic Caithbejus aliis Caith Begus Bajazethem ad Tarsum repetita clade fregit ad annum 1487. &c. B) Pleres hujus nominis sunt urbes. Hæc ad amnem Pyramum, qui se in mare Syrium exonerat, sita est in Cilicia campestri. Inde via tum in Persiam, tum Syriam. Ad Geograph. Tabellam Weigelii sextam, & vicesimam Asiæ Peninsulæ, Asiæ intra montem Taurum. C) Amanus Mons jungitur Tauro, aut potius, ut ait Strabo, frustum Tauri est. D) Hierapolis, nonnullis Larissa, nunc Aleppo ad fluvium Ptolomæo Singam, Plinio Marfyam, omni genere mercium floret, & fere umbram facit Cairo, sive Memphi, Byzantioque, divitiis suis. Tubero ait Selymum ad Heliopolim prælium commississe, quæ civitas longo terrarum intervallo Hierapoli distat.

A. C. tuntur: instant ferociter Ottomanis perculsis, & cladem undique inferunt: 1516. duo millia eo prælio cæsa feruntur. Soltanus Canſavus, vir exactæ ætatis, quippe septuaginta sex annos numerabat, in fuga ex equo præceps datus interiit, nullo quidem ab Ottomanis accepto vulnere, sed ungulis equorum oppressus. Circassi extra ictus tormentorum positi, resumpto spiritu rursus in pugnam ruunt: ubi vero Canſavum cecidisse intelligunt, laxatis habenis Gazam, A) mox Memphim B) petunt rebus afflictis medelam quæsituri.

Selymus lectis insignibus spoliis Hierapolim, Damascus, Tripolim, Berytum, Sydonem, Tyrum, Ptolomaidem C) in fidem accipit, lætissimis incolis, quod ab ignobili Mamaluchorum servitute, pristinae quodammodo libertati redderentur. Tam prospero rerum successu non Syriam modo, Phœniciam, & Judæam suo Imperio adjecit, verum & Ægyptum, ubertate agrorum nulli provinciæ secundam, sibi aperuit, & si vel arma ostentaret, facile in potestatem venturam. Ne quid igitur hostilitatis post tergum relinqueret, Gazam, quo se fugitivorum globus receperat, Sinanem Bassam cum delecta militum manu præmittit, ut urbem illam Ægyptiæ expeditioni perquam utilem vi, aut deditione civium caperet. Eam regionem infedit Zambardis Gasalis, D) vir impiger, ac strenuus cum equitatu Circassorum, viamque in Ægyptum Ottomanis interciperere voluit. Ubi Sinanem ad Gazam castra locasse intelligit, occasione utendum ratus, in hostem maximo impetu fertur, tantumque terroris ea invasione intulit, ut si Turcis parem numerum armatorum in pugnam egisset, nobilem haud dubie victoriam reportasset. Verum Janicsarorum phalanx in certamen coorta, edita non contemnenda strage, Gasalem in solitudinem Idumæam inter & Ægyptum interjacentem retrusit, relicta in hostium manu civitate Gaza, totius Ægypti janua.

Interea Circassi, qui bello supererant, magno numero Memphim convenere novum Regem lecturi. Omnium suffragia tulit Tommanbajus, E) rerum gestarum gloria nulli secundus, quive supremam a Soltano dignitatem obtinuit. Hic ultimas vires colligens Regiam majestatem non tam favore militum oblatam, quam rebus pro patria fortiter gestis partam, omnibus nervis defendendam suscepit, certus vel cum excidio patriæ jus suum tueri. Memphim, Ægypti caput, adjectis novis operibus firmat: ab Rhodiis fœdere junctis æneas machinas postulat: nulli ab armis vacatio data in tam vicino libertatis discrimine: nullum denique optimi Regis erga patriam suam officium desiderari passus est. Isthæc minime Selymum latuerunt. Quam ob rem, ut Regis igniculos temperaret, Muratem ad Tommanbajum Oratorem ablegavit, qui mitiora Regi, cæterisque Ducibus iuaderet. Verum adeo novi honorum tituli Tommanbajum in transversum egere, ut Oratorem non modo Memphi faceßere jussisset, verum etiam cum suis comitibus fraude interceptum trucidarit. Ottomanus oblato plausibili continuandi belli obtentu lætus (nam & querelas suorum de tanto itinere crebrius audire debuit) advocatis Purpuratis rogabat sententiam: *num obtentis Syria, & Palæstina miles in patriam reducendus? num vero Ægyptus, belli sedes, petenda, nulla hostibus indulta quiete? sibi equidem in mentem venisse, ne ultra Gazam, Turcici Imperii limites proferret; superandam esse ante solitudinem omni cultu humano, annona, aqua destitutam, quam Ægypti ubertatem viderent; vix tanto exercitui suffecturam aquam camelos portaturos. Præterea Byzantium ingenti terrarum spatio Memphi sejunctum. Tam vastum Imperium ipsa mole ruiturum. Ut enim humani corporis membra maxime continet ea communio, qua in unum colligantur universa, nullum ut absit ab altero longius, sed omnia cohæreant, ac per fibras, nervosque cor ipsum,*

A) Gaza urbs in præfectura Damascus in limitibus Ægypti, a ruinis notior: B) Memphis vastissima, totiusque Ægypti urbs primaria, Antiquitates illius apud Strab. L. XVII. habes. C) Hierapolis, Damascus, Tripolis, Berytus Syriæ civitates. Sydon, Tyros, Ptolomais urbes Phœnicie &c. Descriptionem harum, uti & Judææ Strabo refert L. XVI. D) Sic eum appellant Annales Turcici, qui Tuberoni Cassalius Jamberdinus. E) Tuberoni Thomas Soldanus Lib. X. §. XVIII. Aliis Tomambegus, & Tomanbegus, plerisque Scriptorum Tommanbajus.

Et caput attingant, unde vis omnis in reliquum corpus dimanat; sic Impe- A. C.
rii partes constare, ac firmo nexu inter se contineri nequeunt, si aliæ sint ab 1516.
aliis, Et ab ipsius Imperii capite separatae. Vix Nilum quidpiam collaturum
ad subjugandum Istrum, unde Turciæ maximæ imminet tempestates. Sed
timere se, aiebat, sinistram famam omnium Principum, nisi jus gentium in Le-
gato læsum, vindicaret. Dignum sane omnium Regum, Principumque vin-
dicta facinus. Humanæ societatis vinculum; fidem immani ausu temeratam.
Tommanbajum tanto scelere adinisso, minime desitutum. Qui communia ge-
neris humani jura contemptim habet, is nullius fœderis tabulas quantumvis
juratas colet. Consularent nunc in medium, quid sibi faciendum existima-
rent? hostem, an amicum Tommanbajum vellent? Purpurati etsi probe nos-
sent, non nisi maxima difficultate late patentes, & vasta etiam solitudine di-
remptas regiones in officio contineri posse, victosque non nisi mutatis mo-
ribus, & religione victorum jura sancte servaturos, tamen libertatem ani-
mi sensa expromendi metus quidam, ac pudor cohibuit; Janus Purpura-
tus, gente Dalmata, assentatorum facile princeps, Imperatoris mentem de
bello in Ægyptum transferendo firmavit dictitans: *militum esse jussa exequi,*
Regum imperare: duceret, quo vellet, se magnis animis secuturos.

Decreto communi consilio in novum Regem bello, Byzantium cele- 1517.
res nuncios dimisit Selymus ad Pirrhum Caramanum urbis Præfectum, ut
quadraginta navium classẽ A) rebus necessariis instructam ad Pelusiæcum
ostium expediret, inde Nilum fluvium subituram, ut & Nilo prohiberet
hostem, & si transmittendus foret, haberet naves, queis sine mora mili-
tem suum trajiceret. Ipse interim, ne spatium daret majores vires contra-
hendi Circassis, copias in Judæam movit. Ramæ Oppidanos B) in jus vo-
cavit propterea, quod e Sinanis militibus, quos castrorum præsidio ad Ra-
mam reliquerat, dum Gazam peteret, non paucos interfecerint didito ru-
more, Turcas metu Circassorum fugam arripuisse, occisorumque corpora in
puteos sine funebri apparatu præcipitarint. In tanti facinoris auctores vin-
dictam exercuit, ac neci addixit. Subinde cum ab Hierosolymis haud pro-
cul abesset, motus sanctitate loci templum adivit, precibusque more Tur-
carum vacavit. Ea enim sive superstitio, sive religio, Ottomanorum infe-
dit animos, ut voti rei Meccha sua visitata, se minime voto solutos arbitren-
tur, nisi & urbem Bethlehem Christi cunis nobilem, & Hierosolymas una
supplices accedant. Quanquam istud asserere mihi non sit integrum, cum
unus duntaxat Ludovicus Tubero hujus consuetudinis meminerit; cæteri
Turcicarum rerum Scriptores altum taceant. Hic exacta nocte postero die
redditus exercitui Gazam duxit, ubi eum cum reliquis copiis Sinan præsto-
labatur. Comparatis iis, quæ adjumento forent numeroso exercitui in tam
vasta solitudine, iter ingressus est spe victoriæ plenus.

Sinanem expertæ virtutis, ac fidei Bassam suis cum copiis præcedere
jussit, ut iter exploraret, hostemque, si congredi auderet, repelleret; re-
liquum robur peditatus ipse ducabat, veritus etiam, ne si simul totus exer-
citus, terras illas ab hominum cultura desertas ingrederetur, tædio laborum
victi, militari licentia in Palæstinam signa reverterent, palamque detrecta-
rent imperium. Atque ut forti animo susceptam expeditionem terminaret,
alacri vultu Ægyptiorum ingentia spolia militi pollicebatur, promptiores
honoribus affecit. At Chuseines Bassa, qui temeritatis ausus fuit Selymum
arguere, quod robur totius Imperii Ottomanici manifesto discrimini obje-
cerit, morte pœnas exolvit. Ne penuria fontium laborarent Turcæ, C) fræ-
quentiores iisdem diebus pluviae effecerunt, pacatisque agminibus solitudinem
sunt emensi. Gazalis tamen nupera clade irritatus nusquam Ottomanos de-
seruit,

A) Annales Turcici apparatus maritimi nusquam meminere. Tubero author est classẽ accitam. Quid utilitatis ex ea ceperit Imperator? silet. Classis Helleponto immissa, Ægæo mari su-
perato, Mediterraneum ingressa, Pelusiaco ostio applicuerit, ubi Nilus in mare erumpit; dein
adverso flumine provecta, terrorem Ægyptiis geminarit. B) Rama Palæstinæ vicus, vulgo
Remle, Rammola Leuncl. in Pandectis hist. Turcic. c. 209. C) Annales cum Verantiano co-
dice largos imbres iis diebus cecidisse ajunt.

A. C. seruit, plerumque a latere, honoris quodammodo causa, eos comitatus, & 1517. si occasionem nancisceretur, non invitus pugnaturus. Ergo redditurus cladem in hostem iniquitate locorum deprehensum ruit: verum ferocius exceptus est, atque ominabatur. Cæsis plerisque commilitonibus, ipse vulnere perstrictus fuit. Bis male mulctatus dolori nimium indulgit, verebaturque, ne Circassi de fide dubitarent. Denique sinistram Ægyptiorum fortunam exosus, ut patriam etiam proderet, Regia Tommanbai seu Toman-Begi, dignitas, quam absens spe devoraverat, virum cætera fortem perpulit, impetrataque venia in Selymi castra concessit. Qua quidem insigni prodicione palam fecit: INVIDIÆ morbo adeo non nullos hominum vexari, ut malint non sine patriæ dedecore, atque etiam excidio ablatum a suo cive Imperium ad externum, qui profecto nulla, aut certe minori invidia ardet, deferre. Nobilem transfugam non aspernatus Imperator, Purpuratis suis continuo accensuit, ne ea, qua venerat levitate, pristinae dignitatis memor ad suos rediret.

Amæniore cælo redditi Ottomanī post exhausta arenosi itineris tædia, facilem sibi victoriam fore autumabant, quando solitudinem, ceu Ægypti propugnaculum heroo animo superarunt; ut vero uno quodammodo ictu protererent Ægyptiorum vires, Memphim, Regum sedem, subjugandam ante omnia censuerunt, qua superstite nunquam Ægyptus se victam fateretur. Et Tommanbajus huic uni metuebat, huic operam, viresque impendebat, optime gnarus, suam fortunam cum illius conjunctam, nec posse diu se stare cadente Memphi. Quapropter, ad tolerandam obsidionem rebus omnibus adornatis, militem extra urbis mœnia, castris ad omnem artem munitis continet, subterraneis suffossionibus, qua Selymum venturum putaverat, cuniculos agit, ingentem nitrati pulveris vim addit, quo succenso invasuri castra in auras vibrarentur: machinas a Rhodiis deportatas hosti obvertit tanto militari astu, ut diligentiam exploratorum facile lussisset, nisi Circassi cujusdam transfugio res Ottomanis patuisset. Hic spe melioris fortunæ allectus Sinani Bassæ, populari quondam suo (nam Sinan iste gente Macedo, Christianis parentibus ortus, Christianæque matrimonio junctus erat, sed bello captus, ac in aula Byzantina liberaliter habitus, ob militare ingenium summas præfecturas cum laude gessit, jam Bajazethe imperitante) Ægyptiorum insidias prodidit, loca cæca fossione subacta, ostendit, docetque, qua parte tuto hostium castra, urbem invadere possit. VERISSIMUM illud: raro Rempubl. everti, aut civitatem subigi sine domesticō hoste. Itaque Selymus proditoris ductu, evitatis Circassiorum insidiis, alio itinere copias suas in conspectum Tommanbai promovit. Hic in sola virtute victoriam, & libertatem superesse videns suos in Turcas agit. Tanta pertinacia, ac furore dimicatum est, ut æquato Marte diu pugnam, multis ex utraque parte cadentibus, extraxerint, & postremo Circassi desperatione animos acuate, Turcas in castra repulerint. Selymus acri oratione trepidos perstringit, quod hosti toties victo, ac ad paucitatem redacto terga dederint, Circassios integris viribus pugnantem sæpius fusos, fugatosque, nunc diminutis copiis palmam eripuisse victoribus; sibi deliberatum esse, non redditurum se in Europam, nisi Ægypto subacta, genteque Mamaluchorum excisa. Inirent itaque prælium craftina die eo animo, ut non castris modo hostem exuant, sed & urbem, laborum præmium, simul occupent.

Vix illuxerat, jam Ottomanī corporibus curatis Duce Sinane signa in hostem verterunt. Circassi hesternō prælio superiores, adeo non detrectarunt certamen, ut ultro illud inivissent, nisi præventi fuissent. Nunquam acrius pugnatum inter has gentes, atque eo die. Circassi velut ad supremam necessitatem compulsi, pro salute, pro patria; Turcæ pro victoria virium, irarumque pari contentione depugnarunt. Illi in ultimum furorem versi negarunt se excessuros prælio, nisi victores: hi belli finem ab hac victoria se relatueros non frustra ingeminarunt. Haud multum diei supererat, nondum tamen pertinacia fracta; cum Sinan ira, pudoreque accensus cum

cum globo Janicsarorum in primam aciem provolat, pugnam languentem A. C. succendit, quem Circassus hasta in pectus adacta magna vi præcipitat. Tur- 1517.
cæ sinistro tanti Ducis exitu perculsi, pedem retulere, corpus tamen fere exanime, ne ludibrio foret hostium, non sine multorum cæde in castra rapuerunt, evulsoque in conspectu Selymi telo, quo trajectus erat, vultu ferociam spirante magnam animam efflavit. Apparuit eo tempore, quo loco Sinan fuerit apud Imperatorem, quando armis induratum, infelix obitus charissimi capitis, ad lachrymas fundendas adegit. Imperator ratus Sinanis potius fato, quam virtute Circassorum Turcas repulso, Janusē, sive Jonam Purpuratum oppugnationem urbis (nam eo se plerique receperant hostium) repetere jubet. Hic actis ante se machinis æreis, Mamaluchos pertinaci glandium tempestate propulit, portisque, plenis agminibus succedens urbem in ultimam desperationem vertit. Cives præsentī periculo evocati, omni telorum genere pro vita, pro libertate dimicant; pars sagittis, saxis, liquefacto plumbo victorem morantur; qua quidem peste plurimi Turcarum correpti, adeo Selymum moverunt, ut edicto Byzantium misso caverit, ne e terris Turcicis plumbum alienas in provincias deportetur; pars hastis, gladiis fortissime repugnant, ipsis mancipiis ex ergastulis undique solutis, atque in hostem ire iussis. Janusēs dum exemplo & voce militis animum acuit, sagitta tam validum vulnus accepit, ut e mediā pugna efferri debuerit. At Selymus successu ferox, equites omnes pedestri pugna decertare iussit, expugnatique in urbe quibusdam locis munitis, victor in armatos juxta, atque imbellem turbam desēviit. Propter princeps Mempheos templum, vulgo Messitam dictum, rursus Circassi aleam tentarunt, sed urgente jam fato, nihilo felicius certatum, etsi Turcas maximo impetu quasi ex insidiis invaderent. a) Ad ultimum cæsis plerisque Circassis, quingentis supra duo millia captis, plenam victoriam obtinuit Selymus. Arcem ingressus, colli non admodum eminenti impositam, & ad omnem elegantiam extructam, Soltani thronum occupavit. Tommanbajus optimi Ducis munere functus, cum videret hostium viribus se minime obsistere posse, relicta Memphi altius se in superiorem Ægyptum b) induit, paucis comitibus stipatus, molliorem rebus suis expectaturus fortunam. Oratores etiam suos ad victorem dimiserat pacis petendæ causā, quos Selymus apparatu sane eleganti excepit, suosque pariter novis mandatis instructos expedit, ut victum solarentur, monerentque, ne in posterum armis se temere committat. Tommanbajus, nescio qua intemperie actus, Oratores nihil tale metuentes crudelissime sustulit, nondumque extinctum bellum magis accendit. Nova quippe injuria læsus Imperator, ad belli reliquias persequendas, Nilo summa celeritate, ponte injecto, Gazalem, atque Cairbegum cum iusto exercitu dimisit: ipse interea maxima aviditate, Soltanorum Regios thesauros conquirat, spolia multorum annorum, tanquam victoriæ præmia curribus imponit, avecturus omnia Byzantium. Captos subinde Circassos, ut Oratorum Manes vindicaret, e carcere eductos ad unum omnes abscissis cervicibus interfecit. Inter hæc per notos regionis calles copias duxit Gazalis, atque ad Abdiam, summum Ægyptiacæ superstitionis Sacerdotem c) pervenit, apud quem imminentis belli metu latitabat. Cum jura hospitii violare non vellet, armis compulsus tandem, Tommanbajum intra paludes, suas, regni-que calamitates nequicquam lamentantem prodidit.

Memphim abreptus acerbissimis cruciatibus divexatus fuit a Selymo ob thesauros, quos mendax rumor longe majores ferebat, ac re ipsa erant. Sed Tommanbajus memor suæ dignitatis, incredibili fortitudine, non vocem modo, sed & gemitus in potestate habuit, Selymque avaritiam alto si-

Imp. Ottom. Tom. I.

N

lento

a) Annales bis dimicatum summa pervicacia meminere, multis utrinque cadentibus, Tubero ter concursus ait. Lib. X. b) Ægyptus in inferiorem, & superiorem a Geographis dispefcitur. Ipsa Memphis in superiori locata est. Tommanbajus transmissa Nilo fugit in provinciam, Ananibus, & Tuberoni Sait appellatam. c) Tubero L. X. qui occasionem hic nactus Alexandrum VI. Pont. fugillandi (in quem, uti & alios, non uno loco mordacem strinxit calumum) asserit: ab Alexandro isto Zizimum necatum avaritia impellente.

A. C. lentio elusit. Toto corpore misere laceratum, mulo insidentem, inter miseres litares fannas, ludibria, circumvectum per urbis vicos, postremum ab infelici arbore suspendi iussit ad portam a) Bosphuellam XI. Aprilis anni MDXVII. ne scilicet Mamaluchi spem haberent in Tommanbajo, semet in libertatem vindicandi. Triste spectaculum totam urbem in commiserationem tanti viri commovit, quem non ambitio, non avaritia, sed insignis patriæ charitas, ac bellicæ virtutis gloria ad supremum apicem evexit. Funestissimæ tragœdiæ interfuit Barnabas Bellai, quem Uladislaus Hungarorum Rex, pacis componendæ causâ, ut nuper meminimus, Byzantium dimiserat ad Bajazethem. Verum Selymus ubi in Imperium successit, & gravissima bella in Persidem, Ægyptumque moliretur, Legatum apud se detinuit, nondum scilicet certus, an prospera fortuna pugnaturus esset. Ergo circumductum Legatum per Syriæ, Ægyptique provincias, Memphi expugnata, tandem triennialibus b) induciis concessis Budam ad Ludovicum Regem, qui Patris Uladislai locum acceperat, liberum abire iussit. Ægre admodum assensere Hungari conditionibus, quas victoriæ ferocia inseruit. Sed cum ab exteris nulla auxiliorum spes affulgeret, serviendum fuit tempori. Cæteras inter fuerant: ut nisi singuli Principes Christiani Oratores mitterent Byzantium, liceret Selymo ad ulciscendam hanc pertinaciam, per Regnum Hungariæ infestis signis progredi. Præter Hungaros, Veneti, Rex Poloniæ, Cæsar, & reliqui Christiani nominis Principes his induciis fruuntur, Rhodiis Equitibus exclusis, in quos jam tum bellum meditabatur propterea, quod Circassos machinis castrensibus, atque consiliis adjutum ibant. Sed filum narrationis pertexamus.

Sublato Tommanbajo, Circassorum Imperium cum universa gente internecione deleta cecidit, c) omnisque Ægyptus Ottomanicæ potestati subiecta in immensum eandem auxit, ac formidabilem reddidit. Certe Selymus hac expeditione, qua Aladeulis provinciam Tauro, Antitauroque inclusam, Syriam Palæstinamque torrentis instar occupaverat, fere altero tantas Byzantino Imperio vires adjecit, ea facile ratione, quod Circassos, hominum genus armis assuetum, ac Turcici nominis infensissimum exciderit. Ab eo tempore ipsum nomen cum gente interiit, neque unquam Rempub. suam reparare sunt ausi. Octingenti circiter ad Alexandriam d) substiterant ultimam fortunam tentaturi, si Ducem nanciscerentur; in hos ipse Imperator duxit, atque uno prælio delevit. Memphim reductis copiis, posteaquam Ægyptum in certas præfecturas divisisset, urbemque novis legibus temperasset, opulentiores cives, ne quid turbarum excitarent se absente, Constantinopolim abire iussit. Janusem vero, qui præclaram in expugnanda Memphi operam locarat, urbi præfecit cum valido præsidio, adjuncto socio Cairbego, quem nuper narravimus ad Hierapolim defecisse ad Selymum. SED RARO par duorum potestas, invidiæ, æmulationi exposta, diu incolumis floret. Cairbegus, ni solus administraret Memphim, perfidiæ suæ minora præmia dari interpretatus, literis ad Selymum datis Janusem tyrannidis affectatæ insimulat: *ab Ægyptiis non alio quam Soltani nomine appellari, majorem auctoritatem spirare, atque urbis Præfectum deceat. Tommanbai cupiditatem regnandi in Januse superesse. Ni mature, rebus adhuc integris, noxium caput tollatur, novum bellum brevi exarsurum.* Haud difficulter fidem Imperatori fecit, alioquin in ejusmodi suspiciones pronissimo. Itaque Januses amicissimis verbis evocatus in Palæstinam, cum equo vectus assequeretur Imperatorem, ac una familiari sermone inter se colloquerentur, dato prætorianis signo, improviso ex equo deturbatur, statimque capite minuitur. Hic est ille Januses, quem Bajazethes a prima pueritia in aulam suam accivit, militiæque artibus instructum, exercitiis ductan-

a) Leunclavius c. 214. Atque in hoc Ægypti Soltanorum dignitas extincta fuit. b) Istvanffius L. IV. & VI. putat octo annorum inducias initas. At Diplomata, quæ non inspexerat, triennales fuisse evincunt, ut videbimus in vita Solymani. c) Superfunt Circassi ad mare Caspium: num istorum reliquiæ? non convenit inter Scriptores. d) Inferioris Ægypti urbs, nomen sortita a conditore suo M. Alexandro, a Regibus Ptolomæis multis ornamentis aucta.

duſtandis admovit. Nemo iſto apud Bajazethem gratia, ac authoritate ma- A. C.
 jor. Inclinata Bajazethis fortuna, nondum Dominum mutafſe videbatur, 1517.
 ut nimirum ſævius ferire poſſet Patronum: veneno enim, ut vulgatum fuit,
 clam porrecto barbara ingratitudine omnia beneficia rependit. In Syriam
 regreſſus Selymus, eam provinciam in ordinem redegit, locaque magis munita
 præſidio militum firmavit, cum primis maritima, quæ Chriſtianorum naves in-
 curſionibus infeſtarunt. Et quamvis afflicta valetudine uteretur iis diebus,
 tamen ipſe urbes, præſidia adire, veteribus nova opera addere, annona,
 milite inſtruere, nihil per Legatos agere. Damafci amænitate loci invita-
 tus, longiori tempore commoratus eſt, ut vires multis itineribus fractas
 recrearet. Cum enim bello Ægyptiaco inſomnes noctes duxiſſet, in omnem
 occaſionem rei bene gerendæ intentus, & mox confeſto bello per ſolitudi-
 nem, Palæſtinam, Syriamque repeteret, acceleratis profeſſionibus, valetu-
 do ejus tentari cœpit, qua utcumque firmata Ciliciam verſus movit, Gazale
 Damafco, majorique Syriæ parti præfeſto, in præmium perfidiæ. Quæ
 res vehementer pupugit Ottomanorum animos quiritantium: ſibi ab exteris
 præripi ditiores præfeſturas, una perfidia commendatis. Verum Selymus
 factis transfugorum intentus, ſuorum dicacitatem facile neglexit. Per Aſiæ
 provincias lente procedens, ubique præſidia diſpoſuit; tandem Conſtanti-
 nopolim cum opimis ſpoliis, feſtivos inter civium applauſus, victor intravit.

Hic cum imbecilla valetudine eſſet; gravioribus Imperii curis abſti- 1519.
 nuit, nec facile quempiam, ſuum in conſpectum admittit: nihilominus clam
 conſilia belli agitavit in Rhodios, & ni morte præventus fuiſſet, ſine dubio
 ingentem gloriæ ſegetem filio ſuo Solymano præripuiſſet. Præter validiſſi-
 mam claſſem, in anchoris hærentem, navales ſocios e maritimis oris Byzan-
 tium contraxerat: rei tormentariæ Magiſtros, oppugnandarum urbium per-
 itos, ingentibus præmiis acciverat: foſſorum etiam non exiguam manum,
 qui metallis eruendis aſſuevere, per provincias conquiſiverat; lanæ tantam
 vim congeſſerat, ut prægrandibus ſaccis impoſita commode militem contra
 hoſtiles ictus defenderet, foſſasque urbis Rhodiæ expleret. Tanta molimi-
 na lues legiones depaſcens, primum cohibuit, tum gravior in dies morbus
 Imperatoris, penitus afflixit. Cum enim e Medicorum ſententia, in Adria-
 nopolitanam mitioris cœli regionem, valetudinis firmandæ cauſa ſe vellet
 conferre, atque ad oppidum Inzuam perveniſſet, peſtilenti puſtula correptus
 fuit. Locus iſte ignobilis haud procul diſſitus eſt Tzuruloe, ubi impio
 bello, & virulento potu Bajazethem Patrem ſuum petiit, Divina Nemefi
 vindicante parricidale nefas. a) Promotis paululum caſtris, iisdem in cam-
 pis, in quibus nuper armis parricidalibus Imperium extorquere nitebatur,
 vi graſſantis mali itinere prohibitus, tentoria prætorianos ſtatuerè juſſit.
 Achmetem vero, & Pyrrhum, provinciarum Quæſtores Adrianopolim mi-
 ſit, ut Bairæ proxime celebrandæ ſolitos apparatus adornarent. Eſt Bairæ
 b) Ottomanis longe celeberrima dies, eaque ſuperſtitione agitur, qua reli-
 gione, atque cerimonia a nobis redivivi a morte Servatoris noſtri memoria
 ſolemnes feriæ celebrantur. Voluntariam inediam triginta in dies tanto ri-
 gore legis Mahometanæ ſuſtinent, ut a prima luce nihil cibi, potusve ad-
 mittant, dum ſol in occaſum præcipitet. Exaſto hunc in modum menſe
 integro, tandem Bairam ritu barbaro comeſſabundi agitant. Vel ex hoc uno
 argumento luculente proditur, Mahometem, hominem vaſerrimum, plu-
 rima mutuafſe a Romanis ſacris, rudemque gentem partim mollibus indultis,
 partim arduis legibus in ſuam pertraxiſſe ſectam. Sed his omnibus fatalis ne-
 ceſſitas Selymum exemit. Quippe cum peſtilens ulcus in dies majores ſu-
 meret vires, & diſſuſo veneno corpus depaſceret, Medicorum artem ſupe-
 ravit. Adhibuerant illi prima fronte non timidas manus, dum malum ſuos
 inter limites concluſum, diligentiam acuit; at poſtquam cancri inſtar ſer-
 pentis, vicinas partes foede vaſtavit, ulceris magnitudine perterriti, ſubmo-

a) Leunclav. ad calcem c. 74. item 26. & 193. b) Idem c. 225. duplicis Bairæ mentionem facit.
 Altera 60. dies complectitur, Religioſis, ſive voti reis familiaris.

A. C. tis omnibus pharmacis, liberam grassandi viam permiscere; operæ pretium 1520. se facturos rati, si publica fama absolverentur, se minime accelerasse mortem alioquin desperato.

Itaque quadagesimo A) die, quam ulcus eruperat, in cursu victoriarum, inque æstu novæ expeditionis extinguitur, ætatis suæ quadagesimo septimo anno, XXII. Septembris anno MDXX. postquam octo duntaxat annis, totidem mensibus, diebusque Imperio præfuisset. B) Ludovicus Tubero perelegans Scriptor Historiæ, sui cum primis temporis, libro decimo prodidit: Selymum stabilem Byzantii sedem nunquam fixisse propterea, quod paternis manibus perpetuo exagitatus, quietem nullam nocturnis horis capere potuerit, ea nimirum in urbe, in qua Bajazethem Imperio semet abdicare coegit. Addit præterea: in hoc postremo morbo Adrianopolim pertigisse Selymum, atque venatione belli curas dissipasse, morboque medelam in umbrosis saltibus quæsisse. Ea quippe regio & montibus, & sylvis, omnique ferarum genere abundat. Etenim ipsi solenne fuit, dum bello vacaret, belli tamen incitamento, sanguine ferarum violentum, ac ferox ingenium suum pascere. Ut ut hæc, quæ narrat Tubero, ad veritatem quam maxime accedere videantur, tamen Annalibus Ottomancrum fidem dare maluimus, quam illi; cum repetitis vicibus asserant: eo loco vita functum, quo cum Patre manus conseruit. c)

Erat Selymus ingenii supra modum ambitiosi, audacis, atque crudelis, ut e rerum gestarum narratione præclare constat. Adito Imperio, sublatis fratribus, reliquam Imperatoriam stirpem evertit. Mox ingentis animi Principem Persarum Regem, Ismaelem, collectis totius Imperii viribus invadit, qui semel, atque iterum Asiam minorem infestans, ad Darii, atque Xerxis magnitudinem aspiravit. Quo insperata victoria confuso, in Cansavo, Tommanbajoque Ægypti Soltanis, novæ gloriæ materiam reperit. Utrobique sub imagine vindictæ, justas bellorum causas prætexuit. Reipsa immoderata proferendi provinciarum terminos cupiditate accensus, bella e bellis servit, ut confirmatis, auctisque opibus, Imperium suum adversus quoslibet potentissimos hostes inconcussum stabiliret. Et certe si paucitatem annorum, quibus regnaverat, cum provinciis Imperio adjectis paululum conferas, nullum e Majoribus suis, qui plures domuerit, remque Turcicam auxerit, reperiesset. Mahometem avum, cognomento Magnum, duos supra triginta annos imperitantem, ardore pugnandi longe antecessit, victoriis prope æquavit. Nunquam e bello victus rediit, nunquam, prælio quantumvis fusus, hosti victoriæ fructus cessit. Cibi, potus, somni parcissimus fuit: laboris, frigoris, supra quam credi potest, patiens; sub tentoriis, quam in palatiis ætatem agere maluit, vultuque ipso tristi supercilio, atque rigenti a superiori labro ad cervicem retorto mistace horrido, Martem spiravit, ut facile in vultu legeres trucem, cædibusque turbidum animum. Cæterum prolixam, ut Turcis mos est, barbam non aluit, ne, ut facete dicebat, *Purpurati injectis in eam manibus ducerent Imperatorem, quo ipsis luberet.* Id unum Bajazethem Patrem perdidisse. Hinc in arduis Imperii negotiis Purpuratorum quidem sententiam exquisivit, sed in capiendo consilio suam plerumque secutus, maxime cum de bello suscipiendo ageretur. Suspicionem enim non modica laboravit, eos, qui sub Bajazethe senio jam præfracto, prostratoque, rebus præerant, quietis, quam belli studiosiores esse. Propterea sæpius auditus dicere: *se neminem habere, quocum de rebus magnis consilia conferret.*

Matura

a) Ludov. Tubero. At Leunclavius opinatur vi invalescentis mali citius sublatum. b) Annales Turcici. c) Justus Lipsius in suis Monitis & Exemplis politicis Lib. II. C. V. eandem mecum opinionem amplexus est. Juverit ejus verba adferre: „ Persas, inquit, vicit Selymus, & repulit, Sultanum Ægypti fustulit, & amplum id regnum sibi, posterisque firmiter subjecit. Nihil etiam privatim adversum; & dormire videbatur cælestis justitia, nisi quod in extremo æstu se ostendit, & peste correptum extinxit, ipso loco & vico, ubi prima cum Patre signa contulisset. „ Hæc elegantissimus Scriptor.

Matura deliberatione ipse prius decoxit omnia, quam manum ad A. C. moveret, & præter paucissimos admisit neminem in sanctiorem senatum; 1520. cavitque sedulo, ne quid consilii in multorum conscientiam efferretur. Nunquam temere in prælium progressus, nisi vires hostium, locorum ingenia, cautus magis, quam timidus Dux, anteæstimaret; ut adeo nunquam cœpti eum pœnituerit; si unicam pugnam demas ad Ciurlum (aliis Tzurolloen) ubi fortuna potius, quam temeritas peccavit. Avaritiæ infamia maxime apud omnes flagravit. Quos opibus eminentes suo in Imperio vidit, criminibus confictis accusatos interfecit, bonis ærario illatis. Hac tam iniqua sorte provinciarum Præfecti, militum Ductores non pauci, e summis dignitatum fastigiis præcipitati, divitias cum vita amisere. Si quid otii concesserunt curæ graviores, id literarum non rudis, Magni Alexandri, & Julii Cæsaris rebus gestis pervolutandis impendit, hausitque ex iis militarem disciplinam, aciei ordinem, cæteraque, quæ ad castrorum metationem pertinent. Auro, gemmisque ornatus, nunquam in publicum prodiit, contentus cultu modico, & vix a privato abhorrente, nec admisit, ut more Turcico procumbentes in terram, se venerarentur. In solitudinem plerumque abditus, conviviis abstinuit. Suorum vitia castigavit acerbius, quam par erat. Sororem, fratrisque filiam, quod parum pudice viverent, necari iussit.


Aloysius Mocenicus, Venetorum Orator, vir clarissimus, brevi elogio, at summis Imperatoribus digno, Selymum ornavit, dum Memphi, ubi res Venetas curabat, in patriam redux narravit: *se neminem unquam hominum huic parem, quod ad justitiam, humanitatem, animi magnitudinem, atque alias hujusmodi virtutes attinet, invenisse, nullosque barbaros mores in eo fuisse, & quidquid a vulgo illi obiectum; Imperatoriis artibus, naturæque dotibus haud parce retudisse.* Sed unius hominis de Selymo existimatio tanti nobis non est, ut publicam Historicorum fidem convellat. Certe multum vapulat in Turcicis Annalibus. Equidem provinciarum Rectores severo Imperio coercuit, ut ne civium opes abligurirent, rapinas exercerent, & vel leviter exerrantes gravissimis pœnis castigavit. Verum ipse vulturis instar in omnium jura involavit turpissime, multos paternis bonis ex hæreditate obvenientibus, aut multo sudore quæsitis possessionibus evertit, **DOCUITQUE**, neminem unquam Imperium flagitio occupatum, bonis artibus exercuisse.

Quæ, quantaque humanitas commendavit Selymum, non obscure intelligere potuit Mocenicus Memphi, quando Circassiæ genti excidium intulit, Tommanbajum, licet hostem, sed Regiis insignibus ornatum, summo dedecore affectum, suspendio necavit. Cæterum ad ultima fata deductus, Imperio consuluit, ne in solitos domestici belli fluctus incideret. Solymanum filium, ingentis animi Juvenem, accivit e provincia Amasiæ; qui Byzantium ingressus, cives in officio continuit, ut testatur Tubero. In Annalibus Turcicis lego, decem & amplius diebus mortem Selymi celatam fuisse, ne quid tumultuum oriretur inter militem. Ferhatem Purpuratum auctorem extitisse Solymano, Byzantium ut maturaret iter. Adventanti obviam progressas peditum legiones, & novum Imperatorem mira animorum conspiratione salutasse. Quidquid sit de hoc; Imperii insignia non prius accepit, quam parentem obiisse intellexit, aulaque toto illo tempore abstinuit. Ita suaserat Solymano mater, raræ prudentiæ matrona, ne fortassis Selymus æmulum Imperii aspernatus, quidpiam absens moliretur in filium. Omnia enim præter consortem Imperii ferre potuit. Verum mors ambitioni finem imposuit. Cadaver a Solymano Constantinopolim delatum, monumento a se erecto funebri pompa impositum fuit. ¹⁾

S O L Y M A N U S II.

IMPER. OTTOM. IV.

1520.



T Selymus omnibus Imperii sui annis, in perdomandis barbaris defudavit ingenti commodo rei Christianæ, ita contra Solymanus ætatem suam ad evertendos Christianos, potissimum Hungaros, impendisse videtur, maximo, ut apparebit, malo Reip. Romanæ. Videbatur Solymanus plerisque, multum a bellicis tumultibus abhorrere, cum a prima pueritia palæstram potius literariam, quam Martialem singulari studio amplecteretur, & ipse Selymus mitiori filii indole haud multum delectatus, Pyrro, inter Præfectos clarissimo, commendavit, ut igniculos latentes stimulis bellicæ laudis, crebriori sermone in adolescente excitaret. Verum Imperio admotus, ferocissimi Principis animus eluxit, & opinionem de se ceptam perpetuis expeditionibus fefellit. Primis mensibus, quo suorum animos arctius sibi devinciret, a pietate, a iustitia regimen auspicatus fuit. Constantinopoli templum in memoriam Patris cum ædibus non vulgaris elegantiae, atque magnitudinis erexit, A) ubi peregrini, quorum ingens numerus apud Turcas, hospitium, victum, cæteraque longiori itineri necessaria nanciscerentur, ne precario aliena limina tererent, aut miseriis conflictati cœpto desistere cogerentur. Adjecit ædificiis magnam partem Ægyptiorum vectigalium, unde cum templi Sacerdotes, tum indigi perpetua liberalitate sustentarentur. Hæc postquam decrevit, publicos nuncios in provincias destinavit cum mandato, ut quibus erepta forent per iniquitatem bona, iisdem discussa diligenter causa Fiscus redderet. Atque hoc modo quidquid rapacitate Præfectorum, aut Selymi civibus ablatum, non minori nominis fama novi Imperatoris, quam admiratione in integrum plerisque restitutum fuit. Nefas enim Ottomani putant, quidpiam vel injuste illatum in Imperatoris ærarium rursus efferre, nisi in Principis, aut Reipub. usum vertatur: sed isthoc pietatis studium inquit Gazalis, seu Gazellis, Præfectus Syriæ, abrupit. B)

Nam is extincto Selymo, existimans sub clientela Ottomanorum, provinciam administrare infra suam dignitatem fore, in libertatem plenam, se cum tota regione vindicare voluit, invitato per Legatum in communionem tanti moliminis Cairbego, quem facile in suam sententiam pertractum iri confidebat, veterum injuriarum genti Circassiæ illatarum memorem. At Cairbegus tutiora secutus consilia, incertæ fortunæ semet subduxit, ne tanto scelere perfidiæ, præmiis excideret. Imo, ut novum Imperatorem beneficio obstringeret, Legatum supplicio affecit, conjurationis seriem Solymano patefecit. Hac spe dejectus Gazellis, apud Equites Rhodios egit, ut castrenses machinas, naves, militem sibi in tempore mitterent. Verum neque isti tantos animos habuerunt, ut primos Solymani furores experirentur, satis gnari in se tempestatem effundendam, si quid in Turcas occiperent. Nihil inde fractior, alienis auxiliis destitutus, suis viribus ad principatum Syriæ armis obtinendum animum adjecit. Vicinas Damasco urbes partim vi, partim

A) Tubero L. XI. ait: Ottomanorum consuetudinem esse, ut opulentiores hujusmodi ædes cum templis statuant, Auctorem operis sibi in eodem templo monumentum erigere, cui post mortem inferatur. In ædibus templo annexis diversoria simul, & cibaria egenis perpetuo, peregreque advenientibus triduo exhiberi. B) Annales Turcici, & Verantianus codex nihil prodiderunt de hac expeditione, at Tubero meminit Lib. XI. §. I.

tim deditione occupat, ejectis Turcarum præfidiis. Hierapolis victoriæ cur- A. C.
sum stitit, & in plures dies obsidentium conatus lufit. In æstu capiendæ 1520.
urbis adfuit Ferhates Bassa cum ingenti exercitu, ad cujus famam Gazellis
trepidus se recepit Damascum, in latibulum suæ perfidiæ. Postquam vidit
sibi omnem fugiendi occasionem intercisam (nam Ferhates jam Damasce-
num agrum infederat) eductis in campum copiis de summa rerum cruentissi-
mam pugnam commisit, qua ad internecionem Syri deleti libertatem adver-
sa fortuna quæsitam uno prælio amisere. Dux infelicitis perduellionis in acie
cæsus fertur, a) ut ipse Solymanus ad amicos scripserat. Damascus cum
Syria ad officium revocata, junioris Aladeulis fidei attributa fuit, cujus bel-
lica fortitudo in hoc prælio maxime enituit. Hic est ille Aladeules, qui
conjuratone inita cum quibusdam minoris Armeniæ Proceribus, senio-
rem Aladeulem sanguine sibi junctum cum regno prodidit, & vinctum in
castra Selymi adduxit.

Pacata hunc in modum Syria, cum victor exercitus Byzantium per- 1521.
venisset, cupiditatem Solymano injecit ex Asia bellum transferendi in Euro-
pam. Nec diu deliberatum, quem in hostem arma vertenda. Hungaria
tot victoriis clarissima versabatur ob oculos, quam si subjugaret, facile Oc-
cidentis Imperium suo milite se obtenturum speravit. Audierat enim a suis:
unam Hungariam Majorum suorum conatus perpetuo retudisse, quo minus
in Europa Turcicum Imperium propagaretur. Verum id temporis adeo
male comparatum erat regnum ad defendendos socios, ut vix semet ipsum
sustineret. Juvat altius morbos repetere.

Floruerunt res Hungarorum sub Mathia Rege fortissimo adeo felici-
ter, ut longe, lateque terrorem spargerent, vicinis regionibus umbram fa-
cerent. Nulla gens plura de Ottomanis erexit trophæa. Illo extincto, mi-
litaris disciplina mirum quantum emarcuit, succedente in solium Uladislao,
magnisque passibus in ruinam abiit. Non erat jam illa Hungaria, inclyta,
potens, & Turcarum formido, mutila multis partibus, & accisa, ægre se,
sine alieno auxilio ab ultimo præcipitio tuebatur. Nec per tenellam Ludo-
vici ætatem, qui regnum a fatiis Uladislai Patris obtinuit, respirare potuit.
Rex Juvenis, b) etsi bellicose indolis, in perturbato regno simulacrum Re-
gis erat. Procerum animi factionibus, inprimis eloquentia Stephani Ver-
bóczi regni Prætoris, & Joannis Zapolya Transylvaniæ Vaivodæ potentia,
confusi adeo, ut veluti in civili bello duas in partes abscesserint; alii Vaivo-
dæ, alii Bathorio Pro-Regi adhærentes. Inde consilia timida, ac lenta, nec
Reip. sed privatorum commodo magis proficua. Ærarium Regium supra
quam credi possit, incuria Uladislai exhaustum, & nominum immanitate
adeo ægrum, ut nisi ab vivaci, armatoque Rege restitui minime posse vide-
retur. Nec miles tam alacer, ut olim sub Mathia. Nigra militia, robur
Hungarici exercitus, cujus strenuitate nunquam non victor Mathias e pu-
gna excessit; extincta erat. Copiæ ad defendendas amplissimi regni provin-
cias prope nullæ. Præter Vaivodam offensum illum, c) quod Gubernato-
ris, & Palatini munere exclusus sit, nullus Dux bello spectatior. Neque
spes suppetiarum erat, flagitioso apostata Imperium novis erroribus pertur-
bante. Equidem Leo X. summus Pontifex Hungariæ Rempub. sibi curæ fo-
re pollicitus est, effecturumque, ut Principes Christiani sociatis viribus ter-
ra, marique opem ferrent, sed præter certum auri d) pondus nihil subsidii
Ludovicus accepit.

Languens adeo Hungaria hostem habitura erat, omnibus rebus dis-
parem, exercituum, classium, opum, peritorum Ducum alacrem; soler-
tem, per se agentem omnia, & qui Hungariæ morbos non accurate minus,
quam

a) Sic quidem Tubero. Nonnulli affirmant saluum evasisse Gazellem, quem idem Tubero Jam-
berdinum nominat, & ad Ismaelem Persarum Regem se contulisse. At is jam ante vita ex-
cessisse fertur. b) Ludovicus Rex, ante DIEM natVs, prima videlicet Julii 1506. anno se-
quenti corona cinctus, Patri Uladislao succedit 1516. c) Istvanff. Lib. VII. d) Idem loco
laudato. Tubero vero ausus est scribere, Oratori Hungaro calamitates patriæ in Curia Roma-
na exponenti, Leonem reposuisse: consulere sibi Hungari, suum ærarium penitus exhaustum.

A. C. quam suas vires nosset. Quippe Oratorem miserat ad Ludovicum Regem 1521. Solymanus pacem petiit, qui omnia rimatus, Byzantium deinde renunciavit. Fertur hunc Legatum durius habitum ab Hungaris, quam oportuisset, atque hac injuria accensum Imperatorem arma in Hungariam movisse. Diverſa hic Scriptorum opinio; Tubero author est Legatum (cui nomen Berhamus) subdole miſſum, injectaque ſpe p̄cis deluſos Hungaros remiſſiores fuiſſe. Spanduginus ait: Legatum hunc tributum petiſſe a Ludovico, at cum dedecore rejeſtum. Iſtvanſſius vero ſcribit: exploratorem potius, quam Legatum fuiſſe, Ludovicum pr̄terea ſuorum conſiliis impulſum, ut Berhamum ad arcem Tatam, cum univerſo comitatu interfici, ac in piſcinam, quæ arcis mœnia alluit, projici juberet. A)

Tot incommodis conſiſtantem Hungariam, ut altius feriret Solymanus, non uno loco impetendam cenſuit. Balibegum B) Semendriæ, & Muſtapham Boſniæ Præfectos, cum valida equitum, & peditum manu ad hoſtilitatem inferendam dimittit. Hi intellecto Strebernicum deſidia Thomæ Mathusnai neque ſufficienti præſidio, neque annona inſtructum, ipſo Thoma in Hungariam proſecto, tenebris faventibus locum aggrediuntur, rati appoſitis ſcalis ſe eo potituros. Acerrime repugnantibus præſidiariis, oppidum cingunt, atque intra decimum diem, fame, & inedia ſubactum capiunt, pacta fide, ut armati incolumes abirent. Sed ventis, & mari, quam Ottomano, fidem tutius habuiſſent; omnes contra fas, fidemque trucidati. Teſſenientes, & Szokoliani ſuæ paucitati diſſi, incenſis arcibus, cum fugam arriperent, plerique a Turcis, ac incolis, qui ad hoſtem defeſcerant, capti ſunt. Propitio Marte c) utendum rati barbari, in Jaiczam vires obvertunt. Præerat arci Petrus Keglevichius, vir intrepidi ad omnes caſus animi. Is cum exploratum haberet, Jaiczam impugnatum iri, exemplo, ubi mœnia non ſatis firma, excubias geminat, ſuos ad omnem occaſionem prælii inſtructos tenet. Turcæ haud procul ab oppido vallem occuparant, noctem ſine tumultu tranſacturi, ut ſub primam lucem admotis ſcalis oppidum adorirentur. Keglevichius dolum dolo eluſurus, centum equites tenebris teſtos, Duce Blaſio Kerio, ultra vallem ab hoſte inſeſſam ſilentio conſiſtere, ac cum e majori machina ſignum daretur, a tergo impreſſionem facere jubet. Ipſe pari aſtu, dubia adhuc luce, puellarum chorum extra oppidum dimittit admonitas, intenta voce ut canerent, ſine metu procederent, ſe in tempore auxilio venturum. Ottomani inſidiarum ſecuri, in prædam improviſo oblatam cæco impetu feruntur. Keglevichius fulminis inſtar ex urbe provolans, a fronte; equites, quos in inſidiis collocatos diximus, a tergo circumfuſi, eos repentino terrore oppreſſos, conſilii-que dubios, adeo peſſime accipiunt, ut pauci, qui nuncium cladis referrent, evaſerint.

At Solymanus parem ſuo animo victoriam quærens, Tauruno, ſive Belgrado imminebat Pyrhi Purpurati conſiliis actus. Ne miles arenam claudibus ſuperiorum annorum infamem (nam & Amurathes Abavus, & Proavus Mahometes amiſſo exercitus flore rē inſecta inglorii compulſi ſunt recedere) expaveſcerent, convocata concione verba fecit: ſe quidem ad reliquam Aliam D) perdomandam animum adjeciſſe, verum cum inſigni injuria Berhamus ab Hungarorum gente affectus ſit, ſe mutato conſilio Hungariam velle aggredi, quam fere ſine certamine obtenturum ſe ajebat. Emarcuiſſe jam priſcam illam fortudinem, qua terrori eſſe poterant vicinis. Nunc ſola fama juſti exercitus, omnia in deditionem ventura. De victoria nihil dubitarent, modo alacres ſigna ſequerentur. Luſtrato exercitu in agro Adrianopolitano, vigefimis quintis caſtris Semendriam pervenit. Pyrhum interea, cum non temnenda copiarum parte Belgradum ire, initiumque oppugnationi facere juſſit; Achmetem, alterum purpuratum, cum equitatu Macedonico, & copiis, quæ Magiſtro equitum Græciæ ſubſunt, ad Szabacium

A) L. VII. B) Iſtvanſſius hanc irruptionem refert ad priorem annum, ſed minus recte. C) Tubero Jaiczenſem eladem ſuæ Hiſtoriæ inſeruit. D) Vide Tuberonem L. XI.

cium subigendum, additis aliquot colubrinis, celeriter dimittit, eo consilio, A. C. ut præclusis itineribus, nemo illinc Tauruno succurrere, nemo secundo a-1521. mne Savo commeatum inferre possint.

Achmetes positus ad Szabacium castris, propugnatores opinione sua constantiores reperit. Centum A) erant pedites, & multo pauciores equites, sed egregia fortitudine numerum pensabant, quibus præerat Simon Logodius vir strenuus, atque expertæ virtutis. Hic adventu hostium minime perculsus, propius accedere ausos telis missilibus arcere, maioribus machinis castra infestare, ferocissimos certis ictibus prosternere, ingenti denique animo defensionem parare adeo, ut Achmetes grandioris formæ tormenta e Solymani castris petere coactus fuerit, quibus muros tanta ruina affecit, ut irruptio commode tentari posset. Cæsis dein opera agrestium arboribus, fossas, quæ superandæ erant, tumultuario opere complent, impeffionem facturi. Potuissent præsidarii navigiis, quorum copia ad manus erat, clam hostibus Savum superare, & in tutum abire, sed viri incredibilis virtutis, æternam nominis sui famam ad posteros transmittere, quam minus decoram inter suos vitam agere, maluerunt. Ergo junctis dexteris mutuam fidem dedere, se ad extremos spiritus præsidium defensuros, nec conditiones a barbaris accepturos, minus de fuga cogitatuos. Achmetes interim fortissimos quosque, ad repellendos e muris dirutis, armatos in aciem educit. Ruunt illi vi maxima per fossas, ac in ruinas eluctati cominus acinace pugnam committunt. Hungari etsi vigiliis, inedia confecti, præsentis animo ferociter repugnant, multis cadentibus e prætorianis, qui Persico, Ægyptiacoque bello exercitati omne discrimen alacres subierunt: tandem cum virtus numero vinceretur, nec sauciis integri substitui possent, ad unum omnes in ipsa murorum strage, & eo, quem tenuerant, loco non sine cæde Turcarum fortissime mortem oppetere. Septingentos in eo assultu amisisse Achmetem perhibetur, sauciatos longe plures fuisse. B) Hoc modo Szabacium, quadraginta circiter millibus passuum Belgrado dislitum, a Mahomete Solymani Proavo ad ripam Savi Sirmiensibus agris commodius incurfantis constructum, atque septennio post a Mathia Corvino magna nominis fama expugnatum, octavo, & quadragesimo anno barbari receperunt.

Expugnatum Szabacium cum inspexit Solymanus; intellecta suorum clade, visisque jacentium Hungarorum vultibus, in hostem ferociter versis, adeo terrore expalluit, ut omnium animos opinio ceperit, si terna duntaxat millia Hungarorum in ulteriori ripa consedissent, haudquaquam exercitum suum trajecturum fuisse. Verum fatis urgentibus Hungariam, lente admodum copiæ confluerant ad Tolnam, ubi Rex cum Palatino Bathorio castra fixit, uterque sinistra valetudine tentatus. Interim ne tam nobile præsidium non Hungariæ modo, sed totius Reipub. Christianæ, in manus hostium deveniret, Rex Andream Bathorium, Stephani Palatini Patruum, Præfectum Belgradi renunciavit. At insigni adversus Regiam dignitatem pervicacia Valentini Törökij, & Francisci Hedervari, vir bellica fortitudine clarissimus, provincia sua exclusus est.

Neque isti tutandæ urbis curam susceperunt. Quæ res haud dubie excidium longe nobilissimæ arcis acceleravit. Administrarunt præfecturæ munus bini eorum Legati, Blasius Olahus, & Michael Morgaius, obscuri nominis, & fidei suspectæ. Flagitarunt illi crebrioribus nunciis a Rege tormenta, pilas, pulverem, cæteraque necessaria in justam defensionem; istud quoque socordia Præfectorum neglectum erat. In tanta perturbatione rerum, cum essent res Belgradenses, Pyrhus Purpuratus urbi copias affudit, & muralibus machinis mœnia quatere incepit. Subinde Solymanus per Savum ponte stratum prætorianos traducit, ut adversam ripam in potestate haberet, ne suppetiæ ea ex parte venirent. Regem enim ad Tolnam castra fixisse probe noverat. Eum ut in pugnam quoquo modo proliceret, Bali-

Imp. Ottom. Tom. I.

O

den,

A) Istvánffius Lib. VII. Tubero solum septuaginta fuisse scribit. B) Cladem magnam passos fuisse Turcas, eorum Annales testantur.

A. C. den, five Balibegum, ad Sirmienſem agrum evaſtandum immittit, qui qui-
 1521. dem innato odio in gentem Hungaram, omnibus locis vaſtatem, cædem,
 incendia infert; Simonium oppidum deditione capit, ac præſidarios fide
 violata partim trucidat, partim in vincula abactos, ſub haſta divendit.
 Triftibus flammis excitus Bathorius regni Palatinus, ad Demetrium oppi-
 dum, Balibegum igne, & ferro Sirmium vaſtatem aggreditur, & acie vi-
 ctum in caſtra rejicit; ipſe cum nobilioribus captivis ad Ludovicum ſe reci-
 pit ſuorum paucitati diſſuſus, campumque dedit Ottomanis nova incendia
 per amæniffimam regionem ſpargendi. A)

Dum Solymanus in expugnandam urbem omnem operam impendit,
 duo Thraces præmiis illecti, turpi transfugio rem Chriſtianam, & urbem
 prodidere. Nimirum AUREA CLAVI munitiffima etiam loca referantur,
 & facile trahuntur in alienam poteſtatem, ſi domeſtici hamo aureo capian-
 tur. Horum conſilio tormenta, eam in inſulam, quæ e regione Savi in
 Iſtrum illabentis protenditur, illico provehi, & e ſuggeſtibus mænia præter
 opinionem infirma, acerrime verberari imperavit. Oppidani hiantibus mu-
 ris, non expectato inſultu, ſe in arcem recipiunt non ſine perfidiæ nota.
 Occupata urbe ad arcem perdomandam vires verterunt. Protracta præter
 ſpem oppugnatione (jam enim ſexageſimus dies obſidionis fluxerat, & præ-
 ſidarii non niſi quadringenti, hoſtiles impetus viginti, invicto corporum,
 animorumque robore pertulerant) prope erat, ut Solymanus conclamatis
 vallis Byzantium recederet, cum neſcio quis (Gallum alii, Italum fuiſſe Iſt-
 vanffius ait) ſummo dedecore Chriſtiani nominis Pyrho, Achmetique per-
 ſuadet: ad frangendam præſidiariorum pervicaciam cuniculis agerent, pro-
 pugnacula pulvere ſuppoſito in auras ejicerent: hac arte præſidium, cæte-
 roquin invictum caſurum. Itaque ad ſubruendam Miliariam turrin præ-
 grandis cuniculus celeri foſſorum opera exſtruitur, qui tamen hoſtibus
 e ſententia non ceſſit. Quippe propugnaculi pars in auras ejecta ita recidit,
 ut novam munitionem irrupturis oppoſuerit.

Nihilominus Thraces exciſæ turris ruina tanto terrore perculit, ut
 fracti animis, nullaque ſociorum Hungarorum habita ratione, literas ſagitis
 alligatas ejaculari, ac de deditione cum barbaris nefaria conſilia miſcere non
 dubitarint. Præſecti Hungari, cum nulla ratione eos e tam turpi nundina-
 tione dimovere poſſent, & propugnaculi ſtrage amentes oppidani, in aper-
 tam ſeditionem exardeſcerent, ne capti dederentur Turcis, pactis conditio-
 nibus, ut ſibi, conjugibus, liberis poteſtas abeundi, quo vellent, daretur,
 arcem tradunt viceſima nona Auguſti. Eodem die ſole inclinante inter ar-
 matos Janicsarorum ordines, egredi juſſi, Hungari contra datam fidem ad
 unum omnes interfecti ſunt; B) nec meliori fortuna uſi Thraces, quorum
 major pars ferro cecidit, pauci admodum, quibus ſenior ætas præſidio eſſe
 debebat, in ſervitutem, morte omni crudeliorem, raptati cum familiis,
 Byzantium deportati ſunt, Divina nemefi eorum perfidiam vindicante.
 Hac inſigni victoria potitus Solymanus, incredibilem animo concepit lætiti-
 am, cum aditum ſibi aperuiſſet ad reliquam Pannoniam perdomandam. Urbi
 præfecit Balibegum Semendriæ Præſectum; ipſe ſæviente jam autumn-
 o, victorem exercitum Byzantium reduxit, atque in ſuas ſtationes ita dimiſerat,
 ut primo vere ad Rhodum terra, marique obſidendam adeſſet. Cæterum
 fortuna haud oblita ſui moris, lætiti-
 am iſtam domeſtica calamitate confudit.
 Nam Adrianopolim verſus iter habenti, trepide nunciatum fuit: filium na-
 tu majorem, annum ætatis nonum agentem, morbo extinctum. Nova
 non multo poſt perturbatio Imperatoriam aulam excepit, jurgio non levi or-
 to matrem inter, & conſortem Solymani. Cum illa acrioribus, quam par
 erat, verbis, mærore alioquin dejectam nurum caſtigafſet, & ſæminea di-
 cacitate perſtrinxifſet, quaſi ipſius incuria Princeps, ſpes Imperii, deceſſiſſet;
 illa ſimul dolore amiſſi filii, ſimul quotidiani jurgii, atque reprehentionis
 impa-

A) Iſtvanffius loco memorato & Tubero. B) Ita quidem Hiſtorici; verum decretum anni inſequen-
 tis in conventu Budenſi editum, aliud prodere videtur. Vide articulum LX. anni MDXXII.

impatientia prope amens, dum socrum frustra abs se amovere nititur, ar-A. C. repto pugione, quem fæminæ Turcicæ e Principum domo ortæ, e sona 1521. pendentem gestare solent, eidem luculentam plagam impegit. a) Quæ res ut Solymanum acerrimo dolore uffit, ita civibus de ejusmodi fæmineis litibus amplissimam suppeditavit materiam sermocinandi. Sed jam anni vigesimi secundi expeditio, haud sane læta rei Christianæ, enarranda est, qua Rhodus, insula celeberrima, in potestatem Turcarum venit.

Vixdum absterfa hyeme, Solymanus cum feroci sua indole, tum ve- 1522. teri odio in Equites illius insulæ accensus, robur totius Imperii contrahit, suo ductu mari gesturus bellum. b) Equidem Purpurato Pyrro, cæterisque facile in mentem venit, Rhodum hac expeditione impetiturum iri; sed versabatur omnium ob oculos superiorum annorum clades, qua Mahometes turpiter fractus amisso flore militiæ fugienti similis Rhodiis herbam porrexit. Istud præterea omnium animos vehementer concussit, quod ipse Imperator adeo infido elemento salutem suam vellet committere. Mare periculis fæctum nullo discrimine in navigantes desævit; & si ab hoc induciæ forent, tamen pugna navali coorta, quam facile prætoris navis fluctibus hauriri potest? certe Christianis non deerunt animi ad Rhodum, Palladium suum, nervis omnibus defendendam. Verum magnanimus Princeps arrepti propositi tenax, haud passus est se in mitiora consilia flecti. Didicerat ex Patre suo: VICTORIAS, ni Imperatoris manu metantur, plerumque corrumpi, certe non integras esse. Itaque ipse omni periculo spreto ad hydram illam perdomandam ire statuit. Et erant non leves causæ, quæ Solymanum impulerunt. Noverat Majores suos e Caucasii antris progressos, sola armorum felicitate Asiam, Thraciam, reliquam Græciam, everfis nobilissimis Imperiis, Byzantino, & Trapezuntino subjugasse; omni prope Illyrico subactis, Hydrunte capta Italiam aperuisse; ultimis his annis Syriam, Ægyptum amplissimo Imperio adjecisse; verum ex Lesbo, Chio, Peloponneso, Eubœa, Propontide admodum arduam, atque periculi plenam navigationem intelligebat, quoad Rhodus milite, classe, armis præpotens mari dominabatur. Nam crebrius inimica classe oras Asiæ, Syriæ incurfarunt Rhodii, navigia Ottomanis erepta in triumphum abduxerunt, prælio navali plerumque superiores. Præterea uffit Solymanum, urbem Turcico nomini perpetuo infestam, in visceribus Imperii sui opibus, dignitateque florere, quæve auderet caput erigere, circumjacentibus insulis, atque regionibus jure armorum plene subactis. Ad hæc superiori anno Taurunum expugnatum, ambitiosissimo Juveni in dies majores animos afflavit. Denique Principum Christianorum in suam perniciem susceptæ dimicationes; apparatus navales a Selymo maxima cura adornati stimulos acuebant, ut belli aleam contra Rhodum tentaret.

Id temporis, Fabritio Carectano vita functo, Magni Magistri Equitum munus obibat Philippus Vilerius Liladamus gente Gallus, vir præstans animi magnitudine, & bello in Gallia, Hispania, administrato spectatissimus. Vix Rhodum appulit Liladamus post difficillimam navigationem, cum adfuerent Oratores Solymani cum literis, quas e Fontano scriptore Rhodii belli, desumptas damus. *Solymanus Traccus, c) DEI gratia Rex Regum, Dominus Dominantium, maximus Imperator Byzantii, & Trapezuntis, Rex potentissimus Persidis, Arabiæ, Syriæ, ac Ægypti; Dominus Asiæ & Europæ, Princeps Mechæ, Aleppi, Hierosolymarum Dominator, possessorque maris universi. Philippo Vilerio Liladamo, Magno Magistro Rhodi, & Asiæ Legato salutem. Adventus tuus in Asiam, initusque Principatus affecit me*

Imp. Ottom. Tom. I.

O 2

incre-

a) Tubero L. XI. quo etiam Historiam sui temporis finit. Scriptor facundus, sed liberrimi calami, quem bilis in Veneros, & alias nationes vehementer acuit. Præcipitis judicii. Pontificibus Rom. admodum infestus; ut merito de hominis sincera Religione dubitare possis. b) Jacobus Fontanus Brugenfis tres libros conscripsit de expugnata Rhodo, periculi, & laboris particeps, quem secutus sum in plerisque. c) Fortassis more Persarum Schachus legendum, aut Schyakus, ut habet Ortus, & Occasus Transylva. Laurentii Toppeltini, apud quem immania, fastusque plena nomina legere licet pag. 174.

A. C. *incredibili voluptate, atque ut eum seros in annos felix obtineas, ex animo*
 1522. *cupio. Spem vero firmissimam concepi, tua virtute, & fide superatum iri*
omnes, qui retroactis temporibus Rhodo præfuerunt, quibuscum Majores
mei amicitiam coluerunt. Hac ut inter meam, tuamque gentem incorrupta
floreat, adnitar. Superiori anno nobilem in Pannonia victoriam adeptus
sum. Trajecto Danubio, Belgrado, aliisque munitionibus expugnatis, Hun-
garorum Regem frustra in campum provocavi. Quapropter extremo æsta-
tis victorem exercitum Constantinopolim deportari jussi. Vale. Constantinopoli.

Recitata in Senatu epistola, facile assecuti sunt Solymani mentem; verbis equidem amicitiam offerre Rhodiis, reipsa bellum atrocissimum in insulam moliri. Visum est igitur eadem arte barbarum petere, datis hunc in modum literis. *Philippus Vilerius Liladamus Magnus Magister Rhodi, Solymano &c. Ex epistola & nuncio tuo victoriam de Hungaris reportatam intellexi. Amicitiam tuam, ut debeo, facio maximi. Eam infregit Cortugolus pirata, qui me e Galliis navigantem infestis armis opprimere volebat; ausus etiam intempesta nocte amicos portus infestare, & Cretensium navigiis vim inferre. Verum toto litore propulsus omnem prædam, insulamque deferere coactus est. Dabam ex Rhodo.*

Fuit Cortugolus, sive Curtoglius ævi sui celebris pirata, mareque infestum reddidit multis annis. Liladamum ad Maleæ promontorium incipere conabatur, sed spe sua excussus, in portum Rhodium impetum fecit nocturno tempore. In fugam compulsus ab excubitoribus, celeritate navium suarum evasit. Bini ipsius fratres latrociniis infames, a Rhodiis intercepti fuerunt. Tertius in vinculis diu habitus, & obsessa jam Rhodo ærumnis fractus mortem obiit. Subinde Cortugolus Byzantium accitus, Solymanum in Rhodios peracerba oratione incitavit, Pyrro Purpurato, mores aulicos induto, Imperatoris animum vāsanis molitionibus incendente. Vehementibus itaque, ac retroactis temporibus ad naves exædificandas incubuerunt Constantinopoli, in insula Chio; omnisque celebrior portus opera fabrorum fervebat. Nunquam sane impensius construendæ classi insudatum fuit; Europa, Asiaque in expectationem tanti apparatus erecta. Fiunt præterea delectus militum in Europa, & Asia, legionarii victoriis innutriti & stativis evocantur, navigia omni apparatu bellico instruuntur. Quem in hostem tanta tempestas effunderetur, anceps opinio multorum erat. De industria Turcæ sparferant, ut Rhodios imparatos opprimerent, in Italiam bellum transferendum, aut Cyprum, A) Corcyramve invadendam. Rhodii imminentis belli metu excitati, velut jam præ foribus hostis præsto esset, sui præsidii junctis viribus curam sumpsere. Ligna cæsa in usum navium, arma omnis generis expedita, annonæ vis maxima importata, ad ferendam longiori tempore obsidionem, molæ intra mænia extructæ; muri, propugnacula, captivis in partem laborum venientibus, instaurata; omnis denique Liladami industria in eo defudavit, ut præsidium adversus barbarorum vim quam optime firmaret.

Dum hæc ingenti ardore aguntur, alteras ad Magnum Magistrum dedit Solymanus, quibus & Pyrhus, homo vaferrimus, suas annexuit. Ne lector eas desideret, fere totidem verbis e Fontani commentariis huc trans tuli, ex quo ego non pauca cum delectu in rem meam verti. *Solymanus &c. Magno Magistro Rhodio Legatoque Asiæ salutem. Victoria anno præterlapsa obtenta ad limites Hungariæ, stimulos mihi addit alias, atque alias metendi. Si quid feliciter militiæ egero, te certiore faciam. Constantinopoli. Pyrhus vero in hanc fere sententiam scripsit. Epistolam tuam Imperatori maximo tradidi. Cursorem Rhodium, hominem agrestem, ac infimo loco natum aspectu Imperatoris arcui. Inposterum viros mitte Byzantium ingenii facilitate, prudentia, & eloquentia præstantes, aulicarumque consuetu-*

A) Cyprus Insula mari Mediterraneo, Pamphilio, & Syrio clausa. Paphus, Amathus celebrem eam fecere apud Poetas, unde Amathusia dicta. Descriptionem illius reperies apud Strabonem L. XIV.

fuetudinum gnaros. Id si feceris, tibi, tuisque consules. Vale. Hæ literæ A. C. magnos animorum motus inter Equites concivere, alii in eam sententiam 1522. concesserunt, ut Oratores mitterentur ad Solymantum pacis stabiliendæ causa: Pyrhum ætate gravem alioquin a belli consiliis abhorreere, illius opera Imperatorem posse ad mitiora flecti, & imminentem cladem ab insula, a suis cervicibus amoveri. Qui isthoc munus obirent delecti sunt Raymundus Marchetus Hispanus, & Castrophylaca civis Rhodius Turcicæ linguæ gnarus. Alii, ne summi viri manifesto discrimini objicerentur, intercesserunt, rati mala fide agere Pyrhum. Igitur consilio mutato, solum epistolæ ad Solymantum, & Pyrhum datæ. Qui eas perferret Byzantium, Turcico nuncio adjunctus erat Rhodius quidam e plebe. Vix litori navis appulsa, continuo Turca in equum insiliens, citato cursu Constantinopolim versus iter arripit. Rhodius re improvisa perturbatus, quam in viam se daret ignarus, ad suos rediit; cuius reditus omnem spem pacis abrupit.

Ex eo die Liladamus in belli curas omnibus nervis incubuit. È Cretensi A) insula optimi saporis vina advecta cum sagitariis mercede conductis, quorum insignis peritia tela jaciendi in hostes, maximo emolumento fuit obsessis. Convolarunt præterea literis Liladami evocati, ad hoc belli theatrum viri fortissimi, & ab communi potius hoste in Asia, quam Christianorum cadaverum acervis ad Rhenum, Mosam, aut Padum, Heroum nomen quærere maluerunt. Joannes Lupus cognomento Bellovacus, navim frumento onustam in Rhodum egit, qui deinde in Britannico progugnaculo tuendo, fervente undique pugna, non leve vulnus accepit. Antonius Bouladius triremem delecta militum manu, & omnis generis commeatu instructam adxit. Atque ob istud in Rhodios studium, præter morem a Magno Magistro in numerum Equitum receptus fuit. Ferunt hominem humili, tenuique fortuna natum. At nullum inde dedecus: QUANDO QUIDEM præstat magnum fieri, quam oriri. Dominicus Fornarius Ligur Alexandria navigaturus in Siciliam, motus præsentis discrimine Rhodiorum, ad insulam defendendam animum appulit.

Alphonfus Eques, dum sua biremi oras hostiles explorat, a piratis oppressus hosti in prædam cessit, majori utique ignominia Rhodiorum, quam detrimento, quod jam longissimo tempore nulla navium in barbarorum potestatem venerit. Haud meliorem fortunam expertus est Jacobus Xaycus, vir strenuus, ac rei maritimæ peritus. Hic comite Menetono Equite Gallo exploratum missus, ecquidnam sibi vellent nocturno tempore crebriores ignes in hostico? dum se Turcarum fidei committit, obside accepto; in vincula abreptus Byzantium abducitur, ubi acerbissimis pœnis tortus, Rhodiæ urbis obsidendæ modum edere est coactus. In hoc obside patuit fraus plusquam Punica. Nam is e grege pastorum temere raptus, splendore vestium Principem mentiebatur; neque ex eo resciri aliud potuit, quam se e trivio natum, & Turcas bellum moliri. B) Postquam in Xayco per fraudem intercepto, scintilla belli apparuit, nemini jam dubium erat, brevi in apertum incendium erupturam. Serpunt enim mala pedetentim, nec contenta sunt infortuniis privatorum, nisi & Rempub. corripiant. Liladamus tot, tantisque impendentibus malis aggeres quodammodo oppositurus, provinciam, quam recens iniverat, non minus prudenter, atque fortiter administravit. E publico armamentario tela deprompta, & civibus ad tuendam salutem patriæ distributa. Æreis machinis, quarum ingens copia aderat, mœnia, propugnacula firmata. Vigiliæ ad custodiam urbis, majori, quam antea numero positæ. Lustrum deinde conditum: qui arma ferre possent, quina fere millia explebant, inter quos sexcenti Equites erant prisca nobilitate, virtuteque bellica præstantes, & quingenti Cretenses. Præterea

O 3

classis

A) Creta insula multis nominibus celebrata Poetis. Cingitur mari Ægeo, quod Creticum dicitur, & Lybico. Unde Virg. Creta Jovis magni medio jacet insula ponto. Strabo L. X. eam describit. Promontorium Malvæ vitibus nectarei saporis confitum, multorum ingenia, & calamos acuit. B) Fontanus L. I.

A. C. classis suos milites, nautas, tormenta habuit: & super hæc omnia Duces
 1522. magni nominis, maritimisque victoriis claros Michaellem Vitalem Gallum,
 Seringum Vandalum, & Nicolaum Megonem Rhodium. Neque Præsules
 suis deerant partibus, quorum alter Archi-Episcopus Latinorum Leonardus
 Cœlestinus Ligur, alter Græcorum Clemens, milites, cives ad dimicandum
 pro aris, & focus hortabantur. Horum facundia adeo accensi sunt omnium
 animi, ut ægre ferrent, nondum adesse hostem, quocum manus pro Repub.
 Christiana conferrent. Non diu intra vota desiderium hæsit.

Paucis post diebus Byzantio adfuit nuncius cum turma equitum, qui
 non ausus Rhodum petere, in hostico substitit, crebrisque ignibus noctur-
 no tempore signa dedit, se velle colloqui. Extemplo missus est Castrophila
 cum armata triremi; sed Xayci sinistro casu cautior, pedem non extu-
 lit e navi, frustra agentibus Turcis, ut in litus cum suis egrederetur. Tur-
 cæ coniectis temere telis ad navim, velocissimo cursu profugiant, relictis li-
 teris Solymani super saxo, minarum, & superbiæ plenis; quibus revocans
 Equitibus in memoriam maritimas excursions in mercatores, subditos Impe-
 rii Ottomanici, ait: *se tot injuriis merito impulsam, ut Rhodios, veluti
 publicæ pacis perturbatores, insula armis proturbet. Quod si sponte regio-
 nem clementiæ Imperatoriæ dediderint, Religionem sartam, testamque con-
 servatum iri: si decesserint insula cum omni supellectili, familia, apparatu
 castrensi; sibi perinde gratum fore. Cæterum spem omnem ponerent insulam
 propugnandi seu domestica virtute, seu exterorum auxiliis; sibi fixum, sta-
 tutumque esse, non ante belli curas abjecturum, quam Rhodum sui juris effi-
 ciat. Postremum monuit: utriusque fortunæ documenta inspicerent, ne
 contumaciam cum pernicie, quam obsequium cum securitate malint.* Lilada-
 mus iniquissimas condiciones aspernatus, armis suam, suorumque liberta-
 tem defendendam suscepit. Agros, campos demessis late segetibus, ne ho-
 sti cederent, igne corrumpit: ædificia prope urbem posita dejicit: arbores
 agrestium opera succidit, tanta celeritate, ac sævitia, ut paucos intra dies
 lætissima insula squallorem præferret. Sexto tandem calen. Julias, classis
 Ottomanorum e monte, Divo Stephano sacro, provehi visa, oppidanos
 tristi spectaculo in muros excivit. Ferunt tercentum navigia variæ formæ
 bellico apparatu prævalida fuisse, & ducenta millia armatorum, cum qua-
 draginta millibus fossorum ad cuniculos agendos. Appulsa in portum Phy-
 scum a) inter nautarum, militumque clamores classis, civium oculos, ani-
 mosque turbavit, dum inconditam multitudinem barbarorum cernerent in
 exitium Rhodi ruentium. Mox Pyrrhus, supremus armorum Præfectus cum
 Mustapha Purpurato, militem continenti exposuit, terra aggressionem fa-
 cturus. Gallipolitanus Præfectus b) principem curam impendit classi, ma-
 rique clauso, ne quid subsidii sperarent obsessi, propugnacula mari obversa
 infestare cœpit.

Jam pene obsessa urbe, Liladamus Christianorum Principum opem
 oravit. Ad Imperatorem Carolum V. in Hispanias Ludovicum Andugum;
 Romam ad Pontificem, Patresque Purpuratos Antonium Bosium; ad Gal-
 liarum Regem Claudium Ducenvillum misit. Omnium aulas circumcursan-
 tes, præter verba nihil impetrarunt, sive aliis impliciti bellis, sive Rhodo non
 multum metuentes, quod firmis operibus munita ante annos non multos,
 hostium conatus fortiter retuderit. Jacet Urbs Rhodus c) loco aperto, &
 corona undique cingi potest, si naves adsint. Qua septentrionem spectat,
 portum firmissimi operis habet, turribus in mare procurrentibus, quæ tu-
 tam navibus adversus piratas stationem præbent, eaque pars satis defenditur
 mari. Cæteras urbis partes agri, campi que fontibus irrigui, & collibus le-
 niter surgentibus interdistincti, frugiferisque arboribus consiti, excipiunt.

Sed

a) Phiscus celebris portus, a Rhodo octodecim milliariis Græcis diffusus. Ortelius in sua Geo-
 graphia Natoliæ, hunc portum Fischio appellat. b) Quis fuerit iste Præfectus? Fontanus si-
 let. Alii Cortugolum fuisse tradunt. c) Vide civitates orbis terrarum opera, & studio M
 Georgii Braun Agrippinensis collectas, ubi Rhodum spectatam habes.

Sed quod natura parce admensa est, id ars abunde supplevit. Nam triplici A. C. muro versus continentem circumdata, præter quina propugnacula, tredecim turre pulcherrimo ordine superbe ostentat. Munimenta sane omnibus numeris absoluta. Adde dein disciplinam militarem nobilissimorum Equitum, quorum præclara gesta, Europam, Asiamque secundo rumore pervaserunt. Turrim a Francis dictam, & spatium, quod inter hanc, & Ambrosianam portam interjacet, Galli defensabant Duce Joanne Aubino. Germani Equites sub signo Aquilæ, ad portam Divo Georgio dicatam suum manipulum explicuere. Hos iterum exceperunt Galli cum Hispanis. Istos Britannii Duce Magno Magistro. Tandem Galli Narbonenses; Itali Ducibus Petro Balino, & Gregorio Morgulo reliquam partem urbis tuendam acceperunt. Illud eo consilio factum existimo, ut diversæ nationes æmulatione ductæ, pro gloria gentis suæ adniterentur, stationes sibi attributas pro viribus defendere.

Interea Pyrrhus eminentiori loco ad urbem commodius verberandam occupato, Britannicam stationem, levioribus machinis impetiit, quod magis exercitandi militis causa fecerat, quam præfidiariis nocendi. Coepti deinde suggestus, & fossiones subterraneæ, ingenti multitudine agrestium ad opus succedente, machinatoribus turbam imperitam dirigentibus. Rhodii, quo incautos opprimerent, non tormentis, sed levioribus telis, e manibus strenue incumbentes impedire velle videbantur: ubi conspiciunt fessos, ac sudore diffuentes operi instare, ferocissime erumpunt. Agrestes aratro aptiores, quam pugnae, in fugam effusi, tormentis e turribus adeo male accepti sunt, ut campus ille cadaveribus sterneretur. Nihilo felicius e castris accurrentes sine ordinibus, pugnae initium dedere. Crebrioribus ictibus machinarum disiecti, fugientium agmen auxerunt. Janiciferos præprijis eruptiones deinceps etiam feliciter susceptæ exterruerunt, qui fossoribus ad custodiam dati, Equitum impetus sustinere debuerunt, operis fugam capessentibus. In hunc modum sæpius clade illata ab obsessis, tantus metus plerosque incessit, ut abitum minati, fere in apertam seditionem exarserint. Itaque vecordes, & disciplinæ militaris obliti, seditiosis vocibus castra perturbant, ferociusque, quam alias, adorti Præfectos, ut obsidionem solverent, urgent; invictam Rhodiorum virtutem uno ore testantur. Neque Pyrrhus panico terrore correptos, ad officium revocare potuit, quamvis barbarum authoribus gravissimas poenas irrogaret.

Quare Byzantio Solymanum A) trepidis nuntiis evocat, ut sua præsentia militi animum, castris disciplinam restituat. Per eosdem dies nonnulli Rhodiorum, Liladamo animos addente, navicula castra Turcarum petierunt, pomis, peponibus, referta. Nox dolum adjuvit, ut nescirent, unde solvissent. Nam præterquam quod hostilem linguam callerent, hostium etiam more vestiti erant. Divenditis fructibus cum tenebris incumbentibus abitum fingerent, non pauci Ottomanorum, quos Rhodiorum eruptiones perculerant, nautas orant, ut se certo mortis discrimine subducant, atque una in patriam deportent. Rhodii id facinus detestari, supplicium ostendere, si interciperentur, naviculam paucorum hominum capacem oggerere. At salubria isthæc monita pavore cæci non admisere. Octoni ex omni numero accepti, celeri remorum impulsu in portum Rhodium devecti sunt. Tum sero temeritatem damnantes, pro patria ærumnas carceris nacti sunt. Atque ex his cognitum fuit, quantus pavor obsidentes teneret. Tandem vigesima quarta Augusti Solymanus, facto per Cariæ, Liciæque provincias itinere, in castris adfuit, adductis quindecim millibus peditum. Vix partem castrorum obierat, facile intellexit Pyrrhi querelas longe modestiores esse, atque ipse e disciplina fluxa, desidique palmari sui militis hausit. Ut gravissimos morbos curaret, eo severitatis delapsus est, ut multorum sanguine seditionem vellet extinguere, veteremque disciplinam, & vigorem animi gravissi-

A) Annales Turcici produnt: Solymanum cum copiis terrestribus venisse per Natoliam, missis jam ante Mustapha in Rhodum. Inde exercitus Ottomanorum novis suppetiis auctus est,

A. C. gravissimis suppliciis in milite fuscitare. Sed mitior vicit sententia suadente 1522. Pyrro, animos militum amore potius, quam timore occupandos, ne subla-
ta spe veniæ pertinacia accendantur. Ut primum licuit, Janicsarorum con-
cionem advocari jubet, & cum frequentes coissent, armatis, quos secum
adduxerat, circumdat. Tum in medium procedens gravi oratione milita-
rem violentiam, ac desidiā castigavit, memorans Majorum suorum trium-
phos, quos militum constantia, ac invictum animi robur peperit. *Versari,*
ajebat, etiamnum ob oculos, victricibus armis subactum in Pannonia Belgra-
dum: Syriam, Ægyptum iisdem armis debellatas. Rhodios eandem fortu-
nam subituros, modo Imperatoris edito obaudiant, signa alacres sequantur.
Turpissimum fore, deserto Imperatore, desertis Ducibus victores tot regio-
num, ac urbium in patriam redire transfugarum instar. Triumphaturos
Rhodios, si absque præmiis victoriæ ex insula Byzantium inglorii petant.
Citatos deinde ordinum Ductores, seditiosorumque antesignanos, con-
ceptis verbis, ut fide obstringerent se non ante excessuros insula, quam
Rhodus totis cervicibus jugum acceperat, coegit. Juvat hic ipsius Soly-
mani jusjurandum adnectere. *Rhodium donec domuero, hic aut mori, aut*
consensescere decretum; secus si unquam dixerō, fecerove, tum hoc caput
cum classe, exercitu, & Imperio diris obnoxium, devotumque semper esto.
Atque in hæc verba milites adacti.

Coercita seditione, miles ad pristina officia rediit, Ducumque ala-
critatem æquavit. Continuo pluribus locis suggestus erecti, missilibusque
ignibus urbs infestata. Post eum diem crebriora incendia grassabantur, ma-
lumque istud vehementissime oppidanorum industriam acuebat. Ne frequen-
tes vici corriperentur, Æthiopes, servile genus, ad incendia restinguenda
perpetuo excubabant, eorumque solertia celeriter sopita, urbem metu sol-
verunt. E turri præterea ære campano signum edidit excubitor, quoties pilæ
pulvere nitrato fartæ, in urbem injicerentur: unde ære sonante cives, mi-
litesque in tutiora semet recondentes, adeo exiguo damno affecti sunt, ut
duobus millibus pilarum haud plures, quam deni sternerentur. Ejusmodi
volitantium mutuo ignium militari spectaculo, multis diebus obsessi, pasti
fuerant, donec Judæi cujusdam, arte medendi celeberrimi, a) perfidia res
prodita Turcis, parcius in posterum pilas ignitas injecere. Itaque multo
acrius propugnacula, atque turres verberabantur, quam antea, quibus in-
tegræ Rhodium dedendam utique desperabant. Quadraginta machinæ mu-
rales diu, noctuque majori fragore, quam mænium strage detonuerunt.
Globos tum faxeos, tum ferreos novem, nonnunquam undecim palmarum
vomebant tanta copia, ut in singulas stationes, triginta supra centum quo-
tidie caderent. b) Rhodii contra machinatores, artis suæ peritissimi, certis
ictibus tormenta hostium impetentes, inutilia reddidere, quantumvis vali-
dis tignis, ac asseribus septa forent, & nisi pulveris pyrii timuissent penu-
riam, haud dubie conatu suo dejecissent hostes. Sed nusquam minori suc-
cessu Ottomanī vim suam exeruerunt, quam in turrē a Sancto Nicolao di-
ctam, c) cui præsidium inerat trecentorum militum, Equitum triginta,
Guioto Raguso Præfecto, homine Gallo. Hanc illi obversis e classe tormen-
tis subruendam duxerunt. Verum cum quingentis ictibus necquidquam
proficerent, & cladem non mediocrem acciperent, irritō conatu discessere,
neque deinceps quidpiam in eam tentatum.

Cum admodum lente procederet oppugnatio, & munimenta firmio-
ra essent, quam ut ictibus tormentorum procumberent, cuniculis molien-
dis vis tota impensā est. Quatuor supra quinquaginta agrestium labore acti,
mænibus, atque propugnaculis stragem intulerunt. Urbs tota istiusmodi
subterraneis cavernis suffossa, proxima exitio fuit. Ut recte, ordineque cu-
niculorum opus decurreret, Duces partito inter se labore, diversā propu-
gnacu-

a) Fontanus L. II. b) Ipse Fontanus pene vitam amisit, dum forte globus majoris molis mænīa
transvolans, ambulātem urgeret. c) Ea turris liberalitate Ducum Burgundiæ assurrexit, ut
insignia marmori incisa ostendant.

gnacula delegerant. Mustapha Britannicum, Pyrrhus Italicum, Achomates A. C. cum Janicsarorum Aga Hispanicum. Æmulatione oborta, miro studio ex-1522. arserunt fossiores, militibus immixti, effectumque continuato per dies, noctesque labore, ut cuniculi extructi supremam manum admoto igne desiderarent. Martinegus, apud Rhodios princeps machinatorum, suo muneri haud defuit. Quidquid artis longo usu comparaverat, perdiligenti opera, ingenti nonnunquam obsidentium damno, exprompsit. Adversis substru-ctionibus hostium conatus excepit, strenueque eruptionibus factis fossarum labra corruptit. Duos, & triginta adeo cuniculos, irritos reddidit, & quam moliebantur stragem mœnibus, in suos authores refudit. Impedire tamen haud poterat prægrandem cuniculum Britannico propugnaculo admotum. Nonis Septembris commodum solutus tanto fragore, ut urbs imis visceribus convulsa contremuerit, Britannicæ molis pars major discerpta conciderit, milites sublimi ejecti, miserrima strage contumulati fuerint.

Liladamus eo temporis pietati vacaturus, sacras ædes adiverat. Immani fragore, concurrentis populi tumultu excitus, ut erat armis indutus, ad lacera mœnia contendit. Quippe Mustapha ad propugnaculum occupandum cum ferocissimis Janicsarorum per lapidum acervos ruebat. Britanni nihil deterriti ingenti hiatu mœnium, aperto pectore impetum excipiunt, minoribus fistulis rem non minus strenue, quam feliciter agunt, hostem denique propellunt. Mustapha suorum desidiam increpans, se solum in medium hostium agmen profiliturum clamat: præeuntem milites sequuntur: redintegratur pugna in ipsa propugnaculi fronte: promptissimi quique e Janicsaris cadunt, rursusque retrusi funduntur. Ceciderunt eo die e Christianis clari nominis non pauci; Michael Dorgelmunt A) propugnaculi, & triremium Præfectus, amisso sagita oculo victoriæ laudem tulit cum Liladamo. Hostis facile mille e suis desideravit. Hanc qualemcumque victoriam tristi nuncio confudit Podius, vir inter suos raræ fidei. Nunciatum ab eo: sibi per transfugas innotuisse, gravissimos cives clam consilia miscuisse cum barbaris: ni malum opprimatur nondum adultum, erupturum cum incredibili Reipub. luctu. Magnus Magister, civium perfidia attonitus, ut authores tanti sceleris e latibulis suis protraherentur, ingentia præmia proposuit. Itaque non adversus solum externos hostes, sed domesticos etiam urbs vigiliis munienda fuit, tanto nocentiores, quanto minus eorum fides suspecta. Sic fervente metu inter oppidanos, Mustapha quinta die post, quam ad Anglorum propugnaculum (nam utrumque nomen apud Scriptores obtinet) cladem acceperat, eandem stationem adortus est. Duo cuniculi majori trepidatione civium, quam jactura soluti ad novam invasionem hominem vix sui compotem impulerunt; septeni Signiferi cum devota Janicsarorum cohorte, celeriter in nuperam eluctati arenam, paucos præsidarios depulissent, ni Magnus Magister, Equitum manu stipatus, in tempore suppetias tulisset. Tres horas atrocissimum certamen extractum, barbari virtute Rhodiorum repressi, duobus millibus desideratis, pugna excessere, frendente Mustapha, ac necquidquam sinistram fortunam diris devovente. At nondum vincendi ardorem tot funera temperarunt.

Tertium multo acriorem insultum adornat, accito in tanti moliminis societatem Achomate, virtute cujus plenam obtentum iri prorsus non ambigebat victoriam. Convenit inter se: simul atque Hispanorum propugnaculum rupto cuniculo eversum fuerit, uterque stationem sibi oppositam invaderent: uterque sibi mutuo auxilio essent. Succusso magnam partem munimento, Achomates sine mora in pugnam provolat; idem & Mustapha cum suis agit. Duobus in locis ancipiti Marte diu, multumque certatum. Mustapha nihilo felicior prioribus præliis, amissis duobus signis prior arenam, multo sanguine tinctam, deseruit. Achomates jam in murorum pinnis lunam victricem fixerat, cum Martinegi consilio e tectis op-

Imp. Ottom. Tom. I.

P

pida-

A) Ricautius Anglus hunc nominat Michaellem d'Agriumont; additque duo millia hostium cecidisse, Fontanum sequi malui.

A. C. pidanorum continenti colubrinarum displosione, capta statione dejectus, Rhodum diis non incruentam victoriam cessit. Nam, nobilissimi Equitum aut occubuerunt, aut honesto vulnere sauciati fuere. Miris laudibus hoc loco celebrat Jacobus Fontanus, Rhodiæ obsidionis perdiligens Scriptor, Christophorum Waldericum, Equitem Germanum, qui binis signis hosti ereptis, voce, & manu ardens, victoriæ pars magna fuit. Joannes Buochius Eques, Ærarii triumvir, & Turco mastix (id dignitatis nomen in Britannica legione fuit) cum aliis dicitur cecidisse.

Solymanus suorum stragem vindicaturus, convocato Ducum omnium consilio, supremam oppugnationem decernit. Insolita in castris concursatio, fremitusque barbarorum non fefellit Liladamum, quidve agerent tanta solitudine, e Christiano captivo, ad mænia repente silentio noctis, intellectum fuit. Igitur Liladamus urbem, suis ruinis consēpultam, adversus maximam hostium vim defensurus, fortissimos Equites hortatur, patriæ, salutis communis memores, suam stationem, ut quam strenuissime tueantur. Hac unica pugna victoriam partum iri. a) Dubia adhuc luce, signa hostium canere, clamor Janicsarorum audiri, armatos properare in diruta mænia. Quinis locis impressio suscepta: at nusquam atrocius, quam in Hispanorum, ac Itolorum stationes furor eo die desēviit. Mustapha superiorum dierum ignominia ferox, pugnam accendebat, Hispanosque vehementissime urgebat. Janicsari, Principe viro tormenti globo interempto, in ultimum furorem acti, frameis cædem late circumferunt. Hispani contra recenti manipulo adjuti pari animo, & virtute repugnant. Non Sacerdotibus, non fæminis, non pueris otium erat. Haud procul inde incredibili pertinacia Italos distinebat Pyrrhus, ut ne laborantibus Hispanis opem ferrent, etsi subeunti discriminis, ac laboris summa incumberet. Conferti ordines destinatis ictibus sternuntur, sulphure candenti, pice liquata, oleo ardente ferocissimi militum excepti. Non alia perniciosior pestis excogitari potuit. Quippe ubi sulphur vestes corripuit, mox propagato incendio acerbissimis doloribus corpora adussit, ut prope amentes, projectis armis, mare peterent. Nec aliter malum sopiri potuit. Inter hæc, dum Magnus Magister cum Anglis ad D. Athanasii b) portam, bellicæ virtutis specimina edit, trepidis nunciis accipit, Hispanorum propugnaculum amissum. Ad illud recuperandum celeriter accurrit, prælium redintegrat. Turcæ loco superiores trucem ululatum edentes tela jaciunt. Hugo Caponus, Hispanæ legionis Tribunus, cum Cretensisbus irrumpit, hunc secutus Aliorus, Hugonis popularis, cum cohorte e turri S. Nicolai adducta, Turcas in angustum redactos ferro confodiunt, triumphum canentes e propugnaculo cum signis deturbant. Solymanus, qui pugnam ex edito spectabat, cum videret fluctuare vexilla, militemque fugæ accinctum, receptui cecinit, amisso militiæ flore. c)

Ira, indignationeque ardens, frustratæ oppugnationis culpam, totque suorum interitum Mustaphæ attribuit, qui solita adulandi arte persuaserat, Rhodum dedendam modo exercitus in insulam deportaretur. Hæc illi sive inconsulta credulitas sive vetus aulicorum vitium, fere capite constitit. Sagitis configendum lictoribus tradidit miserum, jamque manum admovebant illi, cum Pyrrhus ferali mandato precibus intercessit, vitamque, dignitate, & gratia multum imminuta, exoravit. At Ottomanicæ classis Præfectus meritis suæ vecordiae pœnas dedit, quod non ausus occurrere Andugo, homini Rhodio, commeatus urbi inferri sit passus. Cæsus fœdum in modum fustibus, & virgis in puppi prætoriae navis, imperio maris excidit. Adeo QUIDQUID fortuna peccat, Ducibus eluendum est.

tot

a) Solymani, & Liladami dictiones ante universam oppugnationem refert Fontanus l. II. b) Anglicanum, Britannicum propugnaculum, Porta D. Athanasii diversa nomina, eadem res. c) Fontanus haud veretur scribere: viginti millia hostium trucidata. Robertus Perulinus in oratione ad Hadrianum Pontificem dicta, decem millium meminit. E Rhodiis solum centum quinquaginta gregarios, præter aliquot Equites occubuisse idem prodidit. Tentata hæc irruptio vicefima Septembris. MDXXII.

tot sinistros insultus, Solymanus animo concidere, reditum Byzantium me- A. C. 1522.
ditari immemor sacramenti, quo se nuper obstrinxerat. Verum Achoma-
tes ingens Ottomanici nominis dedecus interpretatus, si tanta præda e ma-
nibus laberetur, eum ab indecoro consilio mira, qua valebat, eloquentia
revocavit. Itaque mutata sententia ad pristinam ferociam rediit. In Phi-
leremi montis vertice arx cœpta est extrui ingenti opere, & impensis, ut vel
inde pro certo haberent Rhodii, Imperatorem obsidione pressurum urbem,
neque frigoribus sævientis brumæ cessurum. Achomati interim visum erat,
nova irruptione præsidiarios territare. Rursus non dum obducta vulnera
recruduerunt: victoria penes Rhodios fuit; Turcæ quinis millibus amissis in
castra compulsi. Deinceps non ausi irritare apertò Marte fortunam, per-
ductis ad munimenta fossis, murum alterum dolabris subruerunt, obsessos-
que in angustum admodum spatium redegerunt, igne, ferro consumptis
operibus, quæ ultima necessitas in tantis rerum angustiis excogitavit. Ne-
que quid primum, quid deinde vi ingruente defenderent, satis scire pote-
rant. Nam latitudo spatii ab hoste occupati intra urbem, facile ducento-
rum passuum erat; longitudo centum supra quinquaginta.

Solymanus subinde e consilio Pyrhi clementiæ famam sibi compara-
re studens, Hieronymum Moniliam Ligurem, quem captum in castris ha-
buerat, excubitores propius accedere jubet. Is petita, & impetrata facul-
tate tuto colloquendi, aiebat, se velle quædam conferre cum Mathæo de
Via populari suo. Torovius Eques, vir ingentis animi, intempestivum
colloquium tormenti ictu abrupit. Sed non idem ardor civium animos in-
sedet, qui pone adstiterant. Fessi tot malis, finem calamitatum optabant,
Equitesque non paucos in suas partes pertrahebant, potissimum cum spes
vitæ, fortunarumque affulgeret, si urbs dederetur. Ergo frequentes Ma-
gnum Magistrum circumstant, urgent: cederet necessitati, se una cum mo-
dica manu præsidiariorum civium, Reipub. Christianæ fervet. Consule-
ret sibi, fortissimoque manipulo jam ad incitas redactò, quandoquidem ejus-
dem bellicosi Ducis sit, offerre se periculo, cedere dum superare nequit.
Etiam, atque etiam videret, ne quam ipse generositatem existimat, temeri-
tatis nomine verius appelletur. Uti ab ipso optimi Ducis, ita ab se fortium
militum partes sextum in mensem abunde expletas. In arctum conclusos
vix spirandi, ne dum repugnandi potestatem adesse; nec exigi posse, ut mo-
numentis omnibus convulsis, hostili ferro jugulos subjiciant. Parceret san-
guini miserorum, cui ipse hostis parcere exoptat. His permotus Liada-
mus, Oratores ablegat in castra Antonium Groleum, Rosbertum Perusium,
utrumque Græci sermonis peritum. Solymanus, iræ impotens quærit:
ecquid illorum adventus vellet? reposuere Legati: *se missos a Liladamo, ut*
resciscerent, quam ob causam colloqui postulaverit? ille quasi ignarus quid
actum esset, eos castris excedere jubet; datis ad Magnum Magistrum literis
(qui stilus est iræ) perbrevis, ac decretoriis, quibus jubebantur Rhodii
arma ponere, insulamque Turcarum clementiæ, fideique committere. Ut
de summa rei deliberare possent, induciæ concessæ.

Celerior præter opinionem in urbem reditus Oratorum, in plura stu-
dia, ac partes civium animos distraxit, curiose indagantes, quid rerum in
communem salutem egissent. Fit ingens concursus ad prætorium. Sub-
mota multitudine civium, nobilior pars admissa. Liladamus laxatis episto-
læ vinctulis ad verbum ambitiosi Imperatoris minas recitat apud frequentem
Ordinem. Haud mediocriter omnium, qui aderant, animos exterruit. Mæ-
sto silentio defixi non vocem edere, non animi sensa explicare poterant.
Tum ille: *aut parendum fortioribus, aut fortiter moriendum est nobis.*
Spes omnis victoriæ intercisa, nisi extra subveniant auxilia. Si mea senten-
tia standum putatis commilitones, Rhodique magnanimi; nobilitatem a Ma-
joribus nostris acceptam, bellicam laudem domi, militiæque partem tuebi-
mur; ferro vincendi, vivendique finem facturi. Perquam paucis isthoc
consilium arrisit. Metu attoniti in terram ora defixerant. Græcorum An-
tistes

A. C. tistes Clemens, cunctantibus aliis Rhodiorum causam egit: non irritandam, 1522. inquit, victorum ferociam pervicaci temeritate. Ambabus ulnis amplectenda, quæ ultro Solymanus obtulit. In beneficiis numerandum, quod opes, libertatem, vitam denique ipsam concedat. Hæc omnia jure belli hostium esse. Intra mænia, iisdem fere sub testis, victores cum victis stationes obtinere. Milites, cives labore sex mensium fatigatos, amplius non posse sustinere vim hostilem. Prædiariorum plurimos occubuisse: superesse paucos, quorum corpora exanguia, tot vulneribus perfoesa, tot cicatricibus deformia vix armis gerendis sufficiunt. Ageret Magnus Magister, & bellicam laudem, quam maximam consecutus est apud Rhodios, insigni beneficio absolveret, passionibus Solymani quam primum subscriberet. A)

Ut finem dictioni Græcus imposuit, nescio quis e trivio, nam plebs rumorum cupida arceri amplius haud potuit, intercessit, clamitans: Otomanorum fidem omni aura leviolem, fœderum sanctitatem e suo duntaxat commodo metiri. Involaturos in omnium fortunas, liberos, uxores, si Rhodo potiantur. Meminissent quanta perfidia superiori anno illuserint Belgrado. Præstare generosa morte in armis defungi, quam servitutem perpeti, aut pecorum ritu inermes turpiter trucidari. Quanquam veritati accederent, quæ dixit, tamen haud parvam creabat molestiam civibus, in dedendam urbem sua sponte propendentibus. Confusis itaque vocibus deditio-nem urgent, præcipue seniores, queis ob ætatem, & auctoritas major, & excusatio honestior ab armis, idem suadebant. Liladamus quid agendum foret in sanctiori consilio rogavit, omnium suffragia eo spectabant, ut urbs tradatur; maxime postquam Prejanus, Gabriel Tadinus retulerunt, lacera magnam partem mænia, objecta munimenta defendi non posse. Dum hæc maxima contentione aguntur novum belli incendium exarsit. Fornonus Gallus indignatus barbaros propius accedere urbem, in confertam multitudinem, telorum vim effundit. Eodem tempore e Creta Alphonfus Hispanus, faventibus ventis centum Italos in portum Rhodensem invehit. Tum enim vero conclamatum ad arma: Turcæ sine signis, sine Ducum Imperio in Rhodios impetum facere, opera male cohærentia diffingere, excidium ultimum minitari. Plus tamen tumultus, quam pugnae fuit, cum viderent Liladamum cum Equitibus appropere. In castris tres Rhodii violatas inducias luerunt. Naribus mutilati jussu Solymani, in urbem remissi. Verum posteaquam Nicolaus Vergotus, & Georgius Sangriticus, cives Rhodii, urbis tradendæ pacta attulissent, Solymani furor detumuit. Is numerosum inter exercitum, prætoriam cohortem auro, nitidisque armis ad pompam, & terrorem pone tentorium excubante, deditio-nis condiciones DEO, & Mahomete testibus confirmat. Nempe: sacras ædes avito suo cultu, Religione, nunquam spoliatum iri, neminem unum cogendum ad Mahometis legem, nec rapiendos tenuioris ætatis adolescentes a suis parentibus, aut bello aptos ad delectum vocandos: sub Turcarum potestate mansuros quinquennio integro a vectigalibus liberos fore: abituris cum suppellectili, liberis, uxoribus naves, commeatus dandos in insulam Cretam. Punica fide omnia præstiteret. Effracta Cosquini propugnaculi porta, die nascenti Domino sacro, magno numero irrumpunt. In prædam effusi civium ædibus, templis vastitatem, cædem inferunt. Principem urbis Basilicam non minus pretio, quam arte celebrem, sacrilegis manibus deformant, everso Mausolæo Magistrorum.

Liladamus haud secus discrimine Equitum, quam suo territus, Victoris iram placaturus, humilem vestem indutus, supplicanti similis, in castra abit. Ægre admissus in alloquium, postquam Solymani dexteram osculo strinxisset, ætate, canitie, eloquentia, & super hæc omnia, re militari insignis, admirationi fuit, militisque animum mitigavit. Viri modestia delectatus Imperator, multis agebat, ut suas partes amplecteretur, non defuturas dignitates, quibus tantum Principem sua in aula ornaret.

hoc

A) Hæc more suo copiose prosequitur Fontanus, & utriusque orationem recitat.

hoc ariete Herois virtus pulsabatur. In urbem reductus militari honore, A. C. ipsum Solymanum subinde hospitem habuit sua in domo. Quanquam si- 1522. mulato animo isthoc, uti & alia multa, egerit, feceritque. Nam Liladamum cum cæteris Equitibus Byzantium deportandum, clam suis in mandatis dederat, & non nisi precibus Purpuratorum motus, pactis conventis stetit post cruenta fora, templaque, passim trucidatis, ut quemque fors obtulerat. Itaque Magnus Magister classe quinquaginta navium cum quinis millibus partim militum, partim civium in insulam Cretam a) Venetæ ditionis deportatur, posteaquam ducentis sedecim annis Ordo nobilissimus imperitasset Rhodo. Narrant Scriptores ipsum Solymanum a lachrymis haud temperasse, dum Magnum Magistrum annis gravem abeuntem conspiceret. At crocodili lachrymæ fuerint.

In hunc modum nobilitate, scientia militari, victoriisque celeberrimus Ordo insula exactus est, non levi Christianorum Principum probro, qui privatis æmulationibus, bellisque distracti, hoc commune Religionis suæ propugnaculum nullo loco habuere. Venetis per inducias nihil opis adferre licuit. Adrianus VI. Pontifex naves aliquot armaverat, sed eas maris tempestas in portus rejecit. Rex Anglus, ut procul a calamitate, ita a voluntate succurendi aberat. Spes præcipua in Carolo Hispaniarum, & Francisco Galliarum Regibus erat, sed ad anchoras nusquam solutas, hæsit. b) Ferunt Andream Amaralum, Priorem Castellæ, & Ordinis Cancellarium, perniciem urbi creasse, prodita præsidii tenuitate. Adeo hominem ambitiosum insana æmulatio ussit, ut se, Ordinemque suum perdere nihil pensi habuerit. Proditionis convictus, cum famulo suo, facinoris conscio, capite truncatur. Proditioni alteram labem addidit. Ejurata Christiana Religione Mahometanam amplectitur, ejusque retinentissimus ferrum excepit: Scilicet PROCLIVE est, animum invidia, ambitione, perfidia occæcatum in quodvis flagitium ruere.

Nondum subacta Rhodo, valida factio incubuit in Regulum Dulgadirensē c) Alimbegum, qui e domo Aladeulis prognatus, ad Euphratem nobilissimæ provinciæ hæres fuit, summaque fide in Ottomanos, & pace regnavit. Delatus is fuit falso crimine, quod alienus a Solymano res novas meditaretur; cum Persis clandestina ageret consilia, haud dubie in perniciem Byzantini Imperii evasura, ni obex ponatur. Accessit ad tacitas delationes, aperta illius imperitandi more suorum Majorum cupiditas, qui etsi Mahometani, tamen persæpe bello concertarunt cum Ottomanis, accitis exterorum auxiliis. Atque istud Regulo viam ad interitum stravit. Missus cum exercitu Ferhates Euphratem versus, ut eas provincias in officio contineret, neve Persæ Rhodo obsessa irruptionem facerent, cum non procul a Reguli ditione castra fecisset, simulato gravissimo morbo Alimbegum amicissimis literis, ad se, ut inviseret, rogat: velle se de rebus non ipsi minus, quam toti Imperio utilibus conferre; & cum ultima fata instent, exercitum ipsius fidei permittere. Paruit immatura credulitate, Turcicarum fraudum imprudens. Cum duobus filiis, quos secum adduxerat, feralem ictum subiit, nullius criminis reus, nedum convictus. Hoc turpissimo facinore ingentem terrarum tractum occupavit, & sine sanguine suorum victor ad Solymanum rediit, quem triumphantem Rhodia in urbe vidit, & Constantinopolim comitatus est.

Jam in tristes Hungariæ campos mihi seducendus est Lector, in qui- 1523. bus Mars Ottomanicus, toto furore in universam gentem detonuit. Post

P 3

captam

A) Fontanus L. III. Rhodiorum exulum fortunam prosequitur, nos alia revocant. b) Istvanffius noster Lib. VII. hunc in modum scribit: „ Et quamvis Rhodus a fortissimis Equitibus alba cruce signatis, eorumque Principe, quem ipsi Magnum Magistrum vocant, Philippo Villero Liladamo natione Gallo, acerrime & pertinacissime defenderetur, tamen post toleratas sex mensium atrocissimæ oppugnationis asperitates, nemine ex Principibus Christianis in auxilium clarissimæ urbis adcurrente, quod ii civilibus bellis implicati, armis inter se dimicarent, in manus Solymani devenit. „ Vide etiam Brierium. c) Annales Turcici, codex Verantii. Dulgadiria, ut ait Verantii codex, urbem Marassum, a Marfya fluvio dictam, Metropolim habet propter Euphratem in Armeniæ, Cappadociæque finibus.

A. C. captam Rhodum animis, opibusque elatus Solymanus, exploratam Oceano
 1523. fortunam, terrestri expeditione tentaturus, validissimum exercitum in
 Hungariam effudit, ac uno certamine pristinum gentis decus, & vires cum
 Rege succidit. Levibus præliis fatali pugnae prælusum fuit. In Illyrico A)
 Osterviciam arcem cum oppido hoc eodem anno ceperant Turcæ, tum quod
 a paucis defenderetur, tum quod auro corrupti aditum præbuerint. Nempe
 EXPUGNATIS animis, facile mænia cadunt. Tinninium, & Krupa
 præsidiariorum virtute defensa, hostium progressus sistere.

1524. Nec post multo Ferhates, Bosniæ Præfectus collectis quindecim equitum
 millibus, ac mille peditibus trajecto Savo Sirmiensem agrum populabundus in-
 vadit, relictis ad custodiam navium, quibus flumen superavit, quingentis
 circiter peditibus. Paulus Tomorius B) explorato hostium consilio, suos
 maxima celeritate contrahit. Georgium Battyanium Varadinensem Præfe-
 ctum ad naves intercipiendas, aut cremandas immittit. Ipse in Ferhatem
 incendiis, populationibus cædem, & metum per Sirmium circumferentem
 movet. Vix aliquot leucas emensus servatis militaribus ordinibus, in veli-
 tes impingit. Hi nullo commisso certamine, præcipiti fuga ad Ferhatem
 recurrunt trepide nunciantes: hostem in propinquo adesse, ac acie instructa
 procedere. Nihil territus ille sparsos, palantesque revocat, omnibusque
 copiis pugnae cupidus obviam procedit. Visa Hungarorum acie Turcæ tre-
 pidare, captivos vinculis eximere, spolia, quo ad prælium, aut fugam ex-
 peditiones essent, abjicere. Tomorius, & Banffius suos cohortati, ut de
 prædonibus vindictam sumant; Bodonem, & Bardium, noti in exercitu
 Regio roboris Centuriones, in hostes ruere, atque in eorum adversa pecto-
 ra hastas obvertere, dein gladiis rem strenue gerere jubent. Prædatores
 numero multum superiores nostrorum impetum ægerrime sustinere. Fer-
 hates fugam circumspectantes confirmat, & pugnam frigescentem voce, ma-
 nuque accendit. Verum cum fistulatores Hungari plumbearum glandium
 procellam perpetuo effunderent in fluctuantes, tandem fusi, fugatique
 Istrum petunt. Ferhates cum paucis ut fuga salutem quæreret, induci non
 potuit. Circumventus a Bardio, etsi in orbem fortissime pugnaret, non
 uno vulnere perfossus, sternitur, palpitantique caput præcisum. Amisso
 Duce reliqui in apertam fugam semet conjiciunt, & citatissimo cursu iter re-
 legunt ad focios. Sed & hos a Battyanio cæsos intelligunt, navibus igne
 corruptis. Hic primum in latrones ferro sævitum: nonnulli cursu exhau-
 stos sonipedes in flumen agentes, fluctibus absorpti: pauci abjectis armis
 vincula præ morte habuerunt, reliqui ad unum omnes interfecti, ut ne nun-
 cius quidem cladis, & virtutis Hungarorum in patriam redierit. c)

1525. Turcæ irritati cæde Ferhatis, Jaiczam superioribus annis improspere
 tentatam, hoc anno rursus majoribus viribus oppugnandam sumptere, rati
 intestinis Procerum dissensionibus in potestatem redigi posse, eaque domi-
 ta totius Bosniæ, Illyricique Imperio potituros. Igitur Usreffus Verbosfa-
 niæ Præfectus, Ferhati nuper cæso suffectus, cum Sinane Monasterii, & Ba-
 libego Belgradi, Semendriæque Præfectis, coacto viginti millium exercitu
 ad Jaiczam obsidendam contendit. Præerat loco Petrus Keglevichius vir
 fortis, qui singulari certamine non ita pridem provocatus a Tribuno Turca-
 rum, victor evasit. Hic continuo Ludovicum Regem certiolem facit de ho-
 stium consiliis, utque auxilia in tempore mittat, festinatis nunciis flagitavit.
 Rex etsi nihil dubitaret de Pro-Regum Joannis Karlovichii, & Francisci Bat-
 tyanii fide, ac militari virtute, tamen munus Jaiczæ obsidione dejiciendi ho-
 stes, Christophoro Comiti Frangepano commendavit. Is accitis undique
 legionibus, exercitum sedecim millium summa festinatione conflavit, septi-
 misque castris haud procul Jaicza confedit. Turcæ equestri certamine con-
 gressi, victoriam, majoris augurium, nostris reliquere. Interea obsessi ma-
 gis

A) Istvanffius L. VII. B) Paulus Tomorius spectatæ virtutis militum Ductor, Monasticen am-
 plexus fuit. Volente Ludovico Rege insula Colocensi ornatur, ut regionem Turcis vicinam
 non verbo modo divino pasceret, sed ferro etiam tueretur. c) Istvanffius eodem loco.

gis fame, domestico malo, quam ab hoste premebantur. Igitur Frange-A. C. panus, ne arx in conspectu nostrorum dederetur, commeatu recreandos 1525. censuit. Res e sententia cessit. Petrum Krusichium, attributis peditum validis cohortibus, inferendæ annonæ præfecit, ipse maiorem exercitus partem in aciem collocat, quasi castra Turcarum oppugnaturus. Barbari non detrestantes pugnam extra vallum progrediuntur, ac tribus horis acerrime dimicant. Oppidani in omnem occasionem intenti, eruptione facta Krusichium cum commeatu, & centum peditibus accipiunt, eundemque sub æstu pugnæ incolumem dimittunt. Usreffus nihilominus nondum capiendæ arcis spem amisit; existimans Frangepanum abducturum copias. Sed non is erat, ut obsessis auxilia ostentaret potius, quam ferret. Quapropter cum intelligeret barbaros haud abituros, nisi vi admota cogerentur, suos in aciem disponit, signisque expansis in Turcas procedit. Commisso prælio extra vallum castrorum, pari fortitudine plures in horas pugnatum fuit, donec Usreffi Legatus pila colubrinæ ictus, signum fugiendi dedit. Frangepanus sublato clamore perculsis instat, cæsisque aliquot Signiferis in palantes summo impetu fertur. Usreffus, & Balibegus periti viarum, amisso milite in avia se se recipiunt. Sinan interfecto, quo vehebatur, equo, pedes & vulnere leviter faucius ægre victorum manibus elapsus fuit. Frangepanus ob hanc victoriam amplissimis muneribus, tituloque Dalmatiæ, Croatiae, & Sclavoniæ defensoris ornatus fuit. Battyanius, Karlovichius, cæterique Ducès muneribus donati, fortitudinis præmia retulerunt. E spoliis utriusque victoriæ, Ludovico Regi arma auro, argentoque illusa, Usreffi tentorium Phrygia acu affabre elaboratum, signa præterea centum hosti erepta, Budam transmissa sunt, quæ illum, Proceresque mira voluptate affecerunt.

Binis his expeditionibus favit fortuna Hungaris, ut in victoriæ dulcedine allectos crudelius sæviret, unoque ictu nobilissimam gentem in Mohacienfibus campis in decumanas calamitates præcipitaret. Nihil profecto luctuosius suis in fastis habet Hungaria, quam summam in fatali arena Regis Ludovici, & Procerum utriusque Reipub. jacturam. Hanc Majorum cladem ubertim stylo profecuti sunt tum patrii, tum exteri Scriptores; a) nos eorum vestigia prememus. Solymanus acceptæ injuriæ, qua Legatus ejus affectus erat, fœderisque rejehti memor, ut primum Rhodo Byzantium rediit, curas omnes bello adversus Hungaros reparando impendit. Postquam ex Asiæ, Europæque provinciis grandis b) exercitus confluit, repente Janicsarorum seditio, nescio, quas ob causas, oritur. Aigatis Bassæ, supremique Thesaurarii ædes invadunt, arcas effringunt, omnia pro libidine diripiunt. c) His spoliis succensi, postridie illius diei, nocte animos addente Ibrahimi, & Mustaphæ Purpuratorum domicilia pari audacia aggrediuntur, nemineque obistere auso fores evertunt, trucique ululatu Byzantium complent. Sed sive flagitii conscientia deterriti, sive autoritate Imperatoris ad officium revocati, omni præda, quæ amplissima aderat, abstinuere, redactique in ordinem, domesticam pacem ferocia excussa amplexi sunt. His turbis prospere sopitis, in Hungariam ducit. Imposito festinatione operarum Savo ligneo ponte, universas copias cum æneis machinis Petro Varadino admovet, ac decem dierum verberatione mœnia vetusti operis evertit. Benedictus Alapius loci Præfectus deditionis admonitus, cum nollet hostium fidei suam, suorumque salutem permittere, a Janicsaris assilientibus mœnia, & urbem, trucidatur cum paucis præfidiariis, inspectante Solymano.

Rex Ludovicus per celeres nuncios certior factus, de infesto Ottomanorum motu, cum domesticas vires hostium conatibus impares sentiret, exterorum auxilia solícite circumspexit. Ad summum Pontificem Clementem

a) Dilucide hanc cladem describere Brodericus, Istvanffius, Sambucus, Dubravius, Neugebauer, & alii non obscuri nominis Historici. Steph. Brodericus Regni Cancellarius, & Episcopus Vacienfis prælio interfuit. b) Annales Turcici non nisi quinquaginta, vel sexaginta milium exercitum fuisse dicunt. Levi calculo numerum initum puro. Nostri Scriptores ducentorum, vel trecentorum millium fuisse prodidere. c) Annales iidem.

A. C. tem VII. jam antea Stephanum Brodericum; ad Ferdinandum Austriacum, 1526. id temporis in Comitibus Spiræ agentem, ac cæteros Germaniæ Principes Thomam Nadasdium; in Gallias quoque Oratorem ablegavit ad Franciscum Regem sibi sanguine conjunctum. Sed adeo omnium animi pernicioso torpore elanguerant, ut laboranti undique Hungariæ, nemo milite, ære (si Clementem demas) succurrerit, totaque belli moles, universæ Europæ formidanda, uni genti, nec satis a milite, cæterisque rebus, quæ belli usus postulat, comparatæ incubuerit. Itaque Rex in Comitibus Budæ celebratis, Proceribus, qui frequentes aderant, declarat: *se pro communi civium salute in castra iturum, viresque pro facultate Solymano oppositurum.* Illi una se profecturos, alacri animo statuunt, utque copiæ calendis Julii ad Tolnam, amplissimum juxta Danubium oppidum, adessent, decreverunt. Jam prope mensis Julius ad finem vergebat, nondum tamen miles in campum prodire, Proceres altum indormire, nemo universæ rei intendere, quasi primum e Caspiis faucibus hostis moveret, nihilque adversi ab armis longinquis metuendum foret. Quinta decima Julii Buda excedit cum Stephano Bathorio Palatino, Ladislao Szalkano, Archi Præsule Strigonienfi, & tribus non amplius armatorum millibus, Tolnamque pervenit acceleratis itineribus, quo sensim exercitus Regius confluxit. Dum Tolnæ copiæ expectantur, Solymanus Ujlakum ^{A)} deditioe capit, Dravumque ea facilitate, qua Savum superat, cum Proceres inter se non minus animis, quam sententia discordes, Palatini auspicia sequi nollent. ^{B)}

Factione in dies crescente, aliud malum Regia castra excepit. Tomorius cum Georgio Zapolyio, Vaivodæ Joannis fratre æquato inter se Imperio, copiis præesse jussus, dimicandi ardore abreptus, Solymano ultro obviandum censet, pluresque suam in sententiam pertrahit obnitente Ludovico. Jam in agro Mohacienfi castris locum delegerat Tomorius cum septem millibus equitum, qui ad Ducis animum facti, eadem temeritate in pugnam pruriebant, nec admittebant, ut sua castra Regiis conjungerentur, ne hosti terga dare arguerentur. Imo ut Regem sua in castra pellicerent, certam de Turcis victoriam pollicebantur. Aiebant: Solymani exercitum laxis, calonibus constare, paucos armis tractandis idoneos, militiæ robur sub Belgrado, sub Rhodo interiisse, solis annulis Hungarorum obtritum iri, si pugnam ausint. PERITIA Ducum, atque virtute militum congeminari exercitus: & in ipsa multitudine paucos demum illos esse, qui bella conficiant. Orare Regem majorem in modum, ne opportunitatem nobilissima post hominum memoriam victoria potiundi, quorundam inertium hominum consiliis amittat, neve auxilia, non nisi in partem spoliis legendorum ventura, expectet. Hæc Tomorius; jubenti tamen propior, quam roganti, nec sine minis, si aliud statueretur. Ludovico quanquam Juveni, & belli casus nondum experto, haud placebat tantus pugnandi æstus, sæpeque Vaivodæ, & Frangepani multarum palmarum Ducum consilia repetebat suadentium: *ut nesciam rei universo certamini committat ante, quam vires totius Regni contraxisset.* Hostibus nullam pugnandi copiam faciat, donec ipsi in castra venirent. Consilium profecto Regi, totique Hungariæ saluberrimum. Nam alter e Transylvania justum exercitum quadraginta circiter millium; alter ex Illyrico quindecim millium armatorum adducebat. Sed cæcutiebant ad ista ferocientes. In hac Ducum obstinatione, cum nec consilio jam locus esset, & ex horum hominum arbitrio Ludovicus in omnem, quam vellent, partem raptaretur, instantem calamitatem animo prælagiens, tandem eorum cupiditati cessit. Nondum tamen perPELLI poterat, ut in certamen se descensurum ediceret.

Per eosdem dies Joannes Pekrius aliquot annis apud Turcas captus, jam ordinum Ductor, felici astu se in castra Christianorum conjecit. Ad ductus ad Ludovicum de hostium numero edixit: *si Turcarum omnes vincirentur,*

A) Ujlakum vetus Romanorum Colonia, Mursumque appellatam Lazius putat. B) Brodericus, & Istvanffius L. VIII.

rentur, ut nec ferrum stringere, nec armis se tueri possent, a copiis Ludo-A. C. vici, vix tridui spatio trucidandos. Sed adeo Tomorius cum suis motus non 1526. est, ut potius novo æstro percitus, constanter pugnam exposceret, victoriam somniaret, spolia, nondum capta, divideret, æger mora, & spei impatiens. Interim copię Hungarorum in dies augebantur, ut summa totius exercitus, sex, & viginti millium armatorum esset. Cum his victoriam se reportaturum de infinita hostium multitudine Tomorius firmavit, modo ad manus deveniretur. Et jam eo loco res erat, ut sine ancipiti pugna Hungaris pedem referre non liceret. Quippe Rege ad Mohacium pertracto, adeo bina castra collata erant, ut fremitus Turcarum audiri posset. Triduo eo in loco exacto, equestri certamine frequenter concursum fuit, Hungaris semper superioribus. Quæ res iterum stimulos iniecit Tomorio juxta, ac militibus, ut multo ferocius, ac nuper, pugnam deposcerent. Igitur communi consilio Ducum dies vicesimus nonus mensis Augusti, Divo Joanni Baptistæ sacer, decretorio certamini est constitutus.

Aciei ordinem in hunc modum direxerunt Hungari, ut cornua quam latissime extenderentur, ne Solymanus, quod primum erat in campis Mohaciensibus, circumveniret militem numero suo exercitu. In dextero cornu primi agminis, locati sunt Illyrici nominis milites, e veteri consuetudine. Præerat his Joannes Battyanus cum Joanne Tahio. In lævo, Petrus Perenyus decem millia armatorum habebat, inter quos complures primæ nobilitatis viri. Secundum agmen ex totidem fere millibus equitum constabat, in quo & Rex erat, cum omnibus fere Præsulibus, & Proceribus triplici ordine distinctis. Rex ipse in medio stationem cepit; cujus latus cingebant Palatinus, & Archi-Episcopus Strigoniensis. Custodes Regii corporis ex omni numero selecti Casparus Raikajus, Valentinus Török, Joannes Kallai, expertæ virtutis Centuriones, Regique fidissimi; quibus id muneris datum, ut Regem in acie tuerentur, & si Marte minus prospero concurretur, resque Hungarorum inclinaret, discrimini ereptum, in commodum patriæ fuga salvarent. Præter hos mille, & amplius equites loricati sunt adjecti; inque medio hujus secundæ aciei, ingens vexillum D. Virginis a Joanne Dragffio præferebatur, cui de more veteri Hungarorum, detracta erant, ne de fuga cogitaret, calcaria. Tomorius, & Scepusiensis; ut ubique adessent laborantibus, nullum delegerunt locum.

Eductis Hungarorum copiis sub primam lucem, Solymanus summa quiete suos in castris detinuit, quamvis a nostris infesto tympanorum strepitu, & tubarum clangoribus, in prælium provocaretur. Jamque Hungari longioris moræ pertæsi, speque frustrati committendi prælii, receptui canendum statuerunt; cum ecce! alto jam meridie A) post collem, qui mutuum aspectum ademit, validum equestre agmen apparet, quod per subjectam colli protenso vallem, Solymanus ad castra Regia infestanda dimisit, ut in acie pugnatuos ad impedimenta tuenda revocaret. Tomorius nondum certus, quo agmen tenderet, præcipiti consilio, tres ordinum Ductores, quos Regii capitis custodes datos paulo ante diximus, ad hostium iter explorandum procurrare jubet. Vix illi paululum cum suis turmis processerant, continuo hostium signa concinere, maximus exercitus ordine militari per collem ruere, ingenti cum fremitu equites, peditesque justis passibus recta in nostros tendere occepit. Tum vero uterque Dux ad Regem accurrit, hostem in prælium suos educere, nunc omnibus viribus utendum, nec de victoria dubitandum ingeminat. Quod nuncium Ludovicus confirmato animo accipiens, invocato DEI nomine, attolli signa, tubas inflari intrepidus jubet, galeamque poscit; qua dum caput munitur, vultu impalluit.

Solymanus ita aciem struxerat, ut eam pro numero militum per vastos illos campos, in Lunæ crescentis formam, latissime explicaret, eo utique consilio, ut Regios & a fronte, & a lateribus terrore aucto impeteret,

Imp. Ottom. Tom. I.

Q

fi

a) Annales Turcici memorant die Mercurii hora tertia prælium cœptum, quod & Brodericus affirmat. Leuncl. c. 221.

A. C. si praelium pertinacius protraheretur. Ubi intra ictum jam stabant Otto-
 1526. mani, sublato clamore, a prætorianis equitibus praelii initium factum; ex-
 plosis majori fragore, quam damno, barbarorum machinis. Postquam gla-
 diis res agi cœpta, summa vi amplius horæ unius spatio pugnatum est. Tur-
 cæ numero, Hungari virtute valebant; par utrisque animus vincendi, aut
 in conspectu Ducum fortiter occumbendi. Equites, qui primi in pugnam
 proruebant, impetu nostrorum obtriti, ad Janicsaros se recepere tanta
 trepidatione, ut ordines turbarent, Hungaris ingenti animo tergo hærenti-
 bus, & in omnem partem metum, & fugam spargentibus. Andreas Batho-
 rius visâ hostium trepidatione, ad Regem advolat, primæ aciei prosperos
 successus refert, monetque: victoriæ insistant, suos in pugnam promoveat.
 Eo nuncio recreatus, secundam aciem celeriter ad locum, ubi maxime ferve-
 bat certamen, ducit. Et jam primum agmen territis, ac disiectis equiti-
 bus, Janicsarorum laxatos ordines invaserat, multaque cæde loco moverat,
 ut non procul ab ea statione dimicaretur, quam Solymanus cum fortissima
 phalange infedit. Adveniente Ludovico cum robore militiæ, pugna inca-
 luit, junctisque agminibus tanta alacritas, ac fiducia Hungaros accendit, ut
 altius provecti in peditum cuneos, nonnullos e Solymani corporis custodi-
 bus interfecerint, plenæque victoriæ haud dubiam spem dederint.

Cum repente e castris, fugitivorum turba accurrit; capta ea cum
 impedimentis, & defensores ad unum cæsos magnis clamoribus divulgat.
 Etenim agmen illud, quod Solymani jussu per vallem inceserat Duce Bali-
 bego Belgradi Præfecto, missum erat ad castra diripienda, ut diximus, at-
 que is, cæsis qui sarcinis custodiendis relictæ erant, omnia turbat, calonum,
 lixarum gregem invadit, victorque perculsis instat. Rumor hic diditus,
 dextrum cornu vehementer perterruit, militemque sua recuperandi cura a
 praelio avertit. Eodem tempore tormenta Turcarum soluta, timorem
 auxerunt adeo, ut plerique gemino malo circumventi fuga dilaberentur.
 Neque tamen ea trepidatio cæteris animos ademit. Quo inierant praelium
 animo, eodem continuant; jamque prope erat, ut æneas machinas oc-
 cuparent.

Visâ sociorum constantia, iterum in pugnam redeunt perculsi, stra-
 gemque in prætorianis accumulunt. Sed pilarum tempestas tandem Hun-
 garorum aciem infregit, atque in apertam fugam compulit, sole in occasum
 vergente, postquam tribus horis acerrime pugnatum. Rex Ludovicus, qui
 nondum praelio excefferat, ut suos palantes vidit, ipse quoque sonipedem
 vertit. Ottomani visâ nostrorum fuga, incertum, an pugnando fessi, an
 vulneribus debilitati (quippe nec illis incruenta ^Δ) victoria fuit) vel insidias
 veriti, diu in acie perstiterant, & non nisi primis tenebris sparfos persecuti
 sunt. Ceciderunt partim in acie, partim in fuga decem millia equitum, ac
 circiter duodecim millia peditum: e nobilitate clari nominis amplius quin-
 genti, cum majori Præsulum parte. Amissa tormenta octoginta majora,
 minora sexaginta. Cladem auxit infelix Ludovici Regis fatum. Hic profligatis
 rebus sibi consulturus in vicina palude, Cselye appellata, cum in altio-
 rem paulo ripam eniti conaretur, equo cum sessore lapsu corruente, ita ut
 erat totus etiam caput armatus, in aquæ lutulento gurgite depressus, &
 suffocatus, anno ætatis vicesimo, mense secundo interiit, Princeps longiori
 vita dignus. Cetricius Silesius, qui unus Regem comitabatur, reliquis cæ-
 sis, ægre eluctatus in adversam ripam, cum opem ferre non posset, locum
 notaverat; hujus indicio corpus Regium repertum, ac Albam Regalem de-
 vectum, Mausolæo Regum Hungariæ coditum fuit. In captivitatem pauci
 redacti sunt, Solymano severo edicto prohibente, ne quis captos in castra
 deferret, sed omnes ferro immolarent. ^Β)

Soly-

^Δ) Referunt Annales multa millia ex utraque parte cæsa, plura vulnerata, quod postremum de
 Turcis verum existimo. Nam ex Hungaris pauci admodum eadem evaserunt, sed plerique
 trucidati. ^Β) Istvanff L. VIII.

Solymanus victoria tumidus in omnem late viciniam prædatoria A. C. agmina diffundit. Iis revocatis, paucis post diebus, altius se in Hungariam induit, ac septimis castris Budam omni præsidio destitutam triumphante signa infert. Nam Regina male sibi metuens, continuo Posonium cum paucis Proceribus discessit, ut rumor infausti prælii in urbem advolavit. Secuti Reginam, populus, miles. Tantum potest in animis timor. Hic rursus equites, peditesque ad regionem ferro, & flamma evastandam proficisci jubet. Quidquid inter Danubium, & lacum Balatonem jacet, tristibus flammis colluxit, incolæ in servitutem rapti cum non continenda præda. Quod illi tanto securius, ac ferocius præstitere, quanto magis Hungarorum animos obtorpuisse vident Rege interempto. Ad Marothum Archi-Episcopale municipium victoribus restitum. Confluxerant eo circiter viginti quinque millia accolarum, locumque, alioquin angustum, consociatis viribus probe muniverant, ut sæpius eruptione facta iustis præliis hostem vicerint. Adductis demum majoribus machinis, pertinacia fracta, expugnataque, inter necione cæsi sunt.

Inter hæc in Asia Calender Zelebis seditione mota, res domesticas turbaverat ingenti Europæ commodo; ad quas sedandas cum iusto exercitu opus foret, Solymanus quarto decimo die post, quam Budam ingressus est, trajecto Danubio ulteriorem Hungariam pari sævitie vastavit ad Tibisci A) oram; deductisque præfidiis ex omnibus locis, quæ Dravum inter, & Savum cepit, victorem exercitum primum Adrianopolim, dein Byzantium movit. Avexerat secum Buda simulacra B) Apollinis, & Herculis, quæ Jacobus Tragurinus Dalmata Mathiæ Regi huiusmodi elegantiarum studio ex ære conflaverat. Hinc erroris argueris illos, qui scribunt, statuas fuisse Ludovici II. interempti, & conjugis ejus. Fuit hæc, si unquam alias luctuosa expeditio in Hungariam, qua robur militiæ, flos nobilitatis cum Rege, una dimicatione succisa sunt, ac extincta, ut adeo nemo fuerit, ad quem magnitudo cladis non pertinuerit. Jam si rite calculum ineamus caesorum, & captorum, facile ad ducenta millia numerus excrescet.

Byzantium redux Imperator, curam vertit ad seditionem Zelebis 1527. extirpandam, quæ tenuibus initiis coepta, in dies vires sumpsit, & in Natoliam regionem diffusa, populum bello lætum, in arma traxit. Tanto molimini pares animos res duæ suffecerunt: altera, quod Solymanus militem in Hungariam eduxerit, nullo præsidio Natolia firmata. Altera, quod inter suos commitiones nobilitate facile Princeps (nam originem suam ad Chasin Bectasen referebat, qui Orchani Turcarum Principi album pileum C) imposuerat) in suam sententiam omnes pellicere, atque contentione illorum provinciam milite vacuum opprimere posset. Erat Zelebis ex eo genere Religiosorum, quos Calenderes vulgus appellat. Hi ab omni voluptate vene-rea, illecebrisque abhorrentes videri volunt, miramque morum modestiam præferunt. Aediculas admodum angustas incolunt, ubi precationi, cæterisque pietatis officiis, ab hominum turba remoti, liberius vacant. Tunicas gestant cuti adstrictas, & breves sine manicis, ut saccis insitos crederes. Pileis utuntur albi coloris D) ad morem Græcorum Sacerdotum; nisi quod crinibus equinis ornati, vultum non nihil obnubant, ne indicia scelerum, quæ in vultu legere solemus, in omnium oculos incurrant. Ferreos deinde annulos auribus, collo, brachiis induunt; digni, qui in ergastula compacti, his perpetuo vinciantur. Ut primum Zelebis signa seditionis sustulit, sparsi per Imperium Turcicum Calenderes propere coeunt, egentissimus quisque ex plebe, & pessimi servitiorum spe prædarum turbas augent, arma circumferunt, & in audaciæ præmium Natoliam sibi pollicentur. Præfecti, qui

Imp. Ottom. Tom. I.

Q 2

A) Ita Brodericus. Istvanffius solum meminit pontem Danubio inter Pesthum, & Budam impositum. B) Siglerus in sua Chronologia tertium addit, nempe Dianæ. C) Album pileum ceperunt gestare Turcæ anno 1329. Primus Orchanes a Bectase Mahometanæ sectæ studio accepit, utque in posterum huius generis pileis uterentur Janicsari, lege sancitum esse contendit Leuncl. c. 21. Recole ea, quæ narraui ad annum 1493. in Bajazethæ II. D) Leunclav. c. 171. §. 2.

A. C. qui primos seditionis motus cum armatis componere nitebantur, fusi, testes
 1527. potius regionis occupatæ, quam vindices ad Solymanum recurrunt. Ibrahim cum exercitu festinante nondum Zelebis ad mentem rediit, sed orsam telam pertexturus manus conferit cum Duce, a quo cum suis uno prælio deletus, exemplum posteritati reliquit: ALTOS spiritus non nisi magnis, validisque viribus ali posse. **A)**

1528. Solymano Byzantii agente, nondum afflictæ Hungariæ malatia sua constitit. Novis identidem iactata turbinibus, dum portum sedulo circumspicit, pene naufraga interiit. Pars Procerum Joannem Zapolyum, Transylvaniæ Vajvodam, opibus, nobilitate potentem in Regem deposcit: pars altera Ferdinandum, Archi-Ducem Austriæ, Regem Hungariæ eligit, & utrumque Regiis insignibus ornat. Cum neuter dignitate, Procerum suffragiis obtenta, cedere, nec parem ferre vellet, in mutuam æmulationem exarserunt, & quidquid virium inerat Hungariæ, domestico bello attriverunt. Longum foret utriusque Regis secundam, sinistramque belli fortunam enarrare. Illud adjecisse sufficiat: Joannem a Ferdinando felicitate armorum victum, ac profligatum in Poloniam ejectum, non tamen spe dominandi penitus eversum fuisse. Is se receperat ad Joannem Tarnovium, Cracoviensem, ut vocant, Castellatum, sive Palatinum, summumque exercitus Polonici Ducem. **B)** A quo magnifico, propeque Regio exceptus hospitio, oblivisci potuisset exilii sui, nisi novis regnandi illecebris abreptus fuisset. Neque Sigismundo id temporis Poloniæ Regi gravis hospes fuerat, imo Tarnovii studium adversus Joannem non ambiguis votis, & studiis promovit. Induci tamen non potuit, ut exulis causam armis sumptis defensum iret, ne videlicet apud Austriacæ Domus Principes, quibus veteri amicitia junctus erat, in offensionem incurreret. Annus jam se circumegerat, ex quo Joannes regno exutus, in Polonia rebus suis opem quæsit. Invisabant ad eum non Hungari modo, sed & Poloni Proceres, quos inter emittit Hieronymus Laszkus Siradiensis Palatinus, vir bello, pace clarissimus, ac rebus agendis singulari prudentia. Cum hoc crebro miscebat consilia de recuperando Hungariæ regno. Cum spes auxiliorum a Principibus Christianis nulla adesset, placuit Laszko, Solymani opem implorare, **C)** cujus armis in pristinam dignitatem reponi posset. Spondet præterea se Byzantium iturum, ac rem ex animi sententia confecturum. Nec pluribus opus erat. Applausit Joannes vecordi consilio. Laszkus post brevem moram itineri se accingit, trajectoque Danubio, Bulgariam emensus **D)** Constantinopolim tenuit vigesima secunda Decemb. MDXXVII.

Forte in Ludovicum de Gritti Venetum; Ibrahim, Purpuratorum Principi, perquam charum incidit. Hunc sua eloquentia, blanditiis, quibus plurimum poterat, sibi conciliarat primum, tum de sua legatione certiores reddit; altum nihilominus tacuit de auxiliis petendis contra Ferdinandum, solum commemoravit, se Joannis nomine velle amicitiam inire cum Solymano. Daret interim operam, ut Ibrahim hac super re colloqui liceret, modumque ostenderet, quo rite fungeretur munere suo. Non sine maximis difficultatibus, potestate conveniendi Ibrahimum, cæterosque Purpuratos facta, insolita libertate loquendi usus, summam legationis explicat, oratque, Ibrahimum præcipue, ut Joannem Regem in amicitiam, ac societatem accipiant, eamque apud Solymanum firmam, ratamque faciant. Sed cum Purpurati amplissima munera ab Oratoribus expectent, nec promptam adhibeant operam hujusmodi negotiis tractandis, nisi spe prius quidpiam momorderint, multis sane diebus inter spem, & metum Laszko colluctandum fuit. Nam nisi eorum favores auro coemas, vix quidpiam commodi in rem tuam exsculpes. Adeo plerique hoc hamo capiuntur, & partem in

om-

A) Annales Turcici, & Codex Verantianus. **B)** Istvanff. L. IX. **C)** Laszkus hujus tam sædæ, tam perniciosæ legationis author fuit. Joannes in eandem perductus sententiam illud Maronis, vultu subtristi usurpavit: Flectere si nequeo Superos, Acheronta movebo. Istvanff. Lib. X. **D)** Bethlenius memorat, feliciter Constantinopolim Laszkum pervenisse, fortassis, quod rebus omnibus spoliatus, vitam servavit?

omnem pertrahuntur. Nonnulli Primorum aperte quærebant: num A. C. munera Imperatori, Purpuratisque attulerit? quæ vectigalia quot annis 1528. Joannes pendere vellet? ad quæ Laszkus intrepido vultu reposuit: *nulla sibi munera adesse, imo se non vana spe niti, quæpiam a Purpuratis accipiendi. De vectigalibus, ne sermonem quidem fieri oportere. Joannem Regem ejus animi esse, ut regnum cedere cuivis mallet, quam isthoc dedecore se, Hungariamque afficere; neque Imperatorem admitturum, ut Hungaria tributo opprimatur, ærarium Regium exhauriatur, si fœdere percusso, Joannem throno suo reponendum existimet.* a) Grande commodum nihilominus in Imperium Ottomanicum promanaturum, quod Rege amico usuri sint, nihilque hostile ab Hungaria formidaturi.

Mutuis altercationibus transacto mense uno & amplius, tandem adit Solymanum comitantibus Ibrahim, Aya, Purpuratis, & Beglerbego Natiolæ. b) Hominis legatione delectatus, tam facile opem suam addixit, quam facile vulpes pirum comest. Quanquam a principio haud se magnopere Legato honorificum, aut facilem per Purpuratos præbuerit, sive ut beneficio suo commendationem a difficultate captaret, sive re vera de Joannis fide dubitaret. Ibrahimus interim fœderis tabulas rite confecit, jurejurando firmatas, & Laszkus mutuo Regis sui nomine, juramentum præstitit vigesima nona Februarii. Hunc exitum sortita est infausto consilio suscepta legatio, non Hungariæ modo, sed Austriæ, & Imperio Romano perniciosâ. Clarissimis viris sui ævi accensendus fuisset Laszkus, nisi hac legatione labem suo nomini inustam tumulo intulisset. Nondum Byzantio abierat, cum Ferdinandi Regis Orator Oberdancius adfuit, ostensurus jus Ferdinandum in regnum Hungariæ, ac more Majorum inducias petiturus. Erat Oberdancius c) præservidi ingenii, & indole ferocior, quam tempora illa postularunt. Hic incertum num jussu sui Regis, num suo inductus genio? sine ambagibus verborum, urbes, arces, & nominatim Albam Græcam repetiit, si Solymanus pacem vellet; secus præ foribus bellum esse. Tam insolens Legati petitio, bilem concivit Imperatori usque adeo, ut cum finibus Imperii excedere jussisset adjectis minis: *se ineunte vere infestas copias in Ferdinandum Budam ducturum, ubi collatis signis, Ferdinandus si victor evadat, non arces modo minoris momenti, sed Belgradum etiam ei redditurum. Quod si metu perterritus Viennam redierit, illuc se ducturum copias, exercitum, atque Ferdinandum in pugnam protrahaturum.*

Neque minæ in vanum abierunt. Comparato grandi exercitu, in 1529. Hungariam expeditionem suscipit, terrestri itinere procedere jussis copiis, adversoque Danubio tormentis, cæteroque apparatu subvectis. Quanquam præter votum Solymani, tardius, quam res postularat, omnia fierent, Ibrahim clam favente d) Christianis, & moras de industria nectente; cui uni e stativis arcessendi militem, provincia demandata fuit. Qui quantum faverat Joanni Zapolyio, tantum adlaborabat, ut quam levissimo damno Respub. Christiana afficeretur. Nam & ipse Christianis parentibus ortus, Religionem, quam cum lacte materno hauserat, nondum penitus odit. Præcipitata ætate, decimis quintis castris in Sirmio adfuit, Dravoque apud Eszekinum ponte e navibus facto, nemine resistente, trajecto, lento itinere in campos Mohacienses, victoriæ suæ theatrum, pervenit. Illuc properavit Joannes, Laszko comite, cum sex circiter millibus armatorum. Clientem, cujus causam propugnaturus venit, liberali vultu accipit Imperator, porrecta dextera in amicitiae signum, utque Ottomanicæ assuesceret societati, eodem loco tendere jubet, datis ex ordine Janicsarorum corporis custodiis,

Q 3

a) Istvanffius tamen L. X. scribit: Laszkum tributum singulis annis pendendum adpromississe. Verum constat ex Ephemeridibus legationis, quas ipse Laszkus congescit, nunquam in hæc pacta convenisse. Verba illius placet addere: „de tributo non cogiteris, quia frustra ex lana securim eudetis.“ Imo Sirmium repetiit, quo impetrato, singulis annis venturos cum muneribus Oratores pollicitus est. b) Istvanffius triduo post, quam consilia cum Ibrahim contulerat, ad Solymanum admissum ait, Profecto multi obices removendi erant, ut eo rem perduceret Laszkus. c) Istvanffio Oberdancius. d) Pluribus istud dabimus ad annum 1536.

A. C. dibus, & quidquid ad cultum Regium faciebat, large, effuseque suppedita-
 1529.to. Budam subinde itum, quam fidei Thomæ Nadasdii tradidit Ferdinan-
 dus, cum duabus cohortibus Germanis. Urbe hostibus relicta, post all-
 quot dierum oppugnationem, in arcem se conjiciunt. Servasset hanc Na-
 dasdus, si miles sacramenti memor fidem suam. Hic, dum ille a muro-
 rum ruina hostem retrudit, inter dimicationem arcis deditionem pactus,
 seu tædio laborum victus, seu promissis captus. Nadasdus re inopinata
 perculsus, perfidiam exprobrat, perduellioni intercedit, deditionis pacta
 rescindit, tormentis in hostem agit. Miles e contrario imperia Ducis de-
 trectare, deditionem iterum suadere, seditiosis vocibus minari, si pergat
 arcem tueri. Ubi vident constantem Nadasdii animum, inito inter se con-
 silio, captum in carcerem compingunt, ac se, arcemque dedunt. Tulit
 utraque pars justum facti sui præmium. Præsidarii arce excedentes primum
 sarcinis omnibus, tum extra urbem abducti, contra datam fidem, vita ipsa
 exuuntur. Nadasdus, qui deditionem damnaverat, summis laudibus exco-
 litur, & libertate donatur. A) Adeo nullum est tam ferum pectus, ut vir-
 tutem undique oderit, vitia probarit.

Captam urbem Joanni restituit victor, imposito trium Janicsarorum
 millium præsidio; classẽ præterea Danubianam, qua ad tempus illud desti-
 tutus erat, eidem cessit, ut Danubium sua in potestate haberet. His per-
 actis Ibrahim in mandatis dedit, militem quiete refectum, ad iter Vien-
 nam suscipiendum ut expeditum teneat, apparatusque omnem bellicum,
 urbi expugnandæ pernecessarium, navibus imponat. Illico Chaufsi singu-
 lorum tentoria percurantes, Solymani Imperium vulgant, profectioni diem
 octavum Septembris edicunt; neve ingentes copię sibi ipsis impedimento es-
 sent, duo equitum Magistri Behramus, & Ibrahimus, B) quos Turcæ Be-
 glerbegos appellant, ille Asiaticus, hic Europæus; copias e præscripto So-
 lymani ducere jussi, ut exercitu bipartito incedente, unde castra movebat
 primum agmen, illic stationem haberet secundum. Naves deinde centum
 sexaginta, demptis onerariis, adverso Danubio subvectæ, utramque ripam
 occuparunt; æque magno labore mancipiorum, militum, Viennam usque
 pertractæ. Dici vix potest, quantus terror Austriæ vicinas partes occupa-
 rit, postquam perlatus, Solymanum Viennæ imminere. Paulus Varda-
 nus Archi Præsul Strigonienfis cum arcem defendi posse desperaret, paucis
 comitibus stipatus, Imperatori obviam progressus, inter applausus Ottoma-
 norum in castris exceptus fuit. Solymanus virum non minori voluptate
 spectavit, utque castra sua sequeretur vitæ & libertatis securus, mandavit.
 Relicto ad dexteram Danubio, hostis Viennam movet. Tata, Comaromium
 incolis fuga dilapsis, deserta erant. Jaurino Christophorus Lambergus fa-
 ces admovit, celeriterque deducto præsidio Viennam festinavit, quo jam
 ante tormenta bellica præmiserat. Ovarinum pari temeritate incensum,
 expeditum iter dedit, quorum exemplo pulcherrima plaga, quæ ultra Lai-
 tam flumen C) jacet, flammis colluxit, ne quid commodi inde Turcæ cape-
 rent. Nempe SUA non curant, qui hosti nocere cupiunt.

Vigesimo demum Septembris, equitatus hostilis in conspectum ur-
 bis advenit, utque latius terrorem diffunderet, ad extima urbis munimen-
 ta, celerrimo cursu more suo profectus, civibus commeandi potestatem
 ademit. D) Quatriduo post Solymanus cum reliquis copiis adfuit, aeris in-
 temperie, lentius progressus, ac volebat. Continuo circumfusus urbi ex-
 ercitus, omni ex parte arctissimam obsidionem incepit. Fridericus Rheni
 Palatinus, etsi aditum quæreretur, tamen ubi animadvertit, omnes vias in-
 terceptas ab hoste, Cremsium, unde venerat, se recepit, non ausus teme-
 re

A) Hujus Herois res gestas narravimus in Palatinis Regni Hungariæ, Tyrnaviæ typis editis anno
 MDCCCLII. ubi Authorum varias opiniones attulimus, quid Nadasdio factum. B) Diver-
 sus utique ab Ibrahim Vezirio. C) In his plerisque Istvanffium secutus sum. D) Obsidio-
 nem Viennensem multi Authores literis ediderunt; nemo elegantius Istvanffio, apud quem
 ordinem castrorum reperies. Melchior Soiterus a Vinda, in duobus suis libris de bello Pan-
 nonico eandem habet, quæ nonnunquam usus sum.

re per media castra irrumpere. Sed providentia Ferdinandi Regis satis con- A. C.
sultum erat Viennæ. Nam Oberdancius accelerata profectione Byzantio Bu- 1529.
dam, Viennam inde, non reperto Ferdinando, Spiram accurrit, seriem-
que legationis in Comitibus enarrat. Hinc Patres consulturi Reipub. auxilia
in tempore accersivere, & quasi jam hostis in viscera desæviret, omnibus
posthabitis arma armis retundenda conclamarunt.

Præter octo, & decem millia præfidiariorum, celeberrimi Duces
eam tuebantur. Philippus, Friderici Palatini Patruus, summam Imperii te-
nuit cum Comite Salmensi seniore; Vilhelmus Rogendorffius Italicis bellis
notissimus; Comes Joannes Hardeckus pace, belloque clarus; multique alii
tum Germani, tum Hispani, hoc Christianorum propugnaculum tuendum
sumpserunt. Paulus Bakicfius haud minorem operam impendit, cum sua
ducentorum equitum turma, qui peritissimus committendi prælii cum Tur-
cis, equestres pugnas ad pontes Danubio injectos, sibi commisso, sæ-
pius secundas fecit. Autumnus jam maturior, ac imbribus fœdus vehemen-
ter Turcas incitavit, urbi undique obsessæ ut omnibus viribus incumberent,
ne frigidior tempestas, cujus impatientissimi sunt Asiatici, molliori cœlo
assueti, conatus supremos infringeret, irritosque redderet. Nihil industriæ
omissum, quo expugnationem maturarent. Miles cum in Asia, tum in
Europa victoriis relatis tumidus, nihil pensi habuit, periculis semet offerre,
omnisque cædes, & vulnera, & sanguis, aviditate prædæ pensabantur. Du-
ces felicem toties experti belli aleam, sive dum urbes premerent, sive dum
stataria pugna decertarent, Viennam, caput Austriæ, Imperii scutum, in
præmium bellicæ fortitudinis sibi deberi existimarunt. Unus Ibrahimus ta-
citis votis urbi avitam libertatem optaverat. Cujus consilio utique factum,
quod grandioris formæ tormenta ad Budam relicta, colubrinæ solum adve-
tæ, quibus muri, quanquam vetusti, & fatiscientes, subruere vix poterant.
Quæ res identidem moras injecit, quo minus pluribus locis in urbem assul-
tus fieret.

Cæterum exustis suburbiis jussu Ducum, quibus Vienna cingitur,
amplissimis, ne hostibus usui forent, obsidentium vis in portam Carinthia-
cam versa est, quod inde creberrimis, & pene certis tormentorum ictibus
Ottomanici peterentur. Spem maximam in cuniculis locaverant. In quin-
decim adeo locis totidem acti. A) Opinabantur enim hanc urbem, non secus,
ac Rhodum ejusmodi suffossionibus victas manus daturam. Sed melioribus
debeatur satis, quod plerumque hostium conatus detecti, felici astu semel,
atque iterum delusi, aut si ubi mœnia subruta, singulari fortitudine præfi-
diariorum defensâ fuerint. Eruptiones præterea in tanto militum numero
crebrius susceptæ, castris trepidationem intulerunt. Salmensis, collato
cum cæteris Ducibus consilio, die Divo Michaeli sacro, duo millia peditum,
& quingentos per Carinthiacam in aggeres impetum facere jussit. Cæsis
primis excubitoribus prope machinas acerrima pugna concurritur. Ad tu-
multum, novæ cohortes e castris accurrentes, nostrorum conatus repressere.

Majori spe, quam fortuna ad sextum Octobris in hostem proru-
ptum. Octona peditum millia delecta, iisque accensi fere omnes Hispani,
quorum pugnandi ardor maxime eluxit. Urbe tacite egressi, in suburbanis
locis ingentem stragem edidere; provecti celeriter ad tormenta occupanda,
Nobile facinus eo die patraissent, nisi fortuitus casus omnium mentes confu-
disset. Aliquot militum, incertum suone, an Ducum Imperio? socios in
hostium opera ruentes, sublato clamore monebant, ordines ut servarent,
aciem in formam meliorem redigerent, junctis viribus procederent. Ho-
rum vociferatione primum deterriti, qui nondum manus conseruerant;
tum ad mœnia citato gressu properantes, socios e pugna in fugam traxe-
runt, adeo præcipitem, ut multi, quos pontium angustiae non ceperant,
in fossam ruerent, armisque graves mergerentur. Lupus Hagus, strenuus
bello, dum panico metu abreptos, ad pugnam cum Hispanorum manipulo
horta-

A. C. hortatur, ab equitatu Turcico circumfusus, trucidatur. Hispani fortiter 1522. dimicantes, ferro sibi viam aperuerunt paucis amissis. Pauli Bakicſii auspiciis dedecus illatum egregie vindicatum fuit. Leviori equitatu, cui præerat, loricanos aliquot e legione Katzianeri adjungit. Emericum Nagyum alæ suæ Legatum, extremas castrorum partes infestare jubet. Turcæ incomposito agmine Emericum invadunt, ac sponte recedentem, cæco ardore infecuti, in insidias, quas Bakicſius intra vineas tetendit, præcipitant. Improviso ab expedito equite oppressi, nec consilium, nec animum repugnandi habuere. Cæsi plerique, aut capti. A) Nimirum NON a numero militum, sed ab ingenio, a dexteritate Ducum faustus præliorum exitus sæpe dependet. Per captivos intellectum, Solymanum impressionem in mænia facturum.

Nec falso rumore id sparsum. Tertio decimo Octobris copiæ e castris educæ sub signis suis, per mænium ruinas assiliunt, haud levi metu perterritis propugnatoribus, quod turris Carinthiacæ portæ, assiduis ictibus decussa, faciliorem aditum inuasoribus fecerit. Pro ruinis, qua Ferhates Janicsarorum Ductor incurrebat, Duces cum flore præsidii constiterunt, si fata sic ferrent, etiam suis cadaveribus barbaris aditum impedituri; tantaque ferocia dimicatum, ut peditum animi nec minis, nec promissis ad pugnam incalescerent, multique acinacibus suorum cadere maluerint, quam rejecti, iterum improperam arenam tentare. Hoc postremo conatu dejectus Solymanus, incusata fortuna, quod toties victor, ad Viennam frustra contriverit operam, postridie incensis prima noctis vigilia castris, signa vertit in Hungariam. Tanta vero festinatione abcessit, ut fugienti similis, quinque dierum spatio in campis Budensibus esset. Post paulo Ibrahimus iter pari celeritate arripuit cum sexaginta millibus armatorum. Sic Vienna post tertium, & vicesimum diem, obsidione soluta respiravit. Præter viginti, & amplius millia virorum amissa in oppugnatione, grande vulnus inflictum Imperatorio nomini, quod consulere sibi indecora sane fuga, certe insolita coactus fuerit. Quancquam hanc maculam Ibrahimus multis coloribus obtegere conatus fuerit, ut e contextu epistolæ ad Viennenses datæ liquet. B) Annales Turcici præproperam discessionem Solymani, hiberno tempore, nivibus, frigore, nimium sævienti, ac Asiaticis intolerabili, attribuunt.

Triduo postquam Budam pervenit, Joannem Zapolyum in regno Hungariæ stabilivit. Arcem ingressus Purpuratis, militumque Præfectis comitatus, Hungariæ Proceres, qui a partibus Joannis steterant, acciri jubet. In corona istorum sceptrum, diadema, ornamenta cætera Regiæ dignitatis Clienti suo tradit; brevemque c) sermonem per interpretem habuit. Inter reliqua agebat: *recte sibi, Hungariæque consuluisse Joannem, quod per injuriam Regno depulsus, victricia Ottomanorum arma imploraverit. Suscepisse se gravissimum bellum in Ferdinandum; fortunæ æmulum. Eo feliciter gesto, ac Austriacorum viribus accisis, nihil jam superesse, quam ut amicum, ut Clientem pristinæ majestati reponat.* Datis deinde insignibus regni, eundem Hungariæ Regem declarat, additis votis, ut vitam ad seram ætatem producat, regnumque sociorum armis recuperatum, ad suos posteros transmittat. Postremo ad Proceres conversus, eos magnopere hortatus est, Joanni jure suffragiorum legitimo Regi nunquam ut deessent, eumque Regibus debito honore prosequerentur, secus ferrum, & ignem experturi. Eodem in conventu Paulum Vardanum Archi-Præsulem Strigoniensem, & Petrum Perenyium Joanni commendaverat, ut eosdem in amicitiam recipiat, erratorum det veniam, dignitati, quam cum laude uterque gesserat, restituat. Non erat ille tam vecordis animi, ut tanti Præsulis amicitiam respueret, a cujus autoritate maximum pondus factioni additum iri non nescie-

a) Istvanſſius L. X. b) Habetur hæc epistola apud D. Simonem Schardium J. C. anno MDLXXIV. Basilæ typis data, quam noster Istvanſſius in suam Historiam transtulit. c) Certum est Turcas Laconico potius, quam Asiatico dicendi genere uti; at plerumque tumido, fastuoso.

nesciebat. Nec Perenyium, magni nominis, at fluxæ, venalisque fidei vi- A. C.
rum, abalienandum censuit. Utrumque Solymano spectante, dextera por- 1529.
recta, metu absolvit, & ut amicos amplexus est, quamvis non abs re de
eorum constantia dubitaret. His Budæ magnifico apparatu transactis, reli-
cto præsidio trium millium Janicsarorum, & Ludovico Gritto, ut proxime
innuimus, exercitum Constantinopolim deduxit.

Istud hic non omiserim, quod Divinam in corona Regni nostri con-
servanda curam patefacit. Petrus Perenyius insignitis Joanne, atque Fer-
dinando, diadema deferendum ad Vissegradensem arcem, contra jus, & leges
patrias domi suæ detinuerat. Metu advenientis Solymani se, coronamque
Sarospatakinum recipere cogitabat. In itinere Joannes Szerecsenius noctur-
næ quieti indulgentem capit, captumque ad Joannem Banffium mittit, op-
portuno tempore in Zapolii manus tradendum. Hæc cum certis authori-
bus cognovisset Solymanus apud Mohacsum, Perenyium cum corona in
castra trahi severo mandato postulavit; suspensis omnium animis, quo res
evasura esset. Perenyium Zapolyo dono dedit; at diadema secum abstulit,
gravissimo horrore perstrictis Hungaris, quod cum sacro pignore regnum,
se, liberos, conjuges, fortunas in Turcicam potestatem devenisse existima-
rent, nunquam ab avaris unguibus extorquenda. Sed emollivit Divinum
Numen hostile peccus, ut in eum modum, quem diximus, præter omnium
spem ultro cesserit coronam, a) quæ quamdiu supererit, tamdiu caput effe-
ret Hungaria, & vel e decumanis fluctibus in portum enatabit.

Duobus, qui sequuntur, annis Byzantinus conquievit, five ut ex- 1530.
ercitum oblidione Viennenfi fractum, novis legionibus compleret; five non
ausus fuimet ipsius periculo fortunam belli irritare, & Imperatoriam Maje-
statem discrimini objicere. Hungariæ tamen, & Clientis sui oblivisci non
poterat, cui ut auxilio præsto essent ad primos Ferdinandi conatus, vicina-
rum regionum Præfectos evigilare iussit. Non enim fugiebat Solymanum,
Austriacos acrius, quam retro actis annis, Joannem infestaturos. Sepositis
itaque bellicis tantisper laboribus, dignam se, dignam Imperio Turcico ju-
cunditatis, ac solennitatis scenam, in ipsa Constantinopolitana urbe spectan-
dam dedit. In vastam Hippodromi b) aream, in theatri speciem superbe
constructi, & flore hastatorum equitum referti, Purpuratorum agmen e
variis provinciis, cum nobilissimis civibus totius Imperii confluit pompæ
interfuturum. Diebus aliquot festis decursionibus, hastatorum concursu
(atrox ista voluptas, & speciosum periculum, quo nec ludere credas, qui
sic præliantur, nec præliari, qui demum ludant) cæterisque hujusmodi spe-
ctaculis hospitibus recreatis, Mustapham, Mahometem, Selymum, c) filios
suos more Majorum circumcidendos præbuit Imperator. Postremo lautissi-
mas epulas hospitibus apposuit, quibus inter lætitiæ signa consumptis, do-
mum discedendi veniam impertivit.

Dum hæc Constantinopoli in quiete, in otio inter commensationes
aguntur, longe aliam scenam Mars in campis Pannonicis ludit. Acerbior
erat, quam ferre posset, Ferdinandi dolor, quod Zapolys, rivalis suus,
Solymani suffultus viribus, in urbem Budensem dominaretur, seque pro
Rege vendicaret. Ergo Gulielmum Rogendorffium belli Imperatorem creat,
& cum non modicis copiis ex Hungaria, & Bohemia collectis, ad vindican-
dam Regiam sedem immittit. Morem ille continuo gerit. Strigonio po-
titus Vardano Metropolita operam conferente, ne quid hostile a tergo re-
linqueret, Vissegradum, Vacium obsidet, melioremque autumnii partem
consumit. Hinc tardior propter mænia Budæ confedit, nempe calendis
Novembris; Joannique spatium concessit, & locum muniendi, & auxilia
accersendi. Octo millia Budam tuebantur; reliquæ copię ad Szigethum
Valentinum Törökium, qui ad Ferdinandum desciverat, obsessum tenebant.

Imp. Ottom. Tom. I.

R

Revo-

a) Ita Iſtvanſſius. Joannes Nadanyius in ſuo Floro, hic conuſo ordine, & curſim. b) Locus
Conſtantiſtopoli (Turcis Adminda dictus) ubi ludi equeſtres habiti. Leuncl. Pand. cap.
130. c) Annales Turciæ, & Codex Verantianus.

A. C. Revocati Duces Szigetho Nadasdus, Szerecsenius, & Cassonus Turca, elu-
 1530. sis infidiis in urbem undique obsessam, ingenti Joannis solatio penetrarunt. Rogendorffius tormentis, cuniculis mænia convulsa aggressus, ab Hungaro, Turcaque præliario non sine multorum cæde repellitur. Hoc conatu frustratus, lenta obsidione Budenses premit, ratus casuram per sese urbem esse, sine cujusquam impulsu, sine invadentium sanguine: expressura videlicet deditionem inopia rerum, qua laborarunt obsessi. In ultimas angustias coniecti Rex, & Ludovicus Grittus, Mehemetem Jahioglem Semendriæ, & Belgradi Præfectum crebris nunciis, literisque urgent, ut memor Imperatorii mandati, obsessis auxilio veniat. Adest ille integro milite: Rogendorffius sibi consulit: urbs oppugnatore, Zapolyus metu liberatur. Ne tamen frustra tantum itineris perfecisse videretur, Pefzthini subistere jussis peditibus, equestria agmina Usreffo Bosnensi, ac Amurate Herczogovinæ
 a) Præfectis, Ferdinandi Regis ditionem inter Vagum, & Nitram fluvios sitam, terramque Mathæi (a Mathæo Palatino Caroli I. æmulo dictam) populatum dimisit; quod munus tanta atrocitate Duces executi sunt, ut incendiis, cædibus, rapinis, spatio quinque, & decem dierum omnia compleverint; præter ingentem pecorum vim, dena mortalium millia in numerum mancipiorum censâ Pefzthinum ad socios abduxerint.

1532. Annus MDXXXII. ingentes duos exercitus in campo vidit, alterum Solymani Orientis, alterum Caroli V. Occidentis Imperatorum, uterque plus ad ostentationem eductus, quam ut ferro rem ageret, irarumque causas universa dimicatione decideret. Quid potissimum Solymanum perpulerit in hanc expeditionem? non eadem Scriptorum opinio. Alii ad propugnandam Joannis fortunam, sponte Hungariam milite inundasse meminere. Alii ea de causâ Solymanum rursus petiisse Pannoniam scripserunt, ut Carolum Cæsarem in pugnam pertraheret, & de utroque Imperio decertaret; quando quidem quidquid ad Magnum Constantinum pertinuerat, id totum sibi jure belli deberi, prætumidus contenderet, occupato Byzantio, Imperii utriusque Metropoli. Neque Carolum alio, quam Hispaniarum Regis nomine insignivit, sive in familiari sermone inter suos, sive literis cum eo ageret. b) Ad hæc ambitione, ac Majorum suorum triumphis accensus, quibus ab Istro ad Euphraten; ab ultimis Illyrici terminis, ad Erythræi maris angustias Imperium propagarunt, immortalem nomini suo gloriam accessuram existimavit, si Germanici vires Imperii, per diversa Religionis studia male cohærentes, accideret, & vastitatem iis inferret locis, quæ nondum Turcicum ferrum experta. Tum enim vero Occidentis plagas sceptrum pariter Byzantinum adoraturas nullus ambigebat. Fœdum exitum isthæc animi decreta habuere. Ibrahimi enim artibus rei Christianæ faventis (ut constans fama tulit, diuque apud Hungaros viguit) c) successu caruit, elato animo suscepta expeditio, & pro gloria dedecus reportatum, quemadmodum narrabimus.

Superiori anno a Ferdinando Rege expediti Oratores, Leonardus Comes Nogarolus, & Josephus Lambergus cum lautissimis muneribus, & æquis induciarum conditionibus, Solymanum jam in Hungariam ducentem, ad Semendriam convenerunt, nulloque responso accepto, jussi sunt exercitum Ottomanorum sequi. In Mohacianis campis militem longo itinere exhaustum, quiete dum reficit, Petrus Perenyius summa fiducia, cum sexcentis equitibus probe armatis, castra ingreditur, ignarus in quantum periculum semet induerit. Petierat is per Legatum suum Emericum cognomento Bicam, ut a Joannis, Ferdinandique Imperio exemptus, sui juris Princeps foret; se quot annis vectigal Solymano pensurum, si isthoc beneficii obtineret. Grittus rem odoratus, dudumque offensus superbia viri, æqualium juxta, ac superiorum intolerantis, adeo tetrus coloribus apud Ibrahimum Perenyium expingit, ut non modo petitioni ejus non subscripserit,

a) Sic Turcæ appellant Bosniam ad mare protensam. b) Annales Turcici Carolum V. Hispanum vocitant. Lege hac de re Leuncl. c. 125. c) Ita opinatur Istvanff.

pserit, verum etiam cum superbo comitatu venientem, per Janicsaros ex A. C. equo deturbatum, in arctam eustodiam conjici jusserit. Milites ipsius par- 1532. tim cæli, partim rebus omnibus exuti, fortunam Heri subiere. Ut sibi libertatem assereret, filium, septennio nondum majorem, obsidem dat, qui principiis Mahometanæ superstitionis imbutus, nunquam deinceps Patri est visus. Non uno exemplo didicimus: EXUTA sincera Religione, melioris mentis semina præfocari, & processu temporis humana perinde, ac Divina jura contemni.

Cæterum Solymanus cum crederetur Viennam petiturus, præter omnium opinionem, relicto Danubio, in amænissimam Castri Ferrei provinciam flexit, exercitumque munitissimis præsiidiis expugnandis parem, Ginfio, urbi admodum tenui, a vallis minime firmæ, a mænibus, propugnaculis haud omnino provisæ, repente affudit. Periisset Ginfium, nisi Nicolaum Jurissithium Segnia, Dalmatiæ maritima urbe, oriundum, Præfectum habuisset. Hic cives, vicinam Nobilitatem, ducentos denique pedites ad arma capienda hortatus, Ottomanorum furorem sustinuit, maxima nominis sui æstimatione. Erectis aggeribus, muri verberari cœpti, alioquin vetustate vitiati, & continentibus ruinis urbs paucos intra dies nudata fuit. Janicsari intellecto præsiidiariorum numero, audacter impressionem faciunt. Atrox, & cruentum certamen oritur; propugnatorum pars Turcici militis ferrum expavescens locum deferit, hostique liberum aditum relinquit; quo viso tantus sæminarum, puerorumque, qui haud procul e prætorio pugnantes aspexere, clamor editur, ut Janicsari victores, attoniti hæserint, pedemque victis similes retulerint; sive insidias veriti, sive recens auxilium in urbem advenisse existimarint. Altero die nihilo segniore certamen repetunt Turcæ. Nostri hesterni successu animati, stationes capiunt, & incredibili constantia locum undique apertum tuentur. Jurissithii in defendendo oppido strenuitas tantopere cepit Ibrahimum, ut virum coram videre, & alloqui vellet. Acceptis obsidibus Vezirium adit, qui multis urget, oppidum tradat, excidium avertat, se, suosque præsentis discrimini eripiat; intrepido vultu renuentem eo adigit, ut uni, alterive e prætorianis ingredi liceat, veluti in signum deditæ, & in fidem acceptæ urbis. Ingressi urbem murorum ruinas scandunt, voceque altiori invocato more suo cœlesti Numine in castra redeunt, relicto in monumentum Heroæ fortitudinis candidi coloris a) vexillo, literis Arabicis, acu phrygia pictis, conspicuo. Hoc modo a calendis Augusti usque ad vigesimum octavum Septembris nullo operæ pretio adhæsit, didicitque: ANIMI robur præ numero & mænibus stare. Conclamatis subinde vasis per Styriæ montes, nivibus, geluque rigentes iter relegit.

Sine clade abiisse ex Hungaria, in lucro posuit Solymanus. At Casanes durioribus fatis reservatus fuit. Duxerat is quindecim equitum millia ad prædam agendam in Austriæ provincias, Lincium usque sine metu effusi, quidquid fors obtulerat, aut ferro, flamma haustum, aut certe in calamitosam servitutem est raptum. b) Reduces cum ingentibus spoliis, ad oppidum Starenbergum animadvertunt ab Hispanis, Palatinoque Rheni itinera armis insideri. Quo expeditius agmina percurrerent, interfectis quaternis millibus captivorum, parati pugnam expectant. Palatinus tormentis eos adortus; facile ordines turbavit, cæsoque inter primos Casane, strage, & fuga omnes disjicit. Qui supererant, Osmanem Agam, Ducem constituunt, qui fugitivos in castra Solymani (nondum enim noverant eum obsidione cessasse) deducat. Jam in tutum sibi abiisse videbantur, cum improvise a tribus Germanorum millibus obruuntur. Fuga ablati rursus in pugnam trahuntur a Paulo Bakicchio, Balthasare Banffio, Francisco Nyario, veteranis, & expertæ militiæ Ducibus, omnesque interfecti. c) Hunc exitum habuit

Imp. Ottom. Tom. I.

R 2

maxi-

a) Testatur Istvanff. se illud in oppidi templo vidisse. b) Soiterus L. II. de Bello Pannonico. c) Annales Turcici ajunt: duodena millia irrupisse in Austriam, & majorem partem occiso Casane interiisse.

A. C. maximis curis, & impensis, duorum annorum spatio adornata expeditio, quæ 1532. Principibus Christianis torporem excussit, & in campum coegit. Carolus V. sub signis numerabat nonaginta millia peditum, triginta millia equitum. Sed tantus exercitus spectandi potius, quam pugnandi gratia confluxisse videtur, nihilque commodi Reipub. attulit, quam quod sui fama Solymanum celerius Byzantium coegerit.

Jam is apud Græcium Styrorum urbem, Mura flumine trajecto, multis affectus incommodis, ad Marpurgum oppidum Dravo adlitum pervenit, ratus se eo in loco pontem reperturum. Verum incolæ, adventu hostium cognito, eum disjecerant, cunctaque navigia, ne hostis iis uteretur, in tutiorem locum adverfo flumine pertraxerant. Ancipiti periculo circumventus, cum moras necere in hostico nollet, neque tigna ad manus essent, quibus pons strueretur, natando flumen superare statuit. Invento per equites vado, arte fortunam adjuvat in hunc modum: sex equitum millia ingredi tumescentem fluvium imperat, ut rapidissimum aquarum cursum frangerent, impetumque primi exciperent; ipse postmodum cum Ibrahimo, & nobilioribus adolescentibus spatio circiter unius stadii, infra equitum stationem fluvio se commisit, & non sine præsentis vitæ discrimine, stupente exercitu, in alteram ripam enatavit. Imitatus Julium Cæsarem, qui per Ligerim, Sicorimque olim transvexit militem. a) Turmæ deinde equitum ingressæ, pedites una transvexere. Hos secuti lixæ, calonesque onusti impedimentis. Multi vorticibus absorpti cum jumentis periverunt: triduo cum flumine luctatæ, tandem adversam ripam tenuerunt copiæ. Felix haud dubie Solymani temeritas; nam pauca nostrorum millia, grandem illum exercitum ad satietatem cedere potuissent. Marpurgo digressus alpes inter, & Dravum sævitia frigorum fractum militem duxit, atque post multos viarum errores, aliasque calamitates in planiora eluctatus est. Hic divisio exercitu in duo agmina, quo facilius iter agerent, primum Belgradum diverso itinere, tum junctis agminibus Adrianopolim perventum media b) hyeme, magnam partem frigore, fame, & sinistra in Austriam facta excursione, amisso milite.

Nec melior mari fortuna cessit. Andreas Doria c) jussu Caroli V. Cæsaris, & Hispaniarum Regis, octoginta trium navium comparata classe, Corcyram, Cephalleniam, Zacynthum, Jonii maris insulas prætervectus, in Peloponnesum trajecit. Quo minus Veneti vires suas classi conjungerent, foedere prohibebantur. Nec consultum erat illud abrumpere, quamvis opportuna occasio adesset, res terra, & mari feliciter agendi, ne Turcæ, hoc ostenso exemplo, foedera violarent, gentium jura convellerent, & pro libidine in fortunas, libertatem Venetorum, aliorumque grassarentur. Quapropter neutram partem amplexi, quippe pari foedere Hispano illigati erant, toto belli tempore hostilitate abstinuere; solum infesta signa in eam moturi, quæ oppidis Venetæ ditionis vim inferret. Ottomanicæ classis d) Præfectus venientis Doriæ fama perculsus, ex Ambracio sinu sollicitatis remis, & velis in altum, Chalcidem navigavit, neque prælio navali cum Hispanis configere ausus fuit. Depulsa statione inimica classe, viam sibi straverunt Christiani ad victoriam.

Methonen invadendam suadebant plerique Ducum, & inprimis Salviatus Melitenium navium Præfectus, in hanc sententiam inclinabat, qui anno præterlapso ex insidiis adortus eam urbem noctis tempore, cæsis custodibus triumphum cecinit ante, quam re ipsa vicisset. Turcæ enim correpto ferro militem sine ordine prædas legentem, momento fundunt, ac urbe eji-ciunt. Sed Doria intentiores futuros esse ratus præsidarios, quam ut per insidias, aut vi aperta capi possit oppidum, Coronen ad ictum destinarat, quam

a) Julius Cæsar L. VII. de Bello Gallico. Item L. I. de Bello Civili. Hannibalem simili arte transmisisse Rhodanum Livius Dec. III. L. I. refert. b) Istvanff. loco laudato. c) Annalibus Turc. Doria; Scriptoribus passim Auria, ut Joanni Bapt. Vero, Angelo Gallucio part. altera de Bello Belgico L. XVIII. d) Hunc Præfectum nominat Istvanffius Hiemeralem voce utique corrupta uti liquet e Leunel. c. 41. ubi Emir Halem scribit; estque nomen dignitatis, non familiaris.

quam etiam post acerrimam dierum aliquot oppugnationem, centum sexa-^{A. C.} ginta quatuor tormentis vexatam, post cælas auxiliares copias occupavit. 1532. Eodem tempore arx rupi a Venetis imposita, deditionem fecit iis conditionibus, ut milites, nautæ, machinatores cum domesticis rebus, atque impedimentis, quo vellent, abirent. Præsidio Hispanorum imposito, Hieronymi Mendozæ fidei arcem committit. Vela deinde relegit Doria, Patras, Achajæ urbem, obsessurus. Hostes non expectato Hispano, se illico in arcem proripiunt. Neque hanc constantius tuebantur. Missis Oratoribus pacem orant, utque incolumes abire sinat in Ætoliæ, arcem cum bellica suppellectili tradunt. Excedentibus Janicaris, ac imbelli puerorum, sæminarumque multitudine, cum ferociore aliquot Hispani in mundum muliebrem involarent, eoque palam direpto injuriam sæminis inferrent, facinus istud vindicaturus Doria, eosdem re comperta suspendio damnavit, ut vel inde Turcæ intelligerent, quanta religione pactis conventis stare oporteat.

Naupactum procedere jussu exercitu, ipse in angustum Corinthiacum ^{a)} sinum invehens, litoribus impositas arces Rhium & Molycreum dictas, cum aliquot cohortibus infestus petiit. Ostenso armorum terrore, eam, quæ in Achaja ^{b)} erat, nec arte, nec ingenio loci munitam, & in deditionem pronam, quasi per ludum cepit, militique diripiendam dedit. Quæ res apertam in castris seditionem movit. Nam qui in castris remanserant, visa commilitonum præda sine pugna, sine vulnere parta, tantam invidiam animo conceperunt, ut rupto militaris disciplinæ obsequio, desertis signis per Peloponnesi oppida volitaverint, mappalia exusserint, prædas egerint, quoadusque iræ, dolorique satis factum putarent. Hanc militum licentiam Doria, ut erat vir tristi, severoque ingenio, strenue castigasset, ni mollioribus remediis in tanta propinquitate hostium utendum fuisset. Sed & ipsi milites flagitium agnovere, iraque in pudorem versa, egregiis factis illud eluere optarunt. Ardor militum ne otio inteperceret, in Ætoliæ trajicit; Molycreum obsidet, tormentis quatit. Restiterunt præsidarii, impressionemque Hispanorum forti animo sustinuerunt, maxime cum sperarent Naupacto auxilio venturos equites, peditesque, quos magno numero in Peloponneso legi intellexerunt. Adfuere illi quidem, sed pugnam vitabundi opinione celerius se ex campo proripiunt. Molycreum interim castrensis machinis laceratum, admota manu expugnatur. Turcarum nemo inter captivos fuit, adeo rabiem effudit Hispanus. Neque huic incruentam victoriam reliquere. Pulverariæ turri ignem subdidere, & se, & victorum non paucos in auras eiecere, tanto furore grassantis mali, ut classis pene lapidum strue opprimeretur. Circumlato terrore per sinum Corinthiacum, utrumque litus depopulatus est, militemque ingenti præda ditavit. Hiemante jam anno cursum Genuam flexit.

Captam Coronæ ægerrime ferebant Turcæ, & Solymanum pudor 1533. subibat terra, marique vinci. Itaque operam, animumque impigre advertit, ut Peloponnesum in integrum sibi vendicet, quod tanto expeditius sibi fore non ex vano opinabatur, quanto viciniore provincias, insulasque sui juris haberet, e quibus militem brevi spatio deportare posset; Hispanis procul agentibus, & sæpius tempestate maris interclusis. Exeunte hieme Galipoleos Præfectus, ^{c)} cui maris Imperium attributum est, Coronæ obsedit, & præsidarios ad summam rerum inopiam redactos, pene in desperationem adegit. Doria, quem nihil horum latebat, pro periculi magnitudine celeriter opem tulit. In conspectu urbis classem ad pugnam instruit, quasi omnibus viribus acturus, quanquam vehementer abhorreret a prælio navali, id tamen eo consilio fecit, ut commeatum facilius obsessis inferret, Turcis magis in prælium, quam ad annonam intercipiendam intentis. Res

R 3

etfi

^{a)} Fauces adeo coarctant in hoc sinu maris Jonii aquas, ut vix stadio uno Ætoliæ a Peloponneso distare videatur, quemadmodum ad Hellepontum Europa ab Asia. Utrumque litus præsidio tenetur. Bajazethes Ætolico castello turrim adjecit, & geminum murum. ^{b)} Achaja Peloponnesi regio contra Ætoliæ sita. Præsidium Achajæ Rhium, Ætoliæ Molycreum appellatur. ^{c)} Apud Scriptores Luthis, & Luthis Begus appellatur.

A. C. et si feliciter cesserit, nihilominus annonariæ maximo in discrimine versabantur. Nam cum hostes e turritis suis navibus vim pilarum emitterent, Hispani fugæ speciem præbuerunt, & annonariæ cursu tardiores, omni ex parte oppugnabantur. Eratque tanta trepidatio inter eos, qui navibus præsidio erant, ut natandi rudes, se in mare temere ejecerint complures, ne in Turcarum manus laberentur. Actum fuisset de annonariis, nisi Doria accurrisset. Continuo mutatur prælii facies. Hispani recenti auxilio adjuti, resumpto animo victores navibus exturbant, Janicsaros ter centum interficiunt, commeatumque urbi inferunt.

Non multo post nobiliorem victoriam consecutus est Hieronymus Canalis Venetus, adversus Morum Alexandrinum, celebrem piratam, quive in hac expeditione Hispanis juxta, ac Venetis multum negotii facessivit. Apud Cretam nocturno prælio concursus est: e tribus, & decem navibus quatuor merse, tres captæ, reliquæ male mulctatæ Alexandriam profugerunt, Morus octo vulneribus appetitus inter captos fuit. Veneti facile apud Solymannum se purgarunt, sive quod Mori piraticam ipse detestaretur, sive quod nollet se bello Veneto implicare, nondum perfunctus Hungarico, & Hispano; sive quod in Africam copias trajicere meditaretur. Corone interim lenta obsidione fatigata, longe graviorem, quam antea, experta est famem. Præsidarii eodem vultu, & animo pestiterunt, etsi quotidie eorum numerus minueretur morbis, qui propagari solent celeriter, ubi inedia dominatur.

Pauci, qui supererant, communi decreto sanxerunt, se in confertos hostes irruituros, pugnantesque mori potius in armis, quam tradita in urbem, pecorum more jugulari, aut diuturna fame vexari, & nullo operæ pretio ingloriam vitam ponere. Demum Macicaum, Mendozæ successorem, contumaces perpellunt, ut prælii fortunam experiretur in campo, quando nihil superesset in urbe præter arma, & dirissimam famem. Ergo silentio noctis urbe egressi Andrusam oppidum improvise invadunt. Sparso per tuguria incendio, Turcæ tumultu exciti Hispanis obstant, illucescente die eorum paucitate sprete portis erumpunt, Macicaum glande prosternunt. Duce orbatī festinatum temere prælium, pari formidine deserunt, Coronen pugnando sese recipiunt, Achomate alæ Præfecto, dum tergis fugientium incautus hæret, trucidato. Vix Coronen pervenere, mutato consilio naves conscendunt, & in Italiam a) vela faciunt.

1534.

Dum Peloponnesum Majorum industria partem Solymannus tuetur, non dubitavit in Africam, Persiamque arma inferre. Africana expeditio Chairadine, b) pirata sui ævi celeberrimo, agente suscepta fuit, quam eo avidius Solymannus arripuit, quod, si ea in regione vires suas stabiliret, facile Hispanias, Siciliam, Italiam, omnesque maritimas provincias pro libidine divexare posset. Juverit isthic Chairadinis res gestas, & fortunam in compendium mittere. Mitylenis, in insula Lesbo, in lucem editus cum fratre Oruccio, cum paupertas domestica utrique gravis esset, sub cujusdam Kemalis auspiciis piraticam fecere, tanto turpissimæ artis successu, ut brevi temporis spatio, spe prædarum invitati, numerosi vires confociarint, terroremque sui, longe, lateque fecerint. Delati in Africam, Algerii c) Regulum domestico bello involutum reperiunt. Is cum fratre de Imperio ad arma descenderat. Oruccius Reguli partes tuitus, milite suo Numidas, Mauros nullo negotio fundit; versisque in Regulum armis, throno dejicit, Algerio potitur. Mox Bugeam d) obsidet, maris Imperium sibi vendicat, Didacum Veram, Hispanorum Ducem, cædit; Hugonem Moncadam cum

a) Annales Turcici Coronen desertam referunt ad annum sequentem. b) Ne filum narrationis interromperemus, commode huc transfulimus. Chairadin, sive Chairadines, aliis scribitur Chairadenus, Hariadenus ut Famiano Stradæ de Bello Belgico Dec. I. L. VIII. & L. X. Italia plerisque Barbarossa, Ænobarbus. c) Algerium, vulgo Algier, olim Julia Cæsarea, Rusconum, urbs, & regio hujus nominis, cujus incolæ piraticam faciunt, nihil prohibente Magistratu, modo partem spoliūm ærario publico inferant. Jacet in Barbaria, seu ad oram maritimam Africa. d) Bugea, Bugia arce, & portu manita.

cum veteranis copiis internecone delet. Partis tot, tantisque victoriis A-A. C. fricæ possessione frui potuisset, si unquam felix temeritas inveniret modum. 1534. Dum finitimos Regulos perpetuo laceffit, & Orano A) minatur, Hispanorum arma iterum provocavit, a quibus cruento prælio superatus, regno juxta, & vita exutus est.

Chairadines fratre non inferior, prædonum acclamatione Dux nominatus, Mausos sibi infestos, & Numidas secundis præliis, persæpe fregit; adaucta classe oras Hispaniæ, Sardinia populatur. Vicinos Dynastas terrore nominis subigit, reluctantes in solitudinem retrudit, Algerium ab Hispanis proxime interceptum, rursus occupat. Hæc strenue molientem, fortuna nusquam deseruit. Inde Chairadinis momen in dies magis clarescere, fama cum opibus latius propagari, Hispanorum militaribus factis multum decerpere. Solymanus tantæ virtutis bellicæ æquus æstimator, nullum non lapidem movit, quo virum suas in partes alliceret, certus se illius opera Africæ Imperium obtenturum. Ergo e Pannonia redux, Mangalim Rhodiorum Præfectum, Algerium expedit, ut Chairadinem promissis oneratum Byzantium deportet. Neque is reluctatus fortunæ; postquam intellexit se Ottomanicæ classis Præfectum fore, atque in Africam rediturum cum majoribus viribus, quo vastum illum terrarum tractum subjugaret. Commendata provincia suis amicis, cum quadraginta navigiis Byzantium B) venit. Imperator hospitis ingenio delectatus, fama longe majora sibi pollicebatur. Nam adeo scite, partiteque de militis legendi, deportandique in Africam modo, deque tota expeditione disceptabat, ut cautos quoque, ac providos in suam sententiam perpelleret; vulgus, & milites unum virum, Ducemque sprete aliorum segnitia, laudibus ferrent. Hanc sui famam primis statim diebus commoverat, dum gregariis mixtus militibus, flagrantibus oculis, vultu horrido, incomptoque, truci voce, quo latius audiretur, de bello Africano loqueretur, enumeraret syrtes, & scopulos, & infidas navigiis stationes; nec non pugnas, & victorias suas, seque Ducem maritimæ expeditionis ultro offerret; atque eo gravior utique militi, quod culpæ, vel gloriæ focus futurus.

Verum invidia, quæ aulicorum animos Euripi instar versat, pene Chairadinis spem evertit. Afflaverat ea pestis aliquot Purpuratos, qui gratia, qua pollebat apud Solymanum, novi hominis offensi, iniquissime ferebant, sibi præferri exterum, eumque consiliorum participem; domesticos negligi. Et Gallipoleos Præfectus, ut erat vastiore animo, quam cæteri, cum præfecturam maris sibi confirmandam magna persuasione destinasset, dejectus ea spe, quidquid infra votum veniret, beneficii nomen amissurum putabat. Hinc in privatis Purpuratorum colloquiis hæc plerumque materies querelarum. QUASI postquam multa acceperis a Principe, injuriæ loco sit te plura accipere potuisse. Solymanus ut invidiam, iramque declinaret Purpuratorum, astu utitur. Ibrahim consilio standum ait: *quidquid is super hoc statuerit, se ratum, fixumque habiturum*. Aberat id temporis in Syria cum exercitu, primo vere Persiam invasurus. Chairadines æmulatorum obtreccionibus minime perterritus, Amani jugis nivibus obfritis superatis, Aleppi Ibrahim convenit, facileque hominem, muneribus jam olim devinctum, suas in partes pertrahit. Et re ipsa neminem unum Purpuratorum Chairadini parem existimavit, qui maritima scientia, fortunaque, ac matura prudentia eum adæquaret. Datis in hanc sententiam ad Imperatorem literis, momento Purpuratorum voluntatem flexit, invidiam extinxit. Tanta authoritas Ibrahim erat. Igitur maritimi Imperatoris dignitate decoratus, paucis post diebus Hellesponto c) egressus cum valida classe in

A) Oranum, hodie ditionis Hispanæ munimentum, arma Maurorum, & Hispanorum crebro expertum, asperæ rupi impositum, portu celebri, & binis castellis gaudet. Annis ducentis sub potestate Hispanorum erat, Mauris frustra impugnantibus. Anno 1708. semestri oppugnatione fractum Mauris cessit, at 1733. rursus Hispani juris effectum. B) Annales Turcici. C) Quadragies centum millia Asprorum in hanc maritimam expeditionem data sunt Chairadini, quæ summa ducenta millia florenor. facit teste Leumc. c. 18, & 227.

A. C. in Italiam navigat, ac ferro, & flamma litori proxima loca evastat. Neapo-
 1534. lim metu prostratam, haud dubie cepisset, si copias admovisset; Tarraci-
 nam incolis destitutam diripit, Romam ipsam, quasi novus Hannibal, præ-
 sidio vacuum maximo terrore complet. Sed mens non erat Chairadini in
 Italiæ viscera bellum effundere. Quapropter celeritate maxima in Africam
 trajicit, Tunetanæ provinciæ Regulum Muleassén oppressurus ante, quam
 adventum Ottomanicæ classis sentiret. Jam qua ratione Muleassés regno po-
 titus sit, operæ pretium erit rem omnem breviter explicare.

Muleassés, Mahometis Tunetani Regis filius, ingenio matris suæ
 Lentigesiæ, virilis animi fæminæ, etsi ætate, & rebus gestis inferior Maimo-
 ne fratre, præ eo sceptrum, coronamque in suam familiam traduxit. Nam
 Mahometes jam jam animam acturus, Lentigesiæ precibus victus, Muleas-
 sém Regem nominat, sceptrum, coronamque eidem transcribit. Hic elato
 parente, Maimonem clari nominis Ducem, carceri jam olim inclusum pro-
 pterea, quod suspicionem præbuerit Patri de occupando regno, barbara
 crudelitate vita spoliatur: duos, & viginti præterea fratres pari tyrannide,
 partim securi percutit, partim exustis ferro oculis exilio mulctat. Roscettes
 secundo loco natus, meliori fortunæ debuit, quod impias manus effugerit.
 Hic armis jus suum quæsiturus, cum Tunetani cives nihil auderent, Chaira-
 dinis arma imploravit. Avide arripuit occasionem novum bellum in Afri-
 ca ferendi. Roscetten secum Byzantium abducit, eumque, Solymano an-
 nuente, vinculis constringit, extra patriam positurum vitam, ne quid tur-
 barum in Africa daret.

Hoc patrato facinore Chairadines in Africam, ut proxime memini,
 delatus cives Bisertanæ urbis, commento prorsus ignobili ad deditionem
 compellit. Fingit Roscetten, Tunetani regni hæredem adesse; petere a
 bonis civibus, officii memores, ut Regem accipiant, primi ad amplissimos
 Regios favores aditum aperiant, obsequio suo reliquos, quid facere oport-
 eat, doceant. Mittit deinde ad primæ nobilitatis viros e Roscettis familia
 aliquot Adolescentes, qui ad ingenium, ad mores Chairadinis facti, dolum
 inceptum pertexunt, asserunt: *Roscettem per maritimam jactationem in
 morbum incidisse, neque posse navi egredi.* Bisertani cum Muleassés tyran-
 nide offensi, tum novarum rerum cupidi, fidem illico habent, deditionem
 faciunt, Præfectum repugnantem oppido ejiciunt.

Successu lætus fallacissimus bipedum, celeriter Guletam a) vela in-
 tendit, ratus hanc pari fraude captum iri. Præsidarii non properaverunt
 deditionem; affirmabant tamen se in illius potestate fore, si Tunetum, b)
 regni caput, domuerit. Classe itaque festinante, consueta victoribus ala-
 critate, ac prædandi spe, in conspectum Tunetanæ urbis ventum est. Ci-
 ves Muleassés sævum imperium jam dudum exosi, in Roscetten, mitioris in-
 dolis Principem, sua vota transtulerunt, certi huic adhæsurus, ut primum
 signa adversus fratrem extulerit. Muleassés inter spem, & metum hæsitans,
 suorum animos periclitatur, & quod unum supererat, amplissimis pollicita-
 tionibus sibi devincire adlaborat. Sed degener Princeps, sola crudelitate,
 atque avaritia notus, fidem non reperit apud cives, quos tædium inanum
 promissorum cepit. Ubi auctoritatem suam quotidie imminui, odium in-
 veteratum augeri, conspirationibus, insidiis se peti sensit, non ultra mora-
 turus apud infidam urbem, clam Tuneto cum paucis abscedit, adeo matu-
 rata fuga, ac perturbata mente, ut ornamenta Regia, facti, infectique auri
 vim ingentem relinqueret, salutis solum anxius. Patefacta Muleassés fuga,
 certatim oppidani Roscettis partes sunt amplexi. Chairadines extemplo qui-
 nis Turcarum millibus urbem occupat inter festas militum acclamationes,
 vitam Solymano, & Chairadini, militari carmine precantium, alte suppresso
 Roscettis nomine.

Id

a) Aliis Goleta, arx e quatuor turribus extructa juxta mare. b) Tunetum urbs amplissima Africa
 Carthagenensis, regno nomen indidit. Sita est juxta veterem Carthaginem, Romæ æmulam.

Id enim vero incredibilem dolorem Tunetanis inussit, maxime cum A. C. intelligerent mala fide Chairadinem agere, Roscetten in vinculis Byzantii 1534. gemere, Solymanum regno potiri velle. Mesuarus, inter Mauros facile Princeps, furentibus facem addit, se Ducem præbet factionis. Nec mora, correptis armis arcem invadunt, Ottomanos eo compulso, tanta rabie impugnant, ut ægre mœnia tuerentur. Muleasses spe recuperandi regni incensus, quam maximis itineribus Tunetum celerat, copias suas oppidanis jungit, & Chairadinem in ultimas angustias conjicit. Nam etsi Janicsari intrepide ferrum expedirent, machinas in confertos non sine strage dirigerent, tamen quod Muleasses obsidionem arcis minaretur, ab annona male provisæ, res in apertum discrimen adducta fuit. Igitur obsidione depulsuri oppidanos, improviso erumpunt, & post cruentum certamen (Mesuaro inter primos plumbea glande trajecto) in fugam abigunt Muleassen, cæsis tribus milibus Tunetanorum. Hac clade prostrati, se Solymano dedidere. Cæteræ urbes vim Ottomanorum expectare non ausæ, parem fortunam habuere. In hunc modum Tunetanum a) regnum in Solymani potestatem devenit, unius piratæ industria, qui compositis ad victoriam mendaciis, miro rerum successu ea gessit, quæ summi Duces validis exercitibus aggredi formidarent; memor illius: VICTORIS nomen quomodocunque partum, non erubescendum.

Eodem tempore in Asia, quo hæc secundo Marte in Africa gesta, bellum emerfit. Post fata Ismaelis Persarum Regis, filius natu major Techmafes rerum potiebatur, ultra ætatem bellicosus, & gloriæ appetens. Jam inde ab inito regimine, bella ex bellis ferere assuetus, finitimos Regulos partim metu, partim vi intentata provinciis suis exutos oppressit. Veteri odio stimulatus in Turcas; nam parentis iræ, animique cum hæreditate ad eum transierunt; non dubitavit subinde prædatoria manu Syriam divexare, ut Præfectos illius regionis ad depellendam injuriam excitaret, captaque opportunitate cum ipso Solymano signa conferret. Hunc in modum ruptis induciis, ad Euphratem subitariis præliis sæpe pugnatum fuit, utraque parte ad spem prædæ convolante. Hæsit aliquantum Imperator, num Persarum injurias ulcisceretur, nondum bello composito cum Carolo V. Cæsare, nec satis firmato Zapolyo in Hungaria? exemit primum dubitationem Ula-manes, sive Ulumas Begus, qui ducta in thori consortem Ismaelis sorore, ac provincia satis ampla, ob res bello præclare gestas, accepta, nescio qua intemperie actus, exuta fide Byzantium se contulit, multisque egit, ut bellum in Persiam transferret. Suasu denique Ibrahimi, occasionem solícite quærentis a Christianis Principibus avertendi tempestatem belli, expeditio in Persidem adornatur. Primus Ulumas Begus ære suo conductis copiis accinctus, provinciam veterem ingreditur, mox Turcico milite auctus, Curdistanium b) Principem, Serefem, prælio fuscum interficit. Ibrahimus Ulumam secutus, raptis sub signa militibus Aleppum, Syriæ urbem, petit, trajectoque Euphrate in hosticum ducit.

Id temporis Techmafes domestico bello implicitus, in interiori Per- 1535. fide c) Kezienem Bassam persequabatur, viresque totius Imperii eo contrahabat. Turcæ Uluma Ductore, regionem præfidiis destitutam, ac undique apertam, sine jactura vel unius militis capiunt, Taurisium, nobilem urbem, milite, & incolis fere vacuum occupant. Nam Musa, sive Moses, Soltanus, qui loco præerat, metu turbatus urbe excessit. Inspecta loci natura, Ibrahimus e ruderibus munimenti veteris, arcem eduxit Gegorianorum machinatorum ingenio, quam festinatione operarum pariter, & successu omnibus numeris absolutam, bellico instrumento munivit. Proditum d) memoriæ est, ter centum quinquaginta tormenta arcis imposita, quibus non tam Taurisio, quam arcis securitati consulere voluisse Ibrahimum crediderim.

Imp. Ottom. Tom. I.

S

Techma-

a) Annales Turcici. b) Curdistania provincia iisdem limitibus circumscripta est, quibus olim Chaldæa, Leuncl. c. 232. c) Vulgo Chorofane. d) Ita Spanduginus laudatus a Leuncl. c. 231. Errorem autumno irrepsisse in numerum.

A. C. Techmaſes inter hæc Tauriſium magnis itineribus contendit, oppreſſus, ut putaverat, ante Ibrahimum, quam acceſſione Solymani firmaret exercitum. Prælii cupidus opportunitatem capeſſendæ pugnæ prope mænia expectavit. Imperatoris cum robore Janicsarorum adventus, alia conſilia Techmaſi iniecit. Cum enim multo fortiores & numero, & apparatu machinarum Ottomanos animadverteret, fuga ſe eripuit Soltaniam. **A)** Neque hic operiri auſus vim hoſtium, montium juga inſedit, cunctatione ferociam Turcarum domiturus, &, quod ſequi amat, e manibus victoriam erepturus. Motis Tauriſio caſtris, in vaſtam regionem cœptum eſt iter arduum ſane, atque difficile. Illud militum animos non modice recreavit, quod nemo hoſtium lateri circumfuſus, agmen carperet, aut ignotos calles teneret. Sed ubi ventum eſt ad oppidum Hemedanen, non parva clades accepta fuit. Sæviente præter modum frigore, ventorumque turbine, caſtra Turcica adeo divexata erant, ut multi rigentibus membris nec ſe, nec arma ſuſtinere poſſent, paſſimque ſopore oppreſſi, per campos ſternerentur. Non hominibus, non jumentis vis mali pepercit, & quod calamitatem auxit, in infeſta regione procedendum erat, nec ſpes affuſit mollioris tempeſtatis, intra altiſſimorum montium convalles, quæ incolarum odia induiſſe videbantur; adeo furentes nivium procellas effuderunt.

Acceſſit & aliud ſævientis fortunæ telum, quo victor ille exercitus multum concidit. Fluvius **B)** in varios mæandros exerrans, id temporis alveum, aggeresque alicubi ſupergreſſus, alibi demolitus, tanta alluvione contexuit patentes campos, ut Ottomanos pene in deſperationem egerit. Superandus nihilominus erat, ni famem jam ultimam perpeſſi, in ſterili ſolo mori vellent. Capto in arena conſilio, tumentibus aquis ſe, exercitumque committit Solymanus. Nunquam atrocius immite elementum Turcarum audaciam caſtigavit. Prærapida celeritate amnis, natantes occupati, miſere abſorbebantur, præprimis illi, quos longior inedia confeſcit. Nonnulli vada explorare juſſi, cum equis hauriebantur. Sed multo major ſarcinarum ſtrages erat, atque hominum, jumentorumque. Nam ubi armatos rapacior unda in vortices detulit, & præſens periculum ſubeundæ mortis propius admovit, ſarcinas paſſim abripi ſiverunt, contenti arma, quibus nova ſpolia eruerent, & vitam in ulteriorem ripam efferre. **ADEO** vitæ amorem natura parens hominibus alte impreſſit, ut illud non ægre dimittant, quod multo aliquando ſanguine, & præſenti vitæ diſcrimine emerunt. Quot nam hæc periculi plena tranſmiſſio hauſerit? Annales non meminere. Memorabilem tamen virorum, jumentorumque jaſturam ſubiſſe Solymanum loquuntur. Et facile id ſibi quiſque perſuaſerit, ſi in memoriam revocet, frigore, fame, laſſitudine prope enectis, fluvium, hiemalibus aquis auctum, ſuperandum fuiſſe. **C)**

Hoc diſcrimine perfuncti, reſta in **Aſſyriam**, regionem cum a molliori cœlo, tum ab ubertate agrorum, Scriptorumque calamis multum laudatam, tetenderunt. Babylonem **D)** procedentibus cives obiam effuſi, deſitionem urbis obtulerunt, tanto gratiorem Solymano, quanto majoris operis fuiſſet corona cingere ampliſſima mænia, propugnaculis, turribus munita. Sic olim Macedoni Babylonem verſus proficiſcenti cum exercitu, oppidani non auſi obſiſtere, ſe, urbemque cum fortunis ſuis tradiderunt. Sed Ottomanorum fortuna præhabenda videtur Macedonis. Quippe Perſarum fugientium agmina, partim in campo cæſa, partim Lyco amne abſorpta, plenam victoriam Alexandro **E)** reliquere; nec Babylon victoribus pares vires habue-

A) Solrانيا, olim Tigranocerta, tum Romanis, tum Græcis Scriptoris urbs nota. **B)** Turcis Docus Gezi nominatus, quod novies transmittendus ſit. **C)** Annales Turcici. **D)** Babylon Turcis Bagdadum. Apud Ortelium duplicem Babylonem reperies: alteram ad fluvium Tigrim in limitibus Meſopotamiæ, ubi Euphrates Tigri miſceretur, ſitam, veteribus Seleuciam, & Babyloniam dictam, quam nonnulli Geographi, Bagdadum eſſe contendunt. Alteram in Chaldæa, quæ pars Aſſyriæ fuit, poſitam; & hanc pariter authoritatis Geographi Bagdadum nominant. Conſule Leuncl. c. 4. Strabonem L. ſexto, & decimo. Item Q. Curtium L. V. cum commentationibus Mathæi Raderi e S. J. quæ non legiſſe, eſt in Hiſtoriæ leges peccaſſe. **E)** Q. Curtius L. IV. & L. V. c. III.

buerat; cum contra Ottomanus sævientibus elementis fractus, & de salute **A. C.** potius, quam victoria sollicitus, Persarum re integra, & nondum bello la- 1535. befactata, Babylonem, regionis caput, ab armatis acceperit. Urbs tanti nominis, cæteras ad deditionem incitavit. Præfectos singulis provinciis imposuit, cum prius ab uno Rege jus acciperent, nec alius præter hunc, dominaretur in eas. Babylonem vero, feracem bellorum segetem, progressu temporis futuram, tum annona, tum æneis machinis instruxit, & annem **A)** in fossas, operibus mæniorum adjectas, deduxit, non minus ad voluptatem, quam commodum oppidanorum. Nec illud hic tranfiliero, quod a Solymano actum Annales meminere. Zelebis Ischender, sive Alexander, summus ærarii Præfectus, plures per annos pecunias a misera plebe extortas, per summam Principis sui injuriam coacervaverat. SED cum avaritia modum nesciat, & quo plus huic contagioni dederis, eo ampliora desideret, thesaurorum mala fide subductorum arcessitur apud Solymanum; cumque causa caderet, plenus infamiæ in urbis conspectu suspendio necatur, suo infortunio exemplum daturus posteris: REMIS, velisque fugiendam hanc pestem viris, populari in sole versantibus, ne plus infamiæ, quam opum compilent, & apud Judices, præcipue avaritiæ deditos, omnibus aliquando facultatibus evertantur.

Dum ad Babylonem copiæ reficiuntur, Techmafes e latibulis pro- 1536. gressus, otium abruptit, silentibusque signis, Taurisium tanta festinatione adproperavit, ut prius ad mænia esset, quam adventus vulgaretur. Præsidarii metu consternati, etsi sustinere diuturnam obsidionem possent, relicto in prædam Persis omni apparatu bellico, quem nuper Ibrahimum ad defendendam arcem imposuisse narravimus, urbe excedunt. Techmafes militi suo Turcarum sarcinas diripiendas indulgit, quo eum ad victoriam persequendam, promptiorem in posterum haberet. Repertas magno numero machinas partim igne absumpsit, partim e metallo monetam cudi iussit. Ægre id tulere nonnulli, quod tristi augurio dicerent: non secus Turcas in Persidem dominaturos, quam æs ex eorum tormentis cûsum; & vel absentes, perpetuo Persarum animos cruciaturos. Solymanus ad nuncium intercepti Taurisii, exercitum ex hibernis primo vere eduxit, relicto Babylone præsidio triginta millium. Vix percrebuit Turcarum iter, continuo Persæ, fugæ se accingunt, regionem incendiis evastant, incolas cum pecoribus in montes abigunt, nihil denique omissum, quod hostis, si vellet, inferre posset inimicis provinciis. Id cum nunciarent equites, qui fugientibus Persis insistebant, non diutius in regno exhausto, & a suismet ipsius civibus in solitudinem verso, moras nectendas censuit; cumque nullus appareret hostis, in urbe Taurisii sævæ crudelitatis vestigia relinquere. Cives Byzantium migrare compulsi, suis tectis faces subditas videre; nec pepercit insana rabies cultioribus ædificiis, hortisque peregrinis arboribus consitis, & more Persarum ad omnes delicias ornatis. Urbs ruina sepulta Ottomanicæ sævitie triste exemplum erat.

His peractis castra movit Imperator, Uluma Bego agmen claudente, cum delectis Janicfarorum cohortibus, adversus subitaneas invasiones hostium, qui in receptu copiarum plerumque infestiores, raro sine clade inimicos abire sinunt. Nec defuit occasione Techmafes. Expedito agmine Turcas infecutus, duodena millia in Mesopotamia ad Bethlim oppidum uno prælio interfecit, Uluma fugam capeffente. **B)** Hac victoria contentus, non ultra laceffivit recedentes, probe gnarus: HOSTI fugienti etiam pontem aureum, si res postulet, sternendum. Hic exitus fuit expeditionis Persicæ minus prosperæ, cujus suscipiendæ præcipui suasores fuere Ulumas Begus, & Ibrahimus. Uterque capite cladem lisset, ni meliora fata Ulumam eripuissent

A) Tigris immissus fuerit: nam alteram Babylonem Chaldeæ, Euphrates mediam secnit, ut Curtius loco laudato testatur; & Philostratus L. 1. c. xviii. qui pontem Euphrati injectum, elegantissime descriptum ad posteros transmissit. **B)** Annales. Scribunt nonnulli tota expeditione quadringenta millia Turcarum desiderata, aucto supra modum numero.

A. C. Ottomanorum infanæ consuetudini. Nam in plerosque, qui vel Duces, 1536. vel authores belli sunt, si contra, ac in votis habent, res cadat, tanquam publicæ calamitatis fontes, culpam omnem conijciunt, fortunæque duriori suo sanguine litare coguntur. QUASI vero dubii eventus belli ab his unis dependeat, habeantque in potestate fortunæ rotam. Quanquam Ibrahimo necem multa alia maturarint, quæ si per otium hic referrem, non ambigo, me gratiam initurum ab avidis talium. Sed satius sit indicata quam paucissimis eorum summa, Historiæ dignitati, ac Lectoris festinationi juxta consulere.

Haud æquis oculis Purpurati, Ibrahimi in aula potentiam aspexere; sibi, familiæque suæ injuriam fieri existimantes, si favor Principis in unum benignior. Et profecto admiratione res digna: hominem e vili domo prognatum, Christianis parentibus editum; primam ab Imperatoria dignitatem obtinuisse, quamque Juvenis adeptus est gratiam apud Selymum, & Solymanum, ad eum usque diem optimis belli, pacisque artibus perpetuam fecisse; principem in consilio, & animo Imperatoris, locum habuisse inter æmulorum, quos nunquam non parit invidia, multiplices fraudes illæsum. Nec minor apud militem in castris. Anteire agmen, discrimen quodvis exposcere, locum castris capere, consilio, ac sæpe etiam manu hostibus obniti solebat, veste, habituque vix a gregario milite discrepans, incorrupto tamen Vezirii honore. Sed eo jam hominis potentia pervenerat, ipsum Solymanum ut formidine non raro perfringeret. Nempe FIT INTERDUM ut Principes, ubi omnia in unum congersere beneficia sua, in eo reformident, damnentque sero liberalitatem, quasi tela dedissent, quibus identidem impugnentur. Talis, tantusque cum esset, per fæmineas artes corrui. Roxolana, Solymani consors, ut in unum liberorum sive Bajazethem, sive Selymum summa Imperii transferretur, dudum elaboravit, obnitente semper Ibrahimo, qui majori studio, quam prudentia, Mustaphæ ex altero thoro suscepti partes, mordicus sequebatur, plenamque invidiæ æmulationem, eam ob causam alebat.

In reducem e Persia valida factio incubuit. Dicebat Soltana: *Ibrahimum nefaria consilia cum Principibus Christianis miscere, per hunc omnia sanctioris senatus decreta ad externos effluere: inde tot amplissima munera missa. Oratores magis ambire Ibrahimi gratiam, quam Solymani, hunc Imperatoris loco ab omnibus jam haberi, & coli. Hujus suasu nondum Hungariam, nondum Germaniam debellatam; in Perside ingentem cladem Imperio Ottomanico nuper illatam; istius perditis consiliis jure tribuendum, ad Viennam, ad Ginfum male cessisse belli aleam, quod Ibrahimus, animo certo Christianus, ejusdem Religionis homines præ Mahometanis foveat* Addidit muliebres inter blanditias, lachrymas, veluti doloris, sollicitudinisque indices, quas nihilominus in potestate habuit, & pro arbitrio fudit. Postremum monuit Solymanum: *consuleret salutis suæ, ab Ibrahimo Imperii A) insidiatore, quam maxime caveret, cui non aliud propositum, atque ut stirpe Ottomantica excisa, se aliquando Imperatorem vulget. Elatos viri spiritus, ac ultra privatae fortunæ modum indomitos, id unum loqui. Hæc seu vera, seu magnam partem conficta, ad perdendum infelicem opportuna erant. Die Mercurii circa idus Martias, in aulam accitus ad lautiores epulas, postquam periculi securus quietem capit, morte sublatus fuit, facultatibus, quas amplissimas numeravit, ad Fiscum redactis. Sed in Africam revertamur.*

Doluit vehementer Cæsari, Hispaniarumque Regi Carolo, Solymanum Chairadinis, sive Barbarossæ ductu, in terris Africæ pedem fixisse, Tuneto, Guletaque Imperio Ottomanico annexis, conjecitque (ni mature spe Africæ deijciantur Turcæ) non ante quieturos, quam in reliquas regni vastissimi provincias, gradum faciant, partem orbis non minimam subjungent, Hispanos, & vicinas gentes dominatu maris excludant; novas opes, & vires grandi alioquin Imperio socient. Itaque ipse bellicæ gloriæ supra modum,

A) Cum Christianis Principibus occultum fœdus pepigisse Ibrahimum Annales memorant, quo Imperii summa petiretur apud Ottomanos. Vide Brietium ad annum 1535.

modum & post Cæsarum memoriam avidissimus, in Africam A) exercitum A. C. deportare constituit, ut tam multis ex omnium hostium genere victoriis, 1536. novam trans maria de Barbarossa adderet. Nec spe sua frustratus erat. Decimo septimo Calendas Julias anni millesimi quingentesimi trigesimi quinti, classem, Africæ edomandæ parem, ad portum Uticæ B) applicuit, quo Pontificiæ, Neapolitanæ, Siculæ, Melitenfes, aliorumque Principum Christianorum naves sunt appulsæ. Post jactationem refectus miles, Guletæ admoveatur. Hanc Chairadines rebus omnibus apprime instruxerat, etsi non dubitaret ad Solymanum perscribere, se penitus omni metu solutum nihil mali sibi, Africæque metuere; tantum famæ, ac terroris militaribus factis sibi peperisse, ut si albi coloris pileum, quem gestare solebat, grandiori hastæ præfixum, Christianis conspiciendum objiceret, terga haud dubie versuri sint, classemque in Europam soluturi. Reipsa, dum isthoc de se magnifice jactarat, induci non potuit, ut fidem haberet, Carolum in Africam cum exercitu trajecturum, cui satis negotii facessivit Europa. Sed ubi auditum, vulgatumque, prævalidam classem in Africam festinare, ut erat vir strenuus, & imperterritus ad belli famam, navalem, bellicumque apparatus ad Guletam contrahit, militem suum nunquam non prædæ inhiantem ad signa citat, binas turres, in Guletæ securitatem excitatas, præsidio firmat. Verum utraque post brevem verberationem murorum, a propugnatoribus deserta, in Hispanorum potestatem devenit, fuitque augurium, propediem Guletanam arcem casuram.

Eam Carolus quam arctissima corona cingi, vallis, ac castellis e militari arte constructis, tormentisque continenti serie verberari jussit. Pluribus diebus tenuit oppugnatio, quod vellet militum sanguini parcere, crebrius dicere auditus: *filii majori gaudio fore vel unum e suorum numero salvum, incolumemque servare, quam barbarorum centum interfectos videre.* Sed quanto magis Imperatoris cura in militum salute desudaverat, tanto acriores stimulos iis subdidit vitam proficiendi, siue dum obsessi eruptione facta, opera castrorum demoliri vellent, siue dum propugnaculis conscensis pugnas miscerent. Tandem in conspectu Muleassis (venerat is in castra Caroli cum ducentis equitibus Mauris) quem regno pulsum proxime meminimus, Guleta per assultum capta est, postquam e quaternis turribus una, perpetuis machinarum ictibus procubuit. Barbari partim ferro Hispanorum, partim aquis suffocati periere. Præter tormenta variæ fortunæ, & arcus, vix quidpiam spoliolum repertum. Præsidio arcis imposito, Tunetum agmen duxit Carolus, utque clarior urbi appropinquaret, alteram in itinere victoriam adeptus fuit. Barbarossa C) enim viribus suis confusus, locum castris opportunum ceperat, qua Carolo copiæ traducendæ erant, nec pugnam detrectaturus, si Hispani auderent. Nocuit homini sua temeritas. Collatis signis ferocius, quam cautius, non procul a Tunetana urbe, magna suorum strage profligatus est. Janicsari pro veteri nominis dignitate in acie substitere; at cum virtute, numeroque impares, hostili ferro passim occumberent, Barbarossam pudore, metuque confusum fugientem sequuntur.

Hanc victoriam cumulavit Tunetum, ingenti ausu captivorum interceptum. Detinebantur isti magno numero in urbe ad publica onera perferenda, & pro arbitrio Herorum sub hasta vendebantur. Diuturna calamitas, & Barbarossæ minæ ad libertatem conficiendam, omnibus eandem mentem inspiravere. Jactaverat enim insanas voces: *si pralio vinceretur, se cum ergastulis Christianos in auras ejectionem.* Ergo inito inter se consilio, e carceribus prorumpunt, raptisque telis, quæ ad manus erant, præsidiarios invadunt, & delent, sibi que urbem vendicant, quoad Cæsar veniret. Ad

S 3

nun-

A) Africanum hoc bellum feliciter susceptum, & confectum, literis prodidero Aloysius Armerius, & Joannes Etrobius. B) Utica & magnitudine, & dignitate secunda post Carthaginem, atque hac a Romanis excisa caput regionis fuit. Mors Catonis hanc multum nobilitavit. Strab. L. 17. C) Etrobius scribit centum quinquaginta millia convolasse; longe minorem calculum ponunt Annales Turcici, nempe novem millia.

A. C. nuncium feralem expalluit pirata, celeriterque Tunetum contendit. Sed
 1536. cum portas occlusas videret, in montes cum copiis semet coniecit. A Marchione Vastio in fidem Cæsaris urbs accepta, mox a victore milite direpta fuit Muleasse incendente, qui Tunetanorum levitatem, qua ad Roscettem deficere voluere, hac populatione castigandam duxit. Retrusus Barbarossa in solitudinem, cum milites passim signa desererent, senescentemque Ducis fortunam metuerent, consultius habuit, vela Constantinopolim flectere, quæstuosiores extra Africæ limites petiturus provinciam. Hunc in modum pacata Africa, paterno regno Muleassen restituit Imperator, voti utique compos, quod Solymano nobilem portionem Africæ eripuerit.

1537. Persicum, Africanumque bellum excepit Venetum anno MDXXXVII. nescio an Reipublicæ culpa, an Turcarum perfidia obortum. Fruebantur alta pace Veneti regnante Selymo, & quamvis per ea tempora, occasionem res prosperas gerendi terra, marique haberent, tamen fœdere cum eo isto steteret; neque Cæsari, neque aliis Principibus adversus Ottomanos opem tulere. Sed cum Solymani classes maria omnia percurfarent, nec Veneti navigatione abstinerent, mercium aut insularum defendendarum causa, frequenter accidit, ut avaritia impellente navigiis manus injicerent, in mutua jurgia, odiaque exardescerent, & e privatis simultatibus commune bellum accenderent. Quin imo Imperatoris jussu Venetæ triremes, dum in portu Alexandrino in anchoris hærent, cum Præfectis earundem, & nautis occupantur, mercibus in ærarium Imperii relatis. Nec multo post Barbarossam, & Lutfim Bassam, paris odii in Christianos, mari Jonio rem agere mandat; ipsæ terrestres copias e Thracia per Thessaliam, in Macedoniam ducit, tanta usque celeritate, ut prius ad Aulonem metatus fuerit, quam Byzantio excessisse fama in Italiam perferret.

Iisdem fere diebus classis Ottomanorum, Malea superata, Zacynthum, Cephaleniam, Corcyram prætervecta, Aulonem secundo cursu tenuit, nullo hostilitatis signo edito. Sublatis anchoris, improviso Calabriam A) contra Aulonem sitam invadunt, castrum deditione acceptum, violatis pactis diripiunt, præsidarios vinculis onerant, Salentinorum agros exurunt. Nondum hæc scintilla Venetos corripuit, cum Alexander Cantarenus privato dolori nimium indulgens, quod mercibus onustam navim attinuerint Turcæ; duabus hostilibus demersis, Rempublicam gravi incendio involvit. Hanc injuriam ulturus Solymanus, belli Veneti alioquin cupidus, motis ab Aulone castris, in Epirum ducit. Montium accolæ, rupibus suis duriores, ac libertatis, qua inculta regio tot annis floruit, studiosissimi, temerarium facinus sunt aggressi. Solymanum tanti exercitus Dominum, ubi miles nocturnæ quieti indulserit, paucorum manu trucidare statuunt. Damianus author, & Dux præcipuus facinoris, e notis rupibus castra speculatus, excubiarum industriæ imponere non potuit. Captus, ac cruciatum acerbitate victus, insidias detexit, gentique suæ excidium maturavit. B)

In Corcyram subinde, ditionis Venetæ insulam, transvectus exercitus, ejusdem nominis præsidium oppugnare aggressus est, conatu sane majori, quam successu. C) Quippe Aloysius Ripa, & Simon Leonius Veneti, everfis suburbiis, quæ Turcis præsidio potuissent esse, locum rara fortitudinis laude defenderunt. Unum metuebant inprimis, ut ne fame vincerentur ad extremum, hostium victores. Ut malo occurrerent, eos omnes, quos ætas ad arma non finxit, oppido ejiciunt. Funestum agmen, vel ipsis hostibus commiserationis sensum incutere potuit, non Corcyrensis, qui ad preces, ad lachrymas surdi, unius Reipublicæ salutem præ oculis habuere. Hoc edito fortitudinis exemplo, Ottomano spem ademerunt oppido potiundi; & reipsa Solymanus, tædio longioris oppugnationis fractus, satis

A) Hæc regio nomina varia a variis accepit. Græcis erat Messapia, sive Japygia. Romanis Salentinia; ornant eam binæ civitates Brundisium, & Tarentum a Romanis Scriptoribus nobilitatæ. B) Albanos hæc expeditione fuisse coercitos Annales Turcarum volunt. C) Joannes Bapt. Verus L. IV.

fatis operæ pretii se fecisse existimavit, quod multa, graviaque detrimenta A. C. invexerit in insulam, ferro, & igne vastatis agris, atque incolis in servitu- 1537. tis jugum abreptis. Barbarossa tempestate compulsus ad oram Buthroti, eam urbem improvisò occupavit, omnique crudelitatis genere in cives defæviit. Solymantum terra procedentem consecutus, haud procul Galata mancipia, bello capta, continenti exposuit, evocatisque per præconem Byzantinis, vili admodum pretio ea divendidit, omni pecunia ærarii Principis facta. A)

Venetis terra, marique bello laceffit, fœdere novo accedere sum- 1538. mus Pontifex Paulus III. & Carolus V. quanquam pars nobilitatis cum Reipublicæ Duce, pacem præ bello amplectendam, & superioris anni cladem pacato animo concoquendam suaderet: *affore haud dubie*, aiebant, *processu temporis opportunitatem, quo cum fœnore damna Reipublicæ resarciant. Non esse irritandum novis fœderibus, aut aperta belli denunciatione Solymantum, exercitu, maritimis Ducibus potentem. Futurum aliquando, ut fortuna eatenus invicti Imperatoris, fastidio, ac facietate capiatur, & retrocedat.* At Sebastianus Justinianus, Petrus Mocenicus, aliique Reipublicæ columina, ostenso fœdere Principum Europæorum, majorem suffragiorum partem ad bellum prosequendum occuparunt. Impensis Fœderatorum educta classis ducentarum navium, & quinquaginta. Pontificiis præerat Marcus Grimanus Aquilejensis Patriarcha; Cæsareis Andreas Doria, ob eximiam rei maritimæ scientiam, vulgo Neptunus appellatus; Venetis Vincentius Capellius.

Hæc dum Byzantium perferuntur, Barbarossa classis Ottomanicæ centum triginta navium Imperator, Helleponto provectus, Scyrum B) insulam repente subigit, capto Francisco Cornaro loci Præfecto. Ne eodem impetu Schyathum opprimeret, Hieronymus Meno obstitit. Oculo sagitta graviter percussò, pugna prohibitus, a perfidis civibus palam trucidatur. Scelus vindicavit Barbarossa, interemptis, qui primi consilio, aut manu prompti, dirum facinus sunt aggressi. Hac victoria ferox, in Cretensem insulam vela fecit, expositisque copiis Cydoniam c) urbem tentavit. Verum repugnante Gritto, insulæ Prætoze, ac civibus pro fortunis acriter dimicantibus, amplius mille interfectis, receptui cecinit. Nec felicius ad Retimum d) erat, quod oppidani prius majoribus tormentis in classem fulminarent, quam portum intrasset. His vario Marte peractis, postquam idoneis authoribus didicisset, Christianorum classem, quam fama in immensum auxerat, ad Corcyram venisse, e Cretico mari Jonium petiit, Ambraciumque sinum plenis velis intravit, certus arctissimas fauces illius sinus, adversus vim hostilem tueri. Et jam Grimanus Nicopolim, e) in Asiatico promontorio sitam, Pontificiis triremibus obsessam tenuit, tribusque tormentis muros verberavit, quæ Justinianus, Grimani Legatus, incredibili audacia faucibus superatis, adduxerat. Spem expugnandæ urbis dubiam primum reddidit Turcarum adventus ab Ætolia, dein penitus intervertit. Grimanus fugatus obsidionem solvit, inque Corcyram se cum navigiis retulit, operæ pretium se fecisse ratus, quod Turcarum vires, naviumque numerum exploratum haberet.

Erant illæ nec numero, nec robore pares. Quapropter Doriæ, cæterisque Ducibus visum fuit, universam classem propellere ad Ambracium sinum, ne Barbarossa fuga semet subduceret, conatusque pulcherrimos una hac via eluderet. Ergo anchoris motis, Jonio mari ferebatur classis ducentarum,

A) Locus, ubi captivi venditi, saxum Cunarum dicitur. Nomen hoc inditum patet Leuncl. c. 245. a matrum venditione liberos in cunis habentium; Galata distat Leuca una ad Bosporum Thracium versus os ponti Euxini. B) Scyrus Ægei maris insula. Strab. l. IX. pag. 498. c) Cydonia, aliis Canea adeo populo referta, ut mater aliarum urbium vulgo audiret. d) Retimus, nunc Retimo, urbs Cretæ, uti & Canea. e) Nicopolis hæc (hodie Preveza) condita ab Augusto post Asiaticam victoriam ad fauces Ambracii sinus, navali prælio reportatam, devicto Antonio, & Cleopatra, quæ certamini interesse non dubitavit. Consule Historiam Rom.

A. C. tarum, quinquaginta navium raræ magnitudinis, & prætervecta angustias, 1538. inter militum, nautarumque fremitus, signis undique canentibus stationem fixit ad Leucadem. Tum enim vero Barbarossa expallescere, anxie Imperatoris munia obire, solícite militem armare. At Tabaches Eunuchus, cui classis post Barbarossam a Solymano commendata erat, siue æmulatione incitatus, siue reipsa animos additurus militi (qui PLERUMQUE Ducum spiritus induit) non formidavit homini in os objectare immaturum timorem, hortatusque est, ut maritimarum victoriarum memor, pugnam ineat, e faucibus erumpat, & vasto mari sequatur fortunam. Non tulit ferociam æmuli; Gubernatores navium extemplo jubet sinu Ambracio egredi, litusque sinistrum Acarnaniæ capere eo consilio, ut si vim Christianorum ferre non possent, obversis continenti puppibus, militem terræ exponerent, maritimumque prælium terrestri mutarent. Jam utraque classis in aperto pelago vires explicaverat, mutuoque se in pugnam provocarat, neutra tamen ausa est universi certaminis signum edere, procul dubio ob periculum geminum, quod partim ab infido elemento, partim ab ancipiti pugna imminebat. Dextro lateri præerat Tabaches, sinistro Salecus; mediam aciem Barbarossa regebat; omnes Africanis præliis, atque victoriis clari. Capellius præter alios Præfectos ineundæ pugnae perquam avidus, egit apud Doriæ, ne tempus ultra tereret, occasionem, quam præ manibus haberet, haud negligeret; se cum Venetis suis nullum vitæ discrimen recusaturum. Eadem Grimanus repetebat, tanta vocis, animique contentione, ut facile milites, nautæque verba exciperent, mirarenturque juxta, quid tantopere Doriæ ab certamine deterreret?

Jam ex utraque parte, ferociiores in altum provecti, velitationes in omnium conspectu fecere, in quibus Ottomanis superiores erant; duas enim triremes alteram Venetam, alteram Dalmaticam flamma absumpserunt, tres cum vectoribus captivas abduxerunt. Doria nihilominus nec laborantibus succurrit, nec in pugnam elici potuit propterea, quod putaret Barbarossam cunctationem hanc in metum accepturum, captaque inde audacia invasurum onerarias, a quibus certa clades impendebat; adeo omni telorum genere ornatae erant. Sed veteranus Dux in potestate animum habuit, neque credidit prosperis initiis blandientis fortunæ. Dum sic mutuo in conspectu Doria, Barbarossaque plures horas transigunt prope desides; intendentibus se primis tenebris, subito concitatis cæca vi fluctibus, volvi coeptum est mare, ventoque multum increbrescente, munia militum, nautarumque sævissima tempestas turbavit. In tanta maris, animorumque perturbatione unum supererat, ut Corcyram, fidam navigiis stationem, peterent; quod adeo ordine confuso, trepideque peractum, ut ignibus in prætoriis navibus sopitis (ne scilicet hostis sentiret, quo semet reciperent) fugam continuarent. Ferunt Barbarossam Christianorum classem aliquamdiu persecutum, sed alta jam nocte cursum inhibuisse.

Crevit exinde Turcis animus. Et Dux non contentus Doriæ cessasse palmam, ad Corcyram processit, ultro illaturus arma, qui nuper se subdlexerat. Hic rursus, ne quid temere agerent nostri, multa deliberatione tempus extrahunt, Ottomanisque spatium concedunt, Ambracium sinum repetendi, indeque Byzantium hieme ingruente. A) Discessu hostium recreati, præ Dyrrachio Castellum novum B) oppugnandum censuerunt, quod illud præter validum præsidium naves hostiles defenderent, istud modica militum manu teneretur. Veneti sinum ingressi, remorum adminiculo, cum scalæ deessent, muros oppidi superarunt. Hispanos graviori passu muris appropinquantes, duobus Centurionibus amissis, tanta ex dedecore indignatio, ac furor invasit, ut acuite vires ira, conjectis in fugam oppidanis, alia ex parte in oppidum penetrarint. Restabat Castellum saxeo monti impositum, non alio magis securum, quam pervicacia defensorum. Fracta est illa triduo post, quam captum est oppidum. Præsidarii libertatem,

&

A) Annales Turc. hæc referunt ad sequentem annum. B) Castellum novum Dalmatiæ præsidium ad mare Adriaticum.

& copiosam prædam amifere. Hic Fœderatorum res adhæsit, & spes Pirn-A. G. cipum Christianorum evanuit. Quippe cum ex fœdere oppidum Venetis 1538. deberetur, Hispani, Capellio nequicquam reclamante, occupant, injectis quaternis millibus peditum Francisco Sarmento Ductore. Qua re vehementer offensi Patres Veneti, Hispanorum societatem exosi, a Solymano inducias petierunt; quas tamen insita homini arrogantia negavit.

Redierat is e Moldavia, quo hoc anno adversus Petrum illius provincie Regulum, sive Vaivodam, expeditionem suscepit ob cædem Ludovico Gritto illatam, & injurias, quibus mercatores Turcas a) affecerat. Nam qui Ponticam navigationem mercium causa exercuerunt, sæpius Moldaviam petiere. Hos ille partim sub specie variorum criminum, palam trucidari iussit; partim immisilis clam ficariis e medio sustulit. Egerat præterea in aula Byzantina exul, Petri Germanus, Stephanus. Hic corruptis multo ære Purpuratis, Solymanum permovit, ut fratri adimeret dignitatem, sibique jure sanguinis debitam traderet. Cum Moldaviam intrasset, Proceres se, suaque omnia dedidere; Principem pariter dedituri, nisi in Transylvaniam maturata fuga se subduxisset. Potitus Moldavia, Stephanum provincie præficit ea conditione, ut quotannis decem millium aureorum summam pendat. Petrus a Joanne Rege captus, Byzantiumque missus, Galatæ exulavit. b) Solymano præter solidam gloriam hac expeditione reportatam, in belli præmium cessit ager trans Pruthum amnem amœnitate soli, ac ubertate frugum commendatus, Moldaviæ avulsus.

Nondum annus se circumegerat, quod Castellum novum, Dalmatiæ 1539. præsidium, in Hispanorum manus devenit, cum Barbarossa accepto Janicsarorum supplemento, rursus Adriaticum mare invasit, Hispanosque nova possessione dejecit. Sarmentus loco præfectus, etsi strenue vim vi repelleret, tamen cum mœnia in dies lacerarentur, & præsidarii vigiliis, ac inedia confecti, vix armis sustinendis vires haberent, Turcarum multitudini obsistere non potuit. Supremus assultus urbem, juxtaque militem perdidit. Largius eo die cadente imbre, hostis impressionem adornat cum fortissimis peditum cohortibus. Hispani, qui minoribus fistulis suis perpetuo terrori erant, nulli usui potuerunt esse pluvio cælo sopiente ignes, quibus funiculi animari eo temporis solebant, ad nitratum pulverem accendendum. In hac rerum iniquitate, provinciam intrepide administravit Sarmentus: gladiis rem agere milites jubet, ad ruinas murorum Janicsarorum impetum excipit, neve inulti caderent, hortatur. Sed postquam Ductorum plerisque cælis, aut læsis pugna refrixit, pauci, qui supererant, abjectis armis turpiter recedentes, vitam precabantur. QUASI vero barbarorum manus contineri possent, ubi victoria ad vindictam pariter, & prædas impellit. Trucidati sunt omnes, qui primam furentium tempestatem non evaserant. O- ctingenti circiter in inferiori arce, deditioe facta, mancipiorum numerum auxerunt Byzantium abrepti.

Quid Sarmento factum? Scriptores variant. Alii captum, ac Solymano missum; alii strenue pugnantem cecidisse affirmant. Haud procul inde Rizonium, c) Veneti Imperii Castellum, terrore armorum subegit. Præsidarii ad Barbarossæ victoris adventantis famam animis victi, loco cesserunt. Cattara d) urbs, unius hominis fortitudine, Mathæi Bembi, qui Prætoris munere fungebatur, blanditias primum, tum etiam vim admotam pervicit. Agebat literis Barbarossa, urbem ut traderet, Imperatorias vires ut ne irritaret. Negavit Bembus se id unquam facturum: vitam potius, quam urbem dediturum. Ira, indignationeque succensus victor, propulsa classe in sinum, speciem obsidentis præbuit. Sed cum armati pro mœnibus frequentes excubarent, veritus ne in longum traheretur obsidio, Byzantium abiit.

Imp. Ottom. Tom. I.

T

Cum

a) *Annales Turc. & Istvanff. L. XIII.* b) *Istvanff. Annales* addunt, pristinae dignitati restitutum, quod & *Istvanff.* meminit: trucidatis Stephano, & Alexio, qui huic successerat. Vide annum 1541. c) *Rizonium*, alias *Rizonum*, Castellum Dalmatiæ mari Adriatico aditum, ditionis Venetæ. d) *Urbs* ad limites Albanie.

A. C. Cum gravior, auctisque legionibus ferocior, Venetis rebus imminere-
 1539. ret Barbarossa, Patres gravissimo bello fessi, atque Hispanorum Ducis arroganti imperio offensi, pacis consilia iterum inter se agitarunt. Thomas Cantarenus Byzantium missus, foederis procurationem infelicitè cœptavit. Etenim Solymanus ære emptos quosdam habuit, quorum opera Reipub. arcana edidicit. NEC ÆRA quæstuosius impendi solent, neque utilior Principibus scientia, quam hæc. Quippe una est Philosophia regnantium, consiliorum secreta rimari; naturæ vero abdita otiosis relinqui. A) Aloysius Baduarius eandem telam quoquo modo pertexere iussus, adeo difficiles reperit Purpuratos, ipsumque Principem, ut vix manum operi admoveere auderet. Nam aula Byzantina, haud ignara quid actum in Senatu Veneto, quibus incommodis pressa Respub. quantopere pacem præ bello exoptet, quid in mandatis acceperit Baduarius, omnes conditiones superbe rejecit; donec Eoidaurum, Naupliam, urbes nobilissimas Peloponnesi cecidisset. Vulgatis conditionibus omnium invidia laboravit Legatus. Detecta subinde quorundam perfidia, qui Reipub. vulnera, res in Senatu actas enunciarunt, viro clarissimo vetus existimatio rediit, proditoribus ultimo supplicio affectis. Pax firma inter Solymanum, & Venetos in posterum floruit.

Eodem tempore, fortene, an dolo? incertum; funestissimum incendium urbem corripuit, tanta celeritate, ac vehementia flammæ grassantis, ut spatio unius diei, ac noctis, potior Byzantii pars in cinerem resederit. B) Erupit hæc pestis in eorum apothecis, qui pice, resina quæstum facere solent, tanto acriore furore, quanto edaci elemento opportunius pabulum ad vires suas alendas, & propagandas in principio oblatum. Juxta locum, ubi primum incendium obortum, turris vastissima steterat, aut potius ergastulum, scelerum reis destinatum. Erant id temporis compacti eum in carcerem prope septingenti, qui ad unum omnes flammis hausti, celeri fato poenas præverterunt. Feliciores depeculatores vectigalium, qui ne eodem malo involverentur, effractis carcerum foribus in libertatem afferti sunt. Sed nusquam majori clade hominum, atque mercium deflagratione, desæviit indomitus ignis, quam in vico Hebræorum. Cum enim ædificia non interrupta serie connexa sint, ut tectum tecto cohærere credas, frustra sopire malum nitebantur, superante vi flammarum industriam Janicæ sarorum, quos partim civium calamitas, partim prædandi studium e stratis accivit. Accessit & alterum, incendio longe gravius, malum. Egentissimi quique in spem prædæ rapido cursu ferebantur, hinc illinc per urbis compita, & prædavitum mercatorum officinas, quibus flamma parcere visa est, evertabant, novis semper spoliis sociis se per plateas collucescentes addentibus.

Nec cohiberi poterant rapacissimæ furæ. Nam occupaverat cuncta ubique pavor, intempesta nimirum nocte, ac civitate somno arctiore capta, eoque magis exterrita ad crepitantes flammæ, dissonosque clamores. Et mercatorum multi, communem direptionem, populationemque suis fortune illatum iri metuentes, occludere sese, ac firmare domorum aditus institere. Sed quanto diligentiori cura merces suas defensum ibant, tanto vehementius ad rapinam flagitiosos homines provocarunt, irritante cupiditatem mercium precio. Vix emerferant ex hac fortunæ sævitia Byzantini, in alteram inciderunt. Pestifera lues C) post stragem domorum incolas depopulata, vastitatem amplissimæ urbi intulit, integræque familiæ assiduis funebribus exhaustæ, fatalem hunc annum sunt expertæ. Nemo fere repertus, ad quem non pars aliqua cladis pertinuerit. Castigante Divina justitia urbem, quæ incendia belli pro libidine spargit, & in cædem mortalium levi de causa bacchatur.

1541. Annus præfens MDXLI. iterum funestus exitit Hungariæ, quod Solymanum grandi exercitu armatum hospitem Budæ suscepit, & subinde Re-

gia

A) Gulielmi Nassovii dictum apud Fam. Stradam Dec. I. L. V. ex quo nonnulla in rem incam.
 B) Annales Turc. & Codex Verantianus. Idem refert Leuncl. c. 209. & 247. C) Annales Turcici.

gia per fraudem intercepta Dominum coluerit. Ab expeditione postrema A. C. in Hungariam, res foris quietæ, non item domi habebantur, binis Regibus Ferdinando, & Joanne, pro exhausto regno armis concertantibus. Quamquam & inter hos induciæ aliquando factæ, ut arma vixdum recondita factis, de integro, mole, ac periculo longe graviori fumerentur, & quæ provinciæ bello intactæ erant, belli calamitatem sentirent. Pars altera Procerum Ferdinandi, altera Joannis partes tuita, utraque de patria spolia legit, & super ruinas urbium triumphum duxit. At Religio inter has turbas quam maxime vapulavit; non jam gliscente opinionum varietate, sed incendia per urbes, & oppida spargente. Nec Regibus tantæ vires, animique erant, ut grassanti malo serio obicem ponerent, metu barbarum majorum, ob id in dies enascentium; urgente præsertim belli negotio, quo versæ erant utriusque curæ, ad regnum sibi firmandum. **PLERUMQUE** enim acrius pugnatur pro focus, quam aris. Verum hujusmodi querelas persequi nolo, memor limitum, quos mihi susceptum scribendi genus fixit. Ad ea redeo, quæ inter Solymanum, & Hungariam, ejusque provincias acta, postquam anno quingentesimo trigesimo secundo supra millesimum Hungaria cum exercitu decessit. Consulto in hunc locum distuli, quæ prioribus annis prætermissa: nempe ne ex intervallo incurrentia in se, & permixta diversâ gestâ, Lectoris aviditatem moleste interciperent.

Abeunte Byzantium Solymano, Zapolyus cum Ferdinando Rege inducias init, utque Solymanum in easdem pertraheret, Ludovicum Gritum Constantinopolim ablegat. Non abnuvit ille inducias, moturus bellum Perfidi, modo Corone urbs A) Peloponnesi, a Carolo Cæsare pristino Turcarum juri redderetur. Adfuit non multo post Viennæ ex eorum numero, quos Chausios dicunt, Mehemetes. Primus hic ad Ferdinandum, Domumque Austriacam Oratoris nomine venit, singularique pompa acceptus. B) Redditis Imperatoris, ac Ibrahimî Vezirii literis, conditiones pacis in corona multorum Procerum Hungariæ recitavit. A Solymano Clementem VII. Pontificem summum accipi in Patrem, Carolum Cæsarem, & Ferdinandum in fratres; Ludovico Gritto in mandatis daturum, ut Joannem Regem ad pacem stabiliendam cum Ferdinando perpellat, aut certe Hungariam cedat. Postulare vero a Ferdinando, arcis Strigoniensis claves ut traderet. Istud minime fraudi futurum Regiis partibus, cum claves rursus remissurus sit. Cum Pontifice, Caroloque fœdus initurum septennio, si Corone præsidium Christianorum deducatur. Sed dum in urbe reddenda moras nectit Carolus, & Clemens vivere desiit, spes pacis cum amissa Corone præciditur. Interea Gritus c) favore Byzantinæ aulæ prætumidus, apud Selistriam superato Istro, Valachiam transalpinam ingressus cum quatuor Turcarum millibus, majori invidia, quam terrore, dignitatem Gubernatoris Hungariæ ostentavit, ac utriusque Valachiæ Principes subegit. Transcensis alpihus ad Coronam d) metatus, Emericum Cibacum Transylvaniæ Præfectum, per fraudem in castra pellectum, trucidari iussit. Ad vindicandum facinus patratum, continuo arma rapuerunt Siculi, Moldavi; & Megyesini obsessum tenere. Ubi arcem a Transylvanis captam, & Turcas pecorum instar a victoribus cædi animadvertit, elabi conatus cum duobus filiis, a Valachis intercipitur, omniumque suffragiis, manibus ante præcis, capite truncatur. Filii paternæ calamitatis hæredes, in Moldaviam rapti, pari fato finem vivendi fecere.

Cædes Ludovici peracta est connivente Joanne Rege, qui nimium elatos viri animos, & Regiæ dignitatis æmulos, ferre non potuit. Adeo OMNIS amicitia in odium abit, ubi suspicio regnandi radices egit. Non dubiis quippe authoribus accepit Joannes, Gritum clanculum egisse, cum Ibrahimio de regno Hungariæ occupando, quo illud adversus Ferdinandum perpetuo defenderet, bellumque vicinæ Austriæ inferret. Ut primum fama

A) Corone capta ab Hispanis anno 1532. B) Istvanff. L. XII. C) Anno 1534. D) Corona urbs Transylvaniæ.

A. C. vulgaverat, Gritum odio concurrentis populi interfectum, Solymanus com-
1541. politis ad Zapolyum literis, in iisque recensitis beneficiis, quibus ab inito regno eum non parce cumularat, Gritum repetivit, quem cum manu pedatum, equitumque misit in Hungariam, ut æquata cum Joanne potestate Rempub. moderaretur. Non deerant homini verba, quibus se purgaret: *ajebat: præter voluntatem accidisse crudele facinus: se efferato Daciæ populo non potuisse arma excutere: frustra sibi imputari cædem, quam nec consilio, nec manu maturavit; imo detestari barbarum factum, & si Superi sinant, non infrenue ulturum.* Quibus in præsens utcunque mitigatus, ultionem distulit, siue quod Persicum bellum præ foribus haberet, siue quod metueret, ut ne Joannes desperatione veniæ subactus, Ferdinandas partes amplecteretur. At non is erat Joannes, ut beneficiorum immemor, mutata fide repente hostis audiret, levique transfugio se in discrimen indueret, umbram majestatis, laciniasque regni sui penitus amittendi. Imo edito belli signo in Africa contra Carolum Imperatorem, Joannes, quo palam orbi faceret se stare a Solymano, ruptis induciis, Cassoviam, Ferdinando addictam, proditione Georgii Lonyaii capit, superioremque Hungariam armis in officio continet.

Rex Ferdinandus injuriarum impatiens, missio Leonardo Vellio cum exercitu, æmuli conatus repressit, vicissimque armorum terrorem circumtulit. Et tamen quasi utrumque pœnitentia subiisset, pacis negotium, commendantibus hinc, atque inde nunciis, operose agitatum est, calamisque certatum, alterum altero justius arma cepisse. Pax tandem coaluit. Joannes Regia potestate, titulisque uteretur, quoad vixerit; eo vita functo regnum Hungariæ in Ferdinandum transiret. Si Joannes filium susciperet (nondum consortem sibi delegerat) ei Dacia cederet cum principatu Oppaviæ in Silesia. A) Sed quod inconsulto Solymano confecta fuerit, Turcarum iram, indignationemque non vitavit Joannes. Mehemetes Jahioglîs, Belgradi Præfectus, prædatorio agmine Eszekum B) adducto, in Possëganum agrum effusus, præsidio potitur, fugam capeffentibus incolis. Nulla interposita mora, raptis in Croatiam signis, loca plurima sub jugum trahit. Clissa C) ingenio loci tutissima, victoriæ cursum non cohibuit modo, sed & adegit Mehemetem, ut duobus castellis militari opere celeriter erectis, arcem clauderet, fame, sitique domandam. Ferdinandus tot incommodis occursurus, binos exercitus in campum educit, quorum alterum in Croatiam Duce Petro Crussichio Clissæ Præfecto, viro impigro; alterum in Possëganam regionem Joanne Katzianero, qui belli artibus multum inclaruerat ea tempestate, non sine spe victoriæ immittit.

Crussichius Clissæ suæ metuens, bina castella a Mehemete recens exædificata evertit, dumque Salonæ D) imminet, Amurathes Verbosaniæ Præfectus celeritate usus, tanto ardore in Crussichium fertur, ut Italos, Germanosque pavore, ac animis victos, primo impetu profligaverit; Dalmatarum aciem proruerit. Crussichius fugientium terga incredibili virtute tuitus, ubi ad maris Adriatici litus pugnando pervenit, equo defiliens, navim, quæ juxta aderat, petit. Sed destituit fortuna consilium. Navis fugientium militum, qui se certatim in eam præcipitarant, pondere tardior, nullo nautarum conatu e litore propelli potuit. Ottomani, luctantes cum arena intercipiunt; Crussichio equitum Ductor caput ferro demessuit. Clissenses intellecta sinistra fortuna Christianorum, cum diuturna siti vexarentur, arcem ad eum diem Dalmatarum, Hungarorumque virtute invictam dediderunt. E)

Hanc

A) Istvanff. L. XII. ad annum 1536. B) Eszekum ad confluentes Danubii, & Drævi situm, validum propugnaculum. C) Clissa editæ rupi imposita, Belæ Regis Hung. liberos hospitio excepit, dominantibus late Tartaris in Hungaria. Existimant quidam hanc Diocletiani Imperatoris odio, & tyrannide in Christianos infamis, patriam fuisse; ac Diocletianam dictam. D) Salona urbs celebris a portu suo. Meminit illius Strabo L. VII. de Dalmatia. E) Istvanff. L. XIII. ad annum 1537.

Hanc stragem longe funestior excepit. Katzianerus suo in exercitu A. C. numeravit sedecim millia peditum, octo equitum. Grandes eo tempore 1541. copiae, & Ottomanico exercitui vincendo pares. Ludovicus Pekrius Hungaris, Croatisque praefuit. Peditum Magister Ludovicus Comes Lodronius; Equitum, qui e Bohemis conscripti, Albertus Schlikius; Joannes Ungnadus Styros, Erasmus Magerus Carinthos ductarunt. Apud Valponem, Petri Perenyi oppidum, dum pons imponitur flumini, multum consultarunt Duces, num recta in hostem eundum? an vero Eszekum impugnandum? vicit posterior sententia. Vix ad Eszekum castra sunt posita, continuo in regione hostiliter direpta, ingenti rerum omnium inopia laborare occipiunt; nec commeatus tuto advehi poterant, Turcis itinera insidentibus.

Itaque premente fame exercitum, iter relegunt tanta festinatione, ut majoris formae tormenta ferro diffregerint. Sed palustria loca frequentes moras injecere. Turcae visa Christianorum trepitatione, perpetuo tergo infesti insitebant, saepeque universam aciem levibus carptim praeliis fatigabant, inprimis extremum agmen, cui insequenti ab hoste plus timoris, periculi-que erat, quod Paulus Bakicius suis cum equitibus tuebatur. Apud Ivan- kam, Francisci Zay arcem, in patentibus campis, majori numero Turcae incurrentes, fortissimum Heroem Bakicium glande plumbea prosternunt. Eo caeso, exercitus non victoriae, sed fugae viam anxie quaesivit. Concubina nocte Ladislaus Moraeus ad vicinum suum Castellum evasit; cujus vestigiis contempta militari disciplina, Ungnadus cum suis institit. Tandem Katzianerus pavidus torpere, invisus militibus, & prodito exercitu fugam arripere. Lodronius non se, non militem deseruit. Imperator proclamatus, Turcas omni ex parte pugnam capeffentes, animo imperterritus excipit. Tandem vulneribus confossus capite minuitur, caesis, aut captis plerisque, Mahometes clarissimus ab ea victoria Dux, virtutem suorum non minus verbis, quam amplissimis muneribus excoluit, praecisaque capita Bakicii, Lodronii, Mageri cum nobilissimis captivis Solymano Byzantium dono misit. Katzianerus, & Pekrius bello male administrato, ad causam dicendam a Ferdinando Rege accersiti sunt. Judicum sententia damnati, iste septennio integro in vinculis exacto, libertati, & Dapiferorum Magistri dignitati restituitur; ille rupto carcere ad Turcam defectionem molitus, a Joanne Zrinyio in arce Kosztanicza A) perimitur.

Strage hac uterque Rex perculsus,icto inter se arctiori foedere, laceratas Hungariae provincias, contra communem hostem junctis viribus protegendas statuunt. Joannes habito delectu, octoginta millia armatorum in suas legiones dispescuit, quibus Ferdinandus aliquot millia suorum adjecit. Florentissimus hic exercitus in campum educatus, nihil, quod sciam, egit. Solymanum tamen fama sui, si non perterritus, certe in gravissimam indignationem perpulit, quod facile sentiret, Joannem Ottomanorum societatem exosum, Ferdinando fidem, & regnum juxta obstrinxisse, nec in alterum, quam in se hunc grandem exercitum alii. Joannes fingendi artifex non imperitus, suspicionem animo exemit festinatis nunciis: arma cepisse se ad Petrum Moldavum verdomandum, quem fuga Solymano subtraxit; at sibi in arce Csicsoviensi non multo post hominem crudelem dedendum. Et re ipsa, sive ut fidem probaret Solymano, sive ut ne otio miles diffunderet, Petrum obsedit, tadioque calamitatum fractum, nulla injuria illata, Byzantium captum deportari jussit. Placato hoc qualicumque obsequio Solymano, & pace cum Domo Austriaca stabilita, Isabellam Sigismundi Regis Polonorum filiam sibi matrimonio junxit. Verum admodum brevi tempore hac laetitia frui datum Zapolyio, ita moderante res humanas coeli, terraeque Domino, ut prosperis adversa misceat, laeta tristibus confundat, pacem bello permutet. E Moldavicis turbis primum Transylvanicæ, dein Hungaricæ, veluti tradito invicem filo, eruperunt. Petrus, ut proxime diximus, principatu dejectus, corruptis multo auro Purpuratis, a Solymano contende-

T 3

debat,

A) Hæc non minus copiose, quam eleganter complexus est Istvanff. loco laudato.

A. C. debat, ut in pristinam dignitatem reponeretur. Quo rumore concussi Moldavi, Ferdinandum orarunt, ut se ceu Rex Hungariæ, in tutelam reciperet; imo si in tempore auxilia submitteret, spondebant se a Turca secessionem facturos. Res prodita Solymano molitionem evertit. Petrum prætorianorum turmis armatum, Moldaviam adire jubet, & provinciæ veteri præficit. Proceres Alexium Vaivodam pacate dominantem interficiunt; Petrum postliminio reducem, vultu ad hilaritatem composito, læti suscipiunt, a quo magnam partem interfecti sunt.

Altero post anno videlicet MDXL. Stephanus Mailatus, & Emericus Balassa Transylvaniæ Vaivodæ, conjuratione inter se inita, ad Ferdinandum deficere meditabantur. Ne conjuratio adolesceret, ipse Rex Joannes cum manu Hungarorum in provinciam celeravit. Captis duabus arcibus Balassianis, Hero veniam, ac impunitatem dedit. Paucis post diebus, cum ad arcem Fogarasensem, in qua Mailatus defensionem parabat, exercitum ducit, morbo corripitur; mox acceptis nunciis de prole mascula tertio Julii in urbe Regia nata, præter morem lautius epulatus, vicesimo primo Julii decessit, ætatis anno quinquagesimo tertio. Fato proximus Georgium Martinusium, sive Utisinovichium, Præfulem Varadinensem, & Petrum Vichium, Scriptoribus Petrovichium, tutores filio delegit; Proceres vero, qui aderant, obtestatus est, ut sui sanguinis Regem in Pannonia paterentur: futurum enim esse ut Solymanus regni tutelam suscipiat, si ad eum Legati propere mittantur. A) Et Isabella e consilio suorum Procerum, qui Rempub. gubernarunt, Oratores sine mora Byzantium destinavit Joannem Eszekium Quinque-Ecclesiarum Episcopum, & Stephanum Verbóczium Epistolarum Magistrum. Hi exposita Joannis morte, meditata oratione pupilli, viduæque causam commendarunt Solymano; & cum Ferdinandus Budam, cæteramque Hungariam armis repetat, maturam ut opem rebus labentibus adferre niteretur, orarunt.

Solymanus non tam Reginæ, pupillique calamitate, quam erga Austriacos odio permotus, Legatos benigne accepit, pollicitus, se omnibus Imperii viribus acturum, ne possessione per hæreditatem obtenta pupillus dejiciatur. Addidit se non Joanni modo regnum Hungariæ suis armis occupatum cessisse, sed ejus etiam posteris de Regia dignitate prospexisse, neque admissurum, ut superstite Joannis stirpe, Ferdinandus rerum in Hungaria potiat. Simul vexillum, clavam argenteam, acinacem auro, gemmisque fulgentem, insignia nimirum scenici Regis perferenda pupillo, B) Oratoribus tradidit. Cumque vulgatum esset, Ferdinandum Ducibus Leonardo Velsio, & Petro Perenyio, Vissegrado, Vacio, Pesztho partim vi, partim deditione occupatis, Budam obsidere; Usressó Bosniæ, Mehemeti Belgradi, & Amurathi Clissæ Præfectis in mandatis dedit, ut copias quamprimum Budam expediant: sibi jam deliberatum in Hungariam proficisci; idque appetente vere facturum; modo ipsi delecto cum exercitu festinent, Isabellam in sententia firment. Nondum Legati Isabellæ, Byzantino agro excefferant, cum Laszkus a Ferdinando decretam legationem obit apud Solymanum.

Suaserat Laszkus, ne armis præferocem hominem irritaret: elatos Imperatoris animos non alia re certius, quam modesta legatione frangendos. Sibi Byzantinæ aulæ omnia perspecta, explorataque esse; se & studiose, & perlibenter provinciam hanc accepturum, nec ambigere profectionis tædium Solymano cordi futurum. In itinere sinistra valetudine vexatus, lectoque affixus subsistere cogitur. Crederes istud a bono illius genio evenisse, qui velut compedibus maturanti injectis, ne infaustum iter continuaret, attineret pedes. Interim Ptolomæum Ariminensem familiarem suum, quando in celeritate tantum momenti erat, ad Purpuratos, muneribus antea sibi devinctos, præmittit, quo faciliorem apud Imperatorem aditum haberet. At infelice cessit omnis industria. Laszkus sententia Solymani, & Purpuratorum odio

damna-

A) Verba sunt Laurentii Toppeltini in Originibus & Occasibus Transylvanorum. Istvanff. ad calcem L. XIII. simile quid adfert. B) Istvanff. L. XIV.

damnatus, quod turpi transfugio partes Joannis deseruisset, in carcerem A. C. conjicitur. Erat Laszkus, ut nuper narravimus, partium Zapolyanarum studiosissimus, verum a cæde Cibaci, & Gritti custodiæ traditus, ægreque dimissus precibus Sigismundi Regis Polonorum, injuriæ memor tantum dolori indulgit, ut Joannis amicitia deserta, Ferdinando adhæserit, susceptaque legatione Constantinopolim, utriusque Regis fœdera vulgaverit. Istud profecto est, semet in pessimam fortunam induere, & quærere malum alienis in terris.

At Ottomanici exercitus Duces, quamvis adulta hieme anni MDXLI. militem e stativis evocant, severo Imperatoris mandato adacti. Tolnam progressi, cum classi Danubio provectæ glacies cursum interciperet, & jumenta bacchantibus præter morem ventis, passim conciderent; neque miles suo munere fungi posset, in hiberna redierunt. Mitescenti anni tempestate, rursus militem juxta Danubium promovent, & Vacium cæsis Ferdinandeis recipiunt. Pefzthum adorti, re infecta abire coguntur, famemque veriti ob commeatus corruptos, in ditionem suam recessere. Terga abeuntium confectati Franciscus Nyarius, & Bartholomæus Horvathus, non paucis exitio fuere, cæso unius cohortis Præfecto. Armorum strepitu excitus Ferdinandus, cum per Legatos nihil ab Isabella, & Solymano pacati obtinisset, non jam precibus, jureque pactorum, sed armato iterum milite regnum sibi vendicandum aggressus est. Coacto grandi exercitu, Gulielmo Rogendorffio A) Budam verberandi provinciam imponit, qua subacta non dubitabat reliquam Hungariam in præmium victoriæ cessuram.

Blanditiis primum animum Reginæ occupare elaborat Rogendorffius; ubi has negligi sentit, selectissimo milite mænibus admoto, armis deditio-nem urget. Muri tormentorum ictibus in ruinam acti, sed noctis beneficio ab obsessis reparati, Germanis nocuerunt. Improvidus Dux, & juxta invidus, relicto ad sarcinas Ungaro, ne pulcherrimæ gloriæ particeps esset, cum suis popularibus in urbem irrumpere intendit; constanti animo a propugnatoribus repulsi, mæsti castra repetunt. Proditione non multo post capi potuisset, ni iterum infelix invidia opportunitatem, & militem perdidisset. B) ADEO certum est belli fortunam eum prope ambire, qui uti armorum, ita quoque imperium suorum affectuum obtinuit. Dum autem dies ex die trahitur in lenta obsidione, adsunt auxiliares Turcarum copiae Mahomete Purpurato, & Ulama Persa Ductoribus. In tanta castrorum vicinate minoribus præliis crebro certatum fuit, Turcis plerumque campum obrinentibus, quod obsidentes tædio laborum victi, spem capiendæ urbis intericiam viderent, & longe majorem stragem animis prælagirent, Solymano in Hungariam properante.

Primus famam advenientis Solymani Perenyius c) Rogendorffio attulit, monuitque, ut maturo receptu exercitus salutem consuleret omiſſa infauſta oppugnatione. Huic ſententiæ omnes acceſſere Duces. Unus Rogendorffius, inconfulto Ferdinando Rege, negavit ſe caſtris exceſſurum, quoad certiora Vienna acciperet. Glifcente metu in caſtris, & Dux, & miles animo cecidit. Itaque nocte intempeſta in adverſam ripam copias pavore victas deportare inſtitit. Jam duo ordines Pefzthum feliciter tenuere, cum ſævitie ventorum Danubius exaſperatus, tanta vi intumuit, ut navigiis inter ſe vehementer collifis, opportunitatem reliquos traſiendi interciderit, induente irato flumine Ducis affectum, qui, ubi comiter Hungaros armorum ſocios amplecti debuiffet, æſtro ſuſpicionum, odiorumque abreptus, facultatem res præclare pro Ferdinando agendi, negavit. Fuga noſtrorum prodita, Turcæ e binis caſtris eruptione facta, fugientes ad interneccionem cædunt, viginti millibus deſideratis, caſtra omnia, ingensque belli

A) Hic idem ante decennium Budam obſedit; poſt hunc Vellius, homo crudo ingenio, & vel ſociis armorum Hungaris nimium infeſto, Uterque non ſine dedecore repulſi. Nunc quarto impugnatur urbs Regia, pari fortuna. B) Iſtvanſius L. XIV. C) Annales Turcici Perenyi meminere, cumque ſupremum armorum Præfectum vocant, nulla Rogendorffii mentione facta.

A. C. belli apparatus victoribus in prædam venere. Rogendorffius navigio elapsus, 1541. vulnere, & animo æger, animam egit in oppido Somorja. A) Callonus classis Turcicæ Præfectus Pefzthum capit, cædeque promiscua edita, omnis generis prædam diripit.

Sub idem tempus Solymanus, ut suorum Ducum copias augeret, antequam ad manus deveniretur, tanta festinatione est usus, ut pedites nihil concederent equitibus, æmulationeque succensi, utra pars alteri celeritate præiret, pulchro certamine Solymanum caperent. Cum ad Petro-Varadinum iter faceret, certior redditus de victoria, lentius agmen egit. Ubi castra suorum attigit, non ausus militem festinandi studio fatigatum, iis castris committere, quod campus cæsum cadaveribus funestatus, tetrum odorem spargeret, ad veteris Budæ suburbanum confedit. Inde ad victorum laudes conversus, unum quemque Ducum, ac primariorum militum comiter appellando, ut didicerat, suam cuique virtutem, suum facinus grandibus verbis, plenisque gloriæ, magnifice tribuebat. Quos inter duobus Purpuratis, & Ulamani Persæ primas deberi non ignorabat. Mehemetem Belgradi præfectura insignem, Magistrum equitum Europæorum nominat; Ulamane Persam in Bosnensis præfecturæ munere confirmat. Hic est ille Ulamane sive Ulumas Begus, Ismaelis Sophi filius, qui patria prodita ad Turcas defecit, bellique Persæ illati author extitit. Cæterum gens Tartarorum in agrum Strigoniensem, Nitriensem, Albensem, populationes intulit; captivis in conspectu Solymani ad satietatem cæsis.

Sublata tristi tragœdia, hilarem vultum induit Imperator, quo clam, sed certiori ictu peteret eos, quos palam, & vi illata, generosa Principis indoles ferire prohibuit. Deprompsit munera rari pretii pupillo, viduæque Reginae. Illi sonipedes ternos, apparatu Regio ornatos, purpureasque auro, & gemmis intertextas totidem vestes; huic annulos a peregrinis unionibus commendatos, armillasque magni ponderis, & torques, cum Babylonica sindone. Hæc nomine Solymani, duorumque filiorum Selymi, & Bajazethis, quos belli artibus imbuendos adduxerat, Mustapha Magnetæ remanere iussu; per Chauſorum, sive Præconum Magistrum, quod apud Turcas præcipuæ dignitatis munus est, in urbem perferri mandat, petiitque, ut puer Regius cum Proceribus, quorum virtute Buda propugnata, in castra mitteretur. Addidit nuncius sui Domini verba, quibus Reginam omni cura, suspicioneque liberam jubebat: *nihil adversi passurum pupillum in spem maximam Hungarici Regni adolescentem: rediturum ad matrem innoxium, Imperatoris osculis blande perstrictum. Solymanum ut potentia, amplitudine Imperii summum inter Principes, ita magnitudine animi, ac pietate maximum, nulli omnino Principum in pupillorum causa palmam concessurum.* Expalluit Isabella ad Imperatoris petitionem, cumque anxie suorum sententias exploraret, morasque de industria traheret, Martinusio impellente, ne cunctatione inutili Solymanum in iram concitaret, puerum carpento impositum, in castra avehi passa est, cum magno nobilium matronarum, ac Procerum comitatu; lachrymis ubertim cadentibus suum dolorem testata.

Ut in castrorum conspectum perventum est, honoris causa prætoriana Turcarum equitum turma, armis, vestibus eleganter instructa, obviam processit, deductura inermem pompam in castra. Janicsari bipartito agmine, aditum castrorum inidentes, ad tentorium Solymani extento ordine, viam munivere, magnoque numero accurrentes spectandi gratia arcuerunt, ne quid turbarent. Viso puero multum exhilaratus Imperator, filiisque, ut eum inspicerent, concessit. Subinde aureos nummos, liberali manu nutrici dedit, quo nempe acueret diligentiam ejus in Regio sanguine educando. Proceres de more Turcarum epulis excepti, mensam inter pocula multas in horas extrahunt, parum solliciti quid se, quid Buda futurum? vino alacriter hausto, omnem curarum æstum, periculique magnitudinem

A) Somorja oppidum insulæ Csaloköziz.

dinem extinguente. Interim ut a suis Præfectis instructi erant milites, ar- A. C. mis protecti, Budam turmatim intrant, vicos perlustrant, nemine aditum 1541. prohibere auso; visæque paucitate excubiarum, repente mutata scena portas invadunt, stationes præcipuas urbis occupant, tanta modestia, ut plurimi civium ignorarent se vel proditos, a) vel urbem captam. TUNC potissimum insidiæ e sententia cedunt, quando eæ minime timentur.

Mox Janicsarorum Præfectus per præconem in foro principe, locisque celebrioribus proclamari iussit: *Solymani voluntatem esse, præsidarii, cives arma ponerent; pacati domi agerent: qui secus, ac imperatum est, fecerit, is capite pervicaciam luet.* Nemo omnium erat, qui intercedere auderet sævere denunciationi. Traditis armis, dena peditum millia hospitia capiunt in ædibus civium, longa annorum serie, urbis Regiæ graves incolæ, vicinarumque partium implacabiles hostes futuri. Posteaquam populum armis exutum, civitatem a suis teneri didicit Imperator, puerulum matri reddidit, pauca conferens cum Georgio Martinusio, Scriptoribus Monacho, & Verböczio, sine arbitris. Regina etsi gaudio perfusa recepto puero, tamen multumangebatur de Procerum salute, e quorum sententia omnia agebantur domi, bellicque; ipsa nec bellicis artibus erudita, & nondum oblitterato Regis mariti præcipiti fato, muliebriter afflicta. Quapropter Rustanem, Solymani Generum, Purpuratorum Principem orabat, ut Proceribus maturatum in urbem reditum conficeret. Incumbente jam nocte omnes dimissi, retento uno Valentino Törökio, summo copiarum Duce.

Post hæc in secretiori senatu diu, multumque deliberatum, quid de regno Hungariæ statuendum foret? Ex Consiliariis, quos, uti prima Imperii instrumenta, habebat Imperator sane plurimos, adhibiti tunc quidem fuere Rustanes, vir miti ingenio, nec tam bellicis expeditionibus, quam gratia in Imperatoria domo clarus; Mehemetes, & Usreffus recenti victoria tumidi, & Janicsarorum phalangi perchari. Aderat etiam Ullamanes, quem fides, armorumque studium, Solymano præ cæteris commendavit. Hi spectatæ, incorruptæque omnes fidei Duces, ac Senatores, non Hungariæ modo fatum, sed & Imperii Turcici amplitudinem, conjunctam Imperatoris dignitati, præ oculis sedulo habuere. Sed ut natura, ingenioque inter se multum dispares, ita & in sententiis promendis longe diversi. Nempe CONSILIA ex abdito sinu deprompta, suæ quisque naturæ attemperat. Et Usreffus quidem contendebat e re Turcica fore, ut pupillus Byzantium deportetur; Buda firmata valido præsidio in belli usus, Præfecto expertæ virtutis committatur. Hujus sententiæ accessit facile Ullamanes, quod videret Imperium nova accessione ampliaturum iri; utque in Perside, sua suasionem Ottomanicam potentiam Babylone stabilivit, ita cupiebat suo pariter consilio in Hungariæ regno eandem munire.

At Mehemetes Belgrado præfectus, implacabili odio in gentem Hungaram, & sua indole ad aspera pronus, ferociter in eo confesso differuit: *Regium puerum cum Proceribus e medio sufferendum* (nimirum quod olim Tarquinius filio suo persuasit summis papaverum verticibus decussis, ut post captos Gabios b) in Principum capita pari ferocia desæviret, ne dominatu excideret) *arces ab imo diruendas, Pannoniam in provinciæ formam redigendam, Reginam suo Patri in Poloniam remittendam.* Et isthæc quidem, homo ultra modum barbarus, tanta confidentia dicebat, ut non dubitaret Imperatorem in hanc sententiam iturum: addita in speciem per quam utili causa: *ne videlicet singulis pene annis ex Ægypti, aliisque procul dissitis provinciis, miles ad tuendas arces cum ingenti ararii damno educatur; posse hoc modo Imperatorem non sane levibus impensis modum statuere, & regionem arcibus exutam, modica manu in officio continere.* Sic ille impie ferrox, recti, honestique immemor in exitium regni ferebatur.

a) Georgio Martinusio prodicionem urbis tribuunt. An ex vero? non ausim dicere. b) T. Livius Patav. Dec. I. L. I.

A. C. 1541. Rustanes ab ingenio mitior, longe aliam ingressus viam, a Meheme-
te discrepabat, aiebatque inter cætera: *Principi nihil potius esse debere, quam æquitatis jura, quibus humanæ, Divinæque leges innituntur. Pupillum jam nuper agnitum Regem, ac insignibus prope Regiis ornatum per Legatos, non esse deturbandum regno, quod invictis armis Solymanus Patri peperit, minus vita nullius culpæ convictum privandum. Id vero gloriosum Imperatori futurum, si Regem suos inter clientes numeret, & armis nunc defensum, deinceps in tutelam suscipiat.*

Discrepantibus in hunc modum sententiis, Solymanus haud diu cunctatus, aperit, quid ipse consilii ceperit. Per eundem Chaufiorum Magistrum Reginæ nunciat: *visum jam pridem sibi, urbem, arcemque suo milite firmandam, ac retinendam esse, dum puer adolescat. Sperare se, id non iniquo animo Reginam laturam, cum ipsa summo discrimine experta fuerit, Budam haud posse tantillis viribus adversus Ferdinandi exercitus defendi; sibi vero permolestum fore, toties in Hungariam cum milite advolare, quoties inimicis visum fuerit. Extra armorum strepitus felicius cum pupillo ætatem acturam in Transylvania, quam ei traditurus est cum parte Hungariæ, ac Lippæ, Temesiæque ditione. Georgium Monachum Tutorem, regnique Gubernatorem fore. Verbôczium legum patriarum peritum, Budensi in urbe remansurum cum collega Ottomanicæ gentis; ille ut Hungaris, hic ut Turcis jus dicant. Reliquos Proceres pro dignitate habitum iri. Datutum se etiam currus pro suppellectili Regia Lippam devehenda. Cæterum apparatus bellicus, annona, & quidquid ad obsidionem ferendam opportunum, in arce salva, integraque relinquenda. Hæc cum fastu, & sine ambagibus.*

Atrocitate nuncii attonita Isabella, tum primum perfidiam agnovit, & quod supererat, lachrymis incassum credulitatem damnavit. Ergo obsidentibus Regiam Janicsaris, rebus temere in vehicula conjectis, arce, urbeque excedit Procerum comitatu stipata. Traditum subinde diploma a) aureis, cæruleisque literis Arabicis expictum, quibus se, suamque fidem obstrinxit, Budam ut primum pupillus adoleverit, se bona cum fide redditurum. Quo accepto, posthac non visura urbem Regiam, in Transylvaniam iter est auspicata; frustra Solymano, Rustanique porrecto libello supplici, quo Valentinum Törökium in libertatem asserere adlaboravit. b) Ferunt hunc odio, invidiaque Martinusii victimam cecidisse ob veteres æmulationes, quas aula, istarum mercium ferax emporium, elatæ mentis hominibus non caro divendit.

Ferdinandus interea reliquiis profligati exercitus collectis, Oratores legat ad Solymanum, in castris apud Budam agentem, Nicolaum Comitem Salmensem, & Sigismundum Herbersteinium cum muneribus, quæ ni adferantur lautiora, ingrata legatio apud Purpuratos. A Rustane convivio adhibiti, ac admissi ad Solymanum, inducias offerunt, petuntque regnum Hungariæ nomine Ferdinandi. Ad ea biduo post per Rustanem superbe responsum: *nullas inducias fore, ni Ferdinandus regno Hungarico se abdicet, pro Austria certum tributi genus quot annis dependat. Si abnuat latis conditionibus stare, extemplo missurum, qui Austriam populationibus urant.* Legatos vestibibus auro intertextis donatos, ac domum redeuntes, delecti equites sunt consecuti, qui Austriæ, Moraviæque regionem depopulati, ac ultro ferro, flammaque sævire prohibiti ob fluvios autumnii imbribus tumidos, irati Imperatoris animum satis, superque patefecere. His cum maximo rei Christianæ detrimento peractis, & Buda Solymano Præfecto, gente Hungaro, tradita, Belgradum recessit.

Isthic Laszkum adversam fortunam in vinculis gementem, libertate donavit. Vix in patriam venit, mors celeri gradu insculta, viro vitam ademit. Fertur veneno lacti immisto interemptus. Immature fato multi Prin-

a) Testatur Istvanffius se illud diploma inspexisse. b) Idem L. XIV. scribit eum ad Propontidem vitam obiisse.

Principes Europæ indoluere: quippe cui ætate illa pauci per aulas Regum A. C. pares habebantur. Quantuscunque fuerit, certe turpissime lapsus est, dum 1541. author est Zapolyo, Solymanum in auxilium arcessendi. Par fortunæ ludibrium subiit Mailatus Transylvaniæ Vajvoda, quem obsessum a Joanne Rege, quod Ferdinando sua studia addixerit, supra narravimus. Cum armis virum pugnacissimum vincere haud posset Achomates Nicopoleos A) Præfectus, dolo vicit. Fingit se posse, & velle foedus icere cum Mailato, modo in castra veniat condiciones daturus, juxtaque accepturus. Reposuit ille: *semper se pacem dubio bello præhabuisse, non detrectaturum colloquium, dum Achomates filium suum adolescentem obsidem daret.* Negavit iste postulatam; quod diceret filium Solymani obsequiis jam addictum, nec sine capitis periculo hujusmodi adolescentem in obsidis locum tradi posse. Missurum se duos limitum Vidini, & Silestriæ Præfectos. Horum loco e trivio duos, quos fors obtulit, vestibus, armisque ad omnem elegantiam indutos mittit. Mailatus fraudis ignarus, vixdum in castra pedem intulit, illico in vincula raptus, ad Propontidem diem supremum egit.

Redux Imperator Byzantium, filiis Mahometi & Selymo more veteri 1542. provincias administrandas B) dedit, quo discerent ab adolescentia regnandi artes. NEQUE enim quis recte, sapienterque molem Imperii sustinebit, ni ante minori gubernio admotus tyrocinium ponat. Mahometes nondum peracto anni unius curriculo, in sua provincia obiit. Cadaver Constantinopolim advectum, juxta vetus domicilium Janicsarorum monumento illatum, non sine acerbissimo Patris dolore. Epulas funebres apposuit inter luctum utriusque sortis civibus. Captivi etiam Christiani nominis, ære redempti libertatem consecuti fuere. Adeo paternum pectus morte filii emollitum erat. Ferdinandus interea celebratis Spiræ, ac Norimbergæ comitiis, ab Imperio novas legiones contra Turcas impetravit.

Suprema potestas copiarum Joachimo Brandeburgo delata est, Principi magis splendido, quam pugnaci. Hungarorum quindecim millibus præfuit Perenyius. Spe ingenti nitebatur Ferdinandus, non Budam modo, sed & reliqua Hungariæ præsidia expugnatum iri. Sed Pefzthana urbs florentissimum exercitum fregit adeo, ut communis rumor vulgaret, Turcas vinci non posse, Christianos omnem militaris gloriæ famam, & decus amilisse. Urbem præsidio tenebat Balis Epirota, qui Solymano Budensi peste sublato in utraque præfectura successerat. Ulamanes Persa e Bosnensibus, & Illyricis tria millia, Amurathes, Clissæ Præfectus, bina millia adduxere. Istorum princeps cura eo potissimum spectavit, ut Budam, Pefzthumque omnibus viribus defenderent, sibi mutuo auxilio essent. Quod si vis major hostilis ingrueret, in mandatis habuere, ut Magistrum equitum Europæorum, excubias agentem ad Sophiam, Bulgariæ urbem, evocarent.

At opus haud erat exercitus robore. Nam posteaquam assultus sperato successu caruit, & Itali, qui primi mænia subibant, magnam partem cæsi fuere, Dux timore potius, quam pudore perculsus, oppugnatione desistit, & copias nulla re gesta in Germaniam C) reducit. Juverit hic Perenyii fata memorare. Strigonium obsequii causa comitatus Brandenburgum, in arcem accitus, a Martino Liscano, arcis Præfecto, capitur Vienneam deportandus, inde Neapolim Austriæ, in vinculis vitam acturus. D) Tanti viri casus Hungariam admiratione, & acerbis in Brandenburgum sermonibus implevit. Existimatum aliis: Pefzthani dedecoris avertendi gratia id excogitatum; aliis persuasum: a Solymano Hungariæ regnum fuisse homini promissum. Inde consilia in secretiori Senatu procusa, ad Turcas effluxisse. Aliis denique creditum: Perenyium atrocium scelerum recto DEI

A) Nicopolis urbs Bulgariæ, ubi Sigismundus Imp. prælio fusus a Bajazethe I. Anno 1396. die 20. Julii. Vide pag. 4. B) Annales Turcici ad sequentem annum istud referunt, uti & res bello gestas. C) Istvanff L. XV. D) Huius viri Epiraphium rudi, crudaque Minerva concinnatum lege sis apud nostrum P. Samuelem Timon ad annum 1548. in sua Epitome Chronologica rerum Hung.

A. C. iudicio poenas luisse, quod triplicis transfugii reus, Lutheri sectam in regno Mariano foverit.

1543. Annus præfens MDXLIII. nondum obductas Hungarorum cicatrices refricuit. Ulaanes Persa seu suapte natura avidus bellandi, seu Solymani imperio adactus, in Slavonia, Croatiaque aliquot arces uno impetu subegit. Balis Epirota privato potius odio, quam Reipub. commodo impulsus, trajecto Danubio Ladislaum Moræum in arce Nana a) strenue pro liberis, opibusque dimicantem capit, ac Constantinopolim transfert. Mense Junio ipse Solymanus Sirmiensem agrum ingreditur cum Europæ, Asiæque Magistris equitum. Ulaanes, Amurathes, Cassonus, veterani Duces, ab ora maris Adriatici provolantes, arcem Perenyianæ ditionis Dravo amni adjacentem aggressi, promptos ad defensionem præfidiarios reperere.

Michael Archius, vir apprime militaris, cum valido armatorum numero loco præerat. De deditione compellatus, quamvis lacera intra mænia, tradendæ urbis nullas audire conditiones passus est. Par militibus animus; qui mænia usque adeo assidui dies, noctesque in mænibus expleverunt, ut Turcæ discessum meditarentur. Sed Solymanus integro milite suos in oppugnanda arce firmavit, inprimis ubi majoribus tormentis arx infestata. Prætoriani subinde fossa, virgultis, & fascibus repleta, muros subire conati, scloporum pilis, pluribus e locis certatim petiti repelluntur. Moniti propugnatores, ut cum omnes fortium militum partes egissent, dederent tandem arcem, neve se temere maciandos objicerent; reposuere se, suaque omnia Solymani clementiæ tradere, Imperatorum fortissimo; non vero Ulamani, aut Cassono, vel Amurathi. Quod Archium omnino perdidit. Data potestate libere abeundi præfidiariis, arcem Solymanus adit vicesimo tertio die Junii. Archius laute cænatus apud Amurathem, nusquam apparuit cum aliquot primi nominis Centurionibus. E gregariis pariter pauci barbarorum perfidiam effugere. Arx Siklosia, arte, naturaque munita, Turcarum vim ludere potuisset, ni incredibilis vecordia Præfecti, locum prodidisset. Solymani fama hominem perculit adeo, ut nulla vi illata turpiter deditionem offerret. NEMPE cadunt mænia, ubi Gubernator loci animo cecidit. Præfidiarii, quasi indigni, qui dedecus suum circumferrent, in itinere fortunis exuti, ferro hostili perierunt.

Post Siklosiam captam, Quinque Ecclesias urbem victor ingreditur XI. Calendas Augusti. Haud multum illic moratus, Budam recta contendit. Accepto bellico apparatu, Strigonium oppugnaturus, iter maturat. Habet Strigonium arcem, quæ in rupem, ad ipsum Danubium mænia lambentem, altius enatam, assurgit. Res multum ambigua naturæne magis ingenio, num artis communita. Occidentem versus Danubium uno alveo fluentem despicit; ad meridiem urbs amplissima cum monte saxeo S. Thomæ occurrit; aliæ partes vinetis, campisque oculum explent. Martinus Musica, cognomento Liscanus, & Franciscus Salamanca, uterque gente Hispanus, arcis præfecturam gerebant tanta confidentia, ut moras damnarint Solymani, quod serius, ac vulgatum erat, copias Strigonio admoveret, five istos spiritus a loci munimentis hauserint, five a militaris disciplinæ peritia, quæ quanta fuerit, eventus præfidiariis nimium funestus, docuit. Ausi sunt etiam homines lepide feroces in vulgus spargere: *si Solymanus conjunctis copiis cum Carolo Imperatore, Strigonium oppugnatum veniret, missuros se falcones, canesque aptos venationi, quo tædia operosæ oppugnationis levarent*; b) renovato veteri exemplo Belli super mensa debellaturi Alexandrum. c)

Sed conspecta classe ad Grani amnis ostia, & tentoriis maximo numero explicatis per camporum planitiem, multum remisit ferocia. Achomatem Europæorum Magistrum, consecutus est ipse Solymanus cum re bellica. Præfidiarii impares defendendæ urbi, protinus se in arcem receperunt,

&

a) Arx nana ad radices montis Matræ posita, a Turcis eversa est. b) Istvanffius Lib. XV. ad annum MDXLIII. c) Q. Curtius Lib. VII. C. VI.

& Turcarum invasiones binas sustinuerunt; quin & eruptione facta ex arce A. C. egregiæ fortitudinis specimen dedere. Cum vero in dies arctius premerentur, 1543. & turris pulveraria, dolone, an casu succensa? incertum; fortissimos militum hausisset, deditioem, quam Signifer Italus clam coëptavit, Præfæcti fecere, ut incolumes dimitterentur. Alibegus Janicsarorum Tribunus arcem ingressus, portas, propugnaculaque suo milite firmat, jubet præfidiarios arma ponere. Conjiciuntur temere sclopi, hastæ, enses unum in cumulum cum pulvere pyrio, & decidente forte scintilla, e sclopetarii militis igniario funiculo in pulverem, subitaque illa flamma succensis foculis scloporum, quos acervatim congefferant, ingenti sonitu tela omnia concrepant, & susdeque discerpuntur. Ni factum excusasset Liscanus, jam ferrum expediebant Turcæ, veriti insidias. Postremo contumeliis, siti, fame vexati, adiguntur ad cadavera, tabo fluentia sepelienda, fossas repurgandas, rebusque omnibus exuti, seminudi in alteram Danubii partem deportantur. Egit Solymanus DEO optimo grates, quod eo die, nempe X. Augusti Strigonio potitus sit, quo Avus Bajazethes Methonen Venetis eripuit. Oppidum Tata, A) priscis temporibus arce celebre, prope deditioem iram victoris effugit.

Rebus prospere cedentibus B) nihil cunctatus Ottomanus, Albam Regalem opere, ac munitione complexus est. Eo temporis geminas urbes referebat Alba, interiorem alteram, alteram exteriorem. Illam (ubi majus templum Mausoleo Regum nobile erat) muri, præaltæque fossæ perpetuis aquis repletæ cingebant: istam longa non minus, atque lata suburbia. Opus universum terni aggeres, & paludes a Sarvisio flumine, nullis ripis coercito, novum vectigal accipientes claudebant, quæ quo magis homini juxta, ac pecori aditum in urbem negavere, tanto sui, fortunarumque cives reddidere securiores. Jugum nihilominus Ottomanicum accepit, postquam suburbio expugnato, Georgius Varcotius Silesius præ foribus interioris urbis, Janicsarorum manu occubuit. Præfidiarii Itali, Germanique (nam Kapolnajus Hungarorum equitum Ductor ad Tartaros coercendos urbe excesserat) libertatem pacti, incolumes abiire pridie IX. Septembris. At in opulentiorum civium capita furore prorsus inhumano sævitum, sive quod eorum fortunis inhiaret, sive quod nuper Ferdinando se dediderint. In castra acciti, quasi novas accepturi leges, omni ex parte invaduntur, & more belluarum foedissime jugulantur. C) Hanc barbariem postea ultus est Nicolaus Zrinyius, imperterriti animi Heros, cæsis Tartarorum ternis millibus.

Tot arcium, urbiumque victor ea ætate Solymanus, tantum gloriæ, famæque in Europa, atque Asia collegerat, ut a nemine superari posse diceretur. Quanquam plerasque victorias jam gliscentibus, jam in apertum bellum prorumpentibus Christianorum Principum discordiis, adscribere debuerit. Sane si positis inimiciis, pro viribus suis Hungariæ subvenissent, non eas clades oppidis, arcibusque illatas gemeremus. Sed tot annorum Reipub. Christianæ propugnaculum eversum videre maluerunt, quam privata odia restinguere. Cæterum multo sanguine stetit hanc quæstuosam expeditionem, Annales Turcici prodidere. Istud præcipua inter decora suæ gentis numerant, D) quod Albam Regalem, in qua per quingentos annos Hungarico Imperio lecti Reges, diademate ornati, ac in eadem Imperio defuncti, monumento Regio fere illati fuerint, reliquis triumphis tanquam victoriarum omnium compendium adjecerint. Quasi vero de omnibus Regibus, quos Hungaria jam inde ab exordio regni, suo in folio adoravit, triumphum egissent. Haud negaverim nobilem juxta, ac utilem victoriam extitisse; quandoquidem nemo Regum coronam sumpsit, quin continuo exquisitis muneribus Basilicam Magnæ Hungarorum Dominæ dicatam excoheret, sive religione loci inducti, sive ut invidiam dicacis populi declinarent,

V 3

qui

A) Tata, quam Theodatan fuisse existimant, a Regibus Hungariæ extructa, balneis, hortis pensilibus, aliisque deliciis floruit. B) Joannes Martinus Stella quaternis epistolis hujus, & sequentis anni res a Solymano in Hungaria gestas complexus est, datis ad fratres suos Gulielmum, & Michaellem. Binas præterea scripsit, alteram de munitione Ovariensi, alteram de Viennensi. C) Stella Epistola III. neque variat Istvanff. L. XV. D) Codex Verantianus.

A. C. qui Principes, ni munificos se præbeant in Superos, liberis vocibus insectatur, & avaritiæ damnat.

Et urbis quidem Præfetti argentum, aurum, uniones, & quidquid pretii gemmis ipsa natura indidit, in unum congesta locum, rapacem animum, manusque irretiverunt; ac propterea peculatus convictus, ægre admodum capitis supplicium amolitus est. At Quæstor Solymani, industria longe majori, abdita Basilicæ rimatus, coronas, sceptræ, torques, annulos, Marianæ pietatis veterum Regum monumenta eruit, atque ærarium Principis in immensum auxit. Exuvias Joannis Regis ambitio Turcica quietas esse non sivit. Ejectæ sunt illæ e communi Regum Hungariæ Mausoleo, ut hoc facto ostenderet Solymanus, se summam Imperii apud Pannonios tenuisse, jusque in regnum qualecunque arrogaret in posterum. Sed cum sciret, jus istud multarum litium fomitem, nec profuturum rebus suis, nisi ferro propugnetur, arces novis operibus, peditumque robore firmatas Præfectis, qui eas tutarentur, attribuit, & pro earum, aut Ottomanorum consuetudine, legibus administrarent.

Et grata erat illi occasio provincias, arcesque ordinandi, plerasque Gubernatorum vacuas, quo Purpuratorum virtutem superioribus in bellis sæpe numero spectatam, ea designatione remuneraretur, aliorum acueret. Budam, Regiam sedem, unde in reliquas Hungariæ terras dominatum porrigeret, Mahometi Jahiogli, bellis inclyto, commendavit; Albam Regalem Balidi Epirotæ, fidei in Solymanum, militiæque præclaro detulit; Strigonium, cui utique prima tempestas incumberet, si quid Ferdinandus Rex moveret, Hassanes bello strenuus accepit. Distributis hunc in modum provinciis, copias multum imminutas Hungaria deduxit, Byzantiumque investus triumphali pompa exeunte Novembri, civium applausus victor meruit.

1544.

Neque annus MDXLIV. lætior Hungariæ fluxit. Etenim Solymanus ab Antonio Polino, ut narrat Istvanffius, a) incitatus ad Hungariam infestandam, cum per negotia Byzantio abesse non posset, Budensi Purpurato suas partes commisit. Is communicato cum vicinarum arcium Præfectis consilio, Vissegradum b) ante alia præsidia opprimendum existimavit, quod Danubium navigiis Turcicis infestum faceret, & terrestri itinere ultro, citroque commeantes divexaret. Geminæ arces Vissegradum supra communem sortem extulerunt. Altera Danubio proxima; altera eminenti in saxo constructa, verticem intra nubes condidit; utraque vim hostilem sustinere potuit, dum aqua præfidiarius miles non laboravit. Verum natura parens, non tam prodiga manu sua munera dispensavit loco, ut omnibus numeris absolutus, non eguerit alterius ope. Rupes, cui arx superior insedit, aquas, commune adeo elementum negavit; quo factum, ut siti confecti Vissegradenses deditionem festinarent. Nam posteaquam castrenses machinas beneficio noctis in montem evexit hostis, superior arx continuo in ruinas est acta. Nondum tamen victus Amadeus loci Præfectus. At negante imbres cælo, consumptis, quæ sitim levare poterant, deditio extorta fuit. Miles secus, ac conventum est, Turcarum perfidiæ debet, quod inultus ceciderit in limine arcis, Mahomete Amadeum in tutiorem locum reponente. c)

Trajecto per otium Danubio, Neogradum, Hatvanium, Osoram, & Simontornyam Ferdinandi juris arces, fugam undique capeffentibus collonis, & præfidiariis, fama exercitus vicit. Has ille aliquot cohortibus injectis, perdiligenter custodiendas demandavit, multo Christianorum sanguine aliquando redimendas. Revocatus est tantisper a secundo rerum successu Mahometes, quod Ulamanes d) Janicfarorum subsidiariam manum postularet. Velicæ arcis peracrem obsidionem is intentavit, nequicquam tamen profecit, armatis pro libertate dies, noctesque excubantibus. Triumphas-

sent

a) Lib. XV. b) Vissegradum Budam inter, & Strigonium situm Danubium alte despicit. Arx superior percelebris fuit a suis munimentis, tenui, puroque cælo. Nunc bellorum diuturnitate attrita, ubi steterit, lapides viatori ostendunt. c) Istvanffius L. XVI. d) Nonnulli in annum sequentem hæc rejiciunt.

sent isti, ni agrestes, quorum ingentem numerum eo metus compulit, diu A. C. turnæ obsidionis incommodo supra modum anxii, hostibus fores pandissent. 1544. Perfidiæ præmia dum expectant, libertatem amittunt; milites, levi ære persoluto, Turcarum injurias provide vitarunt. Ula manes auctus per Budensem Præfectum militum numero, capto per iter Monte Claudio, Δ) Nicolaum Zrinyium, Georgium Bildensteiniumque in aciem prodire ausos, profligat. Detrimentum isthoc in Illyrico acceptum, Franciscus Nyarius cumulate sarfit, cæsis Strigonien sibus Turcis, quos Levam provexit prædandi cupido.

Interea Ferdinandus spe alebat Hungaros, propediem venturos cum 1545. Imperii viribus Duces, quorum auspiciis res prolapsas de integro erigendas, non dubiam mentem habebat. Ostentarunt quidem se ex longiquo, fumantia oppida prospicientes; utilem operam Reipub. impendisse se rati, quod militem saluum in patriam reducerint. Adeo tenuibus copiis instructi erant. Hoc rursus anno Hungariæ suæ studiosissimus Princeps, per literas Proceres docuit: *sibi perpetuo cordi futuram Hungariam; Et curaturum juxta, ut quam maximæ copiae in Vormatiensibus comitiis decernantur ab Imperii Dynastis, quo nobilissima regio hostibus erepta, avita libertate quamprimum fruatur.* Sed vota hæc erant Ferdinandi, nec ultra vota processum. Quippe dominante jam Religionum novitate in aulis Principum, veteri depulsa, in partes distrahebantur populi suis cum capitibus, multique mortalium tot sectarum quotidie enascentium furore corripiebantur. Ut Religione multum inter se diversi, ita & animis discordes erant. In illud tamen concordibus votis, animisque conspirarunt, ut in curiis factionibus, in campo ferro armati, vetera sacra oppugnarent, atque subruerent. Et cum non ignorarent Carolum V. Imperatorem, Ferdinandumque Hungariæ Regem, pietate in sinceram Religionem nulli Principum secundos, tam implacabili odio in utrumque ferebantur, nulli ut operæ parcerent, nullis impensis, quo eorum consilia everterent, auctoritatem enervarent, vires distraherent, intestinas discordias foverent. Id vel maxime in comitiis, hoc anno Vormatiæ celebratis, luce palam prodidere.

Cum enim Cæsar ad Turcarum ferociam refrænandam auxiliares copias solícite flagitaret a Principibus Imperii, nonnulli intercessere tanto pervicacius, quanto majori in discrimine versabatur Hungaria. Tanti fecere scutum Reipub. Christianæ ii, a quorum cervicibus multis omnino annis barbarorum mucrones avertit. Accessit alterum malum, quo luculentior plaga Hungariæ infligi haud poterat. Carolus Cæsar, & Franciscus Galliarum Rex, pertinaci contentione inter se commissi, omnia miscebant in Europa, malebantque vinci ab exteris, quam positis odiis Rempub. Christianam suo milite, suo ære recreare. Tantum in amplissimarum regionum Dominis, excitare potuit incendium, unius Mediolani desiderium, qua possessione destituti, ceu pauperes, indigique non ab animis tantum suis, sed omni Europa quietem publicam proscrispere. DIFFICILIUS est reperire Principem qui suas, ut par est, affectiones animi coerceat, quam qui frequentes populos recte gubernet. Hunc in modum Europa misere scissa, bellisque intestinis lacerata, Ottomanis grassandi in Italiam, & Hungariam facultatem dedit. Ergo cum omnium animi distracti, mutuis odiis certarent, Ferdinandus desperata exterorum ope, pronum in pacem animum ostendit, collatisque consiliis cum Carolo Cæsare, valuit sententia mollior, ut non jam armis, sed precibus cum Solymano agatur, quo ab Hungaria belli tempestas avertatur. Missus Gerardus Veltwichius varia, intimaque doctrina, sed solerti inprimis facundia conspicuus, Byzantium; hic anni unius spatium partim itineri, partim conficiendis induciis impendit.

Compositis, quæ enascebantur de arcibus Regis Joannis, Petri Perenyii, & Valentini Törökii, difficultatibus, induciæ solennibus tabulis instaurantur his pactis: *ut quot annis Ferdinandus Rex mense Martio Solymannum Imperatorem munere quopiam donaret. Transfugæ fide integra redderentur.*

Δ) Mons Claudius, Hungaris Monoslo, Erdődianæ Prospiciæ ab hoc oppide Conitum dignitas.

A. C. rentur. *Quinquennio armorum cessatio esset, neve mutuo populationes agrorum fierent.* Rex Galliae, Veneta Respublica, alioquin confœderata, his pactis accederent. Quam opportune pax isthæc coaluerit, non multo post innotuit. Intestinæ Principum discordiæ in civile bellum eruperunt. Fredericus Saxoniae Elector, Philippus Hassiæ Landgravius, partium Duces, aperto bello Cæsarem persequiebantur. Fortuna Caroli debellati, temeritatis suæ pœnam dedere. Bohemi eodem malo afflati, a Ferdinando profligati pervicaciam exuerunt. Sed non est instituti mei has calamitates enarrare. Ad ea revoco calamum, quæ Ottomanus extra Hungariam egit his annis, quæve in hunc locum prudens distuli, ne cogerer Hungaricam narrationem interfistere.

Anno millesimo quingentesimo quadagesimo primo Carolus V. Imperator, invalescente Turcarum dominatione in Pannonia, summo in discrimine rem Christianam versari prospiciens. devinctam sibi fortunam nisi opponeret; dignum Imperatorio animo consilium cepit, classem suo ductu in ipsa Turcici Imperii viscera armare, & Byzantinis mænibus belli tempestatem propius admovere; detractus utique ex aliena terra Hannibalem novus Scipio, ad suos focos, arasque defendendas. Sed Hispaniæ oras prælidio vacuas relinquere intutum videbatur, & populus, cujus ære classis adornata, se prodi existimans Africanis piratis, Algerium, Hispaniæ æmulam Carthaginem, præ Byzantio impetendam maluit. Igitur plenis velis in Africam, A) transmisit, atque Algerio, inimica urbe, corona circumdato, naves in commodiorem portum deduxit.

Fuit Algerium olim Jubæ Numidarum Principis Regia, Romanis Julia Cæsarea nuncupata. Asperis, excelsisque a tergo montibus; ad Septentrionem mari cingitur. Portum insula haud procul objecta, & continenti Barbarossæ ingenio conjuncta, efficit, sed aquilonibus admodum obnoxium. Vix uno, & altero die pacatæ, depulsis Numidis, qui e montibus accurrebant, ad mœnia confederunt copiæ, cum repente vehementissimi venti, fœdis imbribus graves, castra perturbant. Miles jactatione maritima æger, & adversus tam atrocem tempestatem male instructus, nulla, quo se reciperet, tentoria fixerat. Auxit terrorem intempesta nox, propeque in ultimam desperationem coniecit veteranos bellatores, quod sibi mutuam, ut volebant, opem ferre non possent; singulosque sollicitudo habebat, ut ne Algerienses in perturbatos, palantesque, ac locorum ignaros militem suum immitterent. Nocte inter metum transacta, haud lætior dies fuit. Tum enim primum mæstis oculis suarum navium stragem videre Christiani. Multæ, quibus irati maris fluctus pepercerunt, vi tempestatis abreptæ, in altum ferebantur cum vectoribus; multæ rudentibus abruptis, malisque everse, inter se collisæ, in conspectu navarchorum hauriebantur, quodve omnium dolorem in immensum auxit, sævities decumanorum fluctuum, artem nautarum, & spem pertinaciter elusit. Triduum absque induciis venti, mare, pluviae in militem, in navigia desævierunt.

Visa Christianorum perturbatione cum in castris, tum in portu; obfessi maximo numero erumpunt, gladiis, hastis, tot malis circumventos fodicant, & cladem cumulant. Cæsar turbidis rebus intrepidus, intacto corpore promptus inter tela, & ventorum procellas, pugnam qua voce, qua exemplo accendit. Pudit vincere assuetos, & tanto sub Duce Africanis terga dare. Ergo in cæno colluctantes, ultimas vires ira, dedecoreque succensi colligunt, junctis agminibus in hostem pergunt, cæsisque pugnacissimis, cæteros intra mœnia compellunt. Ad portum eo major vis urgebat barbarorum, quo inclementior maris furor navigia collisit. Numidæ in pugnam, & prædam nunquam non accincti, cum inhorrescens mare majores in momento fluctus ciere, & in quassatæ classis perniciem conspirare observarent, maritimas oras citato cursu armati petierunt, ferro, & flamma naufr-

A) Africanam hanc expeditionem edidit Nicolaus Villogagno Eques Rhodius Gallus, Basileæ.

naufragium maturaturi. Erat facies rerum omnium tristissima. A fronte A. C. Numidæ, a tergo immanes fluctus classem urgebant. 1546.

Cæsar Hispanorum bina millia præsidio classiariis misit; istorum adventus hostem quidem in fugam coniecit, sed classem incomparabili detrimento affecit. Quippe navarchi in litora, hostium secuta, iterum naves agunt. Hic multo sævius, ac ante, classis lacerari cœpit, mersæque triginta supra centum naves, e quibus quatuordecim triremes, faxis illisæ, ac fractæ, in vicinum litus ejectæ sunt. Amissis una tempestate tot navigiis, castrensi supellectili, annonaque, diutius in hostili terra commorari, e re sua futurum non existimavit Carolus. Certe si nemo hostium tela expedivisset, fame pereundum erat militibus, quibus nihil jam suppetebat in Africa, quo vitam vel in paucos dies sustentarent. Igitur nondum penitus mitigata tempestate, in Europam cursum direxit, rursus aliquot navigiis absorptis. Habuit hæc maritima expeditio plus famæ, quam gloriæ per Africam; quasi vero Cæsaris fortuna barbarorum virtuti victa cecidisset. A) Adeo DULCEDINE felicitatis quoquo modo partæ capiuntur hominum animi, ut non indagantes sinistri eventus causas, parumque solliciti, quid in rem contulerint, se magnifice circumspiciant, æmulos suos contemtim habeant.

Evoluto nondum altero B) anno, qui ultro bellum intulit, provocatur, stimulante Polino Galliarum Regis Oratore, quo Cæsarem Galliæ finibus imminuentem averteret. Solymanus privatis de causis in ejusmodi auxilia pronus, Chairadinem, sive Barbarossam, maris Præfectum ad nota ministeria legat, ex imperio Polini arma circumlaturus. Emenus Jonium, fretum Messanæ petiit, ibique anchoris jactis, Rhegium, C) urbem incolis vacuam, ad cædem designat. Didacus Cajetanus Hispanus arci confisus, soluto e mænibus tormento, e consultantium numero, quam in partem arma verterent, ternos prostravit. Hoc veluti signo invadendæ urbis edito, foribus irrumpunt, eportatisque omnibus, quæ usui esse possent, eam incendio delent. Arx flammarum crepitu perterrita, mox obversis machinis expugnata, Barbarossam Dominum accepit. Cives, qui se, fortunasque eo contulerunt, navibus impositi, Byzantium devecti; pauci, quos sacræ ædes tuebantur, sive id religioni loci tribuerint Turcæ, sive Polini precibus, libertatem retinere. Paucis post diebus, nullo obsistente, altius se in Italiam induit, atque ad Terracinæ D) litora applicuit. Romanus populus improvisò terrore perculsus, fugæ consilia agitavit, fuitque summa trepidatio in Urbe omnium. Et Polinus quidem per literas docuit Legatum Galliæ: classem Barbarossæ bellum nullum, injuriam nullam agro Romano illaturam, ostentari solum in iis oris armatos, ad Hispanorum terrorem. Sed tantum ponderis non inerat authoritati Polini, ut fides haberetur, crescebatque in momenta tumultus intendentibus se tenebris. Matronæ, quas non una cura altius concussit, raptis liberis in Sabinum, Tyburtinumque agrum facibus instructæ, quasi totidem lemures effundebantur. Ad Tyberina ostia interim recreatis militibus, Heturiciæ, Liguriæque oras prætervectus Barbarossa, Nicæam provinciæ navigat. E) Hanc terra, marique infestus adoritur, tormentisque in arcem directis mænia disjicit.

Paulus Simeon, Rhodius Eques, arcis Præfectus, privato dolore, ac injuria stimulante (nam apud Barbarossam graves ærumnas ad vincula damnatus pertulerat) magnos animos præferebat, se extreme tuendi, idque intrepide sæpius affirmabat. Neque secus egit, ac dixit. Impressionem Ottomanorum, non sustinuit modo alacriter, sed etiam palantes ad naves compulit. Simeonis ardor militari scientiæ conjunctus dubiam spem fecit capien-

Imp. Ottom. Tom. I.

X

dæ

A) Nicolaus Villogagno nullam mentionem facit de Turcis. At certum est præsidium Ottomanicum tenuisse Algerium, nempe principem urbem Barbarossæ, qui amisso Tuneto eo se receperat navigaturus Constantinopolim anno 1537. B) Anno 1543. C) Rhegium, Geographis Italos imitantibus Reggio, urbs contra Siciliam, & Messanam in ulteriori Calabria sita, Turcarum latrocinia sæpe perpeffa. D) Scriptoribus etiam Tarracina; & Anxur maxime Poetis. E) Nicæa, Nizza, provinciæ Nizensis urbs; monti adjacet castello munita, quod urbem, portumque tutum facit.

A. C. dæ urbis; mox literæ nunciantes, Christianorum exercitum in propinquo
 1546. jam esse, interceptæ, omnem evertunt. Retraçto itaque milite ab oppu-
 gnatione, propere classem conscendit Chairadines; verum ad Siciliæ oram a
 Garfia Pro-Regis filio præda omni exutus, iræ, indignationisque plenus
 Byzantium revertitur hyemante jam anno. Sed otii impatiens, molliori
 jam anni tempore, Italiam homo barbarus, & Christiani nominis oçor per-
 petuus, vix ad quietem redeuntem, perturbat. Quanquam non eodem
 animo fuerit in omnes insulas, aut urbes. Pro discrimine partium jam ami-
 cus, jam inimicus classem circumegit, ut hac via patefaceret Europæ, cujus
 potissimum causâ, tot loca naufragiis infamia, & ipsis marinis monstris
 metuenda imperterritus adiret.

Ad Ilvam, Populinumque appulsâ classis, non leviter perculit Ap-
 pianum illius insulæ Dominum, postquam inaudivit, cujus rei causâ eo con-
 tenderit. Adolescens Turca, natalium splendore inclytus, Tuneti olim
 captus, Religionem Romanam præhabuit Mahometanæ, oblitusque patriæ,
 dies pacatos vixerat ea in insula. Hunc ab Appiano armatis precibus repe-
 tit. Reluctanti, ac obtendenti Religionem, sine mora bellum infert, oppi-
 da urit. Appianus, qui fere ætatem in curia contriverat, a Barbarossâ bel-
 li injurias redimit, tradito adolescente. Voto suo potitus cursum prosequi-
 tur. Telamonem oppidum machinarum ictibus labefactatum, captis propu-
 gnatoribus diripit. In domum Bartholomæi Telamonii luculentius rabiem,
 furoremque effudit. Egerat is Pontificiæ classis Præfectum, & prosperis
 ventis delatus in Lesbum, Mitylenæum agrum, natale Barbarossæ solum,
 A) dirum in modum evastavit. Reddidit vicem iste jam satis funçto Bartho-
 lomæo, cujus cineres disjecit, ac in auras sparsit; adeo hominem vindictæ
 cupido excæcavit, ut cum vitam adimere non posset, quietem Manibus eri-
 peret. Privatas injurias ultus, latius belli tempestatem sparsit tanta celerita-
 te, qua plurimum valuit, ut maritima loca incurfaret ante, quam justam
 defensionem adornarent. Expugnato Herculis portu, insulæ Ænariæ classem
 admovit, B) factaque exscensione, nocte jam multum proveçta, oppida
 juxta, & incolas ferro, flammaque perdit.

Puteolanis C) Pro-Rex Neapoleos saluti fuit, Salecumque, aut potius
 Draguten, Barbarossæ in plerisque maritimis expeditionibus Legatum, ob-
 sidione depulit. Sed in Brutiis, & Lipara insula D) se ultima rabies con-
 sumpsit. Principem urbem non tam classe armata, quam metu, perfidia-
 que cujusdam Nicolai civis, opibus, authoritateque ea in urbe dominantis,
 subegit. Septena hominum millia patrias sedes deferere coacta, captivorum
 numerum auxere; unus Nicolaus, qui minime debebat, libertatem, perfidi-
 æ præmium, obtinuit. Hic erat ultimus conatus Barbarossæ perditissimi
 hominis, qui implacabili odio, perpetuo rem Christianam eversum ivit, re-
 tinuitque piratæ naturam, etiam postquam classis præfectura apud Solyma-
 num ornatus erat. ADEO, quæ a primis annis agimus, altas figunt radi-
 ces, ut ætate grandes, mutata etiam negotiorum materia, non evellantur
 modo ex animo, sed vires identidem capiant, regnumque tandem consti-
 tuant. Et Barbarossâ suapte natura ad indecoras prædandi artes factus,
 myoparonibus primum paupertati suæ consuluit; mox ubi timeri cœpit, a
 Mitylene effusus, ultra privati hominis audaciam ferox, objecta maria de-
 currit. Auctus deinde ejusdem sortis prædonibus, in Africam solvit, non
 egestatem levaturus, sed coronam capiti quæsiturus. Postremo ut Africæ
 fortunam firmitus sibi devinciret; Solymani favorem non aspernatus, inte-
 gris classibus formidandus, maris Imperium sibi arrogavit, semper inquires,
 semper

A) Recole, si lubet, ea, quæ ad principium anni MDXXXIV. narravi. B) Ænaria, Içchia vulgo, insula metallis, sulphure facta, Poetarum somniis celebrata. C) Puteoli urbs, Buzzuolo, por-
 tu, castelloque instructa; veteribus Romanis ob puriorem aerem ædificiis, hortis exculta. D)
 Lipara insula Brutiis despicit. Plures sunt insulæ huic vicinæ. Poetis Æoleæ, Liparæ, Vul-
 caniæ dicuntur. Cursum classis ut intelligas, consule Italiam antiquam Ortelii in regiones
 suas descriptam, ubi sinus Brutius clare exhibetur, per quem classis ingressa, ac regressa
 Byzantium,

semper infestus. Quantum vero detrimenti Respub. Christiana hac postrema expeditione acceperit, ingens captivorum numerus testatur, quando quidem singulis pene horis cadavera fame, ærumnisque confecta in mare præcipitabantur. Inde, UT calamitas loquax est, Italiæ populus Franciscum Regem, & Carolum Imperatorem liberis vocibus laceffivit, vapulavitque utriusque fama per Europam, quod bello impliciti, ille hanc pestem Italiæ immiserit, hic non extinxerit. At ubi bellum pace composuerunt inter se, ac Solymanum, Barbarossæ facultas adempta est piraticam faciendi, avidusque curarum, cum nullæ turbæ enascerentur per Imperium biennio integro, quibus vitales spiritus aleret, æger animo contabuit Byzantii anno millesimo quingentesimo quadragesimo sexto. Δ)

Sublatis belli tumultibus, extinctoque Chairadine, alia tum visa Byzantinæ urbis, atque aulæ facies. Populus (cui plerumque crescente Principis Imperio, fortunæ domi succiduntur) redeunte armorum cessatione, & otio, res suas jam impensius, & jucundius curavit. Etenim fervente bello in tot diversis locis, etsi Ottomanus raro victus cederet, tamen partim morbis pereunte milite, copiæ instaurandæ novis supplementis erant, æreque succurrendum victori exercitui, quasi victus foret. Præterea inter spem, metumque ancipites hærebant sæpius Byzantini, ne ad oram Africæ excubante Barbarossa, Hispani Byzantium invaderent, aut Veneti rupto fœdere improviso Peloponnesum, vel ipsam urbem, nullo præsidio armatam, adorirentur. Quod causæ fuit, cur tantopere pacem exoptarint.

At Primores Turcæ, præ pace majoris fecerunt Barbarossam funere elatum, cujus insolentia omnium animos pupugit. Equidem novi hominis fortuna offensi, querebantur se in aula, infra sua merita haberi; piratam solo fastu, latrocinii nobilem sibi palam præferri, virtuti nullum locum apud Principem relictum. Quantum igitur odii, indignationisque conceptum, tantum gaudii, lætitiæque haustum, postquam gravi censore (nam & Purpuratorum ignaviam factis ferox acerbius perstrinxerat) se videre liberatos. Breve tamen hoc qualecumque gaudium erat, novas animorum perturbationes suppeditante præfectura maritima. Videlicet IN ALTERO Euripo versantur, qui in aulis; vultus, animique nunquam sibi constant; nunc spe, nunc metu in omnem partem raptantur. Augebatur in dies numerus dignitatem ambientium. Et populus, qui ante Principem, munia in aula dispensare solet, prout Purpuratos sibi affectos censuit, ita certos, notosque destinabat, ac sua pariter vota alebat. Galliopolitanus Præfectus, in multorum oculis, animisque erat; nemo iudicio populi aptior muneri, nemo hoc felicior mari habebatur. Huic committendam Imperatoriam classem, multo sermone inter se conferebant. Plane si consensu, votisque civium deligendus foret maris Præfectus, nemo unus Galliopolitanum præiret.

Sed Dragutes β) infimo genere apud Turcas natus, quocum palmas suas communicare solebat Barbarossa, altius invehctus, auris plusquam popularibus ferebatur. Maritimarum expeditionum, fidus ubique comes, ubique consilio, manuque forti plurimas difficultates perrupit; huic uni tantum virtutis tribuit Chairadines, ut abiturus ex Africa ad Solymanum, successorem sibi faceret, traducta in eum classis cura. Sustinuit hoc munus tanta cum dignitate, & fortuna, ut scirent Barbarossam abesse, non sentirent focii. Molientem in dies majora, temeritas præcipitavit. Tribus, ac decem navigiis Genuensium insulam subitus invasit. Doria majori vi aggressus classiculam, merlis undenis navibus, piratam cepit. Diu, multumque exercitus in vinculis, tandem ære persoluto in libertatem assertus, acrioribus stimulis ad pristina ministeria redit. ADEO longa etiam calamitas viro forti non adimit spiritus, quos juratum odium nutrit. Liguriam non semel

α) Annales Turcarum, Barbarossæ mortem in sequentem annum referunt. β) Nonnunquam legitur Dorgoutes, Dargutes.

A. C. infestis armis adortus, alter Barbarossa appellari meruit, utque geminarent
1549. terrorem sui, junctis viribus maria percurſarunt.

Barbarossa annis, mæroreque gravis Dragutem, victoriis inclytum, Solymano commendavit ante, quam diem supremum egit. Neque apud hunc, hominis maritimæ rei scientia, ac singularis in rebus arduis perticendis industria, loco ultimo erat. Celebrem reddidere virum ad oras Italiæ victoriæ multiplices, quarum post Barbarossam magnam profecto partem Draguti deberi, Solymanus professus est; & recens ad insulas Lipareas, Turcis adhuc conspersa hostili sanguine arma præferentibus, & mancipia Byzantium rapta digitis indicantibus. Atque ipse, ut super fortunam crederetur, decorum se, promptumque in armis ostendit; familiari alloquio militum animos alliciens, ac plerumque in opere, in vigiliis, in agmine mixtus gregariis, verbo: omnibus factis viam sibi ad potentiam struere nitebatur. Virtus itaque, & Principis favor Draguti, præfecturam contulit, ingenti commodo Imperii Turcici. Hæc libuit de Dragute toties mihi dicendo præfari, & vitam ante administrationem classis paucis edere, quandoquidem eorum, qui fere principes in Historia personas agunt, non solum res in munere quopiam gestas exponere, sed etiam quantum fama, ingenio antea valuerint, non negligere Historico præscriptum est. A)

Cum Byzantinæ res, ut meminimus, alta pace florerent, Persia civili bello exarsit anno MDXLIX. & quod fieri videmus in ejusmodi turbis, vicinas partes, quasi filo extenso, in easdem pertraxit. Erchases, B) frater Techmasis Persarum Regis, Sirvanæ C) Princeps, sive dulcedine dominandi inescatus, sive quod putaret minoris se fieri in aula, nec meritis paria præmia decerni, ad Solymanum æquum virtutis æstimatorem se conferre statuit, cujus armis non vindicandas modo injurias existimavit, sed & sceptro Persico potiturum se, haud dubiam spem alebat. Arrepto itinere per Circassiam, Cassam appulit, inde Constantinopolim. Principis transfugio lætus Imperator, aures præbuit de publicis Persarum calamitatibus disserenti: ad privatas dein injurias, petitionesque transeunti, in omnibus, quæ oravit, liberaliter indulſit, placuitque exercitum in defensionem Principis scribere. Atque istud non tam exulis causa, quam Imperii propagandi studio confecit. Quippe veteris offensæ memor animum obfirmaverat, occasionem peropportunam Persiæ domandæ e manibus non passurum elabi, cum amplissima factio totum regnum ex æquo jam scindat. Quod si copias Persia conspexerit, ominabatur, valida conspiratione Erchasis, posse latissime Turcarum partes explicari, & ad dilatandos Imperii fines certo eventu circumduci.

1550. Igitur interrupto otio, ipse Solymanus in Persidem ducit. Urbem Wanum, D) quæ prima hostis furorem tulit, cum arce expugnat, regionem quæ longe, lateque protenditur, militi in præmium cedit. Techmases more suo copias munitissimis in locis continuit, ratus in provinciis ferro, & flamma evastatis, non longo tempore bellum extrahendum. Erchases, fratrem ut e latibulis in campum perduceret, nulli labori pepercit. Assiduus cum expedito agmine, ut erat locorum gnarus, regionem divexavit, urbes civium opera captas, Turcarum præsidio committit; auri, argentique vim magnam, e Persiæ oppidis comportatam, Solymano tradit, non animadvertens, quam lethalem plagam rebus suis imponderet. Sed quo ardentius bellum promovere contendit, eo plurium odia incurrit. Populares maxime ut turpissimum proditorem patriæ detestabantur, visaque crudelitate, omnium animi societatem armorum horrebant.

Et Purpurati, cum multo minora promissis experirentur, & in dies militum ardor refrigesceret, conjuratione inita, apud Solymanum occulti cum Techmase foederis reum agunt. Aberat tum e castris infelix Princeps, dum

A) M. T. C. L. II. de Oratore. B) Hunc Bizarus Helcan fuisse scribit; Forestus e S. J. Erchafen appellat. C) Provincia Sirvan Leunclavio videtur Media esse C. 252. Hanc regionem armis occupavit Erchases. Bizarus ait: Techmasem digna præmia non contulisse fratri; & hanc fuisse principem causam defectionis. Annales Turcarum Erchasem Mediam cum Imperio obtinuisse volunt. D) Wanum urbs arce munita, majori Armeniæ finitima.

dum hæc faba cuderetur. Ubi rediit cum suis; Purpuratorum vultus (QUI A. C. maxime servire solent, & Prothei formam, ut res postulat, induunt) non 1550. perinde arridentes, rariorem circa se comitatum, infrequens tentorium videt. Dissimulato in præsens dolore, ne id, quod animo agitabat, deprehenderent; clam se subducit, in cujusdam Principis Curdistani sat firmum castellum. Sed iste diuturnioribus malis liberaturus patriam, violato hospitalitatis jure, fugitivum vinculis onerat, ac Techmasi tradit, vitam inter carceris ærumnas misere tracturum. Solymanus omni successu destitutus, urgentibus reditum Purpuratis, e Perfide bellum removet. A)

Sed recruduit eo vehementius in Africa, B) five jam tempus induciarum evolutum fuerit, five Dragutes, quietis impatiens, eas sponte ruperit. Maritima præfectura tumidus, morem Barbarossæ secutus (ut scires cujus disciplina eruditus fuerit) validissima classe profectus est in Africam; & Aphrodisium C) urbem maritimam ad ictum destinat. Movit bellicosum Ducem, ut hanc præ cæteris invaderet, quod intelligeret præsidarios loco confisos, haud multum sollicitos de defensione; & si caperet, maximam gloriam partum iri. Nec falsus est opinione. Callidus homo fortitudini dolos addit. Jubet aliquot militum manipulos navibus egredi, festinare ad locum insidiis ponendis opportunum, atque ut primum signum invasionis datum fuerit, scalis admotis oppidi mœnia occupare. Structis insidiis, classẽ, quantum frequentia saxa, litus arenosum patiebatur, Aphrodisium versus promovet; ingenti clamore, maxima vi, maritimam partem impugnat. Præsidarii, cives desertis stationibus, eo certatim convolant, quasi a continenti nullus metus, nullus hostis immineret. Interim mœnia defensoribus nudata, ii, qui in insidiis latebant, scandunt, Dragutis signa propugnaculis defigunt, victoriam alta voce ingeminant. Milites improvise clamore exterriti, capta jam urbe pugnam deferunt, Dragutemque victorem recipiunt. Fuit exinde tota Africa celebre Dragutis nomen, utque terrori majestatem conciliaret, titulos Regios ipse sibi adjecit.

Præsidio urbi imposito, ac nominato, qui sui vices obiret, Haleta sororis filio, cum septem, & quadraginta partim biremibus, partim triremibus in Hispaniam solvit, haud dubie provinciis Caroli V. detrimenta maxima illaturus, nisi Andreas Doria maritimarum expeditionum vetus Imperator, pro viribus Archipiratæ conatus retardasset. Quatuor supra quinquaginta naves, quas Principes Christiani D) in Dragutem armarunt, summa celeritate ad Panormum E) contrahit; & intellecto classẽ Ottomanicam annona laborare, peropportuna navigandi tempestate in Mauritaniã vela flectit. Africæ litora allambens, Monasterium Aphrodisio quinque leucis distitum, terra, marique claudit, ac post aliquot certamina, cæso Turcarum præsidio, vi perdomitum, direptioni victoris militis tradit. Inter hæc Dragutes, Iberici maris oram, Valentis regnum, Balearesque insulas divexat, arcta, & infensa cuncta navigantibus facit; bellum impeditum, arduum, atque cruentum Christianis minatur. Pollentia vim, conatumque piratæ infregit. Hanc ille sub quartam noctis vigiliam aggressus pene jam ceperat. Oppidani somno sepulti, ad primos tumultus arma, in hos usus parata, feminudi corripiunt, ac ut locorum gnari erant, victoria exultantes strictis mucronibus petunt, & fundunt, nec ante ferrum ponunt, quam hostis semet in naves trepide conjiceret. Nihil commotus hac clade, sublati propere anchoris altum petit, damnum illatum, Hispanis redditurus.

A) Hic finem acceperere Annales Turcici; eos deinde naviter perrexuit ad annum usque 1587. & eruditis observationibus illustravit Joannes Leunclavius Amelburnus, quẽm intelligi velim, dum Annales nomino. B) Joannes Christ. Calverus Stella commentarium edidit Basileæ anno 1556. de hoc Africano bello. C) Aphrodisium, vulgo Africa, Mauris Mahadia dicitur, locus maritimus in regno Tunetano. Maximam partem alluitur mari, saxi, syrtibus horrido. Quæ continentem respicit, gemino muro cingitur; verbo: sui temporis præsidium & natura, & arte supra quam credi potest, permunitum. D) Julius III. Pontifex Max. Carolus V. Cæsar, Cosmus Medicus Florentinorum Princeps, Rex Neapoleos, & Siciliæ. E) Panormus feracissima Siciliæ urbs, dignitate illustris; Tyrrheno mari alluitur: secundum mare arx eminet, Lege Thomæ Fazelli Historiæ Siculæ librum VIII. C. IV.

A. C. rus. Complures onerariæ e Sicilia solvebant, has ut opprimeret, cum suis
1550. consultat. Jamque in eas expansis velis ferebatur, cum ecce! quinque triremes ex Africa Neapolim venientes, quas falso Cæsareas esse crediderat, Draguti timorem, mox fugam incutiunt. Meninx, A) syrtibus suis, ac scopulis satis munita, fugientem accepit, ubi crebrius Hispanorum fortitudinem ingenio, audaciaque superavit; & quando Turcarum præsidia premebantur, ab hac specula opem tulit, maxime Aphrodisio.

Cœptum est illud oppugnari III. Calend. Julii magno ardore militis Hispani. Fuit oppugnatio multis sane memorabilis. Duces sui ævi præstantissimi, ex Europa in Africam trajecere, hoc in theatro belli ut agerent. Ferdinandus Rex Siciliæ septem, & viginti triremes cum quindecim Hispanorum cohortibus adduxit, strenuamque operam impendit cum Vega, Perezio, Varga, Toletto, Manrico, aliisque Ducibus militia claris. Horum industria, ac singulari virtute bellica, cum terrestris oppugnatio lente admodum procederet, maritima multo acrior instituta fuit. Quæ res maxum opere civium animos depresso. Nunquam enim futurum putarunt, ut urbs aliquando ea ex parte impugnaretur; quod mare prominentibus saxis horridum, navigiis fidam stationem negaret. Pervicit tamen consilium Vegæ, & Toleti machinatoris acre ingenium, qui quondam ad Messanam pro ludicro certamine navali, machinam eduxit, & nunc similem illi, non minori utilitate, quam sui commendatione fabricandam sumpsit.

Binas triremes, malis, & armamentis spoliatas inter se arctissime neçit, quaternisque anchoris, ne fluctibus cederent, firmat. Eas prævalido tabulato contegi jubet, ut octona majoris molis tormenta, collocari possent suis cum aggeribus. Addit pluteos, crates, harpagones, quibus totum opus quam firmissime cohæreat, & rei tormentariæ Magistri a destinatis barbarorum ictibus impune subsistant. Opus intra paucos dies omnibus numeris absolutum surrexit, quod unius artificio, ac judicio uteretur Vega. Aphrodisianos, ad ea tempora nondum visâ machina in Africano litore, in admirationem primum, tum in incredibilem metum rapuit. Nam etsi vehementior ventus, inhorrescentis pelagi fluctus in navigia illideret, crebrisque ictibus compages operis verberaretur, tamen immota semper perstitit, peritiamque artificis utrique parti sine invidia commendavit. Eo tempore, quo ultima manus operi imposita, e Sicilia ingentem apparatus rerum bellicarum attulit Doria; B) statimque turris marina cum propugnaculis, & a continenti mœnia, verberata sunt, maxima festinatione obsidentium.

Sed nihil admirabilius Aphrodisianorum pertinacia, qui quamvis dies, noctesque vexarentur ab Hispanis, ac septem millibus (ut memorant) & aliquot centenis ictibus, intra disjecta mœnia excidium operirentur, non tamen dedendæ urbis conditiones audire paterentur; apparuitque plus præsidii esse in forti milite, quam in munitissima arce. Hiatus murorum objectu corporum explevere præsidarii; his ad paucitatem reductis, cives non minori ferocia succedere. Quin matronæ ultra sexus sui munia progressæ, pugnantium ordinibus immixtæ, reficiendis, ac defensandis turribus, cum virorum fortitudine certarunt. Aggeribus, vallis struendis, quo Hispanum irrupturum distinerent, primæ manum admoverunt; visæque inter armatos, truci vultu pro mœnibus excubare, atque castra Cæsarea telis laceßere, non minus incitamento suis, quam hostibus admirationi fuere. Nempe Dragutes e Meninge sua advolans, vanâ auxilii spe, animos ad ferenda oppugnationis incommoda flammavit.

Tentaverat is non semel Hispanos Africa deturbare, justaque propemodum acie congregi ausus in conspectu urbis, semper suas triremes petere compulsus erat. Nondum tamen se victos fatebantur cives, etsi exercitibus suis exuti, ac mœnibus male tecti, Hispanos peralacriter insultum adorantes

A) Meninx (aliis Meninge, Gerbes) insula Africæ minoris, sita Tunetum inter, & Tripolim. Percurre Tabellam veteris Africæ. B) Doriæ ex Africa solvendum fuit in Siciliam ad rem tormentariam curandam, quod barbari pervicacius resisterent,

nantes confpicerent; certi irruentibus viam omnem præstruere suis cadave- A. C.
ribus, pugnantibusque mori potius, quam servitutem, aut mortem instar 1550.
imbellium animarum subire. Et obsidentes quidem cum pertinaciam civium
in dies maiorem experirentur, assultu urbem undique apertam capiendam
censuerunt. Igitur Vega, Toletus, Doria, militem castris educitum supre-
mum assultum facere iubent. Doria triremibus, quantum per cautes, are-
namque licuit, urbem accedit; mox milites congregandi cum hoste avidi,
in mare semet præcipites dant, aqua collotenus inundante; a vadorum scitis
valles inter, voraginesque ad mænia semirutæ ducuntur, deliberato animo
contentis periculis, quæ partim hostis projectæ audaciæ, partim immite ele-
mentum minabatur, ILLUSTRIQUE exemplo docuerunt, eos plerumque
fieri dominos alienæ vitæ, qui suam contemnunt.

Neque terrestris oppugnatio, non minori suscepta ardore, difficulta-
tibus caruit. Toletus, qui impensius eam impressionem probarat, vetera-
mos quosque milites seligit, quibuscum in mænia eo die niteretur, urbem-
que Hispani juris faceret. Mænibus superatis, inter tempestatem plumbea-
rum glandium, animadvertit barbarorum industria, nova opera excitata
intra urbem. Atque ut timoris signum fuisset militem revocare, ita res
plena discriminis longiori temporis tractu stationem tueri. Ergo ex pericu-
lo majori gloriam accersens, per repertam in propugnaculo trabem, sese in
urbem generoso saltu immisit, jam pila trajectus, quippe unus omnium te-
lis petebatur. Habet quidpiam Toletus cum Macedone, A) qui ad oppi-
dum Oxydracum, facinus incredibile, atque inauditum, multoque magis
ad famam temeritatis, quam gloriæ insigne ausus, semet præcipiti saltu, in
urbem hostium plenam, coniecit integer, nulloque vulnere perstrictus. Se-
pteni milites ostentatione quadam martialis animi, Toletum secuti, commi-
litionibus viam aperuerunt. At Turcæ non telis, non sanguini pepercerunt;
ubi major vis Hispanorum urgebat, eo confestim accurrere, vitam potius,
quam urbem amissuri. Neque Hispanis, etsi fortissime dimicarent, expedi-
tum iter per vicos erat, omnia obsidentibus barbaris. Nemo loco cessit,
nisi graviter vulneratus, aut confectus, sociorum manibus alio abreptus.

Par est, ut trium fratrum pium, juxtaque audax factum literis com-
mittam. Morela Signifer, ingentis spei Juvenis, dum animosius, quam
cautius hostem submovet, sternitur. Frater, qui pone tela in obsistentes
ingerebat, viso Germani fato, signum arripit, ulturusque necem, pariter
cadit. Supererat Centurio ejusdem legionis Morela, jam graviter saucius;
hic ultimi dedecoris indignitate commotus, linquentem revocavit animum,
signumque ambabus manibus complexus, non prius vitam, spoliūque ami-
sit, quam hostis submoveretur. Adeo carum fuit vexillum, trium ut
fratrum funeribus veniret. Et istud fortitudinis spectaculum victoriam ad-
huc ancipitem, certam fecit. Hispani etenim multo acrius in confertos
hostium manipulos ruerunt, cædemque late circumtulērunt, etsi matronæ
passis crinibus viros in pugnam animarent. Hales urbis Præfectus inter suos
occubuit. Præter tormenta, & annonam, præda reperta multiplex. Capti-
vorum septem millia Vegæ obvenerunt. His prospere gestis nunciatum est:
ad Meningem insulam oborta seditione res Turcarum fluctuare, ac Dragu-
tem liberis, ac uxoribus in naves impositis, inopem consilii hac illuc vela
flectere, nec tutum locum reperire, ubi classis hyemaret. Hoc nuncio
percepto, sine mora in Meningem solvit Doria. Sed cum haud procul a
Cercina B) navigaret, tempestas navigia cursu prohibuit. Interea ex Euro-
pa perferuntur mandata Cæsaris: Aphrodisium ut suis munimentis spolie-
tur, urbs ipsa piratarum asylum radatur. Vega, cæterique Duces certa-
tim cum militibus operi institere, & paucos intra dies suæ virtutis thea-
trum, excilis murorum fundamentis, subruerunt. c)

Aphro-

A) Q. Curtius L. IX. C. IX. B) Cercina insula urbem, & portum habet, haud procul a Menin-
ge. c) Annales Turcici.

A. C. 1551. Aphrodisii excidium Dragutem, sui alioquin impotentem, in rabiem, furoremque vertit. Solymanum de progressibus Cæsaris, in Africa factis anno proxime præterlapso, querulosis, ac invidia plenis verbis condocet; opem, operamque flagitat, quo se, Turcarumque dominationem fulciat. Non defuit postulatis Imperator. Sinanem Purpuratum e Byzantino litore cum maritimis copiis in Africam festinare iubet, ne Dragutes undique circumventus ab Hispanis, rebus desperatis provincia decedat. Sed Doria prævertendum ratus Sinanis conatum, classẽ veterano milite armatam in Dragutem movet. Receperat se in suam Menigem, turbis domesticis extinctis, fortunam qualemcumque forti animo excepturus. Patet in eam insulam unicus aditus, quem si occupes, Insulanorum classi omnem fugiendi potestatem ademisti. Nam adeo tenui aqua ad occidentem circumfunditur, ut per altam arenam fere vado transiri possit, nedum triremium capaci. In his angustiis deprehensum, Doria firmis custodiis obsedit, non ausus oppugnationem adornare, quod prævalidam turrim machinis bellicis quam scitis sine instructam opposuerit Dragutes, ex qua certis ictibus triremes sigillatim (neque enim plures ceperant angustię) canalem ingressas haud dubie lacerasset, merissetque.

At Dragutes insulæ vitium mira ingenii felicitate correxit, Doriamque multarum palmarum Ducem, calliditate consilii per aulas Principum traduxit. Quippe ubi animadvertit, omnem exitum sibi interceptum, nec posse abigi Hispanos, sine manifesto discrimine amittendæ classis; siue inopiam commeatus metueret, si longiores ea in insula moras traheret, siue ad nominis existimationem pertinere existimans, si tantum Heroem luderet, rem molitus est priscis seculis inauditam. Sinum maris, quo circumscribi diximus insulam ad occidentem, arena primum expurgat spatio mediæ leucæ, deinde novo alveo canalis perfectio in continenti, triremes unam post alteram opera Turcarum, Insulanorumque eo pertrahit, atque æstuante, insurgenteque freto, inoffenso cursu in apertum pelagus deducit. Id vero tanta celeritate, ac silentio Dragutes perfecit, ut ante Siculorum a) triremium in alto expugnarit, quam Doria sciret Dragutem insula excessisse.

Nam comportatis, quotquot in insula erant, ferramentis huiusmodi labori aptis, arrepto ipse obvio ligone, intuitusque primarios, qui aderant, militum Ductores, moliri terram primus aggreditur. Ac statim facinus æmulati ingenti alacritate Centuriones, ac reliqui milites (qui averfari opus initio videbantur, quod putarint rem tanti moliminis in hostium vicinitate confici non posse) ut paucas inter hebdomadas non summis modo difficultatibus se expeditos conspexerint, sed & superata natura e victis victores apparuerint. Et ut fallerent industriam Hispanorum prope excubantium, quædam vela, funesque malis suis appensa, eodem in loco reliquerunt, quasi integra classis pristinam stationem obtineret. Hunc in modum ingenium Archipiratæ celeritati conjunctum, Hispanis imposuit; DOCUITQUE oculos falli posse, aut certe primos Duces errorum esse.

Intellecto per Melitenses, Dragutem e Meninge fugisse, ac insulas more suo infestas jam reddere, Doria dolore, pudoreque suffusus, deserta Africæ ora in Italiam redit, nec quidpiam ea ætate suscepit in eum, siue aliis implicitus negotiis, siue de industria æmulum vitaret. Interim Sinan Purpuratus cum quinquaginta, & centum navigiorum classe aderat, Dragutis caput ultimo, ut putabat, discrimini erepturus. Melitam insulam Siciliam inter, & Africam sitam, junctis viribus majori animo, quam successu aggrediuntur. Quippe cum Equites castellum S. Angeli strenue tuerentur, re infecta in Africam solverunt, ac Tripolim oppugnandam sumpserunt. Erat Tripolis b) mænibus, propugnaculis, arceque permunita, ac sub jure, præsidioque Melitensium Equitum, quorum fortitudini plurimum Carolus Cæsar

a) Hæc missa est a Pro-Rege Siciliæ in auxilium Doric. b) Tripolis, diversa ab altera hujus nominis in Syria posita, urbs Africæ, nempe tertia Respub. Piratarum post Algeriensem, & Tunesanam. Tum erat juris Equit. Melitensium.

Cæsar deferebat, prorsus inexpugnabilis credebatur. Et primis quidem die-A. C. bus metus incesſerat Turcas, ne, ut nuper Melita, ita & nunc conatu irri- 1551. to Tripoli diſcedendum foret.

Etenim cum tormentis, (ſex & triginta numerabantur) propugnaculum arcis Divo Jacobo dicatum quaterent, nullo mænibus illato detrimento anxii hæſere, an porro proſequerentur oppugnationem? ſed transfuga primum, mox miles ære conductus, Melitenſium fortunam afflixit. Ille propugnaculum S. Barbaræ vetuſtate ſua detritum impetendum ſuaſit; iſte rumore futuri aſſultus metu oppreſſus, fugam circumſpexit, urbemque eodem malo afflavit. Caſparus Villarius, aliis Valerius, loci Præfectus, præſidiariorum vecordia multum perterritus, deditionem arcis, urbiſque offert Ottomano, ægreque impetrat, ut trecentos, quos ipſe deligeret, rebus integris abire, quo vellent, ſineret; reliquos captivos faceret. Tam indecoram conditionem pene invitus amplecti debuit. Accitus enim in caſtra a Sinane, Draguteque, aſperis verbis perſtringitur, quod temere Solymani viribus obſtiterit; neque impune iſtud futurum. Villarius rurfum inſtare, conditiones initas ut inviolata fide (nam liberum diſceſſum omnibus jurejurando pollicitus eſt per Oratores) ſervaret. Tum ſubito excanſcens Purpuratus Præfecto vincula injicit, oppidanisque nunciat: *ſe niſi extemplo dederint, non ultro ferocientem militem inſultu prohibiturum, nec Præfecto, quem ſua in poteſtate haberet, parſurum.* His trepide in urbem perlatis, deditionem properarunt, ut memini, cui & Villarius ſubſcripſit. Tripolis Dragutis fidei commiſſa, vicinas provincias, mareque frequentibus procurſionibus inpoſterum territabit. A)

Altero poſt anno Neapolitanis, Siculis, & Genuenſibus, redeunte 1553. bellorum turbine in Italiam, vulnera ſane non levia inſlicta fuere, dominantibus Turcis mari mediterraneo. Corſica, Genuenſium id temporis inſula, cæſis præſidiariis, ac in ſervitutem duriffimam abductis incolis, Ottomanorum pariter jugo collum indidit, gemuitque ſub eo ſex admodum annis, dum pace reſtituta inter Philippum Hiſpaniæ, Henricumque Galliæ Reges, ex fœdere Genuenſibus redderetur. Jam in Hungariam fertilem armorum campum revertamur, & quid Solymanus, Purpuratorum ductu in ea egerit, carptim exponamus.

Iſabella in Tranſylvaniam abire juſſa cum pupillo, ut ſupra narratum eſt, in dies majores turbas experta eſt, quas Proceres novarum rerum cupidi excitabant. Etenim REIPUB. adminiſtratores inter ſe diſſentientes, facile in partes populum ſcindunt cum Principum pernecie. Georgius Monachus, & Petrus Vichiſius, vulgo Petrovichiſius, pari poteſtate Reginæ, pupilloque dati, privatis ſimultatibus exarſerant. Neque ille parem, nec iſte ſuperiorem ferre poterat. Et Georgius, ſive Turcarum ſocietatem exoſus, ſive Petrovichiſii authoritate offeſus, ſive Iſabellæ jacentem fortunam deſpiceret, majora auſus, cum ipſa Regina in apertas inimicitias, ac bellum prorupit. Signum hoſtilitatis primus extulit, dum eam Cibinium B) tendentem aditu urbis prohibuit, ne videlicet armorum ſede occupata, quidpiam detrimenti acciperet, lentiusque procederent conſilia, quæ cum Legatis Ferdinandi Regis clam iniverat. c) Graviter tulit hominis inſolentiam undique virilis animi Regina juxta, & Solymanus. Iſte quidem, ne factio invaleſceret, graviffimas literas ad Tranſylvaniæ Proceres dedit per Mahometem Chauſium, quibus hortabatur ſigillatim, ut Iſabellæ, pupillique partes amplectantur ſtrenue; Georgium adempta dignitate, armis e Tranſylvania propulſent, aut, quod mallet, vinculis oneratum Byzantium mittant. Hæc,

Imp. Ottom. Tom. I.

Y

atque

A) Daniel Hartnaccus in Conſpectu Bellorum Turc. edit. Holm. anno MDCLXXXVII. hæc recitat: „Auſta eſt potentia Turcica A. C. MDLI. Tripoli urbe Africæ Melitenſium Equitum Rhodo ejeſtorum ſede, quam per Sinanem Purpuratum inſtructiſſima claſſe obſedit; & die XV. Auguſti occupavit. „ B) Cibinium urbs Tranſylvaniæ. c) Georgius Tranſylvaniam Ferdinando tradere voluit, hacque ſuper re crebrius conſilia cudit cum Legatis Ferdinandeis, Iſtanff. L. XVI. Anno 1550.

A. C. atque alia Chaufius privatim publiceque e literis recitavit, fastuque intolera-
1553. bili sui Domini iram venditabat.

Illa Solymani præsidio animosior, cum sublato quasi omni commercio ineundæ concordie, spes una pacandi hominem in armis reliqua esset, accitis copiarum Ducibus bellum Georgio movet. Neque iste suis rebus indormiit. Commisissis aliquot præliis, utraque pars præ bello pacem maluit. Proditum est literis: Georgium ferocia posita tam abjecti animi extitisse, ut humi provolutus ante Isabellam, inter lachrymas erratorum veniam oraverit. At non multo post recruderunt odia tanto sævius, quanto pertinacius animo recepta, specie oris tegebantur. Georgius, quam cœperat telam, tandem pertexuit. Castaldum A) Ferdinandi copiarum supremum Ducem in Daciam evocat, ac Reginam rebus suis diffidentem eo adigit, ut reddito diademate regni, provinciam Transylvaniæ certis sub conditionibus Ferdinando Regi cesserit. B)

Auditis Transylvaniæ turbis, vicerat dolor Solymanum, convocatoque majori concilio Purpuratorum, Mariam Malvetium Ferdinandi res Constantinopoli curantem palam rogat: num ea, quæ de Daciæ rebus nunciarentur, vera essent? cumque is constanter negaret (neque enim quidpiam literarum a Rege, aut amicis acceperat) & solum flagitio hominum ejusmodi fabellas fingi, intrepidus assereret; ira, furoreque præceps, multis convitiis proscissum, ac gentium jure violato, in septem turrium carcerem conjici, supellectilemque domesticam sub hasta venumdari jubet. Mahometi præterea equitum Europæorum Magistro, contractis propere militibus in Hungariam, indeque in Transylvaniæ regionem ut proficiscatur, præcipit, ejectisque novis hospitibus, Isabellam, pupillumque veteri dignitati, provinciæque reponat. Promotis ad Szalankamenum castris, paucos intra dies præter militem e Græcia accitum, convenere summi Duces suis cum copiis, Ulamanes Persa Bosnienfi, Alibegus Sirmienfi præfectura insignes; Achomates Mihaloglis (quem equites Hungari somno, vinoque gravem cum nobilioribus Turcis interfecere) & Cassonus e finibus nuper pulsus a Georgio. Valido exercitu instructus Mahometes, castella, arces, oppida deditione accipit, Castaldo non auso in aciem prodire. Lippam C) metu præfidiariorum desertam, Ulamanes suo milite firmat. Temesvarinum D) non interrupt modo victoriarum cursum, sed hostes etiam victos rejecit. Loco præfuit Stephanus Lossonczius, vir consilio, manuque promptus, cum aliquot veteranis cohortibus Hungarorum, Hispanorumque. Tredecim dies acerrimæ oppugnationi impensis. Verum cum operam perderet ad mænia, & jam gravior autumnus incumberet, Janicsarique stipendiis confectis in patriam festinarent, nocte concubia exercitum Belgradum reduxit. E) Non fefellit Lossonczii industriam nocturna discessio. Eruptione facta perpetuo ultima agmina multavit, & oppidum Nagylakum in itinere cæsis præfidiariis Ferdinando asseruit.

Abeunte Mahomete Castaldus, & Georgius in campum prodeunt, atque exercitum sexaginta millium armatorum Lippæ admovent. Ulamanes Persico, Dalmatico, & Hungarico bello multum exercitatus, ad omne periculum impavidus, magno animo defensionem apparabat. Nec miles ferocia cedere visus est Duci; adeo omnes gloria vincendi extimulavit. Et autumno jam præcipitato spe certa nitebantur Ottomanæ, Christianos rigidiori tempestate oppugnationis consilium abjecturos. Sed Hispanorum fortitudo hyemem prævertit, & hostium pervicaciam uno facinore infregit. Horum perpauci, septem, octove memorantur, habito inter se consilio,
mænia

A) Joannes Bapt. Castaldus Magister Castrorum Caroli V. Cæsaris fuit. Hunc Ferdinandus a fratre petiit adversus Isabellam, & Turcas. B) Anno 1551. C) Lipa in Temesiensi plaga nobilis quondam cum arce civitas, jam fere indigesta moles. D) Temesvarinum urbs, verius propugnaculum unum, pluribus aquis, aggeribus firmum. E) Peditum legiones privilegium hoc obtinere ab Amurathe I. in campis Varnensibus cæso Uladislao Hung. & Bohemiæ Rege, ut ne ultra diem D. Demetrio sacrum, militiam sequi cogantur. Sed necessitas belli sæpe easdem legiones adulta jam hyeme in campo detinuit.

mænia invadenda suscipiunt. Commodum evenit, ut eo die signum legio-^{A. C.} nis præferret Ferdinandus Botto, absente Signifero. Hic meditati facinoris ^{1553.} princeps, socios hortatur: *ut ne occasionem rei pulcherrimæ elabi smerent; irent alacres, & in æmulatione tot gentium* ^{A)} *primi invadendæ urbis decus, id est periculi, victoriæque summam præriperent.* His animose dictis, arrepto signo in mænia insilit cum sociis, ac cruenta dimicatione propugnatores detinet. Accurrentibus ad locum pugnæ Janicsaris, amisso vexillo cæduntur. Visâ commilitonum fortuna; Hispani sine Ducum imperio certatim eo provolant; hos Germani, Hungarique secuti, cum nullo ordine confisterent, Turcarum numero impares, terga vertere occeperere.

Forte Thomas Nadasdus clamore pugnantium commodum accurrebat, animadversoque invadentium periculo, timoreque; vexillum Hungariæ legionis arripuit, illudque, ubi maxime pugna calebat, desert. Æmulatus Julii Cæsaris gloriam ad fluvium Sabin in barbaros signum pariter, & metum inferentis. ^{B)} Quo viso Hungari mænia repetunt; & Hispani Castaldo, Georgioque Ducibus, iterum impressionem tentant. Tandem Turcæ, cæsis suorum promptissimis, fuga salutem quærunt. Pars arcem cum Ula-
mane petiit, pars per urbem vaga, palansque abjectis armis, quasi se dederet, eo promptius ab Hispanis trucidatur. Capto oppido, direptoque, Castaldus animum, operamque ad arcem subigendam advertit. Inter paucos dies mænibus prostratis, Ulamanes de deditione Lippæ, Csanadinique egit cum Georgio, qui nuper collegio Purpuratorum Patrum adlectus, universi exercitus imperium affectabat. Et Georgius quidem Uiamanem cum præsidiariis liberum dimittendum censuit, obnitentibus multum Castaldo, cæterisque Ducibus. Pervicit postremum benignior hosti sententia. Georgius Ottomanos noctis tempore egressos (mille trecenti erant) in tutiora loca deduci jubet, quanquam Castaldo perinvito, & ultionem premente. Atque istud est, quo fatum sibi acceleravit Georgius. Nam non post multo ficarii manu, sui securus in conclavi interiit. Fama percrebuit authore Castaldo, collusisse eum cum Turca, & nescio quod regnum in Dacia sibi destinasse, quod & Istvanffius scribit. Nempe patrato immani scelere, quo honesti speciem indueret Castaldus, perduellionis notam Cardinali inurit. Vindicavit cælum famam Purpurati Præfulis, quando de singulis necis auctoribus supplicium sumpsit. ^{C)}

Principium millesimi quingentesimi quinquagesimi secundi anni, militi Hungaro fatale fuit. Pedestres copię Szegedinum oppidum, faventibus audaci factis tenebris, uno impetu capiunt. Arx Solymani jussu posita, eodem ardore subigi haud potuit. Versi ad prædam milites, Turcarum domos evacuant, in apothecas vino Sirmiensî repletas involant, & disciplinæ militaris obliti, dies, noctesque crapulis extrahunt. Dum commensationibus, crapulæ indulgent, & largius pransi per urbem vino, somnoque graves procumbunt; Alys Eunuchus Budæ Præfectus cum expedito agmine eo properat; aulosque vino jam victos manus conferere, internecione delet. Quina narium millia cum XL. vexillis Byzantium missa. Nec felicius res gesta ad Wesprimium. Alys victoriam ad Szegedinum obtentam nova cumulaturus Wesprimium ducit, & spatio dierum decem muris everberatis, vetustate alioquin in ruinam pronis, præsidiarios ad deditionem compellit, quos contra datam fidem ad unum omnes jugulavit. Adulto jam vere, major procella Hungariam excepit. Achomates supremus armorum Vezirius, accepto transmarino exercitu, Hadrianopoli profectus, quintis, ac vigesimis castris Semendriam tenuit, atque inde evocato Mahomete, maturatis profectionibus Belgradum, mox strato Tibisci flumine ad Titulium oppidum ponte, Temesvarinum pervenit.

Stephanus Lossonczius, qui anno superiori summam laudem consecutus fuit a defensa urbe, eandem pari virtute tuendam suscepit cum Hispanis,

^{A)} Præter Hispanos aderant Germani, Hungari, Itali, Belgæ &c. ^{B)} Julius Cæsar de Bello Gallico L. II. ^{C)} Inspice Purpuram Pannonicam P. Samuelis Timon, & Istvanff. L. XVII.

A. C. nis, Hungaris, & Germanis. Triginta sex tormentis, magnitudinis non 1553. vulgaris, urbs, atque arx infestabatur, maxime tamen turris aquaria, quam si occuparent, arcem quoque habituros se non vane coniciebant Turcæ. Et profecto multum sanguinis profusum ab utraque parte, donec nostri spe defendendæ turris amissa, urbem juxta, & arcem perdidissent. Lossonczius tamen deditiois nomen non minus, atque ipsam prodicionem damnaverat, quamvis facultas repugnandi intercepta jam esset a Turcis, aquaria turri expugnata. Oppidani excidium urbis veriti, precibus, lachrymisque perurgebant Præfectum, ut, cum apparatus bellicus in dies deficeret, famesque in omnes grassaretur, se, suosque molliori fortunæ servaret. His accessere Hispani, Germanique monentes: *ne ultima experiri vellet; se fortissimorum militum munia abunde explevisse, quando mense integro fame confluentes, undecies hostem manibus depulissent. Si pervicax esse pergeret, deditiois leges ultro confecturos se minabantur.* Adactus hunc in modum, accepta abeundi cum suis potestate arcem tradit. A) Vix urbe egressi, irruentibus Turcis trucidantur; ne inulti caderent, Lossonczius verbo, factisque commilitones incitavit.

Subacto Temesvarino, complura oppida in victoris potestatem cefere. Lippa ingenti Hispanorum gloria nuper subacta, turpiter hosti prodita. Bernardinus Aldana (Hispanusne, an Italus fuerit, nondum inter Scriptores convenit) vicino periculo perculsus, machinas castrenses corrumpit, facesque tectis subdit. Nimirum ut collucentibus festivis ignibus fugam ignominia plenam cohonestaret. Post tot clades Ferdinandus Rex Erasmus Teuffelium (quem Istvanffius infausti nominis B) Ducem appellat) cum denis armatorum millibus, ad recuperandas arces expedit, quas hac æstate Achomates eripuit. In campis Pallaftiensibus, quo Alys Eunuchus Budæ Præfectus Teuffelio obviam venerat, utraque acies cruento prælio decertat decimo Augusti, Regiis campum, & victoriam obtinentibus. Altero die eandem arenam multo jam sanguine perfusam repetunt, parique pervicacia concurrunt. Sub æstu certaminis, dum explosis in hostem tormentis, hesternæ diei victoriæ Regii geminare nituntur, forte decidit in pyrobolariam supellectilem scintilla, quæ extemplo correpta, ingenti fragore tormenta, Magistros bellicorum operum, militesque non paucos mirabili strage afflixit. Ea res hostium animos ad victoriæ incendit. Sublato clamore, repentino casu perterritos invadunt, fugantque.

Teuffelius suorum trepidationem voce, manumque sistere conatus, a circumfuso equite capitur. Itali modo vicinam sylvam, & fugam respectabant, modo in prælium meliorum ductu redibant, eoque inter pugnæ, fugæque consilium plures cadebant. Eunuchus nobili patrata victoriæ, interceptis omnibus impedimentis cum captivis, quorum quatuor millia ferebantur, Budam triumphanti similis intravit. Captivi longo ordine dispositi, ac Teuffelius equo insidens, canentibus signis in forum deductus civium oculos rapuit. Missus subinde Constantinopolim cum XL. vexillis, & captivis præcipui nominis, cum negaret se supremum copiarum Ducem fuisse, ab irato Principe culeo insutus Bosphorano mari mergitur. Budæ ac Peszthini tanta mancipiorum vilitas, facile ut modio farinæ sub hasta venderentur complures. Vitio datum est Teuffelio, quod præcipiti consilio pugnam iniverit, exclusis septem millibus Hungarorum, qui ad Füleikum pugnæ avidi convenere, sive id contemptu hostium egerit, sive cupidine gloriæ, quam cum aliis communicatam nolle.

Eodem adhuc anno, videlicet quinquagesimo secundo supra millesimum quingentesimum Szolnokino in itinere occupato, Achomates, & Alys Eunuchus, centum viginti quinque millium exercitum ad Agriam oppugnandam adducunt. Arx olim munitissima, urbi imminet, aut potius pars arcis, cum exterior, multoque amplior munitio suis jaceat ruderibus sepulta.

A) Gemuit sub iugo ad annum 1716. quo ab Eugenio Principe obfessa, aliquando tandem reddita Hungariæ est auspiciis Caroli VI. Imper. ut suo loco dicturus sum. B) L. XVIII.

sepulta. Sed non tam munimenta arcem servavere incolumem adversus **A. C.** barbaros, quam incredibilis virtus propugnatorum. Bina non nisi millia **1553.** Hungarorum erant, paria longe majori exercitui frangendo, sub Præfectis Stephano Dobo, & Stephano Mecskejo, Vix alteram oppugnationem acriori partis utriusque studio susceptam Historici tradunt. Ottomani tot victoriis incitati omnem conatum intenderunt, Agriam ut suis trophæis adderent, multis partibus inferiorem, si cum Rhodo, aliisque præfidiis conferas, quæ tamen sub jugum missa. Hungari contra amissum militiæ decus recuperaturos apud exterarum gentes se sperabant, si Agriam servarent; omnibus nervis hostium vi sese opposuere. Et Achomates, cum blanditiis nihil perfecturum se sentiret, machinis castrensibus mœnia quatere, ignibusque missilibus tecta convellere instituit.

Octavo, & decimo obsidii die, assultu turrim occuparunt hostes; at Dobonis virtute mille suorum desideratis continuo ejecti fuere. Illud præfidiariis non parvam sollicitudinem incussit, quod tormentario pulvere, qui in æde sacra asservabatur, incenso (dolo, an casu fortuito? incomperitum) disiectis mœnibus, molis versatilibus, superiorique parte in altum expulsa, magnam sane partem ædificiorum, relabentia saxa prostravere, septem, octove gregariis ruina incidente, subito elisis cum molitoribus, pistoribusque, qui opus curabant. Sed nova arte confecti pulveres, & mœnia aggeribus resecta Dobonis industria; præfidiariis pristinam alacritatem reddidere. Versis deinde ad cuniculos, omnis labor in irritum cecidit; Agriensibus contrariis fossionibus conatum intercipientibus. Achomates infestior Hungaris, novi operis molem orsus, militem in vicinis sylvis ligna cedere, ac totas arbores cum ramis ad arcem convehere impellit. Moles ferventibus operis adeo excrevit, murorum fastigium ut facile æquaret. Gregorius Deakus, sive Literatus, machinarum bellicarum non infelix inventor, insanæ magnitudinis opus momento consumpsit, vasculis multo sulphure, aliaque materia incendio fovendo apta, oppletis, in molem conjectis. Plura machinamenta ingeniosus artifex animo concepit, ac subinde fabricata & in hostem emissa, artis miraculo obsidentes tenuit, quam plurimis eorum interemptis. Archimedes sane sui temporis, meliori successu Agriam, alteras Syracusas propugnans. Certe ut non minor cura Imperato erat tutandæ Agriæ, ac Doboni, ita non minor laus eidem tributa a præfidiariis, atque Turcis.

In hunc modum cum ingenio Literati, & Dobonis manu arx invicta persisteret, & sæpius fusi, fugatique Turcæ, vix vultum ferre possent præfidiariorum, Achomates amisso robore Janicsarorum, castra Budam versus promovit XIV. Calen. Novem. Volitabat postmodum celebri-fama per totam Europam Agriensium Heroa virtus. Et par erat suæ famæ, prædicabaturque eruditis exterarum gentium calamis, etiam mulierum fortitudo, quæ armatorum manipulis immixtæ, patriam ab interitu servare contenderunt. **A)** Ferdinandus ex æquo muneraturus Præfectorum industriam, Dobonem Transylvaniæ præfecit, Deakum Agriæ. Mecskejo invida mors vitam, præmiaque eripuit. Nec Deako diu præfectura frui licuit, insidiis exceptus a Vilibego, ac Byzantium missus, odio Achomatis in furcam actus fuit. Adeo irrita oppugnatio alte vulnus inflixit, ut non aliter coaluerit, quam æmuli fato.

Secundum hæc, principem curam eo intendit Rex Ferdinandus, ut Hungariæ tranquillitati consulere; viderat enim ingenti Reipub. damno, armis plerumque inferiores esse suarum partium Duces. Quapropter Antonium Verantium Quinque-Ecclesiensem Præsulem, & Franciscum Zajum classis Præfectum, multarum linguarum peritos, ac amplissimis muneribus instructos, ad Solymanum ablegat fœderis ineundi causâ. Aberat is eo temporis in Asia, Mustaphæ filii perfidiam, falso, ut narrabimus, impostam, ulturus. Quapropter Legati, quo celerius suo munere fungerentur,

A. C. in Asiam profecti, Amasiæ Imperatorem convenere. Haud perinde, ac sibi 1553. persuaserant, sunt accepti. Cum enim pro dignitate sui Regis æquas conditiones postularent, contemti auditi, aula dimissi fuere. Auxit Solymani arrogantiam Persiæ Regis Orator, qui eodem tempore suppliciter pacem orabat. Augerius tamen Busbequius Orator Ferdinandeus semestres inducias impetravit, A) quas subinde prorogavit ad annum usque MDLVI. Intra hos annos etsi aperto bello certatum non fuerit, tamen præfidiariorum Præfecti, cupiditate prædæ adducti, crebrius vicinas provincias incurserunt. Nunc Mustaphæ fatum dicemus.

Plurimum liberorum Pater extitit Solymanus, ut plures alebat pellices. E Circassia, vulgo Bosphorana, quam sibi in thorum acceperat, Mustapham suscepit, Principem a natura pulcherrimis dotibus liberaliter instructum. Rossa, sive Roxolana partu fecundior, quatuor mares Mahometem (hic fato jam functus erat) Selymum, Bajazethem, & Ziangir, faminam unam Chameriam Rustani nuptam, progeniit. Hæc ambitionis immodicæ mulier (ut POTENTIUM faminarum magna est affectuum impotentia) id unum animo versabat, Imperium Turcicum ut in suos liberos transferret secundum Solymani fatum. Mustapham Imperatoriæ dignitati parem, & prætorianis maxime acceptum, votis obstiturum non vane intelligebat. Igitur hunc e medio tollendi cum Purpuratis, & Mustaphæ clam consilia agit. Solymani erga se amoris alioquin secunda, ut factionem suam authoritate fulciret, eo perpulit Imperatorem, ut præter morem Majorum suorum, solenni nuptiarum ritu eam in conjugem delegerit. Hoc impetrato, inter muliebres blanditias non levem suspicionem movit Solymano, de Mustaphæ cupiditate dominandi. Rustanes gener eadem arte in Mustapham armatus, suspicionem majorem in modum auget exhibitis Imperatori literis, velut illius manu exaratis, quibus de nuptiis cum filia Persarum Regis Techmasis, quocum bellum non ita pridem gestum est, ineundis agebatur. Proditum est præterea: magico carmine omnem erga Mustapham affectum paternum extinctum. Hujusmodi machinationibus impulsus, Rustani provinciam committit interficiendi Principis, tradito exercitu specie inferendi belli Persarum Regi. In Asiam profectus Rustanes, novum crimen attingit innocenti: eum Janicsaros sollicitare suas in partes, rem plenam discriminis esse, Imperator ni propere advolet. Et vero omnibus posthabitis Aleppum festinat, eoque Mustapham, fatalis telæ minime ignarum, arcessit in castra. Ferunt Achmetem Purpuratum infelici Principi technas Roxolanæ detexisse, ac amice orasse eum, subduceret sese, gravidamque cruore tempestatem ne opperiretur.

Incertus animi Mustaphas quid ageret, tandem consilio fugæ damnato, vitæ integritate, meritisque ferox Patrem adit. Vix vestibulum tentorii Imperatoris attigit, continuo a manipulo mutorum B) hominum, quos Principes Byzantini in deliciis habere assolent, ea de causa, ne infanda Dominorum crimina propalent, terræ affligitur, admotoque non molliter nervo strangulatur. Illico vox præconis audita: *unum in cælo Deum, in terris unum Solymanum Imperatorem esse oportere.* Ziangir C) minimus ætate inter fratres, a Solymano per ludum admonitus, Mustapham Principem ut amplecteretur, quem interfectum ignorabat; viso indigno mortis genere sublatum, adeo in potestate non habuit dolorem animi, ut alte adactis, quem fors obtulit, in viscera pugione, novo funere paternos oculos cruentaret. Ejectis cadaveribus tristi primum silentio castra hæerere, mox Solymani suspicionem, Roxolanæque artes agnoscere, nimisæque Mustaphæ confidentiæ subirasce; denique laxato dolore liberis vocibus crudele facinus detestari. Et nisi Imperator, majestatis reum jure cæsum alterum, alterum suo vitio occubuisse, in castris promulgasset, militaris furor ultra indignationem

A) Anno 1553. B) Alii quoque Imperatores hoc hominum genere frequenter usi sunt, quemadmodum Annales Turcarum produnt. C) Ziangirem Galatæ tumultu illatum testatur Verantius suis literis, ut habet etiam Index Librarius Osmanidarum.

tionem exarsisset. Non multo post Murates, Mustaphæ filius, paternæ calamitatis hæres pari fato, dispari causa vita exutus fuit. Nocuit juveni Mustapha genitum; & istud innocenti puero necem acceleravit. A) Addunt alii Bosphoranam invidiæ Roxolanæ suo pariter sanguine litare debuisse.

Non ignoro Mustaphæ mortem paulo aliter referri, causamque patratæ cædis, quanto incertior, atque obscurior, tanto avidius, contumaciusque a Scriptoribus investigatam. Bizarus rerum Perficarum Scriptor prodidit: B) Mustapham, cum videret se artibus Roxolanæ peti, & a Patre durius accipi, atque par erat, ad Persam confugisse, C) bellumque, cujus meminimus, inde ortum. Conciliato post aliquot menses Solymano, præfecturæ, dignitatique restitutum, tandem accitum in castra, ut narravimus, interfectum. Hæc adferre, non item asserere libuit; quod multa intercurrent, quæ veritatem elidere videntur. Annales jure persecutus sum, quorum auctoritas mihi semper magni fuit, sine cura reliquorum.

Italiæ portus præsentis anno MDLV. classis Ottomanica oberravit. 1555. Hetururiæ imminebat tempestas, sed Mariniani Marchionis, Cæsarei exercitus Ducis providentiæ debebatur, quod quies publica interrupta non fuerit. Portu Herculis, cæso Gallorum præsidio, occupato vires ademit utrique parti, ne se conjungerent. Turcæ tamen Plumbinum oppidum, & Elbam insulam expugnare adorti, nullum operæ pretium tulere.

Anno proxime superiori, nondum ruptis Solymanum inter, & Ferdinandum induciis, haud levia damna illata sunt Hungariæ a Turcis, tranquillitatem armis recuperare conatis. Pedites Hungari in prædam effusi, non minus hostium, quam Ferdinandi terras evastarunt. Tuigon Budæ Præfectus, qui Aly Eunuchus, nuper in numerum Purpuratorum Byzantii adscito, successerat, belli, quam pacis per se avidior, post querimonias, conscriptis decem millibus armatorum Kapos-Ujvarinum, Dersffianæ gentis arcem, quo se prædones receperant, obsidet, & quarto decimo Septembris capit. Mox Koroethnam, Babocsam eadem celeritate oppressit, Szigetho non ausus admoveere vim, milite, mænibusque munito. At hoc demum anno MDLVI. hostem se Ferdinandi Regis professus Solymanus, populationes agrorum, expugnationes urbium animo hausit; atque in hunc finem Byzantio Asiaticum, Europæumque exercitum in Hungariam misit. Tanto molimini Eunuchum Alym, quem paulo ante commemoravi, præfecit, injuncto gravissimo mandato, ut ne ante Budam, quam Szigetho capto, accederet. Nec dubitaverat homo ferox de armorum successu. Cæsareos Oratores, D) collecto jam milite, Byzantii adit, animoseque denunciat: *profecturum se in Pannoniæ provincias, & non armis, non gladiis; sed clava ferrea, sudibusve præustis sub jugum missurum Hungaros, toties a se victos. Reposuere illi: videret, ne superiorum annorum victorias corrumpat: arrogantia suæ frenos imponat: nondum Hungarorum virtutem adeo enervatam, ut sclopetis eminus; hastis, frameis cominus inimicos non petant.*

Eunuchus motis in Hungariam castris, Szigethum E) jam spe devoraverat. Et oppidum quidem ignibus missilibus foede vastatum intra paucos oppugnationis dies, præfidiariis se in arcem recipientibus, Turcis relictum est. Eo postea vis omnis hostilis conversa. Almus fluvium, qui perpetuis aquarum vectigalibus paludes illas nutrit, in alios campos derivaverunt, quo faciliiori aditu mænibus arcis appropinquare possent. Hujus alveum, ne intumescantis iram sentirent vicini agri, aggeribus circumscripsit oppidanorum industria. Perfossis, disiectisque, quas annorum plurium labore contra eluviones opposuerant, molibus; fluvium, stagnantesque aquas in late patentes campos emisere. Ducta subinde fossa, eaque prægrandibus tignis tecta, in operarum securitatem, ingentem lignorum vim in valla

A) Annales Turcici. B) L. IX. C) Anno 1549. si quatuor epistolæ, quas de sua legatione Augerius Busbequius conscripsit, præ manibus essent, certiora adferrem. Nam is id temporis Legatum agebat Constantinopoli. D) Verantium, Zajum, Busbequium. E) Szigethum provinciæ Simeghienfis, olim celeberrimum adversus Turcas propugnaculum.

A. C. valla arcis præcipitant. Jam quinque, & viginti plaustorum millia, in 1556. comportandis lignis fatigabantur, cum felici astu præfidiarii prorumpentes, insanam struem coniectis ignibus delent, multorumque dierum opus, momento ad cineres redigunt. Hæc inter Thomas Nadasdus Pro-Rex Hungariæ, Babocsam cinxerat. Turcæ sive seditione, sive metu impulsæ, magnam partem diffugiunt, remanente arcis Præfecto cum sua equitum ala, & paucis peditibus.

Eunuchus Babocsam periculo erepturus, omiſſa oppugnatione Szigethi, robur peditum, equitum, ducit in Pro-Regem ad obſidium exolvendum, præmiſſo graviore armorum apparatu Quinque-Eccleſias. Vigeliſima ſecunda Julii in conſpectum noſtrorum ſe dedit, atque fluvium Rinniam vado ſuperare molitus, a Zrinyio cladem accepit. Ne univerſa acie concurreretur, dies jam in noctem præcipitans, moram poſuit. Poſtero die Nadasdus elato regni vexillo in campum prodit, Turciſ aſide pugnam arripientibus. Sed intempeſtivæ fortitudinis pœnas dedit Eunuchus; multis e ſuo exercitu deſideratis Szigethum redit, quaſi parta victoria; tandem ſpe capiendæ arcis intercifa, A) in hiberna abiit, Babocſa etiam noſtris dedita.

In Tranſylvania nihilo quietiores erant res Ferdinandi, Iſabella calamo, & ferro repetente provinciam ſuam tanto confidentius, quanto plurimum Principum opem ſentiret. Solymanus præquam cæteri vim intendit. Tranſylvanos Proceres frequentibus literis admonuit, Iſabellam ut quamprimum e Sarmatia revocarent, ſequæ novo ſacramento obſtringerent ei, pulſis e provincia Germanorum præſidiis; ſecus ſi fecerint, iram in præcipua capita effuſurum ſe minabatur. Et illi partim ſevero, armatoque imperio adaſti, partim exteri militis licentia offenſi, partim cupiditate rerum novandarum accenſi, Iſabellæ non jam clam, ſed palam favebant, Mortuo tandem Zaberдино Varadinenſi Præſule, cujus authoritate reſtinſta erant Tranſylvanorum ſtudia, vehementius incaluerunt, ac in apertum armorum incendium abierunt. Bebekii, Perenyii, Tarczaius ſœdæxi novo accedentes, primi ad Caſſoviam arma corripunt, quorum pleroſque Ferdinandus perficiſe olim habitos, honorumque gradu, imo & cenſu nummorum annuo, & poſſeſſionibus cumulavit. Ferventibus, atque in bellum atrox, & funeſtum æſtuantibus, Solymanus iterum, atque iterum faces admovit, gliſcentemque ſub cineribus factionem inflammavit. Auſti Turcarum copiis, Theodoricum Marcellum, & Wolffgangum Puchanium Ferdinandi Duces levi prælio fundunt, ac caſtris exuunt. Iſabella his cognitis gaudio perſuſa, e proximo Poloniæ oppido in Maramaroſienſem agrum, quo honoris cauſa Melchior Balaffa obviam iverat, pervenit. Ferdinandus tot bellis feſſus, cum a Solymano inducias haud poſſet ſperare, ni Daciam Iſabellæ, ejuſque filio cederet, juſſit munitiones æquis conditionibus dedi. B)

1557. Iſabella provinciæ ſuæ reddita, ad Temesvarinum, Lippamque præſidia, Georgii opera Ferdinando nuper tradita, ac a Turciſ occupata, oculos adjecit. Commodum per eos dies Henrici Galliæ Regis Jacobus Cambrajuſ Legatus, Byzantio in Tranſylvania aderat, gratulaturus dignitatem recens obtentam. Illa florentiſſimi Principis amicitia nixa, quem apud Solymanum plurimum poſſe non ignorabat, Chriſtophorum Bathorium Byzantium ablegat, ut junſta cum Gallico Oratore induſtria munitiones pupillo conceſſas repeteret. Operam uterque perdidit. NON enim decedunt ſuis, qui invadunt aliena. Cæterum tum Tranſylvani, tum Hungari hoc anno pace fruebantur. At in Illyrico ingens detrimentum acceptum. Alys Boſnenſis, Koſztaniczam, c) Prioratus Auraniæ arcem, ex improviſo adortus capit. Hinc crebris procurſionibus vaſtitas regioni illata, ac Chriſtiani in ſervitutem abrepti, de quibus redimendis Nicolaum Zrinyium inter, & Alym adeo impla-

A) Oppugnationem Szigethanam lege ſis apud Iſtvanff. L. XIX. & Sambucum. Wolffgangus Lazius, & Iſtvanff. hoc anno aliquot caſtella Turciſ erepta in Pannonia meminere. B) De his copioſe & eleganter more ſuo Iſtvanff. L. XIX. c) Koſztanicza, olim ſacræ Rhodiorum Equitum militiæ inſcripta, Zrinyios Dominos habuit. Fluvius Unna, aliis Huna, e Dalmaticis alpi-
bus ortus, eam in formam inſulæ redigit,

implacabiles iræ exarserant, ut Zrinyius non aliter, quam singulari certami-A. C. ne sopiendas putaret. Sed Alys capiti suo male metuens Byzantium abiit, 1557. Ferhate Bassa provinciæ præfecto. Hic auspicaturus præfecturam victoria quæstuosa, quina armatorum millia in Sclavoniam infudit, adeo adversa fortuna, ut juxta oppidum Divæ Helenæ concisus, maximam partem suorum desiderarit.

Gravior tempestas Byzantinam aulam hoc anno excepit, quam Roxolana Solymani conjux, & Bajazethes filius collatis consiliis excivere. E medio sublati Mustapha, atque Ziangire, duo Imperii hæredes, competitorumque superabant Selymus, & Bajazethes. Illum ætas, & Pater; hunc Mater Imperii spe alebat, utrumque insana dominandi libido in mutuum exitium perpulit. Roxolana frustra admotis fæmineis artibus, fortunæ rem committendam censuit. Mustapham in amore Janicsarorum vixisse, quam optime noverat. Hujus personam si quis sustineret, sperabat fore, ut ad primos gratissimi Principis rumores miles, populusque concurreret, pristina studia novo obsequii genere, & gratiam aucupaturus: ipsa deinde uteretur hac manu ad res novandas. Consilium fortuna adjuvit. Repertus homo projectæ audaciæ quam simillimus Mustaphæ; oris speciem ingens animus, & indoles in arma prona multum commendavit, ut personatus Mustaphas imaginem veri, plane referret. Hunc quid agere, quid moliri debeat probe instructum, limites Moldaviæ, Valachiæque petere jubent Roxolana, & Bajazethes, attributo juvenum fidissimo manipulo, qui eminentiam auctoritatem prompta obsequendi voluntate fulcirent. Res belle procedebat. Comites timide, atque occultis sermonibus, ut vetita solent, primum apud vulgus spargere: *Mustapham minime cecidisse paterna crudelitate: fuga feliciter manum carnificis evitasse; alterum e trivio raptum, & ab amicis suppositum, furori Imperatorio immolatum. Nempe celeritate vindictæ Solymanum errore lapsum, dum nec serio agniti, nec inspecti, simulati Mustaphæ fauces elidit.* Isthoc argumentum fabulæ, celerrima fama vulgavit, ad quam spectandam, agendamque maximus concursus, siue reipsa fidem dederint mendaci rumori, siue opportunitatem quæsierint vindicandi Mustaphæ fata, siue denique in vasto Imperio nova cupiverint.

Jam prope exercitus confluerat arma gestaturus pro personato Principe, si quis vim intenderet. Præfecti provinciarum rem trepide Byzantium deferunt; Solymanus fraudem subesse certus, acriter ignaviam eorum perstringit: *quid ita fabellam non opprefferint, ut primum didita? eam compositam ob occultum aliquod consilium, quo Imperium turbis involvatur. Darent operam, bellicos motus ut antevertant, ad quos excitandos hujusmodi sermones seu de ficto, seu vero Mustapha, apud Janicsaros barbarum cupidus juxta valent. Mittere se Pertavem cum numerofo milite: gratius sibi nihilominus futurum, suis viribus si factiosorum res nondum firmatas evertant: ignem nondum validum extinguant.* His monitis accensi, fidas & ipsi copias educunt, manus conferunt, factiosos sua in latibula reprimunt. Mustaphas tamen, ut vel inde se dignum dominatu vendicaret popello, pervicaci animo natales suos ferro tueri nititur, cives in armorum societatem invitat. Interim Pertaves supervenit in seditiosos armatus. Tum enimvero omnes fluctuare animo, temeritatem suam damnare, signa Mustaphæ deferere, fugam circumspicere, ac capeffere. Mustaphas cum solitudinem circa se in dies majorem videret, nec quid ageret, quo fugeret, satis intelligeret, consilii incertus in manus Pertavis traditur. Byzantium raptus nihil celat Solymanum; Roxolanæ, & Bajezethis machinationem prodit; statimque mari merfus cum præcipuis ministrorum, fabellam tristi catastrophe absolvit.

At Solymanum acriores curæ mordebant, qua via Bajazethis temerarium facinus corrigeret. Subibat paternum animum ea cogitatio, si dissimulet tantum crimen, impunitate rursus invitari adolescentis animum ad tale quid audendum; si pro merito eum plectat, in Roxolanam compari

A. C. poena animadvertendum. Ad severiora pronior, nescio quid mœsti animo
 1557. volvebat. Sed Roxolana callida non minus, quam potens mariti sui, senile
 pectus illecebris in mitiorem flexit sententiam. *Bajazethem quidpiam molitum, non quo Patrem Imperio spoliaret, sceptrum eripiat, sed quo vitam tueatur. Ottomanicæ leges ita temperatas esse, ut uni fratrum sceptrum porrigant, aliis vitam adimant. Exordia initi principatus fraterno plerumque parricidio notantur. Istud prævertere Bajazethes contendit. Te, ne quid gravius in eum statuas, oro: secus in Bajazethe Roxolanam interimes.*

Veniam extorsit suavior Syren, ea tamen lege, ut ipse Imperatorem adeat. Nec dubitavit se in viam dare Bajazethes a matre monitus, veniæ securus. In aditu paterni hospitii nonnihil turbatur, iussus a militibus gladium ponere; quod tametsi apud Imperatorem perpetuo fieret, tamen conscientia animum everberante, multus in oculis uterque Mustaphas erat; sed Roxolanæ nutibus animosior, paternis manibus osculo impresso, omni metu absolvitur: mox allato, more gentis, nescio quo potu, uterque se proluit, quod fidem præsentibus fecit, Solymanum nihil in speciem egisse. A) Inter has turbas fors iniquior Achomatem sago clariorem, quam toga oppressit. Vir ad summos militiæ honores eluctatus, supremam armorum præfecturam obtinuit, Rustane ea dignitate exuto. Et iste gradus ut summus erat dignitatis, ita & primus ad præcipitium, quo involutus periit. Rustanes eum ut æmulum aversabatur, Roxolana ut Mustaphæ fautorem, Solymanus ut authorem præcipuum seditionis militaris. Horum odio victima cecidit, extincta paulatim gratia, quæ PERRARO in aulis confenescit, tot ictibus exposita, quot æmuli eam malis etiam artibus aucupari amant. In majus consilium accitus, mortis sententiam ab Imperatore latam accipit. Pacato animo, ut fortem virum decuit, neis sententiam accepit, decessitque amici manu jugulatus.

1558. Non dispari fato vitam clausit Bajazethes biennio post. Hic, dum vixit Roxolana, intra privatam fortunam in sua provincia quietus agebat. Sed UT ÆGRE animus, spe dominationis impulsus, in ordinem redigitur, illa mortem oppetente, rursus res novas moliri occepit. In Selymum fratrem, quem jura naturæ, & paternus favor Imperio parabant, non semel veneno grassatus, cum nefariæ artes non procederent, apertam vim intendit. Solymanus filiorum odia extincturus, jubet Bajazethem Amasiæ præesse, Selymum Iconio. Et iste quidem voluntati Patris actutum paruit. Ille veteri provincia, multisque nominibus sibi devincta, cedere injuriam interpretatus, non modo negat se imperio staturum, sed etiam sollicitatis popularium animis, arma sumpturum sese minatur. Nec intra verba res hæserat. Ad Ancyram B) fraternæ acies constiterant, mutuis obtutibus iram acuentibus. Tum infestis animis, signisque concurrunt. Favet hic æquitati causæ fortuna, & Selymum in patentibus illis campis victorem fecit.

1559. Bajazethes reparaturus vires in Persidem concedit cum quaternis suis filiis exilii comitibus. Solymanus Techmasem continuo pacti fœderis admonet, hortaturque, ne perduellem hospitio excipiat, neve copiis, aut ære, Patris insidiatorem adjuvet. Pollicitationibus ad extremum eo Techmasem impellit, ut captum cum filiis neci addicat. Fecit is perdiligenter, quæ postulaverat Solymanus. Nequa tamen fraus interveniret, Casmines spectatæ fidei minister, Byzantio mittitur in Persiam, in cujus conspectu Bajazethes suis cum prolibus nervo suffocatus, Imperium una, & vitam amittit. Cadavera Sebasten devecta, patrio more terræ mandata sunt. C)

1560. Secundum hæc domestica dissidia ad arma ventum est in Africa. Tripolis olim Melitenium Equitum urbs, Dragutis præcipue opera sub jugum Ottomanorum missa, D) atque victori in præmium fortitudinis data,

Christia-

A) Meminit & Justus Lipsius in suis monitis C. V. de fraude, & vi. B) Ancyra urbs minoris Asiæ. Celebrem eam reddidit clades Bajazethi I. illata a Tamerlane anno 1402, ut narravi pag. 4. C) Libitinarius Index Osmanidarum, nomina filiorum Bajazethis prodidit hoc ordine: Omeres, Murates, Selymes, Mahometes. D) Ad annum 1551. ut nuper reruli.

Christianorum classem ab Europa excivit. Melitensium magnus Magister A. C. in omnem occasionem pervigil, mentem, operamque dudum advertit ad 1560. eam, e manibus barbarorum eripiendam; sed rerum status sane quam arctissimus, præclaris cogitationibus intercessit. Nunc demum pace firmata Hispanum inter, & Gallum, spem firmissimam concepit fore, pristino juri ut redderetur civitas, si junctis viribus Dragutem invaderent Christiani. Et Hispaniarum quidem Rex Philippus II. cujus plurimum interesse videbatur, ut piratas eo præsidio spoliaret, e re fore existimavit, ut omiſſis aliorum locorum oppugnationibus, Tripoli vis omnis admoveretur, quod fidis nunciis intellexisset, præſidiariorum admodum paucos inesse, & Regulum Maurorum, cujus provinciam Dragutes sibi vectigalem fecit, Christianorum fœderi accessurum, quo facilius possessiones paternas de integro reciperet. Verum dum uno, & altero mense, validissima classis partim reflantibus ventis, partim Ducum simultatibus moras necit, Dragutes Tripolitanæ urbi duo millia armatorum injicit. Tripoleos oppugnatione in commodius tempus rejecta, Dux Medinensis Meningem insulam petit. Mauri Turcis immixti, qui præsidio relictæ erant, prægrandibus hastis armati, portum defendendum suscipiunt: sed fistulis minoribus adeo scite ab Hispanis, Italisque excepti sunt, ut strage commilitonum perculsi, insulam subdiderint, sacramentumque fidelitatis dixerint, polliciti insuper annum tributum. Duces collatis inter se sententiis, communi consilio destinant novam arcem insulæ imponere; cui si ultima manus accessisset, opus omnibus numeris absolutum ea ætas vidisset. A Rege Philippo Philippopolis dicta, præter nomen amplissimum, nihil terroris Africæ incussit.

Dragutes interim terra, marique festinatis nunciis opem postularat a Byzantina aula, suis copiis diffidens. Classis, quæ in belli usus parata stabat in portu Byzantii, Mustaphæ Purpurato, cognomento Caræ, sive Nigro, commissa, vicesimo die, quo solvit, Africam tenuit. Pialis Vezirii dignitate auctus summæ rei præficitur. Andreas Doria, aliive scientia militari inclyti, percepto rumore adventantis Mustaphæ, Medinensem monere, hortari, ut rebus sat prospere gestis militem in commodiorem portum deportari jubeat, ne iis in angustiis deprehensus, a feroci, recentique hoste opprimatur. Satis jam consultum arci præsidio imposito: posse classem liberius agi ad defendendam insulam, quam si in eodem portu obsessæ teneatur. Verum Medinensis promptior ad dandum, quam accipiendum consilium, pervicaciter abnuït, pristinam stationem deferere, ne vel in speciem signum timoris Ottomano præberet. Atque istud totam classem miserabili clade involvit. Mustaphas enim robore navium longe superior, ut primum explicatis velis in conspectum Christianorum, classem advexit, adeo formidolosus est visus, ut plerique de fuga consilium inirent. Sed sagacitate Ducis, omne effugium interceptum erat.

In tanta trepidatione aliud malum ea nocte, quæ cladem antecessit, obortum fuit. Adversis ventis quassata navigia, magnam partem in litus impulsæ, altius arenæ adhæserunt, quam ut nautarum arte, militumque labore rursus propelli possent. Eo intellecto Mustaphas, spe certæ victoriæ incensus, dubia adhuc lûæ, Christianorum classem metu, mœroreque dejectam aggreditur. Paucae triremes ad cursum expeditæ, adventu non expectato, vela dedere in Siciliam; septem, & viginti, cum quatuordecim onerariis quasi per ludum captæ, in triumphum abductæ sunt. Militum pars ferro, pars pelago hausti, pars vinculis servati, victoriam absolvere. Non facile in Annalibus reperies, leviori impendio hostes vicisse, sive tempus, sive modum, quo pugnatum est, spectes. Verissimum est: NULLO negotio superari corpora, dum eorum animi victi jacent. Dux Medinensis damnata sero pervicacia, Meliten evasit; at ut acerbius cladem senti-

A. Eret, filium admodum adolescentem eadem tempestas rapuit cum præcipuis 1560. militum Præfectis. A)

Nondum hic calamitas finem reperit. Mustaphas cum Piale Vezirio triumphantis more Meningem accedens, castris ad novum præsidium positis, Dragutem Tripoli evocat cum omnibus copiis. Alvarus Sande, vir invicti roboris, gente Hispanus, quina millia armatorum sub signis tenuit, quibus locum contra barbarorum insultus extreme tuebatur; & si fortuna virtutem, melioremque causam respexisset, vincere merebatur. Fervente oppugnatione, varii morbi, ut assolet, orti, præsidiarios ad obeunda munia lentiores reddidere; multi fide erga Philippum Regem exuta, ad Dragutem palam defecere. At nihil Hispanos magis perterrituit, atque Solis ardores iis diebus præter modum intenti. Fontium scaturigines calidioribus ventis siccatae, perennes aquas sitienti militi denegarunt. Fontes bini, qui superabant, corruptis aquarum venis, sitim accendere potius, quam restinxere. Tot difficultatibus pressus Alvarus, nondum deditiois nomen admisit, certus ante gloriosa pro patria morte defungi, quam victor barbarus arcem intraret.

Convocata militum concione, gravi sermone omnium animos inflammavit, ut memores Hispani nominis eruptionem in castra hostium se Duce suscipiant: *posse Ottomanos sui securos, vel castris exui, vel certe coadigi, ut stationibus suis urbi proximis dejecti, castra retrahant, liberamque aquationem obsessis concedant. Si neutrum ad votum cesserit; nihil miseris reliquum esse, quam fractos, fatiscentesque artus barbarorum furori confodiendos tradant, fusum toties sanguinem honesta morte iterum Christianæ Religionis, ac gloriæ Philippi immolent.* Hæc elocutus nondum albescente die, Turcas somno obrutos aggressus, ingenti clade prostravit, valla castrorum occupat, atque excindere molitur. Confluentibus barbarorum cohortibus, cum pervicaciter Alvarus suos in cuneos obstantes ducit, utrinque complures cadunt. Sed cum integri fessis continenti ordine succederent, numeroque superiores dimicarent in paucos, vulneribus partim, partim pugnandi æstu lassati Hispani, in portum vicinum contendunt. Hic rursus acrius institit hostis, manipulumque ægre jam sustinentem certamen, in fugam agit. Alvarus se cum paucis comitibus ad triremes Christianorum recipit, alii palantes arcem metu, mœroreque confusam repetunt.

Qui cladem evaserant, rati Alvarum in pugna periisse, cum præcipuis Centurionibus, cum nulla spes auxiliarium copiarum ab Europa foret, & sitis in dies ingravesceret, vexillo candidi coloris signum deditiois edidere. B) Insolita voluptate perfusus Mustaphas, conditiones, quas victi petere ratas habuit. Sed fidei datæ immemor homo prætumidus, omnes servituti addixit. Alvarus frustra e triremibus depugnans, non uno vulnere perstrictus Byzantium est raptus. Exeunte septembri Turcica classis in patriam reversa, navalem triumphum celebrare est visa. Triremes aliquot circa prætoriam, qua Pialis, & Mustaphas, navali, terrestrique victoria feroces vehebantur, expansis late velis fluitabant. Has pone sequebantur Christianorum triremes quatuor super viginti, cum totidem navigiis variæ formæ. His inerant primarii Ductores cum quaternis millibus captivorum. Alvarus non minus adversam, ac prosperam fortunam, perferre doctus, ingentem animum oris habitu constanter prætulit, omniumque oculos in se conversos miro spectaculo detinuit. Ipsi milites vinculis constricti, non supplici vultu, sed tristes, & truces, & adversum plausus, & lasciviam insultantis vulgi immobiles. Agmen clausurunt cæteræ naves Ottomanicæ.

Atque

A) Brietius cladem his verbis describit: „ Tripolitana expeditio pessime cessit. Datum enim tempus expediendæ Turcicæ classi, quæ Ducibus Piali & Mustapha, classem Christianam oppressit, duodeviginti millia Christianorum perdidit, & triremes XXVIII. onerarias XIV. cum multis minoribus navigiis. Fugere turpiter Christiani Duces, capta arx Gerbenis, Turcæ de nostra calamitate triumpharunt. „ B) Meningem ab Hispanis captam die XVI. Maii anno MDLX. recuperavit hostis anno eodem, die XIII. Aprilis, teste Daniele Hartnacco in Conspectu Bellicum Turc.

Atque hac pompa portum Byzantinum viatores inuesti, inter gestientis po-A. C. puli clamores, Mahometi Prophetæ vota persolverunt. Solymanus jam 1560. inde a morte Roxolanæ conjugis tristior, visa post hominum memoriam nobilissimam victoria, severo, immotoque vultu triumphantem classem accepit, a) quasi ad se victoria minime pertineret. Et hunc morem, quoad vixit, perpetuo retinuit. Quin imo tam alte pectus senile mœror infedit, ut omni hilaritate interdixit sibi, exoletorum gregem aula ejecerit, pellicum turbam Purpuratis donarit. Nihil in deliciis numerabat, quam templa adire, æs, stipem petentibus large erogare. Et istud inprimis occasione triumphii navalis Byzantii palam fecit. Quippe præter supplicationes, votaue Mahometi facta, ingentem vim numorum in pauperes, qui nunquam non incolunt amplissimas urbes, liberali manu profudit.

Verum non ita se abripi sivit magnitudine mœroris, Imperii salutem 1561. ut negligeret, aut armorum oblivisceretur. Moldavia jam tum temporis Turcis obnoxia, curas intendit. Jacobus quidam gente Græcus, cognomento Heraclides, Sami, Parique insularum b) Dominum se ferebat, & quod perquam familiare Græcis hominibus, a Comnenis, Cantacusenis, Palæologis splendida magis, quam sincera narratione natales suos deducere contendit. Hic pervagatus Europæ aulas, in Moldaviam delatus, in familiaritatem, necessitudinemque Alexandri Vajvodæ callide irrepsit; mentitus propinquitatem sanguinis cum uxore Roxanda e clara, & illustri Despotarum Domo prognata. Nondum vertente anno, clam consilia agitabat de tollendo Alexandro, qui Moldavorum odio ardebat ob insignem tyrannidem. Ea machinatio suspiciosum Principem diu latere haud potuit. Heraclides solum vertere coactus, ad Joannem Sigismundum, Joannis Zapolii Regis filium, Transylvaniæ Principem, se primum contulit, dein ad Albertum Laskum, Palatinum Siradiensem, a quo milite adjutus Alexandro bellum intulit. Sed temere commissio prælio profligatus fuit.

Novis subinde copiis instructus a Rege Ferdinando, auspiciis Antonii Szekelii, quinque, & viginti millia Turcarum, & Moldavorum, qui Alexandri signa sequebantur, fudit, & cæcidit. Alexander æmuli fortunam veritus, Byzantium fugit rebus suis accisis medelam quæsiturus. Egit apud Solymanum, veterem Patronum suum, causam a fortuna desertam gnaviter; utque verbosa est calamitas, adeo pro domo sua strenue in secretiori senatu dixit, ut Græciæ equitum Magistro mandatum fuerit, Alexandrum sine mora avitæ provinciæ reponeret: ex ejus consilio bellum administraret: elatos denique animos Heraclidis pro facultate infringeret. Et jam belli tempestas novo Principi imminabat, cum Byzantii adfuere Legati cum muneribus pacem orantes. Spondebant hi Heraclidem in potestate Solymani, quoad provinciam gubernabit, semper futurum, fidem incorruptam constanter observaturum, ac annum vectigal denis aureorum millibus quotannis aucturum. Mirum dictu! quantopere aureo hoc vinculo Solymanum, Purpuratosque sibi devinxerit. Nullus jam erat in aula Alexander: recte fecisse Heraclidem omnium sententia erat, quod hominem sola crudelitate, atque avaritia notum, dominatu dejecerit; revocandum equitum Magistrum, ne iniquissimo bello nomini Ottomanico labem inurat. TANTUM aureus fulgor apud avaros potest, ut ea facile perfringas auro, quo gladius non pertingit. c) Itaque redire jussu exercitu, Solymanus vexillum, gladium, clavam auro, argentoque expicta Heraclidi, in amicitiae tesseram, ac principatus confirmationem per Chausios mittit, quibus acceptis nihil a tyrannide alienum egit.

In Africa Regulus Algerii, clade Hispanorum ad Meningem accepta, 1563. audacior, Oranum terra, marique oppugnatum ibat, cui Dragutes, quietis osor acerrimus, marinas copias conjunxit. Munimentum saxeis operibus

a) Busbequius in suis epistolis laudatus a nostro P. Samuele Timon. b) Samos, & Paros insulæ maris Ægei. c) Nempe: Argenteis hastis configito, & omnia vinces; ut auctor est Principibus DEUS Pythius.

A. C. bus cinctum, quo stante Oranum hostium conatus eludere potuit, adorti, 1563. post acrem oppugnationem ceperunt. Arctius exinde præsidium occludentes, spem non dubiam habuere illius occupandi ante, quam Garfias Toletanus cum veteranis legionibus appropinquaret. Sed Garfias summa celeritate usus spem de improvise abruptit. Quippe Philippus Rex, vindicaturus nuperam cladem Hispanæ classis, multo validiorem, partim suo ære, partim aliorum Principum liberalitate ornavit, eamque rebus omnibus apprimè instructam, in Africam cursum maturare iussit.

1564. Dragutes intellecto per exploratores, Ducem Hispanorum recta tendere Oranum versus, conclamatis trepide vasis, una cum Regulo se in tutiora recepit, nullo certamine tentato. Fuga hostium, dici non potest, quantopere Christianorum animos exacerit. Toletanus militum ardore usus, Velæ a) Rupi, sive Penolio classem applicat. Muniverant hoc præsidium piratæ eximiis operibus, illudque tanquam communem Algeriæ provinciæ prædarum, armorumque sedem delegerant. Ex eo frequentes fiebant procurfiones in præternavigantes maxime Hispanos, quos præ cæteris gentibus ob vicinitatem æternis odiis prosequabantur. Huc omnia spolia, mari capta, velut in tutissimum locum comportabantur. Unum neglexere barbari, quod eo temporis sufficientem militem non imposuerint, decepti egregia munitione loci, & quod Hispanos nihil ausuros in Africa armata putarent. Toletanus inspecto propius loco, unice terrore machinarum, si prompti manum operi admovent, subigi posse existimavit; & revera celeritate opus fuit, ne videlicet præsidarii depulso primo terrore, Dragutis pollicitationibus animati, pervicaci defensione repugnarent. Itaque militum Præfecti, ingenti alacritate descensione facta, munia sua strenue juxta, ac celeriter aggressi, tantum formidinis hostibus injecere, continenti majorum pilarum jaculatione, ut plerique timore concussi, tenebris fugam celantibus, præsidium, sociosque destituerint. Enituit præprimis in hac non tam operosa, quam celebri oppugnatione Chiapini Vitellii castrorum Magistri virtus, ac singularis cum Turcis dimicandi dexteritas, quem longo annorum usu Mars Ottomanicus exercuit, Chairadine Italiam urente.

Nam cum is maritimam Senensium oram rapinis, ac cædibus deformaret, in eum propere immissus a Cosmo Florentinorum Duce, Orbitellum, cui superbus incenso Herculis portu imminabat, non modo, desperata ab aliis defensione, defendit ipse, sed toto Ottomanos litore propulso ad mare, Etruriam deferere coegit. His talibus adversus Turcas jam olim editis, plurimum contulisse visus est ad plenam victoriam; aliosque tum voce, tum exemplo accendit. Sanctius Leva, Osorius, qui globo tormenti ictus corruit, non minorem operam locarunt, uterque bellica disciplina in eadem arena cum Vitellio eruditus. Horum fervore, oppugnandæ munitioni impenso, Ottomanis, & Mauri, qui fugæ dedecus honesta morte redimere cupivere, tandem animo fracti, Hispanorum dominatui se subjecerunt. Erectis iterum, quæ tormentorum vi dejecerant, propugnaculis in patriam cogitabant, cum repente ex omnibus partibus subsidiariæ copię effunduntur. Hispani recenti victoria elati, ferrum hostili sanguine etiamnum calens, in novam victoriam expediunt, & commisso tumultuarie prælio prope classem (nam eo audacia provecti sunt barbari) victos jam ante in commilitonibus, trucidatis sexcentis iterum in avios saltus repellunt. b)

1565. Res tam belle fluentes in Africa, quantum lætitiæ Philippo Regi attulerunt, tantum mœroris, iræque Solymano. Non enim futurum existimavit, ut classe Christianorum turpiter profligata, Ducibus partim trucidatis, partim in triumphum Byzantium abreptis, Hispani quidpiam molirentur in debellata regione, nedum victoriam, firmissimo munimento expugnato, meterent. Itaque doloris impatiens, quo prosperum rerum cursum turbaret, exercitum ex Asia, Europaque collectum, quem in Trans-

sylva-

a) Velia Rupes, Hispanis Pennon, & Pegnon, munimentum fortissimum scopulis impositum, b) Annales Turcarum.

sylvaniam Joanní Sigismundo, illius provinciæ Regulo, mittere decreverat, A. C. mutato repente consilio, in Africanam expeditionem destinat; eo promptio- 1565. ri animo, quod Chasanes, Barbarossæ filius, Algerii Dominus, & Dragutes, Tripolitanus Princeps, auxilia flagitarent adversus Hispanos, quorum veteranas legiones e Belgio eductas vehementer reformidabant. Quanquam tota hæc, quæ secuta est, belli tempestas in Equites Meliteneses detonuerit, ut jam narrabimus.

Perutilem operam superioribus annis impenderunt isti contra barbaros in Asia, atque Africa, libertatisque Christianæ vindices non labori, non sanguini pepercerunt, quo Turcarum maxime progressus inhiherent. Palæstina, & Rhodo ejecti, a Carolo V. Melitam insulam possidendam accipere, quam magnus Magister Ordinis pro imperio gubernat. In hunc modum longa annorum serie, varia felicitate bella gesta, utramque partem adeo sævis, inveteratisque odiis accenderunt, ut in mutuum excidium conspirasse hoc tandem anno videri potuerint. Haud diu anceps hæserat Solymanus, quosnam Duces huic Africanæ expeditioni, non minus periculi, quam gloriæ plenæ præficeret. Pialis, atque Mustaphas navali, muralique corona cincti in omnium oculis, recentique victoriæ memoria versabantur, veteres militiæ, & ad asperiora suapte natura proni. Posthabitis multis in hanc spem erectis, Piali armorum præfecturam, classemque tradit; Mustapha pedestribus copiis præesse iussit. Uterque prompto animo, alacrique provinciam iniit. Et Pialis acceptis Mustaphæ militibus in navigia ad Methonen, cum ducentis quinquaginta navibus confidenter in Melitam appulit, ratus sibi omnia ad votum cessura, ut nuper ad Meningem. Dragutes in communionem gloriæ accitus, cum Chasane septem, & viginti triremes omni apparatu bellico, ac Mauritana juventute armatas adduxit.

Mense Junio oppugnari cœpta insula, Piam pene in ultimam desperationem conjecit, quod firmiora Melitæ munimenta animadverteret, ac fama, quæ plerumque hostium vires elevat, accepisset; questus præterea peracerbe, quod æmulorum invidia multis partibus inferiorem exercitum haberet, quam reipsa opus foret ad insulam, arte, naturaque loci permunitam expugnandam. Sed Mustaphæ, Dragutisque sententiâ meliora sperare iussus animum recepit, atque arcem Divi Hermetis, sive Elmi A) in ostio portus sitam omnibus viribus urgere incepit. Nondum totmentis mœnia arcis verberabantur, cum Turcæ inconsulte feroces, impetu magis, quam consilio scalas admovent, aditum undique moliuntur. Fortunam nimium adversam suo merito experti; propugnantium virtutē in castra pulsi sunt cum ingenti strage. Coacti itaque suo malo aggeres erigere, duabus, & triginta machinis castrensibus propugnacula quatiant. Mustaphas, & Dragutes Janicsarorum robore succincti, in ruinas continuo eluctantur.

Joannes Valettanus, aliis Valetta Parisotus magnus Ordinis Magister inprimis huic arci cum delecta militum manu succurrit. Acre certamen exoritur, utraque parte pervicaciter victoriam morante. Favet rursum Melitenensibus fortuna: Turcæ amissis quaternis millibus, castra repetierunt. Succensus Dragutes ignominia, iterum in ruinas suorum sanguine adhuc madentes enititur, & dum generosi militis potius, quam Ducis munia mutuas inter cædes fortissime obit, immani vulnere in capite accepto, semivivus ad classem defertur, ubi biduo post incredibili dolore totius exercitus vivere desiit.

Hic exitus fuit celeberrimi Dragutis, qui tenuibus initiis maria infestans, maximus piratarum evasit, plerumque secunda fortuna usus. Annales Turcici ob res terra, marique gestas, hominem præcipuis ævi sui armorum Præfæctis haud verentur anteponere. Longo armorum usu, ac disciplina Chairadinis multum exercitus, omnes Imperatorias artes tenuit. Miles hoc Duce nullum hostem expavit, & plerumque victor. Unde mors,

info-

A) Arx Hermetis in insula e regione Melites est posita. Vide civitates Orbis terrarum, ubi Melitam suis cum munimentis expictam habes L. I. N. 50.

A. C. insolita commiseratione, luctuque exercitus accepta est. Raro milites effu-
 1565. siore virtutum commemoratione deflevit Ducem; quasi cum eodem omnis
 scientia militaris jam elata foret. Quo vero loco apud Solymanum fuerit,
 vel istud argumento esse potest, quod ipsos Vezirios in Africam missos, o-
 mnia e consilio Dragutis agere iusserit. Adeo militaris scientia, & invete-
 ratum erga Christianos odium Archipiratam commendabant. Tripolita-
 nus Regulus Imperatoris favore renunciatus, novo officiorum genere deme-
 reri gratiam perpetuo contendit. Ad extremum iudicio lapsus videri potuit
 ad Melitam, quod in fronte copiarum conspicuus, intempestivo æstu abre-
 ptus, militem induerit, manuque potius, quam consilio in arcem aditum
 quæstiverit, & fortunam cohortium, quas in assultum duxit, suo fato præ-
 cipitarit.

Cæso Dragute, nondum Turcæ spe capiendæ arcis dejecti sunt. Uni-
 versam classem propius arci admovent, pontesque construunt e prægrandi-
 bus antennis, tignisque, ut non interrupta serie invadentium, laboranti-
 bus integri succedere, firmoque pede cum præsidiariis decertare possent.
 Nono Calen. Quint. intempestæ noctis silentio, arcem mænibus nudatam,
 terra, marique ferocissime aggrediuntur, rati somno oppressos facilius vin-
 ci posse, quam luce palam pro focis, & aris perdiligenter excubantes. Sed
 RARO in utramque dormiunt aurem, qui hostem præ foribus vident. Va-
 lettanus viso Turcarum apparatu, arcis ruinas virorum robore munit, ut-
 que magis repentina, quam improvisa nocturna invasio esset, sua indefessa
 in rebus agendis cura efficit. Itaque armati telis hostem excipiunt, ac ubi
 gradientium murmur audiunt, eo tempestatem ferream effundunt, atque in-
 certis ictibus, tenebris prospectum præpedientibus, obvios sternunt. Tum
 vero clamores se mutuo hortantium dissoni, casus incerti, neque ferendi,
 neque declinandi providentia. Ubi gtavior obortus strepitus, illuc circum-
 agere corpora, tendere machinas, cæcis ictibus ferire, nihil prodesse vir-
 tus, & ignavorum sæpe telis fortissimi cadere. Nec finem labori, pericu-
 lisque nox attulit.

Appetente die solito atrocius certamen exarsit, postquam tela, mu-
 tua in vulnera directâ aberrare non potuere, adeo sibi vicini, ut ad manus
 deventum fuerit. In altum meridiem extracta pugna, Melitenses labore,
 nimioque æstu lassatos fortuna deseruit. Cum enim in locum pugnæ viri-
 bus integri convolarent Turcæ, præsidiariis vero omni parte cinctis, auxilia-
 res copiæ submitti non possent, arce tandem trigesimo die post, quam cœpta
 est oblidi, potiti sunt a defensoribus minime deserta. In qua quidquid
 ira, & avaritia in summa armorum licentia persuadent, id inimica, & victa
 in arce, per cædes, & rapinas agitarunt. Qui vivi in hostium potestatem
 venire, ii crudeles manus satis, superque sunt experti. Humi præcipitati,
 ima pectoris ferro diffindi, ac cor evelli senserunt; sicque spirantes purpu-
 rei coloris indumentis ornati, cum candido Crucis signo, ludibrio nimium
 barbaro habiti, spectaculo publico exponebantur. Satieta crudelitatis capti,
 amputatis capitibus in mare corpora devolverunt. Vicem reddidere Meli-
 tenenses longe tamen modestius. Quotquot Turcarum in vinculis habeban-
 tur Melitæ, in forum producti ab immixtis militibus, telis figuntur, capita-
 que cervicibus avulsa in hostium castra projecta sunt. Adeo non minus
 jam fortitudine, quam crudeli vindictæ genere certatum fuit. Porro ex-
 pugnatio arcis promptissimos Melitenium hausit. Trecentos super mille
 in suprema pugna cecidisse mire consentiunt Scriptores; e quibus nobilissi-
 mi Equites dicuntur fuisse triginta, & centum. At longe major numerus
 ferro peremptorum hostium fuerit, quandoquidem omnes se strenue defen-
 derint ad extremos spiritus. A)

Valetta-

a) Brierius ad præsentem annum suis Annalibus inferuit: „ Principio oppugnata est arx S. Hermetis, ex-
 pugnata post XXIV. dies, duodeviginti globorum millibus in eam collibratis. In ea cæsi MCC. Chri-
 stiani, & CX. Equites, qui vulnerati, etiam ex sedibus ad mortem usque repugnarunt. Periere ta-
 men supra quatuor Turcarum millia, & omnium instar Dragutes, quem duabus Melitis Solyma-
 nus redemisset. Nec tamen Parisotus hac clade demisit animos. „

Valettanus dissimulato, quem ex arce Hermetis capta acceperat, A. C. dolore, cætera propugnacula militibus defendenda commendavit, & Toletanum Garfiam, de obfessorum periculo certiores fecit. Is quatuor triremes, partim ære conductis militibus, partim Equitibus Ordinis instructas, opportunum sane subsidium in tantis rerum angustiis, in insulam felici astu submittit; qui continuo, impetrata ab Ordinis Magistro potestate, propugnaculum S. Michaelis, quod aggressuri videbantur barbari, tuendum sumptulerunt mira omnium consensione. Neque secus, ac opinati sunt, res evenit. Septuaginta tormentis S. Michaelis munimenta, ac arcein, dies, noctesque nullo concessio præfidiariis otio diruunt. Regulus Algerii nondum patefacto tormentorum ictibus aditu, moræ omnis impatiens, assultu uno longioris oppugnationis tædia sufferri posse existimavit. Quamobrem Pialis venia, cum suis copiis, ac binis Turcarum millibus primus S. Michaelis propugnacula invalit.

Valettanus a Philippo Lascare, Patris oriundo, de hostium conatu condocefactus, ferrea catena portus quamcelerrime munit. Tentarunt quidem vincula perrumpere semel, atque iterum, sed Melitenium machinis triremes duodenæ perforatæ, cum duobus millibus armatorum in omnium conspectu absorptæ fuere. Regulus a maritima oppugnatione deterritus, terrestrem adornat, infelici successu. Plerique præcipitis consilii temeritatem funestissima morte luerunt. Neque cuniculi, neque suffossiones feliciorum exitum habuere. A rei tormentariæ Magistris, summa industria adversis operibus occursum fuit, dierumque plurium labore, momento temporis corrupto, trucidatisque, qui in subterraneis fossionibus deprehensi. Enituit in hoc genere pugnandi, Signiferi Melitenis virtus, qui sola virtute, & hasta armatus fossam ingressus, Turcas in fugam egit, atque ob singulare hoc facinus a Valettano torque aureo donatus, commilitonum animos non mediocriter ad paria audenda incitavit.

Eodem tempore primariam arcem, sive Burgum, insanis molitionibus divexarunt barbari. Inprimis ad explendas arcis fossas, & valla animum adjecere, labore longe difficillimo, tum ob eorum latitudinem, defensorumque solertiam; tum quod longe petenda foret materia. Quippe insula nullas sylvas, cæterum satis sæcunda alit. Adæquatis improbo labore fossis, operi pontes celeriter injiciunt, quo consertis ad mænia manibus, firmiori gradu consisterent, locoque æquiore cum Melitenibus pugnarent. Improspere magis, quam animose tentata impressio, sæpiusque repulsi, conatus suos damnarunt. Pialis animadverso perdifficiles aditus in arcem esse, mænibus nondum plane deterfis; tribus grandioris formæ tormentis, quæ ducentarum librarum globus vomebant, e parte Castiliæ muros pulsari, ac ignivomis pilis oppidum infestari jubet. Paucos intra dies ingenti hiatu mænia procubere. Quo viso rursus Ottomanis spe victoriæ calentes, cruentum certamen ineunt. Melitenes pristina virtute in ferocientes depugnant, certi non decedere statione quoad vires, & vita suppeterent. Adolescentes, matronæque ultra ætatem, sexumque progressæ, in hoc certamine utilem operam posuerunt, sive dum tela, irasque administrarent armatis, sive dum lapidum vim in subeuntes effunderent. Adeo LIBERTATIS amor sexum etiam imbellem ad arma gerenda pertrahere solet.

Vix repulso hoste paululum respiratum est, cum Turcæ silenti agmine e regione Castiliæ arcem ingressi, improviso locum permunitum capiunt. Valettanus hoc nuncio perculsus, sumpto propere Equitum manipulo, eos intra mænia tanta celeritate adortus est, ut nemo eorum cædem effugerit; reliqui, qui nondum stationem tenuerunt, in castra sese trepide receperint. Placuit nihilominus Mustaphæ, de integro omnibus viribus impressionem in semirutam arcem suscipere, quæ ut majori copiarum numero tentata, ita scediori hostium clade terminata fuit. Dum in hunc modum Valettanus domi ad insulam tuendam omni conatu totus incumbit, Garfias Toletanus, Siciliae Pro-Rex, duabus, ac septuaginta navibus comparatis, Melitenibus serius,

A. C. ac oportebat, A) suppetias tulit. Et istud demum Piali, Mustaphæque 1565. mentem iniecit, ut obsidione soluta exercitum, bellico labore exhaustum, Byzantium deportarent. B) Itaque quatuor mensibus ad Melitam consumptis, desideratis tribus supra viginti millibus armatorum; e Christianis quinque millibus, emissis in arcis munimenta septuaginta octo globorum millibus, classis ingloria turpissimam fugam arripuit, ac Solymani jussu sine pompa, nocturno tempore portum inuenta, Constantinopolim non mediocri dolore affecit. Hæc est illa celeberrima oppugnatio Melitenfis insulæ, qua Equitum fama Europæ provincias secundo rumore pervagata, clarissimo Ordini immortale nomen, Italiæ, Siciliæ quietem peperit. Quod si Melita hac acerrima oppugnatione cecidisset, pronum fuisset Turcis, dominatum in Italiam porrigere. Jam in Pannoniam revertendum est.

Reversi exeunte Octobri c) in patriam Antonius Verantius, & Franciscus Zajus e Byzantina legatione, spem induciarum attulerunt, sed eam evertit Hamfa Æthiops Strigonii post Toigonem Præfectus, qui arcem Tattam negligentius, ac tempora illa exigebant, custoditam de improvviso intercept. D) Repetiit eam Rex Ferdinandus, misso Legato Alberto de Viis, qui trajecto mari secutus Solymanum in Asiam, frustra oleum, operamque perdidit; etsi ad emolliendum Imperatoris animum, scyphos auro illusos cum horologio affabre elaborato, inspectante, ut volebat, utroque exercitu obtulisset, ac non avara manu inter Purpuratos pecuniam sparsisset. Exemplo Hamfæ provocatus Veligianes, Fülekini Gubernator, oppidum Szikszovienfæ, per summam armorum licentiam depopulatus est. Redeuntem cum ingenti præda affecutus Telekessius, Marte superior fudit, fugavitque, & magnam partem in Sajonem fluvium, præaltis ripis, & aquarum vorticibus iis diebus tumidum, præcipitem egit. E quinque hostium millibus, vix quadringenti cladem evaserant. Veligianes ob provinciam infelicitè administratam dignitate motus, cum Byzantii apud Solymanum incassum se purgare nititur, supplicium imminens anteverfurus, voluntariam mortem veneno, quod ad extremos usus paratum habuit, hausto subivit.

Inter hæc Joannes Sigismundus Transylvaniæ Princeps, vehementer offensus quorundam suorum Procerum defectione ad Ferdinandum, gravissimam tempestatem concivisset Byzantii, nisi Alys Eunuchus, senatus Turcici Princeps, Purpuratorum animos mitigasset dictitans: *pau-
corum hominum secessionem silentio transmittendam, nec Solymanum morte
conjugis diuturno luctu obsitum interpellandum.* E) Biennio tamen post, Solymanus ad Ferdinandum Pragæ morantem, Mehemetem Chaufium misit expositum, quod Proceres (erant illi Melchior Balassa, & Nicolaus Bathorius) Joannis Sigismundi, ingentibus promissis ad defectionem sollicitarit, cum non levi Transylvanicæ ditionis jactura; quodve adversus Alexandrum Moldavum clientem suum, Heraclidi auxilia præstiterit. *Hæc talia,
ajebat, haud obscure prodere, quantopere Cæsar otium armorum aversaretur,
novumque bellum ex ejusmodi scintillis conflare meditaretur.* Reposuit Ferdinandus: *Bathorium, & Balassam nullis muneribus delinitos, fecisse quod
bonorum civium erat: milites vero nullo accepto imperio Centurionum, spe
prædarum incitados, Heraclidi operam navasse contra Moldaviæ Regulum,
Isthoc sibi vitio minime dandum, cum & Turcæ inscio Imperatore suo, provin-
cias Hungariæ incurfent, arces infideant, prædas abigant; se tamen non
arguere, aut inducias rupisse, aut bellum quærere Solymanum.* Hoc responso instructus, muneribusque ornatus Mehemetes, Byzantium redux Imperatorem placavit.

At

A) Brietius ait: „ Garfias ob præposteram cunctationem exauthoratus, in suis ædibus confenscens, errati sui, vel Principis penas luit diurnas. „ B) Annales Turcici. C) Anno 1557. Hac legatione videtur Anton. Verantius Quinque-Ecclesiensis, deinde Strigon. Archi-Episcopus, attulisse Historiam Turcarum, passimque Codex Verantianus appellatur. Res illius pro Religione, pro patria præclare gestas continenti narratione prosecutus sum in Archi-Episcopis Strigoniensibus, Tyrnaviæ editis anno MDCCLII. & MDCCLVIII. D) Anno 1558. Istvanff. L. XX. E) Anno 1560.

At non propterea arcium Præfecti quietem concessere Transylvaniae, A. C. Hungariaeque, quos Joannes Sigismundus anno MDLXII. in sui auxilium 1565. arcessivit, præcipue Ibrahimum, cognomento Juniolem, Budæ Præfectum, cui magnifica legatione non vulgaris pretii munera transmisit, tantumque apud avarum potuit, ut contra inducias, justum pene exercitum in Ferdinandeos Duces moverit. Prope Ecsedinum cum iis congressus, quinque millia in fugam vertit, A) subinde Szattmarinum obsedit eo ardentius, quod Melchior Balassa, oppido inclusus teneretur. Ut præsentis periculo eximeret fratrem, Joannes Balassa Montanarum urbium Præfectus, haud inglorius militia, Szecsenium corona circumdat. Verum ab Hassane depulsus, accepta clade iter relegit. Hanc Nicolaus Zrinyius Szigethi Præfectus non multo post feliciter rependit, cæsis ad internecionem Arslanis, Bosniæ Præfecti, copiis, quæ excubabant, cum nova munitio ad prohibendas nostrorum incursiones apud montem Claudium excitaretur. Interim Ibrahimus inopia rerum omnium conflictatus, militem Budam reducit, ubi sævientie pestifera lue correptus, provinciam Arslani, cujus nunc meminimus, reliquit. B)

Dum hæc in Hungaria geruntur, & Ferdinandus, & Solymanus a se belli, si quod apertum sequeretur, amoliri causas, & odia conabantur, atque ideo reconciliationis curam, aut curæ speciem non omittebant, adnitentibus ante omnes Busbequio, & Eunuchis Purpurato. In id vero operosius intendebat Busbequius, quippe bene gnarus, Ferdinandum qualemcunque pacem præ bello optare cum potentissimo hoste. Eam tandem singulari sua industria confecit, postquam octennium fere Byzantii transegit. Ut primum conditiones fœderis intellexit, in viam se dedit, relicto apud Solymanum Alberto de Viis, qui Oratoris Cæsarei munere fungeretur. Ibrahimus Dragomanus e Polonia oriundus, jussu Imperatoris comes itineris additus, Francofurtum adiit, & pompam, qua Maximilianus Rex Romanorum inaugurabatur, spectavit. Admissus ad Ferdinandum in consessu Electorum, Principumque Imperii, more Turcarum, pauca præfatus, suo, Alysque Eunuchi Purpurati nomine munera exhibuit, quæ non tam pretium, quam raritatem spirabant, nempe bina camelorum paria, binos tapetes Persici operis, binos item crateres Onychinos; & liquorem sinceri Balsami. Diploma deinde, quo octo annorum pax continebatur, Arabicis literis exaratum Imperatori tradidit, cujus hæc summa erat: *induciæ octennales sunt: triginta quotannis aureorum millia Constantinopolim, earum redimendarum causa mittuntur, Joannes Sigismundus in eis comprehenditur, Nicolao Bathorio, & Melchiori Balassio, quod ad Ferdinandum transissent, fraudi nequaquam esto.* C) Pax isthæc dum Ferdinandus in vivis agebat, inconcussa permansit.

Sed eo vita functo, D) Maximilianus regnorum, ac paternarum virtutum hæres, incertus animi, rectene faceret, an secus, si pacem, ut nonnulli interpretabantur, Germano, Hungaroque nomini probrosam rescinderet, frequentem senatum Procerum utriusque nationis coegerat, singulorum sententias de re gravissima percepturus. Crebrioribus enim nunciis interpellatus est ab Arslane Budensium Præfecto, pactisne stare vellet cum Ferdinando initis, an potius bellum mallet? quod cum sæpius quæreretur in nata genti Turcicæ superbia, haud dubium, quin alte pupugerint Maximilianum dignitatis tenacissimum suæ, quam intelligebat minoris fieri, cum apud hostes, tum suos, si excussa armorum opinione, sponte sua amplecteretur pacem Christianæ rei admodum noxiam.

Porro interesse deliberationi Rex voluit, ut utramque nationem præsentia sua moderaretur. Complures spectatæ fidei Senatores pacem præferendam dictitabant. Unus potissimum Nicolaus Zrinyius, vetus militiæ, & multarum palmarum sine invidia Dux, quo nemo ducendis exercitibus

A) Anno 1562. B) Istvanff. L. XXI. C) Conditiones pacis Joannes Spiegelus Ferdinandi interpres in latinum transtulit, & Istvanffius mutuatus est L. & anno nominato. D) Anno 1564.

A. C. peritior habebatur, pronus ad asperiora, arma contendebat; ea de Turcarum, Christianorumque potentia, deque expeditione in hostem communem suscipienda, scite, partiteque superaddens, quæ vetus a vigesimo, & altero ætatis anno militum Ductor, in eo Procerum cætu præ aliis disceptare potuit. A) Nondum, cui parti accessurus esset Maximilianus, constabat, cum ecce! Sabanus caput, barbamque canus, nobilium Chausiorum Budensium Præfectus, literas sui Imperatoris attulit, quibus Ferdinandi obitum, permolestum sibi accidisse significavit, precatus, ut animam illius DEUS Opt. Max. deterfis culpis cælo recipiat; tum se pacem nuper istam servaturum promisit, modo eam Maximilianus ratam habeat. Respondit Sabano Cæsar: sibi cordi futuras conditiones fœderis, missurumque se brevi Solymano munera. Eadem ut nunciaret Byzantium, Bartholomæo Ornæo Comaromii versanti, in mandatis dedit.

Cum in hunc modum res Pannonicæ in tranquillo statu viderentur esse, repente violata per Dacos pace, apertum bellum erupit, eo quidem funestius, quo præter opinionem celerius Hungariam corripuit. Cæsar etsi non parum a belli consiliis abhorreret, inexpectatæ tamen injuriæ dolore exacerbatus, ferro vindicare destinat, illata suæ ditioni detrimenta. Inter hæc civilia quodammodo arma, Turcæ prædandi studio, Joanni Sigismundo opem perpetuo tulerunt. Maximilianus ut sibi devinceret Solymanum, Turcasque ab armorum societate divelleret, Legatos Byzantium B) expedit, qui trium annorum munus deferrent Imperatori, & Purpuratis, quorum Princeps Mehemetes, Aly Eunuchus nuper sublato, Selymi Principis filia in conjugem accepta, graciosus in aula fuit. Sed cum belli furor nihil propterea remitteret in Hungaria, & Transylvania, Cæsare injurias persequente suo exercitu; Solymanus bello Meliteni involutus, Hidajetem interpretem suum, apud Saxones Cibinii Christianis parentibus ortum, Viennam legavit, qui Maximilianum inter, & Joannem Sigismundum pacem sanciret.

Dum utriusque partis querelæ in Curia expenduntur, Joannes, & Hasanes Temesienis Præfectus, in campo nova injuriarum argumenta large suppeditant. Ille Jenejensem arcem, hic Pankotam occupat: tum ad Debreczinum Lazari Schwendii, supremi Cæsarei armorum Præfecti, castra omnibus viribus oppugnatum contendunt. Dux impetu facto in eos, insignem victoriam reportavit, cæsis plerisque, aut in proximo flumine, quo præcipiti fuga dilapsi sunt, mersis. Eodem prope tempore in Croatia (nam & illuc flamma belli delata est) partim prospero, partim adverso Marte pugnatum fuit. Mustaphas, cognomento Szokolovicius, Bosniæ Præfectus, accitis e maritima Dalmatiæ ora auxiliis, Krupam, in ulteriori Unnæ ripa positam, olim Equitum Rhodiorum, ruptis induciis quinto, & vicesimo, postquam oppugnari cœpta est, die armata manu subigit, spectante fœdissimam cladem & arcis, & Christianorum, Herberto Aurspergo, qui cum septem armatorum millibus haud procul confederat. Pari fortuna Novia arx cecidit, eidem fluvio adflita; hoc successu elatus ad regionem, quæ Crisium inter, & Kapronczam protenditur, igne, & ferro vastandam se accinxit. Petrus Erdödus Pro-Rex Illyrici, Matthæus & Simon Keglevichii cum mille quingentis equitibus victoriæ securos aggressi, disiectis prima impressione cohortibus, Mustapham in fugam compulerunt, omnique castrensi supellectili exuerunt, trucidatis tribus millibus barbarorum. Hæc clades Bosnenses Turcas, quique Adriaticum accolunt, ad modestiam redegit.

In Hungaria quanquam castris castra collata essent, tamen Maximilianus spem pacis nondum dimisit. Et Schwendius Regis animi certus, non ausus iusta acie congregi cum Turcis, Transylvanisque, levibus præliis tempus extrahere contentus erat. Legati interim ultro, citroque commeantes miserorum civium vota sustentarunt. Nuncius, qui undecim dierum itinere Byzantio Viennam advenit, æquiora postulata jam attulerat: nimirum pacem fore, Transylvano si bello adempta, fide integra redderet Cæsar; ar-

ma

A) Extat gravissima Zrinyii oratio apud laudatum Istvanff. Lib. XXII. B) Anno 1565.

ma pōneret, munus sine mora Constantinopolim mitteret. Nihil potius A. C. Maximiliano visum, atque Solymani petitioni facere satis. Extemplo Caspa- 1565.
rum Rues ad Budensem, deinde in castra ad Temesiensem Præfectos cum nuncio legat, Schwendium ab armis discessurum, si Turcæ dissolutis castris domum abirent. Post brevem altercationem mira voluntatum consensione Turcæ discessere. His recreatus Maximilianus, ad pacem stabiliendam omnem curam, solitudinemque adhibuit. Et inprimis Georgium Hofzutotum, ærarii Regii Curatorem ea de causa Byzantium iter maturare jubet, utque cum Alberto de Viis apud Solymanum negotium sibi adeo gratum, Reipub. quam utilissimum conficiat, multis hortatur. Commiserat etiam inter cætera: Purpuratos eam in sententiam pertraheret, ut Transylvaniæ Princeps, in hocce foedus minime reciperetur; nempe qui pro libidine contra fas, nefasque Cæsaris provincias divexavit. Id si feliciter cesserit, tum se munus non vulgaris pretii more superiorum annorum perlibenter daturum.

Festinatīs itineribus tenuit Byzantium Hofzutotus, cumque optimi 1566.
Principis res studiose curat, ignarus impendentis mali, in summum discrimen se induit. Quippe Solymanus, quod munus jam biennio intermissum non attulerit, neque Transylvano Tokainum reddiderit Maximilianus, eum ira præcipiti abreptus, neque visum, neque auditum, pro innata ferocia in hospitio Alberti de Viis concludi, ac diligenter custodiri præcepit. Eodem impetu altius proventus, consilia de inferendo Maximiliano bello, quod diu meditabatur, detexit, missisque propere ad equitum Magistros, limitumque Præfectos mandatis, ut parati signum profectionis operirentur, Byzantinorum animos diuturna expeditione absolvit. Paucis post diebus defervescente nondum bile, accitis Mehemete, cæterisque Purpuratis, equestre concilium in patenti campo celebravit, quo suscepti belli consilia semel, atque iterum rata, fixaque habuit. Est hoc positum in consuetudine apud Ottomanos, ut quidquid equis infidentes Imperator, Purpuratique edixerint, id sanctum, æternumque habeatur. Oratores improvisō malo oppressi, Regis sui causam minime deseruerunt. Mehemetem Principem Purpuratorum muneribus placare conati, ab eo postularunt, in colloquium ut admitterentur, allaturos se æquas condiciones, quibus haud dubie pax interturbata coalescat. Sed is veritus Imperatoris indignationem, si Oratorum postulata perferret ad senatum, reposuit: *spem fæderis superesse nullam, bellum jam præ foribus Hungariæ adesse, ulturum Imperatorem injurias sibi, Transylvanoque illatas.* Itaque, quod unum licuit, Maximilianum de imminente gravissimo bello clam certiores reddunt.

Rumor Turcici exercitus cum multos terruerat Principes Europæ, tum præcipue Maximilianum Hungariæ Regem, utque pro viribus tantæ tempestati semet opponeret, sedulo circumspexit. Quamobrem non ab Hungaris modo, quorum res proxime agebatur, sed & a Pontifice Pio V. Imperii Principibus pro communi causâ opem imploraverat. Dum omnia ad bellum propulsandum fervent inter Christianos Principes, Joannes Sigismundus frequentibus literis Arslanem Budæ Præfectum sollicitabat: *arma ut capeſſat, celeritateque Solymanum sibi devinciat. Ne pateretur opportunitatem præterlabi, qua nullam aliquando majorem fors obtulerit, ulciscendæ utriusque nationis Turcico nomini semper infensæ. Præsidia milite paucos esse instructa: posse currendo Hungariam capi, & Viennam levi impendio subigi. Ostentaret modo arma, secuturam prompte victoriam.* Et ille turbido alioquin ingenio, gustatoque quotidie opio, vinoque adusto ferox, non multum cunctatus, cum sciret propediem venturas ex Asia copias, initium feralis belli ad Palotam A) fecit non satis prospere. Oppugnabat eam more suo ferociter, & isto tormenti globo Georgio Thurio loci Præfecto, nihil dubitabat de victoria, cum Jaurino manus præsidiariorum pabulum egressa, speciem universi exercitus præbuit, & Arslanem in effusam fugam

A) Palota, Latinis Palatium, ab arte, & ornatu dicta, arx Wesprimiensis provinciæ.

A. C. convertit, duobus tormentis, interceptis. Majori deinde numero Jaurinens-
1566. ses Wesprimio circumfusi, oppidum, arcemque subjecerunt, Turcis inter-
necione deletis, quod & ipsi in captivos Christianos sævam crudelitatem
exercuerint. Tata parem fortunam experta victoriam cumulavit.

Secundum hæc levioris momenti certamina, ingens, & memorabile
bellum exarsit, quod Solymanus, quanquam ætate, annis, morbisque af-
fecta, majoribus quam retroactis temporibus Hungariæ movit, quo clarif-
simis urbibus subactis, Respub. Christiana miserabili incendio deflagavit. In-
gens multitudo hostium ad hanc expeditionem coierat Solymani jussu, e
totius Imperii provinciis accita. Asiaticas copias Adrianopolim; Magistrum
equitum Europæorum e Macedonia, Thracia, Peloponneso Sophiam;
Tartaros, paludis Mæotidis accolas, Selistriam a) convenire jussit. Ipse
cum prætorianis, roboreque peditum exeunte Majo, sonipede candidi colo-
ris vectus, Constantinopoli b) discedens, lentis itineribus Belgradum per-
venit. Hic datis septem, & viginti millibus armatorum Pertavi, seu Per-
tasso c) Purpurato, sororis suæ filio, in Hungariam festinare, ac Gyulam
obsidere imperat cum Temesiensi, & Belgradensi Præfectis. Reliquum ex-
ercitum in duas partes dividendum cogitavit, quarum altera Agriam, vel
Szigethum; altera cum Transylvano Szatmarinum invaderet, eo consilio,
ut tripartito exercitu Maximiliani vires distraheret, & uno impetu pluribus
locis, protereret Hungariam. Pertassus accelerato itinere Gyulam cinxit.

Solymanus Belgradum progressus cum majori exercitus parte, castris
ad Danubium locatis, aliquot diebus deliberabat, quonam arma verteret?
Hic agentem, Ioannes Sigismundus (moritus a Mehemente, ut isthoc officii
genus peragat) cum centum facile levioribus quadrigis, quibus quaterni no-
biles, aut milites eleganter induti vehebantur, convenit. Adventanti ad
ripam Danubii prætoriam navim auro expictam, obviam misit. Superato
Danubio cum viginti circiter primæ authoritatis viris, quorum consilio uti
solebat, equum superbe phaleratum inscendit, atque ad tentorium Phrygii
operis procedit, cæteris peditibus viam ingressis. Tum adfuere e Ianicsaro-
rum ordine circiter centeni cum vestibus auro, argentoque intertextis,
quas ipse, & comites induti, Imperatorem salutarent. Principi præterea
annulus est datus viginti aureorum millibus æstimatus.

Sic ornati, ad Solymanum militari pompa deducebantur. Ingre-
dienti Transylvano, paululum honoris causa assurrexisse visus, dexteram,
amicitiæ tesseram, porrexit, cæteris vestem osculo cursim perstringendam
concessit. Semotis arbitris, per Hidajetem interpretem rogaverat: *an
exercitum suum satis validum esse, & Maximilianum manus conferturum pu-
taret?* ad quæ cum ea respondisset, quæ in rem videbantur, addidit Impe-
rator: *se ætate confectum rursus arma arripuisse ejus protegendæ causa;
nec ante positurum, quam sub mænibus Viennæ vitam juxta ponat.* His ani-
mosior Transylvanus supplicem libellum, quo Budam secundum promissa si-
bi reddi postulavit, porrexit. Hunc Mehemeti illico pervolvendum dedit,
utque Principis voto faceret satis, demandavit. Sed dirempto colloquio,
cum quædam simultates obortæ forent inter Mehemetem, & Ioannem Sigis-
mundum, non Budam modo non recepit, sed nec in conspectum Impera-
toris est deinceps admissus. **QUANQUAM** ægre caput regni restitutum
iri ab eo speres, qui membra illius tanto apparatu oppugnatum venit.

Vix in tabernaculum discessum erat, cum adfuit Ianitorum Præfe-
ctus cum baltheo eximii operis, & acinace auro, & gemmis illuso, quæ no-
mine Imperatoris obtulit; quatuor præterea præstantissimi sonipedes phale-
ris suis instructi, dono obvenere. Prima hæc officia tam læta fronte trans-
acta, ingenti voluptate affecere Transylvanum, verum eodem adhuc die Me-
heme-

a) Apud Geographos etiam Selistria, & Selystria. b) Istvanff. L. XXIII. ait Imperatorem singu-
lari pompa Legatorum Maximiliani domum, qua clausi tenebantur, prætervectum. c) Sic
appellatur Istvanffio; aliis Pertanus, fontassis utraque vox corrupta, & Pertraves scribi
debet.

hemetis ambitio multum ex ea decerpfit. Significarat is, sibi vehementer A. C. dolere, quod per castrenses labores tantillum temporis non habeat, quo 1566. Principem conveniat, officiaque humanitatis palam testetur: velle tamen se colloqui de ordinanda Transylvaniæ Repub. deque expeditione bellica; quod si veniret, non dubitaret se inde maximum fructum relaturum. Perturbatus hominis denunciatione, quid sibi faciendum foret, anxie perquirat. Plerique Procerum censebant tempori esse serviendum. Nihil Principis auctoritati ademptum iri, si ad Purpuratorum Principem prior invisat, quem barbara ambitio Regibus parem facit. Unus Bekeffius Principis sui dignitatem præ oculis habens, negabat citra injuriam Regionum natalium, posse adire vilissimum mancipium; cujus sententiam amplexus Ioannes, dignitatis suæ alioquin tenacissimus, Mehemeti renunciavit: *se quidem alloqui cupidissimum esse: procederet modo extra valla castrorum, se non defuturum officii suis.* Quo responso ad factum barbari calcandum opportuno, tantum odium concepit, ut sua autoritate perpetuo illius conatibus adversaretur, cogeretque eum insalutato Solymano, in suam Transylvaniam redire. ADEO agreste ingenium, si ambitione impellatur, in vindictam exardescit, ut bonum Principis etiam eversum pergat.

Nam Transylvanus ob similitudines Mehemetis, Turcarum societatem perosus, occulto fœdere icto cum Maximiliano, in amicitiam redeundum existimavit. Sed hoc processu temporis evenit. In præsentia, discessus Transylvani magnopere consilia Solymani confudit, cum nec militem, nec comitatum missurum se pollicitus fuerit. Ne tamen meliorem ætatis partem in otio ageret, ad Agriam oppugnandam exercitum duxit Imperator. Quapropter ad Petro-Varadinum pontem extrui iussit, quo & ipse cum copiis se contulit. At fatalis Mehemetis, Dispensatoris Solymani casus Agriam periculo exemit, Szigethanos involvit. Is nuper Bosniæ Præfectus renunciatus, cum ad capeiendam provinciam, assumptis secum tercentum equitibus proficisceretur, ad Sziklosum oppidum pluvio cœlo prohibente iter confedit, extensis in suburbano agro tabernaculis.

Forte accidit ut Nicolaus Zrinyius Szigetho præfectus, mille pedites veteranos, & quadringentos equites, Ductoribus Casparo Alapio, & Wolfgango Paprotovicchio immitteret ad suburbia Quinque-Ecclesiensia vastanda. Ii intempestæ noctis silentio iter ingressi ad vicum Byssam, ab agricola illius regionis certiores fiunt; Turcas Sziklosii haud magno numero, metu solutos, quietem capere. Alapius videns in celeritate positam victoriam, iussis citiori passu progredi peditibus, illufcescente die magno sublato clamore quiescentes occupat, ac cædit, paucis fuga dilapsis. Mehemetes excusso somno, etsi arreptis armis fortissime se, suosque tueretur, amissa dextera humi dejectus, capite truncatur. Filium ejus, egregiæ indolis adolescentem, idem infortunium abstulit, plumbeis glandibus confixum. Szigethani lectis opimis spoliis, ad suam stationem reversi, non minorem sibi nominis gloriam, quam Zrinyio voluptatem pepererunt. Jam Asiæ equitatus Agriam versus infestis signis iverat, cum Mehemetis, suorumque cædem intelligit Solymanus. Ira, doloreque exæstuans, revocato equitatu pontem rescindi, atque tigna, cæteraque armamenta plaustris imponi, Eszekumque devehi mandat, e quibus pontem Dravo imposteret Hamfa Quinque-Ecclesiensium Præfectus, cui isthoc negotii sub pœna capitis commendarat, Szigethumque ducenti expeditum iter faceret. Et iste quidem accitis fabrorum magistris omni contentione in opus incubuit: verum quod Dravus continuus auctus imbribus, ripis se superfuderit, industriæ operum moram fecit, ægreque tandem domitus, præsentia Solymano, Hamfam metu, periculoque capitis absolvit.

Gyulam interim Pertaffus summa vi aggressus, tertio Septembris deditione capit, postquam Hungari, Germanique Centuriones acceptis vulneribus ceciderunt. Ladislaus Kerecsenius arcis Præfectus in itinere fraude interceptus, Byzantiumque deductus iussu Selymi, ob crudelitatem in Tur-

A. C. cas captivos exercitum injecto laqueo strangulatur. A) Gyula occupata iidem 1566. Turcæ Ienensem arcem obsedere, eamque a Præfidiariis nocte concubia desertam suo muniverunt præsidio. Solymanus superatis, quæ obstabant, paludibus Calendis Augusti haud procul Szigetho B) tetendit; altero die ducentorum amplius millium exercitum propius mænibus affudit, oppidumque conclusit. Nicolaus Zrinyius, Heros apud omnes gentes clarissimus, locum obtinebat, cum bis mille supra quingentos armatis, priscaque Hungarorum virtute propugnabat. Non Roma, non Græcia nobiliores ausus suis in Annalibus prodidit, atque in hac celeberrima defensione, Scriptorum fides ad posteritatem transmisit. Volumen facerent omnia, quæ hic a Duce, Hungarisque immortaliter gesta; ni festinanti Lectori consulturus compendio uterer. Cursim quæpiam attigisse, sufficiat. Ut primum ad ictum Szigethum destinari barbarorum adventus vulgarat, præfidiarii præeunte Zrinyio fidem obstrinxere, nullis conditionibus se deditionem admissuros. Mox exusta nova civitate, veterem suæ virtuti confisi tuendam suscipiunt. In eam Alyportugus, vir impiger, dies, noctesque æneis machinis detonuit, factaque acerrima irruptione, præfidiarios ea statione depulit, atque a Solymano virtutis ergo ducentis aureis donatus, biduo post dum animosius, quam cautius in arcem tormenta dirigit, majori pila transverberatus, luctu totius exercitus occumbit.

Hujus successor Seiffedinus multo vehementius operi instabat, succussisque ingenti hiatu propugnaculis, qua tormentis, qua cuniculis, perpetuis insultibus suos, præfidiariosque fatigabat. Vicies pene in mænia promptissimi Janicsarorum subierunt, toties intentatam arci cladem, in auctores regessit Zrinyius. Sed sævior Ottomano voracissima flamma, Hungarorum fortunam, non virtutem afflixit. In cuniculum, sub propugnaculo Henejano egestum, multum materiæ flammis obnoxie comportant, eamque pulvere injecto, tanto successu accendunt, Austro præsertim in fortunam hostium conspirante, ut omnia exterioris arcis tecta, ferali incendio conflagrare momento temporis conspicerentur. Depluente undique igne cum nulla via suppeteret mali opprimendi, & Turcæ sublatis ferociter signis, propugnaculo Nadasdiano imminerent, eo conversus Zrinyius bis hostes rejicit. Sed crepitantibus jam in proximo flammis, propugnandi copia adempta, in interiorem arcem se cum suis conjicit, cæsis septem Turcarum millibus.

Dum cum hoste, & flamma luctatur Zrinyius, Solymanum vehementia morbi, & ætate fractum mors gratissimam Szigethanis Heroibus victimam immolavit. Mehemetes tamen, qui sua autoritate bellum administravit, mortem celavit, quo Selymanum ad Imperium pacate capeffendum admoveret. Interim Zrinyius exiguo spatio conclusus, cum penuria rerum in dies angustiori vexaretur, & sexto Idus Septembris, interior pariter arx fœdo incendio corripere, mortem Heroe dignam obire, quam in servitutem abripi, aut quod futurum erat, per ludibrium, trucidari maluit. Itaque ut fati una, & hostis de se triumphum anteverteret, triumphalem apparatus sumit, aperta que porta, ac disploso non sine strage hostium, qui irrupturi in arcem conferti accurrerunt, tormento, cum sociis erumpit, ferroque late circumducto per medias acies ruit. Gemina glande postremo appetitus, magnam animam super aggestos cadaverum acervos efflavit.

Quaternos ex illo Heroum manipulo seu fortuna, seu virtus tanta multitudo etiam superior, hostili furori subtraxit, qui a Georgio, hujus Zrinyii

A) Annales Turc. ajunt Kerecsenium sævitiz postulatam, vasi clavis perforato inclusum, e monte præcipitem actum. B) Historiam hujus obsidionis inter paucas memorandæ adeo multi scripsere, ut actum agerem, si in ea recensenda fusiori calamo uterer. Præter patriæ Scriptores Joan. Sambucum, quem Istvanff. secutus est, Fran. Forgachium Episcopum; M. Samuel Budina, Petrus Bizarus Sentinas Persicarum rerum Historiæ author, & Belli Pannonici sub Maxim. II. Natalis Comes in universa Historia sui temporis, Bellarius, Thuanus, Joannes Leunclavius Continuatur Annalium Turcicorum, Simon Schardius eandem literis commendaverunt. Denique vix quidpiam de Hungarorum fortitudine bellica leges apud externos Scriptores, ubi non continuo Nicolaum Zrinyium reperias. Vivit post sumera virtus.

Zrinyii filio, redempti, rerum a sociis fortiter gestarum testes, & præco-
nes extitere. Caput Zrinyii præcisum, hastilique præfixum in castris diu
spectaculo fuit; Cadavere a Mustapha Banjalukensi tumultuarie sepulchro
condito. Præsidio obtruncato, hostes utramque arcem perscrutati, præ-
dam conquirebant, flamma etiam tum munitiones vastante, cum subito in
lapideam turrim, pulveris sulphurei receptaculum, illapsa scintilla, tanta vi
ædificia concussit, ut non solum nutantibus arcis fundamentis, multæ cir-
cum domus corruerint, oppressis ter mille Turcis, sed etiam oppida vici-
na quatefactis domibus extimuerint supremum casum. Jam si calculum po-
nas quot hostium Szigethum hauserit, facile quinque, & vicena millia re-
peries. Nonnulli ad octoginta millia periisse scribunt, quod facile conces-
serim de tota expeditione.

Capto Szigetho nondum Mehemetes A) Solymani mortem vulga-
verat, imo ut fucum faceret sollicitis de Imperatoris valetudine, edicit Ja-
nicsarorum Tribuno: *incendium restingueret, arcem perpurgaret: velle
Imperatorem septimo post die Szigethum, tot Heroum monumentum, invise-
re.* Aderat status dies, & cum Solymanus in publicum haud prodiret,
non levis oborta est suspicio, de ejus supremo fato. Sed jam Selymus ve-
locissimis nunciis condocefactus de Patris obitu, per Scenderem Purpura-
tum, quem Constantinopolitanæ urbi Solymanus Præfectum dederat, solium
paternum, nemine obistente, occupavit. Hoc cognito Mehemetes sævis-
simam populationem regioni intulit; Babocsamque metu proditam sui ju-
ris effecit. Dimissis subinde hieme appetente Bosnienfibus in suam provin-
ciam, ipse cum cæteris copiis Byzantium abit, juxta exequiarum Solymano so-
lurus; cum paulo ante in eodem loco, in quo e vita excesserat, ejus viscera
apud Sibotum oppidum, mœsta militum pompa tumulasset. B)

Obiit Solymanus ætatis septuagesimo sexto anno, triduo ante, quam
Szigethum ignibus domaretur, postquam Imperium tenuit sex supra quadra-
ginta C) annos. Erat magnitudine animi, rerum gestarum gloria, & feli-
citate, nulli suorum Majorum secundus, militari scientia, fortitudine in re-
bus arduis perficiendis plures antecessit, ætatem plurimum belli contrivit,
suoque potius ductu, quam alieno, belli aleam tentare maluit. Si Vien-
nam, Gensium, Melitam D) demas, quas adortus est urbes, perpetua ar-
morum felicitate fere perdomuit. Mari perinde, atque terra hostes vel re-
perit, vel fecit. Exteris Ducibus, haud secus, ac suis bella ingentia in Afri-
ca absolvit. Persiam, Italiam, Germaniam, insulas Ionii, & Ægei maris
crebro exterruit. At nullam regionem funestiori clade affecit, quam Hun-
gariam in Mohacsiano agro. Hic victoriarum summa. Rhodus expugnata,
& famam, & vires in immensum auxit. Isabellam in Transylvaniam legan-
do, femina multarum simultatum jecit, quas non nisi serior ætas præ-
focavit.

Si quis præterea ad militares Solymani laudes, altitudinem animi
adjungat, quo nullum unquam genus hostium vel numero majus, vel fama
insuperabile expavit, profecto maximos inter Imperatores omnis ætatis jure
adnumeraverit. Certe parem animo suo quæsiturus æmulum, cum Carolo
V. congregi ardebat, eaque de causâ extra limites Hungariæ duxit; nisi for-
tassis ad speciem istud egerit. Utriusque miles non post multo in campum
eductus, sine prælio, sine virium imminutione discessit. Placuit nimirum
circumferre arma pugnam vitabundis. Ex quo callidiores conjecere: alte-
rum alterius fortunam timuisse. Præter Carolum V. Occidentis, Solyma-
num II. Orientis Imperatores, vidit eadem ætas bellorum ferax Fran-
ciscum I. (adversis juxta, & prosperis notum Annalibus nomen) Gal-
lis imperitantem. Quivis eorum dignus Imperio orbis terrarum. Et ha-
buissent, aut promovissent, nisi concursus ille fuisset, & alius alium inter-

Imp. Ottom. Tom. I.

B b

pellas-


A) Plures hujus nominis Duces in Annalibus reperies. Hic supremus armorum Præfectus, seu Vê-
zirius fuerit. B) Istvanff. L. XXIII. C) Bizarus L. XI. rerum Persicarum biennium regimi-
nis addit. D) Insignia horum locorum habes pag. 102.

A. C. pellasset. Nempe BONUS ille DEUS, ut Justus Lipsius advertit, a) impe-
 1566. rantium animos temperat paribus æmulis, & velut in æquilibrio res huma-
 nas suspendit, ne nimium crescant, aut cadant. Sic consulitur libertati or-
 bis. Cæterum elatæ mentis erat Solymanus, nec fortunam capiebat suam.
 Tria potissimum in votis habuit: primum, ut Viennam, Germanici Impe-
 rii propugnaculum, in suam redigeret potestatem; alterum, ut templum
 miri operis, Byzantii a se inchoatum, absolutum videret; tertium, ut
 aquarum ductibus supremam manum imponeret. Dignitatis tenacissimus
 fuit, titulosque b) magnificos sibi affinxit. Atque hæc princeps causa,
 cur paternas manus filiorum cæde macularit. c) Sed satis de
 Solymano.



SELY-

a) In *Monitis Politicis* L. I. c. v. mon. IV. b) Ut legere licet ad annum 1522. pag. 107. c)
 Itaque verum est illud Lucani: Nulla fides regni sociis, omnisque potestas impatiens con-
 sortis erit.



S E L Y M U S II.

IMPER. OTTOM. V.



Onatu nullo, aut ambitu quæsitus principatus Selymo A. C. non diuturnus fuit; at qua prosperis, qua infaustis 1566. successibus bellicis multum exercitus. Sine civili tumultu, quod Imperium paternum acceperit, Scenderi ^Δ) genero suo debuit. Hic Imperatoris vices Constantinopoli agens, Janicsaros præsidio relictos, urbe educit quæsitæ specie abeundi in Hungariam, supplendis legionibus ad Szigethum attritis. Interim in urbem revolat, & Selymum Magnesia reducem, solenni ritu in aula maxima Imperatoriarum ædium, successorem Solymani declarat. Didito per vicos arcano, multi undique mortalium ad aulam accurrentes, primum Solymani animæ vota depromunt, tum ad Selymum versi, vitam, felicitatem repetitis clamoribus precantur. Mox dimissi in omnes provincias nuncii, mortem juxta Solymani, & Imperium Selymi divulgant. Quod utique plurimum contulisse videtur, ut non motus solum anteverterit, qui oriri assolent in tam vasto, ac turbis obnoxio Imperio, sed Janicsaros etiam cum semper, tum maxime tumultus cupidos, extincto Principe, illico placarit numeratis centum millibus aureorum. Eo ære five stipendia persolverit, five populationem Byzantinæ urbis redemerit, perinde valuit ad militum animos sibi obstringendos. Hac cura defunctus, a pietate auspicari regimen voluit. Belgradum recto itinere contendit, supremum honorem Patri persoluturus. Atque ut primum corpus inter convulsa signa legionum, ac reliqua mœroris incitamenta adferri vidit, equo deliciens, propiorque factus lugubri pompæ, dolorem suum conjunxit. Præibat currum, quo vèhebatur mortuus, animo tristiori, quam veste; nisi quantum cura exercitus diuturno labore, morbis confecti, dolorem avertēbat. Non minus Purpurati, equitum Magistri, militum Præfecti, signa mœstitiæ edidere, five quod jam moris esset vultum fingere ad Domini nutum, five reipsa memoria Imperatoris, eam scenam tristitiæ imperaret. Belgradi agmen substitit. Hic in Janicsaros e consuetudine superiorum annorum, magnam pecuniarum vim profudit, magistratusque plurium urbium constituit, lectis iudicibus, qui per provincias sparsi, litigantibus jura dicerent. Perquam necessarium hoc postremum erat; quod Solymani ætas, inter assiduam armorum tractationem transmissa, admodum opportuna fue-

A. C. rit ad leges civitatum convellendas, ac privatorum fortunas, dominante fer-
1566.ro, diripiendas.

Altero post adventum die, funus Constantinopolim deducendum Achmeti, Ferhatique Bassis commisit, ipse lentis itineribus eo secutus. Vicesimo secundo Novembris, innumera hominum multitudo Mufftio, sacro-
rum Antistite, praeunte pompam excepit. Corpus curru depositum, pedibus, equitibusque per agmina dispositis, primarii provinciarum Praefecti, oneri per vices succedentes extulerunt ad moscheam, quam dum viveret, ad omnem elegantiam extrui curaverat. Lateri acinacem apposuerunt, in signum bellicae virtutis, ac profusi sanguinis; addito capiti pileo, nigris ardearum pennis ornato, quo uti consuevit domi, militiaeque. At Talesmani (genus est Sacerdotum) vultu ad moerorem composito, ferali murmure omnium luctum testabantur, humique sedentes more suo, lessum in multos dies continuarunt. A)

1567. Deducto, ut memoravimus, exercitu, nondum pax firma constitit Hungariae, Hassane Temesiensium Praefecto turbas ciente. Joanne Sigismundo faces addente arcem Dedesiensem suo orbatam Praefecto oppugnabat. Stephanus Barius, vir pugnacis animi, fortuito ad arcem delatus, confirmatis praesidiariorum animis, diebus quindecim ab ea barbarorum vim fat animose prohibuit. Sed postremum paucitati suorum diffusus, manibus jam solo aequatis tormentorum ictibus, arcem hosti relinquendam constituit, detrimento, quo posset, maximo. Pulverem, cujus copia ad diuturnam obsidionem comparata erat, in turres, ac apothecas abdit funiculo ardente ita aptato, ut illucescente die, quo hostes irrupturos putabat, pulvis concepto igne inflammaretur. Ipse vero evitatis excubiis, feliciter cum suis evasit. Res secundissime processit. Quippe ubi nullus praesidiariorum apparuit, illucescente die Turcae confusis ordinibus arcem petentes, securi ad spolia vertuntur. Tum repente vi pulveris succensi convulsa aedificia, ac in sublime jactata, quadringentos admodum foede exanimarunt. Hassanes improvisa tot fortium virorum caede, & suimet ipsius periculo commotus, rabiem in partem superstantium aedium effudit, imitatus Barium.

Sed altior erat dolor, quam ut everfis muris, tectisque laesae aliquin arcis tumularetur. Tokainum, Cassoviam, Agriam torrentis instar expedito agmine equitum invadit, evasato incredibili feritate fertilissimae regionis agro, multis mortalium millibus partim caesis, partim ad vincula damnatis. B) Schwendius Regii exercitus Ductor, absente hoste pugnam ciere solitus, Cassoviae inclusus, triste excidium collucentium oppidorum oculis hausit. Tot malis fessa Respub. Hungariae, cum Maximiliano anxiiis votis pacem peroptabat. Et Hoszutotus, Orator Regius Byzantii, cum anno praeterlapso, mortuo Solymano libere revertendi in patriam potestatem impetrasset, non vanam spem induciarum fecerat. Is quidem Belgradi Selymum convenire non potuit, quod Purpurati, qui limina novi Principis obfederunt, dicerent: *Oratori ad Solymanum misso nihil negotii intercedere cum Selymo. Maturaret reditum cum mandatis sui Domini, tum aditu non prohibitum iri.* Hoc intellecto, Maximilianus Edvardum Csernovicium Byzantium legat pacis sancienda causa. Sed sive quod peregrinus, & hospes in perturbata aula timidius rem suam egerit, sive quod nullis muneribus Purpuratorum avaritiae litaverit, nihil aliud Byzantio retulit, quam feralis nuntium: Selymum militem scribere, Pertavem, & Beglerbegum Duces designatos Pannonici belli, quorum alter Agriam, alter Kanisam oppugnarent.

Jamque ad Gyulam copiae Ottomanicae castris locum delegerant, ut Joanni Sigismundo ad primos belli fragores praesto essent. Et erupissent in proximas provincias Regi obnoxias, nisi Oratores propediem Byzantium venturos nuntiatum fuisset. Delecti erant in Comitibus Posonienfibus ad hoc munus obeundum Antonius Verantius Agriensium Antistes, qui non ante mul-

multos annos hac provincia functus fuit, & Christophorus Teuffenbachius. A. C. Quo pretium adderent legationi, præter munera Imperatori, Purpuratis-1567. que ferenda, nobilissimos adolescentes in viæ comites secum acceperant. Selymus etsi lætissime Oratores excipiebat, tamen dissimulato gaudio, conditiones minus æquas obtrusit; MEMOR victorem victis fœdera pacis præscribere solere. XI. Calend. Sept. Byzantium ingressis, Mehemetes, A) Pertaves, & Achmetes, Purpuratorum primores, omnem humanitatem præstitere. Adhibiti epulis in Regia domo, cæteri nobiles apud Præfectos minorum gentium, non ambigebant opera Principum pacem coalituram. Remotis mensis, Legati ad Selymum admissi, a Purpuratis binis, honoris quadam specie, singulorum brachia sustentantibus in palatium ducuntur. Quod ea de causâ factitant Ottomanî, ne fors occultato per dolum ferro Imperatorem improvisò invadant, & lethali plaga, ut a Dervisio factum narravimus, sternant. Venerati Selymum, muneribusque exhibitis, perbrevis sermone Maximiliani nomine pacem poposcere.

Et tunc quidem sine responso cunctabundus Princeps eos ad hospitium redire iussit, quod Adrianopolim proficisci decrevisset. Eo delati Oratores, octo annorum inducias pepigere. Moram injecerunt nonnulla oppida Hungariæ, quæ partim Turcis, partim Hungaris parebant, geminoque annuo vectigali vexabantur. Sed cum Mehemetes ea oppida juris Turcici esse asseveraret, nec vellet ærarium sui Principis imminutum, lis ea indecisa mansit, quanquam Hungariæ Ordines in publico conventu Posonii, redeuntibus Legatis anno insequenti, B) acriter obniterentur, palamque dicerent: *se ferro hæreditates Majorum suorum vindicaturos*. At minæ non ultra verborum ferociam processere. Joannes Sigismundus Transylvaniæ Princeps, hortante, an potius mandante, Selymo easdem inducias est amplexus, & dum vixit, C) odiis fortassis, non armis cum Maximiliano certavit. In hunc modum afflicta Hungaria ad pristinam tranquillitatem rediit, eo majori populorum lætitia, quo certius bellum affore trepidi nuncii referebant.

Composita inter Maximilianum, & Selymum pace, solliciti Christiani-1568. ni Principes, quo victor arma inferret, Byzantinæ aulæ motus velut e specula observabant. Et Veneti quanto magis injuriæ obnoxii ad oras maritimas, tanto vehementius tempestatem extimescebant. Etsi enim Selymus fœdus cum Solymano iustum confirmavit per Legatum Ibrahimum, tamen quod orationem crebrioribus querelis misceret in senatu, ob piratas Adriatico mari infectos, non falso collegerant, in se molem belli incubituram. Marinus Cavallus, ut certiora referret, Byzantium a Repub. missus cum lautis muneribus, cum Selymo rursum veterem amicitiam corroborat, sive isthoc eo consilio Imperator egerit, ut Venetos pacis opinione delusos certius opprimat, sive reipsa nondum certus, cui hostium bellum facturus esset.

Erant in Aula Turcica Principes viri Mehemetes, & Mustaphas; 1569. ille supremus Vezirius, hic Cairi, seu Mempheos Præfectus, uterque summæ autoritatis, quique non infeliciter ferrum in hostes Imperii strinxerant. Et Mehemetes quidem veterem gratiam, qua apud Solymanum florebat, recenti beneficio firmiorem effecit, dum Szigethum, extincto Imperatore, continuata oppugnatione fregit, & dissimulata morte, Selymo spatium concessit, sine perturbatione domesticæ quietis Regiam occupandi. Claritudo deinde bellicæ scientiæ, quæ hominem sine invidia supremæ armorum præfecturæ admovit, facile omnibus Purpuratis superiorem ostendit. Sed Mustaphas Cairo per eos dies reversus (etsi Selymi iram incurrerit, quod Arabiæ populum rebellantem mollius tractasset) placato Principe, gratia præire

B b 3

videba-

A) Nonnullis Historicis Machometes, & Mahometes. Hic idem est, qui a sicario percussus obiit anno 1580. B) Anno 1568. C) Obiit Joannes Sigismundus anno 1571. & cum eo stirps virilis Zapolyianæ, sive Deakianæ prosapia. Ejurato Luthero, Ario infelix Princeps adhæsit. Successit in principatu Stephanus Barthorius tum a Selymo, tum a Maximiliano confirmatus, primusque Principis Transylvaniæ titulum sumpsit, ac posteris transmisit. Joannes Sigismundus jam Rex, jam Princeps a suis appellatus.

A. C. videbatur Mehemetem. Quippe vetus necessitudo domi, bellicue firmata, 1569. inter utrumque intercesserat, maxime Bajazethe fratre debellato. Postea quam enim fraternæ acies in campis Iconientibus suorum Principum odii induissent, ac armis propugnassent, Selymus non multum bellicosus fugæ magis, quam pugnæ intentus erat. Mustaphas, ne immatura fuga exercitum suum proderet, sonipedis fræno fortiter arrepto, Principem in campo detinuit, plenamque hoc facto victoriam confecit. Istud homini alioquin in aula accepto gratiam, auctoritatemque longe maximam conciliavit.

Ambo itaque in deliberationem adhibiti, Venetisne, an Hispanis arma inferenda essent? non minus in senatu sententiis, quam in aula gratia concertarunt, Principisque animum perpetuis dissidiis distrahere. Mehemetes in Africanam expeditionem inclinabat, *eo utiliore honorificentioreque ditans, quo justius contra Hispanos, Africæ inbiantes, arma induere, & Mauris, Mahometanæ religionis hominibus, opem ferre addecet Principem. Possè ex Africæ litoribus facile flexu classem Ottomanicam converti in Hispaniæ provincias, & afflictam Maurorum gentem, Mahometanaque sacra pristinae libertati reddi.* Mustaphas contra: *Cyprium regnum magnificis verbis Imperatori ostentabat, agrorum fertilitatem, divites metalli venas, aliaque felicissimæ insulæ beneficia non parce dilaudabat.* Ad extremum conficiebat: *summo dedecori ducendum Imperatoribus, tot annos Venetorum juri insulam relictam, in visceribus Turcici Imperii positam. Vindicaret hoc probrum classe armata: una expeditione tota Asia depelli posse elatos Dominos, thesaurisque maximis interverti.* E Caramania perbreve cursum in Cyprum patere, quam tanto facilius victor exercitus subjugabit, quanto securius Veneti, excusso belli metu, quietem somniant. In eandem sententiam conspiravit Pialis classiariorum Præfectus, Mustaphæ addictus, ejusque fortunæ in nexus. Istorum auctoritate visus est flecti Selymus in Cyprium bellum. Neque Cavallum A) latuit, quæ faba in Venetos cuderetur, rumore evulgato Byzantii; proxime classem emittendam in piratas, quos Cyprus ad perturbanda mortalium commercia aleret, & contra jus gentium sæculo semper hospitio exciperet.

Sed validior aries Selymum pulsavit, ut Venetos bello persequeretur. Joannes Michesius gente Hebræus, homo multis sceleribus illustris (juvat enim triste Annalibus nomen pluribus prode) Hispania exactus, metu superstitionis male dissimulatæ, Venetias petiit, egitque cum Senatu de attribuendo domicilio Judæis, in aliqua ditione Veneti juris. Rejectus cum indignatione Reipub. Byzantium, sceleratis certum perfugium, contendit primum, ubi nuptiis cum opulenta Hebræa initis, ad divitias immensas pervenit, dein ad Selymum tum temporis in Cilicia agentem invisit. Facile e fraudibus, technisque compactus nebulo, in familiaritatem Principis, fœdis amoribus dediti irrepfit, tantumque in aula antecessit alios gratia, quantum assentandi studio, novisque voluptatum illecebris omnes vincebat. Hoc artificio devinctus Michesio Selymus, a Patre Solymano impetravit, ut Hebræi civitate per Imperium donarentur, quod a Venetis nuper negatum. Sed nondum beneficium absolvisse sibi videbatur Princeps, nisi eundem in secretiorem senatum adlectum, perpetuo ad latus haberet, omniumque arcanorum participem faceret.

Imperator salutatus eodem animo in Michesium fuit, negotiorumque molem cum eo communicavit tum maxime, cum Mauri in Philippum II. arma sumpserunt, opemque Turcarum postularunt. Michesius etsi prima fronte hujus sententiæ patronum ageret, Mehemeti benevolentia propior, quam Mustaphæ; tamen inspecta altius Principis sui mente, ut erat aulicarum artium intelligens, in partes Cyprium bellum suadentium, levissimi ingenii homo, se transdidit, recrudescenteque odio in Venetos ob datam repulsam, ancipitem Selymi animum in hanc sententiam unus ipse tra-duxit. Haud contentus suppeditasse consilium, præclaram, si Superis placet,

A) Apud Comitem Natalem L. XVIII. Marinus Caballus nominatur.

cet, operam addidit. Pulcherrimum illud, atque omni apparatu navali A. C. instructissimum Venetorum armamentarium, per nefarios homines uno 1569. incendio absorpsit, tanto successu, ut turres, pulveris pyrii receptacula, eodem infortunio correpta, ac eversa, toti civitati supremum exitium intenterint. A) Fatis benignioribus debebatur, quod ingens vis confecti pulveris? in belli usum Corcyram averta fuerit; secus excisis Venetiis, urbe urbium amænissima, unius hominis scelere in Cypro debellatum fuisset. Tantum excitare vel in aquis incendium valent accensæ unius in pectore odiorum faces.

Hanc stragem consecuta est incredibilis omnium rerum penuria, qua 1570. non Veneta modo urbs, sed & circumjacentes agri misere afflictabantur. Hæc erant funestissimi belli sat infausta initia. Selymus his magis in bellum Cyprium inflammatus, Cubatem Chaufium Venetias expedit, cujus adventus civium animos tristi augurio implevit. In Senatum admissus sui Principis mandata patefecit. Inter cætera aiebat: *Selymo, totique Imperio vehementer dolere, quod piratæ Christiani nominis, myoparonibus suis, Turcica navigia non mediocri detrimento affecerint, mercatores solita navigatione, portubus amicis prohibuerint contra induciarum leges, ac mutua utriusque partis fœdera: quodve crimini datur Venetis, illud esse, quod hoc pessimum genus hominum suo quodammodo sinu foveant: Cyprum, tanquam communem piratarum sedem, illis incolendam concedant. Quapropter ut justam irati Imperatoris ultionem antevertant, traderent Cyprum, promptoque obsequio imminentes belli calamitates redimerent. Meminissent in hanc insulam dominatos fuisse Ægypti Reges, quorum possessiones cum jure armorum occuparint Majores sui, non aliena, sed sua repetere. Quod si renuant pacatis rebus insulam tradere, tum se coactum iri in arma, ad pœnam de injuria, deque pervicacia sumendam.* Veneti imperiosam petitionem aversati, negarunt se Cypro cessuros, quam hæreditate adierant. Et quamvis domi ab armis male instructi essent, tamen quod sperarent Christianos Principes auxilio adfuturos, qualemcunque defensionem in publica illa calamitate parare, quam nobilem portionem Asiæ, solo armorum terrore ostenso amittere, maluerunt.

Juvat altius celeberrimæ insulæ fata repetere. Cyprus ære, frumento, vite generosa nobilis inter Ciliciam, & Syriam posita, e gremio suo Reges habuit, donec Alexander Macedo, orbis terror, subjugata Asia, Cyprum pariter sui juris fecisset. Eo sublato Imperium amplissimum Principes, Ductoresque militum ita divisere, ut paulo ante Regis ministri, specie Imperii alieni procurandi, ingentia invaserint regna, auctaque cupiditate dominandi (nempe SORDENT plurima quæque, cum majora sperantur) alter alterum bello petierit. Ex quo Cyprus Regibus Ægyptiis paruit, quos tamen Romani ea possessione deturbarunt. Horum Imperium cum mole sua laboraret, Flav. Val. Constantinus, cognomento Magnus, translata Byzantium Imperatoria dignitate, novum dominatum in Oriente fundavit, vastumque Romanorum Imperium, quo facilius regeretur, in plura capita partiri cœpit. Sed jam tum barbarorum armis Cyprus evastata, alienis Dominis servivit. Invalescente Saracenorum populo in Oriente, semel, atque iterum fere eversa: tandem sub Nicephero Phoca Imperatore ad Byzantinos rediit. Andronico Comneno rerum in Oriente potito, Isaacius quispiam e Ducarum stirpe, defectionem molitus, insulæ hujus principatum arripuit. Tyrannide occupata, cum non minus in Cyprios, quam externos ferro, & igne grassaretur, & Richardi Angliæ Regis navigia per tempestatem disiecta vexaret, male partum dominatum amisit. Insula Gvidoni Lusignano, qui a Saladino Hierosolymis exutus fuit, tradita, duodenos Reges continenti serie, eadem e stirpe numeravit. Jacobus ultimus Regum, Cypro sua ne excideret, late jam dominantibus per Asiam Ottomanis,

A) Annales Turc. Famianus Strada L. V. Dec. I. & Daniel Hartnaccus in suo Conspectu bellor. Turc. ad annum MDLXX.

A. C. manis, accepta in conjugem Catharina Cornara Veneta, fœdus percussit 1570. cum Venetis. A morte Jacobi Cornara domesticis turbis jactata, & mox filii morte, admodum adolescentis ægra, regnum Cypri, e testamento Jacobi, Reipub. Venetorum cessit. Multos annos in eam insulam dominatis, ut hæreditatem nobilissimam conservarent, armis agendum erat.

Itaque primi in hosticum classem procurrere jubent. In Albania initium bello datum est adeo feliciter, ut paucos intra dies castellum (Cestriam, sive Suppotoum dictum) rupi impositum, expugnarint Duce Sebastiano Venerio Corcyræ Præfecto. Eodem tempore altera classis, quo propiora auxilia ostentarentur Cypriis, ad Peloponnesum applicuit, & arcem sinus A) Mainensis, victricibus armis ad deditionem compulit. Arx suis munitis spoliata, ac funditus pulveris sulphurei vi in auras ejecta, tanta cum vehementia, ut Byzantina classis exaudito procul fragore, tanquam ad belli tesseram in Cyprum continuo cursum flexerit. Gerebat præfecturam classis Pialis; copiarum vero terrestrium Mustaphas, uterque clarus triumpho Africano, uterque suavor præcipuus Cyprii belli. Hos de industria expeditioni præfecit Selymus, quandoquidem ei probe constaret, PLURIMUM in bello referre, ut consilii actores sint, qui fuerint authores.

Et illi cum exploratum haberent, urbem Nicosiam, Cypri caput, nec milite, nec annona, nec cætero apparatu satis armatam, toto impetu in eam ferebantur. Quippe Veneti decepti rumore de Famagusta oppugnanda, eo vires converterant. Exeunte Julio B) Mustaphas ad Amathuntem copias exposuit, atque inde profectus, Nicosiam arctissima obsidione clausit, Piale ad classem relicto. Nicolaus Dandalus (Joan. Bapt. Vero, Patavino Canonico, rerum Venetarum Scriptori Dandulus) urbis Gubernator, etsi justæ oppugnationi parem apparatus non haberet, tamen quod Venetam classem ad Peloponnesum, & Cretam excubare sciret in Cypri defensionem, maximo animo barbarorum conatibus semet opposuit. Sive enim in castra prorumperet, sive illi impressionem tentarent, Dandalus cum suis victoriam retulit. Pialis Purpuratus, cum Venetorum classem in anchoris hærentem conspiceret, neque pugnam commissuram conjiceret, pestifera lue eam in dies depascente, Alym, belli Legatum, cum vicenis millibus armatorum, ad accelerandam oppugnationem mittit. Eodem tempore Hispanæ triremes in Cretam secundis ventis pervenere. Hoc subsidio tantopere accreverunt animi Venetis, ut Pialem junctis viribus invadendum existimarent. Sed Hispanorum cunctatione, quod dissuaderent classem non esse committendam unius prælii fortunæ, effectum est, ut Nicosia ante caperetur, quam classis e Creta solveret.

Nam Mustaphas recenti milite auctus, quaterna propugnacula uno, eodemque tempore impugnavit, jussique armati in mœnia eniti, tanta ferocia in opus incumbunt, ut rejectis, cæsisque propugnaculi (cui Podocattarum c) nomen erat) defensoribus, aditum patefecerint in urbem. Elatus a Turcis clamor, qualem victores edere solent, a ternis propugnaculis defensores pariter retraxit, ac in præcipitem fugam abegit. Instant barbari celeriter, agmineque quadripartito in urbis interiora penetrant, civibus, præsidariis subita irruptione consternatis, nec satis concordibus inter se: DUMQUE singuli seorsim sibi consulunt fuga arrepta, abjecta publicæ rei cura, privatam simul omnes amisere. Itali tamen intrepide se obtulere suo cum Ductore Comite de Rocas; sed Duce glande percusso rursus profugantur. In foro renovata dimicatione, dubio aliquamdiu Marte pugnatum fuit. Namque oppidani, ubi vident se fuga elabi non posse incumbente hoste, resumpto animo, victoribus frontem obvertunt, ferrumque non impigre tractant. Nempe AD defendendum natale solum acrius multo unum quemque patriæ memoria, quam peregrinum, æreque conductum militem gloria exstimulat. Verum cum omni ex parte non pedites modo, sed & equi-

A) Maina, sive Leuſtrum, juxta sinum Laconicum in Morea. B) Annales Turcarum. C) Comes Natalis Lib. XXI.

equites effractis portis eo convolarent, multitudine circumventi, jugu- A. C.
lantur. 1570.

Dandalus sumpto lautiori vestitu, sive ut eo cultu corporis vitam mercaretur, sive potius ut victorum insolentiam in se avocaret, hostibus ultro se obviam dedit, a quibus capite truncatus, in communi illa jactura cladem auxit. Caput hastili præfixum, superbe in castris, ac deinde juxta mænia Famagustæ circumlatum fuit. Cæsa sunt eo die (decima Septembris) viginti circiter millia: e nobilitate pauci vinculis asservati. A) Urbs directioni data victoribus, quamvis diuturna pace opulentas hæreditates civium, suo nobilissimo emporio in immensum accumulassent, tamen avarissimis hominibus, quidquid repertum in arcis, infra expectationem erat. Mustaphas ut victoriæ fructum, æmulorum invidia longe minorem ad Selymum perlatum, reipsa Byzantinis palam exhiberet; auri argentique vim magnam, præter spolia, manubiasque opulentissimæ urbis in duo navigia, ac myoparonem imponit. Inprimis vero egregios forma adolescentes, puellasque omni fere insula conquistæ addit (gratum utique donum, Imperatori fœdarum voluptatum mancipio) traditque omnia quadringentis prætorianis militibus Byzantium deportanda.

Fluitabat alto mari, ventis in cursum conspirantibus, nobilissima præda, & jam sui fama Byzantinorum animos in amænissimum spectaculum exacuebat. Myoparone vehebatur Cypria Virgo (Arnaldam Rocasiam Annales nominant) inter captivas, quæ secum reputans, quid evenisset patriæ, quid suis; quid sibi in Selymi potestate eventurum esset, magnum quid animo agitare cœpit. Et jam e portu inter militum, nautarumque clamores, ad duo milliaria processerant; cum milite nitratum pulverem extrahente ad usum tormentorum, intervenit inibi puella cum lumine. Enimvero nacta patranda facinoris opportunitatem ardente in animo flamma, respectans modo patriam, modo cœlum, propius repente profilit, ac deliberata morte ferocior, ingenti sane ausu intra ea receptacula ignem jactit.

Emicuit illico feralis flamma, magnoque fragore avulsa a sedibus suis tabulata, atque in altum excussa, rapuere simul eadem vi, semiusta hominum corpora; permistaque, & conglobata omnia in aquam decidere miserabili sonitu. Cæteri aut collisi invicem, & consauciati, aut incensi, exceptique undis expiravere. Nec se intra myoparonem continuit clades. Fragmentis hominum, tabularumque ex alto late decidentibus, corripuit ignis proxima navigia, horæque unius spatio, quantum erat toto regno corrasum prædæ, hominumque, quatuor exceptis, ex quibus rei series dein cognita, in oculis insulæ, Mustapha ipso triste incendium inspectante, consumptum est. Sic una captivarum, sive hostium odio, sive amore pudicitiae, præsentis certe consilio, eadem opera & Ottomanici Ducis ambitionem fregit, & se, suosque subtraxit servituti, atque dedecori, ac in medio pelagi, aquarum diluvio fœdos amores sepelivit.

In hunc modum Nicosia B) capta est, dum Christianæ classis Præ- 1571.
fecti non jam sententiis modo, sed & animis discordes, inutili consultatione disceptant de inimica classe incurfanda. Certe rumor acceptæ cladis adeo mœrore Doriam affecit, ut statim in Siciliam vela expanderit, desertis Marco Antonio Columna Pontificiæ, & Venerio Venetæ classis Præfectis. At Mustaphas victoriæ cursum non interrupturus, visâ præcipue alacritate militum; Famagustam ejusdem insulæ urbem, decimo Septembris eodem adhuc anno suo exercitu obsedit, quamvis hiemem non longe abesse sentiret. Erat illa ingenio loci, Venetorumque industria firmis adeo operibus permunita, ut quantamcunque hostium vim facile superare videretur. Sed cum mænia

A) Annales Turcarum. Joannes Bapt. Verus L. IV. B) Joannes Bapt. Verus loco laudato, pag. 253. At Daniel Hartnaccus (nescio, ex quo fonte hauserit) memoriæ prodidit in suo Conspectu Bellorum: „Nicosiam ignavia Danduli amissam, cujus eum Pisaurus Patritius Venetus coarguit. „

A. C. libertatem urbium salvam, integramque præstare non possint sine robore 1571. virorum, eo immissi sunt cum veteranis cohortibus fortissimi Duces, M. Antonius Bragadinus, Astor Bellionius, & Ludovicus Martinengus, quorum consiliis, fortitudine in mensem undecimum oppugnatio protracta est, Mustapha prope in desperationem actus. Pialis, ne quid auxilii Famagusta acciperet, perdiligenter portus maritimos stationibus sepsit. Neque Alys Purpuratus cum altera classis parte, minorem operam ad subjugandam Cyprum posuit, igne, ferroque depopulando insulas Veneti juris. Cretam, Cytheram, Zacynthum, Cephalleniam partim incendio, partim direptione evastat; Suppoutum interfectis defensoribus, cum Manuele Murmurmio Præfecto intercipit: Dulcinium a) in limitibus Albanie, Dalmatiaeque situm præsidium, deditione capit, præsidariis, civibusque in Turciam deportatis.

Sic conjuratis animis, viribusque, Ottomani in excidium Famagustæ alacres ibant, quæ longa oppugnatione fracta, jam jam animam agebat. Nam cum Bragadinus dies, noctesque ictibus tormentorum, arcere vellet hostes, eorumque aggeres, cæteraque castrensia opera crebris eruptionibus inquietaret (quamvis plerumque suorum virtute excubitores opprimeret, tormentaque corrumperet) ad inopiam bellici apparatus devenit, & fortissimos quosque amisit. Quamobrem parcior erat in impetendo hoste, neque suis potestatem fecit procurrendi. Paulus quidem Querinus, b) vir intrepidi animi, mille sexcentos armatos duabus navibus Famagustæ intulit, tanto ampliorem laudem consecutus, quanto majori periculo, & victoria (septem enim hostiles triremes fugavit, tribus ex iis interceptis) laboranti urbi suppetias venit. Sed & istos quotidianæ impressiones, & cuniculi soluti absumpsere. Postremo decresciente numero præsidiariorum, annona pariter cum suppellectili bellica decreverat.

Ergo cives, quos primum fames vexare, & fortunarum jactura angere occepit (victoris iram nisi deditione anteverterent) Bragadinum adeunt, orantque, ne urbem mænibus nudatam, & ab hoste prope inessam, fameque, omni hoste sæviori, dire oppressam, ultimo furori objiciat. Præstita abs se omnia officia bonorum civium; & præsidarios in summa rerum penuria, summa virtutum specimina edidisse. Ille cum & deditionem aversaretur, & fidei Turcarum non multum tribueret, perstitit in proposito, lacinias afflictæ urbis extremis spiritibus tuendi. Mustaphas festinatis interim per iram accessibus, cuniculisque duobus feliciter solutis, ac insultu bis repetito ægerrime repressus, vicesimo nono Julii, adeo gravem tumultum, civibus fame passim expirantibus, metumque inter milites excitavit, ut timeret Bragadinus, ne populus ultimum tolerantiae jam expertus, hosti portas patefaceret. Itaque altero die deditionis signum dedit,

Erant conditiones admodum molles tradendæ urbis, nempe: liceret præsidariis pompa militari excedere, oppidani avita libertate fruerentur, religio nemini fraudi esset. Has ipsæ Mustaphas manu sua firmaverat. Vix urbem ingressi Turcæ, sine discrimine sexus, ætatisve in omnes sæviunt, arcas effringunt, & quidquid insolens victoria armatis suadere solet, ferociter agunt, consulto utique Mustapha, vehementer irritato, quod parva militum manu, Famagusta tot menses defensa fuerit. Hic Bragadinus Imperatoris fidem, dexteramque implorare, utque a direptione fortunarum, civiumque cæde suos cohiberet, per internuncium rogare. Ille quasi ignarus omnium, modum impositurum felicitiae militari pollicetur; additque; se cupiditate flagrare coram intuendi Heroem, cujus virtute urbs suis ruinis confecta, adversus tot copias in eum diem invicta steterat.

Adfuit

a) Dulcinium, Italis Dulcigno, aliis Olchinium, seu a Colchis conditoribus Colchinium, propugnaculis firmum cum portu. b) Hunc Joannes Sagredo M. Antonium Querinum nominat: Joannes Bapt. Verus Marcum Antonium Quirinum.

Adfuit Bragadinus in nobilium comitatu virorum : quem simul A. C. lata humanitate primum amice acceptum liberaliter habuit; at posita mox 1571. larva comites primum trucidari, deinde ipsum Bragadinum, naso, auribusque male mulctatum, postremo pelle exutum, totoque corpore foede dilaceratum, in multas partes concidi jubet. A) Hoc velut classico incitati victores, rursus in prædam, cædemque civium feruntur, alios suppliciis laniant, alios in vincula conjiciunt. Postquam urbs incolis exhausta victorum iris pabulum subtraxit, in aras, & cruces insanam rabiem effundunt, omniaque Divina, humanaque jura contemtim habent. Sic violata fide, Famagustani cives misere partim interfecti, partim Byzantium abducti, nobilissimam urbem, Cyprumque Ottomano cessere non sine strage victorum. Nam sexaginta millia (Brietius octoginta millia annotavit) ea oppugnatione cecidisse constans fama obtinuit. B) Mustaphas sua interesse arbitratus, non minori cura parta tueri, quam aliena invadere, validam manum suorum militum Cypro reliquit; ipse vero altero triumpho illustrior Byzantium abiit.

Perdita Cyprus non parvo dolore, pudoreque concussit foederatam classem, quæ bello Cyprio exardescente, Christianorum Principum studio, in communem hostem comparata, sive discordia Ducum, sive æmulatione, invidiaque nationum nullo operæ pretio (nisi fama sui, & consumpto militum ardore) Adriatici maris litora, aut Peloponnesi oras ingloria legebat. Hoc tandem anno Joanne c) Austriaco, Philippi II. Regis Hispaniarum Fratre, novo Duce instructa, novos simul animos in Asiam advexisse videtur ad victoriam, longe celeberrimam, de jurato hoste reportandam. Et profecto, hunc nisi Imperatorem nacta fuisset, aut sine pugna ad patrios lares reditum fuisset, aut certe hostes ut alias triumphassent. Præerat tum temporis classi summo jure imperii Alys, & Pertaves Purpurati (exauthorto veteri Præfecto Piale, quod per negligentiam dicerentur Famagustani accepisse auxiliares copias) sinumque Corinthiacum obtinebant. Adventante classe Christianorum, disceptatum inter Duces: an signa conferenda; an vero pugna abstinendum? Pertaves etli pronos plerosque Præfectorum in pugnam intelligeret, tamen non sine omnium admiratione arma dissuasit in belli d) senatu, sententiæque suæ causas attulit. *Inimicam classem, qua spes, viresque Christianæ Reipub. vehuntur, invadere optatis Proceres. Videte, ne in hac unica dimicatione, partas hoc anno victorias corrumpatis. CAUTI, sapientisque Ducis præcipuum munus arbitror, non sua tantum vota, viresque, sed & hostis expendere, secumque sedulo, & quasi subdolis rationibus reputare, quem sibi, quem hosti fructum afferre possit secunda, aut improspira belli fors. E captivis didicistis, hostium classem rebus omnibus superiorem, & quod caput rei, uni Imperatori obsequentem. Non ea profecto confidentia huc appulsa esset, nisi certi de victoria de nobis triumphum præcepissent. Classarii nostri partim morbis, partim præliis fracti, vix primos sustinebunt impetus. Sed demus nos superiores fore maritima pugna; an propterea uberiores fructum reportabimus acceptis vulneribus, sanguine profuso, quam si pacati stationem istam tenuerimus, & nonnisi la cessiti ferrum opponamus? aut necessitate adacti Cyprum ostensis eminens armis tueamur? Quanquam Cypro nihil metuum, quod facile intelligam Christianorum classem hac tempestate eo vela non daturam. Imo si paucos dies quietem ferre possimus in hoc securissimo portu, nulla arte in pugnam nos extrahi sinamus, spero futurum, ut consumpto pugnandi æstu, opinione celerius in patriam retrocedant, & sine pugna eundem victoriæ fructum capiamus. Verbo; festinationem hostibus, moram nobis utilem futuram spondeo.* Qua-

Imp. Ottom. Tom. I.

C c 2

re

A) Hartnaccus in Conspectu Bellorum, paulo aliter necem Bragadini narrat his verbis: „ Marcus Antonius Bragadinus urbe egressus, contra datam fidem vivus deglubebatur, Tribuni palis figebantur, militibus promiscue interfectis, civibus ad transtra religatis, aut venundatis. Facta deditio Famagustæ tarditate auxiliorum, deficiente annona, & pulvere pyrio. „ Hæc ille. B) Scriptores numerum cæsum multum augent. Nempe unum solatium victorum, qui dum ferro non possunt, calamo non parce superiorem hostem interficiunt. c) Hujus Imperatoris res bello gestas Fam. Strada compendio recitat Lib. X. Dec. I. de Bello Belgico. d) Annales Tunicarum.

A. Cre cum in hac, quam sponte suscipitis, expeditione, par prope utilitas ma-
1571. neat, siue praelio decertemus, siue quiete autumnum transmittamus, censeo
ab huiusmodi invasione temperandum, & hosce spiritus, magnos potius,
quam quæstuosos, in præsentia contrahendos.

Verum Alys cum cæteris, qui deliberationi intererant, Præfectis, pugnae avidus, Pertavis sententiam graviter perstrinxit, remque plenam decoris asseruit, si invicti Imperatoris classis, tanquam capta, in sinu Corinthiaco in anchoris staret. Addidit Ulucialis Tripolitanus Dynasta, ab ingenio nihil mitior Aly Purpurato, gravissimum Selymi edictum, quo iubebantur omnem opportunitatem arripere, cum Christiana classe signa committendi. Atque istud tandem operosæ deliberationi finem imposuit, omniumque mentes in pugnam abripuit. Itaque sex millibus peditum e Peloponneso adductis, ac in navigia acceptis, in altum educta classis, sinum Corinthiacum deseruit. Dextrum cornu ductabat Ulucialis, sinistrum Mahometes Sirochus Alexandriæ Præfectus, mediam aciem Alys, & Pertaves obtinuerunt. Hoc ordine secundis ventis subvecta classis, Christianos plenis pariter velis ad Echinadas insulas a) cursum festinantes excepit. Joannes Austriacus, ubi vidit hostes ultro in pugnam prodiisse, spe victoriæ plenus, signum dimicationis edit Nonis Octobris. Concurrentibus navigiis, prælium committitur Turcis improspere, cruentumque. Ulucialis primus, Andreae Doriæ triremes aggressus, nautarum celeritate elusus est, cum ii in altum provecti extra teli ictum substitissent, redituri in pugnam, ac sociis opem lataturi, si res postularit.

Sed in media acie, quam Austriacus impolit, præprimis pugna ferebat. Præstabat ille quidem navium magnitudine, numeroque, ac nautarum peritia; verum Alys Purpuratus, quem prætorianæ cohortes stipabant, non minus agendo, quam hortando promptus, incredibili fortitudine non sustinuit modo ænearum machinarum ictus, sed etiam cominus ausos congregari, & insilire volentes in prætoriam, qua vehebatur, non semel repulit, ac victoriam diu ancipitem, unus prope ad suos certam transtulit. Tum Alexander Farnesius, Parmensis Dux, Austriaco non minus sanguine, quam militari virtute conjunctus, pudore juxta, ira que incitatus, arrepto prægrandi gladio, in prætoriam generoso saltu se librat, ac circumducto utraque manu ferro, fortissimos hostium trucidat, viamque aperit militibus suis, prope expugnatum navigium omni ex parte incendendi. Periculum sui Ducis, Ottomanis non segnes tulere, qui amisso alibi certamine duabus triremibus accurrerunt. Sed jam Alys e minori tubo confectus auxilio non eguit, cujus caput cervicibus avulsus, ac præalto malo subfixus, quantum vigoris Austriaci militibus suffecit, tantum suis ademit.

Eodem tempore Alexandrinus Præfectus, etsi initio prospere conflixerit, Augustino Barbarico Veneto, qui furentem sustinuit, ob oculum sinistrum sagita percussus excedere coactus; tamen a Joanne Cantareno multis vulneribus confossus vitam, & victoriam cessit. Binis Ducibus in conspectu pugnantium cæsis, mirum dictu, quantopere rerum facies continuo mutata. Turcæ quasi spiritu Præfectorum eatenus pugnant, amissis iis, in una fuga salutem posuerunt. Ulucialis discrimine classis animadverso, cum per Doriæ spatium elabendi nactus fuisset, cum triginta circiter triremibus, virtutis Christianorum testis in tutum evasit. Excusavit quidem factum Doria; non absolvit eum publica fama, quasi timore percussus, longius abierit cum parte suarum navium, ac aciei ordo postularit. Pertaves infelicis pugnae dissuasor, inter tumultum fortuna benigniori usus, Peloponnesum cum paucis comitibus tenuit. Hunc in modum sex horarum spatio profligata classe Turcarum, locum Actiaca olim victoria ab Cæsare Octavia-
no

a) Locus maritimæ pugnae theatri faciem refert videtur, continente sic cinctus, ut præliantes omni ex parte conspici potuerint. Adi L. XXII. Comitum Natalis. Nicolaus Parthenius Giannettasius e S. J. L. III. Nauticorum de hoc prælio legendus, ubi mirum quid de ventorum tempestate, dum pugna cæpta.

no relata percelebrem, tanto magnificentius nobilitavit Austriacus, quanto A. C. sanctiores causæ pugnam suasere. Centum septuaginta navigia intercepta, 1571. triginta merfis, cum omni præda victoribus in præmium venire, præter quinque millia captivorum, inter quos Alys Purpurati filii bini, paterni infortunii hæredes, Romanam in urbem a Columna in triumphum abducti, diu ærumnas sensere. Denique triginta millia aut pelagus, aut ferrum hausit. A) Hac obtenta victoria nihil deinceps gestum a foederata classe, sive jam hiems instaret, sive discordia Duces committeret. Discedentibus Austriaco, & Columna, Venerius profecturus victoriam, Margaretam, Albanæ oppidum, Turcis eripit, castello igne delet, Suppotoum iterum Dominos suos mutare coactum, Albanos primum accipit, dein Venetos, a quibus pace composita Selymo restitutum fuit. B)

Ulucialis, quem cladem effugisse memoravi, ut victoriam foederatae 1572. classis elevaret, contractis e vicinis portibus navigiis, fluitantibus signis captarum quondam navium, ac displois magno numero tormentis, Byzantium portum triumphanti simillimus intravit. Qua simulatione urbem luctu, mœroreque depressam ob classis iacturam, ad publicam lætitiā revocavit, sive ipsa odio haberet, taciteque damnaret nihil profuturum mœrorem, sive re ipsa decipi vellet hac qualicunque specie insanientis Ulucialis. Et Selymus, quem non tam perditæ classis nuncius, quam insolentia dicacis populi (qui exuta Principum reverentia, victos in prælio Dominos aculeatis diæteriis proscindere minime veretur) perculit, delectatus magnopere hac ludicra scena, victoris si non sustinuit personam, victi certe, quam ante adventum nugatoris gesserat, palam exiit. Igitur Uluciali provincia maris demandata, exeunte hieme classis suppar priorum annorum, Byzantium penitus recreavit, acceptoque comœatu Peloponnesum adiit famam reparatura. Foederati sero admodum veterem arenam ingressi, classem suam Turcicæ non dubitarunt opponere, etsi Joannes Austriacus cogendo militi intentus, nondum adesset. Ulucialis inter fugæ consilia, quasi pugnam oblaturus, classem suam adeo prope admovet foederatorum navigiis, ut tormentorum ictibus se mutuo infestare potuerint. At multo fumo præpediente aspectum, Ulucialis vetus, cautusque miles, sollicitatis remis, velisque intutum evasit, amissis undenis triremibus ad Maleæ promontorium, quæ in præsentī prælio male mulctatæ, dein Austro pelagus everberante, fluctibus cessere.

Joannes interim Austriacus veteranis copiis Corcyram (quo honoris causa obviam processit classis, summo armorum Præfecto, non sine ingenti temporis dispendio) advectis, tantam alacritatem Foederatis indidit, ut pugnam uno ore omnes conclamarent. Austriaco non voluntas, sed oportunitas defuit cum hoste congregiendi. Quippe Ulucialis subducta classe in Methones portum, conatus Christianorum aut spectando eludere, aut astu intercipere sine prælio decreverat. Et revera patuit callidum Ducem, nulla arte in pugnam elici potuisse, quamvis Austriacus oblato sæpius certamine classem explicaret, signisque canentibus, quasi totidem conviciis hostem irritaret. Unum supererat, quo firmatam propugnaculo classem extraheret in apertum mare. Navarinum haud procul Methone situm, terrestri

C c 3

reſtri

a) Annales Turcarum viginti quinque millium meminere. Anton. Sandinus in Vitis Pontif. seculo XVI. hunc in modum scribit: „Ejusdem (Pii V. Pont.) auspiciis, ac precibus relata est ad Echinadas victoria de sempiterno Christiani nominis hoste Turcarum tyranno, quam divinitus didicit eadem hora, qua parta est. Erit hæc seculis omnibus admirationi. Nulla post hominum memoriam classis prostravit tantas opes. Sine magna Christianorum elade amplius XL. hominum millia cæsa, X. amplius millia capta, CXC. triremes, aliaque complura navigiorum genera redacta in potestatem Foederatorum, ac plus XV. Christianorum millia reddita libertati. Haud humanæ inde opis videri tanta victoria potuit. Itaque Deiparæ Virginis Pius acceptam referens, commemorationem instituit S. Mariæ de victoria Nonis Octob. quo die Turcæ devicti, recolendam, ac litanis ejusdem Virginis inseruit: Auxilium Christianorum ora pro nobis. Pii V. Successor Gregorius XIII. ad grates agendas Mariæ Virginis instituit Festum SS. Rosarii celebrandum in singulis Ecclesiis, ubi esset Altare Rosarii, Dominica prima Octob. quo die ea victoria parta. Clemens XI. Universæ Ecclesiæ commune esse voluit, & Breviario Romano Benedictus XIII. inseruit. „ Hæc Sandinus. b) Ista uti & victoriam Austriaci ad annum sequentem Annales Turc. referunt.

A. C. restri aggreſſione frangendum Alexandro Farnesio committit. Ille acceptis
 1572. ſecum bellatorum millibus omnino ſex, bipartito exercitu arcem majoribus tormentis verberare aggreditur, ſpe non vana concepta Navarienſes expugnandi. Et credebantur propediem deditionem facturi, cum partim Methone, partim e proximis locis confluentibus barbaris, & introducto in arcem novo milite per occultos montium calles, quos Farnesiani occupare neglexerant, veritus Alexander, ne omni reditu excluderetur, convulſis propere ſignis, copias, tormentaſque claſſi reſtituit.

Auſtriacus quando ne diſcrimine quidem Navarini in aleam uniuerſi certaminis Ottomanos e portu extrahere poterat, reditum in Siciliam meditabatur; cum fortuitus caſus utramque claſſem e ſtatione ſua elicit. Annonaria navis Chriſtianorum, incerto rumore ferebatur apud utrumque exercitum adventare, & a Turcis vehementer urgeri. Ulucialis ſpe prædæ accenſus, ipſe partem navigiorum educit. Auſtriacus periculi annonariæ admonitus, in Ulucialem immittit parem navigiorum numerum: ſed ille pugnæ vitabundus, iterum Methonen regreditur, una ſolummodo triremi mulctatus. Ita tranſacta meliori autumnſi parte, Fœderati diſiſſa claſſe, animiſque, ad ſuos diſceſſere. Iſthæc maritima expeditio majori ſumptu, quam commodo ſuſcepta, hoc utilitatis attuliſſe viſa eſt, quod Turcæ contenti Cypro, & dominio maris ad Peloponneſum, pacem cum Venetis anno ſecuturo ſponte inierint.

1573. Diſſoluto fœdere, converſis in Africam armis, patuit conſilium Philippi II. Hiſpaniarum Regis, cur ſocietatem armorum deſeruerit. Nempe Africa ut monſtrorum, ita & multarum inter Regios Principes ſimultatum ferax, ad longe uberioſiorem meſſem gloriæ, & fruſtus invitaverat Philippum, & Joannem Auſtriacum, Juvenem bellicæ gloriæ cupidiffimum. Verum, ne votis, & expectationi exitus reſponderet, molitio rerum novarum Auſtriacum inuſta, prohibuit. Invaſerat Tunetum, maris Lybici Regiam, Amida A) filius Aſſanis, ſive Muleaſſis, abſente Patre, & ut erat projectæ audaciæ, effrenatæque cupiditatis regnandi, Aſſanem redeuntem, fraudisſque ignarum occupat, atque candenti ferro exuſtis oculis in ergaſtulum detrudit. Pari crudelitate in ſuos fratres Nahaſerem, & Abdallam bachatur. Non tulit hominis feritatem Abdamelechus patruus, qui ope Franciſci Tovarſi Hiſpani armatus, Tunetum intercipit, & arcem, mētitus Amidæ vultum. Huic poſt ſextum, & trigefimum diem regni, vita ſuncto, ſuccedit Machmetes filius, duos ſupra decem duntaxat annos natus, nondum per ætatem ſedandis turbis ſuppar. Leguntur e gremio Procerum primarii, quorum maturis conſiliis, ætas Principis injuriæ obnoxia, regnumque defenderetur.

Verum cum iſti multo crudeliuſ adminiſtrarent Rempublicam, quam ipſi Reges, cives excuſſo impotentis dominatus jugo, & Regem, & curatores loco moverunt. Amida occaſioni intentus, intellecta hæc rerum mutatione ſtrenuus advolat, urbem, regnumque apud leviffimæ fidei cives uſurpat. At non diuturnum regimen illi fuerat. Ottomanſi etenim, quorum potentia in Africa creverat, Amidam Regio ſolio deturbant, oramque illam maritimam ſui juris factam, Uluciali, cujus ductu, virtuteſque vicerant, gubernandam tradunt. Amida patriis fortunis ſemel, atque iterum dejectus, perofus fluctuantis aulæ procellas, Guletam, tanquam ſecurum rerum ſuarum portum, cum duobus filiis petit, privatam fortunam animo paciori, quam Regiam laturus. Sed dominandi libido inefſcatum pridem animum, in priſtinas turbas rapuit. Philippi Regis, & Joannis Auſtriaci opem, cujus nomen maritima victoria multum inclaruerat, cum literis, tum internunciis imploravit, pollicitus non annonam ſolum, apparatusque bellicum, ſuppeditaturum ſe, ſed etiam Tunetanum populum in Turcas concitaturum, modo claſſis Hiſpana, arma Africæ cominus oſtendat.

Habita fides barbaro. Auſtriacus veteranis legionibus in Africam trajectis, Tunetum, nemine reſiſtere auſo, capit; Biſertam admoto terrore ſubigit,

subigit, tanta nominis fama, ut fracta Turcarum, Maurorumque ferocia, A. C. in latibula sua refugerent armati, & metentem victorias sine sanguine Hi-1573. spano, eminus mirarentur. Amida, sive consilium accitæ Hispanicæ classis ferio damnaret, sive apud populares suos expeditionis istius author haberi nolle, sive metueret, ut ne Machmetes, quem Austriacus secum adveherat, summam principatus obtineret, nusquam comparuit. Jamque Austriacum suspicio occuparat, mutasse Regulum animum adversus Hispanum, dubitaveratque, num Amidam, num Machmetem Regia dignitate ornaret? cum ipsi cives Tunetani graviter læsi Amidæ sævitia, pro Machmete intercessere. Et Austriacus in hunc pronior, quod magis serviret scenæ, quam adornasse dicebatur, civium vota rata habuit, attributis Hispanis, qui Machmetis, aut verius Austriaci nomine regnum moderarentur. Ne vero ea facilitate excideret Tunetano regno, qua acceperat, munitionem inter Guletam, Tunetumque Gabrielis Serbellonii opera, propugnaculis, saxeisque operibus firmam excitavit, victorque in Italiam rediit. Alte offendit isthoc Philippum, quod jam certis indiciis teneret, Austriacum Regiam sedem in Africa sibi destinasse, suspicionemque intendit Gregorius XIII. Pontifex, qui agebat tum maxime de Joanne Austriaco, Tunetani Regis appellatione decorando.

Sed solitudinem, quantacunque Philippum habuit, Selymus non 1574. multo post deterfit, misso Sinane Bassa, & Uluciale cum validissima classe in Africam. Eo anno pestifera lues Cyprum, Ægeique maris insulas dire populata, Byzantinos subinde tanto furore, pervicaciaque invasit, ut plebsque classarios confecerit. Quam ob causam multum, diuque sudandum erat Præfectis, ut ex Asia, Europaque periti contraherentur, qui nautarum ministeria, remigumque obirent. Sinan ex Albania oriundus, qui Arabiam nuper rebellantem in obsequium coegerat, suarum copiarum partem in hanc expeditionem accepit: & Ulucialis non minus ore, quam manu promptus, sua dicendi facultate plurimos pellexit, ut Africanæ militiæ nomen darent, tanto concursu juventutis Ottomanicæ, ut legiones peste attritas abunde suppleverit. Prospera navigatione usi, exeunte Martio Africæ litora tenuerunt. A) Convocati e Meninge, Tripoli, aliisque Turcici juris oppidis, ingentem exercitum conflarunt. Serbellonius, vir summæ industriæ, Guletam utcunque tum novis operibus, tum milite firmaverat; sed quod Petrus Carrera minus strenue locum tutatus fuerit, hosti cessit; quamvis in tempore alia, atque alia auxilia a Serbellonio accepisset. Obtruncati sunt plerique prædiariorum; Carrera ignaviæ tulit præmium, vincula. Sunt qui proditoris arguant Carreram; at manifestum argumentum huic criminationi semper deerat, NISI forte prodere urbem dicendus sit, quisquis urbem impari animo suscipit defendendam.

Paulo atrocius ad novam munitionem, cujus Serbellonius author, defensorque fuit, certamen exarsit. Adductæ sunt eo omnes copiæ, viæque interclusæ, ne quid auxilii obsessi sperarent. Tum tormenta majoris formæ in mœnia obversa, dies, noctesque in propugnacula detonabant; eaque, quod paucos ante menses, celeriterque, nec satis firmo opere surrexerint, perpetuis ictibus cesserunt. Fortitudo nihilominus Hispani militis sub tanto Duce invicta stetit. Postremo terna propugnacula (accepere illa sua nomina a primariis Ducibus Africanæ expeditionis, nempe Joanne Austriaco, Doria, Serbellonio) invadunt hostes, & per ruinas telorum nimbo repulsis, cæsisque defensoribus propugnaculi, cui a Serbellonio nomen erat, ad intima munitionis penetrant. Serbellonius præsentis periculi commonefactus, relicto paululum propugnaculo Doriano, Turcas victoria lætos cum veterana cohorte aggreditur, ac fundit. Eodem æstu, dum suam stationem repetit, videt jam signa Ottomanorum mænibus defixa, suos palantes hinc illinc cædi. Ipse paucis comitibus stipatus, a pluribus circumventus capitur.

Guleta,

A) Classis immissa mari Ægeo Rhodum, Peloponnesum, Corcyram, Hydruntem, Siciliam prætervecta in Africam, sive Barbariam appulsa est.

A. C. Guleta, munitioneque in auras eiecta, victor Sinan A) ad delendos 1574. Hispano nomini addictos prorupit. Toto regno quaestiones habitæ, proditosque partium Hispanorum studiosos, satellitum furori jugulandos permisit. His e sententia gestis, tradita provincia Uluciali, Byzantium rediit cum ingentibus spoliis, gloriaque bellicæ fortitudinis. B) Serbellonius, Carrera, Machmetes, scenicus Rex, alique nobiles, catenis onusti triumpho pretium addidere. Sed Serbellonius in libertatem assertus a Gregorio tertio decimo, commutatione captivorum, qui navalis victoriæ reliqui in Adriana mole attinebantur, res præclaras egit in Belgio, Austriaco in paucis acceptus. Vir exactæ non magis ætatis, quam disciplinæ militaris exemplum. C)

Cum debellatum esset sex, & triginta dierum spatio in Africa, majora jam animo volvebat Selymus non sâne bellicosus Imperator. In Melitam, quæ Solymanum Patrem turpiter repulit, bellum coxit cum Purpuratis, cumque intelligeret præsidium primarii nominis vinci non posse sine maximis copiis; provinciarum Præfectis negotium dedit, ut militem conscriberent, cæderent ligna, materiasque comportarent ad maritima loca in classis constructionem. Mahometes Vezirius, & Sinan, qui jam cunctos in aula gratia anteibant, bellicum hunc apparatus non minus strenue, quam sapienter curarunt, Selymoque, ut tantos spiritus aleret, faces admoverunt. Sed Imperator curarum impatiens, morbo fatali correptus, paucos intra dies extinguitur idibus Decembris ætatis anno octavo, & quadragesimo, postquam summæ Imperii præfuit annis omnino octo, & tribus mensibus. Quamquam, ut erat a primis annis Bacho, Venerique deditus, molem Imperii non tam ipse cum dignitate sustinuerit, verum aliis potius gubernandam commiserit. Torpebat itaque omnibus Imperii annis, & principatus fortunam inertis luxu tenebat, medio diei temulentus, atque sagina gravis. Ab hoc uno facto laudem maximam a Scriptoribus consecutus, quod eos viros Imperio, copiisque præfecerit, qui bellicis artibus sub Solymano exculi, novis provinciis, novisque triumphis Byzantium ornarunt. TANTI est consiliis prudentum obsequi, licet cæteroquin inertem vitam Princeps duxerit. NEQUE enim Princeps, nisi recta consilia admittat, dare potest, aut exequi. Et Selymus quidem plerumque curarum vacuus, otium, foedasque libidines, otii comites, in deliciis numeravit, crebroque commessationibus, in seram noctem protractis, vino, aliisque potibus se largius proluit. Vitellium D) alterum obtinuisse Imperium diceret, adeo nemo in illa aula probitate, vel industria certavit. Unum ad favores iter prodigis epulis, & sumptu, ganeaque satiare inextinguibiles Principis libidines. Miles interea e disciplina Solymani factus, ingentes victorias retulit in campo, & non Selymo Imperatore dignus. Cadaver pro more gentis, apud ædem Sophiæ, Magni Justiniani Cæsaris opus, sepulchro illatum est. E)

AMURA-

A) Apud Scriptores etiam Sinanes legitur, quo nomine & ego aliquando utor. B) Daniel Hartnaccus in Conspectu Bell. Turc. ad annum MDLXXIV. Africanum hoc bellum paucis complexus est: „Tuneto, inquit, Goleta, & toto pene regno Africano quod Carolus V. sibi subiecerat, XXXVI. fere dierum spatio, omnes Hispani tota Africa eiekti sunt. „ C) Gabriel Serbellonius excitandis, ac defendendis arcibus æque promptus, in Belgium secutus est Joan. Austriacum, ubi Antverpiæ arcem, frænum civibus futuram, eduxit; mox dirutam consilio Gulielmi Nassavii Orangii Principis, qui author Reipub. Hollandicæ dici potest. Austriacus fatis cessit cal. Octob. in permunitis castris Bugæis haud procul Namurco Belgii urbe anno 1578. Fam. Strada Dec. I. Lib. X. D) C. Cornel. Tacitus Historia. L. II. E) Libitinarius Index Osmanidarum.

A M U R A T H E S III.

IMPER. OTTOM. VI.



Inter Principes Ottomanici nominis, sævitia, avaritia, cæ-
 terisque animi vitiis adeo eminuit Amurathes, ut, si belli-
 cosos spiritus demas, quos tamen non nisi privatos inter
 parietes fovit, virtus nulla apud eum domicilium repererit.
 A Mahomete Vezirio ex Amasia evocatus decedente Sely-
 no, Imperator salutatur Byzantii, vicessimum septimum nondum supergres-
 sus annum, utque securus Imperium teneret, atque ad posteros suos trans-
 mitteret, quinis a) fratribus in conspectu trucidatis, hilaria inaugurationis
 inhumana sane, & funesta catastrophe peregit. Ita uno die lætissimis vocibus
 plaudentem urbem, subita conversione publicum in luctum, & lamenta
 mutavit, docuitque: RARO tyrannos principatus insignia capere sine pro-
 pinquorum cæde. Et apud Ottomanos quidem insana consuetudo inoleve-
 rat, ut maximus natu jure naturæ Imperio potiatur, reliqui non tam in
 dominatum, quam certissimum interitum nascantur; siue isthoc impotens
 regnandi libido, siue Imperii salus persuadere videatur. Vix inito Imperio,
 a Janicaris tumultuatum fuit, stipendia certatim exposcentibus; quostamen
 persoluta pecunia ad obsequium revocavit. Quo exemplo animati equites,
 & ipsi stipendia efflagitarunt tanto ferocius, quanto ob exantlatos in Cy-
 prio, Africanoque bello labores, æquiora deposcebant. Hos pariter præ-
 senti ære placavit, adeo subinde exhausto ærario, ut vix ullum in numerato
 aurum, argentumque haberet. Nempe: ET maxima flumina arescunt, si in
 multos discindas rivos. At hominem divitiarum supra modum cupidum,
 repente fortuna beavit, ærariumque cumulate auxit; tanto quidem minori
 odio, quanto minus a communi populorum tributo, subsidium illud pecu-
 niarium Byzantium perlatum.

Assanes Algerii Præfectus, ingentes thesauros corraserat, eosque te-
 nacissimus Chremes non sine dispendio quietis clam domi servaverat. Res
 prodita Amurathi. Ille continuo fidos dimittit, qui ea cura, solitudine
 Assanem solvant. Protracta sunt in lucem bis centena millia Sultaninorum;
 præterea maxima vis infecti auri, argentique; quæ omnia in ærarium illata
 tanto silentio, ut ne Assanes quidem Algerium redux (nam id temporis
 Byzantii apud Imperatorem versabatur) ære vacuus de injuria sibi facta con-
 queri auderet. Cæterum Amurathes cum a bellis eo maxime consilio abhor-
 reret, quod sumptus non parce suppeditandi in militem forent, cum Maxi-
 miliano Cæsare inducias sub Selymo initas, b) & Veneta Republica, foedus
 proxime ictum, confirmat.

Sed Persia turbis domesticis implicita, & imago per nocturnam
 quietem Amurathi objecta, & callida interpretatione a Sacerdote quopiam
 explicata, c) invitum ad arma impulere, quæ duo dicere nunc aggredior.
 Nec vitio mihi datum iri arbitror, res Persicas hic commemorare, quando
 quidem eæ ita connexæ sint Turcicis, ut Persiam petiturus in Byzantina Re-
 gia hærare videri possim. Techmafes Persarum Rex, bella varia fortuna ges-
 serat cum Solymano; visoque Ottomanos etiam victos ferociores in Per-
 siam semper redire, pacem bello præhabuit, eamque, quoad rerum potie-
 batur, deinceps coluit. Verum Ismael (secundo loco is natus erat) desiderem,
 ingloriamque vitam, genio certe suo infelicissimam, aversatus, arrepta oc-
 casione Turcas irritandi ad limites Persiæ, ut erat acerrimus illorum hostis,

Imp. Ottom. Tom. I.

D d

cum

a) Annales Turcarum. b) Istvanff. L. XXV. Maximilianus II. Ratisbonæ obiit anno 1576. c)
 Apud Annales Turc. causas belli sat perturbato ordine reperies.

A. C. cum aliquot millibus erumpit, luculentamque plagam regioni infert. ^{Δ)} 1576. Graviter, ut debebat, permolestoque id tulit Techmasēs, cumque repetitis vicibus eadem levitate præceps in arma rueret, filii præferoces ausus carcere castigandos censuit, ne unius culpam, Persia multo sanguine elueret. Sed Ismael adeo præcelso spiritus non posuit, ut eos etiam longa captivitas multum auxerit, irritaritque. Techmasēs ingravescente in dies valetudine fractus, prostratusque, qui pro dignitate sustineret rerum molem, in Hajdarem Mirisem, filium tertio loco genitum; juvenia prævalidum, experrectique vigoris Principem, mature transtulit. Proceres mortuo Techmasē averfati Hajdarem, regnum deferunt ad Hodabendem, quem Scriptores etiam Codabendem nominant, maximum natu filium Techmasis. Verum ille privata fortuna contentus, procillas aulae videre eminus, quam iisdem involvi maluit.

Quapropter capto in arena consilio, Ismaelem diuturna custodia liberum, in thronum Regium collocant. Magistratum adeptus civium favore, Hajdarem cum paucis reluctantem ferro obtruncat. Jam regni securus, exploraturus quorundam fidem, in latebras se conjicit, atque per veteres, fidosque satellites rumorem spargit (malo scilicet omine) Ismaelem repentina morte sublatum, Persiæ regnum necessitate fati alteri cessisse. Atrox rumor brevi universas provincias pervasit, Procerumque animos varie affecit. Visi sunt nonnulli audita morte, non dubia lætitiæ signa prætulisse, qui pugnacem Ismaelis indolem nuper averfati, authores fuere Techmasi, ut filii ferociam libertate adempta edomaret. Hos ille e latebris suis prorumpens, ut erat impotens iræ, e medio sustulit. Per idem tempus Curdorum ^{Β)} Princeps, tyrannide Turcarum offensus, ad Ismaelem descendit, quem cum amice acciperet, defectionemque probaret, Husreves Wani, finitimæque regionis Præfectus, Persarum provincias incurfavit, induciasque abruptit. Ismael bellorum maxime studiosus, exercitum cogit inimicitias veteres, novasque bello persecuturus. Verum a sorore ob Religionis studium veneno ublatus, Hodabendi fratri, & regnum, & bellum perdifficile reliquit. In hunc modum utraque pars irritata, in dies majori odio concepta, instructis copiis campum petiere.

Et Amurathes tanto alacriori animo in Persiam arma inferri jusserat, quanto malitiosius a veteratore inflammabatur. Secundum quietem videbatur sibi Imperator in umbilico orbis terrarum constitisse sub umbra vastissimæ arboris, cujus bini rami in immensum ad Orientis, Occidentisque plagas diffusi, solem adeo denso foliorum implexu arcebant, ut is nunquam pedem arboris viderit. Tum serpentem raræ magnitudinis hianti rictu festinasse, quem ille fuste armatus, ictibus exanimem prostravit. Hæc deliria ludentis Morphei, Scheiches, Sacerdotum facile præcipuus, exposuit: Amurathem Persiam debellaturum, hostem acerrimum Imperii Byzantini jugulaturum. Isthoc serpentem contusum non vane portendere, modo sequatur non lentis passibus fortunam vocantem. ^{c)} Amurathes, qui jam bellum a Persis parari inaudierat, his talibus inductus Hodabenden iusto exercitu petendum decrevit, quamvis ille pacis firmandæ causâ, Byzantium suos dimiserit.

1578. Copiis præire jussis, Mustaphas supremus copiarum Præfectus, initio mensis Augusti Georgiam ^{d)} ingressus eam ditionem ducentis armatorum millibus insedit, fusisque limitum Præfectis Teflim ^{e)} urbem occupavit. Inde difficili itinere exercitum in provinciam Sirvam, a Persis prius ferro, & igne in solitudinem redactam, deducit. Amnis, quem vado transire tentaverat, insignem militum jacturam intulit. Quippe cum in celeritate

^{A)} Byzarus ait L. XI. ter ab Ismaele clandestinis eruptionibus pacem turbatam circa annum 1566. ^{B)} Curdi videntur fuisse Chaldeæ, & Mesopotamiæ populi. ^{c)} Narrant Annales Turc. & aliud somnium. ^{d)} Georgia, olim Colchis, nunc Gurgistan, mari nigro, & Caspio alluitur: provincia ubertate frugum nulli secunda. Religio Christiana multis erroribus deturpata. Robur Persici equitatus e Georgianis constat; quorum fides, & fortitudo Turcis sat nota est. ^{e)} Teflis, seu Tiflis Georgiæ caput, sæpe Turcico, Persicoque sanguine perfusa.

tate victoriam poneret, moræ omnis impatiens, equites, peditesque nandi A. C. rudes, & armis graves, sine discrimine fluvium superare jubet, qui rapido impetu decurrens, septem, & decem millia cum jumentis, castrensique suppellectili absorpsit. Metropolis, nulla vi adhibita, quod incolæ cum militia Persica in interiora regni semet reciperent, in Mustaphæ potestatem venit. Isthic denominato provinciæ Præfecto Osmane Bassa, attributisque aliquot signis Janicsarorum, in Armeniam majorem reliquum exercitum reduxit.

Hodabendes, ut Turcarum progressus sisteret, collecto numeroſo milite urbem Sirvam cæsis præſidiariis recuperat, ardoreque militis usus omnem provinciam paucis post diebus eripit. Osmanes periculo feliciter evitato, pauca suorum manu stipatus Derbento urbi a) se, suasque fortunas credidit. Dominabatur in eam urbem Schemhalis gente Tartarus, Regulus vicinæ regionis, quem Osmanes blanditiis, simulataque amicitia, adeo sibi devinxerat, ut filiam illico in uxorem dederit. Perdita mulier, ac scelerata, mariti amore cæca, parenti optimo venenum miscet, vitamque eripit, a quo suam accepit. Osmanes beneficio festinatæ mortis, opimam hæreditatem adeptus, extemplo Amurathem certiolem facit, oratque, ut cum plurimum intersit Ottomanicæ Reipublicæ, ad Caspium mare Imperium fundare; mitteret subsidiarias cohortes, quarum viribus novum dominatum stabiliret. Aderant anno sequenti sexaginta Tartarorum millia, Ductoribus binis fratribus, Tartariæ Reguli, qui jussu Amurathis jugulatus est cum suis filiis, ut infra narrabimus.

Tartarorum copiis auctus Osmanes, mitescere hieme in Persarum provincias late grassabatur, percurſandoque oppida, & vicos, ingentes ex agris prædas colligebat. Ulti sunt Persæ detrimenta provinciis illata, facta tanto majori strage hostium, quanto minus statariæ pugnæ patientes Tartari. Dux alter captus, alter in fuga cæsus, Osmanes ægre victorum iram evadens, Derbentum rediit cum paucis. Hic ille suum Imperium, unius urbis ambitu circumscriptum, tueri aggressus, locum a natura sat firmum, amplius munire cœpit; certus tum demum dominatu se dejectum iri, quando hanc urbem amiſſurus. Non tamen idcirco prædis abstinuit. Nam Tartari, quos cupido rapinarum, in aperta etiam discrimina egit, pro more gentis agrum Derbento proximum populabantur, nec religioni sibi ducebant, ipsos Turcas, amicitiae vinculo conjunctos, opimis spoliis nonnunquam intervertere. Tum si major vis ingruerat, evitato prælio in suam se Trojam celerrime recepere. Neque incolis tantus animus aderat, ut Osmanem ea sede depellerent, quod is præter cohortes aliquot Janicsarorum, æneis machinis mœnia firmaverit, quarum fragorem adeo non tulerunt Siruani, ut eminus percepto e propugnaculis tonitru, putarint excussum e nubibus fulmen, in capita sua non sine certissima strage destinari. Ita Osmanes occupata tyrannide, belli rudem, agrestemque populum territabat, Persis Mustaphæ obſistentibus.

Is urbe Carſeo, quantum per hiemem licuit, obvallata, rursus in Persiam irrupit. Sed Mustaphæ fortuna fastidio, ac satietate capta videri poterat, adeo omnia adversa veterano Duci, ac terrestri, maritimaque victoria clarissimo acciderunt. Modo a Persis, modo a Georgianis prælio laceratus, semper victus discessit, & cum Hodabendes omnes calles suo exercitu infedisset, nec Turcæ altius se inferre possent in Persidem bello intactam, per regionem incendiis, rapinis deformatam cogeantur iter facere. Ex quo arctiorem in dies experti annonam, deinde pestiferam luem, e suo exercitu longe plures amittere hoc malo, quam ferro hostili in tot minutis præliis perierunt. Hoc intellecto, Amurathes jubet copias in Amasiam hibernorum causa redire, ut in patrio solo recreati, primo vere majoribus animis, & viribus expeditionem Persicam aggredi possint. Mustaphas summum dedecus interpretatus, si exercitum in provinciam Amasiæ reduceret,

a) Derbentum urbs ad mare Caspium sita.

A. C. per Armeniæ oppida milites distribuit, A) ubi grassante per autumnum, 1579. hiememque morbo correpti, & rerum inopia, & ægritudine animi, quod contra, quam ominabantur, Persicum bellum cederet, non pauci veteranorum occubuerunt, qui in Hungaria, Cypro, Africa insignes victorias confecere. B)

Abeunte Mustapha in Armeniam, Persæ in hosticum effusi, palam se victores ostenderunt. Id vehementer doluit Imperatori, qui non nisi triumphos inter gregem spadonum Byzantii somniabat. Urget Mustapham, ut Persarum procurfiones cohibeat, copias suas opponat. Sed is non ausus animis fractum exercitum objicere victorum furori, in Armenia quieti indulgit, hostique liberam grassandi facultatem dedit. Imo, si maxime voluisset vim Hodabendis cohibere, per seditionem Janicsarorum frustra egisset. Quippe cum viderent extremam Ducis socordiam in curanda annona, ac propterea suos commilitones morbis, fameque enecari quotidie, imperium Mustaphæ sprevere. Instaurata subinde ferocius seditione, militari obsequio erga Ducem exuto, de eo interficiendo consilia iniverunt. Etenim præter communem exercitus calamitatem, & fortunam nimium adversam, Mustaphæ odium conciliavit avaritia singularis, qua ille opimas præfecturas quasi sub hasta vendebat, quique plurimum æris numerabant, iis, neglecta bellica virtute, promptus offerebat. Hæc talia per Janicsaros Amurathi nunciata, Mustapham dignitate moverunt, & quod pronum apud barbaram gentem, pene vita privarunt. Et Amurathes quidem tot querelis præter modum irritatus, ætutum miserat in Armeniam Kihajam, Janitorum Præfectum, ternis literis, sive decretis, Turcis Buyurdi, instructum, quarum alteris jubebantur tradi Quæstor exercitus, & Magister epistolarum, Mustaphæ a secretis: alteris monebantur milites, ut ne Kihajæ graves forent, tertiis denique caput Mustaphæ petebatur. Ille non ignarus imminentis tempestatis, exercitum tribus in locis tendere jubet, ut ipsi milites nescirent, quibus castris præesset Vezirius. Kihajas cum ultro, citroque castra obiret, neque ad Mustapham aditum haberet, ratus hanc ludificationem Amurathi, sibi probro cessuram, ni pro imperio rescinderet, minaciter postulavit in colloquium admitti. Agnovit homo callidus juxta, ac audax e Kihajæ minis, de suo jugulo rem esse. Et quamvis certis indiciis teneret, se apud exercitum omnium odio ardere, tamen memor laborum, quos sub ternis Imperatoribus exantlavit pro salute patriæ, de impetranda Principis sui gratia spem nondum abiecit. Quapropter plenum periculi consilium init.

Circulum, quem censoria virga designaverat, armatis, sibi que fidissimis cohortibus circumdat: ipse ingressus circulum Kihajam in colloquium accersit. Iste veritus, ne in se militum accenderet iram, suppressis Soltani literis, quibus feralis sententia adferebatur, alteras e sinu protrahit de tradendis Quæstore universi exercitus, & Nischanzio Mustaphæ a secretis, hominibus arcanorum conscis, ac multorum criminum reis. Hic tergiversari Mustaphas, quærere effugia inutili disceptatione, tueri utriusque incorruptos mores, ac fidem in Imperatorem; nihil non agere, quo sartam, testamque eorum libertatem servaret. Sed cum Kihajas obtenderet Amurathis voluntatem, data, acceptaque fide neutrum morte afficiendum; e castris Constantinopolim abducti sunt, quæstionibus judicum subjiciendi.

1580. Mustaphas c) tradita provincia Sinani, qui Africam recuperaverat, Byzantii adfuit nono Aprilis nihil magnopere formidans, sive quod facile speraret redempturum se Amurathis gratiam, sive quod causæ suæ multum tribue-

A) Mustaphas sibi delegit urbem Erzerum, aliis Arzerum, caput Armeniæ, nunc Turcomaniæ.
B) Bizarus L. XI. meminit aliquot præliorum, quibus Persæ superiores erant. c) Annales Ferdinandi concinnati studio Francisci Christophori Khevenhilleri. De his Annalibus pag. 956. Bibliothecæ Historiæ selectæ hoc encomium lego: „Nobilem Historiæ Universalis Europæ ejus ævi partem intulit. Incipit ab anno 1578. & ad annum 1639. res gestas deducit. Primis typis non nisi 40. exemplaria edita, alii & hunc numerum minuunt. Nunc copiosius habentur. „

tribueret. Et quanquam aula abstinere Imperatoris jussu debuerit, tamen A. C. partim amicorum precibus, partim auri fulgore, irati Principis animum 1580. adeo emollivit, ut nuper in carcerem abrepti, extemplo libertati, pristinaeque dignitati præter omnium spem restituti fuerint: etsi dicerent, qui Amurathis mentem altius inspexerant, isthoc simulatae potius, quam sinceræ benevolentiae signum fuisse, cum & deinceps in conspectum ejusdem admissus fuerit nunquam. Virum præcipuis aulae, bellicae officiis a pueritia assuetum, tanta severitas Imperatoris alte pupugit, postremoque domesticarum rerum tædio captum, ac Persici Oratoris adventu percussum, penitus prostravit. Nam sub initium mensis Augusti in morbum incidit, & biduo ægrotans, compositis humanis curis fato concessit. Sunt, qui veneno sublatum ferant: perinde quasi nemo Principi offensus, invisusque diem supremum obeat, nisi accersita morte. Apud Byzantinos vulgatum erat: Mustapham in semetipsum crudelem extitisse, ut festinata morte feralem zonam collo indendam præverteret, æmulumque lætitiā, dubio Amurathis animo, hac via minueret. Illius opibus (vicies centena millia Sultaninorum erant) in fiscum reductis, Nepotes, quo vitam sustentarent, in aulam translati sunt. Hunc exitum sortitus est Mustaphas Africae terror, Cypri debellator, Divina justitia vindictam sumentem de hominis perfidia, ut, qui sanctitate pactorum superbe violata Bragadinum, cæterosque Fama-gustæ propugnatores, cum civibus exquisitis suppliciis mactavit, a fortuna desertus, militum, Imperatorisque odio contabescens, in semetipsum veneno sæviret. A)

Rem haud ingratam me facturum arbitror, si Mahometis (plerisque Scriptoribus Mehemetes) supremi Vezirii fatum, Mustaphæ addidero. Is superiori anno author fuit Amurathi, ut quasdam legiones, pace composita cum Christianis Principibus, dimitteret. Factum hoc plerique militum pacato animo tulerunt; graviter ussit unum aliquem fraudati stipendii jactura, doloreque ægrum in rabiem extremam efferavit; certum non prius furorem ponere, quam Mahometem ferro vindice e vita proturbet. Nec statuit ferocius, ac fecit. E militia profana in religiosam adlectus, instituto Dervisiorum B) nomen dat, multoque fortius animum ad grande flagitium obfirmat. Pro more religionis suæ, dum urbem oberrat Byzantinam, stipem collecturus, ædes Mahometis data opera petit, mediatum facinus executurus.

Eo temporis primores Purpuratorum apud se detinuerat Mahometes negotiorum causa, cumque Dervisus accessum urgeret intento clamore, Mahomete volente, in conclave admissus fuit. Porrectum supplicem libellum, ubi percurrit fraudis inficius, sceleratus nebulo opportunitatem nactus distringendi ferrum, quod sub laciniis occuluerat, tam alte demerserat sicam in viscera legentis, ut stringere volentem gladium in sui defensionem, vires destituerint, statimque accurrentes ad fatalem plagam, exanimem repperint. Author cædis e vestigio captus, memorabile supplicium tulit. Hoc modo trium Imperatorum præcipuus Vezirius, ac Szigethana expugnatione multum nobilitatus vitam belli, domique inter summos honores transactam Amurathis, civiumque mœrore clausit: docuitque, TUTIOREM esse exercitus Ducem inter hostium tela in castris, quam domi procul ab armorum fragore positum. Nempe INIMICORUM tela vitare conamur, in amicorum sponte ruimus. Vezirii dignitatem, Mahometis morte liberam, accipit Achomates: c) huic paucis post diebus extincto successit Sinanes, seu Sinan, qui Mustaphæ æmulus, Persicum bellum, eo exauthorato, prosecutus est, ut jam dicemus.

Abeunti ad exercitum Sinani vicesimo quinto mensis Aprilis, sigillum Imperiale, vexillumque (quæ insignia sunt supremi Vezirii, seu ut Tur-

D d 3

cæ

A) Bizarus, & Annales Turcarum. B) Repete ea, quæ commemoravi pag. 61. C) Annales Ferdinandi. Multi hujus nominis minores, majoresque Præfecti leguntur. Inde rerum perturbatio.

A. C.æ vocant, Veziris azemis) per Kihajam misit. Qua ille dignitate multum
 1580. recreatus aulam adiit, ac Imperatoris manum osculatus, rursus acinace donatur cum generoso sonipede. Per minorem Asiam itinere facto, non exiguum militum manum legit, Tartarorum etiam Rege auxilia ferente. Sed suppleri his copiis non poterant legiones, adeo exercitus partim ferro, partim fame, morbisque accisus erat. Et Sinanes, qui Mustaphæ adversam fortunam amaris salibus in aula nuper traduxit, quive ingentes spes Imperatori fecit Persidis occupandæ, cum videret rerum angustias, admodum timide in hostes egit. In Georgiam profectus, revocare militem non potuit, quin nova clade priores exasperaret, amisso etiam bellica penu. Alteram accepit longe funestiorum ad Teflim urbem, quæ longam obsidionem perpessa fuit. Huic ille præter delectos milites annonæ tantum, quantum petierant, misit. In conspectu urbis a Georgianis, Persisque concisi tanta rabie, ut ne nuncius quidem cladis in castra redierit. Non propterea tamen obfessi ferociam exuerunt. Ad devorandos mures, canes, obscæna quæque adacti, mænibus suis firmiores perstiterunt, donec his omnibus consumptis, macie, palloreque armati urbem subdidere Persis.

Cæterum Hodabendes, quamvis secundo cursu res bellicæ fluerent, variantis nihilominus belli aleæ memor, Maxuden Legati nomine ad Amurathem ablegat. Grata primum Purpuratis legatio, deinde cum Turcæ pertinaciter exposcerent terras, quas Mustaphæ sonipes calce signasset, neque Persæ victores eas cedere vellent, odio majori bellum recrudit. Maxudes hoc munere defunctus, cum domi res privatas curaret, perduellionis crimine arcessitur, æmulum utique invidia, qui legationem spe devoraverant. Ille siue re vera conscius objecti flagitii, siue tantæ invidiæ impar, a Principe suo aperte descivit, atque Byzantium festinato itinere evadens, Ferhatem Bassam in Persicum bellum proficiscentem secutus, arma sumpsit, ulturus crimen falso sibi impactum, Δ) aut novis indiciis justam delationem firmaturus.

1581. Cum Persæ Ottomanos in fœdus flectere haud possent, belli curam intenderunt longe maxime, atque ad limites suos minabundi constitere, dum Sinanes sui exercitus nervos superioribus annis incisos animadvertens, inducias perficeret opera Chaufii ad Hodabendem missi. Persæ etsi apertum rebus maximis gerendis campum cernerent, facile tamen pacis consilia adferunt, polliciti Oratorem missuros se Byzantium, fœdusque acceptaturos. Nihil isthoc gratius evenire potuit Sinani. Etenim homo sterile bellum, adversantibus fatis cœptum, pertæsus, Byzantium cogitabat, ubi honoris certus, apud Amurathem primus dominaretur, Legatorumque non minus postulata, quam præmia exciperet. Itaque non tam e re, usuque Imperii, quam sui causâ, armorum cessatione precario impetrata, Osmane præesse iussu copiis, Constantinopolim abit, Purpuratorum, nobilitatisque Byzantinæ corona in Aulam deductus.

1582. Nec minori spectaculo cives detinuit Ibrahimus Cham Orator Hadabendis, Regia prope magnificentia Byzantium invehens. Ter centenos equites armorum, vestiumque splendore ad spectaculum instruxit, ut vel inde opum amplitudinem, militum florem Regni Persici æstimarent Turcæ. Cum hoc comitatu ad pompam, dignitatemque adornato urbem intravit, partim ut fœdere icto pax inter utramque gentem coalesceret, partim ut solemnitati circumcisi Mahometis, Amurathis filii interesset. Octavo, & vicesimo die mensis Maji, solennia hæc cœpta variis in lætitiæ argumentum honoribus, ludis, muneribus prosecuta est urbs, cum alias, tum per eos dies ad tantæ celebritatis splendorem affluentibus vicinis nationibus Amurathi obnoxiiis, multo frequentissima. Aderant præter Purpuratos, undantemque populum, Rudolphi II. Cæsaris, Regisque Hungariæ, Stephani Bathorii Regis Poloniæ, Hodabendis Persiæ, Reipublicæ Venetæ, Regulorum Africæ, & Tartariæ, Principum Transylvaniæ, & Valachiæ Legati, Hippodro-

podromumque, ubi hilaria agebantur, petierunt. Galliarum Regis Lega-A. C. tus, a) five quod principem locum in eo concursu nobilium virorum ob- 1582. tinere non posset, five quod Bathorio Regios titulos negaret, five quod Stephano Nyario Hontensis provinciæ Comiti, qui nomine Rudolphi Hungariæ Regis solennitati interfuit, cedere nollet, publico abstinuit.

Cæterum excitata in Hippodromo controversia de honorificentiore loco inter Legatos Galli, Hungarique Regum, quod ille hunc neque parem, minus superiorem pati vellet; iste superiorem illum nollet, ad Sinanem Purpuratorum Principem delata est, definitionem urgente Gallo. Sinanes in odiosa altercatione tergiversari primum, dein monere utrumque, ab ea contentione ut desisterent, ne totius Imperii hilaritatem ejusmodi lite confunderent. Verum incitatum semel animum Galli tanquam a cursu retinere, difficile erat. Ubi videt Sinanes procrastinatione utrumque offendi, ita controversiam decedit: Henricum unius Galliæ regni, clari quidem & opulenti, Regem esse: at Rudolphum amplissimi regni, quod plures etiam provincias sibi obnoxias numerat, Regem esse, nec fore inferiori loco contentum tot titulis illustrem. Ex quo incensus ira Legatus Henrici, post publicam injuriæ testationem Regis sui nomine, non deseruit quidem Byzantium, sed sedulo cavit, ne Nyarium deinceps in publico conveniret. Hæc Legatorum contentio nihil decerpit lætitiæ communi.

Nam festiva celebritas; dies, & noctes omnino quadraginta tenuit, commensationum, spectaculorum varietate multum ornata. Locus ipse in cultissimi theatri normam fabrefactus, pyramides pulchra serie surgentes non paucas numeravit, quibus trophæa Majorum incisa curiosum spectatorem rapuerunt. At non sincera omnium lætitia ea inspecta, quod Christianorum Principum Legati pudore, doloreque suffunderentur, ab Ottomanis trophæa sane superba de Religione, deque Principibus Christianis in sui præsentia statui, qui quidem æmulos suos victos cupiebant, non victores Ottomanos volebant. Tandem septimo Julii sole inclinante, Mahometes adolescens circumciditur a Mahomete Bassa, qui olim Solymani tonfor, bellica arte Vezirii dignitati processu temporis admotus erat. Postremo pro facultatibus suis Mahometi munera obtulere, atque cum ingenti ærarii lucro, sumptus hujus celebritatis refudere; ut vulgo dicerent: *Amurathem hoc pretioso hamo maximos thesauros cepisse*. Pene in exitu solennia erant, cum tristes nuncii Byzantium advolant, Osmanis exercitum a Persis fugatum, cæsumque ad satietatem. Etenim ille induciarum sanctitate fracta, Si-ruanum Persiæ provinciam ex improviso invadens, felici astu imparatos oppresserat, prædamque omnis generis mira celeritate collegerat. Altius se in hosticum immiserat, quam ut sine clade revocare posset militem, avaritia ad ampliora spolia invitante. Persæ & inducias perfide abruptas, & sua damna ulturi, Osmanem sero redeuntem undique aggrediuntur, spoliisque excussis, copias jam pugnam, jam fugam meditantes, strage non modica fundunt. Hoc infortunio perturbatus Amurathes, Legati Persici sedem, spectandi causa sublimiori loco positam in Hippodromo, demolitur, atque ipsum nihil tale promeritum, cum numerosa, quam adduxerat Byzantium, familia, angusto sane hospitio concludi mandat, tanta adhibita severitate, ac pertinacia, ut quantumvis centeni, & amplius sæviente lue extinguerentur, de sententia tamen mentis iratus Princeps dimoveri non posset. ADEO alte feriuntur animi imperantium cæde suorum, quando ea apud alios Principes contemptum parit. b)

Rursum ad Tefflim eodem anno infeliciter pugnatum fuit. Author cladis ferebatur cujusdam inter Georgianos Principis sæminæ filius, qui initio belli Persici a Mustapha Byzantium transmissus cum fratre, exuta reli-
gione

a) Germinius Germollæus is erat, Henrici III. Legatus, ut memorat Istvanff. Lib. XXV. ad annum 1582. b) Petrus Bizarus Sentinas Historiam Persicarum rerum ad hunc annum perduxisse videtur, Chronologiæ parum studiosus. Bellum istud Persicum, diversa ab Annalibus narratione profecutus est.

A. C. gione Christiana, Mahometem amplexus est, Germano suo tenacissimo 1582. sacrorum, quæ cum lacte imbiberat. Atque hæc ipsa constantia Principi exitio fuit. Quippe odio Religionis veneno necatus, fratri integerrimæ fidei desertori principatum relinquit. Et iste videri potuit turpe transfugium odisse, illudque novo transfugio eluere. Nam posteaquam Turcas ad Teflim prodidisset, & propterea a Ferhate, Sinanis successore, ad cædem postularetur, deserto Amurathe, Georgianorum, Persarumque castra secutus, non suam modo ditionem jugo Turcarum eripuit, sed perpetuus, dum vixit, hostis Ottomanici Imperii Armeniam, proximasque Turcici juris provincias vexavit. Accesserunt præterea Georgianorum foederi Simon, & Tocmaces Revani Domini, Principes diuturno odio in Byzantinos armati, qui prædarum cupiditate longius provectos sæpe numero interceperunt.

1583. Cum ferale bellum maximis Ottomanorum cladibus traheretur, Amurathes Sinanem, qui adeo splendida de se promissa fecerat, in Persidem ire, ac pro suo munere pacis, aut belli negotium tractare mandat. Ille, an hoc oneris subiret, non modo non dubitavit, sed palam Imperatori reposuit: *Regem Persarum prælio, minus bello victum iri, nisi Amurathes suo ductu vires, animosque militi addiderit.* Scilicet homo arrogantissimus, famæ periculum præhabuit gloriæ, quam olim collegerat in Africa, veritusque ob afflictas, accisasque res Turcarum, ne gliscente hostium numero superaretur, in otio Byzantii parta tueri, quam cum discrimine novo, militiæ decora ancipiti bello exponere, maluit. Neque isthoc Amurathem latuit, offensusque libertate loquendi Vezirii, matrem Soltanam adit, quidve sibi faciendum sit, anxie disquirat. Illa probe experta desidem, aversumque filii animum a tumultu armorum, actutum suadet: *castris abstineret, Osmani, Ferhatique bellum gerendum plena cum potestate committeret, Sinanem dignitate moveret, ac Siausem natione Hungarum, supremum armorum Præfectum appellaret.* Sinanes e fastigio præceps, exulare iussus est in Macedonia, ingenti sane dolore. Turpius etenim existimavit e gradu deturbari, quam in eum nunquam evehi. At paucitati fortunatorum Ducum debuit, quod postliminio revocatus, dignitatem amissam cum Imperatoris gratia cumulate recuperarit, ut infra videbimus.

Interim Osmanes, subsidiis in castra acceptis, aliquot urbes, castellaque in Siruana provincia ceperat, magna utique voluptate Imperatoris, qui ad ea tempora præter suorum stragem nihil intellexerat. Ut porro victoriæ insistere posset, e sententia Siausis Vezirii, ingens pecuniæ vis Tartarorum Regi Muchemeti A) est missa ad legendum militem, quem jubebatur ad Osmanem primo tempore deducere. Is seu metueret eandem fortunam, quam bini ipsius fratres cum copiis subierant, seu morem gerere detrectaret Amurathi, toties militem poscenti, in speciem e Tartaria copias ante lustratas educit, factisque aliquot castris in stativa redit. Amurathes non tam jactura autoritatis suæ, quam pecuniæ æstimata, Osmanem Capham petere jubet ad castigandum Muchemetem.

1584. Transacta in Chersoneso hieme, postquam Ulucialis maris Præfectus, cum triremibus Capham appulisset, de Muchemete, & duobus filiis, tertio fuga elapso, supplicium est sumptum, tanto quidem justius, quanto iniquius iste parentem suum annis, meritisque gravem regno se abdicare coegit, possessionemque non sibi, sed Islani fratri Procerum suffragiis debitam involavit. Islanes veritus hunc popularium favorem perniciem sibi allaturum, ni mature fugam arriperet; ad Bathorium Poloniæ Regem se contulit cum minori natu fratre. Transmissis in ea aula aliquot annis, Amurathe agente Byzantium allati, privatos intra parietes vitam sat tristem vixere. Minor pertæsus latebras, apud Persas libertatem reperit. Islanes Rhodum transportatus, deinde Iconium miro fortunæ ludibrio Muchemetis cæsi Regiam

A) Hic Tartarorum Rex videtur in Chersoneso regnasse, vulgo Crimæus dictus. Metropolis Cassa, seu Capha, Theodosia. Vide annum 1496. pag. 41.

Regiam occupavit. His actis Osmanes, & Ulucialis triumphabundi Con-A. C. stantinopolim abeunt. Osmanes, qui longe minora rumore sparso egerat 1584. adversus Persam, septem, & octo claves ex argento fabrefactas, quasi totidem urbium captarum signa, Amurathi obtulit, tantumque potuit vanissimi hominis assentandi studium, ut supremi Vezirii insignia a levissimi ingenii Imperatore acciperet, exuto gratia, & dignitate Siause.

Virum hunc consuetudini Imperatoris, ac gratiæ innutritum, aulæque magis, quam bello assuetum, ab Osmane præcipitatum Annales ajunt. Cum enim iste dignitatem æmuli, multamque in aula gratiam æquis oculis ferre haud posset, ut invidia admodum dicax est, multis criminibus Amurathis, Soltanæque aures implevit. Accessit recens suggestum Imperatori consilium, suppeditandi æs Tartariæ Regi, cujus ab infelici eventu damnatus videri potuit. Simillimum vero est, a Soltana Siausem impulsum, quod is Mahometem filium apud Patrem accusarit, ob Kihajam male mulctatum, simultatesque inter utrumque non leves sparserit. Et Soltana, ut de futuris callidissime conjiciebat, facile assequebatur, quo Siauses tenderet, nempe ut acrius irritatus Amurathes in filium, Imperium in Siausis liberos (nam Imperatoris sororem matrimonio junctam habuerat) transferret. Hæc suspicio ut penitissime ferit parentes, ita fidem, pronissimosque aditus reperiebant delatores, quoad aula exactus privatos suos lares incoheret. Atque istud postremum viri fortunam affixisse videtur. Cæterum IN LUBRICO aulæ stantem minima nonnunquam vis dejecit; certe diu stare non potest, quem plures impellunt.

Ut tandem funestum bellum pace concluderetur, Osmanis cura fuerat. Et præprimis; cum Orator Hodabendis Byzantii contra jus gentium detineretur, Persæque injuriam Oratori irrogatam, communibus armis vindicandam statuissent, in id gratiam, authoritatemque vertit ab inita mox præfectura armorum, ut libertati, aulæque redditus, plenam nancisceretur facultatem seu manendi, seu ad Dominum suum revertendi. Annuic Amurathes. Sed cum nova mandata petiturus, per majorem Armeniam in Persidem contenderet, Imperatoris jussu subsistere coactus in castris Ottomanorum, spem pacis rebus Turcicis perquam necessariæ rursus evertit. Ea res non mediocrem sollicitudinem ingessit Osmani, quod eodem tempore Islanes terra, marique oppugnaretur a filio Muchemetis, Nogajorum Principis armis succincto, bellumque alterum præ foribus esset, nondum extincto Persico. Quam ob rem ne latius serperent in Chersoneso turbæ Tartarorum, grandem exercitum per minorem Asiam Sinopen promovit, Ulucialis classe præire jussa, ad copias trajiciendas Capham. Quanquam opus non fuerit propius arma admovisse, redeuntibus ad pacem Principibus, quorum causa Tartaria turbata. Et commodum evenit, bellum isthoc sine sanguine restinctum.

Nam Ferhates, qui Osmanis vices obierat apud exercitum, per avaritiam militi annonam subtraxit, proptereaue castra, juxta Persas posita, in ultimas angustias conjecit. Accessit & alterum malum, quo pene se, militemque perdidit. Evocaverat e proximis oppidis, vicisque fabrorum, operarumque multitudinem; sexaginta millia confluisse perhibentur, ad quædam castella in limitibus Siruanæ provinciæ construenda, frænum procursionibus Persarum injecturus. Sed mutato repente consilio, eo prolapsus est avaritia impellente, ut ab hac incondita turba hominum, in vicem diuturni fatigii, æs certum acceperit; omneque tædium laboris impendendi, equitibus, peditibusque suis hauriendum reliquerit. Istud enim vero graviter, ut par erat, accepere inprimis Janicsari, quos per eos dies penuria com meatus non leviter divexavit, recensque causa ferociores fecit. Omnes veluti tabe infecti, eo atrocius conspirationem ineunt, quo magis labore, & opere fessi, justas irarum causas in promptu habuere. Denique multum incensi, quod infructuosam, & asperam militiam toleraverint ingenio loci, cœlique, & severitate Ducis. Itaque in societatem accitis equitibus, mani-

A. C. pulos miscere, in suos Præfectos insurgere, indignitatem rei in os objectare, 1585. Ferhati accurrenti ad tumultum, increpantique, minaciter obstrepere: *se longa macie confectos ab armis, quibus ægre Persarum impetus sustinerent, ad ligones damnari, ut improbo labore penitus subacti, pecudum more trucidentur. Hancne esse Ducis curam, non modo commoda militum non procurantis, sed etiam per summam avaritiam annona erepta, novum, ac ante hæc tempora vix auditum onus iisdem imponere? militarem disciplinam domi, militiaeque, a Tribunis, a Ducibus commendari sæpe numero; exigique pro illorum imperio, ut miles in præsens discrimen ruat, adversus ignea tormentorum ora intrepidus eat, vulnera, mortes, cicatricibus toto corpore deformatus hilari fronte excipiat. Et tamen quo vitam sustentet, illi plerumque deesse; certe Ducem crudeliter omnem commeatum eripere, quodve turpius, in pecuniam rursusvertere: ut nempe sanguinem, quem nondum hostilis mucro miserat, insolens avaritia hauriret.* Hæc quoniam concussis ferociter armis dicebantur, impar furenti multitudini Ferhates, cum fidis aliquot cohortibus, trepidus inde pedem in tentorium avertit. Sed cum versis in Ducem gladiis, ipsi tentorio feroces imminerent, impetu facto in seditiosos per multam cædem cum suis erupit, direptioni relicta castrensi penu. A)

Turbatis hunc in modum castris, ad exercitum venit non sane in tempore Osmanes, cum quinquaginta armatorum millibus; quorum adventu, autoritateque Osmanis, seditiosi ad imperium redierunt. Ille ut omnem occasionem tumultuandi militibus adimeret, annona, cæterisque procuratis, confestim in hostem duxit, ratus collectam in Ferhatem iram, ferocius in Persam exprompturos, militarique facinore flagitium in Ducem admissum correcturos. Præerat copiis Persarum Amsâ Hodabendis filius, juvenis acerrimi ingenii. Qui cum provideret animo, tanto exercitui stipendia non diu processura, commeatusque defuturos, universum certamen callide subterfugiebat, incedensque perpetuo ad latus Turcarum, unice intendebat; ne aliqua urbe potiti, annonam, prædasque pro stipendiis interciperent. Velitationes tamen fere quotidie habitæ, pabulationis potissimum causa, carptimque ex hostium numero cæsa dena circiter millia. B) Non ideo tamen destitit Osmanes, viam sibi aperire in regionem Persiæ obnoxiam, favitque tandem fortuna, ut per difficiles montium, valliumque calles exercitus in patentes campos ad urbem Taurim c) eluctatus fuerit, eamque metu oppressam, nihil repugnantibus oppidanis, ceperit. Hic castra metatus, militem suum longa profectioe fatigatum reficit, arcemque Taurinæ urbi imponit, spatio triginta dierum, Giaffere Bassâ, loci Præfecto nominato. Amsâ tam nobilis urbis amissione, hortatuque parentis ferocior, cum Georgianis, Persisque suis, Ottomanos in interiorem Mediam progressos affecutus, non dubitavit castra exercitui hostili admove, signisque occinentibus certamen indicere. Sed ferox iste Hannibal Fabium cunctatorem reperit in Osmane, qui bellum longissime ducere optavit, aut certe sine pugna novos progressus facere.

Itaque Amsâ moræ impatiens, de improvviso hostem antelucanis horis aggredi statuit. Res continuo prodita, Osmani spatium concessit pugnae aciem instruendi, Persa, viso Turcarum exercitu, suos in ordines distributo, nihil territus, sinistrum Asiaticorum equitum cornu invadit, primum equites, dein pedites turbat, profligatque. Osmanes, qui fugientes in pugnam reducere contendit, gladio in humero percussus, mox e minori tubo glande prostratus, exanimis concidit, exercitumque suum in apertam fugam traxit. D) Campus, ubi pugnatum, cadaveribus hominum, equorumque oppletus, immensam oculis cædem subjecit. Octoginta millia trucidata perhi-

A) Annales Turc. non meminere tantopere exarsisse seditionem, P. Forestus tamen scribit, pugnam inter seditiosos, & Ferhatem acriter, ægreque eluctatum Ducem. B) Annales Turcarum. C) Tauris urbs Mediæ, Geographis quibusdam, uti & Annalibus Tebrisi, & Tabris sum, multitudine civium, ædibusque floret. D) Annales Ferdinandi.

perhibentur. Nec parum prædæ in castris repertum. Machinæ castrenses, A. C. supellex omnis in manus Persarum devenere. Victores lectis spoliis Taurim 1585. oppugnaturi, dissidio oborto inter Regios Principes, fructum victoriæ cor-ruperunt. Nam Amfa non multo post in castris obtruncatus, fratri suo imbelli exercitum, & subinde regnum cessit, quod Hodabendes Pater ingra-vescente ætate membris captus, ac magna sui parte præsepultus, sponte sua curas Regias in filium transferret.

Fama infelicitis pugnæ multum exterruit Amurathem, præcipue ob interitum Osmanis, quem inter Duces sui temporis præstantissimum existi-mavit. Et reipsa veteres armorum Præfecti, quique e disciplina Solyman erant, aut satis cesserant, aut certe invidia, aliove aulæ vitio, omni Impe-rio exuti, procul ab aula, castrisque, labantem patriæ fortunam privati cives aspexerunt. Cigaloglis A) quidem Bassa, post fatalem pugnam cum aliquot Janicsarorum millibus incolumis evaserat Vanum, reliquiasque fusi exercitus collegerat; at tantus non erat, ut exercitus cum victoriæ spe illius curæ committi posset. Quapropter Ferhatem ob avaritiam nuper Byzan-tium revocatum, rursus in castra ablegat. Imo & Sinanem exilii calamita-te irritatum, in aulam accivit, Veziriue dignitate ornavit, & non sine plurium admiratione, post aliquot annos expeditioni Hungariæ, qua nul-lam suscepit unquam ardentius, præficiendum putavit, ut suo loco nar-rabimus.

Interea Persæ Taurinam urbem ad extremas angustias redegerant, 1586, factaque non una impressione, ubi sentiunt oppidum alioquin casurum, mutata aggressionem in obsidium, satis habuerant subvectionem annonæ in-tervertere. Cigaloglis e munitissimis suis castris egressus, simulat irruptu-rum se in interiorem Persidis regionem, eo consilio, ut hostem ab obsidio-ne avocaret, urbemque casui vicinam novis copiis, reque frumentaria fir-maret. Res ad votum cessit. Persæ, etenim suæ regioni male metuentes, dum omnibus viribus antevertere student Cigaloglis exercitum, motis festi-nanter castris, Taurim deserunt, simulque facultatem tribuunt Turcis, mili-tem, currusque annonarios in urbem inferendi. Neque Persis deinceps tan-tum animi erat, oppidanos, rebus omnibus instructos, rursus obsidere, ea etiam de causâ, quod Ferhates alteram munitionem Tauri oppositam jam erexerit, exercitumque numero longe superiorem adduxerit.

Inde & ipsi vires majores contracturi, foedus iciunt cum magno Chai-tano B) (vulgo Ulu-chan) Tartarorum Regulo, quem vetus odium in Ottomanos stimulat, metusque non vanus, ne oppresso Persa ipse parem fortunam aliquando subiret; ita ferente fatorum lege, ut una gente subju-gata, proxima, suo quasi propugnaculo everso habeat, quod semper for-midet. Nova hæc animorum conjunctio, armorumque societas, non ni-hil moræ injecit progressibus Ferhatis, Byzantiumque curas aggressit funere Ulucialis, eodem tempore consternatum. Erat iste maritimæ rei adeo pe-ritus, ut pares admodum paucos, superiorem habuerit neminem. In ejus locum susceptus est Ibrahimus, meritis impar, gravissimæ provinciæ; sed quod sororem Amurathis in consortem acceperit, C) omnium suffragiis di-gnus habebatur tanto munere. Verum cum inimicitias fereret cum Vene-tis, belloque maritimo initium daret, a quo vehementer abhorruisse semper visus est Imperator, sive ob immanes sumptus in classem faciendos, sive ob Persicum bellum, quod integrum adhuc, & pugnacissimæ gentis accessione firmatum putavit, paucis post diebus dignitatem amisit.

Ferhates D) etsi sat validas copias sub signis numeraret, tamen non 1587. tam pugnandi animo, quam utili, Turcicoque nomini perhonestâ pace diuturnum bellum componendi, in Asiam transmisisse videbatur. Et reipsa

A) Cigaloglis, id est: Cigalæ filius; e Genuensi Patre natus, ut tradunt laudati Annales ad an-num 1582. Passim apud Historicos Cicala legitur. B) Hic Tartarorum Rex alter est ab eo, cu-jus paulo ante meminimus. C) Istvanff. Lib. XXX. D) Joannes Leunclavius Nobilis Angriva-rius, hic finit Annales suos.

A. C. Byzantina aula superioribus annis, multis omnino cladibus confictata, nihil
 1587. potius, quam molestissimi belli exitum in votis habuit, diciturque Ferhates ab Imperatore clam instructus fuisse, ut mutuam inter utramque gentem amicitiam pristino loco reponat, sive jam tum in Hungariam arma vertere decreverit e Sinanis consilio, Hungaris admodum infesti; sive ærario nimium exhausto, totiesque internecione deletis legionibus infaustam expeditionem Persicam damnaret, pacatoque Imperio speraret uberiores menses, sibi, & civibus obventuram. Neque Hodabendes ab hujusmodi sententia discrepabat. Istud non nihil moræ injecit, quo minus primis statim congressibus ab armis discessum fuerit, quod Ottomani dilatandi Imperii semper avidissimi, & hoc anno Taurinæ urbis possessione inflati, eas omnes provincias repetierint, quas olim Mustaphas, cæterique Duces aliquando armati occuparunt, aut ungulis suorum equorum (sic Turcæ dicere A) amant) calcarunt. Hodabendes insolentia tam iniqui postulati multum offensus, negabat pariter se arma positurum, ni omnia ut erant ante hoc bellum, veteribus Dominis redderentur, & miles Turcicæ finibus Persiæ abduceretur. Intercesserunt quidem apud utrumque Purpurati, hortati gravissimis rationibus, modum ut tandem ponerent tot calamitatibus: sat cruoris jam fustum per tot annorum decursus; victos, victoresque vires suas nimium attrivisse, utriusque partis milites bello diuturno fractos, consumptosque, agros, fortunasque civium fœde vastatas, unice pacis commodo reparandas. Sed frustra apud obstinatos, gloriæque appetentes hæc talia dicebantur, paratiores iterum in campum prodire, quam vel latum unguem a sententia discedere. Infregit constantiam Hodabendis, Usbekus B) Tartariæ Regulus. Hic improvisam populationem Corasaniæ regioni inferens, brevi tempore fertilissimum agrum subegit. Et prodigii instar erat, provinciam fluminibus vallatam, oppida aggeribus, paludibus inaccessa, populo bellicoso, ac strenuo referta, tantillo tempore, & velut impetu in spolia cessisse, priusque famam venisse Corasaniam ab hoste occupatam, quam ad eam occupandam arma parari. Non ita comparatæ erant res Hodabendis ea tempestate, ut in hostem viribus recentem, ac celeritate prævalentem erumperet illico, nondum debellato Turcæ. Præter Chaitanum, nemo erat in fœdere: ejus fides, etsi sponderet omnia, exercitumque viginti millium adducturum se promitteret, tanta non erat apud Persas, ut multum autoritatis tribuerent. Diuturna quippe experientia didicerant, hujusmodi Regulos quavis aura instabiles esse, velaque vertere eo, quo felicior armorum cursus vocat. Quare vehemens metus erat, ut ne Chaitanus in Persiam admissus, consociaret arma cum Usbeko, viribusque hostium auctis, simul & a fronte, & a tergo urgerentur.

1588. His difficultatibus colluctatus Hodabendes, qui nondum regnum cesserat, circumspēctius, quam acrius, hoc anno bellum gessit adversus Turcas. Tandem cum Usbekus populandi, urendique pulcherrimam regionem finem nullum faceret, Rex non jam pacis consilia admisit, sed inconsulta festinatione, qua victorias, famamque suæ gentis multum imminuit, pacem iniit cum Amurathe, Persico Imperio pudendam; sive istud egerit vindictæ ardore in Usbekum, c) sive metueret, ne hostium viribus impar cogere-
 tur majori jactura nominis, & provinciarum turpiorem pacem amplecti. Itaque Amisæ filius sexennis, quatuor Legatis, multisque nobilibus comitatus, Constantinopolim Regia magnificentia ingressus, recta ad Imperatoris aulam defertur; expositaque legatione, obsidis loco Byzantii mansit. Ferhates, qui Constantinopolim se contulerat, sua dicendi facultate eo pellexit Legatos, ut quas condiciones anno præterlapso dederat, iisdem tamquam maximo bello devictos adstringeret. Quæ res ingens odium concivit in Hodabenden-

A) Testis locuples huius locutionis Leunclavius. B) Hic Tartariæ Regulus ab ea regione nomen sortitus est, cui imperabat. Nam ut latissime major Tartaria diffunditur, ita & plures Dominos habet; sibi, vicinisque infestos. C) Pace composita cum Ottomanis, Persæ Usbekum ingenti prælio fuderunt. Annales Turcarum admodum perturbato ordine his annis Amurathis res gestas produnt. Ædipus adhibendus persæpe, ut quid assequaris.

dabendem, quem populus ignominiosæ pacis authorem non ignoravit. Is A. C. ut culpam, dedecusque a se amoliretur, Principem legationis in Persiam red- 1588. euntem trucidari iussit. Nempe AMANT Principes errata sua ministro- rum poena, si e re fuerit, tegere: bis interim errantes dum peccant ipsi, & alios plectunt.

Pax ista maximo commodo Imperii Turcici confecta, tantum autho- 1589. ritatis, gratiæque conciliavit Ferhati apud Imperatorem, & Byzantinos ci- ves, ut supremam apud Turcas Vezirii dignitatem jam spe devoraverit. Ob- stitit votis Sinanes, quem ab exilio revocatum, Amurathes huic officio ad- moverat. Sed Ferhates favore Imperatoris prætumidus, superiorem se fer- re non poterat. Eo igitur intendit curas, ut æmulum honoribus præeun- tem loco deiceret; crevitque odium, atque invidia tanto major apud mi- norem, quanto nuper Sinanes exilii poena damnatus abjectior erat. Dum avide criminandi acta Vezirii, opportunitatem arripit, casus Ibrahimi clas- sis Præfecti aditum patefecit, quo tela in æmulum validius emitteret, ictu- que uno fortunam hominis affligeret. Ibrahimus rei maritimæ rudis, classis præfecturam precibus suæ sororis in aula dominantis, obtinuit; & quamvis maritimo bello non distineretur Turcia ea tempestate, tamen quod Sinanes bellicosos spiritus haberet, terra, vel mari bellum gerere meditabatur. Qua- propter ut omnia expedita forent, classis adornandæ curam Ibrahim adimit, autoritateque sua hominem, nulla re, quam sororis fortuna nobilem, in ordinem redigit. Pupugit istud sæminam, apud Amurathem otio, venere- que fractum, dominantem; sociatisque cum Ferhate armis, Sinanis fidem suspectam reddunt Imperatori, quasi in Mahometem A) filium pronior, clancularia consilia miscuerit, juvenique spem Imperii occupandi fecerit, suo, Janicsarorumque favore.

Non abhorruit a machinatione tam atrocis facti ingenium Sinanis, bella perpetuo cupientis, Imperatorque accusatoribus plurimum deferens, & alioquin averfus ob pugnacem indolem, eum primum aula submovet, deinde Ferhate incitante dignitate exuit. Præsensit hoc fulmen aulicarum artium non incallidus Sinanes, cupidusque retinendi magistratus, præter im- mensam auri vim, suburbanum palatium ad omnem elegantiam instructum Amurathi offert. Non idcirco tamen suspicionem amolitus est, nec Impe- ratorem placavit, æmulum technis subactum. Hoc infortunio oppressus, constantem vultum præ se tulit, bisque jam superbe miser, atque indomabi- lis, in fuga non dubitavit minari, spe nempe nixus, tempestate pulsa se ite- rum amissos corivalium invidia honores postliminio adepturum. Non fe- fellit hominem spes sua. Etenim Ferhates æmuli submoti dignitate elatior, non multo post plurimum odium incurrit, iisdemque artibus petitus est, qui- bus Sinanem evertit. Quanquam longe atrociora perpetravit ille, indignum- que se præstiterit, ut aliquando amplissimo eo munere fungeretur. Lis in- tentata fuit ab adversariis, quos Sinanis casus multum exasperavit, quod bel- lo Persico durante, ærario Imperii viscetas manus intulerit, annonam mili- ti destinatam turpissima, & ante hæc tempora armorum Præfectis ignota quæstura divendiderit, ingentia munera compilarit, multam quoque e va- statis provinciis prædam asportaverit, Janicsaros præterea vilissimo labore distinuerit, solutis hoc onere incolis Siruanæ provinciæ, quod grandi ære semet his vexationibus subdlexerint.

Imperator ut a prædivite Vezirio aurum extunderet, minaci vultu accusationis capita non semel in os exprobrat, & ni tantis criminibus se pur- garit, ultimum supplicium minatur. Sed postquam ter decies centena au- reorum millia numerasset, accusatorum potentiam vehementer enervavit. Aliud subinde e fastigio præcipitem dedit. Janicsari e Persico bello reduces, cum præter spem frigide exciperentur a Byzantinis, quod parum feliciter bellum absolvissent, & stipendia tarde admodum procederent, aut certe cor- rupta moneta persolverentur, collatis inter se capitibus, ferro militaria æra

A) Amurathus filius is erat, Amasiz Præfectus,

A. C. repetenda statuerunt. Nec deerant, qui turbidos, ac civium cædem spirantes incenderent: *eamne sudoribus suis, ac fuso toties cruori mercedem esse? sic vultus cicatricibus deformes, trunca membra corpora, fractos ac fatigantes artus compensari? ut in patria stipendiorum jacturam faciant, sine honore tamquam vilissima mancipia apud suos habeantur? pro libidine Præfectorum bene meritos suo stipendio fraudari? istud enim vero ordini Janicsarorum ingens dedecus allaturum, nisi vi intenta, sua recuperare quamprimum studeant, autores tantæ ingratitudinis ad cædem deposcant.* Hæc non minus dolenter, quam minaciter jactabantur: & gliscente, ut assolet, ira & querelarum narratione, præsertim Byzantii, ubi & numero, & audacia præstabant, repente in forum provolant armati, civium juxta, ac peregrinorum apothecas diripiunt; tumultum denique per omnes amplissimæ urbis vicos momento conciunt. Amurathes cum Janicsarorum cohortes nova in dies accessione firmari animadverteret; nec amorem obsequii facile reditum speraret, postulatis eorum subscripsit. Atque inprimis Imperii Cancellarium, cujus consilio stipendia differri clamitabant, morti addixit: mox viri- tim ære in tumultuantes distributo, ac Tribunorum huc illucque volitantium cura, seditionis furor paulatim deferbuit, tandem penitus extinctus, dum dignitatem Vezirii Ferhati abrogatam, in Sinanem translatam videre.

Tertio jam Vezirius Sinan, tanto vehementius in bellum quodvis ferebatur, quanto iniquiorem in aula fortem est expertus. Et jam pronior rem Amurathem in arma reperit, quod Janicsaros armis tractandis innutritos, desperaret otium pacato animo diu laturos: satius itaque facturum se existimavit, si hostem inter Christianos Principes quæreret, in quem suam ferociam effunderent. Haud longo tempore deliberatum, terra, an mari dimicandum? quando probe noverant Consilarii (Sinan, & Cigaloglis ii erant) maritimæ expeditioni longe plus æris impendendum, quam terrestri: & Amurathem ægre propulsare bellum, nedum voluntate suscepturum, ubi majores sumptus impendi necessum foret. Itaque in Hungariam, quam arcium Præfecti creberrimis excursionibus, quotidianis cædibus fatigarunt ea tempestate, signa vertenda persuadere nituntur. Sed superiores aliquot anni mihi percurrendi sunt prius, quam hoc bellum ductu Sinanis gestum dicere incipiam, ut Lector intelligat, ita Ottomanorum vires ad Persidem occupatas fuisse, ut induciarum sanctitate posthabita, non parvis aliquando viribus Hungariam aggressi, suum Imperium in hoc regno propagare contenderint. Quo vero rerum successu istud conati fuerint, paucis disseram.

Ab excessu Selymi, Maximilianus pacis servandæ cupidus, Fridericum Preinerum Byzantium A) legaverat; ut inducias nuper pactas, Amurathes quoque ratas haberet, easque in longius tempus pro utriusque gentis commodo prorogaret. Is, sive quod otium præferret bellico labori, sive quod in Persas jam tum quidpiam moliretur, omni metu, solitudineque absolvit Cæsarem. Et nisi Præfectorum inexpiabile odium in Hungaros, ac effrenata cupiditas provincias urendi obstitisset, futurum erat, ut Hungaria, Hungariæque quovis jure obnoxiae regiones, toto eo tempore, quo cum Persis pugnatum, magna pace fruerentur. Primus eam perturbasse visus est Lip-pæ Præfectus, quem Stephanus Bathorius Transylvaniæ Princeps, in sui defensionem acciverat. Fuerat iste suffragiis Procerum, ac studio potissimum Christophori fratris, in Daciæ Vaivodam electus, B) electionemque uterque Imperator Maximilianus, & Selymus suis suffragiis firmarant.

Casparus Bekeffius non minus militari scientia, quam obitis legationibus clarus, prætorianis in suas partes traductis, spes ingentes conceperat Principatus obtinendi. Repulsæ impatiens, ingratae patriæ injuriam (ut interpretabatur ob strenuam, fidelemque operam in legationibus, armisque collocatam) vindicare statuit. Biennio tamen iram, doloremque in potestate habuit, sive impar Bathorii viribus, sive fidus Principi etiam in ira. Neque ultra privatas querimonias progressus, nisi quod in æmulum & ipse haufe-

A) Anno 1575. B) Videlicet anno 1571. quo Joannes Sigism. Zapolyii Regis filius decessit,

hauserit pertinacius odium, & apud suos, Maximilianumque infensus am-
plificaret. Odium biennio integro suis quodammodo limitibus coercitum, eo
validius erupit in bellum intestinum, quo certiori spe nitebatur Turcas, faci-
le suppetias laturos, quibus religione sua prior erat, atque Christianis.
Itaque cum Principis mandata aspernaretur, neque privatam fortunam ho-
mo vastioris animi, ferre posse videretur, a Bathorio obsessus in Fogarasien-
si arce, elusis excubiis ad Maximilianum se recepit. Hic importunis precibus
tamdiu agebat, dum auxilia impetraret adversus Bathorium, qui, ut reprim-
meret æmuli conatus, evocatis legionibus veteranis, atque acceptis in castra
quadringentis Turcis a Mehemete Lippæ Præfecto submissis, in hostem pro-
gressus, conferta pugna Bekeffium fundit præcipue Turcarum virtute. A)

Eodem anno, nempe septuagesimo quinto supra millesimum quin-
gentesimum, non jam velitum agmine, sed iustis exercitibus inducias rupe-
re, irritati per Joannem Balassium Kékôensis arcis Dominum. Ut erat non
minus strenuus, ac felix miles, complures hostium variis procurfionibus in-
terceptos, in ergastulum compegit, atque in eundem loculum curatorem
suum (Benedicto Pinterio viro nomen erat) conficto de industria, nescio
quo crimine, coniecit. Hic falso crudelitatem Heri sui apud captivos accu-
sans, fidem fecerat miseris, deserto Domino ad hostes defecisse, arreptu-
rumque omnem opportunitatem, crudelia facta in authorem vertendi. Ita-
que facile vindictæ cupidis persuadet: dimitterent unum aliquem e suis, spe-
cie redimendi capitis, vadimonio promisso, ac cum Mustapha Purpurato
Budensi clam agerent; ad statum diem cum milite armato adesset, qui funis
adminiculo in castellum perductus, capto, aut interfecto Balassio locum, nul-
lo impendio occupet. Purpuratus famuli perfidia gloriæ suæ incrementa
comparaturus, Füleko, Neogrado, & Buda militem eo properare jubet.
Ad conditum tempus, locumque adest ille, extensoque fune quini sensim
in castellum pertrahuntur. Hos Pinterus suis cum sociis doli consciis ex-
templo vincit. Qui ad rupem substiterant castelli, cum a commilitonibus
tesseram nullam acciperent, fraudem subodorati, funemque fatalem veriti,
conclamant primum, tum conviciis in Balassium, & Pinterum doli archite-
ctum jactis, intempesta nocte semet recipiunt.

Mustaphas, cui alioqui Balassius odio fuerat, nova injuria exacerba-
tus, deductis e præsiidiis cohortibus Janicsarorum, ac Alibegi Albenfis Præ-
fecti curæ commissis, fraudem hanc aperto Marte ultum ibat. Alibegus ac-
ceptis quatuor colubrinis, Kékôensem, quam jussu Balassii Emericus Pribe-
gus, veteranus equitum Ductor defendit, aliquot diebus verberat; patefa-
cto hiatu impressionem facit; sed dimicante pro muris Emerico, cæso Ber-
hamo Chaulio cum non paucis Janicsaris, strenue repulsus est. Alteram
impressionem veriti præsiidarii, deserta Kékôensi in Diviniensem arcem se
conjiunt. Hæc pariter corona cincta, cum tormentorum ictus, hiantes
muri perferre haud possent, in Turcarum potestatem venit non sine clade
defensorum. Utraque arx fere in conspectu Christiani exercitus capta, do-
lorem Balassii, & Cæsaris curas intendit. Qui eas repeteret nomine Maxi-
miliani, missus est Nicolaus Istvanffius ad Mustapham Budensem. Negavit
is sibi tantum potestatis esse, arces Imperatoris sui armis devictas, ut Cæsa-
ri redderet, propterea, quod fama expugnatæ arcium Byzantium perla-
ta, minoribus Præfectis facultatem adimat eas hosti restituendi. Oporteret
Amurathem, aut supremum Vezirium hac super re consulere. B)

Nec fortunatius in Illyrico pugnatum ab Herberto Aurspergo, illius
provinciæ, copiarumque summo Duce. Ferhates Bosniæ Præfectus, regio-
ni intra Colapim, Dobramque amnes sitæ, vastitatem minatus, cum exer-
citu in Croatiæ viscera ferebatur. Dux pro muneris sui ratione hosti occur-
surus, ad Radoniam fluvium, Germanici, Croaticique nominis militem
convenire jubet. Adfuit ille numero longe inferior Turcis. Sed cum sine
certissima clade retrahi non posset, Aurspergus pugnam edicit. Joannes
Voiko.

A. C. Voikovicſius cum equitum turma præmiſſus, certamen init; ſubſequitur 1589. Dux, peditatusque univerſus, & ſimul in pugnam ruunt. Voikovicſius conſoſſo equo, terræ alliſus, ac graviter ſaucius capitur. Auſpergus haſta per ferream laminam adaſta in latus, pariter proſtratus, capite truncatur. Engelhartus, Ducis filius, cum præcipui nominis Centurionibus in fuga interceptus, Byzantium mittitur; reliqui milites Ducibus ſuis orbat, per notos calles in tutiora fugerunt. Turcæ potiti non incruenta victoria, Buſinum, Czafnium, Zrinium, arces; nullo reſiſtente in ſuam redegerunt po-teſtatem. Incolæ ſive tædio tot procurſionum, ſive metu impendentium malorum viſti, deſertis veteribus ſedibus, in Hungariam, Auſtriamque comigrarunt, e longinquo fumantem patriam tutius ſpectaturi. Cum de his adverſus inducias actis, Preinerus Cæſaris Orator, Byzantii acerbe quereretur apud Purpuratos, illud reſponſi tulit: *Chriſtianos bello pacem rupiſſe primos, Turcas ſuſtinuiſſe impetum, fortunam vero meliori cauſæ, virtutique faviſſe.*

Uno, & altero anno pacem coluerunt Turcæ, nempe quoad vixit Maximilianus. A) Eo extincto, Ferhates Boſniæ Præſectus, nuperis victoriis elatus, Guoſdancum, Zrinyianæ ditionis arcem, ſuæ præſecturæ ſubjecit, magno ſane Reipublicæ detrimento. Quippe montes argenti feraces ab operis deſerti, ſuum deinceps veſtigal multos annos avare ſubminiſtrarunt, quod ſciſſuræ metalli cum venis ditiffimis terra, ſaxorumque ſtræ obrutæ, ſepultæque longo tempore jacuerint. Cæſar, Hungariæque Rex Rudolphus II. tot procurſionibus modum poſiturus, Caroloſtadium, ab Archiduce Carolo, operis authore, nomen ſortitum, firmum præſidium e fundamentis excitat, Præſectoque loci appellato Joanne Ferenbergo, Illyrico, vicinisque provinciis ſapientiffime conſuluit. Non poſt multo, exercitu comparato, Carolus in Illyricum properat, arduo ſuſcepto itinere per avios ſaltus, montiumque cacumina, avitæ libertati aſſerturus arces, quas retro actis temporibus hoſtis eripuit. Res proſpere ceſſit. Etenim Turcæ fama copiarum adventantium perterriti, Buſino, Zrinyio, Czasnio exceſſerunt. Ferhates non auſus in aciem prodire, eminus oſtentavit militem ſuum, & mox relegendis noſtris iter, eadem facilitate, cuncta munimenta recuperavit.

Exeunte anno juxta Kanifam amnem, alterum e ceſpite, ſaxeoque opere ſurrexit caſtellum, cui nomen Baicha inditum, eodem Carolo Archiduce ſtrenue operam admovente. Conabatur quidem Alibegus, Szigethi Præſectus, munitionem impedire, crebrisque procurſionibus in opus incumbentes territare; verum Georgio Zrinyio, Balthaſare Battyanio, & Francisco Nadasdio excubantibus, nullum operæ pretium fecit. Memorabilis eſt ea impreſſio, quam cum ternis equitum millibus ſuſcepit. Jam fere ultima manus imponebatur caſtello, cum tanta vi, celeritateque paludem ſuperat, ut copias Nobilitatis actutum in ſylvas rejecerit. Battyanus, qui in acie perſtiterat, dolum commentus, binos Turcas veſtibus ſupra communem ſortem ornatos, Nobilitati intra profundos ſaltus latitanti cuſtodiendos mittit, ut inde augurium reportatæ victoriæ caperet. Viſa tam divite præda animati Nobiles, canentibus ſignis ad locum certaminis feſtinant. Alibegus ratus adventare ſuppetias, omiſſo temere certamine, copias retrahere per paludem nititur. Inſtant Duces trepidis, ac fugam obſequio militari celantibus. Pars ferro, pars palude hauſti; pauci male accepti cum Alibego Szigethum reverſi.

Vix hieme tranſacta B) rurſum more ſuo Hungariam incurſant barbari. Parkanenſes ad Uivarini c) mænia provolare auſi, gregem pecorum celeriter abigunt. Paulus Thrax, loco præſectus, cum paucitati ſuorum diffideret, ultionem diſtulit, quam non multo poſt ſenſere iidem Parkanenſes, quorum pecora viciffim in ſpolia Hungarorum ceſſere, etſi machinas
in

A) Anno 1576. ſupremum vixit Maximilianus, cui ſucceſſit Rudolphus II. B) Anno 1580. C) Munimentum olim celebre; nunc propugnaculis, mænibusque audatum.

in prædabundum agmen exonerarent Parkano, Strigonioque, tanta vehem. A. C. mentia, ut Mustaphas Purpuratus repetitis ictibus excitatus, raptis Buda 1589. aliquot signis equitum, Strigonienſibus in auxilium feſtinarit. Paulo acrius in ſuperiori Hungaria, Illyricoque res geſta. Sasvares Szolnokini Gubernator ad Agriam infeſta ſigna circumtuleraſt, ratus præſidiarios in inſidias, frequentibus incendiis, agrorumque vaſtatione elici poſſe. Secus, ac putarat, accidit. Nam ab octingentis equitibus partim Hungaris, partim Germanis in certamen protractus, e bis mille ſuis, ſeptingentos amiſit cum tredecim ſignis militariſus. Anno ſequenti haud meliorem fortunam expertus, ad Tibiſcum cruento prælio fuſus eſt, mille quingentis ferro trucidatis.

At in Illyrico tanto illuſtrior victoria parta eſt ab Hungaris, quanto validior hoſtis deviſtus. Balthaſar Battyanius, Georgius Zrinyius, & Franciſcus Nadasdius, a quibus nuper neceſſitate extorta, ac verius propulſata, quam geſta hoſtilitas; alteram hoc anno ſponte ſuſcepere. Collatis inter ſe conſiliis Poſſeganum agrum inter Dravum, & Savum populari decreverunt. Cum delecta equitum, peditumque manu (bis mille, & quingenti cenſebantur) militare iter ingreſſi, ad Garbonocum caſtra fecerunt corpora curaturi. Forte Scanderbegus, Poſſegæ Præfectus, Ulaſanis Perſæ odio in Chriſtianos notiſſimi filius, eodem tempore terna circiter millia armatorum adduxerat, hoſtilibus flammis deformaturus plagam, Dravo flumini vicinam, & ſi Superis placet, Varasdinum uſque incendia ſparſurus; tetenderatque haud procul a caſtris Hungarorum. Ex utriuſque partis militibus, cum neutra hoſtile quid metueret, commeatus petendi gratia nonnulli proceſſerant omni metu ſoluti; ſaveratque fortuna Turcis, ut manipulatim progreſſi, in Hungarum offenderent ad fontis marginem. Hunc continuo circumſiſtunt, captumque in caſtra abripiunt. Ex eo intelligunt, Chriſtianos in propinquo caſtra poſuiſſe, adeſſe Zrinyium, Battyanium, Nadasdium veteranos Duces. Res inopinata trepidationem iniecit caſtris, præcipue Scanderbego, quod binos filios adoleſcentes, fatiſcentis domus ſurculos in eam expeditionem acceperit. Hos propere Haſſaino familiarium præcipuo commendatos, ad uxorem remiſit cum ſupremis mandatis, præſagus infeliſis pugnæ, ſuique obitus. Hac cura ſolutus, armatos caſtris educit; Calendere Legato, ac Derviſio A) ejus fratre, cornibus præeſſe juiſſis, ipſe mediam aciem tenuit. Hungari Duces fremitu Turcarum exciti, propere equites, peditesque ad pugnam inſtruunt, nominatiſque Præfectis, & militibus, ut fortiter impreſſionem excipiant, ſignum certaminis edunt. Varia fortuna, ancipitique victoria, pugna protrahitur; ad extremum Scanderbegus obefi corporis mole conſpicuus, ac propterea recipiendo ferro, ictibusque patens, haſta tranſfixus, equo deſcitur. Cæſo Duce, Calendereque in æſtu prælii capto, milites fugam ineunt. Captis militariſus ſignis viginti, Duces cum opimis ſpoliis ad ſuas ſtationes incolumes redierunt, in triumphum abductis triginta ſupra quadringentos Turcas.

Uno duntaxat anno quies ab armis fuit. Altero B) mox hoſtes hie-me ſæviente, ac Balatonem lacum durifſimo gelu conſtringente, agrum Kemeſienſem foede evaſtarunt, quos tamen Ladislaus Maithenius cum Chriſtophoro Pethõ repreſſit. Haſſanes Szigethi Præfectus, non poſt multo in provinciam Caſtri ferrei irrumpens, præda celeriter collecta, incolis abductis, Chriſtianorum iram evaſerat, quod ſilenti agmine, nullis que incendiis ſparſis procurſionem abſolverit. Redditum eſt hoc qualecunque detrimentum Kopanieniſibus Turcis. Alibegus Eunuchus haud ita pridem Byzantio in Hungariam reverſus, præfecturam Kopani obtinuit, utque initium præfecturæ inſigni facinore nobilitaret, ſexcentos, & quinquaginta præſidiarios Veſprimium verſus ducit, quo noſtros inſidiis exciperet. Stephanus

Imp. Ottom. Tom. I.

F f

Iſtvan-

A) Ita nominat Præfectos militum Iſtvanffius L. XXV. Cæterum Calenderes, Derviſius nomina ſunt Religioſorum apud Turcas, quorum meminit Leuncl. Pand. Hiſtor. Muſul. C. 171. ubi vivis coloribus inſtitutum, mores nequiſſimorum bipedum expingit, & nos quidpiam de iſtis ad annum 1493. pag. 61. B) Anno 1582.

A. C. Istvanffius Vesprii Præfectus eodem tempore, animoque egressus, trahebat aliquot peditum, equitumque centurias, ac prorsus ignarus consilii Eunuchi, recta in hostem tendit. Utraque pars stimulante gloria in certamen ruit, parique pertinacia in campo persistunt, donec Ormandius, Martini Thurii Legatus, cum sexaginta hastatis equitibus, centumque peditibus e proximo colle sese demittens, Turcis terrorem simul, & fugam iniecisset. Alibegus, dum trepidos animat, perlevi plaga in fronte accepta, capitur, atque cum præcipui nominis alarum Præfectis, Viennam mittitur.

Cæsar, ac Rex Hungariæ Rudolphus, etsi suorum fortitudine magnopere delectatus, tamen ne suspectam suam fidem faceret Turcis, quasi induciarum specie, tot præliis secundo Marte commissis, bellum moliretur, armaque Turcica in se concitaret; Henricum Liechtensteinium Byzantium properare iussit Legati nomine. Is quinque navigiis secundo Danubio Budam petens, a Sinane arcis Præfecto, patria Florentino, magnifice habetur; atque inde altero, quam venerat, die Belgradum Bego uno, tribusque Chausiis comitantibus delatus, itinere per Serviam, Bulgariam, Macedoniæ partem, ac Thraciam facto, Constantinopolim tenuit. Nactus subinde opportunitatem Amurathem conveniendi, munera more superiorum annorum, in corona Purpuratorum obtulit, questusque perpauca, de injuriis Hungariæ illatis induciarum tempore, etiam, atque etiam admonuit Imperatorem, ut suos deinceps ab omni hostilitate cohiberet. Rudolphum pariter pro sua autoritate adniscum, ne in oppida Ottomanici juris, ferro, flammæque sæviant Hungari. Addidit: factas quidem fuisse procursiones ab utraque parte, verum Turcas prædandi studio arma provocasse. Amurathes jam antea edoctus suos hostilitatis initia dedisse; facilem se præbuit Legato; & cum ea tempestate maxime bello Persico urgeretur, novem annorum inducias dedit. Sed nempe ea sanctitate a limitum, arciumque Præfectis servatæ sunt, qua retro actis temporibus. Dederat ille quidem ad suos Præfectos literas, quibus, ut militem in officio continerent, præcepit: verum insatiabilis avaritia reverentiam excussit. NULLA res animos avaritia incensos moratur.

Nondum digressio Constantinopoli Legato Regio, summum vitæ discrimen subiit Amurathes, dum animi causa equestrem ludum suis cum multis instituit. Est hoc genus hominum admodum familiare Ottomanicis Imperatoribus, tum quod iussi in omne nefas prompti ruant, tum quod Heris suis integram fidem semper præstent, ludicrisque corporum jactationibus, plurimum oblectamento sint. Horum consuetudine captus Imperator, frequenter cursu equestri diem extrahit. Prægrandibus equis, propterque molem corporis tardioribus mutos imponi iussit; ipse Arabico vectus equo, effuso cursu mutos premebat, & modo in hunc, modo in illum flagello, aut nervo bubali non molliter detonabat. In hoc non sane Imperatorio spectaculo, dum spectantibus risum movet, sudore diffuens comitali morbo, sibi familiari, corripitur, atque tam gravi prolapsione præcipitatus est in terram, ut continuo atrox rumor universam pervaserit urbem, Amurathem aut fato functum, aut proxime functurum. Janicsari, qui primi rumorem læti exceperant, quasi religione soluti, Hebræorum, Christianorumque officinas invadunt, & e mercibus inde eportatis, stipendia sibi debita persolvunt. Vires sumpisset pestis prædandi, ni Janicsarorum Tribunus ad primos tumultus strenuus accurrisset, militemque in ipso flagitio deprehensum laqueo necasset. Mox mancipiis, Janicsarorum vestibus indutis, ad Galatensem scalam magno numero suspensis, terrorem geminat, malumque in tempore extinguit. Amurathes adeo hanc famam non neglexit, ut cætera cunctabundus, quam primum dolor resedit, in publicum prodierit, rumoremque a malevolis temere creditum, ac sparsum refellerit. Quod ea potissimum de causa egit, ne error latius propagatus, hostibus Persis animos adderet, aut Mahometem filium, qui tum Magnesiæ res curabat, in Imperii spem abriperet. Ad videndum Imperatorem, ingens vis hominum con-

confluxit in forum, suis etenim oculis potius, quam alienis rem exploratam A. C. maluerunt. Et ille, quo penitus profligaret rumusculos serpentes, sonipe- 1589. di insidens, quamvis vultu vestigia morbi referret, citato cursu Sophiæ ædes petiit, sospitatori Mahometi grates acturus. Hæc quidem Byzantii. At in Hungaria, & Illyrico rursus ad arma deventum eo adhuc anno, quo induciæ prorogatæ. Adeo Præfectorum arrogantia, insignisque avaritia omne jus, fasque proculcavit. Præter arma lues oborta, provincias, quo belli furor non pertigit, vexavit, ut paucis dicemus.

Octona circiter millia Ferhatis Bosniæ Præfecti auspiciis in Carnos A) gravem, acerbamque incurfionem fecere. Redeuntes cum captivorum grege, opimisque spoliis non dubitarunt aggredi Josephus Turrianus, & Thomas Erdôdius Pro Rex Illyrici, atque primo impetu in fugam coniectos, captivis, castrensi que suppellectili spoliarunt, tanto majori Christianorum gloria, quanto Turcæ numero superiores erant. Hæc quidem in campo gesta. Paulo major in urbibus fit rerum perturbatio. Grave tempus, B) & forte pestilens annus erat Turciæ, atque Pannoniæ, nec hominibus magis, quam pecori. Byzantii, ubi hominum multitudo etiam peregrinorum reperitur, maxime morbus vulgabatur. Per ignota capita primum evagata vis morbi, pauperum casas late populabatur, tum militaris fere ætas omnis affecta, solitudinem Amurathis intendit, ob Persicum bellum, quod eo temporis maximis viribus gerebatur. In Hungariam subinde malum, Turcarum commigratione translatum, complures provincias afflixit. Cumulavit stragem Hassanes, Assanes Italis scriptoribus, Szigethi Præfectus, qui insulam inter Dravum, Muramque jacentem, flammis hostilibus exussit, tanta celeritate adhibita, ut ante Szigethum versus spolia referret, quam Georgius Zrinyius cum expedito equite advolare posset. Sed eodem adhuc anno reddita est clades a Nicolao Palfio, atque Francisco Nadasdio. Palfius Comaromiensem præfecturam adeptus, haud procul Comaromio vallum erexerat militari opere, ad incurfiones hostium frænandas. Illud Isacus Albæ Præfectus oppugnare, ac funditus excindere meditabatur, jamque silenti agmine eo progressus ad vallum constiterat quietem capturus, dum lucesceret. Palfius quasi ex condicto, multa nocte Comaromio cum militum manu ad eundem locum processit adversus Albanenses. Velites, qui agmen præcesserant, fremitu Turcarum excitati, ac tenebris tecti tela expediunt, pugnamque capefunt. In eo ancipiti prælio multi nostrorum militum ob altas tenebras acti erroribus, mutuo seipsos conficiebant. Eademque apud hostem rerum facies, donec albescente aurora, Palfioque incumbente cum validioribus copiis, Isacus trepida fuga campos emensus, proximas sylvas petiisset, victoria, impedimentisque victori militi relictis.

Nadasdius hujus victoriæ particeps, longe ampliorem suo deinde Marte confecit. Ad Kopanium, C) nobile Turcarum præsidium intercipientum pridem animum adjecerat. Sed Balaton lacus Herois vota morabatur, donec rigidiori hiemis tempore gelu duratus, semet veluti solidum pontem cohortibus, rei que bene gerendæ opportunitatem præbuisset. Quanquam Nadasdius hac expeditione oppida potius Thracum, qui Christianis annum tributum pendere recusarunt, vastanda suscepit, sive quod ad Turcas deficere vellent, sive quod a Balatone satis, superque se tutos arbitrarentur. Jam medium lacum superarat servatis militaribus ordinibus, accolis ad rem insolitam stupentibus, cum Paulus Sylvaius Vesprimiensium peditum Centurio advolat, quærit ex Petro Orlio alæ equestris Ductore, quo tendant?

Imp. Ottom. Tom. I.

F f 2

quemve

A) Istvanffius hanc, & superiorem incurfionem ad annum 1584. refert, additque Amurathem & Purpuratos Cæsareis Legatis Paulo Aicingero, Leunclavio Eizingano, & Henrico Liechtensteinio, Christianorum perfidiam objectasse, quasi vero illi induciarum sanctitatem primi violassent. At condecessæ, arma adversus prædabunda agmina cepisse Hungaros & Croatas, vimque vi repulisse, Legatos incolumes dimisere. Liechtensteinus Veneta triremi per Græciam reversurus, Calliopoli ad Hellefpontum e vivis migravit 1585. sexto decimo die Aprilis, cui addidit epitaphium Joan. Leunclavius comes itineris. B) Anno 1586. C) Istvanff. L. XXVI. Anno 1587. & Annales Turcarum.

A. C. quemve hostem vellent impetere? intellecto Thracum oppida populanda; 1589. ille etiam, atque etiam suadere, Kopanum tenderent potius, periculi securum: præiturum se sua cum centuria, & reliquo militi iter aperturum; sibi omnia perspecta, explorataque esse. Placuit Nadasdio hominis consilium, attributaque ei Battyaniorum militum centuria, Kopanum versus iter maturant.

Neque fortius egit, ac dixit Sylvaius. Ante auroram appropinquans oppido, dum densiori nebula omnia tegerentur, non secus, quam nocturno itinere, minorem portam occupat, eaque securibus, atque dolabris e cardinibus evulsa, Nadasdium, qui strenue vestigia prefferat, cum suis cohortibus accipit. Mox sublato ingenti clamore, qualis victorum esse solet, armati vicos oppidi invadunt. Ingens pavor barbaros primum perculit; deinde recepto animo suis quisque rebus consulere occepit. Pars conjuges, & liberos; pars fortunas tueri; nonnulli conscensis inter tumultum equis per averfam portam semet ejicere; pauci, quos vetus odium, recensque ira in Hungaros stimulavit, arma rapere, & pro viribus depugnare. Sed jam victor miles stationes primarias tenuit, ferroque viam indagans, fortes juxta, atque ignavos sternit. Regeffius Kopani Præfectus, subita impressione consternatus, consilii incertus, domi suæ sese continuit, clementiamque victorum imploravit. At Mustabegus, Sinanis filius, mortem fortiter optetere, quam vitam ignominiosam ducere maluit. Is cum grege mancipiorum in subterraneam apothecam se abdiderat, diuque locum sagitis, sclopetis, varioque telorum genere defenderat; cum victores capta mancipia ante illius conspectum adferunt, hortantur; *cederet necessitati: se una cum sociis victoribus tradat. Videret, ne quam ille fortitudinem existimaret, in temeritatem degeneret. Oppidum jam direptum, ac repugnare ausos partim caesos, partim captos.* Moveri videbatur homo plusquam Punicæ fidei. Nadasdium acciri rogat, cujus unius clementiæ dediturum se pollicebatur. Is sive barbari fastum averfaretur, sive alibi utiliorem operam poneret, vires suas Joanni Thraci, cognomento Odobassæ commisit. Ut intra teli jactum constitit Odobassæ, adeo scite a Mustabego graviore sagita gutture trajectus, ut ex equo deturbatus, continuo animam ediderit. Qui aderant Hungari, recenti ira feroces, commilitonis mortem ulturi, postes effringunt, valvas subruunt, congestoque fœno, & stramine in apothecam, ac igne injecto, cum multa mortalium strage Mustabegum suffocant. Tum vero interemptis, aut fugatis præcipuis Ducum, Kopano potiuntur Hungari, versique ad prædam, tantam vim omnis generis spoliis congerunt, præter sexcentos captivos, ut cum plaustra deessent, magnam partem eorum, aut cæno immerferint, aut inter ignem diviserint. His prospere, festinanterque actis, ne Balaton calidioribus ventis per eos dies solutus, iter interciperet, conjectis in tecta ignibus, ovantes in hiberna rediere.

Inter hæc Sasvares e provincia sua Bosnenfi egressus, Szigethum ad prima veris initia venit cum virorum robore, sive nobiliorem arenam quæsiturus, sive, cui potius fidem tribuo, valetudinem curaturus. Æstate media transacta, & firmatis utcunque viribus, ut erat militiæ laboribus a puero assuetus, otium abruptit, atque eam regionem, quæ Styriæ finibus vicina, ad flumen Muram pulcherrimo tractu protenditur, & tum a belli cladibus intacta, vastare, urereque constituit. Qui sub Solymano Szigethum ceperant, & per hos annos stipendia cum aperto capitis periculo fecerant Turcæ, Sasvarem monuerunt: *ut ne excubantes Hungaros irritaret: nosse se illius regionis incolas, & milites, quorum plerique disciplina Nicolai Zrinyii exculti, nunc sub filio paternæ virtutis, & irarum hærede militiam sectantur. Raro sine clade se redivisse, quoties in proximos agros procellam effuderunt.* Ille, ut erat sui tenax, atque adeo alieni consilii impatiens, maxime ubi de re militari quæstio oborta, convocatis e proximis præfidiis Præfectis, militumque manipulis, cum octo milibus armatorum in expeditionem se dedit.

Hic rursus monere, obtestari veterani milites, ut, quando placuit A. C. in hosticum ducere, ita adornaret iter, ne in conspectum Kanisæ, cum 1589. tantilla manu veniret, Zrinyiumque ad defensionem promptum ultro provocaret. Sed homo ferox, & gloriæ avidissimus, tantum abest, ut suorum monitis cederet, ut juxta Kanisam A) traducto milite inconsulto magis, quam ferociter diceret: *tantam formidinem incussurum se Zrinyio, ac præfidiariis, ut ne vultum quidem suum modico obtutu delibare auderent.* Secus accidit, ac sibi persuaserat. Nam Zrinyius temeritatem Sasvaris pro merito castigaturus, geminatis per occultos calles nunciis, Balthasarem Battyanium, Franciscum Nadasdium, Fridericum Trautmanstarkium de itinere Turcarum admonet: daturum se majoribus tormentis Kanisæ signum, ubi opportunitas rei gerendæ fuerit, advolarent ipsi cum suis legionibus, victoriam haud dubie certam fore. Ibat interim Sasvares suo cum agmine, superataque palude, quam Canisus rivus alveum supergressus perennem facit, Muram versus contendit. Et cum neque a præfidiariis, neque tormentorum ictibus impeteretur, Dux incautus, id fieri per metum interpretatus, majoribus longe animis in exitum ruebat. Ut ventum erat in destinatum agrum, omnis ira ad populationem vertitur, nulla incolumi relicta re, cui ferro, aut igne noceri posset. Et paucos intra dies ex inermi regione, ac nuda præfidiis, hominum, pecudumque præda ingens hostibus obvenit. Dum sine formidine hunc in modum desæviant; fumo ex incendiis villarum, ac ictibus tormentorum signum accipiunt Christiani Kanisam proficiscendi. Castra fiunt ad insulam Sarkaniam; cumque pares numero essent hosti, ita stationes inter se dividere Duces, ut omne militare iter firmo præsidio occuparint.

Jam Sasvares spoliis grave agmen ad vicum, cui Sancto Blasio nomen inditum, nocturno itinere egit, cum sero animadvertit, paludum angustias ab Hungaris insideri; captoque in arena consilio, relecto paulisper itinere exitum quærit. Zrinyius, ubi, id quod petierat, clausum paludibus, & circumfusum suis copiis habuit Turcam, signum omnibus dat invadendi. Primi, equites cum aquis, & locorum angustias luctantes adorti, adversis hastis confodiunt. Sed major eo die a pedite patrata est strages, quod loca palustria equitatum certis limitibus coercerent, celeritatemque consequendi hostem ei adimerent. Nicolans Malikoczius, Zrinyii Legatus, adductis fistulatoribus, Turcarum signa primus turbavit, turmamque Spahiorum summa cum trepidatione in fugam adegit. Sasvares, perculsis omnibus, ipse satis, ut in deplorata re, impavidus turbatos ordines rursus in aciem reducere contendit, Ducesque nominatim appellatos hortatur, ut vi, ac virtute per medias acies ferro viam aperiant, aut si cadendum, ne inulti pecudum, instar trucidari se sinant. Cæterum præ morientium ululatu, nec consilium, nec imperium accipi potuit, tantumque aberat, ut signa, atque ordines sequerentur animis jam metu victis, ut vix ad arma capienda, aptandaque pugnæ mens competeret.

Quinque-Ecclesienses, Mohacsiani, & Possegani cum aliquamdiu in acie stetissent, tandem & ipsi fugam capeſſunt. Pars magna (ubi locus fugæ deerat) per prima vada paludis progressi in aquam, quoad capitibus, humerisque extare potuere, sese immergunt: fuere, quos inconsultus pavor altius in voragines paludum impulit, quas cum superare non possent, deficientibus animis hauriebantur; aut ægerrime regressi, a victoribus fœde mactabantur. Reliqui locorum ignari partim cæsi, partim capti fuerunt. Mahometes Quinque-Ecclesiensis, & Hassanes Kopani Præfecti, e fuga retrahuntur. Sinanes Mohaciensis in cœnosam paludem provectus, glande plumbea ictus sternitur. B) Sasvares fusis agminibus, ipse quoque per paludem

Ff 3

fugam

A) Kanisæ, sive Canisæ, provinciæ Szaladiensis præsidium, nunc munimentis exutum. B) Ita Istvanffy loco laudato. Annales, quo exitu terminavit vitam Sasvares non meminere. In reliquis Istvanffyana narratio eadem est cum Annalium. Daniel Hartnaccus in Conspectu Bellor. Turc. ad annum MDLXXXVII, hæc scribit: „Georgius Zrinyius, & Nicolaus (Franciscus) Nadasdus præclaram de Turcis, qui pace violata XVII. castella devastarant, & Christianos multos abduxerant, ad Canisam interceptis victoriam reportant, „

A. C. fugam iniit, ac quinto die post, quam pugnatum est, viribus fractis ad 1589. suos evalit. Non post multo temeritatis pœnas a semetipso exegit. Nam justam Principis sui iram veritus, cum Byzantium festinaret cum muneribus, frustra que Amurathem delinire conaretur, iram acuentibus iis, quorum familiares prælio ceciderunt, venenum, in similes usus paratum, hausit, nemine viri fatum lugente, quod plerumque impetu magis, quam consilio arma ceperit, nec miles eo Duce victoriam sperarit, minus reportarit.

Altero anno A) longe minoribus copiis de Turca triumphatum erat ad Szikszoviæ oppidum. Ferhates, cui non ita pridem attributa fuit princeps in Hungaria præfectura, in avaritiam, & crudelitatem præceps, populum suæ ditioni obnoxium maximis oneribus, novoque tributii genere divexare cœperat; id quod homini avaro, Turcicoque nomini odium cumulavit. Quotidianis prope belli injuriis exhausta erat tota regio, ille nihilominus tributum antea modicum, augere, auctum inclementius exigere, & ni statim diebus vectigal ærario inferrent, pro suo imperio alios libertate adempta in vincula raptare, alios crudelissimis Heris divendere. Cum nullum sæviendi in miseros finem facturum videretur, plurimi incolarum metuentium ergastula, ergastulisque duriores servitutes, desertis sedibus, natale solum verterunt. Ii tamen, quos vicinæ arces, atque præsidia ab injuria tutos reddebant, sæva imperia averfati, ad arma respexerunt. Nec aliud remedium in ea licentia temporum, quam ex bello sumi potuit. Szikszovienfes inprimis, a quibus mille nummi aurei numerandi erant, projecto metu, nulla que futurorum discriminum cura, non Ferhatis modo postulata rejecere, verum etiam Cassoviensis, Tokainæque urbium opem adversus vim Præfecti, palam implorare. Ille suam, sui que Imperatoris dignitatem contemni ex tergiversatione Szikszovienfium, minaciter questus, ne vicina oppida contagio eadem traheret, ferrum, & ignem pertinacibus minabatur. Nec mora: convenire iussis minoribus Præfectis in agrum Peczthanium Septembri exeunte, sex equitum, totidemque millia peditum Szikszoviam versus ducit; tanto ultionis ardore, ut non dubitarit dicere: suam, exercitusque salutem male in apertum discrimen conjicere, quam defectionis auctores inultos præterire.

Ad quintum idus Octobr. sub primis tenebris in conspectum Szikszoviæ devenit. Oppidanorum plerique rebus suis diffisi fugam capessivere, pauci arreptis armis templum præalta turri, ac mœnibus cinctum insederunt, crebrisque sclopetorum ictibus incursantes pro virili arcuerunt. Cum pulsos indignatio accenderet, paulo plures in certamen prodivere; nec sustineri potuisset illorum vis, nisi Sigismundus Rakoczius, is qui ante aliquot annos eodem in loco mille Turcas cæcidit, capto Hassane equitum Præfecto, bipartitis agminibus ad terrorem augendum, in auxilium properasset. Turcæ subito nostrorum adventu percussi, omissa oppugnatione vallorum, iussu Caralis Begi, Ferhatis in ea expeditione Legati, subiectis facibus templi, oppidique tectis, aciem struunt. Neque Hungari cum Germano milite pugnam detrectant flamma undique collucente, ac tenebras submovente. Caralim inter nocturnos tumultus, dum in prima acie cristis, armisque conspicuus versatur, excusso e capite linteo tegumento, gravissimum vulnus in frontem acceptum, ex prælio submovit. Quo viso utraque pars in atrox, si unquam alias, certamen exarsit.

Mustaphas Szecseniensium Præfectus, nutantem suorum aciem restituere conatus, a nostris hasta trajectus, ante oculos Janicfarorum occumbit. Duobus post hos viris fortuna hostium innitebatur, Peczthaniæ clavis Gubernatori, & Janicfarorum Tribuno. Hi prope jam profligatos Janicfaros cohortati, in certamen novum perpulerunt, maxime ubi tormentis nostrorum latera impetiere. Et quanquam parum detrimenti legiones

A) Nempe 1588. Istvanff. Lib. XXVI.

giones acceperint, tamen fragor tormentorum adeo nonnullos perterrituit, A. C. ut solutis ordinibus, nocte pudorem tegente, terga dare inciperent, si-^{1589.} gnis aliquot hostibus concessis. In altero cornu longe pertinacius pugnatum fuit Ducibus Balasdeako, & Barczio, quorum fortitudine, atque invicta constantia victoria est parta. Corcutes Fülekiensis Præfectus numero suorum fretus, æquo Marte prælium extraxit, unusque omnium maxime cum hastatorum, tum loricorum equitum impressionem excepit. In tam ancipiti, obstinatoque certamine multi utrinque cadunt, plures tamen e barbaris, quod temere procurentes infestis hastarum cuspidibus figerentur. Jam amplius quatuor horas acerrime pugnatum erat, cum tubicen Rakoczianus, sive jussu Ducum, sive sponte sua consensu vicino colle, signum edit, speciemque præbet festinantis ad prælium militis. Errorem adjuvit nox intempesta, quæ omnia circum loca occuparat.

Tum enim vero Turcæ suppetias imminere rati, trepide ordines deferere, & quasi imperium fugiendi accepissent, armis abjectis, signisque militaribus relictis, cursu effuso sus deque ferri. Spahii, equestris militia apud Ottomanos, primi initium fugæ fecerunt, deserto Janicfarorum robore ad cædem, aut servitutem. Multi tamen per altas tenebras ad fluvium Sajonem pervenerunt, ubi reliqua fuga desperata, magno numero interfecto, reliqui se in aquas præcipitarunt, atque ibi timore, lassitudine, & vi fluminis oppressi perierunt. Cæsa ea nocte hostium duo millia, capti ter centum octoginta sex, cum omni supellæctili castrensi. Neque nostris incruenta victoria fuit, quando quidem ex Hungaris quadringenti decem, e Germanis ducenti viginti cecidere. Hæc victoria tanto celebrior habebatur, quanto minori manu est parta; quippe in universum copię Christianorum censebantur duo millia quingenti, quinquaginta novem. A) Nempe NON numerus, sed virtus pugnat, & vincit.

Hæc porro Szikszoviensis clades non magis continuit Ferhatis, ac devictorum animos, quam stimulavit Hungaros, ut non arma modo hostilia propularent, sed & ultro inferrent. Vincentius Gregoroczius, & Petrus Hufzarius, ille Jaurinensium, hic Papensium copiarum Legati, cum binis millibus præfidiariorum vastas solitudines sylvarum (Vertes) infederunt, Albanis, aut Budensibus Turcis insidias locaturi. Verum cum nupera clade exterriti, solitis procursionibus abstinere, Hungari biduo exacto in sylvis, sine operæ pretio ad arcem Gestesiam intercipiendam, haud procul inde distantem, animum, viresque adjiciunt, impellente præcipue Radicso Veszprimiensium Ductore, qui quondam ea in arce stipendia fecerat, aditusque omnes sibi notos habuerat. Hominis consilium fortuna minime fefellit. Præeunte eo, copię sine tumultu portis admoventur intempesta nocte. Dato deinde signo paulo ante lucem, quod sopitæ maxime quietis tempus est, proruto vallo dolabris, eversa que uno impetu porta, stratos passim vigiles invadunt ante, quam semisomnes arma caperent. Paucis armandi se spatium est datum, atque ii non signum certum, non Ducem sequentes, in superiorem arcem sese recipiunt. Victores eodem ardore portas adoriuntur, dumque summis viribus minarum pleni instant, Turcæ excidium veriti, deditionem faciunt, arce cum omni apparatu bellico Gregoroczio tradita. Ferhates amissæ Gestesie dolore exacerbatus, apud Ernestum Principem Rudolphi II. Hungariæ Regis fratrem literis egit, ut arx induciarum tempore occupata, sine mora reddatur; secus educiturum se ex hibernis militem, ac præsidia Christianorum, aperta vi oppugnaturum minabatur. Quanquam Princeps haberet, quo factum Hungarorum tueretur, tamen ne videretur barbaris ultro obtulisse occasionem invadendæ Pannoniæ, arx iterum Achomati, Legato Ferhatis, sine fraude restituta est. B)

Altero

A) An Ferhates cruentæ pugnæ interfuerit? non constat. Crediderim alieno ductu expeditionem peractam, cum Istvanfiana lectio Lib. XXVI. nusquam illius meminerit. B) Istvanfius L. XXVI.

A. C. Altero post anno A) paucorum procurfiones fere abruptis induciis 1589. in apertum bellum exarferunt. Georgius Turzo, B) equitum Ductor, delectis quadringentis equitibus Uivarino egressus, propter Strigonium infidias tetendit Ottomanis, in quas ut pelliceret eos, Mathiam Hufzarium, noti roboris apud Hungaros virum, cum pauca manu in conspectum urbis præmittit. Memis id temporis Strigonii Præfectus, valido agmine erumpens, commissa pugna Hufzarium tanta cum trepidatione fugat, ut ne unus quidem fugientium ad Turzonem, inter arbuſta cum ſuo manipulo latitantem, rediret, hoſtiumque adventum referret. Itaque Memis verſus in Turzonem, quanquam acriter repugnantem cum ſociis, in fugam avertit, cæſiſque nonnullis victor Strigonium rediit. Non aliam ſuorum jacturam ægrius tulit Turzo. Quare cladem ut hoſti rependeret, in omnem occaſionem imminebat. Equites pariter, qui ſe ægre Turcarum furori ſubdlexerant, ultionem parabant tanto ferocius, quanto nuper magis inglorii e campo redierunt. Neque longe occaſio aberat.

Inter Michaelem Borium Bakabanyenſis præſidii Legatum, & Ibrahimum alæ equeſtris Ductorem, leves primum inimicitie interceſſerant ob captivos, quos Borius numerato ære ſervituti eripere cupiebat, Ibrahim obnitente; dein in convitia mutua, ut ſit, prolapſi, ad ſingulare certamen ſeſe provocavere. Ibrahimus a Ferhate, Borius a Nicolao Palſſio, obtenta poteſtate ferro decidendi ſimultates, ad condictum diem, & locum data, acceptaque fide aderant, ſinguli centum equitibus (quanquam ſpectandi gratia plures Turcarum confluxerint) ſtipati. Verum cum Borius certo rumore accepſſet, Ibrahimum ad hoc certamen ejusmodi equum delegiſſe, cujus innata ferocia, an arte? haud dubie opprimeretur; negavit ſe in arenam deſcenſurum, niſi Ibrahimus mitioris naturæ equo vellet uti. Quod cum conſtanter abnueret, re infeſta diſceſſum fuit; ita novam litem decidente Pograno, qui pugnam moderaturus Carpona advolarat. Sed vix paululum proceſſerant Turcæ, præſidiarii novæ arcis, quos fama certaminis eo acciverat, poſthabito Ducum imperio, ſui ſecuros infeſtis telis impetunt, ac ſubita invaſione percuſſos, partim obtruncant, partim e fuga retrahunt. Sic cladem nuper acceptam inſigni flagitio, ac dedecore Chriſtiani nominis rependunt. Ibrahimus locorum peritus, noſtrorum quidem manus effugit, at præferocem equum, cujus ſupra meminimus, victores interceperunt; quem Joannes Draskovicſius paucis poſt diebus, jubente Palſſio, cum inſcendiſſet periculum facturus ferociæ, tanto impetu in adverſarium equitem inſiliit, ut fruſtra reluſtante ſeſſore, quanquam ætate, viribusque prævalido, prioribus pedibus erectis æmulum ad terram afflictum, dentibusque fœde arreptum, momento temporis confecerit.

Temerarium facinus Uivarienſium adeo graviter tulit Ferhates, ut niſi eo anno ſatis ceſſiſſet, multo utique Chriſtianorum ſanguine eluendum fuiſſet. Ad Principem Erneſtum literas dedit irarum plenas, quibus captivos cum omni præda adempta reddi, & de cæſis, interfeſtiſque ſatiſfactionem minaciter poſtulavit. Capti continuo ad ſuos dimiſſi ſunt. At non levis difficultas oborta eſt inter Hungaros, & Germanos, quod illi judicium militare ſubire detrectarent, peterentque pervicaciter, ſecundum patrias leges ut lis decideretur. David Ungnadius ea tempeſtate Senatus bellici princeps, etſi authoritatem ſuam infringi intelligeret hac tergiverſatione, tamen ne exaſperatos magis irritaret, Palſſio, ac Turzoni negotium commiſit; qui Franciſcum Nagyium, Georgium Nyerium, & Petrum Ormankozium, temerariæ invaſionis authores, in carcerem conjecerunt. Miſſus præterea ad Ferhatem erat Joannes Jurkovicſius, gente Dalmata, cum muneribus, quem acrioribus verbis exceptum primo in congreſſu, deinceps mitius habuit, muneribusque donatum, amice dimiſit cum nuncio, ut Erneſtus paucorum ſupplicio parentaret Turcarum cædi, nuper per fraudem inter-

A) Videlicet anno 1589. B) Georgius Turzo domi, militiæque rebus geſtis clariffimus, Pro-Regiam in Hungaria dignitatē obtinuit 1609. a morte Stephani Illyeshazii.

interemptorum. Ita jus gentium vindicatum iri, nec inducias rum- A. C.
pendas. 1589.

Verum ante suorum mucronibus cecidit Ferhates, quam supplicium de reis sumeretur. Quippe cum ad normam Principis sui admodum avare, administraret Budæ provinciam, in omnium odio versabatur; maxime militum, quorum stipendia sine fine differebat. Accessit & alterum malum per eos dies, quo homo avarissimus extremam perniciem capiti suo imminuentem acceleravit. Pannum Theſſalonicenſem, oryſam, cæterasque merces de industria pretio juſto majori æſtimatas, Janicsaris emendas obtruſit; cumque illi iniquiſſimæ nundinationi cum precibus, tum minis intercederent, nihilque præter verba impetrarent, inita conjuratione, in atrio prætorii nihil tale metuentem non uno vulnere contrucidant. Amurathes non auſus ulciſci mortem Ferhatis, ſive quod jure cæſum oſtenderent Budenſes, ſive quod apertam Janicsarorum defectionem metueret, venia conceſſa percufforibus, Haſſanem, Mehemetis Magni Purpuratorum olim Principis filium, Byzantio Budam abire juſſit, qui res Pannonicas curaret; ageretque pro viribus apud Cæſarem, ut munus biennio neglectum, de more veteri mitteretur. A)

Cæſo Ferhate, implacabili Hungarorum hoſte, nihilo pacatior res 1590.
patria habuit, Sinane ſupremo Vezirio bellum in Pannonios moliente. Pace B) etenim facta, ac obſide, Regii ſanguinis puero, firmata, cum omnia pacata ad Perfidem videret, armorum gloriæ avidiſſimus, campum bellandi alibi quæſivit. Amurathes avaritiæ non minus, quam otio inter gregem fæminarum a pueritia deditus, a belli conſiliis cum ſaniori Purpuratorum parte multum abhorruit, quod probe intelligeret, ſive terra, ſive mari bellum gereretur, ærarium Perſicis turbis vehementer imminutum, in novos apparatus penitus exhauriendum; ſibi vero etiam in Gynecæo curas obventuras. Suberant præterea non leves difficultates, quæ conſilia pacis præ ancipiti bello ſuadebant. Inprimis ſiniſtro Marte per tot annos ſæpius pugnatum cum Perſa, ut prope Janicsarorum nomen deletum videatur. Neque Duces veteris diſciplinæ adſeſſe, quibus copiæ multis partibus acciſæ, cum certa victoriæ ſpe committi poſſent. Hæc Purpurati in ſanctiori conſilio. Sinan, ſeu Sinanes, contra pro viribus adlaboravit, ut Turciam novo bellorum tumultu involveret, translatis ex Aſia in Europam armis. *Non equidem negavit pacem Polonis, Hungaris, Venetis datam; at eam jam dudum a Coſacis c) violatam ajebat. Szikſzoviam vero nobili Turcarum clade notatam, ſatis ſuperque teſtari, qua integritate, fideque inducias Hungari colant. Neque Cæſarem paſſis conditionibus ſtare, cum crebrius nunciis commonefactus, biennio jam evoluto nondum munus Imperatorium Byzantium miſerit. Venetam Rempublicam more aliarum gentium inſultare nomini Turcico, nec annuum veſtigal Corcyræos pendere Imperio. Hæc ſane ut ingens dedecus Amurathis nomini inferunt, ita minime ferenda. Vileſcere in dies Magni Imperatoris authoritatem, niſi armis fulciatur.*

Huic Sinanis ſententiæ, præter pleroſque Purpuratorum, obnitebatur Muſſius, ſupremus apud Turcas ſacrorum miniſter, qui ut bellum Perſicum Religionis cauſa geſtum conſiliis ſuis promovit, ita eo proſtigato pacem cum finitimis Chriſtianorum Principibus colendam, maximo ſtudio Imperatori ſuggeſſit; atque ut poſtea patuit, felicius, quam Sinan, id quod intenderat, obtinuit. Adverſarium tantæ authoritatis ut e medio tolleret Sinan, haud opus erat multo ſudore. Preſſo, quem hauſerat e Muſſii ſententia, dolore, non multo poſt nihil ſuſpicantem menſæ ſuæ adhibet, ac inter epularum hilaria veneno ſupremæ potioni indito necat. Tanta vero vis malo inerat, ut nondum convivio ſoluto cruciatus acutiſſimos ſentiret.

Imp. Ottom. Tom. I.

G g

Soni-

A) Vide Iſtvanſſium ad calcem L. XXVI. B) Annales Ferdinandi. C) Coſaci, gens raptò vivere aſſueta, urbem Benderiam, ſeu Bender, ſubita invaſione occupavit. Olim Poloniæ limitum cuſtodes adverſus Tartarorum irruptiones. Nunc in plures colonias diviſi, partim Polono, partim Moſcho, & Ottomano ſubſunt.

A. C. Sonipedi æger impositus, quo vehi consueverat, ex eoque ad fores Sinanis
 1590. prolapsus, e vestigio extinguitur inter famulorum ministeria. In defuncti corpore etli manifesta veneni vestigia legerentur, tamen Amurathes in cædis authorem nihil gravius statuit, sive unius crudele facinus multorum conspiratione peractum putaret, sive denique ejusmodi crimina inter aulicos suos domestica, ac civitate donata, silentio transmittere didicisset. a)

1591. Sublato tam potenti æmulo, nondum Sinan in bellum omnia expedita habuit, Imperatore pertinaciter omnem armorum materiam averſante. Quapropter ut invitum pertraheret ad arma, Haſſanem Bosniæ Præfectum per literas monuit anno MDXCI. ne otio tempus tereret, sed ea in regione vim Cæsareanis afferret. Quod si hostilitatem propulſatum irent, daret extemplo Byzantium literas rupti fœderis internuncias. Si populationem quieti exciperent, geminaret cladem, quoad arma caperent: hoc modo Amurathem non in Illyricum modo, verum & in Hungariam infestum exercitum missurum speravit. Gratiam fortassis invero a Lectore, si paucis edisseram originem, fortunamque hujus Haſſanis, quandoquidem secundum Sinanem violati fœderis, ac diuturni belli, quo Hungaria cum adſitis provinciis multum attrita est, authorem Annales domestici ferant. Is in Thracia nec obscuro, nec tenui loco natus, Haſſanem, Fülekiensi quondam arci præpositum, propinquitate sanguinis attingebat, cui in acceptis referre debet, quod in numerum adolescentum Selymi adlectus, aucupii, aviumque rapacium principem in aula præfecturam obtinuerit. Hoc officio dum ad votum Heri sui sedulo fungitur, tantum sibi gratiæ apud præcipuos Ministrorum conciliarat, ut Purpurati Osmanis, Persico bello multum inclarescentis, viduam in conjugem accipere minime dubitarit; quacum præter ingentes divitias, liberalitate Principis Bacſiensẽ præfecturam fortunæ suæ innexuit.

Sed hæc tam divites venas non habuit, ut sitim Haſſanis sedare, aut luxui conjugis suæ sufficere posset. Idcirco ad ampliora uterque aspiravit. Egerat illa causam suam apud pellicem, cujus consuetudine plurimum tenebatur Selymus: Haſſanes vero apud Sinanem; quorum commendatione Bosniæ provinciam regendam accepit eo temporis, quo Ferhates Budensi admotus erat. Memor itaque beneficii accepti, patroni postulatis satisfacere contendit. Collectis armatorum quinque millibus, eam regionem quæ inter Crisium, b) & Ivanicium protenditur, subita populatione invadit, ac circumlato armorum terrore, oppidisque incendio deletis, Bosiacum Tahii castellum uno impetu capit, quo etiam succenso, ingenti celeritate juxta Zagrabiam late, longeque evaſtatis oppidis, prædas agit; effusus haud dubie in vicinos agros ferociam, nisi amnes autumnus jam præcipitante imbris aucti, iter præcluſissent. Redeuntem cum opimis spoliis, ac colluctantem cum amnibus, exceperunt Illyrici Duces, Stephanus Grasbanus, Gregorius Laboharius, & Michael Siculus. Haſſanes nondum viso hoste, primis immixtus agminibus iter accelerat, relicta peditum, equitumque manu, quæ fugientis tergum tueretur. Miles Illyricus affecutus recedentes, ingenti clamore pugnam capeſſit. Alibegus, & Osmanes ultimi agminis Ductores, irruentium impetum sustinere, missisque equitibus ad Haſſanem, ut laborantibus opem ferret, spe auxilii venturi audacius, quam constantius in acie perſtiterunt. Ubi intellectum, Haſſanem non de prælio, at fuga consilium inivisse; tandem & ipsos pavor, fugaque occupat. Eo prælio cecidit Osmanes, & alii clari nominis Ottomani. Duo supra viginti militaria signa Victoribus obvenerunt, cum septuaginta duobus captivis, quos inter Muſtapha erat equeſtris turmæ Ductor. Illud Victorum animos mire adfecit, quod quadringentos Chriſtianos sæviſſimo hosti ereptos, libertati priſtinæ reddiderint. c)

Hoc

a) Istvanſſ. L. XXVII. Cæterum Annales Ferdinandeï nihil de morte Muſſii. b) Crisium civitas libera, & Regia ad montium radices: hanc Ratkajus Banorum Croatia Scriptor, ab amplitudine, & Comitiorum frequentia celebrat. Ivanicium castellum, quondam Sclavoniæ Bani ſedes. c) Istvanſſius loco laudato.

Hoc accepto detrimento nihil dejectior Hassanes, Illyricorum ani- A. C.
mos magis irritare in bellum constituit. Habito consilio cum Rustane suo 1591.
Legato, Velethame, & Erdogle, regionis illius peritissimis, arcem frænando
Illyrico erigendam perquam necessarium existimavit. Cum diversas sententias
promerent de loco arcis deligendo, ipse oculis perlustraturus regionem,
cum copiis suis in Illyricum contendit. Qui Goræ, & Rastovicæ præerant,
Turcarum adventu exterriti, excefferunt. Hanc regionem contemplatus
Hassanes, agrum ubi Petrinus amnis e montibus devolutus Colapi miscetur,
arcis extruendæ percommodum censuit. Nec quisquam suorum huic consilio
intercessit, quod facile appareret, a loci ingenio plurimum munimento
accessurum. Inde castris promotis Sisciam ^{A)} versus abiit, ratus præsidium
illud sui fama, & copiis solummodo ostensis deditum iri. Secus, ac putaverat,
evenit. Nam Nicolaus Mikaczius unus e numero Canonicorum Zagrabien-
sium, non minus toga, quam sago clarus obstitit, machinisque castren-
sibus strenue solutis, ab arcis aditu barbaros cohibuit. Hassanes
perspecta Nicolai virtute non ausus propius accedere, triduo in ulterio-
ri Colapis ripa exacto, iter relegit. Pro-Rex Illyrici, Thomas Erdödius,
hostium irruptionibus provocatus, accitis Nobilium copiis, & præsidario
milite vicinarum arcium, Monoslo, oppidum sui juris, at tunc temporis a
Turca possessum, invadit; triduoque post, quam oppugnari cœptum est,
deditione capit, propugnatoribus libere abire permissis. Arx, cum plus
periculi, quam auxilii Illyrico adferre videretur, jussu Pro-Regis diruta est.
His intellectis Hassanes, Rustanem, Legatum suum, Constantinopolim
festinare jussit, mendaciis apprime instructum, quibus Amurathem in bellum
Pannonium flammaret.

Is ad Imperatorem admissus, orationem querelis plenam orsus est.
*Ajebat: Pro-Regem Illyrici justo exercitu fines Ottomanorum incurrisse nuper,
arcem non minus milite, quam apparatu bellico instructam, vi intentata
cepisse, brevique Bosnensi provincia depulsurum Turcas, nisi arma victorioso
hosti opponantur. Hassanem non tam metu, quam induciarum sanctitate
ab omni hostilitate militem suum cohibere. Intra arcium, urbiunque munimenta
Turcas torpere; popularium cædes, fumum ex incendiis villarum, agrorumque
quotidie oculis spectare, nihil tamen attentatum in hostes a copiarum
Duce, ne primus infregisse pacem & diceretur, & haberetur. Videret
Imperator, ne res Turcica ea in provincia majori detrimento in dies
afficeretur; debellari posse Illyros una æstate, si bellum decerneret, copiasque
sat tenues novo supplemento militum augetet. Cunctando hostium animos
nimium jam auctos, nec tolerandam eorum superbiam. His ferociter dictis,
quo authoritatem adstrueret, ferream pilam, sexaginta facile librarum,
nescio unde allatam, in vestibulo curiæ ostendit, asserens ejusmodi
globis arcem verberatam, & ad deditionem coactam.*

Non deerat tam opportunæ occasione belli excitandi Sinan, cujus atroci
ingenio hæc faba cudebatur in Hungariam. Calamitatem Bosniæ, Victorum
armis pene subactæ, longe uberioribus verbis Amurathi exposuit, Hassanique
ante omnia opem ferendam dictitavit. *In eo, Bosniæque conservanda
versari salutem Imperii. Amissa nobilissima provincia, viros defuturos
Turciæ, quibus Majorum armis parta in posterum tueretur. Inde robur
militiæ collectum: inde Duces exercitibus datos. Cæsarem induciarum
oblitum, regionem pacatam pro libidine vexare; nec aliud jam spectare, quam
ut urendo, populandoque Turcicos agros, ad justam defensionem propelleret
torpentes. Hæc si deessent, satis, superque dedisse indicia mutatæ voluntatis
adversus Amurathem, quod retento munere, amicitiae tessera, induciarum
tempus sua sponte definivisset. Utriusque oratio Amurathem movit. Quapropter
celeriter redire jussu Rustane in Bosniam, peramplam potestatem*

Imp. Ottom. Tom. I.

G g 2

dedit

^{A)} Siscia olim, seu Segesta, nunc Sissekum, munimen Augusti Cæsaris oppido insigne, Colonia Romana. Temporis lapsu cum a barbaris ad pauculas ædes redigeretur arx, Canonicorum Zagrabien-
sium Collegio obtigit. Consule Ratkajum in Memoria Regum Dalm. L. IV.

A. C. dedit Hassani pro arbitrio non bella modo administrandi, sed arces etiam ex-
 1591. truendi, militemque legendi. Denique ne quid Respublica detrimenti ca-
 peret, omni contentione virium adniteretur. Monitus præterea Kreko-
 vicus, Cæsaris Byzantii Legatus, ut tandem e pactis conventis munus
 biennio non visum Byzantii, sine tergiversatione mitteretur: secus intellige-
 ret omnem amicitiam interruptum iri. A)

1592. Hæc dum Constantinopoli aguntur, Rudolphus Cæsar ne adversus
 fœdera, & pacta egisse videretur, munus Amurathi deferendum, secundo
 Danubio Comaromium expedivit, nominato Legato, qui illud Byzantium
 promoveret, Adamo Poppelio. Palfio tamen nunciatum, certiorum ut
 redderet Budensem Præfectum de isthoc munere, hortareturque eum no-
 mine Cæsaris, si ex fœdere postulare honoraria dona Amurathes, daret
 operam, ne Hassanes Bosniæ Præfectus, ditiones Cæsaris infestis signis per-
 cursus; oppida, præsidia admotis etiam castrensibus machinis oppugnet.
 Ita pacem sinceram constituram; neque Cæsarem quidpiam admissurum
 adversus fœdera. Sed jam Hassanes a Vezirio acrioribus stimulis incitatus,
 Bihigium B) urbem adulta ætate obsidione preffit, ac octo dierum spatio
 verberatam, occupavit. Versus subinde ad extruendum munimentum, cui
 anno superiore locum delegerat ad Petrinum, Colapimque amnes, ingenti
 multitudine agrestium adducta in opus incumbit. Thomas Erdödus cir-
 cumfusæ regioni excidium metuens a castello surgente, copias Pro-Regia au-
 thoritate undique cogebat. Præter Illyricos confluerunt e Carinthia, at-
 que Styria equites, quos vicinum periculum in arma excivit. Grasbanus,
 qui finitima præsidia curabat, crebrius internunciis appellatus, ut cum suo-
 rum manu in castra festinaret; cum moras neceret ob stipendia militi non-
 dum numerata, maxima Reipublicæ Christianæ jactura, expeditionem
 corruptit.

Nam Voinus Thrax, c) homo levissimi ingenii, sive Turcico auro
 emptus, sive veteri consuetudine Turcarum allectus, apud quos stipendia
 olim fecerat, ad hostem clam descendit, consiliaque Erdödi enuntiavit. Au-
 thor præterea fit Hassani, ne tempus cunctando protraheret; sed copias
 Christianorum, fama longe minores strenue aggredere: id nisi fecerit
 quamprimum, affuturas brevi post tempore Germanorum equitum, pedi-
 tumque cohortes, æneis fistulis armatas, quarum celeritate, peritiæque ja-
 culandi, haud dubie res Turcica in summum discrimen devolvetur. Hassa-
 nes cum prælium evitare non posse e castrorum propinquitate (nam utra-
 que Colapis fluvius solum diremit) conjiceret, undevigesimo die Julii, tra-
 ducto, per pontem Colapi injectum, exercitu, Erdödiana castra oppugna-
 tum venit. Illyri extra valla progressi certamen equestre contraxere, quoad
 Germani in aciem prodirent. Verum dum tardius, ac Turcarum celeritas
 postulavit, ad pugnam sese præparant, Illyri impetum hostium haud feren-
 tes, Germanos pariter nullo certamine tentato in fugam abripiunt. Pe-
 destres acies equitum auxilio destituta, nondum loco cesserat. At redeunti-
 bus ferociter iis, qui equitatum persequabantur, multitudine hostium ob-
 ruti funduntur. D) Sexcenti eo prælio a nostris amissi, Hassanis nomen,
 supra quam par erat, celebre fecere apud Amurathem, cui cæsorum capita
 cum militaribus signis per Rustanem Byzantium misit; quorum numerum
 ut in speciem augeret, atri coloris vexilla, quæ prisca pietas Heroum Ma-
 nibus, gratitudinis ergo apposuit, impudenti audacia detraxit, ac in par-
 tem spoliis addidit. Qua quidem impostura tantam consecutus est mi-
 litaris scientiæ famam apud summos, infimosque, quantum summi Impera-
 tores vix sibi optare potuissent. Sed non diuturna sibi constitit hæc bellicæ
 virtutis existimatio, ut eventus docuit. Nempe UT fatui ignes plus spleñ-
 doris,

A) Hæc Istvanffius, quorum Hungaro-Turcica Chronologia non meminit. B) Ratkajæ Bihicium,
 urbs amæno loco sita. C) Ita nominatur ab Istvanffio, ab aliis Scriptoribus Belojevichius e
 Servia oriundus. D) Annales Ferdinandi hic variant, produntque duodena Turcarum
 millia periisse, & admodum cruenta victoria potitos.

doris, quam virtutis habentes diem non ferunt, ita Belliducum gloria favore A. C. militum, aut aliunde corrogata potius, quam a sincera virtute accepta, 1592. uno adversæ fortunæ ictu in præceps ruit, ac momento evanescit. Et istud suo exitio expertus est Hassanes, cui secundum prælium ad Sisciam obsidendam animos dedit, ac anno insequenti cæso florenti exercitu, vitam ademit.

Interea Amurathes muneris percupidus, quod Comaromium delatum e Budensis Purpurati literis cognoverat, Bosnensi Præfecto omni bello interdixit, misso Chausio, qui Imperatoris mandata perferret. Sed Hassanes spe potiundæ arcis inescatus, Chausio in suas partes splendidis promissis pertracto, Rustanem e technis, & fraudibus compactum, Byzantium ablegat. Is non dubitavit Amurathi palmari mendacio imponere, Rudolphique integerrimam fidem elevare. Ajebat: *Cæsarem pollicitatione nihil aliud velle, quam ut Ottomanos a belli consiliis avocet, spiritusque bellicosæ nationis sopiat, dum ipse interim undique copias cogit. Jam quadraginta Germanorum millia ad Zagrabiam tendere, cædibus, rapinis exhaustura Bosniam, si Hassanes victoriarum cursum interrumpat, ac severo imperio circumscriptus, ferrum recondat.* Incertus animi Amurathes utri fides habenda, rem integram ad arbitrium Vezirii rejecisse visus est, qui veteri suo more, belli fomitem non modo non restinxit, sed perniciosis consiliis, & approbatione rerum ab Hassane gestarum magis incendit. Quanquam hoc anno scintillæ belli apparuerint potius, quam in incendium eruperint, cum præter obsidionem Siscie, quam solvere coactus est ob singularem propugnatorum fortitudinem, nihil ab eo tentatum; nisi quod Savi, Colapisque accolæ omni belli clade attriverit. A Cæsareis pariter arma ostensa magis, atque illata, autumnio imbribus fœdo hiberna petentibus.

Annus tandem MDXCIII. incendium latius, ac par erat, sparsit. 1593. Etenim Hassanes repetitis vicibus Siscie obsidione depulsus, non mediocre dedecus nomini suo inustum iri existimavit, ni armis domitam suæ potestati subderet. Famam quoque, qua major in aula Byzantina haberi cœperat favore, quam armis, ratus leviolem fore, si Sisciam, quasi testem se vinci posse, reliquisset. Igitur per otium, hiemis tempore e Pannoniæ præfidiis evocato milite, exercitum quinque, & viginti millium armatorum primo veris initio in campum eduxit, factoque itinere juxta Savi ripam ad Siscie muros decimo quinto die mensis Julii confedit. Arcem tuiti sunt iidem, qui anno superiore, nempe e sacro Collegio Zagrabiensis Ecclesiæ Canonici Blasius Jurakus, & Mathias Finticzus, a) viri in curia non minus, quam in campo diuturno armorum usu exerciti; cumque in dies arctius premerentur obsessi, interempto etiam Finticzio minori pila, suppetias postularunt a Pro-Rege, & Ruperto Eggenbergio Zagrabiæ Præfecto. Hi in sociorum salutem jam dudum intenti, collatis consiliis cum Andrea Aurspergio b) legionum Germanicarum Præfecto, copias ad liberandam Sisciam undique cogunt.

Erdődus pro muneris prærogativa, Illyricorum manum instructa acie in hostem ducit, vestigiis inhærente gravioris armaturæ exercitu. Ut primum fremitum equorum excepit Memibegus, qui ad pontes Colapi amni injectos excubabat, Hassani lautiori mensæ accumbenti hostium adventum significavit. Is quanquam trepidis nunciis perculsus, tamen ne suorum animos magis perturbaret, qui e Ducum vultu plerumque exitus belli metiuntur, voce imperterrita signa totis castris canere, delectosque mille equites Colapim trajicere jussit, qui cum Memibego Illyros amnis transitu arceant, dum ipse robur Janicsarorum in pugnam promoveat. Imperio Ducis obsecuti, celeriter conscensis equis se castris ejiciunt, venientique Erdödio trans pontem obviam procedunt. Illyri certaminis avidi in prælium ruunt, priusque pugna cœpit, quam Turcæ laxatis habenis ad Memibegum properantes, aciem struere possent. Cum nihilo-

G g 3

minus

a) Præfectura arcis fungebantur Canonici, quibus ætas tractandis armis par erat. b) Alii Rupertum Eckembergium huic substituant.

A. C. minus ad locum pugnae majori numero coirent hostes, Illyrorum imper-
1593. tum constanti gradu sustinuerunt, quoad Aurspergius sexcentos fistulato-
res adduxit, qui continenti glandium jaculatione, equitum ferociam re-
pressere.

Hassanes interim armatas, paratasque peditum cohortes, signa ex-
tra vallum proferre jubet. Jam potior pars pontem superaverat; pars ob
angustias ad ripam Colapis subsistere iussa transitum operiebatur. Ubi
equitum turmas fluctuare, fugamque circumspicere sensit, in tempore Ja-
nicsari cum Illyris, Germanisque infensis animis concurrunt. Pari prope
numero pugnatum fuit, praeliumque anceps multos utrinque, & fortissi-
mum quemque absumpsit. Nec prius inclinata res est, quam Erdodio cum
suis equitibus acerrimam impressionem faciente, ac Aurspergianis e-
quitibus perpetuo fistulas solventibus, prima acies multiplici strage turbata
fuit. Tum quasi signo accepto, qua quisque potest, fugam per diversa
petunt. Ingens fugientium multitudo in unum metu conglobata, ac se-
metipsam turba impediens ad pontem ferebatur; ibi cum angustiae eam
capere non possent, Hassanes fugientium agmini immixtus, sive sponte, si-
ve a militibus impulsus, in Colapim desilit. Haud propitio flumine acce-
ptus erat, ut olim Romanus, sed cum aliis quam plurimis, idem fatum
subeuntibus, vi fluminis opprimitur. Pedites qui arcu oppugnandae relictii
erant, a nostris pariter impulsus, in fugam aguntur, plurimique Odera A)
flumine hauriuntur. Eadem fortuna usus est Mehemetes Amurathis sorore
genitus, qui e ponte praecipitatus, dum opem Erdodii implorat, multis
desuper incidentibus telis, a peditatu interimitur. Caeteri trans Colapim
relictii, visa suorum caede fugam capessivere. Nullo unquam praelio plus san-
guinis fusum esset, nisi Tahius ignarus victoriae pontem rupisset, nostris-
que insequendi palantes facultatem ademisset. Praeter Hassanem copiarum
Ducem, Mehemetem, multosque clarissimi nominis Praefectos partim ferro
victorum, partim amnium vorticibus perierunt duodena amplius millia Tur-
carum; ut unum hoc praelium, superiorum temporum fortunae culpam, cu-
mulate redemisse videatur. B)

Haec est nobilis ad Sisfiam pugna, atque inter paucas memorata
gentis Ottomanicae clades, quam ex acie fugientes, ingenti terrore, ac tu-
multu Byzantii odiose auxerunt. Sinan Vezirius ad primos tantae cladis
nuncios exhorruit, temeritatemque suam sero damnavit, quod perniciosis
artibus, levibus simultatum initiis, cruentissimum bellum excitavit, quo Il-
lyrici, Pannonique exercitus robur interiit. Verum cum videret longe
graviora detrimenta Bosniae, totique Imperio illatum iri, nisi novis viribus
exhaustae provinciae succurratur, author fit Amurathi, ut praetorianas le-
giones, Asiaticos exercitus ad bellum propulsandum proficisci juberet, pol-
licitus, non operam modo suam in ductando milite, sed victorias quoque
amplissimas suo ductu reportandas. Amurathis praeterea soror, filii mor-
tem muliebriter ferens, continentibus lacrymis Imperatorem urgebat, ut
ne inultam pateretur florentissimi juvenis necem. His incitatus Imperator
Rudolpho cum Byzantii vigesimo nono Augusti, tum Budae bellum indixit,
Oratoremque Fridericum Krekovichum jure gentium violato, catenis col-
lo inditis, carceri mancipavit, familiam vero, quam numerosam censuit,
partim ferro trucidari, partim ad triremes rapi superbe mandavit. C)

Spe pacis hunc in modum everfa, Rudolphus Poppelio Legato suo
cum muneribus Viennam revocato, qui Comaromii jussu Caesaris subste-
rat, Palfium, Zrinyiumque admonet, ut solerti studio rem bellicam curent,
legiones novis supplementis augeant, hostem denique sua clade perturba-
tum, crebris irruptionibus divexent. Erdodio ut Petriniae D) oblidionem
nuper

A) Odera amnis (diversus utique ab Odera, sive Viadro Silesiam, Marchiam Brandenburgicam, & Pomeraniam interfluente) ex rivis, & fontibus ortus in Colapim evolvitur tam profundo al-
veo, ut raro vado superari possit. B) Chronicon Hungaro-Turcicum octo millia interiisse re-
stat. De hac pugna copiose Annales Ferdinandeae. C) Annales Ferdinandeae ad annum
1593. D) Petrinia anno superiori est ab Hassane structa, aut communita.

nuper Eckempergii celsatione interruptam, continuet, mandat. Igitur A. C. Duces Rudolphi imperio, in veterem arenam progressi, copias victrices 1593. Petrinæ admovent nullo omnino successu. Sinan enim Vezirius, maxima celeritate Byzantio cum exercitu movit Belgradum, auditoque Petrinæ discrimine, filium suum Hassanem, Græciæ, Thraciæque præfectura insignem (Beglerbegum-appellant Turcæ) cum armatorum manu in Bosniam festinare iussit. Et jam Szigethanus Præfectus (huic quoque Hassani nomen erat) reliquias Siscianæ cladis collegerat, & ad Rastovicziam munitis castris in edito monte continuerat; cui Beglerbegus suas copias conjunxit, speciemque maximi exercitus præbuit. Georgius Zrinyius, qui armorum causa in castris Illyricis versabatur, animadversa paucitate Christianorum, salubri consilio retrahendum potius exercitum duxit, quam iniquissimis locis eundem oblectare multitudini Turcarum. Recedentibus nostris in suas stationes, Ottomanorum agmina ad Sisciam occupandam animos convertunt. Arx majoribus machinis verberata, adeo perculit propugnatores, ut desperata defensione deditionem præproperam offerrent. Dum data, acceptaque fide de conditionibus agitur, Janicsari ne prædam amitterent, ferro accincti per otium arcem accedunt, nemineque auso viam præcludere, per ruinas evadunt. Pauci propugnatorum viso periculo Savum traiecerunt: cæteri aut cæsi, aut capti sunt. Casparus Grangia, & Andreas Fabritius ea tempestate arcis Præfecti, parem fortunam sunt experti: ille trucidatus; hic Byzantium abductus, atque in Pontum Euxinum missus. ▲)

Siscia sub jugum missa, victor Beglerbegus in paterna castra contendit, quæ per eos dies Buda Albam, indeque Vesprimium translata erant. Centum armatorum millia Sinanem sub signis habuisse a barbaris de industria jactabatur, cum tamen magna pars iustis armis destituta, calorum, lixarumque gregem potius auxerit. Ferdinandus Speciacasa Neapoli oriundus, loci præfecturam gessit. Is, quanquam antea actis temporibus præclara fortitudinis specimina ediderit, post brevem admodum defensionem fugam cum præsidiariis attentavit, multum obnitente, ac grande flagitium oggerente Lupo Tarnoczio ejus Legato. Nocte concubia Ferdinandus, cæterique fugæ comites suspensio, gradu per minorem arcis portulam in patentem campum evadunt. Turcæ, qui pone excubias agebant, seu strepitu festinantium exciti, seu fugæ consilium edocti, clamore sublato trepidos, flagitiique turpitudine oppressos aggrediuntur. Pauci beneficio noctis in sylvas Bakonias delati, salutem reperere, plurimi multitudine hostium circumventi, cæsi, aut capti fuerunt. Ferdinandus fuga lassatus, Belgradi uno, & altero anno in æumnis transacto ad suos rediit. B) Vesprimio quadridui oppugnatione c) capto, ad Palotam castra metatus est Sinan. Non alius exitus, quam Vesprimii, Palotæ fuit. Biduo non amplius verberati muri Petrum Ormondium in deditionem coegerunt. Transactis cum Sinane conditionibus, præsidiarii cum conjugibus, liberis arce excedunt. Janicsari, haud dubie iussu Vezirii, in agmen fæminarum, puerorumque involant, sarcinas sine pugna diripiunt, gregarios juxta, ac Præfectos militum trucidant. Ormondus inter tumultum equo dejectus, salutem debuit familiaribus Turcis, quorum præsidio Papam deductus est. His secunda fortuna celeriter actis, sive rumore Perfici belli permotus, sive mandato Amurathis, copias Budam versus proficisci iussit. d)

Rudolphus haud diutius laturus hostem victoriis recentibus ferocem, inque viscera Pannoniæ in dies grassantem, Hungarorum animos ad patriam defendendam incitavit, dato ad Palffium, Zrinyiumque imperio, quam maximum possent, cogerent exercitum. E totius regni provinciis, belli signo proposito, tanta multitudo arma ferentium ad Comaromium, quo evocabantur, paucorum dierum intervallo confluit, ut triginta, & amplius

▲) In Chronico Hungaro-Turcico reperio Zagrabienfi agro populationem illatam, & quina Christianorum millia in servitutem raptam. B) Istvanff & Chronicon Hungaro-Turcicum. c) Septem, & viginti annis in potestate Hungarorum erat. d) Variant Scriptores, quibus de causis vicissitudinum eursum interrupit,

A. C. amplius millia peditum præter equestres copias, in castris Palffianis recensâ
1593. fuerint. His Zrinyius, & Ferdinandus Hardegus Jaurini Præfectus suas legiones admiscuere. Lustrato more militari universo exercitu, quadraginta millia armatorum reperiabantur; plerique veterani, & acceptis pro aris, pro focis vulneribus insignes. Militi pares Duces aderant. Præter Palffium, Nadasdium, Zrinyium, Turzonem, ductandis copiis exercitatos, nobilissimi Hungarorum; qui mira voluntatum consensione in hoc bellum conspirarunt. A) Summa expectatio mortalium erat, quodnam præsidium tam florentis exercitus vim experiri auderet; fuitque multorum opinio, pleraque hostium loca deditionem factura, modo ad mœnia tantus exercitus consistat. Verum Alba Regalis (huc quippe e Ducum sententia omnis belli terror conversus fuit) fortium virorum præsidio magis, quam operum firmitate secura, non assilientem modo militem fortiter e mœnibus reiecit, sed prope totius exercitus vires consumpsit. Petrus Hufzarius acceptis quatuor millibus peditum; intempesta nocte Albanos aggressus, vallum quidem cum oppido exteriori una invasione cepit; at in urbem penetrare haud potuit, strenue repugnante Isaco urbis Præfecto. Neque deinceps feliciorem operam posuit in perfringenda porta, quamvis tormenti destinatis ictibus eandem quateret, ac iteratis insultibus tentaret.

Hæc dum geruntur, Hassanes Purpuratus Budensis, Albanorum discrimine permotus, missis summa festinatione nunciis in omnes partes, copias tanta solertia, celeritateque contraxit, ut intra quintam diem cum iisdem Albam tenderet. Ad Sarvisium amnem aquationis causa exercitus noster concessit, revocato Hufzario ab incepta oppugnatione; cum tertio Novembris Hassanes instructam suorum aciem admovit. Quatuor supra quadraginta campestres machinas ante agmina disposuit: prætorianorum terna millia dextro cornu; lævo totidem peditum locavit: in medium accepit equitum duodena millia. Nec Christiani pugnam detrectaverunt, atque castris in propinquum collatis, extemplo in aciem descensum est. Nadasdus, & Zrinyius mediam, cornua Hardegus, & Palffius tenuerunt. Duarum horarum spatio uterque exercitus mutua admiratione defixus hæsit, & prius sol meridie inclinavit, quam telum hinc, aut illinc emissum est. Inde ne infecta re abiretur, Palffius primus in prætorianos invehens, cæteros Duces pariter ad prælium permovit. Janicsari collato pede locum, quem obtinuerunt, sua virtute defenderunt; at equites primo solum certaminis impetu feroces, gladios, & vultum hostis, ardore animi micantem ferre non potuerunt. Impulsa media acies trepidationem cornibus intulit. Rupti inde multis locis ordines, motaque omnis, & fluctuanti similis hostium acies erat. Deinde postquam cadentibus primis jam ad se quisque cædem perventuram cernebat, in fugam vertuntur. Eo die ad internecionem pedites cæsi; quippe sex millia desiderata: equitum minor strages edita, quod sub initium pugnae terga vertentes partim Albam, partim in proximos saltus sese conjecerint. B) Quatuor tamen millia occubuerunt. Tanta victoria paucorum sanguine est parta: quadraginta solum in acie ceciderunt, haud multo plures vulnerati, ut merito Divino potius beneficio, quam humanis viribus, aut consiliis obtenta videri possit. Nimirum SUPPETIAS ferunt Superi, ubi fœderum ruptores pro merito castigandi.

Profligata hostium acie uberrimos victoriæ fructus metere potuissent Duces, nisi animis discordes suas ipsimet vires distraxissent. Ad Albam, popularium infortunio oppugnatam, redeundum alii, alii finem expeditioni imponendum censuerunt. Itaque, opinione etiam hostium celerius, validus ille exercitus campo excessit, quam ingentem sui famam æquaret. Sinanes cum Purpuratum Budensem pugna victum accepisset, Tolna Eszekum iter convertit, filiumque suum cum quatuor millium agmine Budam dimisit, cui,

A) Vide Istvanffium longo ordine recensentem Nobilium nomina, qui expeditioni huic, aliisque interfuit, & quæ ferro, aut consilio egit in campo, otium subinde nactus posteritati transmisit. B) Chronicon Hungaro-Turcicum, & Istvanff. Lib. XXVII.

cui, ut principi armorum sedi pro viribus succurreret, imposuit. Sed A. C. frustra hic metus erat. Serior ætas hanc Trojam petet. Dimissis, ut dixi- 1593.
mus copiis, nondum Palffius arma posuit. Christophorus Tieffenbachius Cassoviæ præfectus cum Nobilitate superioris Hungariæ, Palffio incitante, Szabolcsam Turcis eripuit; restabat Fülekom loci ingenio, defensorumque pervicacia nobile præsidium. In communionem gloriæ invitatus Palffius, longo itinere exhaustas legiones eo adduxit. Oppidum post diuturnam verberationem assultu est captum. Arx gemina saxæ rupi imposita, impugnantium vim diu elusit. Tandem morborum vis populata defensores, deditionem extorsit. A) Ad Ipolim subinde amnem per Stephanum Bathorium, & Stephanum Drugetum auxiliares Turcarum copię in fugam abactæ, (pollia quoque obtenta fuere. Palffius denique Szécsenium, aliaque oppida non obscuri nominis recepit ante, quam in hiberna abiret.

Præsens, quem scribimus, annus MDXCIV. urbium oppugnatione 1594.
nobilis, eo fortunæ ludibrio decurrit, ut plerumque Christianos succubuisse viderit, sive pro mænibus starent, sive illa impeterent, hoste triumphante. Initia quidem nobis sat prospera fuerunt, exitus non item: ERUDIEN-
TE DEO Imperatores belli, ut maximæ fortunæ minime fidant. Mathias Archi-Dux Austriæ, Rudolphi Cæsaris frater, supremam exercitus præfecturam nuper adeptus, unus maxime nitebatur, ut primo quoque tempore castra fierent. Februario nondum exeunte, Palffii solerti cura copię in unum contractæ, paucis post diebus arci Neogrado, B) admotæ sunt, Mathia omnes cœli injurias Heroo animo perferente. Oestingenti Turcæ cum Mehemete Nigro Præfecto suo, locum pro viribus defensuri, oppidum arci subiectum flammis delent, portas lapidibus, cespique muniunt, tormentis propugnacula firman-
tur arcem deseruisse. Comparatis iis, quæ oppugnationi ferendæ perne-
cessaria erant, explicatis longa serie rubei coloris vexillis per mænia, obtidentium solertiam acuerunt. Palffius, postquam duodecim tormentis arcis propugnacula dies, noctesque verberari iussit, vallum e præacutis sudibus erectum, ac multo cespice vestitum, aggressus opera fossorum, militumque cepit post atrox certamen. Hoc monumento exuti defensores, ac assiduis tormentorum ictibus vexati arcem Mathiæ permiscere ea conditione, ut liberis abire liceret. Ita Neogradum secundo, & quadragesimo anno ad Rudolphum rediit, postquam bello Temesienti cum pluribus aliis Ottomano cessit. C)

Successus adeo felix Mathiæ stimulos dedit Strigonium recuperandi; sed sub mænibus illis mutata continuo belli facies, & fortuna. Cum quinquaginta millibus armatorum urbem, arcemque circumvallarat; Danubium, ne quid subsidii amne subveheretur obsessis, tredecim majoris formæ navigiis, & viginti quinque Saikis (genus est celerrimi navigii apud Hungaros) frænaverat. Copiarum Duces generoso succensi calore, nullum periculum subterfugebant, quo loco potirentur. Ad famam oppugnationis Itacus, qui ex Albana præfectura ad Strigoniensem translatus erat, Caralibegum, clari nominis ordinum Ductorem, cum aliquot Janicsarorum cohortibus, ac volonum manipulo in arcem admisit, cujus eximia fortitudine, militari peritiæ conjuncta Strigonium stetit. Illo authore mons S. Thomæ e regione arcis, novam munitionem accepit, unde nostri assilientes in arcem, certis tormentorum ictibus feriebantur.

Leo Gallus, is qui Neogradum ignivomis globis nuper domuit, rei tormentariæ Præfectus, suam operam minime desiderari est passus. Cohortante Palffio geminam oppugnationem arcis instituit, tantaque vi mænia pul-
savit, paucos ut intra dies eorum pars procubuerit, incendioque a missili-

Imp. Ottom. Tom. I.

H h

bus

A) Annales Ferdinandi de morbis tacent. Ajunt tamen ob Fülekom amissum adeo ira exarsisse Amurathem, ut Budæ Christianos captivos interfici iusserit, impuberibus Constantinopolim deportatis. B) Ab hac arce Neogradensis provincia nomen sortita. C) Annales Ferdinandi volunt sexaginta amplius annis sub Ottomano genuisse, non item Istvanus.

A. C. bus ignibus oborto, turris sacrarum ædium cum annonæ, pulverisque copia 1594. conflagerarit, non sine multorum strage, qui sævientes flammæ sopire conabantur. Eo sub tumultu haud dubie arx capi potuisset, Turcis incendio distentis, ni quorundam consilio assultus in posterum diem rejectus fuisset. Unde spatium nacti ruinas farciendi, dum nostri in montem eluctantur, vallumque nocturno tempore restauratum, transcendere adlaborant, muralibus machinis, sclopetisque invadentes arcent, ac post breve certamen in castra repellunt interfectis triginta aliquot, pluribusque sauciatis. Hanc jacturam non multo post compensavit Palffius intercepto oppido satis munito. Incolebant illud nonnulli Thraces, Rasciæ populus, quos ingentibus promissis oneratos, facile in suas pertraxit partes, ut cæsis custodibus portarum, oppidum traderent. Noctem certam, tempusque etiam noctis constituit, quo & illi fidem datam exolverent, & ipse cum suis cohortibus præsto esset. Res fortunate cessit. Concubia nocte ex composito, fista aggressione præsidarii a suis stationibus avocantur. Thraces interim strictis ensibus excubitores invadunt, oppressisque, qui repugnabant, effractis celeriter foribus Palffium in oppidum intromittunt. Præsidarii, ubi armatos irrupisse audiunt, relicto, quem conferti tuebantur, loco, in fuga cæduntur. Eodem calore Mons S. Thomæ est captus, tanta propugnatorum strage, ut ne unus quidem superfuerit.

Hisce progressibus, spem quotidie firmiorem conceperant Christiani arcis subigendæ, præcipue post utriusque Præfecti necem. Caralibegus enim, dum suos voce, exemploque hortatur, minori glande frontem trajectus, e vestigio expiravit. Isacus tormenti globo in brachio percussus, suorum manibus ex arena ablatu, eadem adhuc nocte vitam amisit. Cadavera perocculte navigiis imposita, secundoque amne Budam delata, publico civium luctu tumultata fuerunt. Sed ignavia classis Christianorum effectum est, ut novus Præfectus Annivanus cum quingentis Janicsarorum in arcem penetrarit. Istorum adventus tantum spei obsidentibus ademit, quantum animi obsessis adjecit. Et Annivanus memor quantis, qualibusque viris in tam ardua, discriminisque plena provincia successerit, consilio, & manu adeo feliciter administravit munus, ut scirent quidem binos Præfectos sibi abreptos, non item sentirent. Christiani etsi quinquies inter stragem sociorum e mænibus repulsi fuerint, tamen expugnandæ urbi machinam omnem admove: præsidarii contra robustiore in dies audacia nihil omittebant, quo & aggredientium vires armis perfringerent, & nova subsidia arci inferrent; Danubio maxime, cui per socordiam classiariorum dominabantur. A)

Itaque dum pari Christianorum, vitæque contemptu Turcæ arcem tumentur, Sinan Vezirius annum fere spatium nactus ad comparandum exercitum, quod vacuum sibi a bello, atque ab hoste otiosum erat, ingentem armatorum numerum (centum millia fuisse perhibentur) ex Asiæ, Europæque provinciis collegit, & in spoliis partem evocato Tartarorum Principe cum equestribus copiis, in Hungariam movit, tanta adhibita celeritate, ut nuncios, famamque adventus sui præverteret. Haud procul Buda aberat, cum hæc atrox fama, castra Mathiæ Principis invasit. Igitur ne tantis copiis opprimerentur, solvendam obsidionem censuerunt Duces, castraque transferenda in alteram Danubii ripam, e propinquo speculaturi, quid Vezirius tentaturus. Per eodem dies, quibus Strigonium obsidebatur, Tieffenbachius Hathvanium oppugnare aggressus est. Purpuratus Budensis impar Mathiæ viribus, Tieffenbachium suo conatu dejicere voluit. Venienti cum auxiliariis copiis, ad Sajonem fluvium se objecit Simon Forgacius cum aliquot signis equitum, confertoque acerrimo certamine, terna hostium millia interficit, captis omnibus impedimentis. B) Sed non propterea obfessi

A) Annales Ferdinandi, & Istvanffius non multum variant. B) Ita Istvanffius. Annales Ferdinandi semel, atque iterum congressum Tieffenbachium volunt semper victorem cum clade quinque millium, Rudolphoque Imper. spolia Viennam misisse,

obfessi pervicaciam posuere, condocesacti Vezirium laboranti praesidio adfu- A. C.
 turum: id quod etiam Tieffenbachium obsidione depulit. 1594.

In Illyrico non secus, ac in Hungaria bellum fervebat successu paulo secundiore. C. Zrinyius Bersentiam, Segusium ostenso solum, quem modicum ducebat, exercitu cepit, Turcis Babocsam evadentibus. Subinde Maximilianus Archi-Dux, Styrorum, Illyricorumque precibus permotus; quorum ager perpetuis hostium excursionibus patebat, cum sedecim millibus Petriniam cinxit. Rustanes, & Erdoglis Bosnensium copiarum Duces, nihil industriæ omisere, quo arcem spoliis divitem salvam praestarent. Turrim eduxerant eximiae magnitudinis non procul Petrinia, ex eaque, & Petriniam tuebantur, & castra Maximiliani infestabant. Hæc a sexcentis Segniensibus capta, praesidiarios in non modicum timorem conjecit. Itaque Rustanes, & Erdoglis in excidium arcis conjurantes, quidquid pulveris supererat, per mœnia, & propugnacula spargunt, tormenta insertis non avara manu pilis temperata relinquunt, subditoque testis igne, Zrinyium, Kostaniczamque profugiunt. Sisicienses viso flammarum globo rati id, quod erat, Petrinienfes metu adactos arcem incendisse, & ipsi propere castello facces subdere, navigia, quæ ad omnes fortunæ casus ad ripam Savi habuerunt, conscendere tanta trepidatione, ut non pauci commilitonum deserti, a Petri Erdôdii equitibus, qui eo accurrerant, intercepti fuerint. Maximilianus, Petrinia funditus eversa, Sisiciam Heris suis restituit (quorum ære iterum caput e foedissimo incendio extulit) pacatoque Illyrico Neapolim Austriæ discessit.

Vezirius cognito nostrorum discessu, rem memorabilem ea expeditione acturus, maximis itineribus Jaurinum contendit. Ne quid hostile a tergo relinqueret, Tatam, castellumque Divo Martino A) sacrum levi impendio capit. B) Castris ad Jaurinum positis, Gazis Tartarorum Princeps, difficillimo itinere per fines Moldaviæ, Podoliæ, Daciæque facto, ac multis suorum amissis, partim asperitate locorum, partim Transylvanorum armis, qui Kornilio Duce alpium juga infederant, paucis post diebus cum viginti quinque equitum millibus advenit. Is prædarum magis, quam navandæ operæ percupidus, cum nemo suorum Danubio se credere auderet, primus in fluvium sonipedem adegit, ac in alteram ripam incolumis evasit. Milites Ducem secuti, post lecta spolia, incendia spargunt. Collucentibus flammis produntur. Palissus cum omni equitatu in incautos, ac dulcedine, ut fit, prædæ longius progressos, irruit, sparsosque per agros facile fundit. Tria millia cum ferro, tum aqua interiisse feruntur. Interim Jaurinum qua ignibus, qua cuniculis urgebat Sinan. Perlinianos C) aggeres ante sacram portam erectos, pulsus defensoribus occupaverat, ibique locatis tormentis vicinum propugnaculum a Valentino Toto Centurione appellatum, nulla interposita quiete verberari jusserat.

Cum lentius muri, ac vellet, labefactarentur, coepit agere ligone, dolabroque mœnibus admoto, nempe vetere, ac fido expugnandis arcibus tormento, quo nec hodie certiores mœnibus perniciem parare solent bellorum Duces, minus plerumque formidandi a fulminantium tonitru machinarum, quam a furdo hoc fossoris telo. Noctis silentio navibus in urbis fossam demissis, impositisque fabris, ac fossoribus, jubet eos murorum ima subruere. Id adeo caute a Turcis præstitum, ut ante scrobs cuniculo apta perfecta fuerit, quam periculum obfessi sentirent. Itaque propugnaculum pulverum vi succussum, momento corrui, neminemque magis, ac Hardegum loci Praefectum hæc strages perculit, qui jam tum de salute urbis desperare videbatur. Sed recreabant obfessos Mathiæ castra, e quibus frequentes suppetiæ mittebantur. In Palissio præterea spes ingens omnium erat. Is Nobilitate Hungara contra Ottomanos armata, assiduis procurrio-

Imp. Ottom. Tom. I.

Hh 2

nibus

A) Castellum hoc in sacro monte Pannoniæ, ubi sedes Filiorum Magni Benedicti, militari praesidio id temporis custoditum erat. B) Decima tertia Junii Annales Ferdinandi. C) Ita vocati a machinatore Nicolao Perlino Urbinate.

A. C. nibus stationes hostium turbavit. Unius hic meminisse placet. Cum qui-
 1594. nis millibus equitum, peditumque in castra hostium irrumpit, eodemque tempore Hardegus ex urbe aggeres invadit. Clamore, tumultuque exciti Purpuratus Budensis, ac Beglerbegus Sinanis filius, raptis agminibus ad opem ferendam accurrunt. Uno in loco maxime, ubi Palffius prælium ciebat, ferro, & igne res gesta est. Jam Budensis, Beglerbego saucio, certamen relinquit, Janicsaris trepidantibus. Vezirius cum equitatu pugnam restituit. Ibi Palffium vulnus prope talos inflictum prælio extrahit. Quod si ex composito res acta fuisset perinde a sociis navalibus, haud dubium erat, castra cum maxima cæde hostium expugnari potuisse, ut e literis biduo post interceptis Purpurati Budensis cognitum fuit. Tenuit certamen ab ortu solis ad altum meridiem, cæsis hostium ternis millibus.

Nihil deterritus hoc infortunio Sinan, Danubium, quo aut arctius urbem premeret, aut cum Mathia de rerum summa ferro decerneret, ponte firmissimi operis sternit. Res Christianorum in summo discrimine versabatur. Quippe auxiliares copiae missione impetrata, domum abierant res suas curaturæ: castra inde Mathiæ in dies minui, milites ignavia, metuque torpere, præprimis dum extructo ponte suis cervicibus hostem imminere viderunt. Habito inter se consilio Duces, castra Ovarinum movenda censent, urbe commissa Hardego, cui præter legiones præsidarias sex millia peditum adjiciuntur. Vigesima nona Augusti, dubia adhuc luce conclamatis vasis exercitus Ovarinum versus iter suscipit, atque ut raro sine aliqua clade, aut discrimine miles retrahitur, quamvis id scite, militariterque peragatur, ita eo temporis insigni jactura nominis Christiani clades illata est, dum spreto Ducum imperio, quisque sine signis, sine Centurionibus festinavit. Primi equites trepide omnibus portis effunduntur, fugamque incensis tuguriis produnt. Turcæ ut ex nocturno fremitu, vigiliisque, ac trepidantium tumultu de profectioe senserunt, in castra metu jam capta irrumpunt; pedites fugæ magis, quam prælio accinctos partim trucidant, partim in Danubium præcipientes agunt: impedimenta pleraque occupant. A) Secuti deinde equitum agmina, pavore, fugaque lassata, pari cæde propellunt. Dissipato exercitu, ad oppugnandam urbem omnes vires convertit Sinan. Propugnaculum alterum, quod monti Pannoniæ obversum est, eadem, qua nuper Valentinianum, arte subruit, Perlino hujusmodi operum perito, nihil observante, moventeque. Hardegus, everfis propugnaculis actum de fortuna urbis clamitans, pertractis in suam sententiam Perlino, Tribunisque militum, tabulas deditiois conficit, missoque propere ad Sinanem Perlino, enixe precatur, oppugnatione tantisper desistat, spatiumque ab armis quietum extremæ consultationi donet. Sinani jucundissimus nuncius fuit, quod non ignoraret urbem, nisi ipsa se dederet, sero, multoque suorum sanguine subigendam. Igitur ne præsidarii suarum virium conscii, damnata Præfecti ignavia, defensionem pararent, retento Perlino, ac induciis triduo concessis, Legatos suos in urbem dimittit. Facile inter utrosque conventum: nempe ut salvis civium, ac militum vita, fortunisque urbs tradatur; ægrotis, sauciisque navigia dentur, quibus Comaromium devehantur. Ita Jaurinum, nobile Hungariæ præsidium, clavisque Imperii, unius hominis immaturo metu ad Turcam devenit. B)

Et vero ingressus urbem, contemplatusque munitiones, ac militum robur, æstimata victoriæ magnitudine egit ipse, agique ab exercitu solenni pompa DEO Imperatori grates voluit. Captivos suæ gentis numero viginti, quos Christiani varia fortuna raptos in vinculis tenuerunt, pallore, macieque peremptos, ergastulis educi jubet; collaudataque fortitudine, ac fide in Mahometem, pedes eorum squallore oblitos in conspectu militis abluit,

A) Annales Ferdinandeï hæc fusius persequuntur. B) In Annalibus Ferdinandeis lego, sex fere diebus hostem in mania infiluisse, Hardegumque necessitate adactum ad urbem dedendam. Istvanffius scribit unicum solum assultum tentasse hostem, ac propterea Hardegum cum Perlino jussu Mathiæ in vincula conjectum, & sententia senatus Bellici capite damnatum.

luit, singulosque denis aureis numis donatos, liberos ad sua dimisit. Urbem A. C. deinde explicandis copiis per Hungariam, Austriamque opportunam, bis 1594. mille præliariis tuendam committit, renunciato Præfecto Aly Purpurato. His rite peractis filium suum ad occupandum oppidum Papæ, subito pavore desertum, proficisci jubet. Ipse Comaromium ducit tanta cum confidentia, ut minime dubitarit jactabundus asserere, *se in flore ætatis accepto imperio in Africam navigasse, cum Hispanis signa contulisse, ac Guletam cœu præmium virtutis accepisse. In Perside militem ab interitu vindicasse: nunc, quod ipsi vident, Germanos, Hungarosque a se in ætate senili, triumphisque gravi, fusos, fugatosque, tot victoriis facile Comaromium accessurum.* Sed ex vano homo stolide ferox hæc talia jactarat. Nam sive tormentis, sive cuniculis ageret adversus arcem, nihil profecit, omniaque audacissime agredientem semper fefellit fortuna. Ad extremum, ubi Mathiam, Palfiumque cum viginti millibus armatorum appropinquare intellexit, convulsis signis, summa trepidatione Tatam abit, indeque profectus, cum nemo Christianorum insequeretur, Byzantium, quibus venerat itineribus, pacato agmine repetit.

Purpuratum senem triumphanti similem venientem, cum ingenti o. 1595. mnium frequentia accepit Amurathes, peractaque incredibili fastu pompa, alloquio dato res in Hungaria gestas magnifice referentem perbenigne audiuit, & collaudata victoria sive virtute, sive fortuna, ut porro Imperii tuendi, amplificandique curam sibi cordi sumeret, est hortatus. Vezirius non jam sua tantum opinione, sed Amurathis etiam testimonio magnus belli Imperator, imo Byzantii omnia haberi cœpit; perspectoque Principis sui animo, æmulum invidiam (quæ plerumque aulæ cultores possidet) otiosa fronte despexit, immemor aulici Euripi, quo olim, refrigescente Imperatoris gratia, exutus præfectura armorum, prope absorptus erat. Itaque in præsentia, seposita contentione domestica, bellum Pannonicum strenue promotum, Amurathes ut summis Imperii viribus naviter persequatur, unus omnium maxime contendit, certus se iterum copiis præfuturum, & armatum non in campo tantum, sed in aula quoque apud Amurathem unice dominaturum. Imperator, uti victorias Ducum potius labore partas numerare maluit, quam suo ductu quærere, Sinani provinciam reliquit; retento domi Mahomete filio, ne exercitum, tumultibus forte involvendum, ejus libertati crederet, cujus militarem indolem, ac dominatus cupidam ægre inter otium continuit.

Sinan, dum majori virium apparatu, ac antea, bellum Pannonicum instaurat, subsidiisque comparandis principem curam impendit, haud leviter sua arrogantia Imperii robur convulsit, irritato Principe Transilvaniæ; quo fœderato, aut medio, Byzantinis Hungaria ad ictum patuit. Id quemadmodum acciderit, paucis evolvam. Daciæ Principes jam inde a temporibus Joannis Sigismundi, Turcicam societatem, fortunamque secuti, sæpe ex fœdere arma junxerunt, sæpe Hungariæ, quas olim suorum objectu corporum servarunt, fortunas, flamma undique, & ferro vastarunt. Hoc fomento vires Hungariæ distrahendi perdiligenter usi sunt Ottomanī, utque tyrannidem ea in provincia stabilirent, quoties Proceres in suffragia irent Principem lecturi, toties fere Byzantio aderat Legatus, autoritate sui Domini electionem aut ratam, aut irritam habiturus. Hinc vestigal quotannis pendendum erat, ut lecto e Procerum gremio Principe, sub umbra libertatis servitutem abesse fingerent, eam tamen reipsa & haberent, & sentirent. Pudu it equidem bellicosam gentem tam arctis circumscriptam limitibus; sed ne quid adversus Majorum suorum instituta, ac longo usu firmata auderent, Turcica vis cohibuit. A) Neque in Regibus Hungariæ, aut aliis Principibus spes erat, quorum res plerumque bello implicitæ, domi suæ satis, superque agendum habuere. Itaque hæc magis potentia oppressi patiebantur, quam

Hh 3

pro

▲) A Solymani temporibus, qui Joannem Sigismundum Zapolii filium in Daciæ possessione stabilivit.

A. C. pro arbitrio agebant. Sigismundus tandem Bathorius, Christophori filius; 1595. ac magni illius Stephani Bathorii A) nepos, vincula rupit, Majorumque suorum, sive culpam, sive infortunium generosis ausibus correxit. Miserat is Georgium Ravasidium cum annuo stipendio Byzantium ad Amurathem. Sinan, qui ea tempestate dominabatur in aula, Ravasidium infra dignitatem habet: multa in Transylvanos, multa in Sigismundum probra jactat. Quin eo dementiae prolapsus est, ut Principem mancipium, canem appellaret; postularitque quinquaginta hastarum millia, totidem operarum millia cum ligonibus, dolabris; & tormenta, quibus in Cæsarem uteretur; demum maximam frumenti vim ad Danubium convehendam imperavit. B) Hæc aliaque Sigismundum, generosi spiritus Juvenem, ac sinceræ Religionis cultorem adeo exulcerarunt, ut sprete societate Ottomanorum, non minus Religioni, quam suæ dignitati perniciosâ, continuo cum Rudolpho fœdus junxerit, etli Procerum non pauci præceps, ut aiebant, consilium damnarent. Sed eventus docuit cœlo auspice hanc viam arripuisse Principem, dum de hoste Christiani nominis triumphum egit, ut suo loco dicemus.

Inter hæc Amurathes post vicissimum annum regiminis, ætatis vero quartum, & quadragesimum, c) nonis Januarii fatali morbo oppressus e vita decessit. Ajunt nonnulli fulmine apoplectico prostratum; alii diuturnis, ac peracerbis laterum doloribus lente contabuisse. Byzantinis haud magno dolori erat interitus ignavi juxta, ac avari Principis. Imo Reipublicæ palam gratulabantur, hoc tali monstro liberatam, sive reipsâ ita senserint, sive odio simulato, apud novum Imperatorem gratiam inire voluerint, qui eo gratiorem se putat civibus suis, quo alter majori in odio, atque invidia versabatur. Cæterum Amurathes alieno potius periculo, quam suo bella administrari maluit, & quod parcius, quam par erat, suppeditavit æra, crebro militum seditiones obortæ, cladesque acceptæ in bello Persico, quod majoribus animis incepit, ac absolvit. Vecors, omnique aura levior, copiarum Duces in ordinem redegit; mox pœnitudine ductus, vel auro expugnatus pristino loco reposuit. Persas incredibili odio persequabatur Religionis causâ. Venetos, Hungaros ferre poterat, neque istorum provincias lacezivisset, nisi Sinan armorum gloriæ percupidus, assiduo inimicitiarum causas quæzivisset, tandemque pace sublata classicum funestissimi belli cecinisset. Ita invitum ad arma Hungaris inferenda impulit, ut vel inde animadvertas: Amurathem hunc non magis vitiorum, quam suorum Purpuratorum libidini indecore subiectum, ac parum sollicitum, rectene, an secus ageret pro Imperio; pro dignitate sua; facile, quo volebant, vela vertisse. IGNAVUS Dominus, ludibrium famulantium.




MAHO

(A) Princeps Transylvaniæ, deinde Poloniæ Rex. B) Odium hoc conflaverit Sigismundo Gazis Tartarorum Princeps, cujus copiæ ad alpes attritæ. Imo præ manibus habeo per diligentem Scriptorem Anonymum rerum Dacicarum, continuatum deinde per Theodorum Meurersium, qui asserit, Sigismundum in tres partes divisisse exercitum Ducibus Francisco Kerefzti, Michaele Horvath, Asparo-Kornis; ac Tartaros Comaromio redeuntes infestasse. De his altum tacent domestici Scriptores. C) De Amurathis ætate variant Historici, uti & morbo, quo extinctus est.

MAHOMETES III.

IMPER. OTTOM. VII.



Ublato Amurathe, duodeviginti ^{a)} Principes Byzantini sepulchro illati sunt uno, eodemque die, quos

mensæ suæ adhibitos Mahometes natu maximus, celato tantisper parentis funere, post ferale epulas trucidari iussit. Haud æquiori animo in eorum matres, Amurathis pëllices fuit, quas summo dedecore ex aula proturbatas, fluctibus Euxini mergendas dedit. Hoc cruento facinore perpetrato, cum stirps Imperatoria excisa foret, nullusque superesset turculus, in quem miles, aut civis sua suffragia transferret, absque metu, & turbis regimini manus admovit, Sinane autoritate sua, & singulari industria omnem, si qua occurrerat, difficultatem emolliente. Ne Janicsari more suo tranquillitatem urbis convellerent, peractis funeralibus ad ædes Sophiæ (ubi sub tentorio Phrygii operis, Amurathis, cælorumque fratrum cadavera plures horas spectaculo fuere) stipendia persolvit; advocataque concione hortatus est, *ne quid detrimenti civium fortunis inferrent: pacate hiemem agerent; habituros primo vere non unam occasionem uberiora spolia legendi in Hungaria, & si quid est ultra Hungariam, invictis Turcarum armis subjugandum.* Ad se enim, aiebat, Pannonicum bellum cum bareditate transisse, quod cum geminata clade Christianorum, & capto Jaurino, anno proxime præterlapso inchoatum sit, nihil aliud sibi superesse agendum, quam ut vestigiis paternis strenuus insistat, & felicibus auspiciis captum, retentis armis absolvat. Sperare se militem, sat roboris, animique allaturum, ut casis nuper veteranis legionibus, cum tyrone exercitu manus conferat, palmamque obtineat. Vix Rudolphum in Hungaria occursurum. In Austriam aditu, obtentuque facilem eundum; ibi uno prælio bellum confectum, ac emeritis stipendiis dignam mercedem datum iri. His non tam in novam expeditionem, quam certam victoriam accensos a se dimisit. Sinan bellicosa Mahometis indole delectatus, nihil neglexit eorum, quæ alioquin ad severiora pronum, in arma vehementius inflammarent, quod sibi persuatum haberet, dominante acri, pugnacique Principe se in eodem gradu fortunæ permanenturum, ad quem Imperatoriis artibus, quas parando, gerendoque bello edidit plurimas, sub Selymo, Amuratheque feliciter evalit. Sed UT RARO sine æmulorum invidia in aulis felicitas crescit, ita rarius inoffenso pede inter tot Ministrorum artes ad maturitatem pervenit: læpeque refrigerante gratia Principum, ante diem omnis felicitas decocta perit. Id Sinan suomet ipsius malo didicit, ut in tempore cursus Historiæ dabit.

Rudolphus Cæsar haud ignarus, quanta ope bellum pararent Byzantini, quantaque confidentia Hungariam, Austriam, Italiamque in prædam sibi sponderent, partiens curas simul inferendi, atque arcendi belli, omnibus provinciis delectus militum instituit; Maximiliano superioris Hungariæ ditionem cum aliquot legionibus commendat, ut oppida defensionis opportuna præsidiis firmet, ne dum juxta Danubium in Ottomanos ligna inferret, nuda, aperta que ea pars Hungariæ foret. Carolum deinde Mansfeldium, Belgi-

^{a)} Ita Chronicon Hungaro-Turcicum. Rerum Dacicarum Scriptor undeviginti cæsos ait. Daniel Hartnaccus in Conspectu Bellor. Turc. ad annum MDACV. hunc in modum scribit: „Mahometes III. cum Patre defuncto XIX. fratres, & X. novercas necatas extulit. „

A. C. Belgicis armis, a) inclytum, a Philippo II. Hispaniarum R. impetrat, qui Pan-
 1595. nonicis copiis præfesset secundum Mathiam, præfecturam armorum retinen-
 tem. Et ille maioribus animis ad Istrum pugnaturus in communem hostem,
 quam ad Scaldim, tot jam annos Christianorum sanguine rubentem, gloriam
 quæliturus, haud cunctanter id oneris subivit, ea quoque incitatus cogita-
 tione, ut ne inter eas angustias triumphantibus Ottomanis, latiusque in
 dies per Hungariam dominantibus detrectasse, illorum metu, provinciam
 videretur. Et revera veteranum Ducem res nimium afflictæ, accisæque
 ea tempestate postularunt, qui torpentes Christianorum animos militari-
 bus factis accenderet, hostium ferociam sui fama refrænaret. Utrumque af-
 secutus est Mansfeldius. Nam ut primum ad Ovarinum castra posuit, mi-
 les continuo ad veterem disciplinam redire, imperata strenue, fortiterque
 exequi, eo Duce plurimum confidere, omnia audere. Hostis vero existi-
 matione fortissimi Herois prope jam victus, timide egredi Jaurino; ejus in-
 genium, consilia, quæ prudens tegebat, improbo, sed irrito conatu explo-
 rare. Cum enim alium, atque alium locum castris caperet, modo Jaurinum,
 modo Albam versus duceret, Turcam ingens sollicitudo tenebat, quo se tan-
 dem tempestas effunderet. Sed nulla re magis Purpuratum Budensem fefel-
 lit, quam quod incredibilem fascium vim comportari jussit, tanta etiam
 impenfa cura, ut in Austria quoque materies cædi debuerit, quasi Jaurinum
 oppugnaturus ad explenda urbis valla, fossasque, immanem illam fascium
 struem comparasset. b)

Calliditas Ducis singulare ad geminam victoriam momentum attulit.
 Dum etenim hostes uni Jaurino metuunt, conjuratis viribus illud defensum
 ibant. Huc robora virorum, frumentum, rei tormentariæ peritos, cum
 omni apparatu ire jubent. Mansfeldius cursim agmine facto dies, noctes-
 que Strigonium advolat, vias omnes milite occupat, calendis denique Ju-
 lii peracrem obsidionem improviso adornat. Budenses vicinorum discrimi-
 ne intellecto, antequam operibus vallaretur urbs, aliquot signa militum
 cum annona mittunt in subsidium. Contracto certamine ad ripam Danubii
 cum Hungaris (postquam ex arce promptissimi Janicsarorum decurrerunt)
 ordines perrumpunt, ac cum sociis in arcem penetrant. Mirum! quanto-
 pere hic manipulus animos obsessorum confirmarit. Quippe cum nuncia-
 rent Hassanem, Budæ Præfectum contrahere undique copias ad opem feren-
 dam, tanto animorum consensu in defensionem conspirarunt, ut non arcem
 modo adversus tormentorum ictus fortiter tuerentur, sed & aquariam ur-
 bem, in ea paucitate militum, incredibili pertinacia post ternam invasionem
 propugnarent. At Parkanum (celebre id temporis præsidium, opportu-
 numque Strigonienfibus, quod Danubio dominaretur, nunc vicus ignobilis)
 a Palffio, & Nadasdio unius horæ spatio subactum, martiales istos spiritus,
 non nihil temperavit.

Adfuit interim calendis Augusti Hassanes cum Beglerbegò, & Mehe-
 mete Ciliciæ Præfide triginta millium exercitum trahens, aususque mille pas-
 sum copias admove Christianorum castris, ob effusos imbres diem illum,
 ac noctem quietus exegit. Mansfeldius cognito hostium adventu, eo inten-
 tior ad victoriam niti; omnibus modis evigilare, ut arcem clausam teneret,
 & Hassanem irruptione castrorum prohiberet. Palffium, cujus virtuti plu-
 rimum tribuit, cum aliquot equitum signis in ea parte, qua hostis tende-
 bat, pro castris agitare jubet; valla, aggeres, cæteraque opera oppugnatio-
 nis, ne quid detrimenti subita eruptione acciperetur, spectatæ virtutis Cen-
 turionibus dispertit. Postridie dubia adhuc luce, selectam equitum, pedi-
 tumque manum Hassanes castra Mansfeldii exploratum mittit; monet ta-
 men, ne se pugnando longius abripi patiatur, sed potius, si qui occurre-
 rent, simulatione fugæ in campum extrahat. Palffius nihil cunctatus terna
 millia equitum Hungarorum, & Germanorum opponit, initoque perlevi
 certa-

a) Cui otium, adeat Farnianum Stradam, & Angelum Galluccium utrumque e S. J. b) Istranf-
 fus L. XXIX, & Annales Ferdinandi.

certamine, Turcas, ut iussi erant, recedentes ad castra usque persequitur. A. C. Hi aucti aliquot sociorum turmis, raptim agmen componunt, pugnam novo ardore capeſſunt. Nec ideo Palſſiani ceſſere animis, ſed fronte obverſa, in prælio perſiſtunt. Glifcente tamen majori numero hoſtium, qui e vicinis caſtris accurrerant, vehementer premebantur, & niſi in tempore Manſfeldius ex Hungaris, Germanisque ſubſidia dediſſet, futurum erat, ut circumventi cladem acciperent. Ergo ruſſum redintegrato prælio, Turcas non jam ſponte, ſed vi impulſos intra caſtrorum munitiones rejiciunt. Eodem calore ne caſtra caperentur, barbarorum tormenta e monte proximo crebro, tutoque fulminantia prohibuere. Neque victis animus erat erumpendi, quod viderent equitatum noſtrum a Manſfeldio in pugnae locum promoveri. Ita eo die utraque pars majoribus, quam pro numero, viribus dimicabat.

Quarto demum Auguſti Haſſanes eduſtis univerſis copiis, occinentibus ſignis Manſfeldio certamen indicit, relicto ad impedimenta modico præſidio. Bipartito agmine placuit fortunam tentare. Mehemetes Ciliciæ Præſes, ſeptem millibus equitum præpoſitus ad radices montium, qui oppidum, & campos D. Georgii reſpiciunt, Schvarcenburgum aggredi eſt juſſus. Haſſanes cum Beglerbego Janicsarorum legiones, equitatumque reliquum in Manſfeldium ducit (qui medius inter Palſſium, & Schvarcenburgum tetendit) pro caſtris inſtructa acie ſtantem. Palſſius, & Nadasdius equeſtribus copiis initium dedere pugnae, ſuccedentibusque validioribus auxiliis, tanta vi Haſſanis agmen urſerunt, ut deſperata victoria poſt horæ ſpatium pulſum, fugatumque fuerit. In altero cornu, a Schvarcenburgi milite eodem fere tempore Mehemetes in fugam actus, cum reditum in caſtra ſibi interceptum videret ab equitibus Palſſianis, temerario magis, quam ſano conſilio, ſe cum quingentis circiter in aquariam urbem conjecit. Manſfeldius militis ardore utendum ratus, ad hoſtium caſtra, metu jam expugnata contendit; caſiſque plerisque cuſtodum, plena victoria potitur. Præter mille quingenta tentoria, inter quæ Beglerbegi elegantiffime elaboratum eminuit, totidem cameli, victoribus obvenere cum ſeptem, & triginta ſignis. Denique quatuordecim millia aut caſa, aut capta victoriae magnitudinem oſtendere. A)

Secundum hanc pugnam Manſfeldius febribus correptus, gravem in morbum incidit. E Medicorum ſententia Comaromium delatus, paucis poſt diebus naturæ ceſſit, inſolito luctu, mœroreque militum. Mathias Archi-Dux Aultriæ, ſiniſtra Manſfeldii valetudine percepta, ſine mora in caſtra feſtinat, reſumptaque verberatione inænium, quarto decimo Auguſti aquariam urbem armis occupat, interfecto Aly Præfecto, fortiter magis, quam caute pro mænibus dimicante. Cilex Mehemetes, ætate, armisque gravis, ægre tela victorum effugit, qui deinde arcis curam in iis anguſtiis geſſit. Extimis munimentis exutam arcem nemo non ſperavit proxime caſuram. Et fortuna haud diu ſpem viſa eſt diſtuliffe. Cum enim Purpuratus Budenſis, & Beglerbegus recentes copias novo discrimini objicere minime vererentur, ſive exiſtimarint Duce mutato, fortunam quoque belli mutatam, ſive hac confidentia præſidiarium militem arrigi poſſe ad obſidionem ferendam, vix caſtris egreſſi (ad Vetero-Budam ea fixerant) a Nadasdio in certamen protrahuntur. Æqua fere clade diſceſſum fuiſſet, ni Abdulahes, Kopanieniſium Præfectus, is, qui miro aſtu e carcere fugit, ſuffoſſo equo prolapſus, in noſtrorum manus veniſſet. Hujus viri infelix caſus, Strigonieniſium pervicaciam multum emollivit. Nam publica fide interpoſita, prope mænia arcis conſiſtens, unde commode audiri poſſet, Mehemetem etiam, atque etiam hortatus eſt, clementiam Mathiæ potius, quam victoris militis iram experiretur: lacera mænia, ac ſummam rerum inopiam declarare, Ducem, & militem munere ſuo fortiſſime functos. Intelligeret denique ſuppetias iterum fuſas: ſe infauſti prælii teſtem eſſe. Mehemetes ſpe auxilii

A. C. everfus, non tam Abdulahis authoritati, quam necessitati victas manus por-
1595. rexit. Transactis cum Palfio conditionibus calendis Septembris, arx Ma-
thiæ deditur cum omni penu militari, præfidiarii triginta navibus Vissegra-
dum deportati. Hoc modo jugum posuit Strigonium postquam duobus,
& quinquaginta annis sub eo gemuit. Strigonii deditionem mox Vissegra-
dum secutum est. Muri vetusti, excipiendisque ictibus infirmi continuo
procubuerunt. Pyrrhus Aga inter spem, & metum dum de tradenda arce
cum Palfio agit, aliasque super alias condiciones adfert, ab Italicis cohori-
tibus arcem ingressis opprimitur; quodve contra pacta Strigonienfes præfi-
diarii triginta naves, quibus usi sunt, retinuerint, cum milite suo liberta-
tem amisit. A) Tantus armorum successus non mediocriter perculit Otto-
manum, fuitque multorum opinio: Budam, multo Heroum sanguine ali-
quando rigandam, capi potuisse, si victricia arma admota fuissent. Sed fri-
gidior autumnus legiones in hiberna compulit.

In Illyrico non secus, ac in Hungaria res Turcica male habuit. Geor-
gius Zrinyius cum Joanne Sigismundo Herbersteinio, iis fere diebus, qui-
bus Strigonium subactum est, Babocsæ B) imminebant. Turcæ desperata
arcis salute, igne in pulverem cados coniecto, locum fœde laceratum dese-
runt. Petriniam subinde, ex qua sævæ populationes in agrum Turopolita-
num fiebant, Thomas Erdôdius Banus perdomuit. Rustanes arci præposi-
tus obsidionem amoliturus, dum ferox in Erdôdianos erumpit, & militis
potius, quam Ducis munia incautus obit, lethali vulnere perstrictus, pau-
cis a pugna diebus extremum vixit. Præsidium, morte Rustanis confusum,
facile occupatur, cæsis, qui metu attoniti arma posuerunt, militibus. Ra-
stovicia, Gora eandem fortunam subiverunt. Laborantibus hunc in mo-
dum sociis, etsi Sinan Vezirius quam maxime optaret succurrere, tamen
multo gravior, utiliorque Reipublicæ cura hominem alio abripuit. Defectio
Transylvani ad Rudolphum, aperta que belli denunciatio incredibile, quan-
to terrore Byzantinam aulam concusserit; quantam rerum conversionem
traxerit. Purpurati inter se perpetuo animis, sententiisque discordes, tot
uno tempore impendentibus malis turbati, trepidabant magis, quam con-
sulebant. Nam provinciam agro, virisque bellicosus opulentam, sub acri,
avidoque armorum gloriæ Principe, multum negotii daturam facile asseque-
bantur. Moldavos, & Valachos partim ira, doloreque amissæ libertatis
C) irritatos, partim Transylvanorum factione ab Ottomanis averfos, arma
arrepturos nemo non prævidebat. Annonam denique angustiores fore
Byzantii, tot hostibus subvectionem frumenti impedituris, quod malum
frequentem incolis urbem, annis superioribus sæpe in tumultu segit, ut præ-
ter seditionis Ducem nihil omnino defuerit.

Tot calamitatum fontem ut obstrueret Mahometes (etsi arma, ultio-
nemque suaderet Sinan) Chausios suos D) ad Sigismundum mittit postula-
tum: *ne sine causa a fœdere, a societate Turcarum discederet, neve hostis
fieret illius populi, cujus viribus, benevolentia, a Joanne Sigismundo tot
Principes Transylvaniam tenuerunt. Habere eum magnam copiam societatis,
amicitiæque iterum jungendæ, quæ utique omni bello potior esset. Quan-
quam fœderi cum Cæsare isto, opibus, militique suo consideret, tamen mul-
to prudentius acturum, si certa præ incertis eligeret. Faciliorem repertu
portam, qua ineatur, ac qua exeatur. OMNE bellum sumi facile, ægerri-
me desinere. Proinde sibi, provinciæque consuleret, neu florentes res suas
ancipiti bello involveret. Condonaturum se vestigal annuum Principi, imo
Moldaviæ, Valachiæque ditiones transcripturum, modo a belli consiliis
desistat.*

Sed

A) Istvanffius scribit omnes in Italiam abductos, multos subinde Venetorum ope libertatem ad-
eptos. Dacicus Scriptor, omni supellestili exutos, Budamque dimissos ait, quod etiam Khe-
venhüllerus in suos Annales transcripsit. B) Babocsa arx Szigethum inter, & Kanisam. C)
Principes suos habuere quidem hæ gentes; at pro libidine Turcarum exauthorati sunt, qui-
ve largitionibus Purpuratorum animos explebant, ii plerumque dominabantur. D) Scriptor
Anonymus rerum Dacicarum.

Sed generosi Principis animus, nupera contumelia succensus, in fi-A. C. de perstitit, barbaroque iterum bellum indixit. Cum nihil pacati referrent 1595. Chaufii, factionem nondum, ut putarant, partibus firmatam opprimere armis placuit. Itaque foedere renovato cum Persarum Rege, exercitus, Sinanis industria in Byzantinum agrum accitus, ad Transylvani contumaciam frangendam destinatur, & quasi nusquam terrarum bellum gererent, eo omnes vires, cogitationesque vertuntur. Ingens æmulatio Ferhatem inter, & Sinanem oborta est, utroque hanc provinciam deposcente. Inde gravissimæ simultates, quas Ferhates simplicius, Sinan callide; eoque implacabilius nutriebat. Sed Mahometes per speciem honoris, retento in aula Sina-ne, quasi ad moderandum Hungaricum, Dacicumque bellum ipsius consiliis usus, Ferhatem copiis A) præfecit. Inopinata designatione supra bonum, honestumque perculsus, graviter tulit repulsam, cognitumque satis fuit, illum magis dignitate Ferhatis, quam injuria excruciatum, neque tam anxie laturum fuisse, si alteri, quam Ferhati hæc provincia traderetur; id tamen ex eo commodi reperiebat, quod tradita armorum præfectura, æmulum ab aula removerit, curis profecto non levibus implicandum, & si recte cesserint consilia, quæ jam tum animo volutabat, sine dubio dignitate, fortunis, vita ipsa exuendum.

Nec spe sua falsus est Sinan. Nam Sigismundus pertracto in societatem belli Aarone Moldaviæ, Michaelæ Valachiæ Transalpinæ Principibus, Mahometi tributariis, tanto ardore animi, celeritateque arma arripuit, ut ante e duabus provinciis, præsidarii Turcæ ejecti fuerint, quam copias suas in Valachiam misisse crederetur. Denique Alberto Kiralyio Ductore, Ferhatem cum exercitu festinantem Nicopolim, ad Selistriam, sive Selestriam, ingenti clade proterit, signis militaribus, inter quæ Janicsarorum grande vexillum, adeptis. Hæc dum trepide Byzantium adferuntur, novus terror Purpuratos juxta, ac cives pervasit. Et cives quidem alio præterea malo urgebantur, quod circumsonantibus armis, e Bulgaria, & vicinis regionibus, nihil frumenti adveheretur, fame in dies pauperum casas sævius depascente, eratque urbs vasta, atque disjecta plena tumultus, grege erronum officinas pistorias sæpe diripiente. B) Mahometes præsentem inopiam ut paulum levaret, quidquid frumenti pro milite comportatum fuit, in egenos erogavit, alibi compressa per avaritiam institorum frumenta, edicto, poenarumque severitate protraxit; ita nonnihil plebs respiravit.

Sed in castris multo miserabilior rerum facies. Cæso militiæ robore, Dux nihil ausus in Transylvanum, satis habuit se munitis castris in Bulgaria tenere. Miles sive ob imperitiam Ducis, sive sinistram fortunam, tædia militaris vitæ detestatus, imperium detrectabat, tanta confidentia, ut plerique minitarentur, se convulsis signis Byzantium abituros, nisi propediem, qui bellum administret, novus Vezirius mitteretur. Veteris periculi memoria, quo fere interiit ad Persidem Ferhates, præsentis curam vehementer intendit, cumque se imparem videret gliscenti iræ, ac seditioni opprimendæ, ultro abdicatis bellicis muniis (nempe monitus a Soltana Mahometis matre proxime exauthoratum iri) successorem sibi dari flagitavit, quem minime invita aula obtinuit. Erat is Sinan, vetus æmulus Ferhatis, victoriis cum in Africa, Asia, tum Europa reportatis inter suos clarissimus. Sed felicitas illa in armis tractandis, quæ hominem nimium extulerat, hoc anno pene perdidit. Decretam provinciam eo lubentius admisit, quod nuper neglectus, Ferhati ignominiose dejecto successor sit datus, quodvè campum sibi oblatum videret, Sigismundi transfugium, ut interpretatus est, & Michaelis Vaivodæ sævitiem, in Turcas exercitam, ferro, & igne vindicandi. C)

A) Idem Scriptor. Quamvis e contextu Istvanffii Achomates videatur ante Ferhatem bellum Transylvanicum administrasse. B) Ut Romanis, ita & Turcis Ægyptus princeps horreum erat, unde frumentum perebatur. Verum ea tempestate Purpurati inter se dissidentes, curisque bellicis absorpti, de annona civibus procuranda parum solliciti erant: & Annonarii quætores Dacico bello præventi in frumentarias Asiæ regiones serius navigia solverunt. C) Hic duo millia Turcarum, qui sedes fixerant in Valachia, trucidari jussit.

A. C. 1595. Adulta ætate turbidus, rapidusque, cum omnibus copiis, quas se cum adduxerat, in Valachum se vertit. Centum millia armatorum dicuntur fuisse. Confœderati viribus diffisi, ut præfervidos Vezirii spiritus enecarent, minime sui copiam facere, levibus præliis modo primos, modo postremos in agmine tentare, ac statim in montes recurrere; rursus aliis, post aliis minitari, neque stataria pugna congregi, neque otium ferre, nunc castra iufestare, nunc pabulatores urgere. Demum ut furentis vim consilio everterent, ad alpium juga semet recipere. Sinan, ubi videt nullam copiam pugnandi ab hoste fieri, ad urbes oppugnandas animum applicuit. Buccarestam uno impetu superat; promotisque castris, Tergovistam, provinciæ caput, ac Vaivodarum sedem, vallis, paludeque munitam, sed tum ab omni præsidio nudam, per otium capit. Visâ opportunitate locorum, utramque urbem novis operibus, cespite, palisque firmioribus cingere placuit, accitis e Bulgaria etiam agrestibus, quo celerius munimenta absolverentur.

Relicto, qui operi præesset, Aly purpurato Trapezuntino, ipse præfervidus, & moræ omnis impatiens, duodena millia partim Janicsarorum, partim equitum in Michaellem, & Kiralyium ducit, castra eorum oppugnaturus, ni in aciem prodirent. Una juxta, ac perdifficilis via patebat in summa montium, quam si parva manus armatorum infideat, vis nulla perumpet. Radices alpium fluvius alluit, qui nullis coercitus ripis, late diffunditur, ac campos haurit tanta aquarum frequentia, ut nisi junctis pontibus tibi iter munias, ne inermis quidem in alteram partem eluctaberis. Nihil deterritus difficultate itineris, paludem late stagnantem superat, cumque sentiret laxatas montium custodias, ipse cum expeditis, acerrimo quoque viro, angustias evadit, & reliquum agmen sine incursum Valachorum per averfa rupium promovet. Confœderati castris suis egressi, hostem numero quidem potiore, sed asperitate viarum fatigatum, laceffunt. Pugnatur utrinque inter præcípites, præruptasque rupes tanta vi, tanto ardore, ut modo Turcæ, modo Confœderati victoriam inclamarent. Trecenti tandem Hungari pedites, commodum in castra reversi e pabulatione, glandium procella victoriam confecerunt. Turcæ simul a Confœderatis, simul ab iniquitate locorum oppugnati, dum confusis ordinibus trepide iter relegunt, in angustis vallium sibimet ipsis fugam intercludentes, a superveniente victore sternuntur. Sed ad pontes longe maxima strages est edita. Cum enim fugientium numerus major esset, quam pontes capere, aut sustinere possent, multi in paludem præcipitati, aut cæno hausti, aut glandibus transfixi perierunt. Sinan turbatis agminibus mixtus, inter ingentem tumultum ex eodem ponte dejectus, duobus dentibus haud molliter excussis, fœdatoque vultu ægre Tergovistam pervenit. A)

Neque hic subsistere ausus, quod Sigismundum cum Siculorum copiis adventare per idoneos nuncios didicisset; imposito novæ munitiōni quatuor millium peditum præsidio cum Purpurato Aly, exercitum Buccarestam reducit. Sigismundus collectis e Siculorum præcipue gente quatuor, & viginti millibus armatorum, quibus Michael, & Kiralyius nuper victores accefferant, Tergovistam contendit, ratus id, quod negotium poscebat, Sinanem laborantibus suis auxilio venturum, ibique prælium fore. At Siculorum virtute, urbem bidui spatio sui juris facit, cæso, aut capto præsidio, nihil movente Sinane. Imo posteaquam munitionem captam intellexit, adeo animis concidit, ut Buccarestæ templo, quod firmis operibus ad defensionem muniverat, suffosso, trepida fuga sese trans Istrum receperit, solum octo millibus cum impedimentis ad caput pontis relictis. Ne hostis sua confessione jam victus e manibus elaboretur, Sigismundus compendio viarum facto, improvisus adest. Turcæ repentino metu percussi,

a) Istvan. L. XXIX. Scriptor Dacicus addit in hoc certamine ingens vexillum coloris viridis, in manus Confœderatorum venisse. Referebat illud Iridem, & Mahometis vultum. Errat in eo, quod scribat, Confœderatorum viginti millia fuisse.

culsi, sibi quisque consulunt. Alii capta pecora ad pontem pellere, alii fu-A. C.
gere, alli arma capere, currusque onerarios irruentibus opponere. Disje-1595.
ctis, qui temere pugnam fecere, tum vero apparuit non cupiditate præda-
rum, sed ira, & odio huc festinasse Confœderatos. Nemo spoliolum ma-
gnitudine ferrum cohibuit, nemo capiendi vivos sibi spatium indulgit, tru-
cidant inermes iuxta, atque armatos; usque ad jumentorum cædem ira victo-
rum pervenit, illustri utique documento; ODIÀ multos annos in crudeles
Heros collecta, nonnisi multo sanguine placari posse. Quinque millia ea
cædes sustulit, totidem millia Christianorum, tyrannidi erepta, præter vim
maximam carrorum, aliarumque rerum castrensiū. A)

Postquam res in Valachia gestas rumor divulgavit Byzantii, incredi-
bile dictu, quantopere Sinanis fama vapularit, æmulis materiem criminandi
avide arripientibus. Certe plerique in eo erant, apud Imperatorem tot
cladium sensu ægrum, eidem ut odium conflarent, quo aliquando elisis fau-
cibus, vitam non minus hostium, quam amicorum sanguine impune pastam,
cum insigni dedecore poneret. Sed non is erat Sinan, qui se, resque suas in
eo discrimine negligeret. Ad solitas artes se vertit, quibus domi, militiæ-
que Principis sui gratia usus, clarissimos civium præcipitavit, & eorum in-
teritu, quem semel obtinuit dignitatis gradum, aut semper possedit, aut
certe ampliori Principis favore ad eundem rediit. Quanquam non omnem
maculam hac expeditione contractam apud Mahometem deterferit, & non
nisi grandi summa pecuniæ mulctatus, Vezirii muneri admotus fuerit. Hæc
quemadmodum evenierit, paucis memorabo.

Præfectura armorum, quam sponte dimittere volebat, exutus Fer-
hates, fati sui præsagus Constantinopolim adire horrebat, diuque secum
luctatus inter spem, & metum, quo vela verteret, a Soltana Mahometis
matre, quæ raro apud Turcas exemplo, filii animum maternis blanditiis
temperabat, vitæ securus in aulam evocatur. Paruit patronæ. Reversus
Byzantium nullis, ut alias, applausibus civium, a plerisque trepida huma-
nitate exceptus, facile animadvertit, nondum tempestatem depulsam. At
maxime aulicorum ora non perinde observantiam, amorem mentientia, in-
frequens limen, rarior circa se comitatus, non dubium argumentum fue-
runt, fulmen sub nubibus latitare, quo prosternendus æmulorum invidiæ
victima cadat. Concoxit tamen hæc omnia forti stomacho, animoque præ-
senti, & quidquid sinistri eveniret, perferre decrevit. Imo quasi satur cu-
rarum, quibus ab ineunte ætate implicitus erat, quietem hanc optaret, ea
moderatione est usus, ut nunquam ad querelas semet dmitteret, nunquam
expostularet se durius, ac par erat, haberi. Crederes illum multo jucundius
res suas privatas curare, quam si in campo, signis undique concinentibus
aciem strueret, vel in sanctiori consilio de summis Imperii negotiis senten-
tiam ferret. Id siue constantia animi egerit, siue adumbrata lætitia; æmu-
lorum aures, oculosque cupito illo mœrentis rumore, aspectuque fraudav-
it quidem, sed eo acrius in iram, odiumque incitabantur, quo homo mi-
sere superbus, afflictam suam fortunam minus sentire videretur. Nec erat
tam innocens, ut criminandi materia deesset.

Sinan Vezirius a Sigismundo profligatus, quo nominis sui famam
vindicaret, epistolam arcanis de rebus ad Principem Tartariæ missam, in
castris intercipit: eam quasi e Ferhatis officina prodiisset, audacissime di-
vulgat. Præter cætera severum edictum legebatur, *ut ne Princeps more
veteri, suas copias prædatum dimittat in eas regiones, quas Ottomanicus
miles armatus, præsentis anno insidebit. Præsto esse grandem exercitum, quo
Mahometes sperare possit, Principes contumaces ad obsequium revocandos
sine prædonum agmine. Sæpenumero Tartarorum gentem non tam auxilii
ferendi, quam spoliolum causa e suis latibulis prodiisse, & patrata victoriā*

Ii 3

Turca-

A) Scriptor Dacicus ait: tota hac expeditione Sinanem 26. millia ex suis desiderasse. Hartnaccus
meminit ad annum MDXCV. Turcam ingenti clade affectum a Sigismundo Bathorio Principe
Transylvaniæ.

A. C. Turcarum ferro, opimis spoliis victores evertisse. Moscoviam, Poloniam
 1595. invadat, si tanta prædandi cupiditate inardescat: ita spoliiorum copiam absque invidia fore, nec expeditionem Magnum Imperatorem graviter laturum. Hæc, atque alia id genus & Imperio, & Sinani exitiosa, cum in ea epistola continerentur, dici non potest, quanto omnium odio flagrarit Ferhates. Et quamvis ille flagitium isthoc constanti ore negaverit, Sinanemque veterem inimicum, scripti hujus authorem non levibus argumentis detexerit, tamen quod nonnullis indiciis suspicionem incurrerit; jussu irati Imperatoris obtorta gula jugulatur, immensis, quas possedit, opibus, ærario illatis. Sic Ferhates prosperis perinde, ac adversis, a prima adolescentia multum exercitus, vitam clausit.

1596. De æmulo sublato brevem admodum triumphum egit Sinan. E bello redux, Vezirii dignitatem ponere jussus, multoque ære mulctatus duobus mensibus aula abstinuit. Soltana, Mahometis mater, auro empta, jacentis fortunam iterum erexit. Pristino munere decoratus, dum per hiemem legiones reficit, remque diligentissime curat, partim ætate (octogesimum annum numeravit) partim militaribus tædiis fractus, Byzantii extinguitur, Mahometemque ingenti spe improvisò destituit. Desperata valetudine, fertur monuisse Imperatorem, ut, si vellet hostibus suis terrori esse, sequeretur morem Majorum, campum præ aula adamaret, ferro succinctus ipse exercitum duceret, ita castris disciplinam, qua Imperium crevit, sceptro fortunam restitutum iri. Istvanffius illius ætatis Scriptor, secutus vulgi rumorem, veneno, quod sponte hauserat, lente contabuisse ait. Hunc exitum habuit Sinan, non inutilis homo Imperatori suo, qui terra, marique clarissimas consecutus victorias, inter præcipuos suæ ætatis Duces numerum facere potuisset, si, ut aliorum, ita & sui victor extitisset. Labantibus Ottomanorum rebus grande momentum sæpe addidit. Strenuus manu; consiliis, sermoneque promptus; serendæ in alios invidiæ, & odii mirus artifex; discordiis, atque seditionibus potens; pace pessimus, bello non spernendus. In Africa, Asia, Europa; præcipue Hungariæ, & Daciæ regionibus, victoriis, & clade innotuit.

Cæterum in Illyrico vixdum soluta hieme ad arma deventum. Ad Clissam, præaltis rupibus impositam, & tum temporis aliquot millibus Turcarum munitam, Georgius Benkoviccius, illarum partium acerrimus propugnator, oculos, animumque adjecit. Cum aperta vi locum non tam operibus, quam militum robore firmatum subigi posse diffideret, placuit insidiis agere. Res fortuna magis, quam consilio cessit. Nundinæ ad Drilonem feriis resurgentis Domini celeberrimæ institui solent, ad quas ingens mercatorum, civiumque omnis generis, numerus confluere assuevit. Ne prædonum, piratarum injuriis, institorum merces paterent, a Clissæ Præfecto præsidium impetrarunt. Lenkoviccius educti militis non ignarus, terra, marique promptissimos suorum ad Clissam arcessit; mox silenti nocte per rupium crepidines eluctatus, mænibus adrepat, perfossoque loco, quem neglectim argilla obturaverant, rati ob rupium munimenta neminem ea in parte aditus quæsiturum, feliciter arcem occupat. Sed opinione celerius rursus in hostium manus pervenit. Apardis Bosniæ Præfectus cum decem millibus eam oppugnaturus, castra ad radices montis saxosi metatus est, ferentemque suppetias Lenkoviccium, semel, atque iterum cum cæde repulit, tanta obsessorum trepidatione, ut opportunissimo præsidio paucis post diebus excesserint. A) Ad Kosztaniczam res felicius gesta, ubi Apardis pugna victus, in sua latibula retrusus fuit. Oppido flammis exusto, ne arx caperetur, Achometis Eunuchi exercitus prohibuit.

Festinaverat is cum copiis, per oppida Thraciæ, Macedoniæ, & Peloponnesi jubente Mahomete contractis, ad Illyricum defendendum, quod non vano rumore nunciatum fuerit, in ea regione præsentis anno bellum longe atrocius fore, quam antea. Cum haud procul Kosztanicza abesset, in-

tel-

telleſto Chriſtianos e campo abiſſe, conſilium capit, Petriniam aggredien- A. C.
di, ratus convoluturos omnibus viribus hoſtes ad obſidionem laxandam, 1596.
præliique, cujus avidiſſimus erat, copiam facturos. Nam quod veteranorum
aliquot millia ſub ſignis haberet, homines belli expertos, pluriumque pu-
gnarum; ſperavit uno prælio debellari poſſe. Ad famam Petriniae obſeſſæ,
quaſi pro focus, & aris totius Illyrici pugnaturi, undique confluxerunt arma-
ti. Amiſſa enim ea arce, pulcherrimum agrum juxta Colapim amnem pro-
tenſum, quotidianis, iisque crudeliſſimis populationibus attritum iri, inde-
que excidium vicinis regionibus Colapi tranſmiſſo inferendum, recenti me-
moriam tenebant. A) Daniel præterea Frankol, loci Præfectus, imparem ſe
videns tolerandæ oppugnationi, auxilia ſibi mitti trepidis nunciis poſtulavit,
& niſi a Preſtoczio, qui centum Illyros arcu iniecit, cohibitus fuiſſet, homo
parum militaris deditiorem properaſſet.

Joannes Draskovicſius Illyrici Pro-Rex, Georgius Lenkovicſius, Si-
giſmundus Herberſteinus limitum Præfecti, ille Croatiae, hic Sclavoniae,
majoribus animis, quam viribus ad Colapim feruntur, fixisque e regione
Petriniae caſtris, hoſtes alteram ripam non raris ordinibus inſidentes con-
ſpiciunt. Per eos dies imbris intumeſcens amnis, rapidiſſimo impetu de-
currebat: nec navigia habebantur; nec pons erigi poterat, circum amnem
nudo ſolo, ſteriliſque. Et ſi maxime hæc adſuiſſent, res plena periculi, ple-
na temeritatis erat, in conſpectu numeroſi exercitus tranſmittere, qui collu-
ctantes cum fluvio, hoſte omni truculentiori, facile aditu ripæ prohibuiſſet.
Igitur conſilium, quod neceſſitas ſubjecit, ineunt. Motis ſubito caſtris Si-
ſciam contendunt, ubi tuto pons perfici poſſet. Achomates ratus Chriſtia-
nos ſe velle fuga ſubducere; equitatum, quo præſtabat, partemque pedi-
tatus fluviū tranſire jubet, agmenque laceſſere. Illyrus alacer animis,
corporibusque, ſine ordinibus, prout enataverant, madidos, ac feſſos in-
vadit, vincit, terniſque millibus mulctatos in alteram ripam rejicit. Hæc
pugna Petriniam periculo eripuit, plenamque de hoſtibus peperit victoriam.
Quippe ubi nunciatum eſt, Chriſtianos ad Siſciam flumen tranſgreſſos, A-
chomates jam nupero prælio victus, ne clade cladem cumularet, retractis
ſine mora tormentis, fugam capeſſit. Odoverdis Boſnienſis, cæterique Præ-
fecti, veſtigia Ducis ſui ſtrenue preſſerunt. Ea in fuga longe maxima cædes
eſt facta. Inter impedimenta direpta; reperta ſunt duo inuſitatæ molis
tormenta, quibus Ferhatis Purpurati nomen inſculptum fuit. B) Cæterum
ut in Illyrico, ita in Hungaria memorabilis, & Chriſtianorum armis ſecun-
da cecidit hujus anni expeditio.

Maximilianus Archi-Dux tam florentem exercitum annona, reque
bellica inſtructum ſub ſignis cenſuit, de Buda recuperanda ut merito cogi-
tare poſſet. Erant tamen nonnullæ arces, quæ niſi ante hoſtibus eriperen-
tur, quam ad Budam caſtra fierent, veteranorum Ducum Schvarcenburgi,
& Palſii ſententia, omnis conatus capiendi præſidii in irritum caſurus vide-
batur. Tametiſi enim tanti ambitus urbs obvallari, accellusque copiis ter-
ra, & amne occludi poſſent, nihilominus tot circum munita loca ad auxi-
liandum prompta, diebus, noctibusque caſtra infeſtarent, & obſidentes
obſidione nova premerent. Maximilianus ipſe non ex vano timores hos ſpar-
gi facile intellexit, præſertim quod Mahometem, cum valido exercitu in Hun-
gariam venturum frequentibus nunciis acciperet; nec tam deſidem fore con-
jiceret, ut Buda, caput rerum, illo quodammodo inſpectante, captiva in
triumphum ducatur. Itaque vis belli alio converſa eſt. Urbs Vacium dif-
fugientibus Turcis, a præſidio nuda, fauſtum expeditioni dedit initium, a
Schvarcenburgo, Palſioque in Rudolphi Regis tutelam accepta. Hathva-
nium, quod oppugnandum ſumpſit Maximilianus, longe maximi operis erat,
Gubernatori, viro militari, eripere. Erat is Arslanes non tam ætate,
quam magnitudine animi inter ſuos præcipuus, belli expertus, & ad omnem
fortu-

A) De his Ratkajus L. IV. Memoriz Regum &c. B) Iſvanſſius, & Chronicon Hungaro-Tur-
cicum.

A. C. fortunam paratus. Non imparis animi mille quingentos pedites habue-
1596. rat, plerosque emeritis stipendiis, & cicatricibus claros. Hos ille partim
opibus, partim familiaritate, qua in castris usus est, in suam peculiarem
transcripsit legionem; NON ignarus: spem, famamque Ducis a militis virtu-
te pendere.

Cum hoc armatorum globo, oppugnationem admodum difficilem
Maximiliano fecit Arslanes, utque iste militem suum, egregiis factis ad for-
tia patranda inflammavit, ita a matre Fatima, virilis animi femina, ut ea-
dem, qua coepit, fortitudine locum propugnet, acri oratione quotidie ac-
cendebatur. Jam passi circum valla praesidii evulsi, rates in fossas immisae,
terna propugnacula dejecta erant; assultus tamen vi ingenti tentatus, spera-
to successu caruit, parsque utraque vulneribus fessa quieti se dedit; cum hi-
ni milites A) tacite per mœnium ruinas progressi, animadvertunt, præter
morem custodias laxatas, atque opera hostium a milite deserta. Celeriter
in castra recurrunt, rem commilitonibus narrant, hi aliis. Rumor mo-
mento per contubernia diditus, promptissimum quemque ad opportunita-
tem praesidii opprimendi a quiete revocavit. Tacentibus signis arenam cer-
taminis repetunt, superatis ruinis in interiora penetrant, vicorum capita
oblident. Arslanes hortante matre, supremum fortitudinis specimen datu-
rus, arma raptim indutus, victoribus sese objicit, fidos, atque ad eum diem
invictos commilitones, pristinae virtutis admonet, ne turpi deditione vitam
indecoram redimerent, sed potius in confertos ordines se Duce ruerent ar-
mati, ac superiorum annorum victorias, vel novo facinore augerent, vel glo-
riosa morte, quod fortibus viris superest, absolverent. His talibus incensi,
contempta nece, acerrimam impressionem faciunt, cumque glandibus fige-
rentur identidem, & pauculi vulneribus confossi, nondum necessitati cede-
rent, adeo efferati sunt victorum animi, ut cæsis ad internecionem armatis,
atque civibus, non nisi imbellis mulierum turba, quæ se lanienæ subduxe-
rat, testis victoriæ superesset. Excidium isthoc documentum erit obsessis,
ne per temeritatem praesidiarii impares resistendo, victoriam suapte natu-
ra insolentem, pervicacia sua in iram, furoremque vertant. B)

Subacto Hathvanino, pavidii nuncii advolarunt in castra, Mahome-
tem Imperatorem cum ingenti armatorum numero in Hungariam festinare,
indeque in Austriam ducturum. Is rumor majorem tumultum, timorem-
que, quam res poscebat, inter milites excivit. Extemplo Ducum consilio,
castra Vacium reducta, ne hostis Danubio potitus, annonam exercitui in-
tercluderet, neve in Austriam pro libidine sua bellum transferret. Auxerat
hanc Maximiliani sollicitudinem epistola Mahometis, ad Purpuratum Buden-
sem data, quæ etsi multis mendaciis aspersa, tamen familiaris illa, famæ
mendaciis in rem suam utendi ars, plurimum adjuvit Turcarum calliditatem,
virium suarum numerum ultra modum eminentium. Inter cætera scri-
bit: *se vehementi dolore perculsum, quod profligato Temesiensi Praefecto ad
Lippam, Tartarorum pariter copias ad Temesiam fuderit Sigismundus Prin-
ceps, eandemque urbem clausam teneat. Propterea Giasferi Bassæ manda-
tum, ut cum quadraginta millibus Temesiam tendat, Sigismundum in Da-
ciam retrudat, provinciam jure belli capiat. Hæc facile præstiturum Gias-
ferem, cum centum quinquaginta millia, partim Turcarum, partim Tarta-
rorum in subsidium Dacici belli ventura sint. Se vero cum ter centum milli-
bus armatorum, inundaturum Hungariæ provincias, quibus sub jugum missis,
Viennam oppugnaturum, neque Byzantium ante abiturum, quam æmulam
Turcici Imperii urbem, funditus everfam cernat. Hæc talia jactantius mul-
to, quam verius dicta, exitus susceptæ expeditionis docuit.*

Equidem ingenti fama, maximoque ardore Hungariam, veterem
illam, & tot cladibus nobilem arenam, ingressus est Mahometes Imperator,

&

A) Scriptor rerum Dacicarum vult per assultum praesidium captum, sed vi aperta. B) In Chroni-
co lego Turcas armis abjectis deditionem obtulisse, quam miles efferatus rejecit. Laniena
hæc 3. Septembris peracta est 1596.

& nisi confluentibus lente copiis ex Asia, præcipitante jam æstate, initium A. C. fecisset expeditioni, non unius urbis Agriæ expugnatione contentus, Hun- 1596. garia excessisset. Mōras iniecit Soltana, callida mulier, & imperare assueta in aula, quæ filium Byzantii retinere omnibus artibus adlaboravit, certa plus ponderis, autoritatisque habituram se apud inermem, quam armatum. Ea causa solícite cavít, ne rumores sinistri ex Illyrico, atque Hungaria allati, ad Imperatorem emanarent, & alioquin defectione Sigismundi irritatum, in bellum ejus ductu gerendum; acrius stimulant. Validiorem subinde machinam admovit, quò in arma ruentem, ad pacatiora revocaret. Ex omni pellicum numero unam corporis specie eximiam deligit, cui Mahometes multum assueverat. Hæc, ut erat intelligens cupiditatum Imperatoriarum, suis blanditiis non cessabat martiales spiritus enervare; assiduis illum obsequiis sectari, nunc precibus, nunc lachrimis instare: *ne vitam, Imperii salutem in manifestum adeo discrimen conjiciat. Superesse viros artis bellicæ gnaros, quibus tuto Hungaricum bellum committi possit. Pro fronte aciei stare, hostem infestis signis petere, magnas urbes circumvallare, fuisse quondam magnorum Imperatorum apud Ottomanos: sed istud eo factum, quod Imperatores fortunam belli concedere non auderent Veztrīs, vel quod victoriæ certi, ad victoriam potius legendam, quam pugnandum, in campum prodierint. Neutrum adesse. Ibrahimum, Cicalam A) copiarum Ductores, e veteri disciplina, tantum famæ jam collegisse militiæ, ut non alio Duce plus confidant, vel audeant milites. Christianorum vires, Ferhate, Sinane, fortissimis Veziriis debellatis, eo actrevisse, ut ultro arma inferant, præsidia oppugnent, prælia deposcant. NON semper universi certaminis aleam deslinari possē. Quid futurum, si hostis superior campum obtineat, Imperatorem cum copiis profliget, aut circumventum in triumphum raptet? quam acerba hostium ludibria? quam monstrosæ pacis conditiones futuræ? jam nunc horrore perfundi aulam Constantinopolitanam, fortuita belli pensitantem. Matrem vero dolore ægram, brevi confectum iri periculis filii, nisi cæpto desistat. Hæc atque alia id genus, ut a Soltana didicerat, cum crebrius occineret incauta, tantum in eam odii conceperat B) Imperator, ut impotens animi, blandientem multis ictibus confoderit. Tragædia peracta, satis, superque prodidit, quam obfirmati animi foret in Hungariam cum exercitu proficiscendi.*

Nec Soltana, Purpuratique deinceps quidquam negotii facessivere, veriti, ne furentem in semetipsos concitarent. Itaque rebus omnibus ad expeditionem paratis, Giafferem Purpuratum cum valida armatorum manu præire jubet: ipse cum Ibrahimō, Cicala, militia claris, atque robore copiarum secutus, Byzantinorum oculos in se convertit. Quippe peregrinum videbatur iis, Imperatorem ad ea tempora otium confectantem, difficile juxta, ac longinquum iter ingredi, castrenses labores, multiplicia belli discrimina subire velle. Hæc una magnitudo animi, summa admiratione defixit omnes, existimantes apud se, Bajazethis, Solymani, pugnacium Principum tempora rediisse. Equites præterea Asiatici, corporum cultu, armorumque fulgore eximii, voluptati fuerunt insipientibus. Postremum: ubi collectam videre armatorum multitudinem, luxum Asiaticæ opulentiae, copiam omnis generis armorum, maximas spes conceperunt, Mahometem non Hungariam modo, Transylvaniamque, verum & Austriam tantis apparatibus occupaturum. Sed hic sensus vulgi erat. Peritiores, quive paulum ultra plebem sapuerunt, satis intelligebant: inconditam illam hominum turbam (ducenta, & amplius millia numerabantur) non tam prælio, quam fugæ aptiorem. Asiaticos equites Europæi frigoris impatientes, non magno adjumento futuros; plus certe spoliolum, quam virium in castra allaturos. Horridum militem esse debere, non armis in speciem sumptis, vestituque cultiori insignem. Hæc nitere ante certamen, deturpari inter sanguinem

Imp. Ottom. Tom. I.

K k

&

A) Alias Cigaloglis dictus. B) Lazarus Soranzius Patricius Venetus, temporis illius Scriptor, & Joannæ Sagredo.

A. C. & vulnera; verbo: VIRTUTEM militis ornamentum esse, quæ si abfuerit, 1596. opulentum pauperis victoris præmium fore.

At Imperatori haud segne iter, aut deliciis corruptum erat. Ante signa pedester, horridus, incomptus, famæque dissimilis ibat; frigoris perinde, ac æstus patiens. Posteaquam Belgradum pervenit; Krekovichii Legati Cæsarei domesticos, a) quos Byzantii contra jus gentium ceperat, ac secum in hanc expeditionem ire iusserat, libertate donatos, in patriam dimisit. Refecto hic milite aliquot dierum spatio, Szegedinum movit, indeque lentis itineribus Agriam. b) Ad primum rumorem Paulus Nyarius, arcis Gubernator, qui in castris aderat, eo se iniecit cum legione Moravorum, quam Joannes C. Turrianus duxit. Subinde aliis, atque aliis supervenientibus, præsidium quatuor millium, & quingentorum fuit. Datum præterea Tieffenbachio mandatum: Agriam rebus ferendæ obsidioni necessariis, ut quam diligentissime instruat, tormentis propugnacula muniat, vim pulveris pyrii invehat. Sed cum terror illius regionis agrestes occupasset, nec vehicula, nec jumenta in tempore aderant, quibus tormenta, alique apparatus arci inferri possent. Septima, & vigesima Septembris, Agria se obsessam vidit, castris barbarorum longe, lateque extensis. Eadem adhuc nocte festinato ædificatis quatuor suggestibus, arx verberata est. Præsidarii, qui patentibus oppidi portis, non dubitarunt manus conferere cum hoste, ubi viderunt se resistendo non esse, oppido exusto, ad arcem propugnandam se convertunt. Verum non eam fortitudinem, constantiamque præ se tulerunt, qua olim præsidarii Agrienses, c) Agria defensa adversus Achometem, immortalem nomini suo pepererunt gloriam, fama etiam nunc superstita apud populares.

Nam lacerato Doboiano propugnaculo, ac mænibus pulverum vi succussis, post unam, & alteram Turcarum impressionem, adeo animis conciderunt Vallones, ut non modo de arcis salute desperarent, verum etiam clam consilia agitent, eandem hostibus dedendi. Militare flagitium opprimere conatus Nyarius, Duces tanti facinoris in custodiam abripit. Miles perfidia commilitonum castigata, quasi injuria laceffit, Nyarium furiose circumspicere, socios lictorum manibus eripere, arma in suos Centuriones vertere, exuta jam fide imperium detrectare. Cum seditiosi neque severis, neque lenibus remediis ad præscam disciplinam revocari possent, & accedentibus etiam Hungaris (qui eatenus fidem non mutarunt) numerus seditiosorum magis, magisque glisceret; Gubernator cum primariis Ductoribus, nondum de tradenda arce consilium admisit, certus libertatem, fortunas, vitam denique ipsam amittere potius, quam turpi flagitio locum nulla necessitate subactum hosti cedere. Tanti, præsidii manifestum periculum, ut Nyarium, ita Maximilianum Ducem multa solitudine complevit. Liberare, quaquam liceret, certum erat. Motis Vacio castris, inter assiduos imbres, ad duodecimum Octobris Fulekum perventum est. Hic delectos ex omni peditatu octingentos, partim Germanos, partim Hungaros præmittit, qui aditum in arcem rimentur, ipse paucis post diebus, in campo Agriensi aciem explicaturus. Duabus leucis aberant Agria, cum triste nuncium accipiunt, arcem Mahometi traditam. Nam Michael Baloghus seditiosorum hortatu, in mænia progressus, invitis Ducibus, deditionem alta voce excubitoribus offert, modo publicam fidem Mahometes interponat, commilitones suos incolumes fore. Illi haud negligendam rati opportunitatem potiundi præsidii, continuo Mahometis nomine incolumitatem spondent. Proditione fervente, mittuntur in castra Nobiles viri, quo proditioni auctoritatem accerferent, ad conditiones transigendas. Accepto diplomate Mahometis, aureis characteribus scripto, dum in arcem revertuntur, Turcae Tartar-

a) Duos de viginti fuisse scribit Istvanffus. b) Scriptor Dacicus refert: Mahometem Budam tendisse, ibique Danubio trajecto Agriam movisse. At non video, cur semel, atque iterum vastum fluvium, absque operæ pretio superare voluerit. Mens erat Mahometi Hathvano; sine Hathvanino succurrere; compendio proinde itinerum usum fuisse certum est. c) Anno 1552. Vide pag. 172.

Tartaris immisti portam occupant, Nyarium, cæterosque Ductores in ca-A. C. stra abripiunt, gregarios proditiōis reos inter ludibria passim trucidant. 1596. Quanquam Imperator datam fidem a suis violatam severe vindicavit, cæso adeo Janicsarorum Aga, qui otiosa fronte lanienam spectavit. A)

Fama amissæ Agriæ militum proditiōe, acerbissimum vulnus Maximiliano inflixit. Ne porro hostem victoria exultantem sine clade abire pateretur, in hanc curam conversus, Sigismundum Daciæ Principem, uti copias suas festinaret conjungere Cæsareis, identidem urget. Ad octavum, & decimum diem Octobris uterque exercitus eodem in campo castra metatus, spem non dubiam fecerat ingentis victoriæ, si cum hoste ad manus deveniretur. Lustrato exercitu unde quadraginta millia armatorum sunt censa, quinque, & nonaginta variæ formæ tormenta. Ut castris commodum locum caperet Maximilianus, ad oppidum Keresztes iter edicit. Mahometes contempta Christianorum paucitate, Giafferem Purpuratum cum triginta millibus præmittit, ut occasione intentus castra invadat, aut viam intercipiat ad paludem, quam si hostis superaret, iniquissimo loco dimiscandum foret. Huic paludi per complures leucas diffusæ perennes aquas sufficit Cincia amnis admodum tenuis, qui late diffusus in carecta, uliginemque pigro lapsu semet evolvens Sajoni miscetur. Hic tendentem Giafferem aggressi equites nostri, ultra paludem propellunt, cæsis mille peditibus, & quadringentis ex equestri ordine. Hic successus spem iniecit Sigismundo amplioris victoriæ. Ea causâ incio Maximiliano copias suas per loca palustria in conspectum Turcarum promovet. Sed cessit plurium Ducum sententiæ, eodemque die in castra rediit.

Mahometes recessum Sigismundi fugam interpretatus, accelerato, tacitoque gradu, cum omnibus copiis paludem superare contendit. Cicala Purpuratus, Hassanes Budæ Præfectus inter prima agmina eluctati, quoad reliquis miles in aciem promoveretur, equestre prælium pro castris Maximiliani committunt. Dato signo Cæsareus miles alacer erumpit, editaque strage trium millium, hostem temere irruentem rejicit. Binæ hæ clades, atque ardor ille uno prælio Confœderatorum vires delendi, ita Mahometis mentem confuderant, ut tentato rursus transitu vicesimo sexto die Octobris, velut cursu exercitum suum castris Christianorum admoverit, nulloque dato ad respirandum spatio, legiones in aciem collocavit. Confœderati præliis jam superiores, ingenti ardore pugnam capeffunt, integrique fessos haud longo certamine ad transitum paludis retroagunt. Hic magis turbati ordines, dum alii fugiunt, alii in pugnam redeunt, instaurataque impressione Christianorum, in fugam solvuntur. Initio adeo prospero animati Sigismundus Princeps, & Palffius Maximiliano authores sunt, ut transmissa palude hostis fugitivi castra occupet, plenamque uno die victoriam absolvat.

Visa suorum strage, fugaque Mahometes grandiori camelo insidens, fugæ & ipse accinctus tristi supercilio exitum pugnæ operiebatur. Cicala amisso prælio, ut erat multo cæno obstitus, citato cursu iter accelerans, Imperatori trepide nunciat: Ottomanos profligatos, hostem appropinquare castris; id unum esse super, fuga salutem quæreret. Jamque clamor Cæsareorum, qualem victores edere solent, propius audiebatur; cum ille, veritus iniquiorem fortunam in campo, e camelo desiliret, & in equum, qui ad hoc sequebatur, imponitur; tamque præcipitanter se castris ejicit, sex millibus prætorianorum stipatus, ut continuato tota nocte itinere, postero die, prono in meridiem sole, Szolnokinum tenuerit. Ibrahimus Vezirius eadem fuga abreptus, nuspiam a latere Mahometis discessit, quod obsequium viro alioquin imbelli caro stetit. Fugiente Imperatore, qui nondum acie excefferant, dissipantur metu, & quâ cuique patebat fugiendi spatium, erumpunt. Multi Agriam, alii Pefzthum, Budamque palantes petunt, ar-

*) Ita Scriptor Dacicus. Istvanffius Lib. XXX. de gregariis nulla mentione facta, ait eorum Ductores custodiæ datos, alios fuga elapsos, alios marore animi in vinculis extinctos. Hathvanienfium cædes haud dubie Turcas in hanc tragædiam concitarit.

A. C. ma jacentes, quæ paulo ante in hostem strinxerant. Nostri plenis agminibus 1596. castris infusi, dum paucos extra vallum propellunt, ad spolia redeunt, tentoria elegantioris operis convellere, impedimenta, sarcinas occupare, caelis custodibus; partim ea quæ in plaustris erant, diripere; partim sub oneribus jumenta abstrahere. Jam ad Dervisios, gentis Turcicæ sacerdotes, avaritia victoris pervenerat; ibi quo minor luxuriæ apparatus, eo major cædes, & licentia fuit. Omnia planctu, tumultuque fervebant. Hæc inconsulta castrorum populatio victoriam perdidit.

Cicala, qui unus Purpuratorum, haud procul castris cum quingentis substiterat, ubi videt nihil ex ordine geri apud victores, paucos armatos incedere, omnes spoliis legendis occupari; reparatis ordinibus, novis animis certamen resumit. Prælium pluribus locis confertur. Cæsareos præda ipsa, oneribus impeditos, & plerosque (ut ad rapiendum manus vacuas haberent) inermes ad cædem præbet. Fit fuga omnibus locis, neque monitis Ducum, neque arte ulla revocari a cursu, atque in prælium retrahi potuere. TURBATIO enim acrius metus, quam Duces, imperare solet. Sed neque Cicala victoria uti sciverat. Cum jam dies in vesperum inclinaret, paucosque circum se videret armatos, non ausus eam noctem in castris transigere, panico metu perculsus, fugientia suorum agmina est secutus. Ita victi, victoresque pari ludibrio fortunæ delusi, opulenta castra deseruerunt. Præda omnis Tartaris, peditibus Hungaris, & agrestibus cessit. A) In hoc multis capitibus memorabili prælio, quod Ottomanis Agriensē dicitur, viginti barbarorum millia occubuisse feruntur. Neque Christianis incruentum fuit, quandoquidem decem millia cæsa Scriptores asserant, majoris etiam nominis Centurionibus desideratis. Hac expeditione defunctus Maximilianus, Viennam abiit, Sigismundus suam Daciam repetiit.

Cæterum Mahometes longiori fuga nimium exagitatus, Szolnokini quietis ergo substitit. Subinde terrestri itinere procedere jussu prætorianorum agmine, ipse secundo amne Tibisco vestus Titulum pervenit; inde in Danubium propulsa classicula Belgradum appulit, ubi Cicalam, reliquias fugientis exercitus solícite colligentem, reperit. Hujus Purpurati cum auctoritas, tum existimatio rei militaris tanta erat apud Imperatorem, ut ab excessu Sinanis eum Vezirii dignitate ornare cogitarit. Sed Soltanæ in aula potentia Ibrahimum prætulit hominem re nulla, quam sanguine, & nuptiis Sororis Imperatoriæ illustrem. Agriensē hoc prælium vetera studia erga Cicalam suscitavit, quod unus omnium pugnam accenderit, victoriam cum paucis Christianorum manibus eripuerit, Vezirio turpiter in fugam verso. Itaque eo in ordinem redacto, Cicalam Vezirium renunciat. Ferunt hunc humili, tenuique fortuna ortum, Patrem Genuensē habuisse, piraticæ magis arti, quam mercaturæ addictum. B) Hic portus Turcicos depopulatus sœminam rapuit Mahometanæ sectæ, ex qua ad Christianos ritus traducta suscepit, de quo narramus, Cicalam, sed in tenella adhuc ætate, eadem arte Byzantium abreptum, atque in aula studiosè educatum. At nullum inde dedecus viro bellicoso; QUANDOQUIDEM longe præstet magnum fieri, quam nasci.

Verum ut omnia miscebat in aula Soltana, haud diuturnus fuit hic gradus honoris, Ibrahimō stationem pristinam repetente. Hæc multo post evenerunt Byzantii. Quo antequam perveniret Mahometes, mendax fama scenam luctus, mœrorisque plenam in aula instruxit; unde mira rerum conversio secuta. Prælio ad Keresztes facto, ut sine signis, sine Ducibus in fugam solvebantur, ita vagi, palantesque, multi Byzantium usque pervenire, ignari, quæ fors commilitones, Purpuratos, Imperatoremque manserit. Atque, ut MENS humana metu oppressa, deteriora sibi fingit, ea opinio plerosque habuit, Imperatorem cum potiori exercitus parte occubuisse.

A) Ita Istvanffius cum cæteris, qui prælii hujus meminere. Mirum profecto utrumque exercitum in fugam coniectum, castris prædabundis agminibus relictis. Nempe norunt multi vincere, non item victoria uti. B) Annales Ferdinandi.

buisset. Imo, quo fidem adstruerent errori, eo dementiæ devenere non-A. C. nulli, qui asserere non dubitarunt, Mahometem vulnere perstrictum, inter 1596. fugiendum expirasse. Hæc cum Byzantii sine ambagibus dicerentur, Soltana in sæmineos ejulatus effusa, cæteras pariter, ad lachrymas nunquam non paratas, in communionem doloris socias habuit. Comploratione peracta, puerum Mamuthem, Imperatorem proclamant; inde initium datum populationi officinarum, mox incendio oborto, altera peste, vastantur vicini cum palatio Imperatoris, urbs denique incredibili tumultu miscetur. Lætiores faciem induerunt omnia redeunte Mahomete, triumphumque adornante more Majorum, quanquam si tot clades (nam ad Æmi montis radices, partim a Dacis, Valachisque, partim vi frigoris, partim longinquitate itineris lassæ agmina sternebantur) & turpissimam fugam penset, nihil plausibus dignum reperies. Agria enim non vi, non virtute, sed militum prodicione est capta. Serviendum tamen erat tempori, & vultus civium pro Principis voluntate mutandi. At Soltana ægre filium placavit, quod immaturo consilio, novum Imperatorem proclamari jussit. Portento simile videbatur, scenam hanc sine sanguine peractam. A)

Hac expeditione inconstantiam fortunæ edoctus Mahometes, bellum 1597. deinceps magis reformidavit, quam hostem. Domi ergo in ignobili otio, & Venere, quæ comes esse solet desidii, reliquum ætatis transegit, neque ad spem novam erectus pugnandi cogitationes instauravit, etsi tum in Europa, tum Asia circumsonarent arma. Maximilianus contra, magnæ indolis Princeps, martiali ardore abreptus, longe aliam mentem induerat. Is cum recentibus copiis in Hungariam reversus. Papam obsedit; assultuque semel, atque iterum tentato oppidum cepit. Arx novis, & vastis operibus munita, omnem deditionis moram abruptit, ne iram Maximiliani provocaret. Semenderes, arcis Præfectus, Nicomedia Bithyniæ urbe oriundus, cum equis, ac armis; milites (sexcenti numerabantur) suis pariter armis, ac suppellectili onerati incolumes dimissi. At insigni flagitio Italarum & Vallonum factum, ut trecenti uno impetu stererentur. Semenderes cum quinquaginta supra ducentos ægerrime a Comite Zrinyio, furori militum subtractus, cædem evitavit. Non multo post arx incendio correpta, ac pulverum vi ingenti fragore disjecta, novo infortunio involvit Semenderem. Retractus in castra, cum suspiciones amoliretur; & incertum foret dolone, an forte incendium obortum? barbari verbis fidem habere maluit Maximilianus, quam castigata in præsens perfidia, criminandi materiam hostibus dare. B)

Jaurinum deinde obsidione cinctum, gemina de causa operam nostrorum luit. Altera quod Alys Bassa urbis Præfectus munere suo singulari industria fungeretur: altera, quod Mahometes Satergis ad solvendam obsidionem cum exercitu festinaret. Reductis Jaurino castris in vicinam insulam, Satergis Tattam, mox Vacium male munitum occupat. Maximilianus ut consuleret Strigonio, juxta Danubii ripam eo contendit, munitisque castris haud procul urbe consedit. Nec temere prælii aleam subiturus videbatur, ut qui firmis operibus ad aggeres, fossas, propugnacula castrorum adjiceret in dies. Satergis propugnaculi necessitatem Christianis impositurus incredibili audacia stationes, operaque explorabat; nec levibus solum; pro loci commoditate, velitationibus, sed justis quandoque præliis eos fatigabat. E regione oppidi Nefzmely, castellum militare opere erectum, universæ dimicationi occasionem dedit. Illud improspere magis, quam fortiter aggressus, a Kolonicio in castra retruditur: hic ab erumpentibus magno numero Turcis circumventus, in orbem pugnare coactus fuit, quoad Nadasdus cum octingentis hastatis equitibus auxilium ferret. Satergis educto jam totius exercitus robore, undique pugnam ciebat. Passius sex millia armatorum, opportuno consilio in locum certaminis adduxit, plumbearum

K k 3

que

A) Hæc e Scriptore rerum Dacicarum. B) Istvanff. ad calcem L. XXX. & sparsim Scriptores rerum Dacicarum.

A. C. que pilarum imbre adeo obruit Janicsarorum ordines, ut fuga equitum abs-
 1597, territi (qui plerumque primo ardore consumpto languent) cum decoris,
 & disciplinæ, tum innatæ ferociæ penitus obliti, terga verterint, frustra
 retentare eos conante Saterge. Ceciderunt hoc, aliisque minoribus præliis
 facile tria millia Turcarum. Hæc clades, hiemisque inclementia Turcarum
 animos non leviter perturbavit; & postremo seditione oborta pedites inter,
 & equites prætorianos, ducenta amplius funera in castris numerabantur.
 Domestico malo magis, quam hoste vicino perculsus Mahometes, quo se
 ex arena eriperet sine clade, Chausium ad Maximilianum legat de pace tra-
 ctanda. Dum sermonem de industriâ protrahit cum Palffio, Basta, Nadaſ-
 dio; interim Satergis propere convasatis rebus Peſzthum castra movit, in-
 deque hiberna petiit. Eodem tempore Sigismundus Princeps Temesiam
 quadraginta diebus irritò conatu obsedit.

Induciarum, pacisque ineundæ negotium in Byzantina aula præſenti
 anno maxime fervebat. E Perfide aderat Legatus confirmandi fœderis cau-
 ſa, quod ruptum iri exiſtimabatur, morte ſublato Haidare Regio puero,
 qui obſidis loco Byzantii custodiebatur. Arrogantia Mahometis, ex arbi-
 trario Soltanæ leges, pactaque facientis, Perſas iniquiſſimis conditionibus illi-
 gavit, ut nempe duodena firmiſſimi operis præſidia cederent, ni bellum
 præ pace vellent. Signabantur equidem tabulæ, ſed Perſarum capita, Le-
 gati in promiſſis facilitatem damnarunt. Bello pars utraque abſtinuit, co-
 gitatio tamen omnis, atque industria ad vires exercituum augendas conver-
 ſa. Ita campus ampliſſimus patuit Cæſareis res proſpere in Hungaria agen-
 di anno ſequenti, & ſi initio par exitus fuiſſet, cum Jaurino Buda, ſedes Re-
 gia, ad veteres Dominos rediiſſet. Gravior ſpina Mahometis animum ex-
 cruciabat, quod Sigismundus Bathorius, e fœderato acerrimus hostis, in
 dies majora odia, & hoſtilitates in Ottomanorum gentem expromeret.
 Hunc ut ſuas in partes traduceret; gemina legatione eſt uſus. Neutra quid-
 piam obtentum a Principe obſirmati animi. A) Imo (quod multo ſermo-
 ni materiam per Europam præbuit) Daciæ provinciam Rudolpho tradidit,
 adaſtis in ſacramentum Proceribus, ut fidem inviolatam Cæſari præſtent.
 At memorabili levitate ad principatum immaturo conſilio deſertum, oculoſ,
 animumque adjecit, belloque inſtincto moto; victorias de Ottomano
 non ſemel partas, magno Chriſtianæ rei incommodo maculavit. Inter præ-
 cipuos non Tranſylvaniæ modo, ſed totius Europæ Principes locum habiturus,
 ſi in retinendo, aut cedendo dominatu conſtans fuiſſet.

1598. Annus, quem ſcribimus, Chriſtianum orbem ut mira voluptate affe-
 cit Jaurino capto, ita Turciam in mœrorem, ſolitudinemque conjecit, quod
 eo præſidio amiſſo, ſpe ſibi excidiſſe ſint viſi Austriam populandi, & fir-
 mam in Hungaria dominationem ſtabiliendi. Rem, ut acta erat, compen-
 dio dabo. Adolphus Schvarcenburgus & Nicolaus Palffius, ſummi copia-
 rum Duces, quinque millium, ac centum quinquaginta armatorum agmen
 e veteranis legionibus deligunt, caventque inprimis, ne vel tenuis rumor,
 quid conſilii ceperint, ad hoſtem emanet. Duodeviceſimo die Martii B) duabus
 leucis Jaurino diſtantes, omnia ut ex ordine fierent, ſingulis cohortium
 Præſectis e ſcripto mandata recitant, urbis vicos in tabella expictos
 tradunt, qui princeps forum, propugnacula, capitaque viarum occupent,
 repetitis vicibus monent. Nocturno itinere perventum fuit ad pontem ne-
 gligentia præſidiariorum male cuſtoditum. Eo ſuperato bellicum inſtrumen-
 tum (Petardam c) vocant) neſcio cujus ingenio repertum, in interiora
 urbis, vim aperuit. Erat illud e validis trabibus, ferroque compactum,
 ac forma æneum tormentum grandioris molis referebat. Hoc ubi pulve-
 re pyrio fartum ſolvebatur, tanta violentia deſcendebat in omne genus ob-
 ſtaculi, ut vel ferreas portarum valvas, uno, eodemque ceu fulminis ictu
 totis

A) Annales Ferdinandeï ad annum MDXCVII. B) Chronicon Hungaro-Turcicum. C) Scriptor Dacicus binas Petardas (ſive ut loquitur Famianus Strada Dec. II. L. X. Pyſoclaſtra) ſimul ſolutas ſcribit.

totis cardinibus evelleret, ac strage inaudita affligeret. Nusquam felicius, A. G. ac Jaurini effectum præstitit. Admotum foribus Albanis, ac subito accen- 1598. sum, eas ruptis vestibulis, momento temporis ita disjecit, ut pars altera forum, minutatim dissiliret, altera ter centum passuum intervallo in forum provolaret. Immanis boatus Turcas e somno excitat, trepideque convertit ad arma capienda, & opem, si quam possent, captae prope urbi ferendam. Jam pedites nostri mœnia, forumque tenebant, Palfio cum equitatu extra urbem tendente, cum Janicsari agmine facto in victores feruntur, confertaque pugna trium horarum spatio fortissime dimicant, ter in fugam Christianos abigunt. Adeo DESPERATIO vires acuit, & ad vincendum, vel honeste moriendum animum incitat. Res in summo discrimine versabatur. Itaque Palfius a) equo defiliens, miles hastatus apparuit, cujus exemplo firmati equites, locum inter pedites adiverunt. Recrudescente certamine, ubi vident Turcæ se resistendo non esse, præeunte Omeraga, Alys Præfecti Legato, in castellum, opere militari firmum, se coniecerunt; sed eodem calore expugnatum, plenam victoriam absolvit. Perierunt hostium mille quadringenti, capti præter imbellem turbam trecenti. Hanc suorum stragem Alys, urbis Gubernator, videre haud potuit, qui ad primum tumultum arrepto vexillo, cum triginta non amplius Janicsaris in pugnam ruit, strenueque se, suosque tutus cadere maluit, atque statione, quam pugnando occuparat, decedere. Erat is gente Italus, patria Suren- tinus; a Piale Archithalasso, occupata Chio, mediterranei maris insula, Byzantium abductus, ac postea Mahometis superstitione initiatus.

Solymanus Temesiæ Præfectus, gemina obsidione fortiter tolerata ferox, Chanadinum soluta jam hieme obsedit. Coactus re infecta discedere non multo post transfugarum opera in insidias continuo præcipitat ad Lugosiam, sexcentis partim cæsis, partim captis, pernici asturconi debuit, quod incolumis evaserit. Satergis Mahometes prosperiori successu Chanadinum, Aradinum, Nagylakum prona in deditionem habuit, Varadinum victorias prosequi volentem stitit. Procumbentibus late muris, postquam bis propugnatorum fortitudinem expecti fuissent Turcæ, ad tertium nonas Novembris exercitu vehementer attrito abiere; Tartaris more suo amœnissimum agrum repetita populatione evastantibus. Eodem prorsus die, quo Varadinum a Turcis, Buda a Mathia (fratre Maximiliano sinistra valetudine conflictante) est obsessa. Flumentana urbs acri certamine in potestatem redacta, spem fecerat præsidii quoque obtinendi. At præcipitante jam autumno, cum frequentibus pluvius castrensia opera lente admodum procederent, & milites illuvie, squallore enecti inclementiam aeris perferre diutius non valerent; præsidarii contra alacres animis, corporibusque, diuturnis, atque nocturnis procurfionibus stationes invaderent, solutis castris Strigonium deportantur; eodemque rursus die, quo Varadinum respiravit. b)

Mahometes Imperator cum Asiaticæ turbæ, ut infra narrabimus, 1599. novis authoribus in dies latius propagarentur, & plebs Byzantina ob Jaurinum interceptum crebros tumultus cieret, ad instaurandam Imperii fortunam, belli rursus aleam suo ductu tentaturus videbatur, adeo dolore, ira, que succensus ad expeditionem longinquam omnia festinavit; c) quanquam hunc apparatus, scenicum esse facile senserint Purpurati, quibus pro explorato erat, Imperatorem nec in Asiam, nec Europam ducturum. Occultabat hoc tamen Mahometes, ac argumentis, nescio, quibus spem profectionis in populo alebat, ut eo scilicet rumore & Asiam in officio contineret, & Byzantinis suis reverentiam incuteret, & Maximilianum proniorem redderet ad pacis consilia. Neque tunc personam posuit, quando miles ad Byzantium, profectionis signum in Hungariam expectabat. Soltana ludi-

a) In litoris Schvarcenburgus ad Rudolphum datis, singularem laudem attribuit Palfio. b) Istvanffius, & Scriptor Dacicarum rerum. c) Habuit hoc in more Mahometes, ut crebrius narraret in castra se profecturum, idque repetitis etiam nunciis firmabatur.

A. C. ludificationis conscia, appositis in speciem argumentis, Imperatoriam profectionem palam impugnavit, accedentibusque Purpuratorum suffragiis triumphavit. Itaque translata in Ibrahimum Vezirium cura exercitus, ipse Byzantii remansit. Abeunti inter monita data, isthoc primum, ac supremum fuit: *Rudolpho Cæsari pacem offerret: eam si repudiaret, armis ageret.* Pertæsus enim Hungarici belli, unicam illam præoptavit viam potentiam suam firmandi, ne distentus gemino hoste, in Asiam universas copias trajicere posset.

Antequam Ibrahimus in Hungaria adesset cum exercitu, Cæsarei eo modo, quo Jaurinum anno superiori, Albam opprimere ardebant. Cum duabus Petardis eo profecti, dum minus caute mænibus succedunt, ab excubiis proditi, tanta trepidatione incepto abstinere, ut una Petardarum in hostium potestate relicta, continuo Jaurinum reverterentur. Prosperiori eventu celebres per id tempus procursores, Petrus, & Abrahamus Thraces, expeditionem adornarunt cum peditatu Hungaro. Inaudierant isti adverso Danubio classem venturam, commeatu, varioque bellico apparatu oneratam pro Budensi præsidio. Non labori, non sanguini pepercerunt, quo opimis spoliis potirentur. Haud procul Colocza in insula quadam stationem capiunt. Adventante classe pars amne, pars terra hostes impetit. Cruento certamine superati, aut ferro vitam, aut vinculis libertatem amittunt. Captæ sunt naves onerariæ justæ magnitudinis octo, & quinquaginta, cum maxima omnis generis annona. Tormenta cum in tutum avehi non possent, per frequentes Turcarum stationes, Danubio sunt mersa. Cumulavit hanc victoriam infelix casus Solymani, Temesiæ nuper, nunc Budæ Præfecti. Hic relaxandi animi causa urbe excedens cum fido equitum manipulo, dum vestigiis Hungarorum inhæret, quos impulerat, a ferociente equo in terram effusus capitur, ac a Palffio Viennam illico transfertur.

Ibrahimus amici casu, classiariorumque cæde vehementer perturbatus, omni mora seposita in Pannoniam copias movet. Simul, atque Budam pervenit, urbi, & arci Muratem Purpuratum, tanto muneri parem, Præfectum dedit. A) Moxe mandato Principis sui, literis egit cum Palffio de paco ineunda. Ajebat in iis: *Mahometem nunquam Hungariæ regno illaturum fuisse arma, nisi Rudolphus a quietis consiliis abhorruisset. Ab eo inimicitias, vix inito Imperio, cæptas; Strigonium nondum indicto bello, insidiis potius, quam virtute militum, Turcis ereptum. Continuatum deinde incensis ad vindictam animis, ad hæc usque tempora acerrimum bellum cum in Hungaria, tum Illyrico. Quanta vero jactura militum, ac provinciarum incommodo? utrique parti optime constare. Sed PRÆTERITA reprehendi magis possunt, quam corrigi. Mahometem tot mortalium strage, tot urbium vastatione permotum, qui pacem ultro offerat, acceptam, omni studio quoad vixerit, perennem foveat; modo Rudolphus, & ii, quorum interest Reipub. consulere, pacem utrique parti utilem, præ damno bello malint. Vereri se vehementer, ut ne pacis consilia in Cæsaris aula repudiantur. Mathiam, ac Maximilianum, Regios Principes, quieti publicæ obstituros. At viderent, ne dum Mahometem reliqua possessione Pannoniæ deturbare conantur, recuperatas nuper urbes, victoriasque ancipiti Marte obtentas, uno prælio amittant, & velut ad scopulum classem optimam affligant. NUSQUAM magis fortunam variare, atque in bello. Ex summo retrovolvi sua levitate consuevisse. Ponerent tandem rebus secundis modum, & abjecta armorum cupiditate, tot miserorum votis optatam pacem amplecterentur. Missurum se propediem, qui de pacis conditionibus disceptent, modo annuente Rudolpho dies, locusque tantæ rei tractandæ opportunus nominetur. In eandem quoque sententiam Tartarorum Princeps perscripsit, atque literas duobus Christianis, Budæ incolis, perferendas tradidere.*

Utriusque voluntatem Rudolpho, Mathiæque patefecit Palffius, atque ut ea tempestate turbæ Dacicæ, & Valachicæ poscebant, nihil studii, laborisque omi-

omisit, quo pacis negotium serio susciperetur. Neque dubitabat Mahome-A. C. tem ex animi sententia pacem quærere, ut ab exploratoribus id ipsum didicerat. Nam Asiaticis turbis vehementer jactatam Turciam, & debilitatam certis nunciis adferebatur. Movebat & illud virum Reipub. Christianæ studiosum, quod si præter expectationem ageretur insidiosè, si conditiones proponerentur damnosæ, imperarentur indecora, tanto promptiorem, atque ad belli prosecutionem ardentiorē fore tum militem, tum populum. Itaque annuente Rudolpho, Palffius Danubianam insulam, Budam inter, & Strigonium sitam colloquio deligit. Explicatis pro numero Legatorum tentoriis, unum amplioris formæ erectum stabat, ubi una omnes confidere, ac disceptationibus vacare possent. Obsidibus datis, acceptisque, Cæsarei Legati Joannes Kutassius Archi-Præsul Strigonienfis, Palffius, Nadasdius, Peczus, viri non minus sago, quam toga clarissimi, navigiis devecti, insulam primi tenuere. Mox e parte Turcârū aderant Ahmataga Tartarorum Principis Legatus, omnium consiliorum faber, & architectus. Mehemetes Kihaja, Ibrahim Legatus, Ferhates Janicsarorum Tribunus, & Habelus Effendius, Budensis Prætor. Hos mittere placuit Ibrahim, ut fides e legationis splendore fieret non dubia, de pace extra scenam agi. A)

Verum barbarorum fastus facile prodidit, nihil in hoc confesso moderate actum iri. Et reipsa tantis subito difficultatibus, hanc pacis tractationem implicatam sensere Regii, ut ad eam procurandam cum desperatione accederent. Perfundi mutuo salutationis officio, suorum Principum postulata recitarunt. Ottomanī *sincero pacis desiderio Imperatorem suum flagrare quidem aiebant, at simul cavere, ne toties bello victor, perniciose pace victoriarum fructibus spoliatur. Vetuisse propterea, præsidia, & urbes jure belli, sanguineque Turcarum occupatas, Rudolpho reddi; imo nisi Strigonium, Füleum, Neogradum, Jaurinum restituerentur Turcis, pacem nullam coalescere posse.* Regii indignitate postulatorum moti, patī libertate, Agriam, Hathvaninum reddi postularunt; cumque neutra pars molliores adferret conditiones, sole jam in meridiem inclinante, colloquium abruptum fuit. Prandio dein accubuerunt omnes. Sublatis mensis, secundo flumine Budam renavigarunt Turcæ ad Ibrahim, consilii petendi causa. Altero die frustra expectatis Legatis, Chaufii duo applicuerunt ad insulam, Veziriique nomine obsides repetierunt. B) Ubi se pacis spe deturbatum videt Palffius, nihilo animo fractior, in castra cum suis rediit, pertinacem Ottomanorum arrogantiam armis fracturus, nisi hoc anno alieno arbitrio subesse jussus; altero finem vivendi fecisset. c) Absorpta hunc in modum pacis dulcedine, suorum animos ut ad prosequendum bellum confirmaret Ibrahimus, invidiam a se omnem, in Cæsareorum arrogantiam amoliebatur. Schvarcenburgus interim armorum certus, castra sua ad Strigonium magnis operibus munit; quaqua accessus esset hosti, sublatis tormentariis suggestibus, & castellis more Mansfeldiano erectis, adeo ad omnem regulam aditus præstruit, ut non tam castra, quam unum quodpiam munimentum, omni defensionum genere ab arte, & natura instructum videri posset. Promotis eo Ottomanorum copiis, inspectoque tam formidando Christianorum situ, cum non vane conjiceret Ibrahimus, Schvarcenburgum, non nisi necessitate adactum, deserturum hæc castra, neque prælii copiam facturum, ne reliquum æstatis nullo operæ pretio transmitteret, ad populationem animum appulit. Non aliam in Hungariæ Annalibus tristiorē legas, adeo flamma, & ferro in provincias sævitum. Tartarorum Regulus, duobus agminibus in Neogradiensi, pro more gentis celeritate maxima, ignibus in tecta sæviit, ac e media regione, & utraque Vagi ripa prædam egit.

A) Istvanffius, & Continuator rerum Dacicarum. B) Crebrius hoc anno pacis negotium tractabatur, irritō semper eventu; partim quod Ibrahimus Imperatori suo arces, & præsidia reddi vellet, partim quod Tartari induciarum tempore, in oppida grassarentur. C) Nicolaus Palffi anno 1600. decessit. Gesta illius compendio leges in Palatinis Regni Hungariæ, ejus meminisse placuit, ubi Pauli Palffi Palatini R. H. res gestas narro.

A. C. 1599. Ibrahimus Nitriam versus itinere facto, in totidem agmina suos par-
titus, Tyrnaviam usque, in oppida, & vicos pestem extendit, tanto succes-
su ob tecta flammis obnoxia, & nemine prohibente, ferali ut omnia incen-
dio conflagrare, e castris etiam Strigonienfibus conspicerentur. Palffius,
atque Nadasdius, fumo ipso ad lares patrios defendendos admoniti, Schvar-
cenburgum identidem stimulant, ut educto in campum exercitu, inermibus
provinciis opem ferat, ac hostem sævissima populatione prohibeat. At vir,
cæterum alacer, pugnaxque, nulla Ducum autoritate, nullis miserorum
lachrimis emolliri potuit, causatus: inconsulto Mathia Principe, legiones ca-
stris educere haud sibi concessum. Nihilominus Palffio cum quinque suorum
millibus adversus populos eundi facultatem tribuit. Is Ipoli amne su-
perato, ad Szechenium manum Turcarum, Tartarorumque affecutus, vix
tentato certamine victor fuit, cæsisque in fuga non paucis, reliquos Ipo-
lis haussit. Ibrahimus late populatus regionem, cum hominum (tria, &
decem millia fuisse dicebantur) atque pecudum inultus prædas legisset,
Pestino Belgradum rediit, indeque Constantinopolim, ubi non minori
streptu Martio, aut ardore bellatum est hoc tempore, ac in Hungaria, re-
bellione viribus aucta; quam evolvere jam nunc aggredior.

1600. Astu interceptum Jaurinum, dici non potest, quantas in milite,
populoque Byzantino excitavit turbas. Fæmineo regimine, hoc gravissimum
vulnus Imperio inflictum, uno ore omnes conclamarunt. Janicsari in hoc
theatro turbidi suas partes egerunt, trucidatis etiam Centurionibus, qui fu-
rentes ad obsequium revocare contendebant. Passim jactabantur convitia
in Mahometem Imp. quod dimisso Imperii clavo, vecors, & curarum va-
cuus, otio torpescat, in Soltanam, præcipitis ingenii fæminam, mole ne-
gotiorum translata. Quo dedecus amissi Jaurini a se amoliretur Mahome-
tes, Satergem, cui ea tempestate cura Pannoniæ incubuit, vita privavit.
Ita Princeps non omni ex parte innocens, ministri sanguine errata sua eluere
volebat. Sed non idcirco seditionem placavit, quæ non minus, ac morbus
pestilens, per ignota capita late evagatur, dum clarissimos viros corripiat.
In Asia degebat Regii sanguinis Princeps, cui nomen Selymus, felix quoad
sua fortuna contentus. Seditione oborta & ipse caput attollere, & amplio-
ra sperare cœpit. Populari auræ confusus (nam maximi concursus ad eum
fiebant) Ducem se præbet turbulentis, circumlatoque per Asiam terrore,
quem solito magis rumor auxerat, Byzantinam aulam perculit. Aleppi Præ-
fectus, cujus fidei plurimum credidit Selymus, violato jure hospitii cir-
cumventum, Byzantium mittit. Ibi in conspectu Janicsarorum, ac populi
securi percussus, spes seditionis destituit. Fama vulgaverat hunc Amu-
rathis Imperatoris filium, cædi subductum, dum in reliquos fratres Maho-
metes ferrum strinxit, alio adolescente, forma corporis quam simillimo, ad
cædem rapto. Id ipsum Selymus non dubitavit coram Mahomete constan-
ter asseverare; quanquam non pauci fidem hominis suspectam haberent, na-
talesque Regios fabellis adnumerarent.

Cæterum longe gravior anno insequenti A) exarsit seditio, Ducibus
Uffane, & Scrivane, emeritis stipendiis in Persico, Hungaricoque bello cla-
ris, quam altiore initio (neque enim rerum in Hungaria gestarum ordinem
interrumpi oportuerat) repetam. Privatam fortunam uterque pertæsus,
societate armorum inter se inita, regnum sibi in Asia fundare aggrediuntur,
atque ut DOMINATUM cupientibus nihil medium inter summa, aut præ-
cipitia; omni periculo semet objicere, jurata fide spondent. Præter insitam
ferociam, crebris Hungarici belli rumoribus pulsati, sustulerunt eo majores
animos, quod Byzantii rarus miles adesset; sibi vero copias non defore
prudenter conjecerunt, modo signa efferrent. Nec arduum erat, populum
insana libidine ad arma ruentem, contrahere in castra. Syriæ, Caramaniæ
incolæ, seditione nuperna inescati, certatim rebellionis nomina dedere. Mis-
sus

A) Anno 1599. Hujus seditionis meminit etiam Continuator rerum Dacicarum, & Sagredo in sua
Porta Ottomanica.

1600.
 fus eo cum exercitu Mehemetes purpuratus, senferat firmiores esse rebellium A. C. copias, quam ut uno praelio infringi, ac debellari possent. Astu igitur utendum ratus, quo victoriam sine sanguine obtineret, placuit suspicionum sementem jacere, inter ipsa furentium capita. Erat præcipui nominis apud Ussanem Sepher Aga, arcanarum rerum conscius. Hunc Mehemetes scripto admonet: *memor viveret datæ fidei, dignum se, dignum Imperatore suo facinus patraret. Ussanem seu vivum, seu mortuum dediderit, Hierapoleon, aut Damasci præfecturam speraret.* Hæc ita nunciabantur de industria, ut Ussanes in notitiam veniret omnium, quæ agerentur. Cum sentiret Sepher, se quotidie minoris fieri in castris Ussanis, atque suam fidem (ut NUNQUAM cavetur satis inter suspectos, & suspectantes.) acerbis diæteriis traduci; capto in arena consilio, desertis partibus ad Mehemetem transit. Huius defectio rebellium conatus impendio labefactavit. Siquidem consilio Mesopotamiam petendi prodito, Mehemetes adeo celeriter viarum capita occupavit, ut iisdem in castris obsessi, omnium rerum penuria premerentur.

Ussanem A) interim recurrente magnitudine periculi, quod Sepheris perfidia subiit, novus incefferat metus, ne Scrivanes exequeretur tragœdiam, quam Sepher adornavit. Nec abs re. Quippe Scrivanes multum animo volvens, qua via salutem suam, opesque in tuto collocaret, tandem e sententia Mehemetis, insidias tetendit Ussani ea conditione, ut obsessis libertas daretur, si in Mesopotamiam, sive aliam regionem proficiscendi. Hoc promisso incitatus, Confederatum sibi, vincere statuit ea mente, ut si Mehemetes pactis conditionibus non staret, tradito rebellionis supremo capite, iniret gratiam Imperatoris; si reduceret copias, ac liberum abitum concederet, tum provinciam occuparet, bellumque meliori fortuna renovaret. In tentorio dum una de belli exitu sermonem habent, signo repente dato, undique simul ex insidiis invaditur Ussanes, victus in castra Mehemetis, subinde Byzantium mittitur, ubi ferales inter cruciatus animam efflavit. Mehemetes Ussane everso, adeo non laxavit obsidionem, ut potius arctiora faceret omnia. Quiritanti Scrivani, fidem promissis non præstari; reposuit Mehemetes: *rebelles juratam Principi fidem dudum infregisse, nec ullo jure jurando obstringi se posse perduelli, ni exuta perfidia, arma poneret, & supplex noxam, justamque Imperatoris offensionem deprecaretur.* Ubi Mehemetis animum, opinione durior, erga se comperit, neque demum alias, quam victi a victoribus, & rebelles a Dominis conditiones expectare posset; fortunarum ultimum, vitæque simul periculum facere maluit, quam se ad acerbissimos cruciatus dedere. Adjuvit hanc mentem desperationis plenam, frigoris vis immanis, quæ obsidentibus necessitatem imposuit exercitum retrahendi.

Tanto discrimine defunctus Scrivanes, ausus est Mehemetem persequi, cæsisque duobus Turcarum millibus, in Asiam minorem signa inferre. Hic erronum grege ad prædam convolante, mirum! quam formidandus evaserit. Tributo præterea amplissimæ provinciæ imperato, veteranos quoque milites, in suas partes illo hamo pertraxit. Utne impune a signis discederent, desertores naribus mutilatos, aut candenti ferro ustulatos punit. Sed nulla re factionem suam firmaverat magis, ac sacerdotum declamationibus. Hi e præscripto non aliud argumentum crebrius in publicis, privatisque congressibus agitarunt, ac *deplorare se decumanas Imperii clades, Daciam utilem adeo provinciam Turciæ ereptam, urbes in Pannonia, a victore Rege sub jugum abripi, non minus in campo, quam præsidii gentem Ottomanorum vinci, veterem disciplinam in milite, artem bellicam in Ducibus desiderari.* Hæc senescentis, & mole sua laborantis Monarchiæ interitum portendere. Mahometem deliciis fractum, in gynæceo belluari, largis epulis ærarium abligurare, crapulis, saginaque gravem diem transigere. Soltanam Reipub. tractandæ ignaram, nullo consilio præsidere Imperio, hos præfectura insignire, illos pro arbitrio dejicere. Ab ea, ceu fonte sæcundissimo,

A. C. omnia mala originem ducere. At jam tempus adesse, quo turpissimum Imperii 1600. probrum tollatur, modo vires, animosque conjungant. Scrivanis partes complectantur. Invidiosis adeo clamoribus, cum omnis circulus ferveret, incredibile memoratu, quam odiosam aulæ Byzantinæ imaginem imprefferint, quave averfatione impleverint simplices multitudinis animos. Natolia, seu minor Asia, quasi æstro percita, arma corripuit tanto ardentioribus studiis, quanto minus perduellionis ream se existimavit. Adeo FLAGITIA maxima interdum pro virtute habentur, ubi vel Religionis tutelæ species, vel Reipublicæ salus obtenditur.

Popolari favore confirmatus Scrivanes, Mehemetem exercitus Ducem, in extremas conjecit angustias, atque ut plenam obtineret victoriam, hominem pecunia tentavit per Legatos. Animus avaritia æger, facile convulsus est. Numeratis quindecim aureorum millibus, induciis factis Constantinopolim redit, cura exercitus minoribus Præfectis commendata. Posteaquam res in Natolia gestas, quoquo modo actæ forent, fama divulgavit, Byzantina aulæ sollicita erat, probaretne tantum flagitium, an rescinderet inducias? Soltana etsi Scrivanis potentiam averfaretur, tamen quod & ipsa auri fulgore perstricta, molliori manu rem tractaret, Mehemetes omni metu absolvitur. At plebs tanta indignitate irritata, novos tumultus in urbe concitat. Effendius (cujus libertas ingenii, ac odium muliebris potentie notum erat) non verebatur palam pro concione dicere: *Duos Imperatores in Oriente rerum potiri; Mahometem, & Scrivanem. Illum conditione nascendi, hunc armorum potentia Imperium occupasse; populum fluctuare utri morem gerat.*

Per idem tempus Spahii, quod stipendiis suis fraudarentur, quod æra non solverentur justo pondere, & in communi egestate pretium rerum in dies augetur, secessione facta in Moscheam S. Sophiæ, non clamoribus modo apertis, sed quod multo perniciosius erat, strictis ferociter gladiis, ad cædem deposcebant Soltanam, & Janicsarorum Agam. Hærebat attonitus Imperator, consilii inops. Adire volentem seditiosos, prohibuere Purpurati, ut ne Imperatoria majestas ludibrio foret. PARUM enim tuta est dominantium autoritas, ubi indignatio, vis, arma prævalent. Cæterum suaserunt, mitteret celeriter ad sedandas turbas Cicalam, cui uni militum aures apertæ. Nam NIHIL in civilibus discordiis tutius festinatione, ubi facto magis, quam consulto est opus. Cicala, quanquam vehementis ingenii vir, lenibus remediis concitatos animos flecti, quam frangi cum securius, tum facilius putabat. Assumpto Mustio Moscheam petit autoritate sua, aut Mustii facundia seditiosos ad obsequium revocaturus. Dicere volentem inconditis clamoribus interpellant: caput Capigis Agæ deposcunt, id nisi actutum fiat, Imperatorem novum proclamatorios minantur. Animadvertit Cicala PARUM tutam esse majestatem sine viribus; nec incepto destitutos pervicaces, nisi vi adhibita principes seditionis ad poenam raperentur. Itaque turbidus ad Janicsaros conversus, qui culpæ immitti non erant, Spahios infestis armis circumfistit. Spahiis vetus est cum Janicsaris æmulatio dignitatis, raroque pacem domesticam colunt, si hostis exterus absit. Nempe BELLUM externum inter cives concordiam parit. Eo aculeo jam olim confixi, vetera odia hac opportunitate saturare contenderunt. Stabat utraque acies armis instructa juxta Moscheam, mutuis clamoribus in certamen se provocans, nec temperatum fuisset telis, si tantundem animi fuisset Cicalæ, Byzantium fœdare cognato sanguine, quantum irarum conceperant armati. Tandem ad comprimendam seditionem, cum Purpurati intervenissent, atque Scrivanem insensissimum hostem præ foribus adesse, Hungaricum bellum recrudescente commemorassent, paulatim tela manibus excussa, omnisque ira desit.

Sed ut DIUTURNUS, graviorque morbus vires corporis vehementer haurit, relictisque sui vestigiis, levi de causâ recrudescente solet; ita Byzantinorum animi, repetitis vicibus in seditionem coorti, perturbato Reipublicæ

publicæ ordine, contempta, & veluti convulsa Imperatoria majestate, unde A. C. unde arreptis speciosis argumentis, frequenter deinceps in tumultus ruebant. 1600. Peritiores, tantæ perturbationis unum fontem aiebant esse: *intemperantiam vini, cujus tum temporis in communi calamitate copia erat Byzantii longe major, ac felicioribus annis. Addebant: Solymanum imperitantem, ejusmodi peregrinas religioni suæ merces, severissimo edicto vetuisse; inde disciplinam militarem constituisse semper integram, equitatum juxta, de peditatum numerasse egregium, quem tuto vel in acerrimum hostem emittere potuit. Vezirios, aliorumque ordinum Ductores, perinde militari scientia imbutos habuisse, dignosque, qui imperarent; ut adeo tota Europa, ac Asia ingens præ cæteris fuerit Turcici militis existimatio. Retulisse denique plures victorias, quam alii acie conflixerint. Selymum a paterno rigore longe abiisse, & jam inde ab illius Imperii temporibus, civitate donatas computationes nocturnas; non minus in castris militem, quam domi cives in vinum effundi. Alienatis potandi assuetudine animis, inertem, inbellem, neque laboris, neque disciplinæ patientem fieri militem; lingua, quam manu promptiorem; sine Imperio, sine modestia in campo versari. Domi perinde contumacem, tumultus pro libidine serere; cives, nihilo milite meliores, frequenter in societatem sceleris venire.* His permotus Imperator, quidquid vini Byzantii reperi-
tum, omnibus officinis ejicit, neve in posterum isthæc consuetudo ir-
peret, gravissimas sanxit leges.

Istud equidem multum contulerit ad frænandam militum, civiumque audaciam, at tanta jam erat intemperies civitatis, ut non multo post molestior longe eruperit seditio. Ut illud Livii recte de Byzantio dixeris: NULLAM magnam civitatem diu quiescere posse; si foris hostem non habet, domi invenire. Quamvis tum multum in Hungaria, multum in Asia negotii faceretur hostis. Janicsari, & Spahii posito odio, conjuratis armis, non jam uno loco se continent, sed passim totam urbem pervadunt. Non alia, ac ista, formidabilior visa fuit animorum conjunctio. Tantæ tempestatis multiplices causæ erant. Muliebre regimen, cui omnes Imperii calamitates tribuebant. Aga Janicsarorum, quem præ cæteris, principe loco apud Soltanam esse, ac collusiones ordini militum perniciosas cum eadem habere, palam criminabantur. Hungaricum bellum, quod pace componendum clamitarunt, ut rebellium vis eo validioribus copiis infringi possit. Publica calamitas; quæ mercatura bello afflicta, in dies crescebat, & tenuatis civium opibus, frumento omni absumpto, extrema malorum minabatur. Universi ordinis militaris afflictio, quam uni Præfectorum avaritiæ haud falsò tribuebant. Hæc, aliaque id genus querelarum, maxima vociferatione cum identidem occinerent inter armorum strepitum; concitati, veluti ad prælium, aut direptionem urbis sese expediunt, aulam Imperatoris ferocientes cingunt, negantque se statione capta abituros, nisi Imperatorem coram alloqui liceat. Cedendum erat turbidis. In sanctius consilium admissi seditionis præcipui, militari indignantium libertate, sermonem habent; querelarum capita recoquunt, seniore Soltanam, Agam Janicsarorum supplicio afficiendos postulant. Intercessit Imperator postulatis, placatosque multo ære, eam in partem flexit, ut ne se cogerent in matrem impio ferro grassari. At infelix Aga obnitente Imperatore, a robustioribus correptus, in publicum protrahitur. Nec defensionis locus, quanquam supplices manus tenderet, humi plerumque stratus, lacera veste, pectus, atque ora singultu quatiens. Id ipsum apud turbidos incitamentum erat, veluti nimius pavor conscientiam urgeret. Post ludibria tandem inter fremitum, & clamorem furentium gladiis trucidatur. Quo sublato, quasi victima cæsa, turbo ille feralis conquievit. Egerrime tulit hominis fatum Mahometes, derivatis tamen ingentibus thesauris in ærarium suum, non recreari modo, sed & approbare cædem visus est.

Invalescentibus turbis Byzantii, Scrivanes regnum suum ad summum felicitatis apicem provexisse sibi videbatur. Dum vastioribus consiliis indul-

A. C. get, morbo corripitur, qui ei supremus fuit. A) Alii Scriptores meminere, 1600. Mahometem domestica suorum inquiete, ac incumben- tibus tot bellis necessitate compulsus, cum Duce rebellium ad faciendum foedus, oblata ei praefectura Bosniae, modo ab armis discedat. Scrivanem accepta conditio- ne vix pedem intulisse in provinciam, ab incolis turpiter ejectum: Maho- metem nihil deinceps adlaborasse, dignitatis locum e foedere debitum ut adipisceretur, siue hominis contumaces, & nondum ad aulae arbitrium sub- actos spiritus, ea ignominia depresso vellet, siue fidem nullis argumentis eatenus probatam, suspectam haberet, siue contumelia everberatum ani- mum, in tyrannidem versum iri reformidaret. Ajunt praeterea: praefectu- ra Temesiensi admotum; subinde collusionis cum vicino Christianorum exercitu habitae, proditoris reum, ex imperio Mahometis interfectum. Nempe UT PROXIMUS neci est, quem oderit tyrannus; ita non unus ti- tulus, quo jure caesus habeatur. Isthac qua fide transcripserit, e quo fon- te hauserit Istvanffius? ignoro. Nec facile statuas, utri narrationi subscri- bendum. Quis enim e Scriptoribus in diversas partes abeuntibus veritatem eruat? Turcis clades suas, ac probra callide cellantibus posteritatem. Id certum: Assanem Begum (Germanus is erat Scrivanis) siue ulturum frater- nam caedem, siue a rebellibus ultro surrogatum in locum Scrivanis, adver- sus Ottomanos bellum instaurasse, ut jam dicemus.

Lustratis copiis, reperit armatorum millia viginti. Cum expedita hac manu in Galatiam irrumpit, ac mira felicitate, urbes munitissimas alias vi, alias deditione, alias sola sui nominis fama perterritas capit. Impera- torium exercitum congregi ausum, collatis signis profligat Ostresse Bassa in acie caeso: Ancyra, urbs Galatiae, centum aureorum millibus incendiarias faces redemit. Bythinia direptioni militum relicta, rapinas, caedes, incen- dia, aliaeque, quibus licentia belli gaudet, flagitia tulit. Eo denique grassa- torum audacia evasit, ut sub ipsa Constantinopoleos mœnia procurrerent, sonipedes Mahometis abriperent, lugubribus flammis pulcherrimos pagos urerent. Metu torpebant omnia Byzantii, nec ad eam ignominiam propul- sandam animus erat Janicsaris, seditione nondum penitus sopita isthoc re- bellionis, nunc e victoriis, nunc e cladibus suis identidem nascentis ma- lum, vix trienni spatio edomari potuit. Antequam tamen obiret Mahome- tes, hanc molestissimam spinam evulsam esse, authorem habeo Philippum Brietium. B)

Non minoris perfidia notam incurrerunt Galli, Pappenses praefidia- rii. Hi quod stipendia ad statum diem non solverentur, memorabili flagi- tio, Praefecto arcis cum Centurionibus in vincula compacto, se, arcemque Tur- cis tradidere. Schvarcenburgus veritus, ne integris legionibus idem atten- tantibus, magnorum motuum principium id esset, dum eo protinus cum exercitu contendit, ac perfidis acerrimam oppugnationem intentat, ab e- rumpentibus glande ictus, spe omni vitae destitutus corruit. Melchior Re- derus Schvarcenburgi successor, eadem in obsidione vim morbi non ferens, quam contraxerat, Viennam delatus exstinguitur. Supererat Nadasdius, vir militaribus factis, famaeque inclytus. Is continuata obsidione adeo stre- nue ferocientes prefferat, ut desperata arcis defensione, intempesta nocte ad Albanos Turcas fugam capefferent. Ad oram Bakoniae sylvae circum- venti a Nadasdianis, vindictae cupiditate succensis, tanto ferocius caeduntur, quanto flagitiosius ad Turcam defecerant. Capti ingeniosis subinde suppliciis mactantur. Quod si Ibrahimus Vezirius, cum in modum profectiones suas gubernasset, ut in tempore Pappensibus adesse cum exercitu potuisset, Christianae Reipublicae longe gravissimum vulnus inflictum fuisset. c)

Sed ille animi incertus, quam in provinciam bellum transferret, inutili mora Belgradi, magnam partem ætatis quietus egit. Exeunte Au- gusto

A) Chronicon Hungaro-Turcicum vult: Scrivanem ad obsequium Mahometis rediisse, atque in Bosniam tumultu composito discessisse. B) Ad annum Christi 1603. c) Istvanffius Lib. XXXII.

gusto querelis Nasuffi, Szigethanæ arcis Præfecti, excitatus, quod pedites A. C. Hungari, magnam vim pecorum abegissent e Turcica ditione, trajecto ad 1600. Eszekum Dravo, Babocsam, & Kanisam, prædonum receptacula oppugnanda sumplit. Et Babocsa quidem diffugiente præsidio Mehemeti Kihajæ, Legato ejus cessit; Kanisa non nisi ignibus victa succubuit. Philippus Emanuel Dux Mercorii, vulgo Mercurius, & Mercurianus armorum Præfectus in exercitu Cæsareo, tam utile præsidium servaturus, haud procul ab hostium conspectu, cum quinque supra viginti millia castra posuit. Ibrahimus florenti adeo exercitu, & Ducis fama perterritus, ad pacem iterum respexit. Verum cum incepto minime absteret, & jam in castra, jam in vicina Christianorum oppida hostili animo grassaretur, Mercurianus vigili cura ita excepit hostium conatus, ut plerumque in castra victi rejicerentur, Tartarorum agminibus bis ad internecionem cæsis.

Cursus cœptæ felicitatis spem certam ingessit militi, non Kanisam modo obsidione solvendam, sed Ibrahimum etiam cum clade proterendum. Falso. Inopia etenim annonæ conflictatus Mercurianus; necesse habuit in uberiores agrum reducere copias. Ottomanis simul, atque senserunt nostros itineri accinctos, maximo numero castris effusi (viginti, & amplius millia erant) perpetuis incursum nunc a latere, nunc a tergo agmina carpebant, tanta nonnunquam pertinacia pugnandi, integra ut acies in ordines divisa, vix glandium procella irruentes loco moverit. Ita clausis deinceps ordinibus neque a progressu, neque a præliis quidpiam remittens exercitus, per plura passuum millia, itinere sane permolesto ob crebras paludes, laudatissimo receptu sine clade abiit. Et profecto in tanta locorum iniquitate, tam numeroso hoste latera stipante, aut tergum premente, integras legiones in tutiora subduxisse, grandis instar victoriæ fuit. Abeunte Mercuriano, veluti abscissa auxiliorum spes animos dempsit ad repugnandum Kanisæ. Paradeyserus, quanquam alias strenuam, utilemque operam in bello locarit, tamen quod deditionem accelerarit, perfidiæ damnatus, capite pœnas persolvit. A) Acta judicii, si, uti apud me sunt multis foliis explicata, hic ego per otium referrem, haud ambigo, quin talium curiosis in loco satisfacerem. Sed satius sit missis iis, Lectorum festinationi consulere, & quid gestum sit in Illyrico, atque Hungaria anno primo supra millesimum sexcentesium paucis persequi.

Ussit equidem Rudolphum Regem amissi munimenti cum jactura 1601. dedecus; at quo minus animum adjiceret ad recuperandum illud anno præfenti, crebræ paludes, lacunæque, quibus perpetua serie cingitur, metum non ex vano incusserunt. Budam nobilem adeo tot Regum sedem, præ Kanisa eripi posse barbaris existimavit. Contra Clemens VIII. summus Pontifex in spem, fiduciamque erectus, in id unum cogitationes defixit suas, ut opportuno præsidio (unde Illyrico calamitates quam maximæ impendebant) hostis dejiceretur, ager frugum feracissimus vindicaretur. Hunc in finem ære suo legiones conscribi, commeatus, vim tormentariam, navigia parari jubet, quibus e portibus Italiæ in Dalmatiam trajicerentur. Hanc sententiam animis tam alte complexus fuit, ut quidquid rationum adferret Rudolphus, ne Italicas copias ad Kanisam sine operæ pretio, quod futurum prævidit, locorum nempe peritus, atteri pateretur, sed potius Cæsareis adjungeret, Budam, aut Albam impugnaturis; ab arrepto semel proposito dimoveri nullo pacto potuerit. Tam incensa voluntas Pontificis, Turcarum potentiam comprimendi, velut elato signo, Hispaniæ, Siciliæ, Florentiæ Principes in idem studium excitavit. Suscepta est Africana expeditio ardentibus studiis, maximisque impensis. Verum cum moræ aliæ ex aliis inciderent, nonnisi anno sequenti instructa classe, vela fecere in Africam. Algèrium

A) Continuator rerum Dacicarum. Apud quem prisco more, id est militari rigore, capita accusationum reperies. Hartnaccus ad annum MDC. hæc prodidit: „aucta est, inquit, potentia Turcica Canisio oppido, natura, & arte munitissimo, quod Purpuratus Ibrahimus 50000. armatis post XIV. dierum obsidionem occupavit. Factum id ignavia Præfecti Paradeyseri, qui etiam abscissa dextera capite truncatus est, „

A. C. rium, piratarum notum præsidium, per insidias intercipiendi animus erat. 1601. Nocturno tempore appulsa classis, cum conjuratores (captivi Christiani erant) nullum signum in urbe proderent, trepidis velis iter relegit; mirante Europa tot aureorum millia impensa, ad videndam Africam. A)

Apparatus armorum, & fama, qua bella constant, Ottomanorum curas acuit. Cicala, cui maris præfectura ante triennium obtigit, ne quid detrimenti acciperetur in Albania, Peloponneso, cæterisque provinciis maritimis, incursionibus obnoxiiis, portus præsidio clausos tenebat, classemque ad omne periculum propulsandum paratam habebat. Ibrahimus Veziarius, in se belli molem vertendam, non ex vano conjectans, Rudolphum ad foedus pangendum rursus invitat. Id sive egerit simulate, quo Byzantinorum animi, Asiaticis turbis magnopere conturbati erigerentur, sive reipsa bellorum pertæsus, pacem optarit, Comaromium ut Legati Regii venirent, ab æquissimo Cæsare impetravit. Eo deportati Joannes Kutassius Archi-Episcopus Strigonienfis, Nadasdus, alique cum Paulo B) Nyario (cui cum Ibrahimis familiaritas intercessit) cum Mehemetes Kihaja, legationis Princeps, morbo teneretur, multum temporis non sine tædio contriverunt. Ad quintum, & decimum diem mensis Julii differtur. Verum Ibrahimus peste improvise sublatu Belgradi, Legatorum ferream prope patientiam in decimum quintum diem Augusti exercuit. Neque tum aderant Turcæ, qui tractandæ pacificationi manum admoverent, cum tamen ad odium declinandum, apud plebem incensos cupidine pacis animos jactabundi præferrent; usque adeo, ut non multo post quidam e gente Hebræa in aula Viennensi, nomine Mahometis negotium, nuper intermissum auderent agitare, conditionumque capita cum Proceribus privatim conferre. In suspicionem vocatos, mox fallaciæ convictos, Cæsar ad vilissima munia in urbe peragenda damnavit, c) ut obscuritatis suæ in posterum memores, Principum negotia minus adorent.

Spes pacis adempta, utriusque partis militem in campum excivit. Pontificis copiæ facto per Dalmatiæ oppida itinere, recta Kanisam tetenderunt. Ducebat eas Joannes Franciscus Aldobrandinus, Clementis nepos. Febribus malignis tentatus, ac Varasini subistere coactus, morte immatura vitam terminavit, cujus vices obivit deinceps Flaminus Delphinus. His additi erant Illyri, atque terna millia Germanorum, quos Philippus III. Hispaniarum Rex mercede conduxerat, censebanturque eo in exercitu duo, & viginti millia peditum, octo equitum. In quas difficultates se induerint, tum primum animadvertere, quando paludes circumstagnantes, immensa fascium multitudine explendæ erant, ut militi iter ad assaultum tuto faciendum sterneretur. Nec præsidium ita vallari potuit, ut non reperirent auxiliares copiæ aditum, quibus per negligentiam immixtis, omnis labor in irritum cecidit. Hassanes præterea, cognomento parvus, ingenti paratu bellico locum ingressus, fortius etiam, quam Christiani putarint, adversus obsessores defendit. Denique maximo ardore Italicorum assaultus tentatus, omnium animos fregit. Cum etenim autumnus imbribus lacunæ intumuisse, & præcipiti Ducum consilio, milites sine virgultorum fascibus procurrisse, incredibili audacia per aquam pectore tenus etiam enitentes, sub ictus tormentorum repebant. Itali frigore prope enecti, officio, ut maxime voluerint, fungi non poterant. Telis itaque Turcarum expositi, inulti perierunt complures. Cæteri gemino discrimine perterriti ad commilitones suos reversi, vultu prodebant, se non procul ab interitu fuisse. Unum supererat, quo constantiam præfidiariorum infringendam putarunt.

Mehemetis Kihajæ, D) & Muratis Budensis (cæsi hi erant in prælio Albenfi) capita prælongis hastis infixæ, obsessis ostendebantur; sed adeo hoc infor-

A) Philip. Brietius ad præsentem annum. B) Captus is erat apud Amuratham Agria occupata; et in Keresztessensi prælio castris occupatis libertati vindicatus. C) Istvanffius lib. XXXII. D) Petro de Reva Comiti Turoczeni Tihaja, aliis Quihaja. Vide Monarchiæ Regni Hung. Centuriam VI.

infortunio suorum non movebantur, ut visis etiam octo millibus armato-^{A. C.}
rum in castra venientium, nec demissiores animos gererent, nec de pervi-^{1601.}
cacia repugnandi, quidquam remitterent; non ignari asperitatem hiemis
haud laturos Italos, quorum discessu castra solvenda non dubitarunt. Et
reipsa Italorum ardore, tum hostium fortitudine, tum hiemis rigore con-
sumpto, in stativa concessere omnes exeunte Novembri; tanta perturbatio-
ne oborta, dum vasa colligerentur, ut cum suppellectili castrensi, non pauci
valetudine fracti, barbarorum furori relinquerentur. Kanisa fortiter defensa
Byzantinorum animos erexit. Soltana triumphanti similis, in publicum pro-
gressa, communem lætitiā, ære liberaliter in populum sparso, multum aluit.
Vel unum hoc præsidium documento sit Christianis, quam acri studio,
contentione, sua defendant Ottomanī. Certe Kanisa multorum exercituum
vires absumpsit, & non nisi Magni Leopoldi Cæsaris, invicta fortitudine,
semel, atque iterum tentata, Hungariæ accessit.

Meliori forte expeditionem absolvit Dux Mercurianus. Suburbiis
Albæ Regiæ ^{a)} vi captis, atque direptis, præsidium ipsum tormentorum
fragore expugnavit. Captivorum ingens numerus victoribus obvenit. Bu-
denses enim male metuentes sibi, huc imbellem turbam securitatis causā
emiserant, cum omni suppellectili. Ira, doloreque amissæ Albæ stimulatus
Hassanes, cognomento Gimelgis, Vezirius ab obitu Ibrahimi nominatus,
ineunte Octobri trahens quinquaginta millia pugnatorum, primam expe-
ditionem in Cæsareos adornavit, atque ad Albam infestus confedit. Dies
aliquot minutioribus præliis extracti sunt, procurrentibus ex utrisque castris
militibus. Cunctatione nihil perniciosius arbitratus Dux Ottomanorum,
alacritati suorum confusus, quinto decimo Octobris die aciem explicat, Chrtia-
nosque elatis signis in certamen provocat. Universum agmen, quo terro-
rem geminaret, præcedere iussit certum genus equitum, quos illi Delias,
sive furentes appellant. Validissimis ad cursum equis utuntur. Pellibus
leonum, tigridum, aliarumque ferocium bestiarum exuviis induuntur,
quasi earundem rabiem in hostes gererent, quarum speciem præferre gau-
dent. Pilei, scuta, equorumque paratus, aquilarum alis ad horrorem or-
nantur. Volare crederes; adeo incitato cursu in hostem ruunt. At ubi
primum impetum effundunt, velut quædam animalia amisso aculeo torpent.
Pudor tamen eos aciem deserere non finit. Temeritatem pro virtute ha-
bent; unde plerumque in prælio occumbunt.

Adventante hostium acie, Mercurianus Principem Mathiam monet,
ne opportunitatem prælio decertandi dimittat. Aetutum Cæsareus miles ar-
ma capere iussus, proruto vallo in ordines cogitur. Rosvurmīus pedita-
tum, Mathias cum Mercuriano equitatum regebat. Dum a veteranis utrin-
que exercitibus, dubio aliquamdiu Marte conferuntur manus, inclinantes
paululum Christianorum copias, inopinata cædes duorum Bassarum non
erexit modo, sed superiores effecit. Hastati Hungari ruptis Turcarum or-
dinibus, per multam stragem eo pervenerant, ubi Murates Budæ Præfe-
ctus, & Kihaja Ibrahimi quondam Legatus, equites in pugnam incende-
bant. Hastis uterque transfixus, in terram defluxit. Ducum suorum casu
turbati equites, transmissio in Janicsaros metu, fugam complicatis signis
ineunt; neque arte ulla revocari a cursu potuere. Celebis Muratis filius,
Dervilius Bosniæ Purpuratus, & quatuor primarii Præfecti in arena cæsi
sunt, cum quinque fere millibus gregariorum. ^{b)} Secundum hanc victoriam
Mercurianus in Lotharingiam cogitans, supplementa in Hungariam addu-
cturus, Norimbergæ diem supremum obiit.

Qui secutus est annus ad millesimum sexcentesium secundus, varia ^{1602.}
fortuna decurrit. Novus Vezirius Hassanes prælio victus, quo maculam
elueret, celeriter collecto exercitu in Sirmium festinavit; indeque parata
classe, rem tormentariam, & graviolem castrorum suppellectilem, adverso

Imp. Ottom. Tom. I.

M m

Danu-

^{a)} Alba Regalis post annos quinquaginta, & octo Turcis eripitur. ^{b)} Istvanffius L. XXXII. alii
ter mille cæsos narrant.

A. C. Danubio Budam provehi iussit; ipse Albam Regalem terrestri itinere cum 1602. copiis petiturus. Explorato hominis consilio, Rosvurmius, qui vicaria potestate præerat Cæsareis, cum cæteris rebus, tum quinque millium lecto præsidio urbem munit, spe adjecta, se propediem advolaturum cum suppetiis, si arctius premerentur. Nemini jam in mentem venerat, eum locum armis tentaturum Hassanem, a militum robore, atque adeo omni penu bellica probe comparatum. Tentavit nihilominus, & quod gravissimum vulnus Rudolpho inflixit, paucorum dierum spatio, non sine dedecore nominis Christiani subegit. Nondum muri e ruinis anni superioris plene emerferant, hiatus, qui frequentem aditum hosti dedissent, Marci Insulani urbis Præfecti industria, cespite obstruebantur. Sed hoste jam ad fores obequitante, opus interrompendum, & pro aggere militi standum fuit. Janicsari regionis callentissimi, e palustribus locis evoluti, stationem peditum Hungarorum adoriuntur, ac cruento certamine edito, hos & Germanorum cohortem, quæ in auxilium advenerat, profligant. Ad tumultum Insulanus propere accurrit; dumque capta statione deturbare contendit Turcas, alto vulnere ictus, semianimis in urbem interiorem deferitur. Præsidarii quasi eodem telo, quo Præfectus, sauciati, obsidentium alacritatem minime æquarunt, languenteque Insulano, & ipsi animis ægri, de conditione deditionis Legatos ad Hassanem mittunt, stationes pro arbitrio deferunt, flagitio militari summam ignaviam addunt.

Id ubi Janicsari a Gallis perfugis A) acceperunt, per ruinas murorum in urbem evadunt, obvios trucidant, domos diripiunt, nullius ætati, pudorique parcunt. Insulanus cum Francisco Vatajo, & Georgio Herbersteinio in castra deductus, nequaquam abjecto animo; quos spiritus gessisset, vultu ferebat. Cum negaret se conscio de conditionibus actum, damnetque constanti vultu militum perfidiam, rebus adhuc integris urbem tradentium, iussu Hassanis ad Mahometem Byzantium vinculis constrictus mittitur; ubi non tam e vulnere, quam mœrore animi contabescens, in carcere decessit, cum Herbersteinio calamitatum socio. Vatajus, commutato Tattenfi Bassa, libertatem est nactus. Hac victoria contentus Hassanes, Belgradum abiit, imposito Budæ grandi Janicsarorum numero ad urbis defensionem. Hostium dilapsu liberior Rosvurmius, quo cladem rependeret, Budam regni caput haud provido consilio petiit.

Initium quidem sat prosperum erat. Pons, qui Pestanam inter urbem, & Budensem iactus fuit, ac valido præsidio munitus, partim grandiori navigio disruptus, partim militum ardore captus est, cæsis Janicsaris, quos periculum pontis ad auxilia ferenda acciverat. Mox Pestinum eadem alacritate scalis admotis invasum, ac uno cursu occupatum. Budenses vicino pugnantium strepitu admoniti, procurrunt in mænia: vident fulgentia per ripam fluminis Christianorum vexilla, ipsas cædentium, cæsorumque voces exaudiunt. Florentissimæ urbis excidium dici non potest, quanto cum dolore spectarint. Nunc edito clamore hostem lacebabant, nunc suos inutili vociferatione a fuga revocabant; modo alacres, hortantesque; modo dubii, incertique manibus innuere, corporibus niti, ceu pugnae immisti tela ipsi vibrarent, aut eluderent; modo in rabiem versi, ex arce decurrere ad pontem interruptum; modo cæcis tormentorum ictibus adversam ripam infestare; donec urbem captam, armatos cædi, aut amne hauriri, aut pilis certo collineatis a tergo trajici, editiori e loco viderent. Puerorum, ac mulierum gregem, e Moschea, quo se trepide conjecerant, exturbatum, Rosvurmius Budam abire permisit, ut famam clementiæ, apud civium animos conciliaret, memor: EXPUGNATIS semel animis, mænia sponte in victoris potestatem ventura.

Longe aliter, ac ratus erat, evenit. Cum enim laborantibus sociis adesse non potuerint, per pontem magnam partem excisum, eorum cædem ulturi, lymphatis similes pro mænibus consistunt. Incendit obsessorum

animos

A) Erant isti e numero Pappensium.

animos validissimus Hassanis exercitus, qui in Rakofianis campis late expli- A. C.
catis signis in acie stabat. Depulsurus improvisum hostem Rosvurmius, 1602.
equitatum omnem Hungaricum; & gravioris armaturæ Germanicum in
Hassanem ducit. Inito certamine opinione celerius in fugam conversi Chri-
stiani, ægre Pefztinum tenuerunt. Præfidiarii Budenses eodem tempore
erumpentes, Schvarcenburgicam legionem fundunt, majorem edituri stra-
gem, ni totis castris ad arma concursum fuisset. Uterque deinde Dux ad
oppugnationem versi, Hassanes Pefztinum, Rosvurmius Budam, qua
ignibus, qua assultibus urgebant. Sed ille desperato successu, quarto deci-
mo die post, quam exercitum admovit mænibus, Belgradum discessit, duo-
bus millibus Janicsarorum Budam immisiss. Iste eo acrius cœpto institit,
quo jam tutus ab extero hoste, firmiorem spem conceperat potiundi
præsidii.

Hanc multum imminuerunt binæ eruptiones. Ignium, pilarumque vi
maxima sævitum erat in propugnacula; suggestus alii, atque alii ædificabantur,
e quibus urbi certissimum exitum impendebat. Alys, & Hassanes parvus,
a) quorum curæ præsidium commissum, cum viderent oppugnationis sum-
mam eo jam redactam, ut, nisi crebris eruptionibus moram injicerent ob-
sidentibus, locus diutius defendi haud possit, in opera prouenda fortissi-
mas Janicsarorum cohortes immittunt. Adjuvit hostium consilium illud,
quod Hungaræ legiones ad castella recuperanda Danubio adfita b) missæ,
stationes suas deseruerint, quas raris ordinibus Germanus tuendas suscepit.
Hanc occasionem minime negligendam rati, grandem eruptionem adornant,
duobus millibus Janicsarorum delectis. Schembergiani inopinata impressio-
ne protriti, terrorem in vicinas stationes sparserunt. Hosti inde spatium
concessum, machinas, aggeres corrumpendi. Tumultuario hoc certamine
Cæsareorum mille ceciderunt, longe plures vulnerati. Reversis in castra
Hungaris, paululum respiratum fuit. Auxiliares Turcarum copiæ fusæ, fu-
gatæque; eruptiones binæ magna strage coercitæ. Mathias Princeps, qui
Vienna advolarat, tanto rerum successu lætus, acriorem multo oppugna-
tionem instituit, nihil dubitans, præsidium proxime deditum iri. Exeunte
jam mense Novembri, cum procella subito nives effunderet, & humus ri-
geret gelu, nec præfidiarii de pervicacia quidpiam remitterent, re infecta
Cæsareis discedendum fuit, graviter affecto Mathia, sævitæ temporis no-
bilissimam urbem, prope jam captam e manibus eripi. c)

Dum in minori Asia, atque Hungaria bellum partim sustinet, par- 1603.
tim infert Mahometes, ad Daciam, Turcicæ olim clientelæ provinciam,
oculos identidem coniecit. Et per eos annos levitate Sigismundi Bathorii,
turbis e turbis enascentibus, spes non exigua affulsit, signa sua, potentiam-
que maximo Imperii emolumento illuc inferendi. Jam lapsa æstate d) Moy-
sès Szekelius (vulgo Siculus audit) pernicioso consilio renovata societate
Turcica, priores ostendit Transylvanorum animos ad amicitiam, quam
arma. Sigismundus desiderio retinendæ provinciæ ardens, non multum ab
ea visus est abhorreere. Bello victus per Georgium Bastam Cæsarei exerci-
tus Ducem, pactis induciis, se iterum Claudiopoli, in frequenti Patrum
confessu omni jure abdicat, Daciam Rudolpho transcribit. Moyses conju-
ratione inita cum popularibus suis, copiis collectis iniquum, ut putabat,
invasorem provincia proturbare contendit. Haud procul ab Alba Gyulia,
nunc Carolina, infelici certamine cum Basta congressus, victus abiit Teme-
siam ad Bectessum Purpuratum, veterem familiarem suum; quove magis fi-
dem suam Turcis obstringeret, conjugem, liberosque exilii comites secum
deportat. Hoc demum anno MDCIII. factiosorum Procerum suffragiis in
Principem lectus, fortunam suam Turcarum ope stabilire nitebatur. Maho-
metes Imp. hominis, rebus suis adeo percommodi, spiritus fovendos puta-

a) Ita eum nominat Istvanff. Lib. XXXIII. b) Nadasdus, & Thurzo Adonium, Földvarinum, Paksinum, Tolnam, Coloczam ejecto Turcarum præsidio receperunt. c) Chronicon Hungaro-Turcicum ait: Christianos prælio victos obsidionem solvisse, d) Anni 1502.

A. C. vit. Principatus insignia, acinacem, clavam, vexillum tradit. Temesien-
 1603. sem Purpuratum monet, omnibus copiis novo Principi adsit; in Daciam
 exulem reducat. Præter Turcas, ac Tartaros, numerus ingens Siculorum
 convenerat. Cum hac manu Karanysebesia, non immunito præsidio, ex-
 pugната, in Daciam gravissimam tempestatem effundit; oppida partim vi
 admota, partim in deditionem prona, suæ potestatis facit, ditione tota
 Germanum ejicit. Secundus rerum cursus, qui hominem extulerat, præci-
 pitem egit. Primariis urbibus potitus, dum ad Coronam otiosus metatur,
 & ab exhausta per tot hostiles exercitus provincia, annonam corradit, a Ra-
 dulone, a) Transalpinæ Valachiæ Principe, circumvenitur. Coegerat iste
 summa celeritate agmina sua, rapidisque profectionibus in Daciam delatus,
 famam sui adventus anteverterat.

Vicesimo secundo Julii alta jam nocte, hostium castra ingressus (ne-
 que enim militari de more excubias habebant, adeo omni metu soluti erant)
 successu rerum securius agentes, ac sopore oppressos invadit. Trepidatum
 totis castris. Ad primum tumultum Turcæ juxta, ac Tartari, cum Bectesse
 Purpurato in fugam effusi, post multos errores Temesiam pervenere, pau-
 cis, qui arma corripuerant, interfectis. At Szekelius memorabili pugna
 edita, fugæ dedecus generosa redemit morte. Siculorum copię ad tuen-
 dum Principem convolantes, a furente Valacho cinguntur. Tum signo da-
 to incubuit Radulonis acies integris ordinibus, robore, & numero jam præ-
 stantior, ac per tenebras hostes trucidat. Quatuor millia in arena procu-
 buerunt. Centum quinquaginta quinque signa Pragam transmissa Rudol-
 pho, in monumentum victoriæ, & fœderis servati. Non multo post Be-
 ctesse belli faces in Daciam sparsurus, tribus millibus amissis in sua latibula
 retrusus est, per Comitem Henricum Dampierium, & Ludovicum Ra-
 koczium. Hæc in Transylvania.

Maturis jam equorum pabulis, in Hungaria rursum martialem lu-
 dum aperuit Rosvurmius. Ad Strigonium dum lente confluentes copias
 excipit, Kollonicus Muratem Budensem, pro pontibus amni Sarvisio inje-
 ctis, excubantem profligat. Castris Vacium promotis, Vezirii exercitum
 inter Budam & montem Divi Gerardi provide obvallatum offendunt. An-
 gusto loco finiebantur castra, eaque fossa senum pedum lata, vallo, ac mul-
 tiplici tormentorum genere, præter consuetudinem barbarorum egregie
 munita erant. Monti præterea castella, turres, machinas prægrandes im-
 posuere, non tam montem, quam castra, siquid hostis tentaret, tuituri.
 E parte adversa, urbis propugnacula tormentis horrebant, unde vis ingens
 pilarum in aggressores impune effunderetur. Contemplati ex edito locum
 Rosvurmius, atque Nadasdius, facile intelligebant, Ottomanos intra castra
 situ, & operibus invicta mansuros, & nisi certi de victoria, in campum ne-
 quaquam prodituros. Stabant igitur aliquot menses magni duo exercitus,
 in mutuo ad urbem Budensem conspectu, uno totis animis certamen poscen-
 te, altero de industria simulata mente fugiente.

Jam gravior autumnus, absumpta circum pabulatione utrumque ex-
 exercitum vexare coeperat, cum Turcæ minimo strepitu castris egressi, ad
 geminum pontem excindendum, a Cæsareis ad com meatus liberius prove-
 hendos ædificatum, nocturno tempore operam certatim conferunt. Cilex
 Hassanes decies mille equites, juxta ripam Danubii ad capita pontium, ca-
 stellis omnem ad artem militarem firmata, adduxit, Janicsarorum robur na-
 vigiis impositum, Ductore Budensi Murate in medios pontes delatum est.
 Christiani non ante senserant hostium consilia, quam procellam glandium,
 incertis ictibus per tenebras effusam, atque adeo pene innoxiam, exciperent.
 Simul atque strepitus armorum auditus in castris, Nadasdius cum equitatu
 Hungarico accurrit continuo; Kollonicus, Turrianus, expertæ virtutis
 Duces, eo pariter suas legiones egerunt; Rosvurmio cum toto fere exerci-
 tu horum vestigiis hærente. Atque ut densior nox mutuum conspectum

ad-

a) Hic Princeps Rudolpho fœderatus erat.

ademit, ita alteri alteros cæcis solummodo ictibus impetebant, illuc emittentes tela, ubi ignes micantes, aut hostilem clamorem fenserunt. In eo perturbationis pleno certamine, eximium consilii, animique specimen edidit Rosvurmus, quod octo castrenses machinas advehi jussit, e quibus continenti jaculatione fulminatum est in Turcas.

Et jam lucebat, omniaque sub oculis erant; ea tamen in hoste fuerat vel constantia, vel pertinacia (FACILE etenim altera alterius vultum præfert) ut terra, amneque fortissime repugnaret, Murate Janicarios, Cilice equites hortante præcipue Asiaticos, qui eo prælio virtutis ostentandæ causâ, primam aciem poposcerant. Ingens igitur animorum ardor, honoris cupido, æmulatio peditem, equitemque inflammavit. Sed Spahiorum alacritatem, & fortitudinem eo die æquare non potuerunt Janicarii. Ab his initium fugæ est datum, tanta perturbatione, ut, dum insequentibus Cæsareis per pontes, cymbas saltu repeterent, fallentibus vestigiis, plurimi aquis momento absorberentur. Major tamen equestribus turmis strages illata est. Cæterum extinctorum in hoc prælio varius refertur numerus. a) Istvanffius septies mille e parte Turcarum recenset, cum duobus Præfectis Belgradensi, & Semendriensi; qua clade consternati, solutis sine mora castris Byzantium abierunt. b) Victoriæ uberrimus fructus erat Hathvanum, accelerantibus deditionem Turcis, postquam grandiores aliquot pilæ in præsidium detortæ. In Illyrico hoc anno res sat prospere gesta, Sigismundo Trautmanstorffio agrum Possiganum Turcici juris ferro, & flamma populante; duo præterea castella ad Dravum everfa, potissimum Nicolao Zrinyio, Georgii Zrinyii clarissimi viri filio, manum admovente. c) Erat jam primis militiæ annis apud exercitum, vicens ætate, magnis natalibus.

Has inter clades, & a Persis, rebellione Asiatica non plene extincta, timores, quarto decimo Januarii anno MDCIV. naturæ debitum persolvit Mahometes III. ætatis trigésimo, Imperii nono, nondum evoluto anno. Mortem illius cometes, ferali crine metuendus, prænunciassè est visus, avidè arripientibus Purpuratis & populo isthoc signum, tanquam certissimum secuturi mox lethi prodigium, qui convulsam Reipublicæ fortunam inertia Mahometis maxime dolebant, eoque votis suis cælum attemperantes, cometis præsentiam cum Imperio Principis occasuro jucunde componebant. Nec conjectatio illos sua falsos habuit. Mahometes enim quantum a bellicis laboribus semotus, tantum in mulierum amores impotenter effusus, dum quietem nocturnam capit, nullo morbi indicio erumpente, præter opinionem extinguitur. Non alteri malo repentinam mortem tribuebant medici, quam assiduis perpotationibus, ac multæ Veneri. Hæc vitia non tam a natura, quam artificio Soltanæ matris suæ habuit, quæ ut filii generosam indolem enervaret, exquisitis in dies oblectamentis, animum adolescentis pulsavit, dum denique illecebris victus, gravioribus curis impar, aulam præ castris ipse ambiret. Quod eo consilio a callidissima muliere actum, ut filium maternis monitis, & prope imperio devinctum, domi ad suum arbitrium circumageret, dominaretur in Principis animum, & eo possesso, in universam Monarchiam porrigeret dominatum.

Et certe raro apud Ottomanos exemplo legas, Soltanam tanta auctoritate floruisse, atque matrem Mahometis; quod cum Purpurati, & milites ægre intuerentur, frequenter tumultuatum fuit; res domi, militiæque male administrata; rebelliones funestissimæ in Asia excitatæ; Imperium maximis turbis involutum. Ista tamen ingens odium conflarent Soltanæ apud populum, filium nihilominus perpetuo in potestate habuit, copiarumque Duces. Novum sane erat, & Turcarum moribus insolitum, feminam signis militaribus præsidere, manipulos Byzantii intervisere, præ-

M m 3

fectu.

a) Chronicon-Hungaro Turcicum octo millia periisse tradit in insula Adony. Idem habent Annales Ferdinandi. b) Hartnaccus Conspectui Bellor. ad annum MDCIII. hæc inferuit: „Kolionichius Turcas insigni clade mulctat. „ c) Georgius Zrinyius post obsidionem Kanisæ obiit. Successit Nicolatus in paternas & fortunas, & virtutes.

A. C. fecturas clientibus largiri, seditiones comprimere, cui Imperatoria auctoritas obistere non potuit aliquando. Hæc tamen tanti non fecit Mahometes, ut compedes rumperet, matremque aula proturbaret. Adeo servitutem ferre didicit, fœdarum voluptatum mancipium factus. Pacatior tulit imperitantem in aula matrem, quam Nero suam, qui potentiam non infregit modo illius, sed aula abeuntem, ad cædem usque persecutus A) est.

Si Principes Christiani, adversum Ottomanos hoc tempore arma cepissent, atque junctis viribus Hispani, Venetique bellum in ditiones Turcicas transfulissent, nemini dubium erat, Hungariam, ac Illyricum iniquissimis possessoribus eripi potuisse. Istud gemina legatione contendit Rex Persarum a Principibus, circumcursatis majori strepitu, quam fructu, Europæ aulis. Hispanis B) sat negotii dabant fœderatæ provinciæ Belgii, quarum potentia maxime mari quotidianis incrementis altius surrexit. Miserant quidem in Africam classem Algerii intercipiendi consilio, ut supra naravi, sed nullo operæ pretio facto, in patriam solvit, ingentesque Europæ spes momento perdidit. Veneti superioribus annis malo suo didicerunt, quam gravibus expensis stent maritima bella; meritoque timuerunt, ne uni Reipub. belli moles incumbat. Summus Pontifex paternis curis Illyrico confulere ardebat; belli fortuna vota destituit. Melitenses populatoria classe in Peloponnesum devecti, Patris, & Naupacti direptis, hostium numero impares, expeditionem vix inchoatam uno cursu abolverunt. C) Itaque Rudolpho Cæsari, Regique Hungariæ, gravissimum bellum sustinendum fuit, si unum, & alterum annum demas, quibus Sigismundus Bathorius, ære, militeque, & quod caput est, clarissimis victoriis, armorum particeps fuit. Ab optima mente transversum actus, quantum virium in barbaros contulerat, tantum deinceps Christianis detraxit, ancipiti bello in Rudolphum gesto; præstruictosque diu aditus Turcis aperuit, in Transylvaniæ sinum mi-grandi; quod malum processu temporis fere indomabile evasit, ut sparsim memorabimus. Ita Mahometi, cæterisque Principibus Turcicis spatium datum, ne Buda, ne Belgrado deicerentur.

Cæterum postremo regiminis anno imprudentia junioris Soltanæ cædem Mamuthis, senioris sui filii, patravit Mahometes. Quæsierat ista & muliebriter, & anxie; uter filiorum ab obitu Imperatoris rerum potiturus sit, an Mamuthes, an Achmetes? (hic natus erat e Bosneni mancipio, ætate florente, formaque) Imperatoris animum altius pupugit, quam ut nimiam sollicitudinem materno amoris tribueret, ignarus quam tenera pietate in filios ferantur matres, dum diversa stirpe prognatos surculos, in spem Imperii, aut manifestam necem vident succrescere, suspicatus clanculum quid agitari inter Purpuratos (ut erant tempora turbis obnoxia) de novo Imperatore, Mamuthem interfici jubet, sententiam feralem probantibus Mustio, atque Vezirio, quod existimarent, unius sanguine, commodo Reipub. litandum ante, quam noxius sanguis in venas plurium diffusus, corrumpat saniora membra. Pari fato sublata est D) cæsi Principis mater cum aliquot fortibus viris, quos familiaritas Mamuthi arctius adstrinxit; ita patroni ruina clientes oppressit. Feliciores futuri, si tempora Macedonis vixissent, quem, Philota amicorum Principe suppliciis mactato, Amyntæ, cæterisque familiaribus Philotæ, & vitam, & veniam legimus dedisse. E)

ACHME-

A) C. Corn. Tacitus Annalium L. XIV. B) Vide Scriptores Belli Belgici; inter hos Angelum Gallucium, Haræum, Campanam, Grotium, Thuanum &c. C) Annales Ferdinandi, D) Chronicon Hungaro-Turcicum. E) Q. Curtius Rustus L. VII. C. I.

A C H M E T E S I.

IMPER. OTTOM. VIII.



Tate minor Mamuthe, evitato ferali fune, Imperium sane im- 1604.
pacatum, belloque multiplice exhaustum occupavit Achme-
tes, Princeps nondum tertium decimum annum egressus;
cujus adolescentia cum injuriis obnoxia, & tantæ Monarchiæ
regundæ impar haberetur, in partem administrationis, curarumque Alys Purpu-
ratus A) Mempheos, atque adeo totius Egypti Præfectus, adscitus fuit, haud du-
bia multorum spe, quod in pace, atque inter arma, civilem juxta, militaremque
prudentiam, maximis functus muneribus, ostendisset. Et sane poscebant ea tem-
pora hujusmodi virum, quibus Persiæ conatus infringendi, tumultus in Asia
componendi, in Hungaria, Dacia bellum prosequendum, Byzantinæ denique
aulæ pristinus vigor, rerumque ordo reddendus erat. Primis statim diebus
ab excessu Mahometis, fausti regiminis indicia apparuerunt, quibus, si an-
tis secuturis paria fuissent, nemini Imperatorum felicitate Achmetes cessis-
set. Sed pulcherrima initia, & ingentes spes Byzantinorum, Egypti Pur-
purati mors non multo post secuta, corripit. Mahomete Bassarum hume-
ris ad ædes S. Sophiæ deportato, per licentiam militum nihil passa est urbs,
quos rumor extincti Imperatoris Byzantium excivit. Eos Achmetes, tum sua
facilitate, tum pecuniis sibi conciliavit; Alys Purpuratus veterana prudentia,
authoritateque ab omni rapina, cædibus ita continuit, uti ad servandam ci-
vitatem, non ad diripiendam more veteri convenisse sint visi. Hanc com-
munem lætitiā intendit ruina senioris Soltanæ, quæ toties civium patien-
tiam rupit. Neque spes erat populum quietum fore, dum illa in aula (quo-
cunque tandem haberetur loco) muniis Imperatoriis intenta crederetur.
Mansuram alte animis defixam apud omnes sententiam: præfecturas provincia-
rum, aulicas, militaresque dignitates non aliunde, quam ex ejus designatio-
ne fluxuras, Vezirios, quos vellet, præfuturos exercitibus, arma unius fæ-
minæ præscripto aut sumenda, aut ponenda. Id vero indignissimum Impe-
rio futurum, neque laturos cives, ut tam arctis limitibus Imperatoria ma-
jestas circumscribatur.

Et reapse VULGUS non facile opinionem exuit, quam semel intimis
medullis hausit de administris aulæ. Quidquid minus feliciter cedit, sive
domi, sive militiæ, continuo infausi exitus authores inclamantur, tanto
iniquius, quanto justius hæc odiorum fomenta in alios verterentur. Non
secus Soltana, jam ab exordio Mahometis Imperii, omnium odiis atrocissi-
me laboravit, quod ultra muliebrem modestiam, audacter se Imperii curis
ingesserit, consilia exitu plerumque fœda suppeditavit. Et quanquam il-
lius sensa crebrius nullo numero haberentur, tamen apud rudem populum,
acerbis criminum sermonibus vapulavit. Purpuratis de industria flammam
addentibus, ut debitam sibi invidiam in unius caput derivarent. Nunc tan-
dem e consilio Alys Purpurati, impotens mulier in præceps est data, ac au-
læ muniis semota, incredibili Byzantinorum gratulatione. Ardebat illa no-
vum Principem coram alloqui, idque & multis precibus, & lachrymis po-
scebat. Obstitit Alys, monuitque: fæminam pessimis artibus imbutam, a
suo conspectu arceret, secus, nescio quo carmine magico, in animum do-
minaturam. Illa nihilominus componere preces, circumspicere clientes:
nunc sperare, nunc irasci. Tanta inter præcipitium superbia agebat. At
Purpuratus, ne in se perniciēs verteret, si impulsæ pristinam authoritatem
obtineret, obstrepuit clamoribus, vota populi, atque militum referens idem
flagi-

A) Chronicon Hungaro-Turcicum,

A. C. flagitantium. Perstitit firmus Achmetes, & indefensam aula abegit. Va-
 1604. cum Soltanæ locum accepit Achmetis mater, tanto gratior Aulicis & populo
 quanto remotior a dominandi pruritu. Cæterum Purpuratorum Principem,
 patronum suæ felicitatis memori animo profecuta est, exquisitisque muneribus coluit.

Neque ille immemor, quam dubio pede, Aulicorum gratia apud Principes staret, adolescentem Imperatorem cum opportunis ad placendum sermonibus, tum ingentis pretii gemmis, quas secum attulerat, demereri studuit; quibus effecit, nemini ut secundus gratia, & autoritate esset. Habuitque hujus rei in hoc etiã argumentum, quod iis diebus secundum ritus Mahometanos circumcisis, in Patris locum acceperit eum. Opportunitate illa non tam ad cumulandam hilaritatem urbis, quam teneram Principis mentem rudibus belli lineamentis informandam, theatrales ludi sunt editi. Viennam, urbem Austriæ principem, scena referebat: hanc multo milite cinctam, ignibus fœde laceratam, personatus Achmetes ad deditionem compulit. Vicinæ Austriæ regiones Tartarorum incendiis late colluxere. Victor subinde Achmetes, inter applaudentes Janicsarorum ordines urbem ingressus, triumphum egit. Et ludicra quidem victoria capi potuit Achmetes, non item Alys, cujus sollicitudinem per ea tempora bellum Pannonicum quam maxime intendit. Dederat ille in mandatis Purpurato Budensi, (& huic nomen Alys erat) uti Christianos diuturno bello haud dubie fatigatos, de pace compellet. Rudolphus Althanius, Strigonii Gubernator, ea super re certior factus, voluntatem Turcarum Cæsari significavit. Eo annuente Stephanus Szuhajus Præsul Agriensis, Thomas Erdôdius, Althanus, Molardus Comaromii Præfectus, Bartholomæus Peczius obitis apud Ottomanos legationibus clarus, calendis Martii Strigonium appulsi, dein Pestum navigiis defluxere, reboantibus tum e Budensi, tum Pestano præsidio tormentis. Eodem tempore adfuere etiam Turcarum Legati, Murathes Purpuratus, Alys, Budæ Præfectus, Abyles Effendius, Prætor Budensis. Erekti in campo Pestano papiliones numero deni, toties absque fructu tentatæ pacis arbitros exceperere, hinc legionibus Cæsareis, illinc Turcis excubantibus, ne quid per vim, aut insidias eo in conventu ageretur.

Prior Peczius, ut erat Turcici idiomatis apprime gnarus, ad Turcas gravem, Cæsareoque Legato dignam orationem habuit, qua primum aiebat: *Principem suum Rudolphum, non tædio armorum, non necessitate impulsus, ut ultro in studia pacis exardeat. Superioribus annis ea felicitate arma tractasse, ut illi Turcarum potius cladibus, quam Christianorum insignes numerentur. Nempe DEUM rupti fœderis vindicem æquissimo bello fuisse. Pacem a Majoribus istam, Rudolphus intemerata fide coluit. Vos non eam modo, sed & jura gentium primi violastis. Legatum ferro indigne oneratum, ac in expeditionem per ludibrium abreptum mori coegistis: domesticos ejusdem partim trucidastis, partim ad vincula, ad triremes, pœnam omni nece crudeliorem, condemnastis: præsidia Palotam, Vesprimium a) non populatoria manu, sed exercitu prætoriano, auspiciis Imperatoris vestri, induciarum tempore eripuistis. Duodecimus jam annus volvitur feralis belli, quo vestri, nostrique exercitus perpetuis præliis, oppugnationibus mutuis atteruntur, provinciæ vastantur. Sæpius de pace intra hos annos actum. Ibrahim arrogancia, omnis opera in irritum cecidit. Eas condiciones spe victoriarum prætumidus posuit, quas victis victor dare consuevit. Meminissent, non eo loco res esse Cæsaris, ut turpem, Pannoniæque perniciosam pacem præ bello malit. Interim mitissimum Principem id daturum ardentissimis votis subditorum, ut diuturnum bellum optata pace permutet. Hortatus deinde Legatos, ut pacato animo, sepositis partium studiis, negotium ab Imperatore commissum tractent, Murathem, sociosque legationis, in non dubiam pacis fiduciam erexisse videbatur. NEQUE enim spes major afful-*

a) Vide Annum 1592.

affulget pacis, quam ubi bellum serio gestum est, satiata, aut fessa per A. C. cædes ira. 1604.

Posteaquam in deliberationem venissent, & utraque pars utilem sibi pacem conficere vellet, quas difficultates superandas haberent, tum primum senserunt. Turcæ præter opinionem ferociiores, munera tot annorum spatio intermissa petere, Strigonium, Jaurinum confidenter postulare. Nostri contra Kanisam, Agriam prætere; munera aperta fronte negare, quod ipsi violato fœdere primi pacem abruptissent. Concitatis in hunc modum animis, cum neutra pars de jure suo quidquam decedere vellet, desperato eo die successu, colloquium terminarunt. Altero die per Nigronium interpretem Budam dimissum, molliores condiciones postularunt Cæsarei. Nihil impetratum a barbaris; sive quod scirent Hassanem Vezirium cum valido exercitu propediem adfuturum, sive quod verbis verba reddere assueti, explorare animos potius, quam pacis negotium serio tractare mallent. Quapropter spe tranquillitatis eversa, ad arma reditum.

Exauthorato Rosvurmio, strenuo magis, quam felici Duce, armorum præfecturam in Georgium Bastam gente Epirotam, veteranum, ac in Belgio, A) Daciaque rebus fortiter gestis celebrem Ductorem, sollicitudines suas transtulit Rudolphus. Is statione capta juxta Parkanum, utrasque Danubii ripas, gemino ponte commisit; munitionem quoque firmi operis ad thermas arci subjectas addidit, atque sic comparatus, venientem Vezirium munitis in castris expectavit. Non eo animo erat Jagenreuterus Pefzthi Gubernator. Ferocem ante periculum, atque ignarum belli, rumor festinantis exercitus in fugam conjecit quinta Septembris, tanta cum trepidatione, ut injectis ignibus testæ quidem cremaret; at apparatus ad obsidionem tolerandam opportunum, Budensibus relinqueret. B) Hathvanenses eodem metu perculsi, pariter præsidio excessere.

Interea Hassanes cum Aly Ægyptio decimo Septembris Pefzthanos campos insedit. Promotis inde castris, undevigesimo die ejusdem mensis, Strigonium cum septuaginta millibus pugnatorum cinxit. Structis de more suggestibus, vim continuo admovit e tribus lateribus. Octavo obsidionis die, promptissimi prædiariorum (bis mille pedites, quingenti equites fuerunt) ex arce, & oppido castra Muratis incurfant eo ardore, ut cæsis, qui pro tormentis stabant, Janicaris, stragem per tentoria late circumferrent. Accurrentibus Turcis certamen majus obortum est, ac funera cumulavit. Suorum cæde perturbatus Hassanes, de induciis interpellavit Bastam. Modestiores, atque nuper, condiciones, nempe Kanisam pro Strigonio obtulit. Ea nundinatione haud contenti Regii, Agriam simul addendam postularunt, id quod barbari pertinaciter negabant. Itaque rursus in mutuam hostilitatem ruerunt. Cæcis suffossionibus contenderunt hostes tum arcis mænia, tum munitionem monti D. Thomæ impositam evertere. Re animadversa, prædiariorum pervigil cura substructiones subterraneas elusit. Nec felicius assultus cesserunt: semel, atque iterum per ruinas aditum urgentes, maxima cæde in castra rejecti sunt.

Tot malis jam ægrum Hassanis animum, Cosacorum ad Christianos defectio penitus prostravit. Gens illa Tartarorum castra eatenus secuta, nescio qua intemperie agitata, trucidatis Turcarum excubiis, contento cursu primum Comaromium, & Tatam, deinde castra Cæsarea petiit, multis deinceps stipendiis levitatem ingenii correctura. Ergo iterum pacis consilia arripit, Althanum in colloquium evocat, Agriam pro Strigonio addicit: quod si vero Strigonium pene jam expugnatum tanti facerent, nullo ut pacto illud reddendum existimarent, cederent Fülekom, Szécsenium, Neogradum; deducturum se illico militem suum Agria. Permutationem barbari constanti vultu rejecit Althanus. Altero ab hac consultatione die, c)

Imp. Ottom. Tom. I.

N n

omni-

A) Consule Fam. Stradam Dec. II. Angelum Galluccium P. I. Cæterum apud Transylvanos ob militarem licentiam tristem sui memoriam reliquit. B) Chronicon Hungaro-Turcicum, & Patrii Scriptores. C) Die X. Octobris.

A. C. omnibus viribus supremam impressionem in arcem tentavit, quæ post duarum horarum acerrimum certamen, cum e sententia minime cesserit, concubia nocte castrensis machinis retractis, ac ad navigia deportatis, oppugnationem adversa fortuna coeptam deserit. Lustratis in agro Budensi copiis octo millia a) ad Strigonium periisse in comperto fuit. Jacturam hanc auxit Alys Purpuratus, senio, senique comitibus, morbis confectus Budæ. Quanquam expeditio nullo successu peracta, non ultimam causam dederit inopinatæ morti. Luxit Byzantium viri fatum sinceris lachrymis. Recens in omnium animis versabatur facinus, quo seniore Soltanam, annis pluribus ambitiose imperitantem aula exegit. Ita fomite odiorum inter Principem, & plebem extincto, utriusque partis amores rapuit, sibi infortunio alterius, viam ad potentiam stravit. Cadaver secundo amne Byzantium deVectum, in patria sepultum fuit. b)

Nondum rebus in ora Danubii pacatis, tempestas gravissima, qua multis postea annis Hungaria, vicinæque provinciæ laborarunt, se in Dacia effudit. Moyse Siculo, ut nuper diximus, fortunis, & vita proturbato, Gabriel Betlenius, ac Stephanus Bocskajus, consilium capiunt dominatum Transylvaniæ invadendi. Ille, sive diffideret viribus suis, sive potentiam æmuli metueret, refrænata in speciem cupiditate, laboriosam, ac periculis plenam provinciam, in Bocskajum clam omnibus transtulit. Bectes seu Bectesses Temesientis Præfectus, quo hominis vota magis inflammaret, suam apud Achmetem operam, viresque pollicetur; neve dubitaret de patroni fide, cohortes suas Transylvanorum copiis immiscet. Ad Temesiam amnem, dum castra metatur, a Ludovico Rakoczio, & Henrico Dampiero sub primam noctem profligatus, cum Betlenio, armorum socio, seminudus elabitur. Inter spolia repertæ conjurationis literæ, quibus Bocskajus dominandi libidinem Betlenio patefecit, machinationes in Rudolphum detexere. c) Isthoc tum Jacobi Barbiani Comitis Belgiojosæ, Cassoviæ Gubernatoris; tum Bocskaji sollicitudinem, curam vehementer exacuit. Uterque in arma coortus, ille Cæsaris, hic suas tuebatur partes. Sed Bocskaji res meliori, ac Barbiani, loco videbantur. Jam enim non Transylvania modo, sed & superior Hungaria religionum specie, istius causam ferro defendendam susceperat; præterea Turcarum auxilia in promptu habuit, quorum clientelæ se rursus addixit his talibus pactis: *Hungari adversus Achmetem omni hostilitate abstineant; conjunctis armis Casareos infestent. Ottomanis, militum, æs, machinas castrenses suppeditent; cæterum in oppida Hungariæ nihil per vim, nihil per insidias moliantur.* Fœdere tabulis solennibus instaurato, Turcarum manipulo adjunctus, haud sane prospera fortuna in campum prodit, ac cum Basta ad pagum Edelinum manus conferit. Nox prælium diremit. Illucescente vix die, atque nebulis aspectum adimentibus, Bocskajanos aggressus Basta, primo impetu cecidit, Turcis magnam partem ad tormentorum aggeres trucidatis.

1605. Hac clade multo ferocior, & abeunte Basta ob militis seditionem, liberior Bocskajus, arces qua vi, qua perfidia prædiariorum, in Hungaria capit. Medgyesini subinde in publicis comitiis, Princeps Transylvaniæ inauguratus, ab Achmetis Chausio, clava, ense, atque vexillo ornatur. In alimentum factionis, ex ærario Imperii, deprompti sunt centies mille Solteni, d) sive aurei, atque Mehemeti Purpurato in Pannoniam moturo dati. Ut intelligas, quantum fructus ex hac adeo liberali semente, Turcica gens sibi polliceretur. Neque diu spe sua frustrabantur. Confluentibus maximo numero Turcis, Tartarisque sub signa Bocskaji, funestissimi belli tempestas, ceu eluvionis instar, Hungariæ provincias, Styriam, Austriam, Moraviam inundavit. e) Non alia fœdior populatio his regionibus incubuit. Calamitatum compendium inde accipe. Octoginta mortalium millia per Eszeki-

nen-

a) Annales Ferdinandi. b) Alys Purpurati, in aula gratiosi, dignitatem obtinuit Murates, ut dictus sum ad annum 1606. c) Istvanff. Lib. XXXIII. d) Joannes Sagredo. e) Sævissimam hanc populationem legere licet in Annalibus Ferdinandeis.

nensem pontem traducta, in miserrimam servitutem, Byzantium pecorum A. C. ritu rapiebantur. Tam numerosa omnis sexus, ætatisque multitudo, gran- 1605. de testimonium Achmeti præbuit, quanto fœnori æs, militem in hoc civili bello locarit. Illud hic non omiserim; quod pedites Hungari familiares suos, cognatos suos, barbaris sub hasta vendiderint. ADEO nihil nefas est extremæ avaritiæ. Fœdissimam nundinationem DEUS prodigio cœercuisse fertur; numeratum aurum multo sanguine manavit, & perditum cujusdam hominis manus, loculosque maculavit. A) Interea Mehemetes Vezirius contra fœdus Bocskaji, exeunte Augusto circumvallavit Strigonium. Wilhelmus Comes Oettinganus loco præfectus, nescio quibus umbris exagitatus, veteres præsidjarios Hungaros, arce exesse jubet, navalesque socios, qui eatenus utilem operam in Danubio præstiterant, una exauthorat ante, quam hostis in conspectum arcis se daret. Quo facto Strigonium perdidit, gentemque Hungarorum magnopere exacerbavit, suam fidem in suspensionem adductam merito quiritantium. Unis itaque suorum viribus, fideique confusus, defensionem parat. Stabat in edito monte D. Thomæ castellum aggeribus, vallo, & aliquot centuriis præsidjariarum probe munitum. Illo nili potirentur hostes, Strigonium extra ictum fuerat. Illud primum obidentium vires excepit, sex supra decem assultus elusit, sexto denique Idus Septembris, mille quingentos hostium prostravit. Propugnatores virtuti suæ nimium tribuentes, dum forte in multam noctem vigilant, mero largius circumlato, in somnum soluti custodias laxaverant.

Ad irruentium primo diluculo tumultum excitati, etsi arma caperent, locumque de more fortiter tuerentur, tamen in fugam versi, ad unum omnes ferro ceciderunt. Occupata munitione, triginta grandiora tormenta in oppidum aquarium obvertit hostis, & calendis Octobris illud pariter obtinuit, mille admodum e præsidio cæsis cum ipso Governatore. Qui supererant milites extincto pugnandi ardore, Dampierium Oettingano suffectum de deditione compellant; non ignari ANIMAM agere arcem illam, cujus vires, ac spiritus paulatim ab extremis munimentis ad intimas tanquam cordis angustias retrahantur. Ille præmaturæ petitioni acriter obniscus, tabulas deditionis a seditioso milite conscriptas disceperit. Sed cum hostis cuniculis mœnia suffoderet, oppugnationemque supremam minaretur, præsidjarii immemores sui, præstitique sacramenti, vinctum in custodiam abripiunt. B) Non hic stitit turbulentorum intemperies. Accito in arcem Aly, Budensium Præfecto, liberum discessum tradito præsidio paciscuntur. Mille tamen, & quingenti C) cum liberis, & conjugibus suis sub Ottomanis stipendia facere, quam pœnam perfidiæ debitam subire maluerunt. Capto tanti nominis propugnaculo, Ujvarinum victorem exercitum adduxit Mahometes. Fatigaverat illud peracri obsidione Franciscus Redejus, partium Bocskajanarum celebris Ductor, brevique casurum tum ingens rerum omnium defectus, tum crebri murorum hiatus persuaserant. Mehemetes compendium victoriæ facturum, machinas, quibus Strigonium dejecit, propugnaculis admovet, eamque stragem per circuitum infert, ut obsessi desperatis rebus, dedendi oppidi consilium inirent. Stephano Illyesházio, qui commodum per eos dies in castra venerat, operam locante apud Mathiam Principem, Redejo arx traditur. Tam nobili præda eversus Mehemetes, non dissimulato dolore, ac ira in Hungaros, Strigonium reversus est. D)

At non eo æstu se abripi patiebatur Vezirius, ut Bocskajum, ejusque affectas a societate Ottomanorum abalienaret; neglexit hilari fronte, quidquid ignominie sub Ujvarini mœnibus acceptum. Imo ut omnem suspensionem averſi animi eximeret Hungaris, multa verborum humanitate ad se accurrentes excepit, afflictæ eorum causæ patronum se professus, ad li-

A) Istvanff. Lib. XXXIV. B) Dampierium a seditiosis vinctum non tradunt Annales Ferdinan. C) Annales. Istvanffius L. XXXIV. ducentos ad Turcas defecisse scribit, D) Utriusque oppugnationis Ephemerides inspicie in Annalibus Ferdin.

A. C. bertatem pristinam recuperandam militem, arma, liberali facilitate adpro-
 1605. misit. Denique Bocskajum factionis caput, in urbem Budensem ad se Regiis insignibus inaugurandum, decreta legatione arcessit. Isthoc quanquam homini non venerit ante in mentem, tamen ut scenæ serviret, tantæque dignitati parem splendorem afferret, datis per provincias literis Nobilitatem Carponam evocat. IV. Idus Novemb. ingredientem campos Rakosios Peizto finitimos, ac copias in speciem justî exercitus explicantem, Alys Purpuratus Budensis cum Byzantina Nobilitate, quæ jussu Achmetis Budam profecta, perhonorifice salutavit. Postero die multis Nobilibus comitatus, inter tormentorum fragores Budam ingressus, recta ad Mehemetis sedem vadit.

Posteaquam mutuis verborum officiis alter alterum tenuisset; Bocskajus tarditate adventus, per publicas Daciæ necessitates excusata, se, Hungariamque fidei, & clientelæ Achmetis submissa oratione addicit. Vezirius collaudata hominis in patriam pietate, adstantes Bocskaianos cohortatur, ut ne a societate, a fœdere Turcarum desciscant. Tum Bocskajum nomine Imperatoris sui Regem appellat; coronam A) non tam ab artificis manu, quam sui pretio æstimandam, capiti imponit; lateri ensen, auro, gemmisque illusum, accommodat. Mirum! quanta modestia temporariæ dignitatis insignia, vocabulaque acceperit; sive reipsa ita senserit, sive potius timuerit, nimia potentia offensum iri factiosos, quorum non paucos acrius angebant Regii satellites. Coronam dein sibi adstanti Szeclio tradidit cum dicto: *apud Hungaros moris esse, ut diadema a forti, integroque viro asservetur*: quodve omnibus admirationem movit, Rudolphum Hungariæ Regem in eo Turcarum* conventu unicum, Procerum suffragiis lectum, palam agnovit, raroque Regio nomine literas signavit. Allatum subinde Achmetis Turcarum Imperatoris Diploma, quo Transylvaniæ principatum, Pannoniæque regnum Bocskajo confirmat. Fœdus præterea in has leges coalluit. *Turcæ bello capti redduntor. Oppida, arces, quarum possessionem Turcæ obtinent, vi, dolo, precibus repetere nefas esto. Urbes Austriæ vicinæ, Achmeti reservantur. Ni pax utilior Hungaris, bellum proseguendum adversus Germanos. Bocskajus de statu Reipub. de rebus suis Achmetem certiore reddet. Omnia aget e præscripto Turcarum.* His, atque aliis mandatis Regiam dignitatem circumscripsit Achmetes, ut umbratili majestati præter splendida nomina nihil reliquisse videatur. Paulo liberalior in universam Hungarorum gentem erat. Ab omni tributo, vectigalibus, decem annorum spatio immunes fore pronunciat; deinceps dena aureorum millia ærario quotannis daturus. Hoc beneficio agrestium animos vehementer conciliavit Turcico nomini, servitutem infra lucellum, quo singuli capiebantur, existimantium. Sed fucatam hanc immunitatem anno insequenti pax restituta Hungariæ, opinione celerius convulsit.

1606. Bocskajus enim amicorum opera ad saniora consilia traductus, tranquillitatem patriæ reddere cupiebat. Nihil isthoc afflictis Rudolphi rebus commodius obvenire potuit. Legaverat jam anno superiori ad Budensem Purpuratum Joannem Molardum, Adolphum Althanum pacis petendæ Oratores. Responsum accepere; Achmetem non ante transacturum de pace cum Rudolpho, quam Bocskajus, cæterique Hungari ea obtineant a Cæsare, quorum causa arma sumpserunt. Famæ, constantiæque suum Imperatorem duxisse, ut rationes sibi fœdere junctorum potiori loco habeat, quam suas. Itaque Rudolphus civili bello finem facturus, negotium procurandæ pacis Mathiæ Principi, Proceribus, ac populo multum accepto, committit. Hic in deliberationem accitis, utriusque partis primariis capitibus, iis conditionibus pacem reconciliat, quibus cum Romana Religione, quæ tum temporis alioquin misere habebat, non satis conveniebat. B) Sed reficandi antiqua vulnera mihi animus non est. Ea apud Scriptores patrios reperiens, qui hoc argumentum de industria tractarunt.

Cæte-

A) Imperatorum Constantinopolitanorum, an Despotarum Thraciæ, hæc corona fuerit? eruditi calamis disceptant. B) Inspice Pacificationem Viennensem.

Cæterum Bocskajano fœdere ita composito, proniores jam Turcæ A. C. ad quietem, Stephano Illeshazio præcipuam operam locante, XX. annorum 1606. inducias pepigerunt. In ora Danubii ad Oppidum Almasium, utriusque Imperatoris, & Principis Bockaji Legati convenere. Illeshazius apud Purpuratos perinde, ac Mathiam Principem graciosus, pollicebatur Cæsareis, impetraturum se honestas, utilesque conditiones nihil addubitans de Kanisfa, aut Agria a Turcis reddenda, quæ toties arbitros pacis fatigarunt. Secus accidit, quam promisit. Diebus enim non paucis summo tædio Cæsareorum extractis, non modo obtinendæ Agriæ, vel Kanisfæ spes evanuit, sed ipsi etiam congressus, magna utrinque populorum expectatione producti, fere sine operæ pretio fuerunt propterea, quod Purpuratus Budensis (& hic Princeps legationis erat) nullum mandatum de urbe aliqua restituenda haberet a Principe suo; Regii vero id ipsum quam vehementissime postularent. Ad extremum abutimur Purpuratus, ni odiosa, & Imperio Ottomanico indecora petitione abstineant, veriti ne apud plebem iudicem, fœderis neglecti invidia laborarent, si re infecta conventus solveretur; nihil in posterum de eo argumento tractandum existimarunt.

Hoc obice remoto, Alys pacatiorem se præbuit, paucisque post diebus pax in tabulas relata. Summa illius capita hæc fere erant. *Pax esto, & mutua injuriarum oblivio. Achmetes Rudolphum, & Cæsarem, & Patrem colat: his nominibus, quoties eidem scripserit, utetur. Rudolphus Achmetem filii loco perpetuo habebit. Tartari huic fœderi innexi censeantur, proinde terra, marique nulli partium fas esto fœderatos impetere. Procuriones mutua, pænis coerceantur ab arcium Præfectis. Bocskajus secundum Viennensem Pacificationem sua jura obtineat. Capti induciarum tempore, sine pretio partibus suis reddantur. De iis, qui bello fervente in servitutem inciderant, transigatur. Præsidia, arces, e ruinis instaurandi, non item novas erigendi, facultas esto. Rudolphus bis mille nummos imperiales per Legatum suum Achmeti feret. Achmetis pariter Legatus pretii majoris, quam antea munus Cæsari Pragæ deferet. Nunc Murates, a) senatus Princeps, in fœderis firmitatem, Mathiæ Archi-Duci munus haud vulgare mittet, & ab eodem astutum remunerabitur. Ut lætissimus pacis rumor in Hungariæ provincias, vicinasque terras manavit, primum cogitatu, quanto gaudio inceserit populus, sive belli malis cum Hungaris vexatus, sive vastitate, incendiis finitimarum urbium Hungariæ perculsus. Sed & Turciam singulari lætitia compleverat fœdus tam bonis conditionibus iectum, eo potissimum tempore, quo in Persia, & Syria gravissimo bello laborabat; & non una clade, pene ad incitas redacta. Certe si Cæsarei cupiditatem pacis, qua flagrant, paululum texissent, tot annorum bellum quam utilissime terminari potuisset. Sed CARO emunt, qui cupide licitantur. Nunc in Persiam, de qua dicere institui, gradum faciamus.*

Postremi Mahometis anni, ut supra narratum est, partim seditionibus, partim muliebri imperio, partim cladibus infames, nobilissimam juxta, ac pugnacissimam Persarum gentem ad recuperandas sui Imperii provincias, quas necessaria pace, ob Usbeki incursionem, b) Turcis cesserant, maxime obside Regii sanguinis immatura morte sublato, movere. Et puduit victricem Persiam post tot secunda prælia, iis conditionibus fœdus transegisse, quas non nisi victa metuere poterat. Verum cum adversus necessitatem (duobus hostibus circumventa) nullum, nisi a tempore malis remedium existimaret, & præsentis periculi magnitudo, omnium animos, ceu æstro percussos, in quietis desiderium raperet, ab armis discessit, relictis in ho-

N n 3

stium

a) Murates, cognomento Serdar, locum Alys Ægyptii in aula occupaverat, ut Chronicon testatur cum Istvanffio, qui suam Historiam rerum Pannonicarum Libris xxxiv. complexus, ab obitu Mathiæ Corvini nempe 1490. ad annum 1606. Patriæ nostræ fortunam eleganter juxta, ac candide scripsit, & non modo apud suos Populares, sed & externos, optimi, ac prudentis Historici elogium tulit. Addidit Epitomen rerum Pannonicarum sex fere annorum, quas per morbos, continenti narratione pertexere haud potuit. Viri Literati merita reperies in Palatinis regni Hungariæ editis rursus Tyrnaviæ anno MDCCCLII. & anno MDCCCLX. b) Vide annum 1587. & seq.

A. C. stium potestate, primi nominis praesidiis. Retructo vero in sua latibula Us-
 1606. beko, quanto ardentius nuper in amicitiam Turcarum ferebantur, tanto
 acrius ad eam infringendam aestuabant. Itaque perturbato Imperii Otto-
 manici statu, cujus paulo ante memini, tempus adesse ratus Persarum Rex,
 a) quo amissa praecipiti consilio recuperaret armis, Georgianorum populo
 in belli societatem admissio, factoque apparatu nitrati pulveris, pilarum, at-
 que aliarum rerum, copias suas Taurim, urbem mercaturae deditam, ad-
 duxit, & regionem incolis deditionem maturantibus, facile obtinuit. Cum
 alii, atque alii Praefectorum bellum Persicum instare, ac omnia hostilia esse
 nunciarent Achmeti, tantus metus de summa rerum Byzantinos cepit, ve-
 lut si jam hostis praemanebatur tenderet, excidiumque intestinis motibus con-
 cussae urbi appareret. Neque enim hostem acriorem, bellicosioreque se-
 cum congressum meminerant, neque Turcicum militem tam seditiosum un-
 quam fuisse, atque aulam imbellem viderant. In mentem praeterea venerat,
 Persam tum Religionis causa, tum aemulatione perpetua incitatum, de inte-
 gro bellum ordiri; educere veteranas cohortes, plurium annorum militia
 plerumque victrices. Byzantinos & animis, & sententiis discordes in omnem
 partem fluctuare.

Inter hos urbanos terrores, Vezirius plenam periculi aleam vitatu-
 rus, bellum quamprimum Persis inferendum, copiisque Cicalam (filius is
 erat Cicalae, de quo supra ubertim diximus) praeficiendum contendit, juve-
 nem quidem, sed qui spiritus Regis, & impetum aequabit. Sensit ille, quan-
 tis difficultatibus haec provincia obnoxia esset, quapropter ne modicum,
 quod collegit famae, uno naufragio mergeret, onus primum recusaverat,
 deinde certus voluntatis Imperatoriae admisit, modo miles, apparatusque
 reliquus par tantae expeditioni attribueretur. Adnitente Vezirio omnia
 procurata fuerunt in tempore. Itaque Cicala animo aeger, exercitum haud
 multo suo Ductore alacriorem in Persas ducit. Ut in Mesopotamiam (Tur-
 cis Diarbekir) venit, omnia fama foediora reperit. Jam enim Persae Tau-
 rim subegerant, & Georgiani lento obsidio Tifflim civitatem atterebant.
 Nihilominus in provinciam Vani progressus, bellum potius defendere, quam
 inferre meditabatur. At Persis in pugnam aestuantibus, antequam castris
 locum caperet Cicala, fessum longiori via militem aggredi placuit, quod
 famae, existimationique suae plurimum interesse censerent, se primum in
 certamen hostem provocasse. Nec mora: eo repente adductis, instructis-
 que copiis, praedium pariter, & stragem intulerunt. Quae profecto strages,
 Persis ob indecoram pacem praeter modum ferocibus, tanta fuit, ut exer-
 citus propemodum omnis deletus sit, machinaeque castrenses cum reliqua
 suppellectili captae. b) Cicala de infelicis praelii exitu Byzantinos certiores fe-
 cit, monuitque Achmetem, nisi ipse in partem arduae expeditionis veniat,
 militique animos in praesenti addat, futurum haud dubie, ut omnes pro-
 vinciae cum exercitus ultima clade pessumeant, quarum possessionem nupe-
 rapace Turcica adivit.

E minori Asia pariter trepidis nunciis allatum est; rebelles popula-
 tionibus novis Asiae oppida territare, nemine obsistente e fertilissimo agro
 praedam facere. Imperator Adolescens ut fortunarum, ita voluptatum pa-
 ternarum haeres, aegre, ut Byzantio tantisper in Asiam flesteret, a Nasusse
 Purpurato permoveri potuit. Quo simulatam profectionem adversum re-
 belles, aleret Achmetes, ingentem vim pecuniariam, partim in stipendia
 militum, partim in annonam procurandam ex aulario sumpsit. Tandem
 post diuturnam ludificationem tum Byzantinorum, tum rebellium, su-
 cepto itinere Prusam, Bithyniae urbem, personam deposuit, dum quadriduo
 post, non sine civium stomacho Byzantium, seu Capreas suas, repetiit.
 Inde firmata apud rebelles opinio, Imperatorem aulae deliciis victum, aetate
 juvenili

a) Quo nomine compellatus fuerit, haud integrum est decidere. Alii Hodabendem; alii Schach-
 Abasum; Schach-Abatem alii fuisse volunt, quae plurimum sententia. b) Anno 1604. ut lego
 apud Joannem Sagredo, quem in rebus Persicis sequor.

juvenili injuriis obnoxium, haud multo felicius Patre suo Mahomete Rem. A. C. publicam administraturum. Et reipsa pro tantis, quæ urgebant, bellis, o. 1606. omnia tenuiora erant. *Ærarium* inprimis in dies tabescebat, venis intercisis, aut in sua commoda derivatis *Purpuratorum* avaritia. *Provincias Asiaticas*, unde miles sua stipendia accepit, rebellium intemperies misere erodens, difficilem sæpe rationem faciebat, qui alerentur, tempore supplerentur, castrensi penu instruerentur legiones. Tot difficultatibus statim ab exordio Imperii abortis, consilium dedit *Mufftius*; ut a *Procuratoribus Moschearum* (sex numero erant) tanta pecuniæ summa mutuo acciperetur, quantum necessitas triplicis belli postularet.

Sed non ideo clades evitata in *Perside*. *Cicala* recentibus copiis jam auctus, campum explicandæ aciei opportunum insedit, tribus leucis *Tauri* distantem, cupiditateque gloriæ accensus, totis animis pugnam optavit. Quasi vero nupera clade satis, superque ludibrium fortunæ eluisset, nihilque jam esset, quod metuere posset a fortuitis belli. Comperto, *Regium Principem* cum majori parte equitatus castris abiisse, tanto ardore in pugnam ruit, ut sub primam lucem instructis ordinibus jam ad valla *Persarum* constiterit. *Persæ* revocato ex itinere equitatu, suam quoque aciem struunt, egressique castris, patentissimam planitiem, nempe equitatu, quem mox adfuturum nuntii referebant, deligunt. Nondum facti dimicandi initio, auxiliares copię (incolæ A) erant montis *Amani*, cujus perpetuum jugum *Syriam*, atque *Ciliciam* interfecat) quanto maximo cursu potuerunt, ad *Persas* transierunt. Horum defectione nihil perturbatus *Ottomanus*, hiatum, quod numero militum præstaret, facile explevit. Telis ab utraque parte emissis, prælium oritur acerrimum. Vix in *Annalibus Turcarum* legas, tanto irarum æstu, tanta pervicacia pugnatum. *Persæ* incitabantur trophæis superiorum annorum. *Turcæ* spem victoriæ illius diei, in celeritate positam habuere, ut phalangem equestri præsidio nudatam ante opprimerent, quam *Regius* adolescens cum equitatu pervolaret in castra. Sed is, dum maxime calebat pugna, opportune advenit, equitemque suum signo dato, in fessos plurium horarum labore effundit. Continuo perruptis agminibus acies *Turcarum* inclinare cœpit. *Persæ* novis suppetiis firmati, perturbatos majori alacritate invadunt, resistentium adversa ora fodiunt, laxatos ordines nativo odio magis, quam ullius imperio concidunt. Jamque non pugna, sed cædes fugientium erat, cum *Cicala* quoque perditis rebus, sonipedem in fugam vertit, cum mille quingentis *Spahiis*, totidemque *Janicariis*. Nî victorem opulenta spolia ab hoste persequendo detinuissent, nemo unus *Ottomanorum*, *Persicæ* fortitudinis testis, nuntiusque abiisset. Ceciderunt *Turcarum*, quorum numerum victores finire potuerunt, milia triginta cum majorum *Ordinum Ductoribus* plerisque, nempe novem *Beglerbegis*, triginta *Sanchiachis*, & *Damasci* *Gubernatore*; *Mustaphas* *Bassâ* captorum numerum auxit.

Noverant *Persæ* vincere, non item victoria uti. Inhærendum erat fugientium tergo protinus, ne recenti clade attonitis, tormentis, & omni apparatu exutis spatium daretur, se recolligendi. Neglexit istud *Schachus*, sive jam debellatum putaret, sive vindictam diu meditatam in *Gordæos* expromere vellet. Fuerunt isti præterlapsis temporibus admodum infesti *Ottomanis*, fiduciaque locorum, quæ incolebant, diuturna bella gesserunt plerumque propitio Marte. Tandem evicerant armis, ut medii *Turcarum*, *Persarum*que essent, velut fortunæ, atque bellorum arbitri; neque opis quicquam ab illis, neque offensionis, aut utrique parti, aut sibi accederet. Hoc bello *Persico*, *Turcarum* partes secuti, etsi utili transfugio ad *Persas*, errorem suum eluere contenderint, tamen *Persarum* iram minime placarunt; ut adeo verum sit; INVITO beneficium præstitum, sæpe maleficii locum subire. Igitur in *Mesopotamiam* ejectis *Ottomanorum* reliquiis, *Persæ* *Gordæorum* gentem oppugnatum ivere. *Cicala* spatium nactus semet obmuniendi in Mes-

A) Curdes, & nonnunquam Cordiaei dicuntur apud Scriptores.

A. C. Mesopotamia, internecinam cladem Achmeti primum significat, tum longius porrectis curis, summa contentione flagitavit, hominum, & equorum supplementa, cæteraque bello necessaria primo tempore mitterentur; secus in Syriam transferendum bellum, si Persæ victis institerint. Denique se ab hac molestissima expeditione revocaret, Ducemque veteranum copiis daret, gravissimis verbis supplicavit. Cladis magnitudo majorem, quam autem motum animorum in urbe fecit. Purpurati per dies aliquot ab orto, usque ad occidentem solem, quin etiam nocturnis horis consilia inter se conferebant, quonam Duce, aut quibus copiis resisti victoribus Persis posset? Nemo erat, qui Cicalæ auderet succedere, aut quocum bonam fortunam Imperio reversuram sperarent; propterea nihil gravius in infaustæ expeditionis Ducem statutum. Omnium sententiæ eo collimarant, ut cum Rudolpho pax quibuscunque conditionibus a) fieret: Bocskajus in tanti operis procurationem adhiberetur, ut ne Imperator Turcarum contra dignitatem pacem flagitasse argueretur. Interim ne bellum prorsus ad Persidem expiraret, missa sunt aliquot millia armatorum. Sed & ista partim itineribus arduis, partim morborum contagio hausta, campum dederunt Persis, ut victorum more provincias amplissimas subjugarent, nihil auso Cicala, exercitu multis partibus inferiore.

1607. Rebus in Hungaria pacatis, vires in Orientem sunt versæ. Achmetes Purpuratus sive sponte, sive jussu Imperatoris, Persici belli administratione suscepta, nihilo felicius Cicala fuit. Ingenti prælio victus, ne castra quidem propugnare est ausus. Per eosdem dies aliquot rebellium turmæ Bithyniam percurfantes, Prusam direptam in cineres redegerunt. Gemina clades idoneis authoribus nunciata, ut ad populum effluxit, lætissimam faciem momento confudit. Achmetes enim, quo diuturno mœrore levaret Byzantinos, rumorem sparserat per suos, rebellium copias uno prælio debellatas esse, Principes seditionis, veluti indagine captos, teneri; neminem superesse ex sæce illa mortalium, qui signum adversus Byzantinos efferat, aut sequatur. Hæc talia in aula Achmetis cusa, brevi Constantinopolim pervasere, quo ille facilius imperitiæ multitudinis animos ex Persarum, rebelliumque victoriis abjectos, conficta hostium strage (quamdiu vera non poterat) sustentaret. Fidem habuit populus Imperatoris commento, facile id sibi persuadens evenisse, quod ardentibus votis optavit.

Cæterum Achmetes usitatum nonnullorum artificium in rem suam adhibuit, qui e diametro opposita iis, quæ evenere componunt, ac cupidis hominibus divendunt: partim ut primo illo lætitiæ impetu, & quasi flore defraudent adversam factionem, cui languidius dein gaudium futurum sit, forsitan & improspere aliquo successu (ut sunt humana) miscendam; partim ut brevem illam temporis particulam, qua superiores se credi satis habent, rebus suis quæstuosa anticipatione ordinandis accommodent, futurum ex mendacio dedecus, præsentī utilitati posthabentes. Quanquam illud Achmetis, aliorumque commentum, non plane haustum ex vano fuerit, si Brietii verbis fidem hoc loco tribuamus. Narrat is b) Hierapolitanæ urbis Præfectum Gambolatum, defecisse ab Achmete, atque Cicalam, seditionem opprimere volentem, profligasse; urbes Tripolim, Damascum subita incursione cepisse; seque pro Syriæ Soltano gessisse. Sed latius spargentem belli incendia, a Turcis iterum impetitur, victumque discessisse; adactum præterea, ut arma in Persas verteret, quos nuper socios delegit. Hæc etsi aliqua portione veri aspersa fuerint, tamen tanti ponderis non erant, ut Persicæ cladis memoriam animis Byzantinorum evellerent.

1609. Sequentibus annis lente procedebat bellum, Persas inter, & Ottomanos. Rex quidem Schach-Abas unice arma spiravit, invitatis etiam Christiano-

a) Vide L. I. Historiæ regni Hungariæ R. P. Francisci Kazy e Soc. JESU nitida, perpolitæque narratione res patrias evolventis ab anno 1601. ubi conditiones pacis recensentur. b) Philippus Brietius Abbavillæus S. J. ad annum 1606. Annales Ferdinandi hanc rerum conversionem securam ajunt quadriennio post. Consule Tom. VII. sed non recte.

stianorum Principibus ad communem hostem persequendum, utque in suas A. C. partes pelliceret eos, amplissimam facultatem impertitus est, Romana sacra 1609. in Perside propagandi. Cum nihil opis sperare posset a languentibus, veritus, ne sibi uni in posterum potentia Turcica sustinenda foret, satis e re sua futurum putavit, si præsidia capta ad defensionem instrueret, bellumque eminens ostenderet, quam si victos irritaret, & (ut est varia belli fortuna) tot victoriis obtentas provincias uno prælio, ceu ad scopulos opimam classem, perderet. Neque Achmetem tantus ardor belli gerendi habuit, ut in Persiam, castris perquam munitis, quiescentem involaret, nondum civili bello penitus composito. Nec videbatur profecturus bellum ignavus Princeps post tot clades, adeo nullam curam, nullam sollicitudinem vertit sive ad supplementa legionum, sive ad ærarium augendum. Purpurati non multo acrioribus studiis in campum ferebantur; dissoluti otio artes solitas cumulandi peculium suum, in eo perturbato rerum statu adhibuere. Honores militares veluti in auctione prostituerunt venales; præfecturas arcium non veterani, non meritis conspicui abstulerunt, sed hesterni, militiæ rudes, ut potior fuerit pecuniæ, quam factorum commendatio, nemine perniciosæ nundinationi intercedente.

Unus Achmetes ab eo vitio abhorreere quam maxime est visus, dum 1610. stupendæ magnitudinis Moscheam juxta Hippodromum erigere statuit. Quidquid nummorum in ærario repertum, in numerosam artificum, operarumque manum profudit, in hoc opus diu, noctuque incumbentium; immemor: PECUNIAM, nervum nempe belli, ad legiones alendas imprimis requiri. Tantæ molis ædificium, ut tantis sumptibus, & magnificentia strueret, non aliud hominem impulit, quam ut admirationi posteris esset, e vasta, nobilique structura, Principis animum indagaturis. Istud an consecutus sit, hodieque ambiguum manet. Id certum: Mustium illius temporis acerbe in vectum in superbissimam domum, domusque authorem; & plebem dicacitate solita, sumptuum magnitudinem sine dissimulatione damnassee. A) Sed verba neque animum Achmetis everberarunt, neque saxeæ opera moverunt. Surgentis ædificii magnificentia mentem diu pastam, odiosæ suspiciones de fratre Mustapha exagitarunt. Is etsi carceri inclusus, atque ab omni mortalium commercio longe semotus, nulla consilia miscere potuerit de Imperio occupando, tamen (ut tyrannorum animi perpetuis umbris amittendi regiminis vexantur) adeo alte medullis inhæsit ea opinio, ut recurrente identidem vanissimæ conjurationis imagine, nec somnum capere, nec quietem pati posset. Igitur malo huic medelam in tempore facturus, dum animi causa, cymbam propellit in canalem, clam omnibus duos mutos, qui assiduo ad dira ejusmodi obsequia parati, Principem comitantur, ad Mustapham interficiendum ablegat. Vix feralem sententiam tulerat, continuo tempestate coorta, asperatis ignota vi fluctibus, navigium mergi cœpit. Sensit Achmetes, amicam navigationem scelere suo turbatam. Quapropter inhibitis sicariis, meditato facinore tantisper abstinuit, dum metu solutus rursus suspicionum larva, multo vehementius pulsaretur. At iterum sanguinarium hæsit consilium. Repentino dolore obrutus, mentem a cæde innocentis non revocavit modo, sed absterfa etiam omni suspicione, Mustapham successorem Imperii nominavit; raro apud Ottomanos exemplo, ut præteritis Liberis, frater a fratris morte rerum potiatur.

Annum præsentem, videlicet MDCXII. binæ legationes celebrem fecere, præter expeditionem in Moldaviæ fines susceptam. Constantinus B) Moldaviæ Princeps, jussus cedere provinciam patrueli suo Thomæ, cum Achmetis imperium surda aure exciperet, bellum suscitavit. Mahometes Belserges ad domandum Constantinum cum exercitu missus, uno prælio ita compressit altos illius spiritus, ut relicta Moldavia æmulo suo, ætatem reliquam in exilio transegerit. Impendio adeo levi subacta provincia, frugum ubertate multum celebrata Byzantinis, animos accendit ad Valachiam, Da-

A. C. ciamque invadendam, ut victis, cum Principem veteri de more imponerent, 1612. qui vel maxime Turcarum commoda procurare vellet. Verum Asiatica arma, ne quid per vim agerent, animorum ardores temperarunt. Postquam rumor de invadenda Transylvania, deque Principe instituendo percrebuisse, Mathias A) Hungarorum Rex, jus suum tuiturus, Andream Nigronium, obitis legationibus illustrem virum, Byzantium ad Achmetem misit. Is per insolentiam Nasuffis Purpurati, ægre impetrato alloquio Imperatoris, in grandiori consilio præfente etiam Mustio, Principis sui jura in Transylvaniam e Bocskajanis pactorum tabulis recitavit: nempe decedente Bocskajo sine hæredibus, amplissimas ditiones ad Regem Hungariæ devolutum iri. Inde, aiebat Nigronius, *videret Achmetes, ne in alterius possessionem involet, aut principatum sua autoritate, suis armis alicui addicat.* Huic postulato, dici non potest, quanta animorum concitatione intercessum sit. Mustius vir cæterum placidi ingenii reposuit: *eam conditionem admodum sacris Mahometanis adversari, neque Bocskajum Achmetis clientem, tantam habuisse potestatem, ut provinciam non suam, in alterum transferat in scio Imperatore.* Cum Nigronius urgeret, pacta conventa fide jurata confirmasse Achmetem, neque fas esse, ut pro libidine ea rescindantur; protulit Nasuffes longe diversas tabulas, in quibus de Transylvaniæ cessione nihil ex tabat, atque eas sinceras, Nigronii adulterinas, insinceras, concitato sermone aiebat. Et quanquam Nigronius æquitatem causæ, Turcarum testimoniis, qui tractandæ paci interfuerunt, intrepide tueretur; nihil tamen apud pertinaces evicit, ea etiam de causâ, quod secundum fata Bocskaji, neglecto Mathia, duos Principes Procerum suffragiis lectos, sua autoritate in dominatu stabiliverint, ut infra de rebus Hungariæ dicturi referemus. B)

Perfarum Legatio multo infelicior cessit. Supremus Vezirius in Asia, cui nomen Achmetes erat, tædio administrandi belli Perfici victus, clam egit cum Rege; *feciale mitteret Byzantium cum muneribus, fœdus post stragem hominum, urbiumque, post tot calamitates publicas pacisceretur. In re ancipiti, qualis est eventus belli, certa potius eligeret. Se minime ambigere, Imperatorem a turbis, & inimicitiis alienum, cum jactura etiam provinciarum, pacem haud recusaturum. Purpuratos secum idem sentire.* Pronum alioquin ad pacatiora non opus erat pluribus incitare. Et credebat depressum tumore e calamitate rediisse modestiam, nec simulatione usurum Turcam, Byzantium proficisci jussus e Proceribus unus, præter opinionem frigide accipitur in aula; fortassis propterea, quod familiarem inter sermonem comiti itineris (Turca is erat) imprudenter detexerit mentem sui Heri; nisi Achmetes bellum pace composuerit, ut subditorum fortunis, sanguinique parcatur, controversiam de limitibus utriusque Imperii, singulari certamini Principum commissum iri: qua denunciatione exasperatus, pacis consilia constanter respuit. Legatus molliori manu negotium tractaturus, pollicetur Regis sui nomine, quotannis maximam vim serici pendendam Ottomanis, modo Persia veteres suas provincias obtineat, neque arctioribus in posterum limitibus finiatur. Hoc postulatum tam abhorrens ab omni æquitate Achmeti est visum, ut concitator, Legatum protinus in patriam reverti jussit cum nuncio, *nullam Persiæ pacem fore, nisi præsidia omnibus provinciis, quas Turcici Imperatores jure armorum subegerant, deducant. Meminissent nondum Turciæ vires concidisse, neque ex hac expeditione, quæ imparatos, ac aliis bellis occupatos obruerit, bellum omne metirentur.* Nec minæ intra verba steterunt.

1613. Vezirium Achmetem per celeres nuncios admonuit, in Persidem aditum aperiret exercitui, gentem victoriis præferocem tandem aliquando domaret. Sed is fatis concessit ante, quam Imperatoris mandatum in castra allatum fuisset, provinciamque sane perdifficilem Nasuffi Purpurato, genere Albano, reliquit. Interim Persiæ Legatus in patriam redux, triste suorum labo-

A) Anno 1608. inauguratus est, Rudolpho pacis causa de jure suo decedente. B) Annales Ferdinandi.

laborum præmium tulit. Vulgaverant Turcæ impudenti mendacio, eum A. C. tributi loco attulisse copiam serici, adpromisisse præterea in annos singulos 1613. ejusmodi merces, atque summam pecuniæ, modo pax Perfidi restituatur. Insultitas calumniæ etsi ipsa se proderet, tamen vir longe consultissimus non minus patriæ commodorum, quam suæ existimationis studiosus, objectum crimen refellere adlaboravit. Apud præoccupatum, iratumque Regis animum, nihil usque profecit. Dignitatibus aulicis exutus, mox capitis postulatus, Procerum lachrymis ægre vitam abstulit, postquam candenti ferro oculorum acies hebetata A) est. Adeo ARDUUM, limitem æquitatis, aliarumque virtutum non excedere, quando sinistra suspicio in animum dominatur, igniculosque bonæ mentis suffocat.

Provincia gloriæ, & lucri sterili minime delectatus Nasuffes, & for- 1614. tassus validiorem hostem expertus, quam ut fines Imperii invictos præstare posset, obtestatus est Imperatorem, ut salva nominis dignitate, e campo in aulam revocaretur ante, quam admota operi manu, e medio armorum cursu præfectura dejectus, veluti in exilium domum remittatur. Tristia multorum fata, qui jam inde a morte Selymi aula exacti ob minus felicem belli fortunam exemplo esse poterant, virum permoverunt, ut petitionem identidem urgeret, dum Achmetes ratam haberet. Simul, ac in aulam se contulit, primas inter Purpuratos obtinuit quæstuosus cum lucro. Amicorum opera usus, novo rumore Constantinopolim implet: primo vere arma in Europam translatus iri; adversum Christianos, omnium sententia decretum bellum. Perculit is rumor Oratores, qui Principum suorum res Byzantii curarunt; utque grandia pericula, provinciarum vastitatem redimerent, auro, argentoque vanos terrores quisque amoliri contendit. Est isthoc vetus Purpuratorum argumentum: arma, bellum adeo minaciter crepant, ut nec ipsi milites de expeditione dubitent. Eo terrore Legatorum crumenas artificiose emungunt, & nisi quis eo in ludo probe versatus sit, ingentem thesauri jacturam faciet. Et Nasuffes, supremum ea tempestate consilii caput, cum omnia e sententia animi ageret, non dubiam fecerat fidem belli futuri, quod terra, marique haud frigide in apparatus classis, aliarumque rerum incumberet.

Languente bello Asiatico, ad annum MDCXV. Cosaci B) procellæ 1615. instar semet effuderunt in amicam regionem. In mari Euxino quidquid Turcicarum navium repertum, flammis exussere; facta deinde in maritima oppida impressione, eo majori cum tumultu, & formidine arma circumtulerunt, quo viciniore Byzantio fuere. Ea fama excitati Persæ, restauratis animis in Ottomanos movent. Ad urbem Ravan, aliis Revanum, quam Turcæ clausérant, bellum constitit. Valla castrorum propugnaturi, non satis ordinatam aciem tenuerunt. Persæ omnibus locis aditum rimati, feliciter vallis transcensis, in castra penetrant tanta hostium strage, ut Murates Cicalæ filius cum paucis comitibus in tutum ægre evaserit. Hæc dimicatio Turcis adeo infausa pacem peperit. Legatus Persiæ magnifico apparatu Byzantium deductus, aulam ad omnes conditiones pronam reperit, quas victor Rex Achmeti posuit. Summa illarum hæc: *Persæ provincias hoc bello occupatas seu vi, seu deditioe, pleno jure possideant; annis singulis Imperatori quidpiam e serico dependant.* Signatis tabulis, utraque gens ab armis discessit, atque in pristina amicitiae fœdera sub Mahomete II. bellicoso Principe rupta, rediit. c) Fatale hoc bellum, mutuis cladibus insigni, trahabatur seculo uno, & dimidio; maximo orbis Christiani commodo, si conjuratis viribus hostem omnium, omnes invasisent. Nullus jam in Europa Ottomanus, si vires ad Rhenum, Mosellam, Scaldim, Padum infraætæ; Istro, Thracioque Bosphoro admotæ fuissent. Tanta jactura provin-

A) In Annalibus Ferd. lego; Persiæ Legatum a Rege strangulatum, Turcico Legato oculos erutos. B) Brietius Cosacorum irruptionem ante biennium evenisse memorat. C) Pacem hoc anno conclusam locuples author est Sagredo. Quanquam plerique alii, quos consulere mihi licuit, bellum continuatum scribant.

A. C. ciarum restituta pace, quasi clarissimis victoriis limites Imperii ultra Majorem suorum vestigia protulisset Achmetes, e consilio Nasuffis, qui unus apud eum dominabatur, Adrianopolim movit, ac inde triumphanti similis Byzantium. Præter militum distinctos ordines, & Purpuratorum præcipuos tres filii (si fides Joanni Sagredo) paterno lateri adequitantes viscebantur. Cultus opulentiae Asiaticæ non alios magis honestavit. Ipse generoso sonipede vectus inter omnia illius pompæ, luxuria notabatur, adeo vestis auro, gemmisque nitebat. Tam insolens rerum pompa, ea causa adornata fuerit, ut populus magnitudine malorum oppressus, jacentes diu animos erigeret, & Persiæ Legatus visa hac simulata alacritate, atque ostentatione opum, persuaderet sibi, Turciam non minus post diuturna bella, quam ante, satis, superque comparatam ad hostium vim retundendam.

1616. Hanc plausibilem scenam feralis tragœdia Nasuffis excepit. Multorum invidiam incurrerat hujus hominis potentia, ad quam obscuris natalibus ortus, mira felicitate fortunæ pervenit. A Christianis parentibus tributi loco Constantinopolim datus puer, ad vigesimum ætatis annum, apud Eunuchum quempiam præcipuæ dignitatis, bonis artibus excultus, Præfecto aulæ commendatur. Hic delectatus vivida adolescentis indole, quo viam sterneret ad majora, ædificio, quod jussu Imperatoris extruebatur, præfecit. Administrato cum laude hoc munere, ad militiam animum appulit. In Hungaria rebus feliciter gestis adeo inclaruit, ut in Mesopotamia nobilem præfecturam adeptus fuerit. Verum ut AMBIGUO gradu aulicorum fortuna stat, opima regione decedere jussus, non modo non paruit, sed octo annorum curriculo, provinciam suam armatus infedit Byzantio infestus. Fractus ab Achmete Purpurato, cum metuens pariter, ac metuendus rebus novis studeret, desperato successu Imperatori gratiæ se totum commisit.

Non ingrata erat tanti viri accessio, iis maxime temporibus, quibus Persicum bellum obortum est. Dignitati pristinae restitutus, armorum præfecturam, Vezirii A) morte vacuum, cum tanta benevolentia Achmetis Imp. accipit, ut unus arcanorum conscius, & negotiorum arbiter, non Imperatorem modo, verum etiam Imperium sua autoritate regeret, summa libertate omnia misceret. Tanta in aula dominantis gratia Purpuratorum æmulationes accendit, mox in odia erupturas. Querebantur: *Nasuffem apud Imperatorem omnia esse: ad illius nutum omnia moveri; jam vocem Vezirii non secus, ac Imperatoris a civibus juxta, & Persis accipi. Nuper clandestine cum hostibus egisse de iciendo fœdere, illius consilio pulcherrimas provincias ab Imperio avulsas, ac insensissimis nomini Ottomanico Persis attributas, earum accessione tantopere vires excrevisse hostibus, ut labascenti Monarchiæ, aut turpis servitus, aut triste excidium non abs re timeatur. Neglecto Reipublicæ bono, sibi quæstuosam, Turciæ sterilem, imo perniciosam conflavisse pacem. Una hac arte Regias prope divitias coacervasse.*

Hæc primum jactata in privatis Purpuratorum colloquiis, subinde ad Imperatorem effluxere: atque ut DELICATISSIMUS est dominantium sensus, non ea moderatione versabatur in aula Nasuffes, ut non sentiret elatos hominis spiritus Imperator, nimiaque libertate agendi offenderetur. Sed cum existimaret perutilem Imperio haud esse irritandum, hominis arrogantiam pacato animo tulit. Nunc probroso fœdere, & Purpuratorum querelis exacerbatus, noxium patriæ caput, e medio tollendum statuit. Ad eum persequendum, puniendumque Præfecto hortorum, ministro est usus. Ille septem satellitibus acceptis, valetudinem curantem domi suæ circumfistit, jussumque reddere majus sigillum, injecta celeriter zona reluctantem strangulat. B) Thesaurus in ærarium illatus, suspicionem non mediocriter auxit;

Vezi-

A) Achmetis Purpurati, quem in castris obisse narravimus. B) Annales Ferdinandi biennio ante, hanc tragœdiam prodiderunt, alii anno uno serius.

Vezirium auro emptum, communem Imperii causam, dum pax cuderetur, A. C. deferuisse.

1617.

Gemino fœdere restitutam pacem, mors Achmetis nonnihil confudit anno MDCXVII. e præscripto Purpuratorum Imperii habenas moderantis. A) Primi regiminis anni, dum vixit Alys Ægyptius, prospere fluxerunt; eo extincto nihil magnæ rei est gestum. In Asia post plurimas clades, aliquot provinciarum jacturam fecit. Quod si Rudolphus, Rudolphique successor Mathias, minus religiose conventis stetissent, non alio tempore luculentior plaga Turciæ infligi potuisset. Quanquam nemo mortalium, eos violati fœderis reos egisset, si arma ad jus suum prosequendum sumpsisset. Inter conditiones Bocskajo datas, isthæc præcipua erat: *si absque liberis decederet, Transylvaniæ principatus ad Rudolphum recideret.* Illo prope morte sublato, Transylvani Sigismundum Rakoczium Principem suum dixerunt, Achmete per Mustapham Kaputsum insignia more veteri tradente. B) Biennio post, Gabriel Bathorius Rakoczio suffectus, ab Achmete præter Principis honores, leges Hungariæ perniciosas accepit. c) Jamque tum non obscure patuit, Ottomanos jus in Transylvaniam sibi arrogare. Dictatorio modo imperavit Achmetes: *triennio Daci a tributo immunes sint; Turcas e vinculis libere dimittant; suppetias ferant Turcis, cum tempus postularit.* Ipsi Transylvani, si quid litium enascebatur inter cives, & Principem, ad Achmetem, ceu supremum Dominum appellarunt; cum Saxones contra, in ea provincia domicilium nacti suas querelas Mathiæ detulerint. D) Utraque pars justissimas querulandi causas habuit, Bathorius dominatu occupato, omni injuriarum genere in Nobiles non minus, ac plebem grassatus, maxime genti Saxoniciæ gravis fuit. Cibinium, Coronam, Mediam, sive Medgyesinum, hostilem in modum habuit; cives opulentiores, alios suppliciis affecit, alios exilio multavit. Nec mitior in Hungaros erat, e quibus complures equestris ordinis viros, nullius sceleris convictos sustulit.

Igitur Proceres ut ejusmodi impetus reprimerent, Byzantium recurunt, insanum Principem tetrâ adeo coloribus expingunt, ipsi ut barbari principatu indignum existimarent. Sensit ille, quam ambiguo loco res suæ starent. Ne a Gabriele Betlenio, Transylvaniæ proco, omnibus fortunis everteretur, literas dedit ad Ibrahimum Purpuratum, quibus Lippam, & Jenejam Turcis permissurum se pollicebatur, si Betlenium vinctum sibi tradiderint, aut quod mallet, turbatorem tranquillitatis publicæ e medio sustulerint. Sed Betlenius Achmetem, & Vezirium in suas partes jam antea traxit, & non minora stipulatus, quam Bathorius, spem non dubiam principatus obtinendi abstulit eo facilius, quo Ottomani apertius sua jura in Transylvaniam vindicare ardebant. Turcarum Princeps audito Nigronii postulato per Legatum suum denunciaverat E) Mathiæ Hungarorum Regi, in Transylvaniam nullam omnino hostilitatem exerceret, quam Majores sui victricibus armis Orientis Imperio subjugarunt; sibi uni potestatem esse sive Principes, sive Gubernatores illi provinciæ præficiendi. In eandem fere sententiam Budensis Præfectus scripserat Georgio Turzoni Palatino, ni de integro vellent novam tempestatem belli concire, Transylvania abstinere. Itaque Scenderes Purpuratus, acceptis, duodecim peditum, & equitum quatuor millibus Gabrielem Betlenium in Daciam deducit. Bathorius fortunam suam reparaturus, Varadinum se recipit, dumque forte lustrandi militis causa in campos curru provehitur, in insidias præcipitat, atque a conjuratorum globo multis vulneribus perfoctus corrivali suo principatum relinquit.

O o 3

Amplif

A) Priori anno decessisse Achmetem vult Sagredo; sed ex Heirmanni Chernin, Legati apud Achmetem, relatione aliud colligitur. Vide Annalium Ferd. Tom. VIII. B) Anno 1607. C) Anno 1608. D) Anno 1613. Chronicon Hungaro-Turcicum hæc fuisse recenset. E) Annales Ferdinandi Anno 1614. hæc super re multa habent in Comitibus Lincensibus Tomo VIII. Petrus de Réva C. Tirocz. suæ Historiæ de monarchia & S. corona regni Hung. cent. VII. inseruit epistolam ad Achmetem datam nomine Cæsaris, anno MDCXIV. die XXVII. Maji.

A. C. 1617. Amplissimis literis Soltani, stabilitus in provincia Betlenius, promissis suis, ac Turcarum expectationi minime respondit. Nam neque Lippam, neque Jenejam, praesidia ex foedere pacta, iis tradiderat, sive quod locorum Praefecti repugnarent, sive quod conditionis liberaliter initae eum poeniteret. Gravi epistola objurgatus, ut quibus artibus dominatum obtinuit, iisdem etiam in posterum servaret, profusis largitionibus Purpuratos sibi devinxit, & utramque arcem non multo post Ottomanis cessit. A) In hunc modum Achmetes Daciam sibi asseruit non minori probro Principum, sub servitute Ottomanorum degentium, quam incommodo vicinae Hungariae. Quippe quoties deinceps libuit, toties ex ea regione, veluti armorum sede, in Hungariam populabundi irrupere. Doluit equidem istud Mathiae, sed ne regnum e veteri busto vixdum restauratum, novo incendio involveret, temporis serviendum duxit, neque de Transylvania cum Legato Mahomete Kihaja quidpiam agi voluit in senatu. Venerat is anno superiore Budam nullo munere, quod tamen juxta conventa Caesari offerendum erat, instructus. Negavit Caesar recepturum se Legatum, nisi Achmetes huic conditioni steterit.

Dum ultro, citroque Byzantium Cursores commeant, annus labitur. Acceptis tandem muneribus iter ingressus, duodecima Maji Viennam pervenit. Mathias Comitiorum causa Pragam abiturus; qui veteres controversias cum Kihaja componerent, viros delegit quinos singulari prudentia, ac multo rerum usu Europae notos, Franciscum Forgachium, Melchiorem Kleiselium, Salmium, Mollardum, Althanum. Legatus de sincero pacis conservandae desiderio pauca praefatus, Imperatoris sui nomine ea oppida repetiit, quae ad arces ab Ottomanis captas, & modo possessas olim pertinerunt: ita ajebat mutuis populationibus, incendiis finem impositum iri, nec miseros agricolas hostiliter diripiendos, si nimirum praesidia certis limitibus circumscribantur. Conciliatores etsi quam vehementissime huic postulato repugnarent, quod praeviderent, multa oppida B) in eorum potestatem cum incolis, vestigalibus ventura, postremo tamen cedendum fuit. Porro pax prorogata in viginti annos, Turcis finitima loca incredibilem gaudio affecit.

Altero anno Hermannus Chernin Constantinopolim missus, inauspicato legationem obivit. Nobili, ac frequenti comitatu stipatus, explicato grandiori vexillo, clangentibusque signis praeter morem urbem ingressus, ingenti tumultu oppidanos excivit. Prope erat, ut Legatus cum suis a furentibus e vestigio cederetur. Purpurati arrepta criminandae opportunitate apud Achmetem, occultae conspirationis postulant Hermannum, juratique affirmant: *specie legationis non paucos Christianos Graecorum, Hebraeorumque more vestitos Constantinopolim, Galatam confluisse; vim armorum in claustra, ac templa Christianorum comportatam; Graecos non ita esse abjecti animi, ut recurrente identidem veteris fortunae imagine, non continuo ad dominatum aspirent, si occasio se offerat; Cosacos clandestina societate devinctos terra, marique volitare; facile a tot hostibus urbem de improviso intercipi posse.* Haec accusatio, quanquam male cohærens, eam vim habuit apud Imperatorem, ut ipse cum praetorianis cohortibus nocte integra urbis vicos obiret, capita viarum praesidio firmaret, sex Patres Societ. Jesu Religionis causa Galatae degentes, in ergastula concluderet. Galliae Oratori debebatur, quod innocentum sanguini sit parsum, Patresque pristino muneri redditi persoluto lytro. At Hermannus tanti tumultus causa, perangusto hospitio inclusus, ægre Achmetis alloquium obtinuit. Petita subinde venia ad Mathiam redeundi, nec impetrata ab irritato Imperatore, annum unum Byzantii inter spem, & metum transigere debuit. Pragam redux, quid emolu-

A) Anno 1615. B) Annales Ferdinandi inter conditiones confirmatae pacis numerum oppidorum silentio praetermittunt. Chronicon laudatum de centum sexaginta quaestionem fuisse, atque sexaginta Turcis tradita. Historia Regni Hungariae L. II. centum praeter sexaginta hostibus concessa meminit.

emolumenti tulerit non satis prospere obita Legatio, facundâ narratione ex-^{A. C.}posuit. A) Sopitis in hunc modum litibus, Achmetes ut supra retulimus,^{1617.} supremum vixit sexto decimo Novemb.

Erat Princeps haud multum bellicosus. Ab aulae ministris *perinde*, ac hostibus suis male traductus. Quantum laudis apud cives obtinuit initio regiminis, ob pulsam aula seniore Soltanam, tantum dedecoris sibi comparavit, dum post fata Aegyptii Purpurati, e pessimorum arbitrio Remp. rexit; docuitque: SUB IGNAVO Principe succedere alios homines, non item alios mores, atque ingenia. Rei militaris admodum rudis habebatur. Unde perpetuo in aula desidem inter hilaria vitam egit; & si maxime voluisset in bellum proficisci, morbi ex ordine sibi succedentes obstabant. Hos per epulas intemperanter adgestas, nimiasque computationes acuit. Sic vires ingenii, & corporis pares omnino erant. Et quemadmodum ipse a corporis, animique dotibus parce instructus, non secus copiarum Ductores, turpissimis vitiis deformatos censuit, ac plerumque praeliis inferiores. Asiatica seditio, ac bellum Persicum, facile centum sexaginta Turcarum millia, id est robur Ottomanicæ militiæ hausit. B) Inter has publicas clades, ac privatas calamitates honoris tenacissimus fuit, & propterea reluctanti similis, cum Hungaris pacem inivit, quamvis a Persis vehementer attritus. Transylvanorum Procerum factiones novis irritamentis fovit, certus alterutram partem apud Byzantium opem quæsituram, seque inter dissidentes dominaturum. Per sævitiam, ac libidinem jus Principis servili prorsus ingenio exercuit, iræque impotens, multos criminibus confectis mactavit suppliciis. Natura vecors, inutili cunctatione agendi tempora consultando consumpsit.



M U S T A P H A S . I.

I M P E R. O T T O M. IX.



Que amicorum e carceris pedore eluctato Mustaphæ, non ea vis animi, atque ingenii erat, ut in Asiam, Europamque late diffusum Imperium moderaretur, curasque divideret; aut pro dignitate nomen Imperatoris sustineret; sive hanc debilitatem mentis, a conditione nascendi traxerit, sive malis artibus fraternis, semina bonæ indolis in teneriori ætate suffocata fuerint, sive denique diuturnior custodia, ac solitudo (recurrente assiduo ferali mortis imagine) sanitatem mentis ademerint. Erant fortassis inter familiares Mustaphæ nonnulli ea opinione imbuti, Principem adolescentem longe alium ingenio esse, quam cujus indicia præferret, & veluti alterum Brutum c) ad imitationem stultitiæ factum, contemptu sui (ubi in jure nihil præsidii sensit) Imperium accepturum tempore suo. At fefellit opinio universos. Cum enim fulgore tantæ Majestatis perstrictus, ipse suam fortunam non caperet, amenti similis non modo per se nihil dignum Imperatore egit, sed nec ea, quæ in rem, & publicam monarchiæ salutem essent, per suos Purpuratos agi volebat. Multa non simulatæ stultitiæ argumenta in dies edidit, seque aulicis ridendum propinavit. Gemmæ immensi pretii adeo viles huic ignavissimo stoloni erant, ut terræ allisas pedibus conculcaret; aurum, argentum in vicos sine discrimine ejiceret: nonnunquam ferro arrepto obvios propelleret, cæsim, punctimque domesticos feriret. Sed non alias luculentiora emotæ mentis

A) Annales Ferdinandi ad annum 1616. B) Joannes Sagredo L. X. C) T. Livius Patav. D. 1. L. 1.

A. C. tis indicia prodidit, quam quod mendicabulo stipem petenti innuerit, se illi
 1617. literas traditurum, quibus Christianorum Imperatorem ad sceptrum Byzantinum capeffendum arcefferet. Cum præterea crudeli Imperio in primores urbis sæviret, Purpuratos contemptim haberet, defidiæ, computationibus dies, atque noctes vacaret, Vezirius, atque Mufftius inito confilio cum Purpuratis, monftrum omnibus invifum ergaftulo reddiderunt. Ita trium menfium fpatio circumactò, regimen fuum abfolvit hiftorio verius, quam Imperator.

1618. Reliquerat Achmetes tres a) filios nondum Imperio pares. Ex iis Osmanni, annum duodecimum agenti, sceptrum Orientis porrigunt. Non placuit, quam prævidebant futuram, regiminis forma civibus Byzantinis, ac cæteris Reipub. amantioribus. Superiorum decurfu temporum didicerant, quoties Imperatores alieno fub imperio, & tutela folium infedere, toties domi, forifque Rempublicam decumanis fluctibus agitatam. Purpuratorum avaritia ærarii vectigalia in fua commoda derivata: ambitione, adulatione (communi Miniftrorum vitio) aulam laboraffe: & quod caput malorum, Principis indolem peffimis artibus plerumque corruptam. Repetebant ad hæc memoria bello, & confilio præftantiffimos Imperatores, quorum ductu, atque auspiciis magnam terrarum partem fubjugarant. *Mahometes II.* inquiebant, *duo Imperia, bis centenas urbes, duodena regna Monarchiæ Turcicæ inferuit, Selymus I. quatuor non amplius annorum curriculo pugnaciffimam Mamaluchorum gentem evertit, Syriam, Palæftinam, Arabiæ, Ægyptique aliquot provincias fub jugum mifit. Solymanus II. Rhodum infulam, Belgradum, Budam Chriftianæ Reipublicæ prima præfidia, Babylonem cepit, Perfæ domuit.* Et reapse fi quis hos orbis terrores conferat cum poftremis Imperatoribus, facile animadvertet, minoribus impendiis, pauciori militum manu, dominatu arctius conclufò, multo maiora in campo feciffe illos, quam ifti vel tentare aufi fuerint. Statim a Conftantinopoli capta, incredibile eft, quantum brevi populus Ottomannicus creverit. Mahometes cupiditate gloriæ in immenfum flagrans, unius Imperii limitibus concludi fe minime patiebatur. Hic primus rigore difciplinæ militiam excoluit, juventutem belli patientem figna fequi, ordines fervare, frontem hofti obvertere militaribus præceptis condocéfecit. Idem Janicfarorum phalangem (robur haud dubie Turcici exercitus) primus instituit, quæ proceffu temporis, delectis capitibus, ad eum gradum virtutis bellicæ pervenit, ut robore animi, ac corporis, arte dimicandi nihil cefferit Romanorum Triariis. b) Hoc Imperatore, talibus viris non militia gravis, non labor infolitus, non locus ullus afper, aut arduus erat, non armatus hoftis formidolofus: virtus omnia domuerat. E difciplina hujus Mahometis, Imperatores aliquot, martiali calore & ipfi accenfi, pugnaciffimum militem fub fignis habuere. NEQUE enim generofus exercitus Ducis unius fpiritu vivit, ut eo decedente virtus omnis langueat. Igitur miles par Imperatoribus fuis, unam virtutem præ oculis habuit. Cum hoftie cominus congredi; urbes impugnare; mænia incendere; inedia, hyemem, folem ferre in deliciis numeravit.

His adminiculis ubi Monarchia Ottomanorum in Afia, Africa, Europa in dies incrementa cepit; populi, armis quondam inclyti, bello domiti, urbes arte, & natura munitæ vi fubactæ, Veneta Reipub. ad pacem compulfâ, terra, marique omnia cederent, fecundæ res primam Imperio labem attulerunt, fuccedentium Imperatorum defidia, nimix cupiditates fortunam everterunt. Sub Mahomete III. ingens illa Orientis potentia inclinari eft vifâ, quod juventute inter luxuriæ inftrumenta tradueta, animum deliciis enervatum folio intulerit. Depravato capite, neminem puduit
 Purpu-

a) Osmanen, Amurathen IV.; & Ibrahimum. Alii feptenos numerant, quorum nomina intercederunt. b) T. Livius Patav. D. I. L. VIII. Genus hoc militum fortiffimum erat. Ultini in aciem educebantur, fi ancipiti pugna certatum. Inde rem ad Triarios rediiffe, cum laborabatur, proverbio increbuit.


Purpuratorum vitiis potius, quam virtute inclarescere. Ea tempestate Si-A. C. nanes, & Ferhates, duo principes viri, ambitione, avaritia celebres, cum 1618. Soltana imperiosa Domina aulam rexerunt, amicitias, inimicitiasque non ex re, sed commodo suo æstimantes, Imperii vires debilitarunt. Ita Stephano Bathorio, Transylvaniæ Principe, fastu Sinanis a Turcis avulso, Byzantium rerum penuria ingruente seditionibus multo tempore duraturis miscebatur. Vezirii inter se commissi jurgia, lites exercebant, alter alterius auctoritatem eversum ibat, quoad Ferhates arte inferior, æmuli odiis cecidit, & Sinan non multo post aula proturbatus. Nempe MALE SIBI consulunt publici neglectores. Factione istorum militaris disciplina, quæ ad eam diem floruit, magnam partem labefactata est.

Cum enim non Soltana modo, sed armatæ militum voces ad obtinendam, aut conservandam armorum præfecturam non leve pondus haberent; quo sibi devinctos, fidosque facerent, contra Majorum morem multum rigoris dempserant. Inde vitia quasi pestilens contagio, Præfectos perinde, ac gregarios invaserunt. Feroces illi animi, Præfectorum indulgentia sibi relictæ, veterem disciplinam per intervalla exuerunt. Et revera Mahometis, de quo dicere institui, regimen nihil reddidit infame magis, quam milites sui; qui renovata sæpius seditione, & vires ipsi suas attrivere, & statum labascentis Imperii inimicis prodidere. Ex quo non mireris, a tot hostibus fuisse uno eodemque tempore Ottomanos vexatos, & Achmetem nobilissimis urbibus in Oriente spoliatum, partim ignavia militum, partim Natuffis collusionem. a) Hæc dum altius perpendunt amantiores Reipublicæ, & fortunam suam cum moribus immutatam dolent, Imperii curas ad optimum quemque transferre cupiebant. At Osmannes, vetus Ottomanorum sanguis b) præteriri non potuit, neque ea conditio temporis fuit, ut de sanandis vulneribus cogitare liceret. Purpurati eo celerius Imperatorem salutaverunt illum, quo certiori spe lætabantur, se iterum non minus in Adolefcentem, quam vectigalia dominaturos.



O S M A N N E S I.

I M P E R. O T T O M. X.



Ec quietum, nec diuturnum regimen obtinuit Osmannes, præferocis animi Princeps, & non minus suis, quam hostibus gravis. Excusso Purpuratorum jugo initium regnandi fecit, ostenditque eo facto, se non alieno, at suo duntaxat consilio Rempublicam moderaturum; quod immaturum ei fatum attulisse videtur, vixdum profligato Polonorum bello, cujus occasio hæc erat. Cosaccorum gens, ut supra narravimus, per ea tempora jam terra, jam mari prædabundis agminibus omnia circa Byzantium infesta reddiderat, tanto quidem majori Turcarum ignominia, quanto leviolem hostem audacter incurfantem litora, otiosa fronte aspexere. Cum quotidie fumo ex incendiis, fugaque agrestium, & nautarum urbs Imperatoria tumultus cieret, & cives prope obsessi, non auderent oppido egredi, visum est Osmanni prædones, prædarumque fautores non ad Byzantium, sed in Polonia, hostili terra ferro, & flamma ulcisci. Multorum quippe animis ea opinio infederat, e factione Polonæ Reipublicæ, nubem illam Cosacco-

Imp. Ottom. Tom. I.

P p

rum

a) Vide de his res gestas Mahometis III. & Achmetis I. b) Inspice Principum stemmata ab Antonio Albizio Nobili Florentino collecta cum brevibus ejusdem notationibus, æri incisa Augustæ Vindelicorum.

A. C. rum in Turcarum regiones concitari. a) Atque hic aculeus tam alte infixus 1619. erat etiam Imperatori, nulla ut ratione deinceps evelli potuerit.

Antequam Polonos hostes pronunciaret, conventum solito celebriorem apud se indixit, non tam sententias aliquorum, quam affectus exploraturus; simul ne invidia laboraret apud plebem, si suo tantum consilio, bellum decerneret in populum, per tot annos nihil hostile in Ottomanos moventem. Purpuratorum plerisque invisum erat Polonicum bellum. Calil maris Præfectus, in eam sententiam propendebat; classem armatam immitteret potius in Hispanos, veteres hostes, & ambigua fide foederum custodes. *Nuper in Africam* (dicebat) *eorum classem vela fecisse, novamque bellorum materiem & dedisse, & quævisse.* *Intensissimæ curæ Præfectorum deberi, quod ingens illa procella, nullo illato Africanis urbibus damno, resederit.* *Fas jam esse Osmanni foederum violatores domi suæ opprimere; Hispaniam alioquin colonorum vacuum, facile ab instructissima classe domitum iri.* Super hæc addere parantem, Cussaines purpuratus (ut fors sui Principis animum altius inspexit) interpellavit; monuitque maritima bella sustineri diu non posse per ærarii angustias. Quanquam istud ea de causa dixerit, quod certum, exploratumque haberet, Imperatorem armorum præcupidum in castra proficisci velle, vetitum tamen lege patria, ut caput Imperii, mari, infido adeo elemento, semet concedat. Flexo deinde sermone (in quo discrepabat ab Osmanne) in Hungaros, aut Persas bellum continuandum suavit. *Utramque regionem, dicere perrexit, magnis exercitibus alendis opportuniorem præ Polonia, si acerbior fortuna res Ottomanorum affligeret, in promptu adesse præsidia, quos fugitivi recipiant. In longinquis, nudisque Poloniæ campis, etsi nullus hostis occurrat, vel annonam carpat, aut ad latus incedat, omnia intuta.*

At Alil Vezirius, tanto alienior a belli consiliis, quanto certior Osmanem copias ducturum, si arma tractanda; otium tum militi, tum exhaustæ patriæ pernecessarium aiebat. Et iusta sollicitudo virum, cæteroquin ingenio minime frigido, veterem militiæ angebat, ne e ductis exercitibus ad integrum bellum conficiendum, Asiæ turbatores novo tumultu, priori vixdum sopito, Turciam incenderent. Ad hæc *negavit decorum, aut conducibile, Imperatorem maximæ monarchiæ latrocinia verius, quam justum bellum Cosaccorum vindicare velle, quibus ut ad populandos finitimorum agros, testaque urenda vis sit, ita in acie, ac collatis signis nullam omnino esse.* Nam si Mustaphas, inquit, nuper exauthoratus nobiscum simul deliberraret, quid aliud tibi persuasum cuperet, quam ut hoc bello te, patriamque impliceres, ut legionum robore in Europam, aut Asiam deportato, tu ipse eo proficiscaris; Byzantinam aulam alterius fidei, curæ gubernandam committas: hoc est, ut per tuam absentiam hominum turbulentorum fraudes, machinationes ad maturitatem perducas; ad quamcunque motæ multitudinis auram, throno excidas. **PLEBS** seditionibus innutrita mobili impetu fertur. Jam in hunc, jam illum sua studia transfert. **NULLUM** profundum mare tantos ciet fluctus, quantos multitudo motus habet. **QUEM** cras oderit, hodie in amoribus, in deliciis numerat. Tua adolescentia, Imperator, in tuo Fratre exemplum vidit humanæ inconstantiae. Falleris, si existimes, te ita occupasse dignitatem Imperatoriam, nulla ut vis, nullæ insidiæ eam eripere valeant. **NIMIA** securitas plures Principes perdidit, quam inimicorum arma. An putas omnes tibi fide integra devinctos, quos tecum in aula versari intueris? erras Osmanes, & vehementer erras. Multi lateri tuo affistunt, te comitantur, quorum animus cum Mustapha degit. His ut præmeditatum scelus exequendi occasionem præbeas, author utique non ero. **ALIENO** exitu moneris, quid tibi metuendum sit. Ingrata oratio tantum iræ concivit tumido Juveni, ut arrepto, quem pendulum gestabat, cultro, Vezirium vanis ictibus, petierit. Igitur consilium suorum aspernatus, in Poloni-

a) Polonico bello causam dedisse Cosaccos, illorum temporum Scriptores, qui quidem ad manum erant, testantur.

lonicum, quod diu coxerat, bellum præceps ruit. Alil ingravescente in dies A. C. valetudine prostratus, percussus insuper designatione belli, post unum, alte- 1619. rumve mensem curas humanas exuit. A)

Hujus locum Calil Archithalassus, autoritate, gratia apud Osman- 1620. nem nihilo inferior Alile, & quinquaginta nummum aureorum millibus, in belli subsidium ultro oblatis accepit, qui rursus in Hispanos irritare Imperatorem contendit. Verum ille eos hostes prosequendos dixit, quorum incursionibus miseram, intutamque pacem domi haberet. Decreta in annum sequentem expeditione, provinciarum Præfecti omnes ingenii, industriæque vires explicuere ad apparatus faciendos, quo in novi Imperatoris gratiam semet insinuarent. Miles prisca severitate lectus, numero ingenti Adrianopolim confluit. Rex Tartarorum commonefactus, ut copias exeunte hyeme promoveret, sexaginta suorum millia adduxit. Betlenius ex fœdere jussus, armatas legiones in promptu habere ad Poloniæ limites, ne quid auxilii a Cæsare hostis acciperet, non obsecutus est modo petitioni, sed præterea formidoloso exercitu Hungariam pervagatus, Austriam, Moraviam, Bohemiam sævissimis populationibus afflixit. Rebus ita comparatis, veritus Osmanes, ne quid turbarum daret per absentiam suam Mehemetes (nam a Mustapha ob ignaviam, & corruptum ingenium nihil metuit) junior frater, eo se metu liberare statuit; suspicione præsertim ductus, quod popularem auram nimis quam avide captaret incautus. Et quamvis amicorum nonnulli, quibus haud perinde crudele consilium probabatur, persuadere homini adniterentur, ut ne fraterno sanguine famam macularet, tamen contemptim habita amicorum monitione, & suoapte ingenio ab aliorum consiliis, si ultro præsertim offerrentur, aversus, in conspectu Nobilium, nullius sceleris manifestum, trucidari jussit. Hoc metu exolutus, multo ardentius in Polonos ferebatur, quos per Duces suos in Moldavia fufos, fugatosque intellexit, interfecto etiam Cancellario regni, qui Gratiano Vajvodæ in auxilium festinarat. B)

Infaulta expeditio prope Adrianopolim significata est. Cum etenim 1621. præferoci equo vectus, pontem superare vellet, quatuor Dervisii laciniis male tecti viam obident, ac stipem efflagitant. Sonipes hoc hominum monstro perterrefactus, prope sessorem suum in præterfluentem effudit. Inter eam agitationem, dum pileus gemmis, plumisque peregrinis mire ornatus decedit, sinistro omine spectantium animos complevit; nempe amissurum aliquando Osmanem Imperii insignia, sive illa charitas fuerit in Principem, sive jam tunc fortunæ casum in suas machinationes liberaliter traherent. Hoc defunctus discrimine, numerosum exercitum, C) quem unquam vidit Turcia, Poloniam versus lentis itineribus movit. In Podoliam fertilem agrum, illati Tartari rapidissimo cursu, crebris incendiis, omnique hostilitate longe lateque grassabantur. Poloni partim rumore belli, partim crepitantibus flammis circum vicinas regiones, excitati, pro aris, & focus dimicaturi, incensis animis in campum, & arenam descendunt. Palatinus Vilenensis, copiarum Ductor, vir belli, domique inter suos præcipuus, ut hostis viribus præpotentis, primos calores restingueret, universo certamine abstinendum ratus, multa accuratione, ubi castra figeret, locum circumspicit. Ad Tyram fluvium eminentiores colles occupat, & natura alioquin probe munitos, vallis, ac tormentis formidandos reddit. Mense Augusto exeunte, Osmanes immensam multitudinem suam, prope Polonorum castra explicat, utque initium victoriarum faceret, Cosaccos libero campo tendentes, aggredi statuit ante, quam castra Polonorum intrarent. Res prodita, Turcis cladem, Cosaccis victoriam attulit.

A) Hæc ex Joanne Sagredo desumptimus. B) Chronicon Hungaro-Turcicum, Brietius, Annales Ferdinandi. C) Si fides Scriptoribus, quadringenta millia fuisse traduntur, præter Tartarorum manum.

A. C. Interim Uladislaus Sigismundi Poloniæ Regis filius, cum recentibus
 1621. copiis advenit, suorumque animos ad defensionem castrorum inflammavit. Cum animadverteret Osmannes providum Ducem, haud descensurum in planiora, & ingravescentem in dies famem, moram longiorem non ferret, placuit uno impetu castra hostium oppugnare, quibus captis, speravit plenam victoriam semet relaturum, nec refugis tota Polonia asylum superfuturum. Majori, quam ominabatur, impendio opus aggreditur. Repetitis vicibus in colles eluctati Janicsari, omni telorum genere obruuntur. Centum a) armatorum millia variis cladibus hausta, a Scriptoribus perhibentur. Jactura tot fortium virorum dici non potest, quantam desperationem militum reliquis injecerit. Unius Osmannis præfervidus ardor, inter suorum funera eatenus infringi non potuit, dum viribus multo superior, quasi victoriæ securus sibi videbatur. Verum ubi rumor increbuit, Sigismundum Regem suis venturum suppetias, & Janicsari seditiosas inter voces, abitum e castris flagitarent, ne cladem clade cumlaret, aut ipse domesticorum odiis, sceptrum, & vita spoliaretur, Polonos in tempore de pace compellavit. Illi contenti gravissimum hostem e civium cervicibus depulisse, inconsulto Rege faciles eam dant, accipiuntque conditionibus adeo parum quæstuosis, ut victoriæ fructum retulerint nullum. Summa illarum hæc fuit. *Pax in annos viginti esto, & injuriarum oblivio mutua. Cosaccos auctoritate sua cohibeant, ne mari aut terra Turcarum provincias incursent, Tartarorum gentem pariter ab Osmanne frænandam, ne quid hostile in Poloniam attentet. Chocimum urbs Moldaviæ restituatur. Captivi sine lytro partibus suis reddantur.* b)

Precario impetrata pace, Osmannis castris solutis, Constantinopolim redit inglorius, non tam incusans sinistram fortunam, quam suorum ignaviam. Pudit Adolescentem stolide ferocem, a Polonis, & Cosaccis victum abire, quos uno impetu proterendos existimavit. Istud tum ingens multitudo, tum varius apparatus bellicus persuaferant. Sed miles pristinae virtutis immemor, multum recesserat a veteri disciplina, præprimis Janicsari, quorum dextris tot celebres victoriæ, sub priscis Imperatoribus partæ. Quod cum crebro acerbioribus dictis palam exprobraret Osmannes, adeo animos eorum a se alienavit, ut multi rupta religione sacramenti, Imperium, auspiciūque abnuerint. Vehementius dein exarsit Constantinopoli seditio, ob stipendia aliquot mensium nondum persoluta. Imperator sive difficultatem ærarii causatus, sive potius militarem licentiam castigaturus, imprudenter ea distulerat. Inde furiose officinas mercatorum perfringunt, prædæ tantum efferunt, quantum singulis libido suavit. Nondum Osmannes seditionum furori cessit; adeo dignitatis suæ tenax erat. Jubet Janicsarorum, & Spahiorum quatuor millia a prætorianis circumfundi, ac armis ademptis militia exui. Mirum! quantum apud barbaros auctoritas armata valuerit. Seditiosi, corona prætorianorum circumdati, metu torpentes arma illico ponunt, seque potestati Imperatoris permittunt.

1622. Hic terror pluribus incussus, paulisper militem ad obsequia revocavit, Osmanni otium dedit, nuptiarum solennia cum Mustii filia celebrandi. c) Nacta est illa perquam liberale ingenium, quod subinde parentis disciplina excultum, celebri fama per Byzantium volitabat; ut vulgo crederetur tantum morum candore, senili prudentia cæteris anteire, quantum decore formæ illius ætatis puellas excederet. Nemo erat, qui Osmannis votum non continuo probaret. Sperabant enim consilio Soltanæ, turbidum, ac interdum desperatione agitatū, ad saniorē mentem reducētum iri, probe intelligentes, ADOLESCENTUM animos facilius amore subigi, inque diversa studia flecti posse, quam precibus armatorum. Spem eam paucis ab

Hyme-

a) Brietius. At Volfgangi Drechseri Chronicon Saracenorum, liberali calamo sexaginta millia addit, atque: omnes signa collata fuisse, quod nemo Scriptorum, quos adire licuit, prodidit. Fortassis tota expeditio centum sexaginta millia absumpserit. b) Hæc, aliæque apud Joannem Sagredum copiosius reperies. c) Chronicum Hungaro-Turcicum.

Hymenæo diebus contumax Imperatoris animus abrupit. Consilium cepit A. C. Mecham proficiscendi, Mahometi Prophetæ, ut aiebat, votum soluturus, 1622. quo se obstrinxerat, dum in Polonos duxit. Perculit tam longinqua profectio Soltanam, quæ facile prævidit, quam tempestatem in caput suum conflaret Imperator, si vel tenuis rumor ad plebem efflueret. Quapropter omnem lapidem movit, quo homini in exitium suum ruenti, mentem eximeret. Idem agebant amici, sed frustra.

Res primum in aula clam agitata, mox per urbem vulgata, varios hominum motus, & sermones excivit. Alii dicebant: tædio, pudoreque victum, ob male administratum bellum, suorum civium vultus evitare velle: alii seditionibus militum offensum, cogitare novos exercitus in Asia conscribere, quibus veterem militiam, disciplinæ impatientem, penitus disjiciat, atque in ordinem redigat; denique alii) ut PRONI sunt in suspicionem animi) in eam opinionem sunt lapsi, Osmanem alibi terrarum, Imperii sedem fixurum, Constantinopoli seditionum perpetua altrice deserta. Quod cum constantius magis, quam verius Purpurati jactarent, milites perinde, ac cives in eum armarunt. Forte per eos dies eatenus expertæ fidei Ministris, arcanas literas concredidit, quas ad Præfectum Ægypti scripserat, de transferendo in urbem Mempheos Imperii domicilio. Isti dum secretum eadem fide aperiunt sibi amicissimis (nam VIX ULLUM reperias, qui tantum non credat uni familiarium, quantum sibi in amicas aures dictum) & hi rursus aliis, haud longo temporis tractu, quod arcanum singulis erat, frequentissimæ urbi publicus rumor fuit. Auxerunt suspicionem naves aliquot in Byzantino portu, quas auro, argentoque, & pretiosiori supellectile ornatas, in Ægyptum jussit solvere. Atque istud fugæ consilium manifestum prodidit. A)

Jam plebs armatis militibus intermixta, maritimos portus, urbis principes vicos occupavit, ne quis exitus ad fugam pateret. Sed nusquam major hominum concursus, quam ad aulam Imperatoris. Huc pars seditiosorum delata, longe alia, quam primo instituerant, via grassabantur. Creverant in dies animis, numeroque, posteaquam senserunt, ab Osmane palam defecisse Purpuratos, & nonnisi paucos familiarium cum magno Vezirio, infelicis causam neglectim, aut timide tueri. Cum omnia difficultatibus impedita, atque inexplicabiles exitus videret, præceps, inconsultusque Osmanes, sapere tandem videri voluit. B) Per internuncios seditiosorum Duces ingentibus promissis onerat, si positis armis cætus perniciosorum hominum dimittant, pristinam tranquillitatem civitati reddant. C) Frustra omnia fuere. Nullæ preces, nulla Majestas furentium impetum coercuit. Ad cædem deposcunt Vezirium, cæterosque, quos sive fides in Principem, sive inopinatus casus in aulam compulit. Actum erat de salute omnium, ni copiosus imber repente effusus agmina armatorum solvisset. Altera dies nihilo pacatior erat. Repetunt turbulenti multo acrioribus animis, quam ante, arenam suam, quasi per insomnia noctis iras exacuissent. Navigia, quæ in portu stabant, Imperatori fida, in altum vela facere cogunt, ne perfugium in iis haberet. Conjunctis postea viribus in aulam irrumpunt, refractisque foribus, in interiora domus conferti penetrant, unoque ore Mustapham nuper exauthoratum, Imperatorem proclamant. In Eunuchos, domesticosque Osmanis, cum inter micantia Janicsarorum tela metu torpentes, ubi locorum esset, nescirent, aut prodere nollent, rabiem non segniter effundunt. Vezirius ratus concitatam multitudinem se complacaturum occursum suo, inconditis vociferationibus, ac maledictis appetitus, strictis mucronibus confoditur. His cædibus perpetratis ad investigandum

P p 3

Musta-

A) Chronicon, & passim scriptores, quanquam apud nonnullos altum de literis silentium. B) Seditionem istam varii varie literis prodiderunt. Multa reperies Tomo IX. Annalium Ferdinandeorum. C) In Chronico Hungaro-Turcico lego ipsum Osmanem e loco altiori seditiosos superbe allocutum, neque dum majestatis Imperatoris oblitum. Ex quo magis incitati, quam erisi sunt telam, pertexerunt. Non congregat apes, qui es laceffit.

A. C. Mustapham conversi, opperientem fata sua ultima, in teterrimo carcere 1622. reperiunt.

Illuc jussu Osmannis, ut primum tumultus fieri cœpit, coniectus erat lenta fame enecandus. In lucem protractus ob squallorem vestis, fœdiorumque corporis habitum, pallore, ac macie perempti, omnium oculos in se convertit. Ad hoc perpetuus angor, fame (crudelissimo mortis genere) amittendæ vitæ efferaverat speciem oris, ut multi ambigerent, verusne, an falsus Mustaphas esset? noscitabatur tamen in tanta deformitate a suis olim domesticis. Inter tumultuantium manus, per attritas longiori inedia vires, collapsus, frigidæ haustu, cibisque refocillatur. Eodem tempore Osmanes, in obscuro conclavis loco repertus, ut hostis, proditor patriæ vincitur, & cum inter frequentia animi deliquia se humi volutaret, strigoso equo impositus ad septem turres deportatur. A) Ni custodes petulantiam plebis cohibuissent, immani rabie discerpendum credebant, adeo ignavo cuivis crescit confidentia, etiam in Principem a fortuna desertum. Paucis post diebus Dautis Vezirius nominatus, author est Mustaphæ, ut captum mori juberet, a quo nuper Imperio, & tantum non vita spoliatus erat. Daret istud Imperii Turcici tranquillitati, nec famam clementiæ anteponeret, suæ, aliorumque salutis. Decretam mortis sententiam haud perinde ac fortem, generosumque Principem addecebat, excepit. Rudi vociferatione, inconditis gestibus morabatur carnifices, ore, manu, pedibus accedentes repellebat. Mente motum dixisses, adeo perturbate ad prorogandam vitam omnia adhibuit. Illi finem facturi tragœdiæ, strenue decertantem in sui defensionem, humi præcipitant, ac fune injecto strangulant. Hunc finem habuit ferox Osmannes, quem sola pervicacia odio populi objecit, ac perdidit, nondum egressum annum ætatis vicesimum, & primum.

Restitutus Imperio Mustaphas, & breve, & turbulentum regimen est nactus. E consilio Dautis Vezirii, Amurathem Osmannis fratrem, admodum adolescentem interficiendum constituit. Sicarii ad clamorem tenelli Principis prodi, fugam capeßere coguntur. Ex quo non minor in Dautem, quam Mustapham invidia conflata. Auxerat eam apud populum cædes Osmannis intellecta, posteaquam ira mente decessit, & magnitudinem facinoris, in Imperatorem attentati sœra æstimatione perspexit. MALE humanis ingeniis natura consuluit, quod plerumque non futura, sed transacta perpendimus. Et populus sive a se amolens crudele factum, sive ex odio Dautis, omnia pro arbitrio agentis, sive nova barbarum fomenta arripiens, maioribus iris, quam luctu, funestum Osmannis finem doluit, maxime viso illius cadavere, quod Mustaphas in aulam allatum funebri pompa sepeliri mandavit. Ad hæc recens inauguratus Princeps, cum rursus ad insaniam rediret, & quotidie everse mentis manifesta argumenta ederet, de Imperatore eligendo consilia cum Purpurati, tum populus miscebant. Dautis tempestati imminenti subducturus caput suum, præfectura armorum abdicata, successorem accepit Chussainem.

Hic Janicsarorum Agam, quem non abs re barbarum auctorem existimavit, exilio multatum Scutarim ablegat. Miles tam apto instrumento ferendis turbis ægre cariturus, in seditionem erumpit, arma minaciter induit, Amurathem Imperatorem deposcit. Mustaphæ mater, quo filio thronum stabiliret, liberali manu æs in seditiosos dispergit, rata, hoc aureo hamo in suas partes facillime attrahendos. Evertit hanc machinam Mustius, accerrimo religionis telo, dictitans lege Mahometis cautum, ut ne quis Principum mente captus, Imperio apud Turcas potiretur. Non alia labe, quam ejusmodi dictione luculentius afflictæ sunt res Mustaphæ. Atque palmaria hac arte effectum, ut PECUNIA in omnes sparsa acciperetur ab omnibus, a nemine obsequium venderetur. Chussaines male sibi metuens ab irato milite, inauspicatam præfecturam Mehemeti, e Georgia oriundo, relinquit. Hæc dum aguntur Byzantii, in Asia gravissimum vulnus accepit

Turcia.

A) Chronicon hæc diffuse persequitur.

Turcia. Præfecti aliquot urbium Asiaticarum, intellecto Osmannem suo-^{A. C.}
rum scelere periisse, Mustapham amentem monarchiam occupasse, & tur-^{1622.}
bis iterum misceri omnia, a Byzantinis palam defecere. Bichir Babylonis
A) Gubernator, negato vestigali annuo, urbis dominium invasit, societate
inita cum Persarum Rege. Filius ignarus hujus consilii, cum videret pater-
nas opes, non esse resistendo Turcis, quos adventuros non ignoravit, sta-
tuit apud Regem gratiam occupare, & Patrem periculo eripere. Agit cum
Persa, de accipiendo clam nocte in urbem præsidio, modo sibi fraudi non
esset tantus erga gentem Persarum animus. Placide accepta est Juvenis
petitio.

Patefactis foribus, ut conventum erat, Persæ nobilissimam urbem
intran, Bichirem regni sui securum abripiunt, cives re improvisa attoni-
tos sine cæde, sine direptione fortunarum in fidem recipiunt. Præsidarii
in extrema rerum omnium desperatione, in lucro posuere, libertatem cum
vita abstulisse. Incruentæ victoriæ gaudium, eo majus senserunt Persæ,
quod ab Imperio Ottomanico, tum temporis factionibus vehementer exa-
gitato, nihil metuerent, & in dies alii Præfecti a veteribus Dominis descisce-
rent. Hos inter caput extulit Gianoglis, militiæ vetus. Elato rebellionis
vexillo, dena armatorum millia per Asiæ oppida diffundit, incendiis hostium
more, in patriam sævit. Smyrnam urbem populosam juxta, ac mercium
prædivitem, in ultimas angustias conjicit, & ni Smyrnæi opes suas secundo
vento in altum provexissent, prægrandi subsidio Gianoglis fortuna firmata
fuiſſet, Pupugit merito Byzantinos violentiæ atrocitas; & vindicatum ibant,
si domi res pacatior. Etenim Chussaines homo dominandi cupidus, in ea
perturbatione rerum spem concepit, militum favore obtenturum se rursus
Vezirii dignitatem. Quapropter partium Mustaphæ proditor, seditioso-
rum facile Princeps evasit. Hujus factione Osmanneæ necis authores, ad
supplicium citabantur. Dantes se unice peti intelligens, celeri fuga semet
proripuit. E fuga retractus, etsi culpam omnem in Mustapham, Mustium-
que transtulerit, exhibito etiam Imperatoris mandato, quo cædes jubebatur,
tamen cum nullum præsidium in innocentia esset, e loco supplicii in carce-
rem raptus, ibidem a furente milite lanceis confoditur. Mitius actum est
cum Mehemete Vezirio, cui dignitas solum adempta. Soltana Chussainis
potentia perculsa, sigillum grande classis Præfecto dari jubet. Is periculi
plenum honoris gradum prudens recusat, & invita licet Soltana Chussaini
cedit.

Haud diu firmus perſtitit. Violentiam insitam ingenio, nimia po-^{1623.}
tentia in novo hospite accendit. Primores urbis, criminando alios apud
militem, alios sua invidia opportunos præcipites agit, ut unus in posterum
dominaretur. Præfecturas iis potissimum confert, quos vel vitia, vel mul-
tæ reddidere notos. Patriarcham Græcorum munere suo dejectum, ac
apud Soltanam æquitatem causæ implorantem, in insulam Rhodum abigit.
Consules variarum gentium, atque interpretes pro libidine verberibus, vin-
culis onerat. Offendit sævum hominis ingenium equitum ordinem, quos
non perinde, ac Janicsaros habuit. Tumultu excitato, tantum terroris
spargunt per urbem, ut non præfecturam modo amiserit, sed ad extremas
maris Euxini oras deportatus fuerit, ubi tristi in exilio e fluctuantis elementi
inconstantia, fortunæ, & gentis suæ levitatem perdiscere potuit. Et pro-
fecto haud facile reperias populum, qui tam brevi temporis spatio, toties
in suos Monarchas, & Præfectos conspirasset, ac Turcicus. Militum isthoc
vitium erat, quos libertas agendi in perturbata Republica, ad sæva identi-
dem consilia impulit, quanquam principem causam hanc existimem, quod
plerumque ex ambientium æmulatione, auream messem facere sint soliti.
Qua esca semel capti, novos perpetuo Principes, novos Præfectos postula-
runt.

a) Ita Bagdatum nonnulli vocant, rectene an secus? Geographi perinde, ac Turcæ, & Persæ fer-
ro, inter se erudite dimicant. Bagdatum ruderibus Seleuciæ, quam Tigris alluit, impositum
plerique scribunt, non vero ruinis Babylonis, quam Euphrates interfecabat.

A. C. runt. Nec deerant venalium dignitatum emptores, qui avaros militum 1623. animos spe lucris aluerunt; licet non raro projectis in illam inexplebilem voraginem pecuniis, ludibria, exilium, mortem denique ipsam incaute emerent.

Atque hoc unum morabatur vota Amurathis, Achmetis Imperatoris filii, quo minus exhausto rapacitate Veziriorum ærario, militum animos conciliare posset. Quod largitionibus non valuit, Asiaticis turbis consecutus erat. Ceperant Persæ, ut narravimus, Bagdatum; Gianoglis novum fundavit Imperium in minori Asia, unde in Syriam explicaret; Cicala Purpurato, discedentibus e signis Janicsaris, profligato, in dies animis viribusque crevit. Terrorem geminavit Abassa Erzeri a) urbis Præfectus, qui vindex Osmanneæ necis, specioso nomine Armeniam in arma perpulit. Hæc trepide Byzantium nunciata, domesticas turbas sopiverunt. Muffius alioquin a Mustapha Imperatore averfus, præfente Vezirio decumanas calamitates, militibus sedata oratione eparrat; hortatur simul amantiores patriæ, ut afflictis rebus consilio, manuque strenue adsint; de Amurathe Mustaphæ sufficiendo consultant. Tum timide subjicit: rei argentariæ summa penuria confictari aulam, nihil superesse in ærario, quo novus Imperator studia militum demereri posset. Darent id exhaustæ Reipublicæ, & loco muneris optimam voluntatem Imperatoris haberent. Re in deliberationem assumpta, communi omnium sententia decretum: nihil nummorum ab Amurathe petitorios.

Istarum machinationum ignarus Mustaphas, in æstivis cum matre Soltana otio indulgit. Vezirius collaudato militum animo, ad Mustapham invisit, monetque callide, in sanctius consilium non detrectaret venire, ad moveret Reipublicæ tractandæ manum, & sinistram de se multorum opinionem eximeret. Ille vecors, ac stolidus Vezirium diuturna expectatione ducit. Ad extremum interrogando, expectandoque fessus, ut re imperfecta ad suos redit, refert: seu stultitia, seu superbia insita ingenio, nullam eum vocem emisisse. Tum militum clamor oritur, Amurathi Imperatori vitam, felicitatem precantium. b) Mustaphas semel, iterumque Imperio exutus, carcerique suo redditus jussu Amurathis trucidatur post ærumnas multorum annorum. c) Hic exitus erat miseri Principis, cui primum natura regnandi dotes negavit, subditi Imperium ademere, utrumque acerbum, si judicii sinceri fuisset.



INDEX

- a) Erzerum, aliis Arzerum urbs Turcomanniæ, seu majoris Armeniæ. b) Hæc sparsim in Chronico Hungaro-Turcico, Sagredo, & Annalibus Ferdinandeis legere licet. c) Mustaphas necatus est anno 1639.

I N D E X RERUM ET PERSONARUM.

A.



- Aron** Moldaviæ Princeps cum Sigismundo Bathorio Transyl. & Michaelle Valachiæ Principibus fœdus percutit 251. cum Confœderatis copias Sinanis Vezirii atterit 252.
- Abdamelechus** Tunetum urbem Africæ intercipit 106. moritur, & filius Machmetes succedit *ibid.*
- Abrahamus** Caramaniæ Princeps, a Bajazethe II. Imp. cum omni exercitu profligatur. 53.
- Achimates** Cossitius (aliis Achmetes, Achomates) acerbè perstringit Legatum Venetum 69. copias auxiliares in Peloponnesum adducit 70. Naupliæ præfidiarios erumpentes clade afficit 74. Præfectos militum pœna capitis liberat 77. Rhodum impugnat 112. frustra assultum tentat 113. Solymanum II. Imp. in obsidione Rhodi retinet 115. supremus armorum Vezirius Temesiam obsidet 171. & deditione accipit 172. Agriam non sine clade suorum oppugnat 172. gratia ejus confenescit in aula 178. æmulatorum invidia in præceps actus, jussu Solymani II. Imp. jugulatur *ibid.*
- Achmetes** hujus nominis I. fit Imp.; milites a direptione Byzantii cohibet; Soltanam seniore aulam proturbat 279. ludicra scena eidem exhibetur 280. clade a Persis accepta, in Persidem se profecturum simulat; apparatus ingentes facit; ex itinere revertitur 286. ab armis alienus; Moscheam maximis impensis ædificat; Mustafiam in molem ædificii invehitur; fratrem Mustapham interfici jubet; mox mutata mente eundem hæredem Imperii instituit 289. jus sibi arrogat in Transylv. 290. pacem concludit cum R. Persarum; triumphanti similis Byzantium ingreditur 291. extincto Bocskajo Sigism. Rákoczium, dein Gabrielem Báthorium in principatu Transylv. confirmat 293. Mathiæ II. R. H. significat, ne arma vertat in Transylvaniam *ibid.* eam sibi asserit 294. moritur; ejus mores 295.
- Achmetes** Herczegovinæ Ducis filius a Mamaluchis capitur 55.
- Achmetes** Vezirius Capham 41. dein Hydruntum capit 49. ejus crudelitas in cives *ibid.* Zizimum Bajazethis II. fratrem profligat 42. Moncastrum, seu Bielogradum expugnat 53. adversus Hungaros excubat 60. Sabacium ad Savi ripam munimentum expugnat 105.
- Achometes** Bajazethis II. Imp. filius, armis Imperium Turcicum sibi asserere laborat 84. superbo responso offensi Janicsari eum rejiciunt in Asiam; quam populatur 84. Selymus Imp. in eum arma movet, ac in montes retrudit 86. acie victus strangulatur 89.
- Adalbertus** Király Sigism. Báthorii copiarum Ductor, Ferhatem ingenti clade proterit ad Silistriam 251. Sinanem Vezirium profligat 252.
- Achomates** Eunuchus ad Illyricum defendendum festinat 254. Petriniam obsidet; bis clade multatus obsidionem solvit 255.
- Imp. Ottom. Tom. 1.*
- Adolphus** Schvarcenburgus in prælio Strigoniensi Mehemetem Ciliciæ Præsidem in fugam convertit 249. cum Nicolao Pálffi Jaurinum Turcis eripit 262. ad Strigonium castra firmis operibus munit; ea aggredi timet Ibrahimus Vezirius 265. Pálffi potentem facit Tartaros populationi intentos invadendi 266. in obsidione Pappensi a transfugis Gallis glande plumbea trajectus expirat 270.
- Adrianopolis** urbs a Solymano capta, fit Regia Turcarum 3. II. mirandæ magnitudinis machinæ bellicæ ibidem funduntur 12. exercitus juxta eam colligitur 17. 190. solennitas circumcisionis filiorum Mahometis II. Imp. 20. pestis grassatur 58. Maverdinus Christianus falso accusatus, rogo addicitur eadem in urbe 67.
- Adrianus** Papa armatas naves Rhodiis Equitibus mittit 117.
- Ægyptius** Soltanus cum Abrahamo Caramaniæ Principe a Mahomete Imp. profligatur 53.
- Ænus** urbs Imbri insulæ a Venetis subigitur 31. vastatur *ibid.*
- Africani** classem Caroli V. Imp. invadunt 160.
- Agria** oppugnatur a Turcis 172. defenditur ab Hungaris *ibid.* Solymanus Imp. eandem aggredi statuit 191. circumvallatur a Mahomete III. Imp. 258. Præfidiarii repugnante Nyário Governatore, eam cedunt Mahometi; contra datam fidem Turcæ arcis portam occupant; Nyárium in castra abripiunt; proditores a Turcis trucidantur *ibid.*
- Aladeules** Regulus Selymi copias vexat 91. pugna victus fugit *ibid.* a suis proditus, jussu Selymi capite truncatur 92.
- Aladeulis** filius a Turcis captus, oculis privatur 59.
- Alapi** V. Benedictus, Casparus.
- Albania** a Turcis subjugatur 7. libertatem recuperat per Georgium Castriotum 9. Amasæ Præfectus in eam exercitum infundit 10. prædæ aguntur 16. Castrioto mortuo Turcis cedit 31. descriptio Albanæ, ac incolarum 60. Bajazethes Imp. eam ad ictum destinat *ibid.*
- Albani** bellum movent Amurathi II. Turcarum Principi 8. a Bajazethe II. Imp. memorabili prælio superantur 60. libertatem amittunt armis Georgii Castrioti recuperatam *ibid.* ad Naupliam per insidias trucidantur 74.
- Alba** Regalis a Solymano II. oppugnatur 157. descriptio illius; capitur, & expilatur; cives occiduntur *ibid.* a nostro exercitu incassum tentatur 240. Mercorius, seu Mercurianus Dux eam vi tormentorum domat 273. ab Hassane Gimelge expugnatur 274.
- Albertus** de Viis Orator Ferdinandi I. R. H. Byzantii 187.
- Albertus** Rex Poloniæ in Valachos movet 63. Valachiæ & Moldaviæ Principis Stephani Legatos in vincula conjicit 64. pugna cruenta commissa, ægre in Poloniam eluctatur *ibid.* metu percussus vastari finit Poloniam a Tartaris, Valachis, & Turcis 65. fœdus

I N D E X.

- icit cum fratre suo Uladislaſo R. H. 68. pacem init cum Bajazethe II. Imp. *ibid.*
- Aleppum V. Hierapolis.
- Alexander VI. Papa Zizimum Carolo VIII. Gallorum Regi mittit 52. Uladislaum Hung. R. in Turcas incitat 75.
- Alexander Cantareus bina navigia hostium mergit, & bellum accendit 142.
- Alexander Farnesius Dux Parmensis in pugna Aſtiaca ad Echinadas insulas, Purpurati Alys prætoriam expugnat 204. Novarium urbem frustra impetit 206.
- Alexander Moldaviæ Princeps, Heraclidem e Moldavia ejicit 181. ejusdem copias fundit; ab eodem prælio vincitur; Byzantii incassum opem implorat adversus æmulum; principatu Moldaviæ exiit non invito Solymano II. Imp. *ibid.*
- Alexander, vulgo Scenderes & Ischender Bajazethem II. Imp. a morte liberat 61. Aquilejæ agrum populatur 71. 73. captos in Turciam raptat *ibid.* in reditu multos milites fame & aquis amittit 74.
- Algerium urbs Africae ab Oruccio pirata occupatur 134. ab Hispanis vindicatur 135. a Chairadine iisdem eripitur *ibid.* descriptio Algeri 160.
- Alibegus copiarum Ductor a Petro & Se-phano Docſis cæditur 41. in Transylvania a Bâthorio & Kinifio ingenti clade profligatur 46. ejus dictum ad pastorem *ibid.*
- Alibegus Eunuchus pugna victus capitur, & Viennam deportatur 226.
- Alibegus Szigerthi Præfectus, a Zrinyio, Bat-tyanio, Nádasdio repellitur 224.
- Alyportugus Szigethanos præſidiarios statione depellit; donum accipit a Solymano; majori pila discerpitur.
- Alys Gubernator Jaurini urbem strenue tuetur adversus Maximilianum Archi-Ducem 261. fortiter pugnans occumbit; ejus genus & fortuna 263.
- Alys Præfectus Budensis Hungaros cædit; Vesprimium capit 171. pugna superior Teuffelium supremum exercitus Ducem Byzantium mittit captivum 172. Agriam sine operæ pretio circumvallat *ibid.* in numerum Purpuratorum adlegitur 175. in Hungariam ducit copias; ferox ejusdem dictum *ibid.* fit Princeps Senatus Turcici 186. moritur 188. ei succedit Mehemetes *ibid.*
- Alys Purpuratus ex Albania cum clade fugatur 7. Mamaluchos ignarus vincit 57. copias reducit, & cladem accipit. *ibid.*
- Alys Purpuratus insulas juris Veneti populatur; Suppotum & Dulcinium subigit 202. classi Ottomanicæ præſicitur cum Pertave; deliberat de invadenda Christianorum classe *ibid.* pugnam decernit 204 fortiter pugnans cadit; ejus caput malo suffixum metum suis injicit *ibid.*
- Alys Purpuratus Præfectus Mempheos, & Egypti, Achmetem I. Imp. in administranda Repub. multum juvat 279. Soltana ejus consilio aula emovetur 279. de pace agit cum Rudolpho R. Hung. 280. pax evanescit 281. cum Hassane Vezirio copias ducit in Hungariam; irrita conatu impugnat Strigonium 281. Budæ extinguitur; moror Byzantinorum; sepelitur Byzantii 282.
- Aloysius Baduarius pacem init nomine Reip. Venetæ cum Solymano II. cedit Naupliam, & Epidaurum Turcis 146.
- Aloysius Ripa Venetus Corcyram tuetur 142.
- Alphousus Eques Rhodius cum suo navigio intercipitur a Turcis 109.
- Alphonſus Rex Neapolit. Scanderbego, sive Georgio Caſtrioto annonam mittit in Albaniam 10.
- Alvarus Sande arcem Meningis strenue defendit 180. erumpit cum suis, & stragem hominum, operumque edit; ad naves Christianorum se recipit; in triumphum ducitur Byzantium; ejus fortitudo animi 181.
- Amade Viſegradi Præfectus, ægre Turcarum perfidiam evitat 158.
- Amazones Lemnum insulam feruntur incoluisse; Lemniacæ virginis fortitudo 42.
- Ambracius sinus 143. 144.
- Amida Tunetum Africae urbem subjugat; Assanem seu Muleassem Patrem oculis privat, atque in ergastulum retrudit; suos fratres pari calamitate afficit; Abdamele-chus Tuneto occupato moritur; rursus Amida rerum potitus, a Turcis Tunetano principatu deſectus, Guleram se recipit; Joannis Austriaci opem implorat 206. viſa Hispanorum potentia fidem mutat 207. ab Austriaco negligitur *ibid.*
- Amſa Hodabendis Perſarum R. filius Turcis infestus; eos aggressus non mediocri clade afficit 218. oborto inter Regios Principes diſsidio, in caſtris obtruncatur 219. ejus filius obses mittitur Byzantium 220.
- Amurathes Cliffæ Præfectus copias in Hungariam ducit 155.
- Amurathes I. Adrianopoli sedem armorum & Imperii constituit 3. Europæos juvenes militari disciplina imbuunt; Janicaros. primus deligit; Regem Bulgariae Sumanum domat; filio suo Moſi oculos eruit; Constantinum Dragafem cum aliis Principibus Christianis in captivitatem redigit *ibid.* in campo merularum ante prælium a Servio trucidatur 4.
- Amurathes II. Mustapham Imperii æmulum jugulat; dolo diſſolvit Mustaphæ copias; navigiis Christianorum in Europam exercitum trajicit; Byzantium obsidet; Græcorum Legatis vincula indit 6. obſidionem solvit; Mustapham Mahometis I. filium trucidat; Peloponnesum, Valachiam, Serviam populatur; Oratores variarum gentium Adrianopoli audit; Theſſalonicam subigit; Servia, Hungariae populationem infert; Semendriae arcem expugnat; Servia Despotæ filiam sibi matrimonio jungit; e Dacia repellitur; Belgradum obsidet 7. pluribus pugnis victus ab Hungaris, pacem facit cum Uladislaſo I. R. Hung.; quibus conditionibus? Mahometi filio suo regimen Turcarum cedit, ac in Asia privatus vivit 8. Hungaris auxilium ferentibus Græcorum Imperio, iterum regimen arripit, & ad Varnam de iis nobilem victoriam reportat 9. Peloponnesum invadit, & subjugat; Crojam frustra oppugnat; Imperio se abdicat, at rursus recipit; rursus Crojæ imminet; in campo merularum Hunniadem cogit cedere; ad Crojam obſidendam redit, & moritur *ibid.*
- Amurathes III. fit Imperator; fratres suos trucidari jubet; milites tumultuantes placat; Assanem Algerii Præfectum divitiis exuit 209. ejus somnium; in Perſiam bellum transfert 210. Mustaphæ Vezirii caput petit 212. auro utcumque placatus, aulam ei interdicit, qua ſeveritate mortem accele-

I N D E X.

- accelerat eidem 213. *spectacula* edit in circumcissione sui filii 215. Sinanem Vezirium exilio mulctat 216. Muchemetes Tartariæ Regulus cum duobus filiis ejus jussu trucidatur 216. quæstuosam pacem init cum Persis 220. Vezirios mutat 221. novem annorum inducias pangit cum Rudolpho Rege Hung.; monet Præfectos militum, ne Hungariæ castella infestent; periculum vitæ incurrit 226. rumorem mortis obitæ sui præsentia extinguit 227. necem Ferhatis a Janicis patratam vindicare non audet; Budensi præfectura ornat Hassanem, Mehemetis Purpuratorum olim Principis filium 233. amplam potestatem eidem concedit bellum administrandi in Illyrico 236. dubius de bello Rudolpho R. inferendo, rem Sinani Vezirio committit 237. Sinanem e bello Hungarico reducem, triumphantem lætus accipit; Mahometem filium suum domi retinet 245. moritur; ejus in-
doles 246.
- Andreas Amaralus** proditor Rhodi, Mahometem amplexus capite truncatur cum famulo 117.
- Andreas Báthori** Præfectus Belgradi renunciatus, non admittitur in urbem 105. in prælio Mohácsienfi felix initium Regi Ludovico nunciat 122.
- Andreas Doria**, sive Auria classis Hispanæ Archithalassus Coronen; item Rhium Achajæ præsidium, & Moliceum expugnat 133. mari Ottomanos vincit 134. Chairadinem classis Turcicæ Præfectum in sinu Ambra-
cio obsidet; cunctando victoriam corrumpit 144. Dragutem celeberrimum piratam pugna maritima vincit, & capit 163. Monasterium urbem Africæ expugnat 165. Aphrodisium assultu occupat 167. a Dragute libertati restituto eluditur 168. Venetis Cyprio bello involutis suppetias fert 200. post inutiles moras in Siciliam solvit 201.
- Andreas Lauretanus** incendio navali perit in æstu certaminis 72.
- Andreas Zacanus** Orator Venetus, quærit ex Bajazethe II. Imp. bellumne, an pacem velit? 69. bellum Venetias reportat; finibus Imperii Turcici excedere jubetur *ibid.*
- Andronicus Junior** Imp. Græc. vincitur ab Orchane Turc. Principe; versa fortuna hunc terra, & mari fugat 2.
- Andronicus Joannis Paleologi** Imp. filius amicitiam init cum Mose Amurathis I. filio 3. ferventi aceto excruciat, fere aciem oculorum amittit *ibid.*
- Anna Imperatrix** Græc. malo suo Turcarum opem flagitat 2.
- Annulus rari pretii** a Solymano II. Imper. Joanni Sigismundo Transylv. Principi donatur 190.
- Antonius Bouladius** in numerum Equitum Rhodiorum admissus 109.
- Antonius Grimanus** classis Venetæ Archithalassus in belli usum opes suas dat 69. pugnandi occasionem negligit 72. victor evadit prælio navali 73. Venetias revocatur 74.
- Antonius Lauretanus** Scodram munit, Petrum Mocenicum classis Venetæ Imp. in auxilium vocat; urbem fortiter tuetur; memorabilem assultum hostium sustinet 39.
- Antonius Legius** Prætor Scodrensis, victores Turcas cum strage repellit 44.
- Antonius Polinus** Solymanum II. Imp. in Hungariam inflamat 158. Chairadinem docet, quo arma vertat 161.
- Antonius Siculus** armamentarium Turcarum exurit 36. V. Siculi adolescentis &c.
- Antonius Székel** Turcas & Moldavos delet 181.
- Antonius Verantius** Episc. Quinque-Eccles. ad Solymanum II. Imp. Orator 173. in Asiam profectus, nihil pacati impetrat 174. subinde spe induciarum obtenta, in patriam redux, Ottomanorum Historiam attulit 186. rursus legatur a Maximiliano ad Selymum Imp. octo annorum inducias obtinet 197. accumbit mensæ in aula; disceptatur de quibusdam oppidis ambigui juris *ibid.*
- Aphrodisium** urbem Africæ Dragutes capit 165. ab Hispanis obsessum non sine multorum sanguine occupatur 167.
- Argos** urbs proditur Turcis 27. Veneti eam recipiunt & militi diripiendam concedunt 28.
- Arnalda Rocasia** captiva, quo vehabatur, navigium succendit 201.
- Arslanes** cæditur a Nicolao Zrinyio; fit Budæ Præfectus 187. Palotam obsidet & fugatur 190.
- Arx** sinus Mainensis a Venetis expugnata evertitur 200.
- Assanes Algerii** Præfectus suis divitiis spoliatur. 209.
- Atalia** urbs frustra tentata a Venetis 35.
- Athenæ** a Venetis occupantur 30.
- Augerius Busbequius** inducias conficit cum Solymano II. Imp. 174. post octo fere annorum commorationem pacem firmat 187.
- Augustinus Barbaricus** oculum sagitta percussus, Alexandria Præfecto in pugna Actiaca fortissime resistit 204.
- Avaritia Selymi** Imp. 101. Purpuratorum 124. 154. 181. 291. Mustaphæ Vezirii 212. Ferhatis Budæ Præfecti 230. 233.

B.

- B**Abocsa præsidium deditur Thomæ Nadasdio 177. a Mehemete Purpurato recuperatur 193. a nostris occupatum rursus cedit Turcis 271.
- Bagdatum**, seu Babylon Turcis traditur 138.
- Bajazethes I.** Gilderum, seu fulmen dictus, Vidinum sui juris facit, Albaniam, Bosniam, Valachiam infestat, Asiæ Principes sibi subijcit 4. in Peloponneso urbes aliquot expugnat; Sigismundum Hung. R. cum Gallis cædit; in Valachiam irrumpit *ibid.* a Tamerlane Scytharum Principe prælio victus, ferreæ caveæ includitur; subinde mœrore animi contabescit; ejus quinque filii varia fortuna se mutuo impetunt; Mahometes viribus superior, principatum obtinet 5.
- Bajazethes II.** Imp. Purpuratorum factione Imperium accipit; ejus filius Corcuthes Imperator proclamatur; milites pecunia donat; in fratrem Zizimum bellum movet 51. eo pulso, in Abrahamum Caramaniæ Principem arma vertit; hunc & Ægypti Soltanum Cair-Begum fundit; irruptionem in Moldaviam & Valachiam facit 53. Ægyptios, seu Mamaluchos cum clade sui exercitus impugnat 55. Oratores Budam dimittit ad Mathiam Corvinum 56. in Mamaluchos terrestres, & maritimas copias immittit 57. filias suas Purpuratis in matrimonium locat; pacem init cum Ægypti Soltano

I N D E X.

- Soltano 58. bellum apparat in Hungaros 59. in Albanos ipse ducit exercitum; eorum copias cædit; in Macedonia a Dervio Religioso Turca fere interimitur 60. fratrem Zigimum veneno enecasse fertur 62. Legatos expedit ad Uladislaum II. R. Hung. inducias init 63. copias adversus Albertum Polonorum R. proficisci jubet 64. iis Marconium præficit 65. 66. pacem conficit cum Alberto R. & Venetos aggredi statuit; causæ belli Veneti 68. in Thessaliam ducit exercitum 70. Peloponnesum invadit; de victoriis terra, & mari reportatis sibi gratulatur 76. pacem conficit cum Venetis; quibus conditionibus? 79. ob frequentes terræ motus e tignis sibi construit domum; instaurat Byzantium terræ motu afflictum; Adrianopoli cum Purpuratis de successore deliberat 80. Achomatem filium designat aliquot Purpuratis assentientibus; Halis sectam Persicam extirpare adlaborat 81. pœnam capitis statuit in sectam Persarum; monita ad Selymum pugnacis indolis Principem 82. eidem præfecturam Servizæ contra Hungaros confert; prælii signum dat adversus Selymum filium suum 83. a seditionis Imperio privatur; veneno necatus, tumulo infertur Byzantii 85. ejus corporis & animi dotes.
- Bajazethes Solymani II. Imp. filius, in fratrem Selymum cum matre Roxolana conspirat 177. a Patre veniam impetrat agente matre 178. more gentis & Pater & filius se proluit certo potu; in Selymum fratrem arma movet; victus in Persidem fugit; a Techmase Persarum Rege captus, suis cum filiis nervo suffocatur 178.
- Bairæ solennitas apud Turcas 99.
- Balassa V. Emericus, Joannes, Melchior. Balassianæ arces in Transyl. expugnantur a Joanne R. Zápolyio.
- Balaton lacus glacie constrictus, Hungaris iter præbet ad Turcarum oppida vastanda 227.
- Balibegus Semendriæ Præfectus in Bosniam irrumpit 104. Sirmium evastat, & a Báthorio fugatur; præfecturam Belgradi adipiscitur 106. ad Jaiczam funditur 119. castra Hungarorum invadit, fervente pugna Mohácsiana 122.
- Balisbegus Bajazethi II. Imp. persuadet bellum Polonicum continuandum; supremus armorum Præfectus Poloniam urit, multis mortalium millibus in servitutem abductis 65. victor Byzantium redit; ardet invidia Purpuratorum; ejus ambitiosa oratio coram Imp. 66. rursus Poloniam infestus adit; multos e suo exercitu fame & frigore amittit 67.
- Balis Epirota Budæ Præfectus, Pestum adversus Rogendorffium tuetur 155. Albam Regalem regendam suscipit jussu Solymani II. Imp. 106.
- Balthasar Bánffy Turcas cædit 131.
- Balthasar Batthyáni, Alibegum Szigethi Præfectum repellit 224. Nobiles militari astu in pugnam intermissam pertrahit; Alibegi copias delet *ibid.* Scanderbegum Præfectum Posseganum profligat 225.
- Barbarossa V. Chairadines.
- Barnabas Bellai Uladislai R. Hung. Legatus ad Bajazethem II. inducias pangit 79. cum Selymo Imp. triennales init 98. castra ejusdem sequitur per Syriæ, Ægyptique regiones; Hungari ægre condiciones accedunt *ibid.*
- Báthori V. Andreas, Balthasar, Christophoros, Nicolaus, Sigismundus.
- Batthyáni Balthasar, Georgius, Joannes, Franciscus.
- Beçtesses Temesiæ Præfectus fugatur a Radulone Valachizæ Principe; ab Henrico Dampiero & Ludovico Rákoczio cum clade repellitur 276. ab iisdem rursus profligatur cum Betlenio 282.
- Belgradum Amurathes incassum oppugnat 7. ejus descriptio 18. oppugnatur pari fortuna a Mahomete II. Imp. *ibid.* a Solymano II. Imp. 105. proditur a Rascianis; deditur Solymano 106.
- Bellum civile Turcicum 51. 83. 102. 266. 267. 270. 288. 303.
- Benedictus Alapi Petrovaradini Præfectus a Turcis occiditur 119.
- Benedictus Pisaurus classis Venetæ Archithallassus ad Strophadas insulas, anchoras jacit 76. suadet Reipub. bellum continuandum 77. Cephaleniam insulam cum urbe & arce subjugat 78. hostilem classem persequitur; aliquot navigia capit *ibid.* maritima loca juris Turcici evastat, militem suum spoliis ditat; Leucadem insulam Turcis eripit; partitus classem cum minoribus Præfectis terrorem latius spargit 79. Bajazethem ad pacem petendam adigit *ibid.*
- Bertholdus Æstensis Veneti exercitus Imperator urbem Argos capit; Corinthum obsidens stationibus suis barbaros depellit; saxo percussus vivere desit; mœror militum e sinistro Ducis casu 28.
- Bihigium a Turcis occupatur 236.
- Bisertum urbs Africa; ejus cives delusi a Chairadine 136. Joannes Austriacus eam subigit 206.
- Bosnia bello petitur a Mahomete II. Imp. 26. Mathias I. R. Hung. multa oppida pro hibernis in ea recuperat 27.
- Britannicum propugnaculum Rhodi impugnatum, cuniculis evertitur 113.
- Britanni Rhodum tuentur 111.
- Buccoresta urbs Valachizæ a Sinane Vezirio capitur; metu Siculorum imminantium ab eodem succensa deseritur 252.
- Budacus cum exercitu Turcarum ab Aladulizæ Principe funditur 58.
- Budensi in urbe celebrantur comitia 120. præsidio destitutam Solymanus II. Imp. ingreditur 123. statuas ex ære conflatas inde aufert *ibid.* expugnata ab eodem traditur Zápolyio R. cum classe Danubiana 126. obsidetur a Rogendorffio 130. rursus a Velsio, & Perényio 150. iterum a Rogendorffio infeliciter 151. Solymanus eam suo præsidio per fraudem occupat 153. firmatur milite a Sinane Vezirio 240. obsidetur a Mathia Archi-Duce; inclementia aeris solvitur obsidio 263. oppugnatur a Rosvurmio, sed frustra 274.
- Bulgaria se dat in fidem Hungarorum 8.
- Businum juris C. Keglevichiorum Turcæ obtinent; dein metu Christiani exercitus deserunt, ac iterum recipiunt 224.
- Buthrotum a Chairadine captum fœde vastatur 143.
- Byzantium obsidetur a Mahomete II. Imp. 12. quantus numerus defensorum? *ibid.* capitur; ejus direptio 15. turris pulveraria fulmine percussa stragem edit 58. terræ motu viciatum instauratur 80. V. Constantinopolis.

C.

Caffa V. Capha.

Cairbegus Hierapoleos Præfectus ad Selymum Imp. deficit 93. Tomanbegum capit, & Memphim abducit 97. Janussem Memphi præpositum falso inculcat apud Selymum, & mortem ei accelerat; Memphim gubernat 98. Gazalis rebellionem Solymano II. Imp. aperit 102.

Caith-Begus, aliis etiam Caira Præfectus; Ægypti Soltanus Zizimum juvat 52. a Bajazethe II. Imp. vincitur 53. ejus genus, educatio, fortuna; bellum in eum decretum 54. Diodorum copiis præficit, qui Ferhatem Turcici militis Ductorem cædit 55. Mathiam R. Hung. fœdere sibi conciliare studet 56.

Calender Zelebis seditionem movet in Asia 123. ejus vires, & autoritas; erat ex genere Religiosorum; quales mores isti præferant *ibid.* copiarum Præfectos Solymani II. Imp. fugat; ab Ibrahimio Purpurato cum seditionis deletur 124.

Calabria evasatur a Turcis 142.

Callistus III. Papa Christianos Principes in Turcas animat 17. ob victoriam Belgradi partam diem VI. Augusti celebriorem in Ecclesia reddit 20.

Campson V. Canfavus.

Canalius V. Hieronymus, Nicolaus.

Canisa V. Kanisa.

Canisavi Ægypti Soltani Legatos Selymus spe pacis de ludit; bellum apparat Canfavus 92. a Selymo Imp. victus, in fuga ungulis equorum obteritur 94.

Cantacuzenus Tutor filiorum Andronici, spem occupandi Imperium Græcorum alit; filiam suam in conjugem tradit Orchanî Turc. Principi; auxiliares copias ab eo impetrat 2. incassum orat, ut Turcæ deductis præsidii in Asiam redeant 4.

Cantarenus V. Hieronymus, Thomas.

Capha urbs Chersonesi a Turcis capitur; ejus descriptio; oppidani Byzantium deportantur 41.

Captivi Genuenses & Veneti 16. Hungari in Turciam abrepti 41. 62. 196. Christiani liberati 53. 234. Illyri in Turciam pulsi 62. Poloni Byzantium aucti 65. fortuito incendio absumpti *ibid.* Itali in Turciam rapti 73. 163. dena millia captivorum Hung. 130. occiduntur capti Christiani 71. 131. 152. Tunetum occupant 141. venduntur 143. eorum vilitas Budæ & Pestini 172. Hispani in servitutem redacti 180. Famagustani 203. e diversis provinciis in Turciam pulsi 283.

Captivi Turcæ ad labores damnati 79. in Africa VII. millia capta 167.

Caralibegus cum Volonum manipulo ad Strigonium defensandum accurrit 247. hujus periticia arx invicta persistit; minori glande ictus vitam amittit 242.

Cara Mustaphas in Africam solvit 179. Melitam acerrime impugnat 183. aliquot assultus tentat 185. Garia Toletano suppetias ferente, obsidionem solvit, & Byzantium renavigat 186. in aula graciosus, Caira, seu Mempheos præfecturæ admovetur 197. Selymum Imp. sibi devincit; suadet Cyprum insulam invadendam & persuadet 198. præest terrestribus copiis 200. Nicosiam urbem Cyprî obsidione cingit, & capit 101. spolia conge. in bina navigia Byzantium Imp. Ottom. Tom. I.

mittenda; succensa in ipso cursu a Cypria puella Arnalda *ibid.* Famagustam deditione capit; violata fide eam diripit 202. triumphans Byzantium redit 203. in Persidem ducit exercitum 210. cladem patitur in trajectu fluminis; Teflim urbem Georgiæ occupat; a Persis levioribus pugnis vincitur; militem peste amittit 211. copias in Armeniam deportat; avaritiæ jure arguitur; eludit imperium Amurathis III. Imp. caput ejus petentis; exercitum committit Sinani, seque Byzantium confert 212. Imperatori invisus contabescit; opinio varia de ejus morte; breve elogium 213.

Cardinales pecuniam mittunt Mathiæ R. Hung. in usum belli Turcici 28.

Carolus V. Imp. exercitum educit adversus Solymanum II. Imp. 130. citra pugnam eundem recedere cogit; classem expedit in Turcas 132. in Africam numerosam classem immittit; Guletam obsessam assultu sui juris efficit; ejus verba de milite servando 141. moras nectit in reddenda Turcis Corone, & idcirco pax non coalescit 147. bellum gerit cum Francisco I. Galliarum Rege 159. Fridericum Saxoniae Electorem & Philip. Hassiæ Landgravium bello vincit 160. Byzantium terra & mari aggredi statuit; mutato consilio in Africam transmittit; navium jacturam patitur in portu Africano *ibid.* in Europam renavigat; quis sensus de hac maritima expeditione 161. rursus classem in Africam expedit; Monasterium urbs vi subjugatur 195. Aphrodisium summa arte & vi expugnatum ab Hispanis, everti jubet 167. judicium Justi Lipsii de eo 194.

Carolus VI. Galliarum Rex, delectas copias in Hungariam mittit 4. V. Galli.

Carolus Mansfeldius castra ad Ovarinum ponit 248. disciplinam militarem instaurat; Turcas dubios reddit, quo arma versurus? Strigonium claudit 228. memorabili clade Purpuratum Budensem afficit; febribus correptus, Comaromii insolito exercitus luctu e vita migrat 249.

Carolistadium urbs & præsidium Croatiæ, ad refrænandas hostium præcursiones ædificatur, nomen sortitum a Carolo Archiduce Austriæ 224.

Casanes Turcarum Ductor Austriam urit; occiditur 131.

Casparus Alapi ad Sziklosum Turcas somno sepultos opprimit 191.

Calparus Bekeffius Turcam in Steph. Báthorium incitat; obsessus in arce Fogaras, ad Maximilianum R. Hung. elabitur 223. impetratis Maximiliani auxiliis a Báthorio fugatur *ibid.*

Casparus Villarius Tripolitanus Præfectus a Turcis vinculis oneratur 169.

Callonus Turcicæ classis Præfectus Pestum intercipit, & depopulatur 152. in Hungariam copias promovet 170.

Cassovia occupatur a Joanne Rege 148.

Catharinus Zenus cum Usuncassane Persarum R. fœdus percutit nomine Reipub. Venetæ.

Castellum novum Dalmatiæ præsidium Confederati Veneti & Hispani capiunt 145. Hispani illud suo milite firmant graviter offensi Venetis; Chairadines illud recuperat, partim cæsis, partim captis Hispanis *ibid.*

Castriotus V. Georgius, Joannes.

R r

Castrorum

Castrorum munitio apud Turcas 37.
 Cattara urbs Dalmatiæ, alias Cattarum, a Mathæo Bembo strenue defenditur adversus Chairadinem 145.
 Cephalenia insula a Turcis subigitur 45. recuperatur a Venetis 78. Turcæ eam percurrant 202.
 Cephalenia urbs frustra oppugnatur a Venetis 74. expugnatur ab Hispanis & Venetis 78.
 Chairadines, aliis etiam Hariadenus, Barbarossa, Ænobarbus pirata, Africanam expeditionem volente Solymano II. Imp. suscipit; ejus ortus & fortuna 134. 162. fratri suo Oruccio in principatu succedit; Mauris & Hispanis fufis Algerii dominatum arripit; a Solymano evocatus, Byzantium navigat, maris præfecturam obtinet; ejus existimatio apud gregarios; ab Ibrahimio Vezirio firmatur in præfectura 135. Italiæ maritima loca divexat, & in Africam trajicit; Bisertum & Tunetum urbes dolo acquirit 136. ejus jactantia; in Carolum V. Imp. Africam armat; magna suorum strage profligatur ab Hispanis; ejus verba de captivis Christiani nominis 141. Byzantium navigat; mare Jonium infestus oberat 142. Buthrotum capit & vastat; Scyrum insulam subigit; Cydoniam Cretæ urbem incassum oppugnat; Jonium mare petit, ac sinum Ambracium intrat 143. obfidetur a Confœderatorum classe; pugnam offert Confœderatis; aliquot navigia incendio delet; classem Confœderatorum Corcyram usque persequitur 144. Castellum novum, Rizonum sui juris facit; Byzantium revertitur 145. classe sua iterum terreat maritima Italiæ loca; Rhegium capit 161. ad Niceam fugatus, spoliis ad oram Siciliæ exiit; Byzantium redit 162. rursus Italiam infestat; Telamonis portum diripit; captivos abducit 162. Dragutem Solymano Imp. commendat 164. moritur Constantinopoli; a facis illius nova rerum facies in aula; Purpuratorum læticia de morte tam potentis æmuli 163.
 Chalcis, alias Negroponte, impugnatur a Turcis 32. fere prodicione perit 33. acri assultu capitur 34. Veneti eam recuperare connisi, cum clade repelluntur *ibid.*
 Chasanes Barbarossæ filius, Algerii Dominus, Oranum circumfidet 181. S. Michaelis munimentum Melitæ non sine suorum clade invadit 185.
 Chiapini Vitellii virtus militaris 182.
 Christiani inter se discordes 52. 56. 77. 145. 159. 201.
 Christophorus Báthori Orator Isabellæ Joannis R. viduæ repetit a Solymano II. Imp. præsidia Lippam & Temesiam 176. Stephano fratri suo favet in occupando Transylv. principatu 222.
 Christophorus Frangepan Turcas cædit ad Jaiczam 118. muneribus, & titulo Dalmatiæ, Croatiæ, & Sclavoniæ defensoris a Ludovico II. R. Hung. ornatur 119.
 Christophorus Tieffenbach Cassoviæ Præfectus Szabolcsam Turcis eripit 241. Hathvani obfidionem solvit veniente hostium exercitu 243.
 Cicala, sive Cigala, & Cigalogis, fusi a Persis exercitus reliquias colligit; Taurim urbem com meatu & milite instruit 219. in Hungaricum bellum proficiscitur cum Mahomete III. Imp. 257. primus e palustri loco cluctatus, pugna equestri vincitur in

campo Keresztiesienfi 259. victores Christianos diripiendis castris intentos in fugam avertit; fugientem Imperatorem sequitur; fit Vezirius Ibrahimio exauthorato; ejus genus, & fortuna 260. seditiosos Byzantii placare nititur; Spahios Janicsarorum cohortibus circumdat, & ad obsequium revocat 268. maritimas urbes munit in Albania, Peloponneso 272.
 Cicala filius senioris Cicalæ in Persas ducit 286. castris nondum munitis a Persis opprimitur; cladem Byzantium nuntiat *ibid.* instauratis copiis iterum profligatur, quantus numerus caesorum? 287. missionem petit; in Mesopotamia se munit 288.
 Cineites gente Ottomanus a Bajazethe I. vincitur 5. Mustapham cognomento Dushman, in Amurathem II. incitat; clam Smyrnam profugit deserto Mustapha 6. cum omni familia caprus capite truncatur 7.
 Circassia, Bosphorana, Solymani II. Imp. confors occiditur; causa necis 175.
 Circumcisio solennis Amurathis III. Imp. filii 214.
 Classis in Græcorum subsidium destinata, lente apparatur 11. Caroli V. Imp. non mediocri clade afficitur ad oram Africæ 160. Turcica triumphum agit 180.
 Classis Turcarum ædificatur 12. 31. ad Byzantium hæret 13. navibus, & numero militum valida in Eubœam, & sinum Saronicum excurrit 69. descriptio navigiorum 70. ad Methonen stationem figit 76. classis apparatus 31. 108. 110.
 Classis Turc. Præfectus virgis cæsus, præfectura exiit 114.
 Classis Veneta 32. privati cives opes conferunt ad eam ornandam 69.
 Clemens VIII. Pontifex ad Kanisam oppugnandam copias immittit 271. cur præ Buda hoc præsidium impetendum censuerit? *ibid.*
 Clissa præsidium Mahometi II. Imp. deditur 27. recuperatum Turcis obsistit; crescente siti in præfidiariis deditionem facit 148. a Geor. Lenkovichio militari astu occupatum, rursus amittitur 254.
 Comnena stirps Trapezuntinæ regioni imperitat 23. domesticis discordiis labascit 24. Trapezuntem amittit *ibid.*
 Comparatio Vladi Principis Valachiæ cum Tarquinio 25. Solymani II. Imp. per Muram fluvium traduentis exercitum cum Julio Cæsare 132. Toleti Hispanorum Ducis cum Rege Macedonum 167. Thomæ Nádasdi cum Julio Cæsare 171. Georgii Deákii cum Archimede 173. Mustaphæ I. Imp. cum Bruto 295.
 Confalvus Magnus, classis Hispanæ Præfectus Cephalenia capta in Siciliam abit 78.
 Constantinopolis decennio lenta obfidione perimitur 4. arctius circumfidetur 5. 6. quantus numerum obsidentium Turcarum? 12. acerrime terra & mari fatigatur 13. & sequit omni ex parte urbs clauderetur, naves in sinum Ceratinum terra provehuntur 14. assultus in ruinam murorum; in urbem penetrant; ejus depopulatio; quantæ opes congestæ 15. urbs incolis exhausta, novos colonos accipit 16. fulmine percussa magnam partem conflagratur 58. 80. 146. motu terræ strages ædificiorum, meliorem formam a Bajazethe II. Imp. accipit 80. peste corripitur 146. V. Byzantium, Janicsari, incendium, pestis, populatio.
 Constan-

- Constantinus Palæologus Imp. Græc. admo-
net Mahometem, ne ad Bosphorum Thra-
cium munimentum erigat 11. Principum
Christianorum opem petit; Romanæ Ec-
clesiæ cum Senatu accedit *ibid.* Constanti-
nopolim strenue propugnat; fortiter pu-
gnans occumbit 15. ejus fratres Demetrius
& Thomas Peloponnesi Domini, se armis
impetunt 20. eos Mahometes II. Imp.
omni Peloponneso proturbat 23.
Controversia inter Oratores Regum Gall. &
Hung. 214.
Corcuthes Bajazethis II. filius, spe Imperii
allectus, Byzantium venit; a fratre Sely-
mo vitam exorat 85. otio literarum dedi-
tus, Bibliothecam Asianis Sacerdotibus le-
gat; in convivio ex imperio Selymi præ-
focatur 88.
Corcyra insula a Solymano II. Imp. vasta-
tur 142.
Corcyra urbs juris Veneti a Solym. II. Imp.
obsidetur 142. Aloysius Ripa, & Simon
Leonius Veneti eam tuentur; imbellem
turbam e præsidio jubent discedere 142.
Coriolanus Cepio Petri Mocenici classis Ve-
netæ Archichalassi res gestas scribit 35.
Corone urbs Turcis subditur 77. ab Hispanis
recipitur cæsis auxiliariis copiis Turcarum;
obsessa a Turcis fame vexatur 133. deserit-
ur ab Hispanis 134. eam repetit Solyma-
nus 147.
Corsica Genuensium insula capta a Turcis;
suis Dominis restituitur 169.
Cortugolus pirata mare infestat; Solymanum
II. Imp. in Rhodios Equites inflamat
108.
Corvinus V. Joannes, Mathias.
Corynthus urbs a Turcis expugnatur 21.
Cosaci desertis Turcarum partibus, Rudolphi
copiis se jungunt ad Strigonium 281. na-
vigia Ottomanorum ad mare Euxinum in-
cendio delent 291. populantur agrum By-
zantinum 297.
Cracovia adversus Turcas munitur 65.
Creta insula sagitarios & vinum Rhodiis E-
quitibus præbet 109. Liladamus Equitum
Magister amissa Rhodo eo navigat cum
suis 117. incendiis & direptionibus defor-
matur a Turcis 202.
Croatæ victoriam faciunt 46. in Hunga-
riam migrant metu Turcarum 224. Tur-
cas cædunt 234. pugna vincuntur ab Haf-
sane Bosniæ Præfecto 237. eundem inter-
necione delent 238. Achomatem Eunuchum
bis in fugam compellunt 255.
Croatia invaditur a Mehemete Jahiogle 148.
a Ferhate Præfecto Bosniæ 224. ab Hassa-
ne Præfecto Bosniæ 234. 236.
Croja urbs Albanæ sæpius impugnata a Tur-
cis, defenditur a Georgio Castrioto 9. a
morte Castrioti fame expugnatur; oppida-
ni Byzantium abducuntur 43.
Cuniculis tentatur Byzantium 13. Rhodus 111.
112. Vienna 127. Agria 173. Melita 185. Fa-
magusta 202. Jaurinum 243. Strigonium 281.
destruuntur cuniculi 113.
Cydonia urbs Cretæ juris Veneti a Turcis
irrito conatu obsidetur 143.
Cypri insulæ descriptio; quos Dominos olim
habuerit? 199. a Selymo II. Imp. Vene-
tis eripitur 203.
Cypria virgo V. Arnalda Rocasia.
- Dalmatæ fraude Turcarum delusi cædun-
tur 71.
Dalmatia vastatur 41. 71.
Damianus Epirota insidias struit vitæ Soly-
mani II. Imp. 142. captus genti suæ ex-
cidium maturavit *ibid.*
Dandulus, aliis etiam Dandalus. V. Nico-
laus.
Daudes V. Thaudes.
Deliberatio magna de regno Hungariæ 153.
Demetrius Palæologus fratrem suum Tho-
mam armis impetit 20. in conjugem dat
Mahometi II. Imp. filiam suam 22. Tur-
carum stipendiarius fratrem suum impugnat,
omnibusque fortunis evertit 23.
Derbentum urbs a Turcis occupatur 211.
Descriptio Belgradi 18. Caphæ 41. Albanæ,
& incolarum 60. navigiorum 70. amænita-
tis provinciæ Arcadiæ 76. Bairæ 99. Hun-
gariæ & Hungarorum tempore Solym. II.
Imp. 103. Religiosorum Turc. 123. Impe-
rii Turcici aucti, & imminuti 296. 297.
Mustaphæ Imp. carceris ærumnis nimium
exhausti 302. Albæ Regalis 157. Algerii
160. funebri pompæ Solymani II. Imp.
196. Cypri insulæ 199. Hippodromi ornati
215. petardæ, seu pyroclastri 262. Delia-
rum, seu furentium Turcarum equitum
273. castrorum Ottomanicorum 276.
Dervisius e genere Religiosorum Turc. Ma-
hometem Vezirium interficit 213.
Diodorus Mamaluchorum Ductor, Ottoma-
nos bis pugna superat 55. triumphanti si-
milis in Ægyptum redit *ibid.*
Diploma Turcicum Isabellæ Joannis R. vi-
dæ datum a Solymano II. Imp. 154.
Dolus Mustaphæ Burgluzæ, & Cineitis 6.
Mahometis II. Imp. ad Belgradum 19.
Mathiæ Corvini R. ad Szabácium 40. Us-
begi Ægyptii 57. Præfecti classis Turcicæ
71. Achimatis ad Naupliam 74. Petri Ke-
glevichii ad Jaiczam 104. nuntii Turcici
109. Rhodiorum 111. Ferhatis in Alimbe-
gum 117. Solymani in prælio Mohácsiensis
121. Chairadinis piratæ 136. Solymani Imp.
Budam occupantis 153. Achomatis Nico-
poleos Præfecti 155. Dragutis Aphrodi-
sium urbem Africæ subjugantis 165. ejus-
dem Doriam eludentis 168. Mehemetis
mortem Solymani Imp. ad Szigethum ce-
lantis 193. Scenderis Janicfaros Byzantio
avocantis 195. Stephani Barii Dedefiensis
arcis mænia pulvere pyrio evertentis cum
strage Turcarum 196. Cicalæ urbem Tau-
rim novo præsidio instruantis 219. Benedi-
cti Pinteri in arce Kékö 223. Balthasaris
Bathányi Nobiles in pugnam retrahentis
224. Mustabegi personatum Nádasium
conficientis 228. Sigismundi Rákoczii tubi-
cinis ad Szikszoviam 231. Adolphi Schvar-
cenburgi, & Nicolai Pálffy Jaurinum intercipientium 262. Mehemetis Purpurati dis-
cordias ferentis inter seditiosos 267.
Dominicus Catalusius Lesbi insulæ Dominus,
se, insulamque dat Mahometi II. Imp.
subinde in vincula conjectus, mox libertati
redditus, capite truncatur 26.
Dracula V. Vladus.
Dragutes Africanæ classis a Chairadine præfi-
citur, 63. prælio maritimo victus, a Do-
ria capitur; lytro perfoluto libertatem ob-
tinet *ibid.* Liguriam infestat tanto nominis
terrore, ut alter Chairadines nominaretur;
R r 2 illius

illius militaris vigor; supremam classis Turcicæ præfecturam accipit 164. classe in Africam advolat, & Aphrodisium dolo capit; in Europam solvit ad divexandas Caroli V. provincias 65. juxta Pollentiam cladem passus, fugam capessit; Aphrodisio ab Hispanis obfesso suppetias ferre molitur 168. ab Andrea Doria in Meninge insula concluditur; mira arte Doriam eludit; Melitam nullo conatu impugnat; Tripolim obsidet *ibid.* captam Tripolim gubernat 169. eam adversus Hispanos præsidio firmat 180. Oranum terra & mari oppugnatum festinat 181. adventu Hispanæ classis perculsus oppugnationem deferit 182. ad Melitam oppugnandam advolat; in assultu vulneratus post biduum vivere desiit 183. mœror exercitus; ejus militares artes 184.

Dulcinium, vulgo Dulcigno, Olcinium, urbs Dalmatiæ a Turcis captum; cives Byzantium abducti 202.

E.

Eduardus Csernovichius Maximiliani R. H. Orator, bellum Byzantio reportat 196. Emericus Balassa Transyl. Vaivoda Ferdinandi I. R. H. partes amplectitur 150. a Joanne R. captus, veniam impetrat *ibid.* Emericus Cibakus Transyl. Præfectus a Ludovico Gritto in castra pellectus occiditur 147.

Emericus Deákus ad Jaiczam liberandam proficiscitur 28. sparso rumore adventantis Mathiæ Corvini Turcam fugat; Strevenichum oppidum Bosniæ assultu capit; sagitta oculum perculsus, Regi Mathiæ reditum persuadet 29.

Emericus Derenczenius Illyrici Banus, post infelicem pugnam in Modrusiensis campo commissam, captus Byzantium deportatur cum Nobilioribus Hungaris, ac Illyris; Christianæ fidei constans assertor, in quandam insulam relegatus, veneno, vel aere pestilente interiit 62.

Epidauros urbs Peloponnesi a Venetis pacis causa Turcis ceditur 146.

Epiri incolas Solymanus II. Imp. subjugat 142.

Epistola Zizimi ad fratrem Bajazethem II. Imp. 52. Selymi ad patrem suum Bajazethem II. Imp. 82. a Selymo Imp. conficta nomine Præfectorum ad Achomatem 88. Solymani II. Imp. ad M. Magistrum Equitum Rhodiorum 107. hujus ad Solymanum 108. Pyrhi Purpurati ad eundem Magistrum *ibid.* Solymani ad Rhodios Equites 110. ejusdem ad eosdem 115. Ferdinandi I. R. Hung. ad Proceres Hung. 159. Sinanis Vezirii ficta nomine Ferhatis æmuli 253. Ibrahimi Vezirii ad Nic. Pálfi; Tartarorum Reguli ad eundem de negotio pacis 264.

Erasmus Teuffel supremus copiarum Ductor Ferd. I. R. H. Turcas prælio superat 171. altero victus Byzantium cum pluribus captivis abripitur, & Bosphorano mari mergitur 172.

Erchasus Techmasis Persarum R. frater ad Turcas deficit 164. prædas agit in provinciis Persicis; odio laborat apud Purpuratos Turcas; clam fugam arripit; captus ad arumnas carceris damnatur 165.

Erdödi V. Petrus, Thomas.

F.

Facinus crudele Amurathis I. in suum filium 3. Mahometis II. Imp. in fratres suos 10. Ducis Notaræ Græci insigne 16. Hungari militis Belgradi 19. Trapezuntini Principis crudele in suum patrem & siccarios 24. Vladi Draculæ filii in Legatos Turcas 25. Mahometis II. Imp. in piratas 26. in Stephanum Bosniæ Regulum 27. in Hericium Chalcidis Prætozem 34. Hungari militis egregium facinus 29. Lemniacæ virginis Turcas fugantis 42. Turcarum in Præfulem Rhodiorum 49. Jakafichii in captivum Turcam 56. Budaci Begi in filium Aladeulis Reguli 58. audax cujusdam Dervisii in Bajazethem II. Imp. 60. Achomatis sævum in patris sui Oratorem 84. generosum Principis Turcici 87. audax Solymani II. Imp. exercitum traducentis per Muram 132. ejusdem per fluvium Gezid copias trajicientis in Persiam 138. Turcarum ignem supponentium pulverariæ turri 133. inhumanum Muleassis Tunetani Reguli in suos fratres 136. Damiani Epirotæ Solymano II. Imp. insidiantis 142. Crudele Valachorum. & Moldavorum in Ludovicum Gritum, & ejus filios 147. Chairadinis in cineres Telamonii 162. Trium fratrum in signo militari vindicando egregium; Turcarum in Melitenfes Equites sævum 184. Nicolai Zrinyii heroe dignum 192. Cypriæ virginis navigium inflammantis 201. Amidæ crudele in patrem, & fratres suos 206. Amurathis III. Imp. in fratres suos 209. Ismaelis R. Persarum in Proceres & fratrem suum 210. Mahomethis III. Imp. in fratres suos 247.

Famagusta urbs Cypri a Mustapha Vezirio obfessa deditioe obtinetur; diripitur secus, ac conventum fuit 202.

Fames Corinthiaca 21. Scodrensis 45. in exercitu Turcico 67. 74. 90. inter præsidiarios Hispanos urbis Coronæ 134. in Christianorum exercitu 149. Famagustana in Cypro 202. Teflensis 214. Constantinopoli 251.

Ferdinandus Hardeg suas copias Pálffianis miscet 240. Jaurinum defendendum ei commendatur; deditioem præproperam facit; a Bellico Senatu capitis reus declaratur 244.

Ferdinandus R. Neapoleos naves in Turcas expedit 35. Hydruntum obsidet 50. a Mathia Corvino R. H. auxiliares copias petit; copiis acceptis Hydruntum expugnat; contra datam fidem præsidiarii Turcæ suppellectili sua spoliatur 50.

Ferdinandus Speciacafa Vesprimii Præfectus, cum præsidiariis fugam arripit; in fuga plerique cæduntur a Turcis; ipse captus, annis duobus Belgradi carcerem perpeffus, libertate donatur 239.

Ferhates Bajazethis II. Imp. gener, & Ductor copiarum, a Mamaluchis in pugna mactatur 53.

Ferhates Bosniæ Præfectus Aurspergum cædit; aliquot castella in Croatia juris sui facit 224. per Thomam Erdödi Illyrici Pro-R. præda omni exuitur 227. Budensis præfecturæ admotus, avare habet oppida sibi subiecta; incolas Szikszoviæ divexat; ejus verba de Szikszoviensibus; copias in eos movet 230. magna strage profligatus, Budæ se modestior continet 231. querulatur apud Ernestum Archiducem Turcas Hungarorum dolo cæfos; muneribus placatur 232. stipendia militum differt,

differt, resque cibarias caro divendit; a Janicfaris Budæ interficitur; in præfectura successorem habet Hassanem Mehemetis Purpuratorum Principis filium 231.

Ferhates militum Præfectus, Osmanis copiarum Ductoris vices obit in castris; ejus avaritia 217. Byzantium reus evocatus, ad exercitum a Persis victum remittitur; novam munitionem ad Taurisum molitur 219. bellum pace componere adlaborat 220. sua eloquentia Turcis utilem conficit cum Persa; Vezirii dignitatem sperat; Sinanem Vezirium criminatur; fit Vezirius dejecto Sinane; accusatus, auro litem redimit 221. Janicfarorum querelis loco motus, Vezirii dignitatem Sinani cedit 222. cum hoc simultates exercet; adversus Sigism. Balthorium Transylv. Principem grandem exercitum movet; ab Adalberto Kiralyio ingenti clade proteritur 251. successorem sibi dari postulat; Sinan Vezirius haud felicius eidem succedit 251. Ferhates Byzantium redux, pluribus ingratus 253. privatam vitam lætissimo vultu agit; æmulos cupito mœrentis aspectu fraudat *ibid.* ficta ejus nomine epistola 254. ex imperio Mahometis III. Imp. strangulatur; opes illius prope Regiæ in ærarium redactæ 254.

Ferhates Purpuratus Solymanum II. ad capiendum Imperium invitat 101. Gazalem, sive Gazellem in acie obtruncat 103. Alimbegum Dulgadiriæ Principem dolo interimit 117. Sirmiensem agrum populatur 118. a Bardio Hungarorum Ductore, fortissime in orbem pugnans, sternitur *ibid.*

Ferocia equi Turcici adversarium equitem terræ allidentis, & dentibus diserpentis 232.

Fœdus Solymani II. Imp. cum Joanne Zápolyio R. H. 125. Pauli III. Pontif. & Caroli V. Imp. cum Repub. Veneta adversus Solymanum II. Imp. 143. fere dissolvitur 145. Sigismundi Balthorii Principis Transylv. cum Rudolpho II. R. H. contra Mahometem III. Imp. 146.

Forgács V. Simon.

Franciscus Bathyáni Turcas cædit ad Jaiczam 119.

Franciscus Nádasdi Alibegum Szigethi Præfectum rejicit 224. Scanderbegum Posseganæ regioni imperitantem clade afficit 225. Isacum Albæ Regalis Gubernatorem fundit, fugatque 227. copias ducit per lacum Balatonem glacie constrictum; Kopanum, seu Kopanium uno impetu capit; præsens vitæ periculum vitat 228. Salvarem Bosniæ Præfectum cum Zrinyio, Battyánio, Trautmanstorffio profligat 229. castra Pálfiiana auget suis militibus 240. Parkanum præsidium occupat 248. ductu Mansfeldii in pugna Strigoniensi victor 249. cum Budensi Purpurato configit; hoc in prælio captus Abdulaes Kopaniensis Præfectus, hortatur Mehemetem, ut Strigonium dedat Mathiæ Archiduci 249. ad pacem faciendam cum Turcis, petit insulam inter Budam & Strigonium sitam 265. Gallos Papæ præfidiarios transfugas in ipsa fuga partim concidit, partim capit 270. cum Georgio Turzo aliquot præsidia ad Danubium sita Turcis eripit 275.

Franciscus Nyári Turcas cædit 151. 159.

Franciscus Sarmæntus Hispanus, Castellum novum Dalmatiæ præsidium propugnat 145.

Franciscus Zai Orator Ferdinandi I. R. H. pacem quærit apud Solymanum II. Imp. 174.

Fridericus Krekovich Rudolphi II. R. H. Legatus monetur, ut munus Amurathi III. Imp.

mittatur 236. carceri mancipatur Byzantii; ejus domestici partim trucidantur, partim ad triremes damnantur 238. libertati redditur cum suis 258.

Fridericus Preiner inducias prorogaturus Byzantium abit 222. queritur apud Purpuratos inducias ruptas a Turcis; eorum responsum 224.

Fridericus Trautmanstorff Salvaris Bosniæ Præfecti copiis cladem infert 229.

Frigus insolitum 67. 128. 132. 138.

G.

GAbriel Berlenius dominatum Transylv. invadit; a Ludovico Rákoczio, & Henrico Dampiero profligatur; Bocskájo favere videtur in obtinendo principatu 282. armis Turcarum in Transylv. deducitur 293. Lip-pam, & Jenejam Turcis cedit 294. Hungariam, Austriam, Moraviam, Bohemiam populatur 299.

Gabriel Serbellonius in Africa munitionem excitat; Guletam operibus & milite firmat; novam suam munitionem adversus Turcas strenue defendit 207. hostes in interiora præsidii vi penetrant, Serbellonium circumveniunt; Byzantium in triumphum ductus, a Gregorio XIII. redimitur; ejus elogium 208. Galata urbs capto Byzantio se Mahometi II. Imp. dat 15.

Galli ad Nicopolim a Turcis cæsi 4. eorum classis in Turcas expedita; reprobant modum pugnandi Grimani Veneti Præfecti 72. Gallica navis cum aliquot hostilibus fortiter decertat, pugna navalis Venetis & Gallis prospera 73. Papenses præfidiarii ob non soluta stipendia se, & præsidium hosti dedunt 270. Suarcenburgum supremum exercitus Rudolphi II. Ducem glande conficiunt; a Franc. Nádasdio ad oram Bakonyiæ sylvæ circumventi plerique cæduntur, capti suppliciis manantur 270.

Garfias Tolertanus classem in Africam solvit; Veliam, sive Penolium Dragutis præsidium, post acrem oppugnationem deditione capit 182. suppetias fert Melitæ obsessæ 185. rursus navigia auxilio submisit, at sero; Brie-tius de eo quid scribat? 186.

Gazam se recipiunt Mamaluchi prælio fusi; ea urbs obsidetur.

Gazellis, seu Gazalis, in Turcas coortus retruditur 94. hostium exercitum in Ægyptum tendentem vexat, & vulneratur; sinistram Ægyptiorum fortunam perofus, ad Sely-mum Imp. deficit; Purpuratorum numerum auget 96. Thamanbegum victum, ac intra paludes latitantem, Memphim abripit 97. Syriæ Præfectus renunciatus, in Solymanum II. Imp. bellum molitur 102. Damasco vicinas urbes suo præsidio occupat; Hierapolis victori obsistit; a Ferhate in acie obtruncatur 103.

Gazis Tartarorum Princeps Danubium cum suis tranat; a Nicolao Pálfiio in fugam vertitur 243.

Genuensium naves Byzantinum portum ingrediuntur, mersis Turcarum navigiis 13.

Georgius Anton. Meligabus Byzantium cum uxore, & liberis abit; Rhodum prodit Mahometi II. Imp. 47. ad Rhodios redit; ab Ambussanio excruciarum iussus, fatetur crimina, & supplicio afficitur 49.

Georgius Basta Rudolphi R. H. copiarum Ductor Sigism. Balthorium, dein Moyssem Si-

I N D E X.

- culum vincit 275. Rosvurmii successor datus, ad Parkanum stationem figit, binos pontes Danubio injicit 281. Bocskaianos cædit; ob militum seditionem recedit 282.
- Georgius Bathyáni** navigia Turcarum igne corripit & hostes cædit 118.
- Georgius Bildenstein** cladem accipit ab Uluma, seu Ulamane Persa 168.
- Georgius Brankovics** Servizæ Despotæ, Amurathi II. filiam in conjugem dat; Semendriæ munimentum excitat; eam evertit Amurathes 7. pacem offert Hungaris; Brankovicio Serviam cedit 8. opem Hungarorum implorat contra Mahometem II. *ibid.*
- Georgius Castriotus**, Epiri, Albanizque Regulus, vulgo Scanderbegus, obses Adrianopolim ducitur 7. Crojam semel, atque iterum strenuus tuetur; cum Joanne Hunniade Amurathem II. invadere decernit 9. Mahometem II. gemina clade afficit 10. a Christianis Principibus subsidia accipit; Crojam novis operibus munit, & in aditu Albaniz munimentum erigit; transfugæ Mosis exercitum fundit 10. mortem obit; viri bellicosi encomium 31. ejus filius Joannes Albaniam armis defendit 60.
- Georgius Deákus** Agriæ obsessus, nova arte pulveres pyrios, variasque machinas perficit 173. præfecturam arcis adeptus, a Vilibego per insidias exceptus Byzantium mittitur, ac Achomatis odio in furcam agitur *ibid.*
- Georgius Hofzutorus** ærarii Regii Curator, Byzantium legatur ad pacem stabiliendam; in custodiam datur a Solymano II. Imp. ob munera intermissa 189. elato Solymano Selymum Imp. Belgradi convenit; spem induciarum obtinet 196.
- Georgius Martinus** Episc. Varadin. tutor constituitur Joannis Sigismundi pupilli 150. Valentino Török supremo copiarum Isabellæ R. vincula procurat apud Turcas 154. inimicitias cum Isabella exercet; Cibinio eam prohibet; odium Solymani in illum 169. Isabellæ armis victus, pacem exorat; rursus iniquies Castaldum in Daciam evocat 170. Romanam Purpuram accipit; Lippæ præsidarios Turcas in tutum abducit; similitates inter eum & Castaldum; a sicario occiditur 171.
- Georgius Turzo** in fugam conjicitur a Præfecto Strigonii 232.
- Georgius Zápolya** copiis præficitur cum Tomorio 120.
- Georgius Zrinyi** filius Nicolai, quatuor præsidarios Szigethanos superstites e Turcica servitute redimit 192. Alibegum Szigethi Præfectum in fugam compellit 224. Scanderbegum Possegæ Præfectum profligat 225. Kaniizæ præsidium gubernat; Nádasdium, Bathyanium, Trautmanstarnum in castra invitat; Salsvaris Bosniæ Præfecti exercitum insigni clade mulctat 229. suas copias in Palstiana castra adducit 240. castella aliquot in Illyrico hosti adimit 243. Babocsam capit 250. post Kaniizæ obsidionem mortem obit 277.
- Gerardus Weltvichius** inducias facit cum Solymano II. Imp.; conditiones 159.
- Germani Rhodum** tuentur 111. præsidarii Budenses Solymano II. Imp. arcem tradunt; contra datam fidem sarcinis, & vita privantur 126. ex Austria evasata reduces Turcas opprimunt 131. ad Budam dum castra referunt, cum strage fugantur 151. Salsvarem Szolnokini Præfectum ad Agriam cædunt 225. Ferhatem ad Szikszoviam 231. Hassanem Bosniæ Præfectum ad Sisiciam 238. Hassanem Budæ Præfectum 249. Strigonium, & munitionem in monte S. Thomæ erectam acriter defendunt 283.
- Geztesia** arx ab Hungaris capta, restituitur Turcis 231.
- Giafferes** Purpuratus in Hungariam præire jubetur, cum valida armatorum manu 257.
- Ginsium** obsidetur a Solymano II. Imp. 131. a Nicolao Jurissithio invicto robore propugnatur; in monimentum fortitudinis, vexillum candidi coloris Ginsiensibus relinquit Solymanus; illud testatur se vidisse in urbis templo Istvanisus 131.
- Græci** ab Orchane Turcarum Principe funduntur; mari & terra eundem vincunt; discordes domesticum bellum alunt 2. parum solliciti de urbe sua 4. obsidentur a Bajazethe 5. ab Amurathe II. profligantur una cum Mustapha Imperii æmulo 6. Calliopolim Amurathi eripiunt, eandem rursus amittunt; Legati Demetrius Cantacuzenus. Mathæus Lascaris, Angelus Notaras ab Amurathe in vincula coniecti; assilientes in muros Byzantii, Græci rejiciunt 6. Hungaros in auxilium vocant 8. unionem cum Ecclesia Romana rejiciunt 11. Nobiles Constantinopolim fortissime defensores 12. jussu Mahometis II. Imp. trucidantur 12. Græci adolescentes imbuuntur militari disciplina, & secta Mahometana 20. in Peloponneso fugantur 22. sub hasta venduntur 34.
- Gregorius XIII.** festum SS. Rosarii instituit ob victoriam ad Echinadas insulas de Ottomano reportatam 205. Gabrielem Serbellonium e servitute Turcica redimit 208.
- Grimanus V.** Antonius, Marcus.
- Guleta** urbs Africæ a Turcis occupatur 136. armis Caroli V. Imp. subigitur 141. Turcis deditur 207. munitio Guletæ ab iis everfa; partium Hispanarum oppidani jugulantur 208.
- Gulielmus Rogendorffius** Budam infestat 129. a Mehemete Jahiogle obsidione depellitur 130. iterum eam cingit; assultum tentat sine Hungaris non sat felicem; obsidionem præceps solvit 151. castris amissis vulnere, & animo æger in oppido Somorjæ contabescit 152.
- Gyulam** capit Pertaves 191.

H.

- Hales** Aphrodisii Præfectus in Hispanos pugnans occumbit 167.
- Hassanes** Beglerbegus, Sinanis Vezirii filius, Sisiciam expugnat 239. in paterna castra redit *ibid.* mittitur a patre, ut Budensi urbi consulat 240. ad Jaurinum contracto certamine cum nostris vulneratur 244. Strigoniensibus obsessis auxilium fert 248. Janicfaro in Schvarcenburgum movet in Strigonienfi prælio; victus amittit castrensem suppellectilem 249.
- Hassanes** Bosniæ Præfectus, vincitur a Sinane Vezirio ad bellum Hungaricum; ejus origo, & munia; in Croatiam irrumpit; a Croatis cum strage in fugam agitur 234. iterum Croatiam infestus petit; ad amnem Petrinium præsidium e fundamentis excitat; Sisiciam urget; Rustanem Legatum suum Byzantium dimittit cum mendaciis 235. amplam potestatem accipit ab Amurathe III. Imp. bellum gerendi in Illyros; Bihigium sub jugum mittit; Erdödii Pro-R. castra infestat; prælio superior famam nominis mirum dilatat 236.

tur-

- rursum Sisciam oppugnat 237. ab Erdödio ingenti victus prælio, Colapi fluvio mergitur 238.
- Hassanes**, filius Mehemëtis Purpuratorum Principis, fit Budæ Præfectus 233. ad Jaurinum a Palfianis militibus pressus, prælio excedit 244. Strigonio obfesso auxilium fert; delectos mittit exploratum castra Mansfeldii; monet, ne manus conferant cum nostris 248. prælium equestre committitur, crescente numero pugnantium; Turcæ pulsi intra munimenta castrorum semet recipiunt 249. Hassanes decretoriam pugnam Mansfeldio offert; victus militem & castra amittit; quantus numerus caëorum, & quid spoliolum captum? *ibid.* rursum profligatur a Nádasdio juxta Vetro - Budam *ibid.*
- Hassanes Gimelgis Vezirius**, ad Albam Regalem confidet; acie vincitur a Mercuriano Duce 273. redintegrato exercitu in Hungariam venit, Albam Regalem expugnat; Buda munita Belgradum abit 274. ad Budam liberandam accurrit; Pestum irritum conatu infestat 275. castra ponit ad Vacium; ac certamen init ad pontes Danubio impositos; quantus numerus caëorum 276. copias movet in Hungariam; Strigonium claudit; cladem passus de pace interpellat Georgium Bastam 281. assultu incassum tentato obfisionem solvit; quantus numerus perierit 282.
- Hassanes Temesiæ Præfectus** arcem Dedesiensem a Stephano Bario desertam intrat; ruina murorum 400. Turcarum opprimuntur; superiorem Hungariam populabundus percurfat 196.
- Henricus Dampierus** cum Ludovico Rákoczio, Temesiæ Præfectum gemina clade afficit 276. 282.
- Henricus Liechtenstein Legatus Rudolphi II. R. H. Amurathi III. Imp.** munera offert 226. queritur inducias violatas; e vivis migrat 227.
- Herbertus Aursperg** a Turcis cum milite suo caëus; ejus filius captivus Byzantium abducitur 224.
- Hermanus Chernin Orator Mathiæ II. R. H.** Byzantium insolito apparatu ingreditur; a Purpuratis inculatur; perangusto hospitio inclusus, ægre alloquium obtinet Achmetis I. Imp. 294. Pragæ enarrat legationis exitum 295.
- Hieronymus Canalius Venetus** de pirata Moro victoriam reportat 134.
- Hieronymus Cantareus** a facis Trivisani classi Venetæ præest 75. prælium vitat 76.
- Hieronymus Laskus Palatinus Siradiensis Legatum Joannis Zapolya agit** ad Solymanum II. Imp. 124. in alloquium Purpuratorum admissus, summa libertate Joannis rem agit, negatque vestigial annuum ab Hungaris pendendum 125. Solymanum adit; fœdus jramento firmat nomine Zapolyii *ibid.* Ferdinandi I. partes amplexus, ab eodem ad Solymanum legatur 150. morbo vexatus in itinere, e sententia Solymani vinculis oneratur; cur ad Ferdinandum desciverit? 151. Belgradi libertate donatur 154. moritur non sine suspitione veneni lacti immisti 155.
- Hieronymus Meno** sagita oculum percussus a perfidis civibus interimitur 143.
- Hieronymus Novellus equitum Magister** ad Sontium amnem suo cum filio a Turcis confoditur 43.
- Hierapolis, sive Aleppum, urbs Syriæ**, fere prodicione capitur a Selymo Imp. 93. deditio-
ne ab eodem obtinetur 94.
- Hippodromus Byzantii** variis trophæis ornatus 215.
- Hispanæ naves** a Ferdinando R. Venetis missæ; Cephaleniam insulam subigunt; lectis spoliis in Siciliam redeunt 78. classis tempestate multum afflicta 160. in Cretam perveniunt navigia Hispanorum 200.
- Hispani Rhodum** tuentur 111. propugnaculum amissum ope Cretensium recuperant 114. in defensione Viennæ utilem operam præstant 127. erumpentes a Turcis circumfusi viam sibi ferro aperiunt 128. Methonen, & Patras urbem Achajæ capiunt; violatores pactorum suspendio puniuntur; Peloponnesum populantur 133. navali pugna vincunt Turcas; Coronen fame pressi deserunt, ac in Italiam solvunt 134. ab Orncio Regulo in Africa stragem passi, versâ fortuna eundem cædunt 135. Guletam assultu capiunt 141. Castello novo in Dalmatia suum præsidium imponunt 145. expugnati, partim occiduntur, partim in servitutem abripiuntur *ibid.* Aphrodisium armis domant 167. Temesiam tuentur 170. egregium eorum facinus Lippam invadentium 171. arcem Meningis insulæ propugnant; contra datam fidem capti retinentur 180. in Africa Vesiam expugnant 182. Tunetum, Bisertam capiunt 206. præsidarii Guletæ cæsi 207. in Africam expeditionem suscipiunt 271. Algerium per insidias intercipere nituntur; trepidis velis in Europam festinant 272.
- Hodabendes regnum Persicum** privatæ vitæ postponit; sublato Ismaele fratre, regnò rursum admovetur 210. Turcas multis præliis frangit 214. memor variantis fortunæ, pacem cupit; iniquis conditionibus offensus, bellum continuat *ibid.* ejus Orator Byzantii in carcerem detrusus, Osmanis in aula dominantis cura, libertate donatur; spes pacis rursum evertitur 217. Amfa Hodabendis filius memorabili clade afficit Turcas 218. Amfa in castris obruncato, regnum gubernandum alteri filio cedit Hodabendes 219. conditionum insolentia irritatus, pacem facere renuit; Usbeko Tartariæ Regulo Persiam urente, conditiones pacis, Persiæ damnosas, acceptat 220. Amfæ filium obfidis loco Byzantium mittit *ibid.* legationis principem capitis damnat 221.
- Hungari auxilium ferunt Græcis**, ad Nicopolim cæsi 4. Belgradum propugnant 7. Nicopolim, Varnam, aliasque urbes in potestatem redigunt 8. ab Amurathe vincuntur; in campo merularum triduo pugnam extrahentes, coguntur cedere; quantus numerus caëorum? 9. bellum apparant 17. Belgradum iterum defendunt 19. tum Jaiczam 28. 29. Serviam populantur 40. Turcas cædunt ad Temesiam 41. ad vicum Verbocizium, & Kenyérmezö 46. in turri Hydruntina 50. ad Jaiczam 75. Vidinum capiunt & exurunt 79. Proceres ægre assentiuntur conditionibus a Selymo Imp. latis 98. Legatum Solymani II. Imp. cum dedecore rejiciunt 104. Sabácsium strenue tuentur 105. Belgradi defensores contra datam fidem a Turcis trucidantur 106. Proceres sibi blandiuntur de obrenta ad Jaiczam victoria 119. discordes ductum Palatini sequi recusant 120. equestres copiæ victoriam pollicentur Ludovico II. R. adversus Solymanum II. Imp. 120. quantus numerus armatorum in exercitu Hungarorum? equestri

certamine superant Turcas; eorum acies in decretoria pugna ad Mohács 121. impetum hostium sustinent, primam eorum aciem infringunt; turbantur ob castra capta a Balibego; in fugam aguntur tempestate tormentorum post trium horarum certamen; numerus caëtorum peditum, equitum, Nobilium 122. pars Joannem Zápolya, pars Ferdinandum Archi-Ducem in Regem H. deligunt; domestica bella Hung. 124. 147. Budam obsident 151. Proceres Joannem Sigismundum pupillum in castra Solymani comitantur 152. Budam liberi dimittuntur præter Valentinum Török 153. Temesiam cum Hispanis fortiter propugnant 170. Lippam Duce Thoma Nádasdio assultu obtinent; Szegedinum capiunt; profligantur a Budensi Præfecto 171. Agriam strenue propugnant 173; & Szigethum; assilientes Turcas rejiciunt; omnes trucidantur præter quatuor 192. Procerum verba in comitiis Posonienfibus 197. Salvarem profligant 225. Kopanum uno impetu occupant, ac diripiunt 228. ad Szikszoviam de Ferhate Budæ Præfecto victoriam referunt 231. in castra Nicolai Pálffi numerosi confluent 240. eorum Ductores; Albam Regalem infestant; prælio superiores Budæ Præfectum fundunt; quot cæsi ex utraque parte 240. Tartaris stragem inferunt 243. cum Turcis ad Jaurinum configunt 244. Hassanem Budæ Præfectum ad Strigonium 249. eundem ad Vetero-Budam prælio vincunt 250. Hungari militis egregium facinus Belgradi 19. in defensione Jaiczæ 29.

Hungariæ & Hungarorum descriptio Solymani II. Imp. tempore 103.

Hunniades V. Joannes.

Hydruntum urbem Turcæ evasant 49. obsidetur ab Italis & Hispanis; Hungari a Mathia R. missi, cæso præsidio turrim occupant; urbs deditur 50.

J.

Jacobus Badoarius ad Sontium amnem a Turcis occiditur 43.

Jacobus Barbadicus Capelii Legatus ad Patras cadit. 30.

Jacobus Heraclides in Alexandrum Moldaviæ Principem bellum molitur; e Moldavia pulsus ab Alberto Laszko copiis instruit; sed fugatur ab Alexandro; a Ferdinando R. milite auctus, auspiciis Antonii Székely Moldavos & Turcas clade atterit; Moldaviæ principatum eidem addicit Solymanus Imp. neglecto Alexandro 181.

Jacobus Tragurinus Dalmata R. Mathiæ statuas ex ære conflatur; quales Budæ fuerint 123.

Jacobus Xaicus captus a Turcis, inter cruciatus modum oppugnandæ urbi Rhodiæ edere coactus est 109.

Jacubes Bosniæ Præfectus Illyros & Carnos invadit 62. Banum Illyrici Emericum Dencenzenium, cæso ejus exercitu, Byzantium captivum avehit 62. classi Turcicæ præpositus, Methonen cingit & junctis terrestribus copiis, assultu capit 76.

Jacubes gener Bajazethis II. Imp. in pugna cum Mamaluchis contracta vitam amittit. 58.

Jadera Veneti juris urbs a Turcis oppressa 71.

Jaicza, seu Jaicia, Bosniæ urbs, deditur Mahometi II. Imp. 27. recipitur a Mathia R. *ibid.* circumvallatur a Turcis sine operæ

pretio 75. juxta eam cladem accipiunt hostes a Keglevichio 104. rursus eam circumfident, & pugna vincuntur 119.

Jakafichius, Rasciæ Principis filius, Mathiæ R. Legatus inducias firmat; gratus Bajazethi II. Imp. convivii recreatur; donis colitur; in reditu ad Semendriam multis vulneribus confoditur a Turca; causa cædis 56.

Janicfarorum ordo ab Amurathe I. instituitur 3. Tamerlanis victoriam diu dubiam reddunt 4. Hungarorum impetum sustinent 8. augetur eorum numerus sub Mahomete II. Imp. 27. 296. tumultus ciunt Bizantii 119. 209. 218. 222. 266. ferociam ponunt 218. 222. a Spahiis deserti internecione delentur 231. Ferhatem Budæ Præfectum morte afficiunt 233. vetus eorum æmulatio cum Spahiis; hos jubente Cicala Vezirio infestis armis circumfistunt, & ad obsequium revocant 268. Osmannes Imp. terrore armorum seditiosos frangit. 300.

Janus Purpuratus Bajazethem II. Imperio dejectum comitatur; eidem venenum porrigit 85. castra Mamaluchorum & Memphim oppugnat; vulneratur 97. affectatæ tyrannidis accusatus, occiditur 98.

Jaurinum a Christophoro Lambergio exustum, Solymano II. occupandum relinquitur 126. propugnacula ejus Sinan Vezirius suffodere contendit 243. præmatura deditione in Turcarum potestatem venit 344. a Maximiliano Archi-Duce circumfistitur 261. astu militari illud Turcis eripiunt Schwarzenburgus, & Pálffius 262. quanto numero militum, & qua ratione id præstitum? *ibid.*

Ibrahimus alæ unus Præfectus a Borio in singulare certamen provocatur 232. cur? ferocia equi Ibrahimii *ibid.*

Ibrahimus Dragomanus Francofurti Ferdinandum I. R. H. adit; munera exhibet, pacisque conditiones vulgat. 187.

Ibrahimus Junior Budæ Præfectus Ferdinando Ducem in fugam compellit 187. Melchiorum Balássam Szattmarini obsessum tenet; rerum inopia Budam recedit, ubi peste extinctus *ibid.*

Ibrahimus Purpuratus seditiosum Zelebem in Asia debellat; Hieronymum Laszkum in alloquium admittit 124. tabulas fœderis cum Laszko confectas jurejurando firmat 125. Christianis faver, ejus ortus *ibid.* 125. 130. Ibrahimii studio grandiora tormenta ad quatiendam Viennam non sunt advecta 127. in Syria cum exercitu hyemem agit 135. Chairadini præfecturam maris addicit 135. faver Christianis 137. in Persidem movet; Taurisii arcem bellico apparatu munit *ibid.* ob sinistram in Persas expeditionem vita periclitatur; ejus gratia in aula Imperatorum, artes militares; iram Soltanæ incurrit; factio in eum; morte afficitur 140.

Ibrahimus Vezirius cum Mahomete III. Imp. in Hungariam armatus proficiscitur 357. a pugna Keresztessienfi fidus socius fugientis Imperatoris 259. Vezirii dignitate exuitur; Soltana agente eandem recuperat 260. copias trahit in Hungariam; monita eidem data; classiariorum cæde, & Solymani Budæ Præfecti sinistro casu perturbatur; ejus epistola de pace ad Nicolaum Pálffium 264. Legatos expedit; pax evanescit; timet aggredi Schwarzenburgi castra; ad diripiendas Hungariæ porvicias Tartaros immittit 265. ipse

I N D E X.

- ipse *Tyrnaviam* usque incendiis grassatur ; *Byzantium* reducit exercitum 266. iterum *Hungariam* infestus adit , *Babocsam* capit , *Kanifam* impetit , *Mercorii Ducis* castra aggredi formidat 271. *Kanifam* deditione accipit *ibid.* iterum pacis negotium tractare incipit , at frustra 272. peste correptus *Belgradi* , curas humanas componit 272.
- Illesházi V. Stephanus.**
- Imbri insulæ** cives *Turcarum* multitudinem attractu capillorum produnt *Venetis* 32.
- Incendium Scodræ** 44. *Constantinopoli* 58. navale fervente pugna 72. *Rhodi* 112. *Szigethanum* *Turcis* viam aperit in præsidium 192. *Venetis* 199. *Strigonii* 242. *Papæ* 261.
- Insulanus Albæ Regalis Præfectus** fauciatur ; capta urbe in castra rapatur ; *Byzantium* missus mortem obit. 274.
- Joachimus Brandeburgus** *Pesztum* assultu tentat ; cum cæde repellitur ; *Petro Perényio* vincula indit. 155.
- Joannes Adornus Amurathis II.** exercitum navigiis suis in *Europam* transvehit 6.
- Joannes Austriacus** in bello sacro universæ classis Imperator , sinum *Corynthiacum* petit 203. ad *Echinadas* insulas memorabilem victoriam de communi hoste reportat 204. *Turcarum* XXX. millia cæsa, CLXX. navigia capta, XXX. merfa, captivorum V. millia 205. Pontifices hujus victoriæ memoriam celebrem in Ecclesia fecere ; *Corycam* veteranos milites adducit ; pugnare ardet ; *Uluciale* omne certamen fugiente *ibid.* *Navarinum* *Alexandro Farnesio* oppugnandum committit 206. occasione annoniæ interceptiendæ pugna oritur ; classis divisa hyematum abit ; in *Africam* solvit *Austriacus* , *Tunetum* & *Bisertam* capit *ibid.* *Machmeti* *Tunetani* regnum in speciem confert 207. munitionem inter *Guletam* , & *Tunetum* opera *Serbellonii* e fundamentis excitat ; victor in *Europam* redit offenso *Philippo II.* *Hispaniarum* *R.* agitur de appellatione *Regis Tunetani* *ibid.* mors illius 208.
- Joannes Balássá montanarum urbium Præfectus** , fratrem suum *Melchiorum Szattmari* ni ab *Ibrahim* obsessum liberare nititur ; *Szécsenium* corona circumdat , ab *Hassane* depellitur 187. *Mustaphæ Budensis* Præfecti in eum odium 223. arces juris *Balássiani* a *Turcis* expugnantur ; eas incassum repetit *Nicolaus Istvánfius* a Præfecto *Budensi* *ibid.*
- Joannes Baptista Castaldus Ferdinandi I. R. H.** copiarum Ductor *Daciam* ingreditur ; *Lippam* obsidet , & capit 170. similitates inter eum & *Martinusium* 171.
- Joannes Batthyánus** in prælio *Mohácsiensis* *Illyricis* præest 121.
- Joannes Cantacuzenus Annam Imperatricem** vexat 2. pars utraque *Ottomanos* in auxilium arcessit ; filiam suam *Orchani* tradit in conjugem ; ope *Turcarum* *Servios* fugat 2. orat *Solymanum* , ut ex *Europa* præsidium deducat 3.
- Joannes Cantarenus Alexandrinum Præfectum** multis vulneribus conficit 240.
- Joannes Capistranus** cum cruce signatis *Belgradum* festinat 17. insidias hostium detegit 19. moritur 20.
- Joannes Caltriotus Georgio patri** succedit 31.
- Imp. Ottom. Tom. I.
- in *Italiam* navigat ; opem *Reipub. Venetæ* implorat *ibid.*
- Joannes Comnenus Trapezuntinus Princeps** , navali pugna superatur ; tributum pendit *Mahometi II.* Imp. 24.
- Joannes Corvinus Pro-Rex Illyrici** , castra *Turcarum* victor diripit 75. *Vidinum* subigit cum *Petro Scepusiensi* , & *Josepho Somali* ; *Nicopolim* incendio delet 79.
- Joanni Drághi signum D. Virginis præferenti** in *Mohácsiensis* pugna , calcaria adimuntur 121.
- Joannes Franciscus Aldobrandinus Clementis VIII.** nepos , *Italicarum* copiarum Ductor , *Kanifam* festinat ; febribus correptus , *Varasдини* obit 272.
- Joannes Hunniades Isaci Begi** , dein *Mezicis* exercitum ferro prosternit , quantus caelorum numerus ? 7. rursus alteras hostium copias fundit 8. in *Græcorum* subsidium exercitum cogit 11. in *Servia* XXX. millia *Turcarum* orco immolat , IV. capit ; *Amurathem II.* ad pacem faciendam adigit *ibid.* ad *Varnam* cum *R. Uladislao I.* vincitur ; in campo *merularum* triduo cum *Amurathe* dubio Marte pugnat ; postremum copias retrahit 9. rumor de ejus adventu cum exercitu *Byzantium* 14. *Belgradum* , & *Danubium* munit ; exercitum legit 17. viam ferro aperit *Belgradum* ; peritia ejus pugnandi 18. erumpit cum veteranis cohortibus , & hostem capta statione emovet 19. *Belgradi* obsidione *Mahometem II.* Imp. depellit ; mors *Hunniadis* 20.
- Joannes Katzianer** copiarum Præfectus , deserto milite fugam cepit 149. capitis damnatus , rupto carcere ad *Turcas* fugit ; a *Zrinyio* occiditur 149.
- Joannes Kutassi Metropoli** *Strigon.* negotium pacis tractat cum *Turcis* 269. 272.
- Joannes Maria Vicentinus** , *Mahometis II.* Imp. res gestas scribit ; gratiosus propterea illi , & muneribus cultus 51.
- Joannes Michesius Hebræus** , *Selymum* Imp. in *Venetos* incitat 198. ex *Hispania* pulsus , *Venetias* petit ; inde , non impetrato jure civitatis , *Byzantium* ; in *Cilicia* *Selymum* adit , eumque voluptatum illecebris demeretur ; stimulat illum ad opem ferendam *Mauris* ; odio *Venetorum* ad *Cyprium* bellum hortatur *ibid.* armamentarium *Venetum* in cineres agit 199.
- Joannes Palæologus Imp. Græc.** a *Solymano* , *Archanis* filio , cæditur 2. dein ab *Amurathe* 3. *Byzantio* suo metuens , *Principum Christianorum* arma implorat *ibid.*
- Joannis Pekri** de exercitu *Solymani II.* Imp. verba 120.
- Joannes Sigismundus** , *Joannis Zápolya R. filiolus* , munera accipit a *Solym. II.* Imp. in castra *Solymani* missus , *Régio* apparatu excipitur 152. cum matre *Isabella* in *Daciam* redit 176. ob secessionem quorundam *Procerum* , turbas concitat *Byzantii* 186. cum *Temesiensi* Præfecto , *Lazari Schvendii* castra oppugnat ; fugatur 189. *Budæ* Præfectum ad arma hortatur 189. *Solymanum* magnifica pompa adit apud *Belgradum* 190. annulo donatur ; *Solymanus* eidem paululum assurgit & dextram porrigit ; *Budam* sibi reddi postulat *Joannes* *ibid.* *Mehemetis* *Purpurati* ambitione graviter offenditur ; generosum ejus responsum ; ab aditu *Solymani* arcetur ; societatem *Turcarum* propterea odisse incipit 191. octo
- T c anno-

I N D E X.

- annorum inducias paciscitur cum Maximiliano II. R. Hung. obitus illius 197.
- Joannes Tarnovius, seu Tarnovszkius, Joannem Zápolya apparatus Regio accipit 124.
- Joannes Valettanus, Melitensium Equitum Magister, propugnat Melitam 183. portus ferrea catena obmunit 185. e capta statione Turcas depellit *ibid.* Italiæ, Siciliæ quies conservata est, Melita salva, & integra 186.
- Joannis Zápolya Transyl. Vaivodæ monitum ad R. Ludovicum ante pugnam Mohácsiensem; validissimum exercitum in auxilium adducit 120. eligitur in R. Hung. 124. armis Ferd. I. R. H. victus, se recipit ad Tarnovium Palatinum Cracoviensem; Hieronymum Laszkum Byzantium legat auxilii petendi gratia *ibid.* Solymanum in campo Mohácsiensi accedit; Regio cultu excipitur 126. in præsentia Procerum, insignia Regis ei tradit Solymanus, Regemque Hung. confirmat 128. eadem Ludovici Gritti probat 147. odium Solymani incurrit 148. placat eum; Cassoviam Ferdinando R. addictam occupat *ibid.* pacem init cum Ferdinando; placat rursus iratum Solymanum; Isabellam Sigismundi Poloniæ filiam, matrimonio sibi jungit *ibid.* Emericum Balassam, & Stephanum Mailatum armis impetit; morbo corripitur, dum obsidet Mailatum; morti proximus, filio Joanni Sigismundo recens nato tutores constituit 150. exuvias illius e Mausolæo R. Hung. Turcæ ejiciunt; cur? 158.
- Josephus Turrianus cum Thoma Erdödi, Ferhatem Bosniæ Præfectum in fugam compellit, adeptis captivis, & suppellectili castrensi 227.
- Josuffes Persarum Ductor, Toccata urbe incensa, lectisque spoliis, a Mustapha Mahometis II. filio, ingenti prælio superatur; in triumphum Byzantium avehitur 37.
- Isabella Sigismundi R. Polon. filia, Joanni R. Hung. nubit 149. mariti mortem Solymano significat; copias auxiliares accipit ab eo 150. metu percussa, Joannem Sigism. filiolum suum, in castra Solymani, cum Proceribus mittit 152. in Daciam jubetur proficisci 154. vexatur a Georgio Martinusio, & Petrovichio, 69. Ferdinando Regi certis conditionibus Daciam cedit 170. abit in Poloniam; redit in Daciam post fugatos Ferdinandi Duces 176. Christophorum Báthorium Byzantium legat Temesiæ & Lippæ obtinendæ causâ *ibid.*
- Isacus Strigonii Præfectus, tormenti globo ictus occumbit 242.
- Ismael cæso Persarum R. Aluante regnum invadit, sectamque Halis propagare intendit; Oratores mittit ad Bajazethem II. Imper. cum superbis postulatis 81. Achometem juvat adversus Selymum fratrem 89. vulneratus prælio excedit; castris exiit 90. Techmasem pugnacis indolis filium, hæredem relinquit 137.
- Ismael Techmasis Persarum R. filius, Turcas lacescit; mortuo patre regno potitus, fratrem suum occidit; Proceres non paucos interficit; in Turcas arma apparat; veneno suffertur a sua sorore 210.
- Itali Byzantium tuentur 12. & Rhodum 111. Turcas in mænia enitentes rejiciunt 114. Nicosiam propugnant; acre certamen eorum in foro 200. præsidii Papæ Turcas, contra datam fidem trucidant 261. Kanisam nullo successu impugnant 272. obsidionem solvunt 273.
- Italiam primum invadunt Turcæ 36. Utinam populationem proferunt *ibid.* Mahometes II. Imp. Italiam subigere ardet; ejus votum 38. populantur eam Turcæ 43. Italiæ Principum metus composita pace inter Venetos, & Mahometem II. Imp. 45. Hydrunto a Turcis capto, arma corripiunt 49. Bajazethes II. Imp. Italiæ provincias divexat 71.
- Jusjurandum Solymani II. Imp. 112.
- Justinianus in defensione Byzantii sauciatus, stationem deserit 15.

K.

- Kanisa Ibrahimio Vezirio deditur a Paradeisero; festinatam deditionem capite luit 271. ab Italis, Illyris haud prospero successu tentatur 272.
- Keglevichius V. Mathæus, Petrus, Simon.
- Kilia ad Istri ostia expugnata a Bajazethe II. Imp. V. novis munitionibus firmatur 53.
- Kosztanicza a Turcis occupatur 176. nostri feliciter commisso prælio, oppidum exurunt; arx invicta permanet excubante Achomate Eunucho cum exercitu 254.
- Kolloniesius Muratem Budæ Præfectum profligat 276. ad Vácium suam legionem in Turcas agit *ibid.*
- Kopanium, five Kopanium, Hungari capiunt 227.
- Krupa, munimentum Croatiae, frustra tentatur a Turcis 118. occupatur ab iis 188.

L.

- Ladislaus Kerecseni Gyulæ Præfectus, a Turcis fraude intercipitur; Byzantium missus strangulatur 192.
- Ladislaus Maithényi cum Christophoro Pethö, Turcas ad lacum Balatonem reprimit 225.
- Ladislaus More expugnata arce Nana captus, Byzantium deportatur 156.
- Ladislaus Szalkanus Archi-Epi. Strigon. in castra proficiscitur; in pugna Mohácsiensi Regis Ludovici latus cingit 121.
- Laranda urbs a Mamaluchis expugnata, diripitur 58.
- Larissa urbs Thessaliæ fit juris Veneti 30.
- Lauretanus, seu Lauredanus, V. Andreas, Antonius, Leonardus.
- Lazarus Bulkovich Semendriæ, & Belgradi Dominus, Amurathi I. arma opponit 3.
- Lazarus Schvendius Joan. Sigismundum Transyl. Princ. & Hassanem Temesiæ Præfectum cædit; levibus præliis hostem lacescit, dum de pace agitur 188. Cassoviæ inclusus, populationes haud prohibet 196.
- Legatus Manuelis Imp. ad Amurathem II. Turc. Principem 6. variarum gentium ad eundem 7. Joannes Enus Venetus ad Mathiam R. Hung. 28. Turcicus, & Sebastianus Badovarius Venetus ad eundem 39. Antonius Victorinus Venetus ad eundem 40. Joannes Darius Venetus ad Mahometem II. Imp. 45. Ægyptii Soltani, & Mathiæ R. H. ad Bajazethem II. Imp. 54. Jakasichius Mathiæ R. ad eundem 56. Bajazethis ad Mathiam *ibid.* Martinus Czobor Uladislai R. H. ad Bajazethem 59. Legati Turcici ad Uladislauum 63. Andreas Zacanus Venetus ad Bajazethem 68.

Sebastianus Justinianus ad Uladislauum 75. Bajazethis ad eundem 75. Barnabas Bellai ad Bajazethem 79. Selymi Imp. ad Tomanbegum 94. 97. Solymani II. Imp. ad Ludovicum II. R. H. 104. Hieronymus Laszkus Joannis R. ad Solymanum 124. Oberdancius Ferdinandi I. R. H. ad eundem 125. Joannes Eszekus Præsul Quinque-Eccles. & Stephanus Verböczius Isabellæ Reginæ Legati ad Solymanum 150. Antonius Verantius & Franciscus Zai Ferdinandi R. ad eundem 173. Eduardus Csernovich Maximiliani R. H. ad Selymum II. Imp. 196. iterum Anton. Verantius, & Christophorus Tieffenbach ad eundem 197. Marinus Cavallus Venetus ad eundem *ibid.* Maxudes Persa ad Amurathem III. Imp. 222. Fridericus Krekovics Rudolphi R. H. ad eundem 236. Nigronius Mathiæ II. R. H. ad Achmetem I. Imp. 290. Lemnus insula ab Ottomanis invaditur 42. Leo X. Papa pecunia adjuvat Hungaros 103. Leonardus Calvus Chalcidis Præfectus, capta urbe in foro interimitur 34. Leonardus Lauretanus Venetæ classis Archithalassus Naupacto, & Coccino Turcas depellit 42. persequitur classem Turcicam; ejus verba ad Ducem Turcarum 45. Leonardus Velsius Ferd. I. R. H. copiarum Ductor 148. cum Petro Perényio aliquot præsidia Danubio adfita Ferdinandi juris facit; Budam obsidet; sed opinione celerius militem reducit 150. Lesbus insula Corcuthi, Selymi Imp. fratri, gubernanda traditur 86. Leucadem insulam Veneti capiunt 79. eam restitunt pacis causa *ibid.* Lippa a nostro exercitu obsessa, & capta 171. non sine dedecore deserta 172. eam repetit Isabella a Solymano II. Imp. 176. Lucas Notaras Dux Magnus, rejicit unionem Romanæ Ecclesiæ 11. Byzantium insigni fortitudine animi propugnat 15. urbe capta vultu imperterrito mortem excipit 16. Ludi Turcarum varii generis 20. 129. Pauli Kinisi ludus militaris 47. Ludovicus de Gritto Venetus, aditum facit Laszko ad Ibrahimum, aliosque Purpuratos 124. Solymanus II. Imp. eum Budæ relinquit, cum præsidio Janiclarorum 129. Byzantii inducias impetrat Joanni, & Ferdinando Regibus 147. Valachiam armatus ingreditur; Cibakum Transyl. Præfectum dolo enecat; obsessus a Siculis, & Moldavis, dum fugam meditatur, cum duobus filiis capitur, occiditurque; cædes peracta non invito Joanne R.; ad regnum Hungariæ aspirasse videbatur *ibid.* Ludovicus Gall. Rex classem Venetis in auxilium mittit 72. Ludovicus Lodron peditum Magister, a fuga Katzianeri supremus copiarum Ductor deligitur; cæsi in prælio ad Ivankam caput Byzantium mittitur 149. Ludovicus Pekri in pugna ad Ivankam, Hungaris & Croatis præest; post infelicem pugnam ad causam dicendam evocatur; annis septem carcerem perpeffus pristinæ dignitati restituitur 149. Ludovicus Rákóczi cum Beßteffe Præfecto Temesiæ, bis configit, & victoriam reportat 276. 282. Ludovicus II. Rex Hung. patri Uladislao succedit annum agens decimum 103. ad Tolnam oppidum metatur 105. victoriam de Ufresso Bosniæ Præfecto obtentam, mira voluptate

audit 119. adversus Solymani II. Imp. auxilium orat Clementis VIII. Ferdinandi Austriaci, & Francisci I. Galliarum R. 120. ejus verba in comitiis Budæ; castra ad Tolnam ponit; in campum Mohácsientem pertrahitur a Tomorio *ibid.* in secundo agmine locum capit 121. signum edi jubet ad pugnam; caesidem dum poscit, vultu impallefcit *ibid.* urget laxatos Janiclarorum ordines; versa fortuna prælii, cedere coactus, in palustri loco suffocatur; ejus corpus Albam Regalem deVectum, Mausolæo Regum illatum est 122. Lupthis, alias Lutsis, maris Præfectus Coronen infestat 133. pugna navali ab Hispanis vincitur 134. Jonium mare infestum reddit 142. spem habet succedendi Chairadini 163. Lyffus urbs, Turcarum armis subacta 45.

M.

MAchmetes puer in Tunetano regno succedit patri 206. a Proceribus avare illud administratur *ibid.* pulsus subinde, a Joanne Austriaco reducitur 207. captus Byzantium abripitur 208.

Mahometes I. cum Manuele Palæologo Imp. fœdus icit 5. Mosem fratrem suum præfocari jubet; Caramaniæ Principem ad Iconium, dein Cineitem Smyrnæ Dominum debellat *ibid.* Mustapham cognomento Dufinem in fugam conjicit 6. inter venandum humore hemiplestico prostratus, Adrianopoli moritur *ibid.*

Mahometes II. Turcarum regimen ab Amarathe II. patre accipit 8. fratres suos interfici mandat 10. a Scanderbego gemina clade proteritur *ibid.* ad Bosphorum Thracium, munimentum excitat contra leges fœderis 11. apparatus belli comparat in Byzantinos 12. eam impugnat 13. duras condiciones dictat Byzantinis; rejiciuntur; metu adventantis Hunniadis assultum terra, & mari imperat 14. urbem capit 15. triumphanti similis urbem ingressus, Imperator a suis appellatur 16. Græcos trucidari jubet; novos colonos Byzantium arcessit *ibid.* Serviam, & Hungariam infestat 17. Belgradum circumvallat 18. vulneratur & obsidionem solvit 19. Semendriam, & Corinthum capit 21. Demetrio, & Thomæ partem Peloponnesi eripit 22. dein omnem provinciam 23. in Asia urbes complures, sui juris facit 24. Trapezuntinos cives Byzantium deportat 25. Vladum Draculam, Valachiæ principatu exiit 26. Lesbum insulam sub jugum mittit; partem Mitylenæorum civium Byzantium traducit *ibid.* Jaiczam Bosniæ urbem capit 27. Janiclarorum numerum auget e juventute Bosnensi; urbem Argos proditione obtinet *ibid.* præsidia Albanæ post mortem Scanderbegi occupat 31. classem adornat in Venetos *ibid.* Chalcidem oppugnat; metu classis Venetæ abitum parat 33. a Vezirio animatus, urbem assultu capit 34. captivos Persas singulis diebus occidi imperat; Italiam subjugare in votis habet 38. per suos Duces Hungariam, Dalmatiam, Styriam, Transylvaniam populatur 41. in Valachia clade afficitur 42. Scodram obsidet 44. & Rhodum 47. Hydruntum subigit 49. adversus Ægypti Soltanum bellum molitus, moritur Nicomediæ 50. ejus virtutes militares 51. &c.

Mahometes III. Imp. Amurathi III. patri suo succedit 247. fratres suos necari jubet; stipendia

I N D E X.

- dia militi persolvit; ejus oratio de bello Hungarico continuando *ibid.* Sollicitudo ejus de Sigismundo Báthorio Transylv. Principe 250. Legatos mittit, qui eum revocent a fœdere cum Rudolpho R. H. isto *ibid.* nihil pacati impetrant 251. pacem firmat cum Persis; Ferhatem in Báthorium cum exercitu immitit; magna clade afficitur Ferhates *ibid.* exercitum ducit in Hungariam 256. Soltana mater cum Byzantii retinere adlaborat 257. moram injicit per pellicem expeditioni; hujus oratio; occiditur ab Imperatore; Giafferem Purpuratum cum valida armatorum manu in Hungariam præmittit; cum Ibrahim, & Cicala copiarum Ductoribus ipse sequitur; qualis, & quantus exercitus? *ibid.* Agriam oppugnat, & proditione accipit *ibid.* proditores mactantur a Turcis; ad infestanda Confœderatorum castra Giafferem mittit; Mahometes ad Keresztes prælio victus, castra amittit; fuga se proripit Szolnokinum, cum Ibrahim Vezirio 259. Tibisco, dein Danubio devehitur Belgradum; exauthorato Ibrahim Cicalam Vezirium nominat 260. triumphabundus Byzantium ingreditur; Persis iniquas condiciones offert ad pacem confirmandam; angitur secessione Báthorii 262. spargit rumorem, se in bellum profecturum 263. desiderat pacem inire cum Rudolpho R., ejus verba ad Vezirium 264. vinum Byzantio proscribit 269. Moyfi Siculo insignia principatus Transylv. mittit 276. moritur 277. bellicosos ejus spiritus mater Soltana sopire conatur 277. ultimo vitæ anno cædem sui filii Mamuthis patrat 278.
- Mahometes Pseudo-propheta, multa mutuatus est a Christiana religione 99.
- Mahometes Solymani II. Imp. filius in Hungaricam expeditionem proficiscitur 152. provinciam administrandam accipit; moritur 155.
- Mamaluchi qui dicantur 54. 92. eorum militaris peritia 92. 93. Turcas fundunt 55. Ciliciam evastant 58. Bajazethis II. Imp. generum in pugna interficiunt *ibid.* exercitus eorum adversus Selymum Imp. 92. victi Gazam, & Memphim se recipiunt 94. munitiones castrorum, & insidias transfuga Mamaluchus Selymo patefacit 96. a castrorum oppugnatione repellunt Turcas *ibid.* Sinanem in æstu certaminis occidunt 97. expugnatis castris, & urbe Regia Memphi, cæduntur 97. eorum reliquæ fere delentur 98.
- Marconius V. Balisbegus.
- Marcus Anton. Bragadinus, cum Astore Bellionio, Ludovico Martinengo Famagustam XI. mensibus propugnat 202. ad incitas redactus, urbem subdit Mustaphæ; contra datam fidem spolia leguntur *ibid.* crudelem in modum occiditur; cives partim cæsi, partim in servitutem abducti; quot millia Turcarum in oppugnatione perierint? 203.
- Marcus Anton. Columna Pontificiæ classis Præfectus in bello Cyprio 201. filios Purpurati Alys ad Echinadas intercepti, Romam abducit 205.
- Marcus Crajevich Bulgariæ Rex a Bajazethe I. deletus 4.
- Marcus Grimanus classis Pontif. Præfectus, Nicopolim, seu Preveslâm obsidens fugatur 143.
- Maria Malvetius Ferdinandi I. Orator in carcerem a Solymano II. datur 170.
- Marinus Cavallus, aliis Caballus, Orator Venetus, pacem firmat Byzantii 197. animad-
- vertit Selymum in Venetos bellum moliri 198.
- Martinegus machinator Rhodius, cuniculos Turcarum destruit 113. ejus consilio Turcæ rejiciuntur *ibid.*
- Martinus Czobor Legatus Byzantium ad prorgandas inducias; spe pacis eum deludit Bajazethes II. Imp. condiciones indecoras offert 59.
- Martini Liscani Strigonii Præfecti confidentia ante oppugnationem deserto oppido, se in arcem recipit; deditione facta, periclitatur vita; a Turcis irrisus cum præfidiariis 156.
- Mathæus Bembus urbem Cattaram fortiter defendit 145.
- Mathæus Keglevich Turcas cædit in Croatia; castra eorum occupat 188.
- Mathias Archi-Dux Austriæ, exercitum ducit in Hung. 241. Neogradum deditione accipit; Strigonium acerrime impugnat *ibid.* Sinane Vezirio suppetias ferente militem retrahit 242. ad Jaurinum castra locat 243. Ovârinum copias reducit; ab insequente hoste mulctatur 244. Strigonii verberationem a Mansfeldio cœptam continuat 249. deditur arx 250. obsidet Budam incassum 263. Rosvurmio impugnantem Budam, Vienna advolat in castra 275. cum Stephano Boesckajo pacem facit 284. Rex Hungariæ nominatus, Nigronium legat Byzantium de non invadenda Transylv. quid Turcæ reposuerint? 290.
- Mathias I. R. H. Jaiczam cum arce occupat 27. in Bosnia complura oppida in potestatem redigit *ibid.* a Venetis & Cardinalibus pecuniarum auxilium accipit in bellum Turcicum 58. Emericum Deakum ad Jaiczam liberandam expedit *ibid.* Bohemico, & Polonico bello occupatur 30. pacem negat Mahometi II. Imp. ejus dictum 39. sumptis armis Scodram obsidione liberat; Oratores cum pecunia a Venetis accipit, Sabacium astu militari intercipit & evertit; Semendriam claudit 40. Turcas profligat per suos Duces 46. 53. inducias init 54. Oratores expedit ad Bajazethem II. Imp. 56. Patriarcha Hierosolymit. nomine Soltani Ægyptii eum in Turcas incitat; sed mors Regis intervenit 56. 59. militia nigra a Mathia firmata 103.
- Mausolæum R. H. Albæ Regali deprædahtur Turcæ 158.
- Maverdinus Christianus Adrianopoli fidei causâ mortem obit 67.
- Maximilianus Archi-Dux Austriæ, Petriniam capit, & evertit 243. florentem exercitum Budæ admovere cogitat; dissuadent Schvarcenburgus, & Pálffius; Vacium recuperat 255. Hathvanum assultu subigit; armati Turcæ internecone delentur; Mahomete III. Imp. oppugnantem Vacium, castra reducit 256. Agriam firmari imperat 258. exercitum movet Agriam; mœror ejus e capta a Turcis Agria *ibid.* urget Báthorium, ut Transylvanum militem Regio conjungat; geminam cladem Mahometi infert; ad Keresztes universa acie confligit, & vincit 259. in direptione castrorum nostri a paucis repelluntur; Viennam redit 260. instaurato exercitu in Hung. venit; Papam oppidum assultu capit; arx deditionem facit; quibus conditionibus? 261.
- Maximilianus R. H. cum Germ. & Hung. Proceribus deliberat; utrum pax servanda? 187.
- Nicolaus Zrinyi bellum suadet 188. Legato Solymani II. interveniente pacem amplectitur; Oratores cum muneribus legat Byzantium

- tium *ibid.* ad pacem stabiliendam Hofzutotum mittit 189. certior redditur de bello; a Pio V. opem flagitat *ibid.* Eduardum Csernovichium Byzantium dimittit 196. tum Fridericum Preinerum ad inducias prorogandas 222. Casparo Bekeffio Báthorii æmulo copias auxiliares præbet 223. moritur; succedit Rudolphus 224.
- Maxudes Persa ad Ottomanos deficit 214.
- Meccham Arabiæ urbem Turcæ adeunt 95.
- Medinæ Dux Meningem insulam expugnat; in anchoris hæret ad eandem insulam; classis tempestate disiecta, a Cara Mustapha capitur; Dux Melitam evadit amisso filio 179.
- Mehemetes Ciliciæ Præses, Strigonio opem fert; prælio victus in urbem se conjicit 248. arcem defendendam suscipit 249. eam tradit Mathiæ. Archi-Duci 250.
- Mehemetes Dispensator Solymani II. Bosniæ Præfessus nominatus, a præfidiariis Szigethanis capite truncatur; filius ejus minori tubo conficitur 191.
- Mehemetes (aliquando etiam Mahometes) cognomento Jahioglus, Rogendorffium ab obsidione Budensi depellit 130. Eszeko potitur; in Croatiam irrupit 148. Isabellæ auxilium fert 150. copias Ferdinandi R. fundit, fugatque; Magister equitum Europæorum creatur 152. suadet Solymano II. Imp. Proceres Hung. trucidandos, regnum in provinciam redigendam 153. præfecturam Budæ obtinet; Vissegradum, aliaque loca subigit 158.
- Mehemetes Purpuratorum Princeps, in aula graciosus 188. ejus auxilium orant Maximiliani Legati; quid reposuerit iis? 189. ejus fastu offensus Joannes Sigism. Transyl. Princeps 191. Szigethanæ oppugnationi præest 193. Solymani Imp. mortem celat; populatur Hungariam; Babocsam occupat *ibid.* de quibusdam oppidis Hung. disceptat cum Verrantio; sit Vezirius; ejus potentia in aula 197. æmulum habet Mustapham Cairi Præfectum *ibid.* suadet Selymo Africanum bellum 198. evocat Amurathem III. ad Imperium 209. a Dervisio domi suæ occiditur; ejus elogium 213.
- Mehemetes Vezirius Strigonium circumfidet; montem S. Thomæ, & urbem aquariam capit; seditioni præfidiarii deditionem faciunt; multi ad hostem transeunt; Uivárinum ducit exercitum; offenditur ob præsidium Rédejo traditum 283. Boesckájum Budam arcessit, ad accipienda insignia Regia 284.
- Melchior Balassa Isabellæ obviam procedit 176. Ferdinandi R. partes amplectitur cum Nicolao Báthorio 186. propterea Solymanus Imp. expostulat cum Ferdinando *ibid.* Szattmárinum obsidetur ab Ibrahimio Juniore 187. eidem opem ferre adlaborat Joannes Balassa frater; Ibrahimus rerum inopia obsidionem solvit; inter conditiones pacis Balassa omni culpa absolvitur *ibid.*
- Melchior Trivisanus classis Venetæ Præfessus, naves armat 74. Cephaleniam urbem irrito conatu oppugnat; vita decedit 75.
- Melita incassum obsidetur a Turcis 168. rursus oppugnatur 183.
- Melitenium Equitum naves in Africam appulsæ 141. Dragutis fugam Doriæ significant 168. Melitam tumentur *ibid.* quam a Carolo V. accipere 183. Tripolim dedunt Turcis, Caroli V. Imp. de iis judicium 169. Tripolim recuperare contendunt 179. hostes Turcarum
- perpetui 183. Melitam insigni fortitudine defendunt 184. V. Rhodii Equites.
- Memphis pugna victos Mamaluchos accipit; eam novis operibus munit Tomanbegus.
- Meninx insula Africa, præsidium Dragutis 166. in ea hærentem Dragutem obsidet Doria 168. expugnatur a Duce Medinenfi; in ea arcem extruit 179. oppugnatur a Turcis; aquarum penuria deditur 180.
- Methone urbs obsessa tenetur per Turcas 76. capitur assultu, & vastatur 77. Melitenfes Equites eam occupare tentant 132.
- Mezites Vezirius Rhodum obsidet 47. propugnaculum D. Nicolai, & mænia Hebræorum impetit 48. bis assultu tentato obsidionem solvit 49.
- Michael Archius Prényianam arcem tuetur 156. facta deditione Solymano Imp. per fraudem Præfectorum necatur *ibid.*
- Michael Bori in singulare certamen provocat Ibrahimum unius alæ Præfectum; ad locum certaminis & Hungari, & Turcæ accurrunt; detrectat certamen Bori ob ferociam sonipedis Ibrahimi; dirempto certamine, Turcæ in itinere ab Hungaris opprimuntur; invasores carcere plectuntur 232.
- Michael Király Dux Transylvanici exercitus, Ferhatem cædit 251. tum Sinanem 252. iterum cum Báthorio Principe suo, Ottomanos profligat 253.
- Michael Szilági Belgradum tutatur 19. prædatorum agmen Turcarum in fugam conjicit 21.
- Militia nigra Hungarorum 103.
- Mitylene urbs a Gallis, & Venetis obsidetur 78.
- Mocenicus V. Petrus.
- Moldavia subjugatur a Solymano II. Imp. 145.
- Moldavi Polonorum vestes induti, Turcas persequuntur 67.
- Monoslo juris Comitum ab Erdöd castellum, Turcis eripitur 235.
- Morelæ tres fratres signum militare profuso sanguine defendunt 167.
- Moses Amurathis I. filius a patre defectionem molitur; adventu patris factio evanescit; Didymotici captus, oculis privatur 3.
- Moyfes Szekel, seu Siculus, a Georgio Basta victus, confert se ad Præfectum Temesiensem 275. a factiosis in Principem Transylv. eligitur *ibid.* a Mahomete III. Imp. insignia percipit; a Radulone Valachia Principe noctu oppressus, fortiter pugnans cadit; Turcæ fugam arripiunt 276.
- Muchmetes Rex Tartariæ cum duobus filiis occiditur 215.
- Muleasses patri succedit in regno Tunetano; Maimonem, clari nominis Ducem, simulque XXXII. fratres trucidat; clam Tuneto fugit, metu Chairadinis 136. Tunetum infestat; a Turcis præfidiariis fugatur 137. in suum regnum armis Caroli V. restituitur 142. ab Amida filio & Tuneto, & oculis privatus, in ergastulum retruditur 206.
- Mustabegus Odobassam, vices Francisci Nádasdi obeuntem, sagita trajicit 228.
- Mulieres Chalcidem tumentur 33. Marulla Lemniaca virgo Turcas fugat 42. Scodram defendunt 45. mulierum lites in aula Byzantina 106. 174. Rhodum propugnant 114. Aphrodisium 146. Agriam 173. Melitam 185.
- Mustaphas Argivus Naupactum deditione accipit 73. Rhodo militem admovet 110. Britannicum propugnaculum impetit 112. insaufum

I N D E X.

stum affluctum prope capitis poena luit
114.
Mustaphas Burgluzas seditiosus, victoriis fe-
rox, ab Amurathe II. prælio victus excruciat
atur 6.
Mustaphas Dufmes a Mahomete I. in fugam
compellitur; in Amurathem II. bellum mo-
ver; Calliopolim intercipit; captus, nervo
ad collum injecto jugulatur 6.
Mustaphas frater Achmetis I. Imp. carceri in-
clusus 289. mori iussus volente Achmete,
mutata subito mente ab eodem hæres nomina-
tur Imperii 289. e carcere ad Imperium voca-
tur; regiminis incapax 295. ergastulo reddi-
tur 296. proclamat Imperator 301. Amura-
them fratrem Osmanis interficere constituit
302. Imperio exutus carceri rursus mancipa-
tur 304. ab Amurathe IV. successore trucidari
jubetur *ibid.*
Mustaphas Mahometis I. filius, improvise ob-
rutus jugulatur 7.
Mustaphas Mahometis II. filius, Josuffem Per-
sam pugna superat 37. Usuncassanem R. Pers.
vincit 38. extinguitur immatura morte 51.
Mustaphas personatus Solym. II. Imp. filius,
turbas dat, militem suas in partes attrahit; a
Perrave captus, Roxolanæ, & Bajazethis
machinationes prodit; perimitur 77.
Mustaphas Solym. II. Imp. filius circumciditur
129. falso accusatus nervo collo injecto suffo-
catur 174.
Muti in deliciis sunt Imp. Ottoman. 226. 289.

N.

Nádasdi V. Franciscus, Thomas.
Naufragium Gallorum 78.
Nasuffes Purpuratus, ægre Nigronium Lega-
tum Mathiæ II. R. H. in alloquium Achme-
tis admittit; de Transylvania iis; tabulas ces-
sionis Bocskái adulterinas profert; fit Vezir-
ius 290. revocatur e bello Persico in au-
lam; ars corrogandi pecunias 291. ejus ortus,
& fortuna 292. annis VIII. Mesopotamiam
usurpat, Byzantio infestus; armis devictus,
Imperatoris clementiæ semet committit;
quanta ejus potentia in aula; querelæ Purpu-
ratorum; domi suæ jugulatur ex imperio
Achmetis *ibid.*
Naupaetus urbs, longa obsidione fracta, Turcis
deditur; conditiones admodum molles 73.
Nasuches in Polonos movet victor 64.
Naupliam cedunt Veneti Turcis, pacis causa
146.
Navarinum urbs ab Alexandro Farnesio oppu-
gnatur 205.
Nicea urbs Bithyniæ, fame domatur ab Or-
chane 2.
Nicea urbs Provinciæ a Chairadine impetitur
161.
Nicolaus Báthori ad Ferdin. I. R. H. transit
186.
Nicolaus Canalius, sive Canalis, exercitus
Veneti Imp. agrum Thessalonicensem popu-
latur; in Peloponneso hostes fundit 30. ur-
bem Ænum capit, & diripit 31. in Imbrum
vela facit, recipit se in Eubœam 33. Chalci-
dis excidium spectat; eam recuperare cona-
tus, cum clade rejicitur; Venetias accitus
exilio mulctatur 34.
Nicolaus Dandulus Nicosiam strenue tuetur
200. numero hostium oppressus, obtruncatur
201.
Nicolaus Jurissichius Ginsium fortiter propu-
gnat; adit Vezirium Ibrahimum 131.

Nicolaus Mikácz Canon. Zagrab. Siscia, fat
validi præsidii, defensor 235.
Nicolaus Pálfi Isacum Albæ Præfectum supe-
rat, & spoliis exiit 227. Hungaros in castra
evocat 239. quantus eorum numerus? Buden-
sem Præfectum clade afficit 240. Fülekom,
Szécseñium Turcis aufert; in castra rursus
arcessit Hungaros; Neogradum expugnat
241. Strigonio admotis copiis, oppidum ca-
pit cum monte S. Thomæ 242. Tartaros cæ-
dit 243. ad Jaurinum in pugna vulneratur
244. Parkanum occupat 248. secundum eque-
stre certamen facit; in pugna ad Strigonium
superior 249. Strigonium nomine Mathiæ
Archi-Ducis occupat 250. Maximiliano Ar-
chi-Duci auctor est, ut universa acie in cam-
po Keresztes confligat 259. Jaurinum cum
Schvarcenburgo capit 262. equestre prælium
pedestri commutat; munimentum ultimum
vi obtinet 263. ab Ibrahim Vezirio, & Prin-
cipe Tartariæ literas accipit de pace 264. pa-
cem conficere adlaborat; locum deligit con-
ventui, re infecta conventus solvitur; mor-
tem obit 265.
Nicolaus V. Papa Græcis opem fert, eosque ad
concordiam revocare nititur 11. vaticinium
ejus de Græcorum Imperio evertendo 13. au-
xilia adversus communem hostem sollicitans
moritur 17.
Nicolaus Zrinyi ab Ulama Persa profligatus
158. Turcas cædit; Bosniæ Præfectum in sin-
gulare certamen provocat 176. Arslanis copi-
as internecione delet 187. bellum suadet Ma-
ximiliano R. 188. jurat cum præsidiariis Szi-
gethi, se non facturum deditionem; fere vi-
cies affilientes Turcas cum clade rejicit; in-
cendio arcem vastante, in hostes erumpit;
gemina glande ictus occumbit; militaris laus
apud Scriptores 192. caput præcisum in ca-
stris spectaculo proponitur 193. cadaver
sepulchro illatum; quot millia hostium ad
Sigethum perierint? *ibid.*
Nicolaus Zrinyi, Georgii filius, bina castella
ad Dravum evertit cum sigismundo Traut-
manstarkio 277.
Nicopolim Hungari populantur; ean-
dem exurunt 79.
Nicosia urbs Cypri a Turcis expugnata;
cæsa in illa XX. millia hominum; urbs fœ-
de direpta 201.
Nyári V. Franciscus, Paulus, Stephanus.

O.

Oberdantius Ferdin. R. Orator, libertate lo-
quendi Solym. II. Imp. offendit; provin-
ciis Turcicis iussus excedere, bellum repor-
tat 225.
Oppaviæ principatus Joannis R. filio addicitur
cum Transylvania 148.
Oranum Africæ præsidium a Dragute oppu-
gnatur 181.
Oratio, seu verba, Ismaelis ad Constantinum
14. Mahometis II. ad Legatum Trapezuntin-
um 24. Mahometis ad Hericum Chalcidis
Præfectum 34. Siculi adolescentis ad Maho-
metem Imp. 36. Mahometis Imp. de Ro-
ma 38. Mathiæ I. H. R. ad Legatos Turc.
39. Mahometis de Scodra 43. Leonardi Lau-
retani ad Turcarum Ductorem 45. Albegi
ad pastorem 46. proditoris insulæ Rhodi 48.
Purpuratorum dissuadentium bellum Hung.
54. Bajazethis II. Imp. ad Czoborium Lega-
tum 59. Procerum Hung. ad Uladislaum R.
63. Purpuratorum adversus Marconium 66.
Marconii in æmulos suos 66. **Andræa** Zaca-
ni

I N D E X.

ni Veneti ad Bajazethem 68. Antonii Contarini ad Bajazethem 77. Bajazethis ad Purpuratos 81. 84. Achomatis ad Janiclaros 84. Selymi ad Medicum 85. ad Purpuratos 86. 87. de bello continuando adversus Ægyptios 94. Selymi de barba prolixa 100. Solymani II. Imp. ad milites 112. civium Rhodiorum ad Liladamum 115. Solymani ad Rhodios Oratores 115. Liladami ad Rhodios *ibid.* Græcorum Antistitis ad Rhodios 116. Ludovici II. R. H. in comitiis 120. Tomorii, & Hungarorum equitum *ibid.* Vaivodæ, & Frangepani *ibid.* Hieronym. Laszki ad Purpuratos 125. Solymani ad Legatum Ferdinandi R. 125. ejusdem in præsentia Procerum Hung. 128. Chairadinis 136. Soltanæ adversus Ibrahimum Vezirium 140. Venetorum quorundam pro pace 143. Joannis R. ad Solymanum 148. Chausii ad Isabellam 152. Ufressi, Ulamæ, Rustanis, Mehemetis de Isabella, & regno Hung. 153. Martini Liscani, & Franc. Salamancæ 156. Eunuchi Purpurati in Hungaros 175. Roxolanæ ad Solymanum 178. Alvari Sonde ad Hispanos 180. Mehemetis Purpurati ad Legatos Maximiliani 189. Joannis Sigisf. ad Arslanem Budæ Præfectum 189. ejusdem ad Mehemetem Purpuratum 191. Mehemetis ad milites, mortem Solymani celantis 193. ejusdem suadentis Selymo bellum Africanum 198. Mustaphæ hortantis Selymum ad Cyprum subjugandam 198. Legati Selymi apud Venetos 199. Sinanis ad Amurathem III. Imp. 216. matris ad eundem *ibid.* Janiclarorum tumultuantium 218. 222. Purpuratorum ad Preinerum Legatum 224. Salsvaris de Zrinyio 229. Sinanis Vezirii ad bellum Hungaris inferendum 233. Rustanis adversus Thomam Erdödi Pro-R. Illyrici 235. Sinanis suas victorias recensentis 245. Mahometis III. de bello Hung. continuando 247. ejusdem ad Sigisf. Bathorium 250. Mahometis ad Ibrahimum Vezirium 264. Sacerdotum Turc. adversus regimen Mahometis III. Imp. 267. Effendii in eundem 268. in peregrinas merces 269. Bartholomæi Peczii, de pace ad Turcas 280. Nigronii Legati ad Nasuffem 290. Purpuratorum in Nasuffem 292. eorundem in Hermanum Chernin 294. Calilis maris Præfecti, suadentis bellum in Hispanos 298. Cussanis Purpurari suadentis arma in Hung. 298. Alilis Vezirii suadentis otium armorum 298.

Orbán gente Dacus machinas bellicas fundit 12.

Orhanes Niceam Bithyniæ urbem fame expugnat 1. Bithyniam populabundus incurrit; Andronicum Imp. fundit, fugatque; castra diripit; pacem init cum eo; Principes Turcici sanguinis opprimat; militem suum in Thraciam deportat; terra, & mari a Græcis vincitur; Cantacuzeni filiam in matrimonium ducit; Nicomediam capit 2. moritur Prusæ 3.

Orthogules primus Turcarum Princeps 1.

Oruceus Chairadinis frater, Algerio potitur 134. Bugeam subigit; Hispanos cædit 135. prælio ab iisdem victus, Africam & vitam amittit *ibid.*

Osmannes Achmetis I. filius fit Imp. 296. jugo Purpuratorum excusso, ipse administrat Imperium 296. in Polonos bellum molitur 298. Alilem Vezirium suadentem pacem, cultro impetit 298. militem cogit 299. fratrem juniorem trucidari jubet 299. in Polonos movet; vitæ periculum adit juxta Adrianopolim; ad

Tyram fluvium Cosacos aggredi statuit *ibid.* castra Polonorum aggressus, cum ingenti strage repellitur; pacem conficit cum iis; Byzantium redit inglorius; seditiosos armorum terrore ad obsequium revocat; nuptias celebrat cum filia Mustii 300. Meccham cogitat proficisci; varia suspicio de hac peregrinatione; Byzantio sedem Imperii transferre intendit Memphim; a Seditiosis obsidetur in aula 301. exauthoratus, ad septem turres deportatur, & jugulatur 302. authores cædis morte plectuntur 303.

Osmannes copiis Turc. præpositus 211. Schemhalis gente Tartari filium ducit; hæc patrem suum veneno enecat, & marito provinciam tradit; Persiam populationibus haurit; cæditur ab iis *ibid.* Sinanis exercitum regendum accipit 214. violatis induciis Persidi cladem infert; paulo post profligatur 215. aliquot castella in provincia Siruana subigit 216. triumphabundus Byzantium intrat 217. tumultuantes Janiclaros placat; Taurim Persarum urbem capit; cunctatur manum conferere cum Persis 218. in acie occumbit *ibid.*

Osmares classis Turc. Præfectus, Tenedum insulam petit 32. in Eubœam vela flectit contra Venetos *ibid.* Chalcidem cingit, & assulu capit; Veneti Nobiliores in certamine occumbunt 34.

Ostervicia Croatiae munimentum a Turcis capitur 118.

Ottomanus Turc. Princeps minorem Asiam deprædatur; Andronici Palæologi Imp. Duce fugato, Nicomediæ agrum infestus percurrat; Prusam in Regiam deligit 1.

Ovárinum ab Ottomanis obtinetur 126.

P.

Pálfi V. Nicolaus.

Palota in Turc. potestatem venit 239.

Papa V. Adrianus, Alexander VI. Callistus III. Clemens VIII. Gregor. XIII. Paulus III. Pius II. Pius V. Xyltus IV.

Pápa oppidum permunitum, a Maximiliano Archi-Duce captum 261. proditum a Gallis Turcæ 270.

Parkanum celebre munimentum, a Pálffio, & Nádasdio occupatur 248.

Patras urbem Achajæ Bajazethes I. suæ potestatis facit 4. eam claudunt Veneti 30. capiunt Hispani 133.

Paulus III. Pont. cum Carolo V. & Venetis fœdus percutit contra Solym. Imp. 143.

Paulus Bakics cum equitatu Hung. Viennam defendit 127. prospera eruptione Turcas cædit 128. eosdem fugat; glande perimitur 149.

Paulus Hericius Prætor Chalcidis medius secatur 34. ejus filia venustioris formæ a Mahomete II. Imp. capite truncatur *ibid.*

Paulus Kinisius Turcis cladem affert; ludus ejus militaris 47. agrum hostilem semel, atque iterum evastat; munimenta occupat 63.

Paulus Nyári Agriam propugnat 258. prodicionem molientes in custodiam dat; seditiosi eos in libertatem asserunt; paciscuntur cum Mahomete III. *ibid.* occupata per dolum arcis porta, seditiosi conciduntur; Nyárius in castra abducitur 259. in pugna Keresztiesensi liberatur; Ibrahim Vezirio familiaris, ad pacem procurandam destinatur a Rudolpho R. H. 272.

Paulus Simeon Rhodius Eques Niceam ab injuria Chairadinis prohibet 162.

I N D E X.

- Paulus Tomorius** Ferhatem Sirmium vastan-
tem invadit, & fundit 118. pugnare ardet
cum Solymano, obnitente Ludovico R. 120.
in campo Mohácsiensis metatur; ejus oratio
victoriam pollicentis *ibid.* custodes corporis
Regii temere advocat 121. ejus spes victoriæ
ibid.
- Paulus Vardanus** Metropolita Strigon. a Soly-
mano commendatur Joanni Zápolya R. 129.
- Pax** inter Græcos, & Orchanem; illius con-
ditiones 2. inter Hung. & Amurathem II.
Turc. Principem 8. inter Venetos & Maho-
metem II. Imp. 16. conditiones pacis inter
eundem & Venetos 45. inter Bajazethem II.
Imp. & Ægypti Soltanum 59. inter Vene-
tos, & Bajazethem conditiones pacis
79. inter Ferdin. I. Joannem, & Soly-
manum 147. coalescit inter Joannem & Fer-
din. R. 148. inter Ferdin. & Solymanum
159. conditiones *ibid.* & 187. inter Maxi-
milianum R. Selymum Imp. & Joannem Si-
gism. Transylv. Principem 197. inter Persas
& Turcas 220. inter Rudolphum & Amura-
them III. Imp. 226. inter Turcas & Persas
262. frustra tentatur inter Rudolphum R. H.
& Mahometem III. Imp. 265. 272. fœderis
tabulæ Bocskáii, & Achmetis I. Imp. 282.
284. inter Rudolphum R. & Achmetem
Imp. 285. inter R. Persar. & Achmetem
291. inter Math. II. R. H. & Achmetem
294.
- Pekri V. Joannes, Ludovicus.**
- Peloponnesi** partem subjugant Turcæ 9. iterum
eam divexant 21. & suo juri subdunt 23.
maritimas urbes Venetis eripiunt 27.
- Persarum** sectæ authores 81. eorum Regis su-
perba legatio Byzantium *ibid.* eorum vetus
odium in Turcas; ingentem cladem patiun-
tur 37. Turcas sternunt 218. fœdus ineunt
cum Regulo Tartarorum 219.
- Pertauus** Mustapham personatum comprehen-
dit 177. partem exercitus a Solymano ac-
cipit ad obsidendam Gyulam 190. eam ob-
tinet 191. classem gubernat 203. dissuadet
maritimam pugnam; ejus oratio 203. e
pugna Ætiaca in Peloponnesum velis, re-
misque fugit 204.
- Pestis** grassatur Trapezunte 24. in Turcicis
provinciis 58. 227. in Polonia 63. in exer-
citu Turcico 99. 211. 212. Constantinopo-
li 80. 146. 207. in Cypro, & Ægei maris
insulis 207. in Hungaria 227.
- Pestum** Ferdinandeis deditur 150. a Turcis
tentatum 151. capitur 152. armis Joachimi
Brandeburgi impetitur 155. Rolsurmio sca-
las admovente superatur; ejus depopulatio
274.
- Petarda**, sive pyloclastrum, admota foribus
Jaurinensibus; ejus descriptio 262.
- Petrinia** Hassanis Bosniæ Præfetti ingenio ex-
structa 235. a Maximiliano Archi-Duce e-
vertitur 243. instaurata, per Turcas frustra
infestatur 255.
- Petrovaradinum** Solymanus II. Imp. suæ po-
testatis facit 119.
- Petrovichius**, sive Petrus Vichius, tutor Jo-
annis Sigism. pupilli 150. vexat Isabellam
169.
- Petrus Ambussonius** Rhodior. Equitum Ma-
gister, suos Equites ad Rhodum defenden-
dam invitat; urbem munit 47. proditor-
em excruciatum suspensio necat 48. vul-
neratur crebrius; invadentes rejicit 49.
- Petrus Carrera** Guletam Turcis cedit; in vin-
cula conjectus ab iis; prodicionis suspectus
207. Byzantium abducitur in Triumphum
208.
- Petrus** Crussichius, seu Krussich, munimenta
Turc. diruit; pugna fractus ad litus maris
Adriatici obtruncatur 148.
- Petrus** Docfi ad Semendriam victoriam refert
de hoste 41.
- Petrus** Erdödi Pro-Rex Illyrici cum Kegle-
vichiis Turcas cædit 188.
- Petrus** Keglevich ad Jaiczam fugat Turcas;
ejus militare stratagema 104. Jaiczam de-
fendit; Ductorem Turcarum singulari cer-
tamine superat 118. fervente oppugnatione,
fame premitur; Jaicza fortiter defensa, a
Ludovico R. muneribus donatur 119.
- Petrus** Mocenicus classis Venetæ Archi-thalaf-
sus, in Peloponneso Turcas infestat 34. pro
singulis capitibus hostium, militi aureum
numum persolvit *ibid.* agros populatur; spo-
lia militi relinquit; Ataliam urbem affilit
35. Smyrnam urbem evastat 36. provin-
ciæ illius Gubernatorem fugat; præsidia
munit *ibid.* Persis auxilio est 37. Seleuciam,
aliasque urbes in ditionem Venetorum redi-
git; in Cyprum Reipublicæ jussu navigat
38. Scodra obfessâ suppetias venit 39.
- Petrus** Moldaviæ Princeps ob eandem Ludo-
vici Gritti odium incurrit apud Solymanum
145. provincia depulsus, a Joanne R. com-
prehenditur 145. Byzantium missus, exilio
multatur 145. Purpuratos corrumpit 149.
Moldaviam recuperat Solymani gratia; No-
biliore Moldavos interficit 150.
- Petrus** Ormondi Palotæ Præfectus, pene vi-
tam amittit 239.
- Petrus** Perényi partem exercitus in pugna
Mohácsiensis ducit 121. a Solymano Imp.
commendatur Zápolyo R. 128. cum co-
rona regni H. interceptus, ad Solymanum
trahitur 129. equitatu stipatus castra Soly-
mani ingreditur; conatur semet eximere,
potestati Joannis, & Ferdinandi Regum
130. in custodiam conjicitur 131. filium
suum obsidem dat Turcis, ut libertatem re-
cuperet 131. cum Velsio aliquot præsidia
capit; Budam obsidet 150. Rogendorffio
adventum Turcarum significat 151. cum
Brandeburgo Pestum impugnat; Strigo-
nii in arce captivus attinetur; subinde Ne-
apolim Austriæ auctus, vitam finit in vin-
culis 155.
- Petrus** Zrinyi ductu Derenczenii Bani, cum
Bernardo & Joanne Frangepanis Turcas
aggreditur; caeso Joanne Frangepano, Tur-
cæ victoria potiuntur 62.
- Philippus** II. Hisp. R. classem in Africam
mittit contra Dragutem 179. alteram rur-
sum immittit 182. Joannem Austriacum
numerosa cum classe in Asiam expedit 203.
eundem in Africam arma inferre jubet 206.
ejus suspicio de Austriaci ambitione 207.
- Philippus** Emanuel Mercurius, aliis Mercuri-
anus, Dux, supremus armorum Præfectus
Rudolphi R. H. ad Kanisam munitis castris
se tenet; Tartaros procurrentes bis concidit
271. penuria annonæ retrahit copias;
insequentis hostis impetus, sine clade susti-
net *ibid.* Albam Regalem expugnat 273.
cum Hassane Vezirio, prælium feliciter com-
mittit; Norimbergæ obiit *ibid.*
- Philippus** Vilerius Liladamus Magister Equi-
tum Rhod. 107. epistola ejus ad Solymanum II.
Imp. 108. de periculo Rhodi Principes
Christiani nominis admonet 109. defensionem
parat 110. assilientes Turcas retrudit
in

in castra 113. Hispanorum propugnaculum recuperat 114. deliberat, utrum Rhodus dedenda; hostes in pugnam ruentes, rejicit; deditionem facit; supplex adit Solymanum 116. iste ad eum invisit; Liladamus cum quinque millibus partim civium, partim Equitum in Cretam, juris Veneti insulam, navigat 117.

Pialis Vezirius in Africam solvit 179. de Hispanis triumphat 180. altera ejus expeditio in Africam; Melitam impugnat 183. re infecta Byzantium renavigat 186. Selymo Imp. suadet Cyprum invadendam 198. numerosa classe Cyprum petit; Mustaphæ supplicat mittit; excubat adversus Venetam classem 200. exauthoratur; quæ causa? 203.

Pisaurus V. Benedictus.

Pius II. Pont. Christianos Principes in bellum Turcicum incitat 29. moritur 30. grandis summa pecuniæ ab eo relicta, in usum belli Turcici traditur Mathiæ I. R. H. *ibid.*

Pius V. Pont. ob victoriam Aëtiacam festum S. Mariæ de victoria instituit 205.

Poloni a Moldavis, Valachis, & Turcis cæduntur 64. Nobiles partim capti, partim trucidati *ibid.* evastatis suis agris, in tutiora semet recipiunt 66. inde strages Turcarum 67. Osinnanes Imp. in eos bellum molitur 298. castris locatis ad Tyram fluvium, pugna abstinent Poloni 299. repetita clade efficiunt Turcas in castrorum invasione; quantus numerus hostium perierit? pacem cum Osmanne Imp. faciunt *ibid.*

Populatio a Turcis illata Albanis 4. 10. Italianis 36. 43. Hungaris 7. 46. 130. 152. 193. 196. 255. 266. Transylvanis 41. 46. Valachis, Moldavis 53. 42. Peloponnesi 4. 22. 133. Austriis 131. 399. Moravis 154. Dalmatis 41. 71. Styriis, Carinthiis; Fori Julii *ibid.* 71. 73. Podoliis 42. 65. Carniolis 45. 53. Servis 63. Croatis 234. 263.

Prusa urbs fame domatur per Orchanem Principem Turc. 1. in Regiam deligit eandem *ibid.*

Pudicitia amor in Cypria virgine 201.

Pyrhus Purpuratus Solymanum II. disciplina militari excolit 102. persuadet eidem Belgradum oppugnandum 104. epistola ejus ad Magistrum Equitum Rhodiorum 108. militem continenti exponit 110. Rhodum exercitu circumdat 111. Solymanum Imp. Byzantio evocat 111. Italicum propugnaculum machinis quatit 113. in assultu audacissimi sternuntur 114. e consilio Pyrhi Solymanum admonet Rhodios, ut urbem dedant 115.

R.

Raduloni Valachis Transalpinæ Principi auxilia pollicentur Reges Hung. & Polon. 68.

Rasciani Belgradum produnt; contra datam fidem occiduntur 106. cum Nico. Pálffio de Strigoniensi urbe tradenda clam conveniunt; præfidiarios Turcas obtruncant, & fidem exolvunt 242.

Religiosi ordines apud Turcas 61.

Retinus urbs Cretæ per Chairadinem impetratur, sed frustra 143.

Rhegium urbs Calabriae a Chairadine exurit 161.

Imp. Ottom. Tom. I.

Rhodus urbs per Mahometem II. Imp. obsidetur 47. propugnaculum D. Nicolai quatitur; ejus descriptio 48. conatu nullo invaditur *ibid.* rursum obsidetur a Solymano II. Imp.; ejus descriptio 110. deditæ fœda depopulatio 116. prodicione perit 117. Rhodii cives deditionem urgent; eorum oratio ad Liladamum 115.

Rhodii Equites classem in Turcas expediunt 35. ad urbem Ataliam classis Præfectum saxo ictus concidit *ibid.* inimicitia inter Rhodios & Turcas; fœderia Mahomete II. Imp. oblato renunciant; Rhodiæ urbis proditio 47. munitur *ibid.* Zizimum recipiunt 52. insulam præfidiis firmant 70. Tomanbegum machinis bellicis juvant 96. exclusis Rhodiis, Selymus inducias facit cum Christianis Principibus 98. novus eorum M. Magister defensionem parat 108. deliberant de mittendis Oratoribus ad Solum. Imp. 109. numerus militum & Equitum *ibid.* eorum Duces 110. 111. strenue defensant propugnacula *ibid.* erumpunt in hostium opera; invasores repellunt 113. 114. 115. urbs dedita contra pacta, populatione hauritur 116. Equites Cretam insulam petunt. V. Melita &c.

Rhodii nautæ egregium facinus 48.

Roma metu concussa ob Chairadinis classem 161.

Roscetes fratris Muleassis impias manus effugit; a victore Chairadine Byzantium deportatur 136.

Rossa, sive Roxolana Solymani II. Imp. confors, in Mustapham Circassiae filium conspirat 174. eidem, uti & Circassiae, necem accelerat 175. Bajazethi filio favet 177. turbas excitat per Mustapham personatum 177.

Rosvurmus exercitus Dux Budam cingit; ponte Danubii capto, Pestum expugnat, & diripit 274. eruptio præfidiariorum cruenta 275. soluta obsidione Budensi, ad Strigonium metatur; Vacium transfert castra 276. pro pontibus Danubio injectis pugnat, & vincit; quantus numerus caërorum? 277. successorem accipit Georg. Basta.

Rudolphus R. H. Henricum Liechtensteinium ablegat Byzantium cum muneribus; novem annorum inducias pangit cum Amurathe III. Imp. 226. eidem donum mittit per Adamum Popelium 236. bello oborto hunc revocat Comaromio 238. Pálffium, Zrinyium monet, ut bellum apparent; Erdödium jubet Petrinis obsidionem continuare 239. fœdus init cum Sigism. Bathorio Transylv. Princ. 246. Maximiliano Archi-Duci superiorem Hung. commendat 247. Mansfeldium copiarum Ductorem a Philippo II. Hisp. R. impetrat 248. ad pacem conficiendam Pálffium, Joan. Kutassi Metrop. Strigon. Nádasdium mittit 265. absorpta spe pacis, bellum continuat *ibid.* Budam præ Kanisa suadet Clementi VIII. impugnandam 271. interpellatus ab Achmete I. Imp. de pace, Steph. Szuhajum Agrien. Præfulem, Thomam Erdödium, Althanum, Molardum pacis arbitros nominat 280. re infecta discessum 281. negotium pacis Mathiæ Archi-Duci committit 284. pax confit; quibus conditionibus? 285.

Rudolphus, aliis etiam Adolphus, Althan de pace agit cum Turcis 280. 281.

Russia vastata per Turcas 65.

Rustanes Bosniæ Præfæcti Legatus Byzantium legatur; ejus mendax oratio apud Imp. 235.
 Rustanes Solymani II. gener, suadet Joanni Sigism. regnum Hung. armis Turcarum afferendum 154. in Asiam exercitum trajicit; in necem Mustaphæ, filii Solymani conspirat; ambitionis eum accusat 174. exiit præfectura armorum 178.

S.

SAbacsum ad ripam Savi fluminis Turcæ extruunt 40. Mathias I. R. H. illud in ruinam agit 40. instauratum a Turcis vexatur 59. expugnatur 105. ejus ortus & fortuna *ibid.*

Salviatus Melitenium navium gubernator, Methonen interciperet laborat 132.

Safuares Szolnokini Præfæctus ab Hung. & Germ. bis cæsus 225. Bosniæ præfecturæ admotus, agrum Styriæ vicinum urit 229. monetur a suis, ut cautus arma tractet; circumventus a Zrinyio, Balthasare Batthyánio, Franc. Nádasdio, Frider. Trautmanstorffio exercitum perdit 229. Imperatorem donis frustra placare nititur; veneno se enecat 240.

Satergis Mahometes aliquot præsidia obtinet; ad Varadini muros militis sui vires atterit 263.

Scanderbegus V. Georgius Castriotus.

Scanderbegus Possægæ Præfæctus, ad Croatiam vastandam properat; a Batthyánio, Zrinyio, Nádasdio profligatur 225.

Scenderes urbis Byzant. Præfæctus, Selymum II. ad occupandum Imperium evocat 193.

Scodra circumfidetur a Turcis 38. 43. quantum eorum numerus? Scodrenses memorabilem pugnam edunt cæsis XII. millibus Turcarum 44. deditur 45.

Scopia urbs a Bajazethe I. capta 4.

Scrivianus rebellionem concitat in Mahometem III. Imp. 266. socium suum Ussanem vinculum tradit Mehemeti Purpurato; copias Mehemetis mulctat; ope declamantium Sacerdotum copiarum numerum auget 267. Mehemetem pecunia corrumpit 268. rebus florentibus moritur; varia opinio de ejus morte; succedit eidem frater Assanes; qui triennio minorem Asiam turbat 270.

Sebastianus Badovarius Orator Venetus apud Math. R. H. 39. laureatis literis victorias Regis, suæ Reipub. significat 40.

Sebastianus Venerius Corcyræ Præfæctus, Cestriam, seu Suppotoum, Turcis eripit; ad Cretam cunctatur 200. Doria eum deserit 101.

Selymus Bajazethis II. Imp. filius Trapezuntis Præfæctus, spem concipit Imperium obtinendi 82. adversus Hungaros Servix regendæ admoveatur 83. Patris militem suas in partes pellicit; arma corripit in Patrem; vulneratus fugit 83. veneno Patrem interimit 85. Corcuthem & Achomatem fratres suos, & eorum filios occidi jubet 87. 88. 89. in Persas movet; victor evadit stragem haud modicam passus 90. Præfæctos militum morte mulctat 92. in Consavum Ægypti Soltanum copias ducit 93. eo superato, multas urbes deditione accipit, Palæstinam suæ ditioni adjicit; Ægyptum aperit 94. deliberat, an Tomanbegus armis petendus 94. Hierosolymas adit 95. castra

Tomanbegi & Memphim expugnat 97. Tomanbegum post cruciatum & ludibria suspendio necat; inducias facit cum Christianis Principibus, exclusis Rhodiis; Ægypto potitur 98. Damasci in Syria valetudinem curat; apparatus bellicus adversus Rhodios 99. iis in campis extinguitur, in quibus cum Patre manus conferuit 100. mores illius militares *ibid.* M. Alexandri, & Julii Cæsaris res bello gestas crebrius evoluit; avaritiæ notatur; Byzantii tumulo infertur 101.

Selymus Solymani II. filius circumciditur 129. belli artibus imbuitur 152. Iconio præficitur; fratrem Bajazethem acie superat 178. Byzantium iter accelerat Imperium occupaturus; gongiarium dat Janicaris, & turbas sedat; Belgrado funus paternum deducit 195. simulat pacem cum Venetis 197. deliberat, utrum Hispanos, an Venetos bello petat? 198. Venetos aggredi statuit *ibid.* ad Cyprum, Veneti juris insulam, edomandam se vertit 199. classem expedit 200. Cyprum armis obtinet 203. ad Echinadas insulas clade mulctatus, flecto Ulucialis triumpho recreatur 205. novam classem in Christianos armat *ibid.* in Africa suo exercitu urbes subjugat 207. in Melitam bellum apparat 208. moritur; cadaver apud ædem Sophiæ Byzantii sepelitur; ejus mores 208.

Selymus, Regii sanguinis Princeps, seditionem conflat in Asia 266. a Præfecto Aleppi interceptus Byzantii trucidatur 266.

Semendria capta a Bajazethe 4. arx recens extructa per Amurathem evertitur 7. rursum capitur a Mahomete II. Imp. 21. eam claudit castelli Mathias I. R. H. 40.

Servia incurfatur 7. 17. Selymus Bajazethis II. filius ei præficitur 83.

Siaulès, origine Hungarus, Vezirius nominatur 216. dignitatem amittit; cur? 217.

Siculi adolescentis egregium facinus; ejus verba ad Mahometem II. Imp. 36. medius secatur cum sociis 37.

Siculi Transylv. Gritum obsessum tenent 145. ductu Sigism. Báthori Princ. Transylv. cladem inferunt Turcis; Tergovistam, præsidio hostili firmam, expugnant 252.

Sigismundus Báthori Transylv. Princeps, graviter offensus a Vezirio Sinane, fœdere se jungit Rudolpho R. H. 246. Mahometes III. Imp. eum admonet societatis Turcicæ; Moldaviam, & Valachiam pollicetur, si fœdus abruptum 150. Báthori rursum bellum indicit Mahometi 251. Királyio Duce Turcarum exercitum internecione delet *ibid.* Tergovistam subigit, & Buccorestam 252. iterum Turcas fundit 253. copias Regiis conjungit; militem suum ad Keresztes hostium castris admoveat 259. Turcarum procursoribus bis cæsis, spem concipit majoris victoriæ *ibid.* cum Maximiliano Archiduce Mahometem Imp. in apertam fugam conjicit; in direptione castrorum fere victoria corrumpitur; in Transylvaniam redit 260. Temesiam obsidet 262. geminam legationem Mahometis spernit; Transylvaniam Rudolpho cedit *ibid.* armis eam recuperare contendit; a Georgio Basta victus, iterum se abdicat principatu in comitiis 275.

Sigismundus Imp. & R. H. Græcis auxiliatur; ad Nicopolim profligatur 4.

Sigismundus Trautmanstarff Possessum a-grum populatur; cum Zrinyio bina castella evertit ad Dravum 277.

Siklosia arx Turcis deditur 156.

Simon Forgács ad Sajonem fluvium Turcas cædit 242.

Simon Keglevich cum Petro Erdödi, & Mat-thæo Keglevich Turcarum stragem edit ad Kapronczam 188.

Simon Leonius Corcyram defenfat 142.

Sinan Bassa machinis bellicis Persarum aciem arceat 90. in Ægyptum aditum quærit 95. in oppugnatione castrorum cedit; mœror Selymi Imp. 97.

Sinan, sive Sinanes, Purpuratus classe auxilium Draguti in Africa 168. Melitam oppugnat nullo successu; in Africam solvit, ac Tripolim tormentis fractam, in suam potestatem redigit 69. rursus in Africam navigat; Guletam, & Serbellonii munimentum expugnat 207. triumphabundus Byzantinum portum invehitur 208. bello Persico præfectus, cladem accipit; inducias paciscitur cum Persis 114. ortam inter Oratores Hung. & Galliarum R. controversiam decedit; in Persidem ire iussus, quid Imperatori repulerit; in exilium amandatur 215. in aulam revocatus dignitate Vezirii ornatur 219. conspiratio in eum; Vezirii munere exiit 221. tertium fit Vezirius 222. bellum cudit in Hungaros; Mustium veneno suffert 233. Hassanem Bosniæ Præfectum inflammat in Illyros 234. dolor e clade Hassanis 238. infestus Hungariam petit cum exercitu; filium in Bosniam festinare jubet; Vesprium, Palotam expugnat 239. novum exercitum in Hungariam ducit; Tartaros evocat 242. Jaurino affidet; muros subruit 243. copias Christianorum cædit; Jaurinum deditione obtinet 244. captivorum Turc. pedes abluit, & liberos dimittit; Comaromium obsidet; re infesta discedit; triumphum agit Byzantii 245. Bâthorium offendit; quid ab hoc postularit? 246. arma & ultionem suadet Mahometi III. Imp. adversus Bâthorium 250. graviter fert, se Ferhati postpositum; eidem in bello Transylvanico succedit 251. in Valachiam irrumpit; Buccorestam, & Tergovistam capit; castra Confœderatorum impugnat; profligatus, & e ponte lapsus duos dentes amittit; adventu Bâthorii percussus, ad Istrum iter accelerat 252. ejus fama vapulat in aula; fictam epistolam vulgat Ferhatis nomine 253. sublato æmulo Ferhate, moritur; ejus mores, & monitum Imperatori datum 254.

Sinopes urbis descriptio; ea Turcis deditur 23.

Siscia a Turcis circumdata, virtute Nicolai Mikáczi Zagrab. Canon. defenditur 235. rursus obsessa, propugnatur a Blasio Jurako, & Mathia Finticzio Canonicis Zagrab. 237. expugnata per Turcas 239. incensa deferitur, & suis Dominis restituitur 243.

Soczova urbs Moldaviæ ab Alberto Polon. R. obsidetur 64.

Soltana Mahometem III. Imp. filium suum domi retinere adlaborat; artes, quibus id tentavit 257. mœror ejus de morte Imp. falso intellecta; Mamuthem puerum proclamat Imperatorem 261. miscet se Imperii regimini; ad necem postulatur 269. ob Kanisam defensionem in publicum procedit, & æs spargit in populum 273. aula proturbatur 280.

Soltana Solymani II. Imp. confors Ibrahimum Vezirium inculat; ejus mortem accelerat 140.

Solymanus I. Orchanis filius, Mœsiam evastat; Joannis Palæologi militem fugat 2. primus in Europa arcem, Tzypem appellatam, occupat cum aliquot maritimis urbibus; renuit ad preces Græcorum præsidia deducere; Servii devictis, Adrianopolim, & Philippopolim suæ potestatis facit; inter venandum cervicem frangit 3.

Solymanus II. Imp. antea gubernat Amasiam 89. ad Imperium arcessitur 101. a Pyrro Purpurato belli studiis inflammatur; Moscheam, aliaque ædificia extruit 102. apparatus belli in Hung. 103. Belgradum expugnat; ob filii mortem turbæ enatæ in aula 106. ejus mater vulneratur; Rhodum aggredi statuit 107. Rhodum petit; militarem disciplinam instaurat 111. ejus oratio ad milites; juramentum 116. Rhodum obtinet; pacta violat 116. Hungariam invadit 119. in pugna ad Mohács militem suum late diffundit; pugna superior, Budam triumphanti similis intrat 121. fœdus pangit cum Joanne Zápolya R.; in Ferdinandum I. R. H. movet 125. Budam, Jaurinum occupat; Viennam cingit 126. cum clade se Budam recipit; Zápolyium in regno firmat; ejus oratio 128. coronam regni Hung. intercipit, & reddit 129. Mustapham & Selymum insigni apparatu circumcidi curat *ibid.* movet in Hungariam 130. Ginsium frustra impugnat 131. per Muram fluvium copias traducit 142. cum Venetis pacem jungit 146. Ferdinando R. condiciones pacis proponit 147. Oratores Isabellæ R. benigne suscipit 150. in Hungariam festinat; filios suos belli artibus imbuat; Joanni Sigismundo pupillo mittit munera; Budam suo militi committit 152. deliberat, quid de Hungaria statuendum? 153. Isabellam in Transylv. ablegat; pacem negat Ferdinando 154. præfecturas urbium Hungariæ distribuit 158. in Persidem ducit 164. inglorius redit 165. Ferdinandi R. Legatum in vincula conjicit; Isabellæ opem fert 170. Mustapham filium occidi jubet 174. uti etiam Bajazethem 178. triumphantem de Africa classem, tristi vultu excipit; mœror ejus ex morte Roxolanæ 181. Legatum Maximiliani R. H. in custodiam dat; bellum in eum decernit 189. in Hung. expeditionem adornat; salutatur ad Belgradum a Joanne Sigism. 190. Szigethum oppugnat, & moritur 192. mortem celat Mehemetes; ejus Imperatoris artes & vota 193. cadaver Byzantium deferitur; pompa funeris 195. in Moschea, quam erexerat, tumulatur *ibid.*

Solymanus Vezirius Scodram obsessam tenet 38. memorabilis assultus 39. solvit obsidionem Mathia R. in Serviam movente 39. Naupactum & Coccinum incassum fatigat 42. Scodram iterum ad istum destinat 43. invasores animat 44.

Somnium Amurathis III. Imp. & ejus interpretatio 110.

Sophia urbs ab Hungaris direpta 8.

Spahii fugam capeffunt 231. seditionem concitant; Janicsari infestis signis eos circumstant; ad obsequium redeunt 268. cum Janicsaris conspirant; Soltanam ad cædem deponunt 269.

I N D E X.

Stephanus Báthori Polon. R. profugis Tartariæ Principibus hospitium præbet; agente Amurathe III. Imp. eos Byzantium transmittit 216. prius Transylv. Princeps 222. Bekeffium æmulum in fugam compellit 223.

Stephanus Báthori Pro-Rex Hung. castra cum R. Ludovico ad Tolnam facit 105. Balibegum Sirmium vastantem fundit, fugatque 106. in Mohácsienfi prælio latus Regium cingit 120.

Stephanus Báthori Vaivoda Transylv. victoriam de Turcis reportat 46.

Stephanus Bocskai principatum Trans. invadit; in superiore Hung. multos suas in partes attrahit; a Georgio Basta vincitur 282. favore Achmetis I. Imp. insignia principatus accipit; populatur Hungariam, Styriam, Austriam, Moraviam 282. Budam arcessitur Regiis insignibus ornandus; in corona Nobilium Turc. & Hung. coronatur; ejus verba 284. diploma Achmetis eidem traditur; fœderis conditiones 284. Transylvaniam Rudolpho R. H. transcribit; quibus conditionibus? moritur 293.

Stephanus Bosniæ Dominus, Clissam se recipit; in castra Turcarum allectus pelle exuitur 27.

Stephanus Brodericus a Ludovico II. H. R. ad Clementem Papam legatur auxilium petitum 120.

Stephanus Dobó Agriam defensat; mœnia reficit; a Ferdinando I. R. H. Transylvaniæ præficitur 173.

Stephanus Illesházi evincit, ut Ujvárinum Rédejo tradatur, non Mehemeti Vezirio 283. apud Mathiam Archi-Ducem, & Purpuratos multum valet autoritate, gratiaque; pollicetur Cæsareis Legatis, se optimas conditiones pacis obtenturum 285.

Stephanus Lóssonczy Temesia propugnata, Turcas recedentes cædit 170. iterum obsessus, a præfidiariis ad faciendam deditionem adigitur; cum suis contra datam fidem trucidatur 171.

Stephanus Majláth Ferdinandi I. R. H. partes amplectitur 150. in Fogarasiensi arce defensionem parat contra Joannem Regem, qui paulo post fato suo fungitur 150. dolo captus a Præfecto Nicopoleos, ad Proponctidem diem supremum egit 155.

Stephanus Meckskei post Agriam fortiter defensionem, moritur 173.

Stephanus Moldaviæ (& Valachiæ) Vaivoda, Mathiæ I. R. H. cliens, Turcas concidit 40. 42. navim hostilem Ipoliis onustam capit 41. tribus millibus equitum Polonorum firmatus; suas provincias tutatur 53. ab Uladislao II. H. R. in Societatem belli Turcici vocatur 59. poscit Hungarorum auxilium adversus Albertum Polon. R. 63. dolo cum Alberto agit, eumque non mediocri strage atterit 64. Reges Hung. & Polon. ei suppetias pollicentur contra Ottomanos 68.

Stephanus Nyári Legato Gall. R. cedere detrectat 214.

Strigonii arcis claves petit Solymanus II. Imp. 147. Strigonii descriptio 156. subigitur armis Solymani 157. a Mathia Archi-Duce Austriæ obsidione premitur 241. oppidum cum monte S. Thomæ a Pálffy occupatur; solvitur obsidio 242. a Mansfeldio corona cingitur 248. Mathiæ Archi-Duci deditur 250.

Supplicationes Romæ, Venetiis 40. 69. Byzantii 181.

Szegedinum pedites Hungari intercipiunt; opprimuntur ab hoste; mutilantur naribus 171.

Szigetum circumdant Turcæ 175. struem lignorum præfidiarii concremant 176. Solymani armis succumbit 192.

Szikszovienfes avare vexat Ferhates Budæ Præfectus 230. armis se, suasque fortunas tuentur; ope Sigismundi Rákoczii superiores fiunt; numerus cætorum ex utraque parte 231.

T.

TAmernanes, Scythicus Princeps, Bajazethem I. prælio vincit; eundem ferreæ cavæ includit; Asiam deprædatur 5.

Tartari Crimæi se subdunt Mahometi II. Imp. 41.

Tartari Borystene amne merfi 42. per Moldaviam, & Valachiam prædas agunt 53. per Poloniam volitant 65. Hungariam populantur 152. in bellum Hungaricum evocantur 190. in Persia cæduntur 211. Danubium tranant 243. agrum Varadinensem urunt 263. bis cæsi a Mercuriano Duce 271. Poloniarum infestis agminibus percurant 299.

Tata se dat Solymano II. Imp. 157. recuperata, sed male custodita, in potestatem Turcarum venit 186. rursum nostris eripitur 243.

Taurisium, aliis Tauris, urbs Persiæ, Turcas victores agnoscit 137. a Techmase Persarum R. in libertatem vindicatur 139. iterum Turcarum viribus obtentam, Persæ circumfident; Turcæ militari astu usi, eam milite & annona muniunt; unde obsidio soluta 219.

Techelles Dux Persici exercitus, novæ sectæ propagandæ causâ, ad Iconium metatur 82. Orchanem, & Mahometem Bajazethis II. Imp. nepotes pugna superat; Vezirii exercitum delet, & in Persidem victor redit 82.

Techmases Ismaelis Persar. R. filius, in Syria Turcas impetit 137. ad Taurisium urbem pugnæ cupidus castra locat 138. eam repente occupat 139. metu Solymani II. Imp. fugiunt Persæ, urbs vastatur; e Persia recedentes Turcas clade afficit 139. pacem exorat a Solymano 174. Bajazethem filium Solymani ex imperio ejusdem mastrat 178. Ismaelem filium suum Turcas laceffentem, carcere castigat 210. regnum cedit Haidari; mortuo Techmase, Proceres regnum deferunt Hoda-bendi 210. hic privatam vitam ducere mavult 211.

Teffis, seu Tifflis, Georgiæ metropolis, Turcis subditur 210. fame domatur a Persis 214.

Telekessius Veligianem Turcarum Ductorem in fugam compellit 186.

Temesia, sive Temesvárinum, frustra impetita a Turcis 170. iterum obsessa expugnatur 172. incassum eam repetit Isabella 176. Sigismundus Báthorius successu nullo impugnat 262.

Tempeestas maris Trapezuntini Principis classem affligit 24. cladem infert Turcarum navigiis 70. Christianorum 144. 160. 179.

Tergovista, urbs Valachiæ, a Sinane capitur; a Siculis recuperatur 252.

Terræ motus Byzantii, & in Asia 80. strages secuta hominum & ædificiorum; urbs eruinis assurgit *ibid.*

Thaude dissuadet Bajazethi II. bellum Hung. 54. Mamaluchos persequitur; oborta tempestate copias retrahit 55. ad Imp. redit 56. fili-

I N D E X.

am Imp. in uxorem accipit 58. classis Præfectus Naupactum obsellurus abit Byzantio 69. tempestate maris vexatur; pugnam maritimam vitat 70.
 Thessalonica, pulso Veneto præsidio, Amurathi II. cedit 7.
 Thomas Erdödi Pro-Rex Illyrici Turcarum copias disjicit; prædam adimit 227. Monoslo juris Comitum ab Erdöd, iis eripit, & arcem delet 235. ejus castra ab Hassane impugnantur; cladem accipit 236. versa fortuna nobilem victoriam de Hassane reportat ad Sisciam 238. Petriniam obsidet 239. eam cum aliis præsidiis domat 250.
 Thomæ Bakácsii opera, Veneti fœdus iciunt cum Uladislao R. H.; quantum æris promissum? 75.
 Tomann-Begus deligitur Rex Mamaluchorum; arma parat; Selymi Imp. Legatos interficit 74. castra, & Memphim egregie tuetur; victus in interiorem Ægyptum fugit; Legatos Selymi rursus interficit, & bellum magis accendit 97. captus excruciat, postque ludibria suspenditur 98.
 Thomas Cantareus inducias petit a Solymano II. Imp. 145.
 Thomas Illyricus Chalcidem prodere molitur; supplicio afficitur 33.
 Thomas Nádasdi ad Ferdinandum Austriacum mittitur auxilia oratum 120. Budam defensat adversus Solymanum II. Imp. 126. a præsidario milite proditus, deditur cum arce Solymano; libertati redditur *ibid.* Budam defendit 130. memorabili facinore Lippam capit 171. Babocsam cingit; Purpuratum Alym pugna vincit 176.
 Thomas Palæologus Demetrium, fratrem suum, armis infestat 20. mulctatur a Mahomete II. parte Peloponnesi; ejus copiarum minuantur 22. bello fractus Italiam petit; Romæ Pontificis benevolentia fruitur; binos filios Andream, & Manuelem relinquit 23.
 Toletus Hispanorum Dux saucius, in urbem hostilem generoso saltu semet immittit 167.
 Tormentum bellicum inusitatae magnitudinis 13. 21. 44. 48. 112. 255.
 Transylvania diripitur 41. 46.
 Transylvani student rebus Isabellæ; Ferdinandeos Duces castris exuunt 176. quis eorum status, & fortuna? 245.
 Trapezus a Mahomete II. Imp. expugnatur; oppidani Byzantium rapti 25.
 Trapezuntini principatus Demini 23. eum gubernat Selymus 83.
 Trapezuntini Principes discordes 24. supplicio coercentur a Mahomete II. Imp. 25.
 Tripolis urbs Africae; ejus descriptio; impugnatur a Turcis 168.
 Trivisanus, seu Trevisanus V. Melchior.
 Tunctum urbs Africae Chairadinis dolo libertatem perdit 136. a captivis Christianis vindicatur 141. vastatur ab Hispanis 142. Amida eandem obtinet, Abdameleclus Amidam urbe ejicit; iterum eam recuperat Amida, dein Joan. Austriacus. 206.
 Turcarum origo 1. subactio Persarum regno, Græcicum Imperium divexant *ibid.* Venetorum armis vincuntur 5. ad fluvium Unnam, seu Hunnam in Croatia profligantur 53. & in Cilicia 55. consuetudo eorum Mecham, & Hierosolymas visendi 95. solitudinem Ægypti superant *ibid.* quas provincias occuparint 107. 296. Rhodum oppugnant 113. Vienne 128. Tunetanum regnum subjugant Imp. Ottom. Tom. I.

137. gloriantur Albam Regalem sui juris esse 157. &c.

U.

Uilakum Solymano II. Imp. deditionem facit 120.
 Uivarinum a Rédejo Bocskájanarum partium Duce oppugnatur; eidem deditur 283.
 Uladislavus I. R. H. post plures victorias, Amurathem ad pacem adigit 8. juxta Varnam pugna inferior occumbit 9.
 Uladislavus II. R. H. præsidia munit, & Principes Christianos auxilium orat 59. cum fratre Alberto Polon. R. fœdus renovat adversus Turcas 68. inducias pangit cum Bajazethe II. & Selymo 79. 98. sub eo labascit Hung. militaris fortitudo 103.
 Ulucialis Tripolit. Dynasta ad pugnam Pertavem animat; Doriæ triremes aggreditur; fugam capeffit 204. Byzantinum portum triumphans accedit; Selymum Imp. & cives ea scena recreat; maris Præfectus renunciatus, classem auget, & Peloponnesum adit; amittit XI. triremes ad Maleæ promontorium 205. Tunetanam regionem administrat; fugatur ab Austriaco 206. redux in Africam Guletam, & munionem Serbellonii expugnat 207. Tunetonam regionem rursus gubernat 208. Capham navigat, & triumphat Constantinopoli 216. moritur 219.
 Ulumas, alias Ulamas, & Ulamanes, Persa ad Turcas deficit 137. vita periclitatur ob finistram in Persidem expeditionem 139. Budæ obsessæ suppetias fert 151. obtepta victoria ad Budam, in præfectura Budensi confirmatur 152. arces aliquot subigit 156. Velicam expugnat 159. in Hungariam infundit copias; Lippam tutatur 170.
 Usbegus Mamaluchorum Dux, astu militari Turcarum castra occupat 57.
 Ustreffus in obsidione Jaiczæ, cladem patitur 118. Isabellæ subsidio est 150. suadet Solymanum II. Imp. Joannem Sigism. pupillum deportandum Byzantium 153.
 Ussanes seditionem concitat 266. victus traditur Mehemeti; inter cruciatus vitam amittit 267.
 Ustuncassanes clade accepta, militem legit; Muratem cædit 37. victus castra, & filium amittit; quantus numerus cæsorum? 38.
 Utissinovich V. Georgius Martinusius.

V.

VAcium a Ferdinandeis Ducibus captum 150. Turcæ recipiunt 151.
 Valachia vastatur per Turcas 7. fit tributaria Vlado; Mahometes II. armatus eam petit 25. cædes Turcarum in Valachia 40. in eam irrumpunt ibidem 64.
 Valentinus Török Andream Báthori Belgradi præfectura excludit 105. in pugna ad Mohács Regii corporis custos 121. Ferdinando I. R. H. addictus, Szigethi obsideretur 129. Isabellæ copiarum Ductor, in castris Solymani Imp. captivus retinetur 153. eum in libertatem asserere frustra laborat Isabella 154.
 Varadinum Satergis Mahometes oppugnat 263.
 Velica arx Ulumam victorem fatetur 159.
 Veligianes Fülekini Præfectus, a Telekeffio cæsus; supplicium hausto veneno antevertit 186.

I N D E X.

Veneti ob direpta civium suorum navigia, in arma coorti, Turcarum naves vincunt 5. Theſſalonica præſidium deducunt 7. æris ſubſidium mittunt ſcanderbego 10. Byzantio auxilium 12. Argos urbem ſui juris reddunt 58. in Peloponneſo murum erigunt adverſus Turcas; ad Corinthum cladem acceptam, prope Neapolim Turcis reſtituunt; pecuniam Mathiæ I. R. H. ſuppeditant 28. 40. ad urbem Patras opprimuntur a Turcis 30. in deſenſionem Peloponneſi claſſem adornant 32. Ataliam urbem aſſiliunt; Smyrnam populantur 35. ſœdus ineunt cum Uſuncallaſſane 37. caſtra hoſtium capiunt; ſpoliis onuſti cæduntur 43. equitatus Venetus Zacyntho deductus 46. eorum potentia maritima in Aſia; claſſem re omni inſtructam habent 68. maritimum bellum cum Bajazethe II. Imp. gerunt 69. Veneta navis plurimum hoſtilium impetum ſuſtinet 73. ære ſtimulant Uladiſlaum II. R. H. in Turcas 75. ſœdere trium Regum animati, bellum proſequuntur 77. ſub Selymo I. Imp. alta pace fruuntur 142. cauſæ oborti belli inter eos, & Solum. Imp. 142. ab Hiſpanis offenſi, inducias petunt a Solymano; non impetrant 145. pacem faciunt 146. eam confirmat Selymus II. Imp. 197. Byzantium Legatum expediunt Marinum Cavallum, qui pacem ſtabilit *ibid.* deluſi a Selymo, jubentur Cypro inſula decedere 199. deſenſionem parant 200. Cyprum amittunt; pax concluditur 206.

Verantius V. Antonius.

Verba V. oratio.

Vefprimium in hoſtium manus venit 171.

Victor Capellius author eſt Reipub. Venetæ, ut Mathiam I. R. H. in belli ſocietatem adſciſcat 28. claſſe in Eubœam appulſus, Lariffam, Aulidem, Athenas capit; pugna inferior nunquam poſtea riſiſſe viſus eſt; mœrore animi Chalcide contabefcit 30.

Vidinum a Bajazethe I. captum 4. ſubinde ab Hungaris 79.

Vienna cingitur a Solymano II. Imp. 126. Numerus præſidiariorum, & Duces; ſuburbia exuſta; præſidarii cum clade hoſtium erumpunt 127. ſubinde iſtis clades inferitur 128. inſaſores cæduntur, obſidione libera tur *ibid.*

Vincentius Capellius Venetæ claſſis Præſectus, pugnam Doriæ ſuadet 144.

Vincentius Gregoróczy Gezteſiam arcem dedicatione obtinet; redditur Turcis volente Rudolpho 231.

Viſſegradi deſcriptio; expugnatur; præſidarii perimuntur 158. per Mathiam Archi-Ducem recuperatur 250.

Vladus Dracula bellum Turcis indicit; Legatos Mahometis II. Imp. interficit 25. caſtra Mahometis ſtrage complet; ejus Duces vincuntur; principatu Valachiæ deſectus, in carcere Budenſi caſtigatur 26.

Vuccus Brankovich in Amurathem I. copias educit; ſiſis Serviis captus, vitam perdit 3.

Vukaffinus Serviæ Rex, Solymanum I. fere in Aſiam retrudit; ſubinde ad internecionem caſus 3.

X.

Xiſtus IV. ſœdus procurat, & init adverſus communem hoſtem 34. naves in Aſiam mittit Mocenico 35.

Z.

Zacynthus inſula per Turcas evaſatur 202.

Zái V. Franciſcus.

Zambardis V. Gaſalis.

Zápolya V. Georgius Jcannes.

Zeſebis V. Calender.

Zeſebis Iſchender, ærarii Præſectus peculatus reus ſuſpenditur 139.

Zenial Perſar. R. filius, in oppugnandis caſtris occiditur 38.

Zenus V. Catharinus.

Ziangir Muſtaphæ occiſi frater, ferro ſe interimit 174.

Zizimus, ſive Gemes fratrem Bajazethem II. invadit 51. bis victus, ad Rhodios Equites ſe recipit cum uxore, & liberis; ejus epistoſa ad fratrem; eum ſibi mitti poſtulat Mathias R. H. 52. mittitur Romam ad Innocent. VIII. Pont. *ibid.* ab Alexandro VI. Carolo VIII. Gall. R. tunc Neapolitanum regnum petenti donatur 53. metus Turcarum a Zizimo 54. veneno propinato a Muſtapha Bego vivere deſiit; ejus ſuperbia 61.

Zrinyi V. Georgius, Nicolaus, Petrus.

FINIS INDICIS TOMI PRIMI.

